

দাদু

শ্রীক্ষিতিমোহন সেন



বিশ্বভারতী গ্রন্থালয়
২১০ নং কণ্ঠওয়ালিস স্ট্রীট, কলিকাতা

বিশ্বভারতী গ্রন্থালয়
২১০ নং কর্ণওয়ালিস ষ্ট্রীট, কলিকাতা
প্রকাশক—শ্রীকিশোরীমোহন সঁাতরা

দাদু

প্রথম সংস্করণ

...

বৈশাখ, ১৩৪২

মূল্য—৪/-

শান্তিনিকেতন প্রেস, শান্তিনিকেতন, (বীরভূম)
প্রভাতকুমার মুখোপাধ্যায় কর্তৃক মুদ্রিত ।

এক যুগের কবি-গুরু

শ্রীশ্রীদাদুর বাণী

অন্য যুগের কবি-গুরু

শ্রীশ্রীস্বামীপ্রদনাথকে

তাঁহার ৭৫তম জন্মদিনে

শ্রদ্ধা র অর্ঘ্য দিলাম।

২৫শে বৈশাখ,

১৩৪২ বাং।

প্রহ্লাদ

সূচীপত্র

ভূমিকা (রবীন্দ্রনাথ ঠাকুর)	১	১৬।	নবভক্তি ধর্মপ্রবর্তক	
উপক্রমণিকা	১১		রামানন্দ	৩৪
জীবনী পরিচয়	১১	১৭।	বৃদ্ধানন্দ কথা	৩৪
১। জন্মস্থান	১১	১৮।	দাদুর পর্যটন ও ধর্মের	
২। জন্মকাল	১২		নানা স্তর অতিক্রম	৩৫
৩। দাদুর জাতি	১৩	১৯।	ধর্মের ঐক্য ও	
৪। সম্প্রদায় স্থাপন বিরোধী			একাকারের পার্থক্য	৪০
গুরু কমাল	১৩	২০।	কথিত ভাষার প্রতি	
৫। দাদুর জন্ম ব্যাপারে			অনুরাগ	৪০
অলৌকিক আরোপণ	১৬	২১।	দাদুর ব্রহ্মসম্প্রদায়	৪২
৬। দাদুর নানাস্থানে অবস্থিতি	১৬	২২।	অতি প্রাকৃতে অনাস্থা	৪৭
৭। বাংলায় দাদুর পরিচয়	১৭	২৩।	স্বাধীন সাধনা ও পরিচয়	৫৫
৮। দাদুর পূর্ণাঙ্গ সাধনা	২২	২৪।	অলখ দরীবা	৫৭
৯। জনগোপাল বিবৃত		২৫।	ভগবানের মধ্য দিয়া	
দাদুর জীবনী	২৩		সর্বমানবের সঙ্গে যোগ	৫৮
১০। বিভিন্ন ধর্মের সঙ্গতি	২৫	২৬।	গুরু অন্তরে	৬০
১১। বিপক্ষদের কূট আঘাত	২৭	২৭।	শিষ্যদের সঙ্গে যোগ	৬১
১২। দাদুর ক্রমা	২৮	২৮।	জগজীবনের সঙ্গে পরিচয়	৬২
১৩। দাদুর সঙ্গে স্তম্ভের যোগ	২৯	২৯।	সৃষ্টি সম্বন্ধে প্রশ্ন	৬৩
১৪। জীবনীর সার নিষ্কর্ষ	৩০	৩০।	মুসলমান তাক্বিক	৬৫
১৫। কমাল দাদু যোগ	৩১	৩১।	বশীকরণ প্রার্থিনী তরুণী	৬৫

৩২।	শক্তির সূচিতা	৬৬	মতবাদের ব্যর্থতা	১০১
৩৩।	কাল ও ভাবের প্রতি অপক্ষপাত	৬৬	শাস্ত্রের ব্যর্থতা	১০২
৩৪।	দাদুর পুত্র কন্যা	৬৮	তীর্থাদির ব্যর্থতা	১০২
৩৫।	খ্যাতি ও লোকের ভিড়	৬৮	পূজা নমাজের ব্যর্থতা	১০২
৩৬।	সম্রাট মিলন প্রার্থী	৬৯	মিথ্যাচারের ব্যর্থতা	১০৩
৩৭।	বাহু সহায়তার উপেক্ষা	৭১	হিংসা ছাড়া চাই	১০৩
৩৮।	সাকরীতে শিষ্যদের সঙ্গে প্রস্থোত্তর	৭২	ফলকামনা ছাড়া চাই	১০৪
৩৯।	দাদু আকবর সংবাদ	৭৩	ছুনীতি ছাড়া চাই	১০৪
৪০।	তাত্ত্বিক ও শুকপাখা	৭৬	গৃহধর্ম	১০৪
৪১।	দাদু ও রাজা ভগবন্ত দাস	৮০	দীপ্ত জীবনের সহজ প্রচার	১০৫
৪২।	জীবনের শেষকাল	৮২	ধর্মের যোগ দৃষ্টি	১০৬
৪৩।	দেহত্যাগ	৮৩	অনিরুদ্ধ যুক্তিভাব	১০৮
	দাদুর স্বকথিত সাধনার পরিচয়	৮৪	“অহম্” ক্ষয় করা চাই	১০৮
৪৪।	সাধনার পরিচয়	৮৪	সেবা সাধনা	১০৯
	সহজ পথ	৮৬	মন স্থির করা চাই	১০৯
৪৫।	গুরু ও সাধু	৯১	ইন্দ্রিয়দের প্রবুদ্ধ করা চাই	১১০
৪৬।	সহজ ও শূন্য বি	৯১	নম্র হওয়া চাই	১১০
৪৭।	সংকৃত নহে, ভাষাই আশ্রয়	৯৬	তাহার বিধান জানা চাই	১১১
	মিথ্যার পূজা	৯৭	শরণাগত হওয়া চাই	১১১
	মনের চঞ্চলতা	৯৮	বিশ্বাস চাই	১১১
	সম্প্রদায়ের ব্যর্থতা	৯৯	উদ্বম চাই	১১১
	বাহু শক্তির ব্যর্থতা	১০০	তাহার উদ্বম প্রচ্ছন্ন	১১২
	ঋদ্ধি সিদ্ধির ব্যর্থতা	১০০	সাধকের বীরত্ব	১১২
	ভেখের ব্যর্থতা	১০০	প্রার্থনা	১১২
			মন্ত্র	১১৩
			জাপ	১১৪
			জপমালা	১১৪
			ধ্যান	১১৪

ভক্তি	১১৫	৫৬। মুসা ও মহম্মদ	১৩৭
ব্যাকুল প্রার্থনা	১১৬	জয়দেব	১৩৮
শুদ্ধ প্রেম	১১৮	প্রেম যোগ	১৩৮
রস-সংযম	১১৮	দাদুর শিষ্য পরিচয়	১৪১
সত্য গোপন অসাধ্য	১১৯	৫৭। রজ্জবজী	১৪১
বিশ্ব মৈত্রী	১২০	৫৮। বনওয়ারাদাস	১৪২
সর্বত্র পরমগুরু	১২০	৫৯। সুন্দরদাস	১৪৩
অন্তরে পরম গুরু	১২১	৬০। সুন্দরদাস (ছোট)	১৪৪
বিশ্বলীলা	১২১	৬১। প্রয়াগদাসজী	১৪৯
অবতার	১২২	৬২। গরীবদাসজী ও	
সেবা	১২৩	মস্কনদাসজী	১৫০
অশ্রুঃ সঞ্চয়	১২৪	৬৩। মাধোদসজী ও	
অনভব-আনন্দ	১২৫	শঙ্করদাসজী	১৫২
সঙ্গীতের মূল উৎস	১২৫	৬৪। জনগোপালজী	১৫২
আনন্দের সৃষ্টি	১২৫	৬৫। জগজীবন .	১৫৩
পরম বিশ্রাম	১২৬	৬৬। মোহনজী, জগ্গাদাসজী	
শিষ্যদের কাছে প্রাপ্ত		ও অগ্ণাণ ভক্তগণ	১৫৩
দাদুর বর্ণনা	১২৭	দাদু সম্পর্কীয় গ্রন্থমালা ও	
৪৮। সুন্দর দাস	১২৭	বিশেষজ্ঞগণ	১৫৫
৪৯। ক্ষেত্রদাস	১২৮	সাম্প্রদায়িক বর্ণ ও	
৫০। রজ্জবদাস	১২৮	সাধকবর্গ	১৬০
৫১। গরীবদাস ও জাইসা	১২৯	দাদু সংগ্রহ পরিচয়	১৬৪
দাদুর বর্ণিত পূর্ব		৬৯। বাণীর সংখ্যা	১৬৪
ভাগবতগণ	১৩১	৭০। বাণী বিভাগ	১৬৮
৫২। সাধক নাম পরম্পরা	১৩২	উপক্রমণিকা পরিশিষ্ট	
৫৩। কবীর	১৩৩	(শূন্য ও সহজ)	১৭৯
৫৪। নামদেব	১৩৪	নিবেদন	১৯৯
৫৫। মুসলমানী প্রভাব	১৩৫		

দাদুবাণী	২০১	ভক্তের শোভা	২২১
প্রথম প্রকরণ—জাগরণ	২০১	সত্য সাধু কে ?	২২২
প্রথম অঙ্গ—গুরু	২০১	সামনাতে মিথ্যা আচরণ	২২২
প্রবেশক	২০১	সেবায় ও সেবকের রহস্য	২২৩
গুরুর অঙ্গ	২০৩	সেবাতেই স্বীকার	২২৪
বাণী	২০৩	সাদুই বিশ্বাস ও শাস্তি	২২৪
কেমন গুরু মিলিলেন	২০৫	প্রভু সেবকের সহায়	২২৫
গুরু আসিয়া কি করিলেন	২০৬	ভক্ত ব্রহ্ম প্রদীপ	২২৫
আপন প্রদীপ জ্বাল	২০৭	ব্রহ্ম ঐশ্বর্যে সাদুর	
মধ্যেই আছে	২০৮	ঐশ্বর্যবান	২২৬
অস্তরের উপলক্ষের উপায়	২০৮	ব্রহ্ম হইতেও সাদু সবস	২২৭
সামনায় দেখিতে হইবে	২১০	তৃতীয় অঙ্গ—চেতরনৌ	২২৯
প্রতি হৃদে অমৃত	২১০	দ্বিতীয় প্রকরণ—	
দয়ার বেদন	২১৪	উপদেশ	২৩১
কুশিষ্টা	২১৪	প্রথম অঙ্গ—নিন্দা	২৩১
কুগুরু	২১৫	দ্বিতীয় অঙ্গ—	
পণ্ডিত পথ ভ্রাম্য	২১৬	স্বরাতন	২৩৫
সত্য বিস্তৃত বচনা নহে	২১৭	মৃত্যুকে স্বীকার	২৩৫
দ্বিতীয় অঙ্গ—সাদু	২১৭	আমার পক্ষেও সম্ভব	২৩৫
ভাব এবং ভক্তি		বীরেরই লভা	২৩৬
প্রত্যক্ষরূপ সাদু	২১৭	গুরুসর হও	২৩৬
রূপ ও ভাবের পরস্পর		বীর বাধাহীন	২৩৭
পূজা	২১৮	প্রভু কাছে উৎসর্গ	২৩৮
সাদুর মাহাত্ম্য	২১৯	উৎসর্গে ধন্য হও	২৩৯
সঙ্গীতের ব্যথা	২১৯	মরণই ধন্য	২৪০
সাদু সঙ্গ অপাখিব	২২০	বীরত্ব অস্তরে	২৪১
সাদুর সঙ্গ নাশ্তি	২২০	স্বামীই আশ্রয়	২৪১
ভক্তের মহিমা	২২১	ভগবানই বল	২৪২

তুমিই বল	২৪২	তৃতীয় প্রকরণ—	
তৃতীয় অঙ্ক—পারিখ	২৪৩	তত্ত্ব	২৬৪
অন্তর পরীক্ষা	২৪৪	প্রথম অঙ্ক—কাল	২৬৪
অন্তর পরিচয়	২৪৫	সবই অনিত্য	২৬৪
সত্য পরীক্ষণীয়	২৪৫	মৃত্যু সর্বগ্রামী	২৬৫
অভেদে ভেদবুদ্ধি	২৪৬	রক্ষক ভগবান	২৬৬
ছুঃখের পরণ	২৪৭	প্রেমে মৃত্যুজয়	২৬৭
চতুর্থ অঙ্ক—দয়ানিবৈরতা	২৪৮	মৃত্যু মনে	২৬৭
সারমত	২৪৯	প্রভু কালের কাল	২৬৮
বৈরের স্থান কোথায় ?	২৫০	দ্বিতীয় অঙ্ক—সাচ	২৬৯
সবাই ভাই	২৫০	প্রণতিই সত্য	২৬২
ঐক্যই সত্য	২৫১	শাস্ত্র অস্তরে	২৭২
মানব দেহ দেবমন্দির	২৫১	দেহই মন্দির	২৭৩
অহিংসা	২৫২	নিত্য ভক্তি	২৭৩
মানবের মধ্যস্থ সাধনা	২৫৩	সত্য মুসলমান	২৭৪
পঞ্চম অঙ্ক—জীবিত মৃত	২৫৪	কাফের কে ?	২৭৪
মহা ভূতের সাধনা	২৫৭	মিথ্যা দলাদলি	২৭৫
অমৃতত্ব লাভ	২৫৭	সেবক দলাদলির অতীত	২৭৬
অহমই বাপা	২৫৮	দলের অধীনতা	২৭৭
সহজ হও	২৫৯	দলের বহির্ভূত	২৭৮
মরণের পূর্ণানন্দ	২৫৯	তার বাণী বল	২৭৮
এই মরণ কেমন ?	২৬০	সাধন চাই	২৭৯
এই মরণের লক্ষণ	২৬০	নামেই ভক্ত	২৭৯
এই মরণ হয় কখন ?	২৬০	বার্থ বাক্য	২৮০
এই মরণই সাধনীয়	২৬০	বার্থ পাণ্ডিত্য	২৮১
কবে ছুঃখ ঘুচিবে ?	২৬১	মিথ্যা অচল	২৮২
সাধনার ধন	২৬২	আত্ম দৃষ্টি চাই	২৮২
অভয়	২৬২	মিথ্যা পূজা	২৮৩

অস্তুরবাসী	২৮৪	উপযুক্ত ভেগ	৩১৪
সত্যই সরল	২৮৫	দ্বিতীয় অঙ্গ—মন	৩১৫
সত্যই গ্রহণীয়	২৮৫	মন বশীকরণ	৩১৮
সেবক দলের অতীত	২৮৬	প্রেমেই স্থিরতা	৩১৯
সত্য সাক্ষ্য	২৮৭	ব্যর্থ জনম	৩২০
তৃতীয় অঙ্গ—বিচার	২৮৯	সাক্ষা উপদেশ	৩২১
জীবনে ব্রহ্মরূপ	২৯২	দারিদ্র্য ভঞ্জন	৩২২
অসীম ও অসম্পূর্ণ	২৯২	মন শুদ্ধীকরণ	৩২৩
সীমা-অসীম	২৯৩	চঞ্চলতার স্বপ্ন	৩২৪
প্রেম যোগ	২৯৪	প্রেমেই জীবন	৩২৫
অন্তরেই প্রেমলোক	২৯৪	পদস্মলন	৩২৬
দেহ দুঃখ প্রতীকার	২৯৫	মনের দুর্বলতা	৩২৭
নিভা অগ্নির সাধনা	২৯৬	মনের মন	৩২৭
রহস্য ভেদ	২৯৬	মন সহায়	৩২৮
চতুর্থ অঙ্গ—কস্টুরী মৃগ	২৯৮	তৃতীয় অঙ্গ—মায়া	৩২৯
বস্তু অন্তরে	২৯৮	তিনিই সত্য	৩৩৩
জড়ত্বের বাধা	২৯৯	মায়াকে উপেক্ষা	৩৩৪
পঞ্চম অঙ্গ—সবদ	৩০১	কামনার অন্তর্চিতা	৩৩৪
ব্রহ্ম স্তরের জগৎ	৩০২	কামনার ভরসা তিনি	৩৩৫
ওঁকার সর্কর্মূল	৩০৩	কামনার বিকার	৩৩৬
চতুর্থ প্রকরণ		ভগ্ন সাধু	৩৩৭
সাম্প্রদায়	৩০৬	অপ্রাপ্য প্রার্থনা	৩৩৭
প্রথম অঙ্গ—ভেগ	৩০৬	মায়ার পেল	৩৩৮
বস্তুই মার	৩০৮	মায়া দেবতা	৩৩৯
শ্রেষ্ঠতা কিসে ?	৩১০	মিথ্যার সাধনা	৩৪০
প্রেমের ভগবান	৩১১	ভক্ত নিস্পৃহ	৩৪১
মিলনের সাক্ষা সাধনা	৩১১	সহজ জীবন	৩৪১
যোগ অন্তরে	৩১৩	চতুর্থ অঙ্গ—স্বল্পজনম	৩৪৩

পঞ্চম অঙ্গ—উপজ	৩৪৫	৩। তোমার প্রসাদ	৩৭৫
অহমিকার ক্ষয়	৩৪৭	৪। নির্ভর কর	৩৭৬
ভক্তির বিনয়	৩৪৮	দশম অঙ্গ—মধ্য	৩৭৮
তাঁর দয়া	৩৪৮	১। মধ্য ধর	৩৮২
তাঁর আজ্ঞার অবতরণ	৩৪৮	২। সহজ ধাম	৩৮৩
ষষ্ঠ অঙ্গ—নির্গুণ	৩৪৯	৩। অপরূপ ধাম	৩৮৫
গ্রহণের অক্ষমতা	৩৫০	৪। ধাম অন্তরে	৩৮৫
অকৃতজ্ঞ	৩৫০	৫। তাঁকে চাই	৩৮৬
সপ্তম অঙ্গ—তৈরাণ	৩৫২	৬। স্বামীর সঙ্গ	৩৮৭
অবর্ণনীয়	৩৫৫	৭। মুক্তির উপায়	৩৮৯
অপরিমেয়	৩৫৫	৮। সংসার ধারা	৩৮৯
অগম্য	৩৫৬	একাদশ অঙ্গ—সায়গ্রাহী	৩৯০
পরিচয়	৩৫৬	১। সাধক সারগ্রাহী	৩৯১
ব্রহ্মানন্দ	৩৫৭	২। সাক্ষা আগমন	৩৯২
সৃষ্টির রহস্য	৩৫৮	৩। একমেবাদ্বিতীয়ম্	৩৯৩
অষ্টম অঙ্গ—বিনতী	৩৫৯	দ্বাদশ অঙ্গ—সুমিরণ	৩৯৩
১। অনন্ত দোষে দোমী	৩৬৩	১। নাম জপের ক্রম	৪০৪
২। রক্ষা কর	৩৬৪	২। নাম মহিমা	৪০৫
৩। শরণাগত	৩৬৫	৩। নাম সর্বব্যাপী সর্বাশ্রয়	৪০৬
৪। ভরসা	৩৬৬	৪। নাম বিনা সবই যায়	৪০৮
৫। ভ্রষ্টের পতন	৩৬৭	৫। নামই সব	৪০৮
৬। সৌন্দর্য প্যালায় প্রেমবস	৩৬৮	৬। সর্বভাবে নাম কর	৪০৯
৭। তোমার দয়া	৩৬৯	৭। অতুলন নাম	৪১০
৮। তোমার ইচ্ছা পূর্ণ হোক	৩৬৯	৮। নাম সর্বসিদ্ধি	৪১১
৯। প্রার্থনা	৩৭০	৯। বিশ্ব দীপ্ত নাম	৪১২
নবম অঙ্গ—বিশ্বাস	৩৭১	১০। অন্তর বাধা	৪১৪
১। বিশ্বাস কর	৩৭৩	১১। নামেই সব আছে	৪১৫
২। নিশ্চিন্ত	৩৭৪	১২। সহজ সুমিরণ	৪১৫

১৩। তনু-মালা	৪১৭	৫। বিশ্বব্যাপী জরণ	৫৪৭
১৪। আত্মার স্মরণ	৪১৭	দ্বিতীয় অঙ্গ—পবচা	৪৪৯
১৫। রূপমালা ও কর্মজাপ	৪১৮	১। অসীম প্রকাশ	৪৫৮
ত্রয়োদশ অঙ্গ—লয়	৪১৯	২। শূন্য হইয়া মৃত্যু পব	৪৫৯
১। লয়ের পরগ	৪২২	৩। তাঁহাকে দেখ	৪৬০
২। চেতনাই ভাবমার্গ	৪২৩	৪। যোগ সর্বোবর	৪৬১
৩। পরমাত্মার লীন হইয়া		৫। দৃষ্টি যোগ	৪৬১
লীলা দেখ	৪২৩	৬। তিনি কল্প বৃক্ষ	৪৬২
৪। ভাবই স্তম্ভিবণ,		৭। দরশনোৎসব	৪৬৩
ভাবই সাধনা	৪২৪	৮। অন্তঃস্বই গুরু শাস্ত্র-সাধনা	৪৬৪
৫। তাঁহাকে আত্মালয় কর	৪২৫	৯। ক্রমকমল যোগ	৪৬৪
৬। দৈর্ঘ্য পব	৪২৫	১০। মৃগয় চিগ্নয়	৪৬৫
চতুর্দশ অঙ্গ—সজীবন	৪২৭	১১। যোগ্যের যোগ উৎসব	৪৬৬
১। প্রেম যোগ	৪৩০	১২। অন্তরে অনন্ত আরতি	৪৬৭
২। মৃত্যুজয়	৪৩১	১৩। অন্তরেই ভক্তি	৪৬৮
৩। তাঁহার সঙ্গই অমৃত	৪৩২	১৪। সেবা রহস্য	৪৬৯
৪। মৃত্যুজয়ী	৪৩৩	১৫। জীব ব্রহ্ম পরম্পরের দৃষ্টি	৪৭০
৫। জীবন থাকিতেই সাধনা	৪৩৭	১৬। ভক্তিতে ব্রহ্মসাম্য	৪৭০
৬। মৃত্যুর পবে হইবার		১৭। উভয়ে উভয়ের রস রসিক	৪৭১
আশা নাই	৪৩৫	১৮। খুঁজিলেই পাইবে	৪৭২
৭। জীবন্তেই বিশ্বসাধনা	৪৩৬	১৯। নিত্য প্রেম-খেলা	৪৭৩
পঞ্চম প্রকরণ		২০। নিরন্তর খেলা	৪৭৪
পরিচয়	৪৩৭	২১। কমলরসে মত্ত ভ্রমর	৪৭৪
প্রথম অঙ্গ—জরণ	৪৩৯	২২। বাণীমূল গীতমূল	৪৭৫
১। অপ্রকাশ জরণ	৪৪৫	২৩। রসে মত্ত	৪৭৫
২। ব্রহ্মরস জরণ	৪৪৫	২৪। মত্তরসে মগ্ন	৪৭৬
৩। জরণ রস	৪৪৬	২৫। মুক্তি	৪৭৭
৪। ঝরিলেই বিনাশ	৪৪৭	তৃতীয় অঙ্গ—অবিহড়	৪৭৮

চতুর্থ অঙ্ক—সাক্ষীভূত	৪৭৯	৬। প্রেমের ব্যথা ধন	৫০৮
১। তিনি কর্তা জীব সাক্ষী	৪৮০	৭। বিরহ দহন	৫০৯
২। অন্তরের সাক্ষ্য	৪৮১	৮। শাস্তি নাই	৫১১
৩। পূজার খেলা	৪৮১	৯। প্রতিকার নাই	৫১২
পঞ্চম অঙ্ক—বেলী	৪৮২	১০। বাক্য বৃথা	৫১৩
১। আত্মাবলী	৪৮৪	১১। বিরহ চাই	৫১৩
২। ব্যর্থ বর্ষণ	৪৮৫	১২। প্রেমের শত্রু	৫১৪
৩। অমৃতকল বিশ্ব যোগরসে	৪৮৫	১৩। বিরহের সাধনা	৫১৪
ষষ্ঠ অঙ্ক—সমর্থাই	৪৮৬	১৪। যথার্থ বিরহ	৫১৫
১। তাহার শক্তিতেই সব	৪৮৭	১৫। বিরহ যোগ পাবক	৫১৬
২। সাক্ষীভৌম শক্তি	৪৮৮	১৬। তিনি ভরসা	৫১৭
৩। তিনিই পরিচয় দাতা	৪৮৯	১৭। বিরহ স্বরূপ	৫১৭
৪। ভরপুর দিবার খেলা	৪৯০	১৮। প্রেমে স্বরূপ বদল	৫১৭
৫। স্থা	৪৯১	১৯। ধরিত্রীর প্রেম সজ্জা	৫১৮
সপ্তম অঙ্ক—পীর পিছাগ	৪৯১	দ্বিতীয় অঙ্ক—সুন্দরী	৫১৯
১। স্বামীকে বরণ	৪৯৩	১। জাগ	৫২২
২। গুরু নিতা		২। এস	৫২২
৩। অবতার	৪৯৪	৩। তাঁর পরসেও কেন জাগি	
৪। তোমার সেবা	৪৯৫	নাই	৫২৩
ষষ্ঠ প্রকরণ		৪। তিনি বিনা জীবন ব্যর্থ	৫২৩
প্রেম	৪৯৭	৫। প্রিয়তমকে বরণ	৫২৪
প্রথম অঙ্ক—বিরহ	৪৯৭	৬। অনন্তকলায় সেবা	৫২৪
১। বিরহিণীর বেদনা	৫০৩	৭। মুক্তির ঘোষণা	৫২৫
২। নিরবসান দুঃখ	৫০৪	তৃতীয় অঙ্ক—নিহকরমী	
৩। আকাজ্জ্বল্য ধন	৫০৫	পতিব্রতা	৫২৬
৪। ব্যর্থ জীবন	৫০৬	১। তুমিই পরিচয়	৫৩২
৫। তোমা ছাড়া		২। তিনিই সর্বস্ব	৫৩২
কিছুই চাই না	৫০৭	৩। তিনিই নির্ভর	৫৩৩

৪।	নিকাম যোগ	৫৩৪	রাগ ভাঁগমলী	৫৬৯
৫।	তিনি ছাড়া সব মিথ্যা	৫৩৫	রাগ নটনারায়ণ	৫৭০
৬।	তিনি নাথার প্রতিকার	৫৩৬	রাগ গুণ্ড	৫৭৩
৭।	মূলাধার আশ্রয়	৫৩৬	রাগ বিলাসল	
৮।	কৃপাতেই মুক্তি	৫৩৭	রাগ বসন্ত	৫৭৬
৯।	সত্য যোগ নিকাম	৫৩৮	রাগ টোড়ী	৫৭৭
১০।	পাতিব্রত	৫৩৯	রাগ ধনাত্মী	৫৭৮
১১।	সহজ সাধন	৫৪০	সর্ব-বিশ্ব-আরতি	৫৮১
১২।	মধুর সাধনা, তারই সঙ্গে	৫৪১	সর্ব-কাল আরতি	৫৮২
১৩।	প্রেম রসই চাই	৫৪২	প্রশোভনী	৬৮৪
১৪।	পরম পুরুষ স্তব	৫৪২	মাধুকরী	৫৯৩
সব্দ (সঙ্গীত)		৫৪৪	পথের গান	৬১০
রাগ গোড়ী		৫৪৫	সহজ ও শূন্য	৬১২
রাগ মালীগোড়		৫৫১	সীমা ও	
রাগ কান্হড়া		৫৫৩	অসীম	৬৩১
রাগ খেমারী		৫৫৪	দাদু ও রহীম	
রাগ মারু		৫৫৬	খান খান	৬৪৬
রাগ রামকলী		৫৬১	তখনার সন্তমত	
রাগ আসাবরী		৫৬৬	সাম্বন্ধে ভক্ত তুলসী-	
রাগ গুজরী (দেবগন্ধার		৫৬৭	দাসক্রী	৬৫৪

ভূমিকা

অপেক্ষাকৃত আধুনিক কালের হিন্দী কাব্যসাহিত্য পড়তে গিয়ে দেখা গেল হিন্দুস্থানী খেয়াল-টপ্পার মতোই তার তান তার মানকে কেবলি ছাড়িয়ে গিয়েছে। অলঙ্কারই হয়েছে লক্ষ্য, মূর্তিটি হয়েছে উপ-

কবি সত্যকে যখন উপলব্ধি করেন তখন বুঝতে পারেন সত্যের প্রকাশ হচ্ছেই সুন্দর। এই ক্ষেত্রে তখন তিনি সত্যের রূপটিকে মুয়েই পড়েন তার অলঙ্কারের আড়ম্বরে মন দেন না। বৈষ্ণব-পদে পড়েছি, ঝাঁ

মিলন চান, তখন গলার হারগাছির আড়ালটুকুও তাঁর নয় না। তার মানে,

ই তাঁর কাছে একান্ত সত্য; সেই সত্যকে পেতে গেলে অলঙ্কার শুধু যে বাধা, তা নয়, তা বাধা।

সংসারে যেমন, সাহিত্যেও তেমনি, বিষয়াসক্ত লোক আছে। বিষয়ী লোকের লক্ষণই এই যে, তারা সত্যকে পায় না ব'লেই বস্তুকে নিয়ে বাড়া-বাড়ি করে সাহিত্যেও রস জিনিষটার প্রতি যদি স্বাভাবিক মরদ না থাকে তাহলেই কৌশলের পরিমাণ নিয়ে তার দর যাচাই চলে। রসটা সত্যের আপন অস্তবের প্রকাশ, আর কৌশলটা বাহিরের উপসর্গ, তাই নিয়ে বাহিরের হিন্টা ভিতরের সত্যকে ছাপিয়ে আপন গুমর করে। এতে রসিক লোকে রা ড়িত হয়, বিষয়ী লোকে রা বাহবা দিতে থাকে।

আমার অপরিচিত হিন্দীসাহিত্যের মহলে কাব্যের বিশুদ্ধ রসরূপটি যখন জ্বলিতুম, এমন সময় একদিন ক্রিতিমোহন সেন মশায়ের মুখ থেকে বম্বল-গোর কবি জ্ঞানদাসের দুই একটি হিন্দী পদ আমার কানে এল। আমি লে উঠলুম, এই ত পাওয়া গেল। খাঁটি জিনিষ, একেবারে চরম জিনিষ, র উপরে আর তান চলে না।

অলঙ্কারের স্বভাবই এই যে, কালে-কালে তার বদল হয়। এক সময় রাজারে একরকম ফ্যাশানের চলতি, আর-একসময় আর-একর পাত্তা দাবেক কালে অমুপ্রাসের, বক্রোক্তির খুবই আদর ছিল। এখন তার

আভাস চলে, কিন্তু বেশি নয় না। কোনো একটি কাব্যকে সাবেক কালের বলে চিন্তে পারি তার সাবেকি সাজ দেখে। যেখানে সাজের ঘটা নেই, সত্য আপন সহজ বেগে প্রকাশমান, সেখানে কালের দাগ পড়বে কিসের উপরে? সেখানে অলঙ্কারের বাজারদরের গুঠানামার খবরই পৌঁছয় না। কালে কালে হাটের মার্কা দাগা দেবে এমন মরা জিনিস তার আছে কোথায়?

জ্ঞানদাসের কবিতা যখন শুন্লুম তখন এই কথাটি বার বার মনে এল, এ যে আধুনিক: আধুনিক বলতে আমি এই কালেরই বিশেষ ছাঁদের জিনিস বল্চি নে। এসব কবিতা চিরকালই আধুনিক। কোনো কালে কেউ বলতে পারবে না, এর স্ফাশান বদলেচে। আমাদের পুরাতন বাংলা সাহিত্যে অল্প কবিতাই আছে যার সখক্ষে এমন কথা পুরোপুরি বলা যায়। মাঝে মাঝে পাওয়া যায়, এবং পুরাতনের মধ্যে চিরন্তনকে দেখে চমকে উঠি। যেমন দুটো ছত্র এইমাত্র আমার মনে পড়চে:—

তোমার গরবে গরবিনী আমি

রূপসী তোমার রূপে।

“রূপসী তোমার রূপে,” এ-কথাটা একেবারে বাধা-দস্তুরের কথা নয়। বাধা দস্তুর গুড়ই নষ্ট, নজীরের কেলা দেখে তবে সে সন্দারী করে। গরবিনী গরব ভাসিয়ে দিয়ে বল্চে, আমার রূপ আমার নয়, এ তোমারি,—এমন কথা তার মুখেই আসত না; সে মাথায় হাত দিয়ে ভাবত, এত বড় অত্যাচার নজীর কোথায়? যারা নজীর সৃষ্টি করে, নজীর অনুসরণ করে না তারাই আধুনিক, চিরকালই আধুনিক।

ক্ষতিবাবুর কল্যাণে ক্রমে হিন্দুস্থানের আরো কোনো কোনো সাধক কবির সঙ্গে আমার কিছু কিছু পরিচয় হল। আজ আমার মনে সন্দেহ নেই যে, হিন্দী ভাষায় একদা যে-গীত-সাহিত্যের আবির্ভাব হয়েছে তার গলায় অমর-সভার বরমাল্য। অনাদরের আড়ালে আজ তার অনেকটা আচ্ছন্ন; উদ্ধার করা চাই, আর এমন ব্যবস্থা হওয়া চাই যাতে ভারতবর্ষের যারা হিন্দী ভাষা জানেন না তাঁরাও যেন ভারতের এই চিরকালের সাহিত্যে আপন উত্তরাধিকার-ভোগ করতে পারে।

এইসকল কাব্যে-রস এত নিবিড় হয়ে প্রকাশ পেয়েচে সে হচ্ছে

ভূমিকা

৬

ভগবানের প্রতি প্রেমের রস। যুরোপীয় সাহিত্যে আমরা ত ঈশ্বর-সম্বন্ধে কাব্যরচনা কিছু কিছু পড়েছি, বার বার মনে হয়েছে মেজ্‌রাপটাই কড়া হয়ে আওয়াজ করছে, তারটা তেমন বাজছে না। তাই খৃষ্টান-ধর্ম-সঙ্গীতের বইগুলি সাহিত্যের অন্তরমহলে ঢুকতে পারলে না, গির্জাঘরেই আটকা প'ড়ে গেল। আসল কথা, শাস্ত্রের যে-ভগবান ধর্মকর্মের ব্যবহারে লাগেন, যিনি সনাতনপন্থী ধার্মিক লোকের ভগবান, তাঁকে নিয়ে আনুষ্ঠানিক শ্লোক চলে; তাঁর জন্তে অনেক মন্ত্রতন্ত্র; আর যে-ভগবানকে নির্ভের আত্মার জন্য ভক্ত মত্য করে দেখেছেন, যিনি অহৈতুক আনন্দের ভগবান, তাঁকে নিয়েই গান গাওয়া যায়। সত্যের পূজা সৌন্দর্য্যে, বিষ্ণুর পূজা নারদের বীণায়।

কবি ওয়ার্ডসওয়ার্থ আক্ষেপ করে বলেছেন জগতের সঙ্গে আমরা অত্যন্ত বেশি করে লেগে আছি। আসল কথাটা জগতের সঙ্গে, আমরা বেশি করে য, অত্যন্ত খুচরো করে লেগে আছি। আজ এটুকু দরকার, কাল ওটুকু, আজ এখানে ডাক, কাল ওখানে। পুরো মন দিয়ে পুরো বিশ্বকে দেখিনে। আমাদের দরকারের সঙ্গে তার খানিকটা জোড়া, খানিকটা ছেঁড়া, খানিকটা বেরুদ। প্রতিদিনের এই দেনাপাওনার জগতে আমাদের হিসাবী বুদ্ধিটাই নের আর সব বিভাগকে কম-বেশি-পরিমাণে দাবিয়ে রেখে মুকব্বি আনাকে করে বড়ায়। যে হিসাবী বুদ্ধিটা গুন্‌তি করে, ওজন করে, মাপ করে, ভাগ করে, তার কাছ থেকে আমরা অনেক খবর পাই, তার যোগে ছোটোবড়ো নানা সময়ে সিদ্ধিলাভও করি, অর্থাৎ তার মহলটা হ'ল লাভের মহল, কিন্তু বিপুল আনন্দের মহল নয়।

পূর্বে কোথাও কোথাও এ-কথা বুঝিয়ে বলবার চেষ্টা করেছি যে, যেখানে ঠিকের বাইরে, প্রয়োজনের বাইরে মানুষের বিশেষ-কোনো বাস্তব লাভক্ষতির বাইরে কোনো একটি একের পূর্ণতা হৃদয়ে অনুভব করতে পারি সেখানে আমাদের বিপুল আনন্দ। জ্ঞানের মহলেও তার পরিচয় পেয়েছি, দেখেছি। রো টুকুরো তথ্য মনের পক্ষে বোঝা, যেই কোনো-একটিমাত্র তুলে সেই চিন্তা বহু ধরা দেয় অম্নি আমাদের বুদ্ধি আনন্দিত হয়, বলে, পেয়েছি গান গ্যকে। তাই আমরা জানি, ঐক্যই সত্যের রূপ, আর আনন্দই তার রস। পাণ্ডা অধিকাংশ মানুষকেই আমরা বহুর ভিড়ের ভিতরে দেখি, বিপুল অনেকের

দাদু

মধ্যে তারা অনির্দিষ্ট। যে-মানুষকে ভালোবাসি, সাধারণ অনেকের মাঝখানে সে বিশেষ এক। এই নিবিড় ঐক্যের বোধেই বন্ধু আমার পক্ষে হাজার লক্ষ অবন্ধুর চেয়ে সত্যতর। বন্ধুকে যেমন বিশেষ একজন ক'রে দেখলুম, বিশ্বের অন্তরতম এককে যদি তেমনি স্পষ্ট ক'রে দেখতে পাই তাহলে বুঝতে পারি সেই সত্য আনন্দময়। আমার আত্মার মধ্যে একের উপলব্ধি যদি তেমনি সত্য ক'রে প্রকাশ পায় তাহলে জীবনের সুখে দুঃখে লাভে ক্ষতিতে কোথাও আমার আত্মার বিচ্ছেদ ঘটে না। যতক্ষণ সেই উপলব্ধি আমাদের না হয় ততক্ষণ আমাদের চৈতন্য বিশ্বসৃষ্টির মধ্যে বিচ্ছিন্ন। যখন সেই উপলব্ধিতে এসে পৌঁছই, আমাদের চৈতন্য তখন অখণ্ডভাবে সেই সৃষ্টিস্বীকারই অঙ্গ হয়ে ওঠে। তখন সে শুধুমাত্র জানে না, শুধুমাত্র করে না, সমস্তের সঙ্গে সুরে বেজে ওঠে।

সৃষ্টিতে অসৃষ্টিতে তফাৎ হচ্ছে এই যে, সৃষ্টিতে বহু আপন এককে দেখায়, আর অসৃষ্টিতে বহু আপন বিচ্ছিন্ন বহুত্বকেই দেখায়। সমাজ হ'ল মানুষের একটি বড় সৃষ্টি, সেখানে প্রত্যেক মানুষই অন্তরকালের সঙ্গে আপন সামাজিক ঐক্যকে দেখায়; আর ভিড় হচ্ছে অসৃষ্টি, সেখানে প্রত্যেক মানুষ ঠেলাঠেলি ক'রে আপনাকেই স্বতন্ত্র দেখায়; আর দাঙ্গাবাজি হচ্ছে অনাসৃষ্টি; তার মধ্যে কেবল প্রসঙ্গের অনৈক্য নয় বিরুদ্ধতা। ইনারং হ'ল সৃষ্টি, ইটের গাদা হ'ল অসৃষ্টি, আর যখন দেয়াল ভেঙে ইটগুলো ছড়মুড় ক'রে পড়চে সে হ'ল অনাসৃষ্টি।

এই ঐক্যটি বস্তুর একত্র হওয়ার মধ্যে নয়, এ যে একটি অনির্কচনীয় অদৃশ্য সম্বন্ধের রহস্য। ফুলের মধ্যে যে-ঐক্য দেখে আমরা আনন্দ পাই, সে তার পিণ্ডে নেই, সে তার গভীর অন্তর্নিহিত এমন একটি সত্যের মধ্যে যা সমস্ত বিশ্বভূবনে একের সঙ্গে আরকে নিগূঢ় সাগঞ্জনে ধারণ ক'রে আছে। এই সম্বন্ধের সত্য মানুষকে আনন্দ দেয়, মানুষকেও সৃষ্টিকার্যে প্রবৃত্ত করে।

মানুষের অন্তর্কর্তা সেই সৃষ্টিকর্তা মধ্যযুগের সাধকদের মধ্যে যে-ভগবানের স্পর্শ পেয়েছিলেন, তিনি শাস্ত্রে বর্ণিত কেউ নন, তিনি মনে প্রাণে হৃদয়ে অক্ষয়িত অদ্বৈত পরমানন্দরূপ। সেইজন্যেই মন্ত্র প'ড়ে তাঁর পূজা হ'ল ন দিয়ে তাঁর আশাহন হ'ল। তিনি প্রত্যক্ষ সত্যরূপে জীবনে আবির্ভূত হয়েছিলেন বলে সহজ-সুন্দররূপে কাব্যে প্রকাশ পেলেন।

ইংরেজ কবি শেলি তাঁর সৌন্দর্য্য-লক্ষ্মীর স্তব নামক কবিতায় বলছেন একটি অদৃশ্য শক্তির মহতী ছায়া বিশ্বে আমাদের মধ্যে ভেসে বেড়াচ্ছে। সেই ছায়াটি চঞ্চল, সে মধুর, সে রহস্যময়, সে আমাদের প্রিয়। তারই আবির্ভাবে আমাদের পূর্ণতা, তারই অভাবে আমাদের অবসাদ। প্রশ্ন এই মনে জাগে যার এই ছায়া তাঁর সঙ্গে ক্ষণে ক্ষণে আমাদের বিচ্ছেদ কেন? কেন জগতে সুখদুঃখ, আশা নৈরাশ্য, রাগ-দ্বেষ্টার এই নিরন্তর ঘন্ব? কবি বলেন, শাস্ত্রে জনশ্রুতিতে দেবতা দৈত্য স্বর্গ প্রভৃতি যে সব দার্শনিক কল্পনা পাওয়া যায়, তাদের নাম ধরে প্রশ্ন করলে জবাব মেলে কই? কবি বলেন, তিনি ভো অনেক চেষ্টা করেছেন, তত্ত্বকথা ছেনে নেবেন বলে পোড়ো বাড়ির শূন্য ঘরে, গুহায় গহ্বরে অন্ধকারে ভূতপ্রেতেরও সন্ধান ক'রে ফিরেছেন, কিন্তু না পেলেন কারো দেখা, না পেলেন কারো সাড়া। অবশেষে একদিন বসন্তে যখন দক্ষিণ হাওয়ার আন্দোলনে বনে বনে প্রাণের গোপন-বাণী জাগবে- জাগবে করুচে এমন সময় হঠাৎ তাঁর অন্তরের মধ্যে এই সৌন্দর্য্য-লক্ষ্মীর স্পর্শ নেমে এল, মুহূর্তে তাঁর সংশয় ঘুচে গেল। শাস্ত্রের মধ্যে যাকে খুঁজে পাননি তিনি যখন হঠাৎ চিত্তের মধ্যে ধরা দিলেন, তখনই জগতের সমস্ত ঘন্বের মধ্যে একের আবির্ভাব প্রকাশিত হ'ল, তখন কবি দেখলেন, জগতের সূক্ষ্ম এই- থানে, এই মহা সূন্দরের মধ্যে। তখনই কবির আত্মনিবেদন গানে উচ্ছ্বসিত হয়ে উঠল।

আমাদের সাধক কবিদের অন্তর থেকে গানের উৎস এমনি ক'রেই খুলেচে। তাঁরা রামকে আনন্দস্বরূপ পরম এককে আত্মার মধ্যে পেয়ে- ছিলেন। তাঁরা সকলেই প্রায় অস্তাজ, সমাজের নীচের তলাকার; পণ্ডিতদের বাধা মতের শাস্ত্র, দার্শনিকদের বাধা নিয়মের আচার তাঁদের কাছে সুগম ছিল না। বাইরের পূজার মন্দির তাঁদের কাছে বন্ধ ছিল বলেই অন্তরের মিলন- মান্দরের চাবি তাঁরা খুঁজে পেয়েছিলেন। তাঁরা কত শাস্ত্রীয় শব্দ আন্দাজে ব্যবহার করেছেন, শাস্ত্রের সঙ্গে তার অর্থ মেলে না। তাঁদের এই প্রকৃষ্ণ উপলব্ধির রাম কোনো পুরাণের মধ্যে নেই। তুলসীদাসের মতো ভক্ত কবিগণ এদের এই বাধনছাড়া সাধনভঙ্গনে ভারি বিরক্ত। তিনি সমাজে পাণ্ডা বেড়ার ভিতর থেকে এদের দেখেছিলেন, একেবারেই চিন্তে পারেননি।

দাদু

এঁরা হলেন এক বিশেষজাতের মানুষ। ক্ষিতিবাবুর কাছে শুনেছি, আমাদের দেশে এঁদের দলের লোককে বলে থাকে “মরমিয়া।” এঁদের দৃষ্টি, এঁদের স্পর্শ মর্ষের মধ্যে; এঁদের কাছে আসে সত্যের বাহিরের মৃষ্টি নয়, তার মর্ষের স্বরূপ। বাধা পথে যারা সাবধানে চলেন তাঁরা সহজেই সন্দেহ করতে পারেন যে, এঁদের দেখা এঁদের বলা সব বুঝি পাগলের খামখেয়ালি। অথচ সকল দেশে সকল কালেই এই দলের লোকের বোধের ও বাণীর সাদৃশ্য দেখতে পাই। সব গাছেরই দেখি কাঠের থেকে একই আগুন মেলে। সে আগুন তারা কোনো চুলো থেকে যেচে নেয়নি—চারদিক থেকে আপনিই ধরে নিয়েচে। গাছের পাতায় সূর্যের আলোর ছোওয়া লাগে, অমনিই এক জাগ্রৎ শক্তির জ্বারে বাতাস থেকে তারা কার্বন ছেকে নেয়, তেমনি মানব-সমাজের সর্বত্রই এই মরমিয়াদের একটি সহজ শক্তি দেখা যায়, উপর থেকে তাঁদের মনে আলো পড়ে আর তাঁরা চারদিকের বাতাস থেকে আপনিই সত্যের তেজোরূপটিকে নিজের ভিতরে ধরে নিতে পারেন, পুঁথির ভাঙারে শাস্ত্রবচনের সনাতন সঞ্চয়ের থেকে কুড়িয়ে কুড়িয়ে তাঁদের সংগ্রহ হয়। এই জন্তে এঁদের বাণী এমন নবীন, তার রস কখনো শুকোয় না।

অনন্তকে ত জানে কুলিয়ে ওঠে না,—ঋষি তাই বলেন, তাঁকে না পেয়ে মন ফিরে আসে। সেই অনন্তের সমস্ত রহস্য বাদ দিয়ে তাঁকে সম্প্রদায়ের ঈশ্বর, শাস্ত্রবাক্যের ঈশ্বর, কবুলতিপত্রে দেশে মিলে দস্তখতের দ্বারা স্বীকার করে নেওয়া, হাতে বাটে গোলে-চরিবালের ঈশ্বর করে নিই। সেই বরদাতা, সেই ত্রাণকর্তা, সেই হৃনিদ্ভিষ্টমতের ফ্রেম-দিয়ে রাখানো ঈশ্বরের ধারণা একেবারে পাথরের মতো শক্ত; তাকে মুঠোয় করে নিয়ে সাম্প্রদায়িক ট্যাঁকে গুঁজে রাখা চলে, পরস্পরের মাথা ভাঙাভাঙি করা সহজ হয়। আমাদের মরমিয়াদের ঈশ্বর কোনো একটি পুণ্যাভিমानी দলবিশেষের সরকারী ঈশ্বর নন, তিনি প্রাণেশ্বর।

কেননা ঋষি বলেছেন, জানে তাঁকে পাওয়া যায় না, আনন্দেই তাঁকে পাওয়া যায়। অর্থাৎ হৃদয় যখন অনন্তকে স্পর্শ করে তখন হৃদয়মন তাঁকে বোধ করে, আর এই নিবিড় রসবোধেই সমস্ত সংশয় দূর হয়ে পলি সেই বোধের গানই গেয়েছেন, মরমিয়া কবিদের কণ্ঠে সেই

ভূমিকা

বোধেরই গান। যা রহস্য, জ্ঞানের কাছে তা নিছক অন্ধকার, তা একেবারে নেই বললেই হয়। কিন্তু যা রহস্য, হৃদয়ের কাছে তারই আনন্দ গভীর। সেই আনন্দের দ্বারাই হৃদয় অসীমতার সত্যকে প্রত্যক্ষ চিন্তে পারে। তখন সে কোনো বাধা রীতি মানে না, কোনো মধ্যস্থের ঘটকালিকে কাছে ঘেঁষতে দেয় না।

অমৃতের রসবোধ যার হয়নি, সে-ই মানে ভয়কে, ক্ষুধাকে, ক্ষমতাকে। সে এমন একটি দেবতাকে মানে, যিনি বর দেন, নয় দণ্ড দেন। যার দক্ষিণে স্বর্গ, বামে নরক। যিনি দূরে বসে কড়া ছকুমে বিশ্বশাসন করেন। যাকে পশুবলি দিয়ে খুসি করা চলে, যার গৌরব প্রচার করবার জন্যে পৃথিবীকে রক্তে ভাসিয়ে দিতে হয়, যার নাম ক'রে মানবসমাজে এত ভেদবিচ্ছেদ, পরস্পরের প্রতি এত অবজ্ঞা, এত অত্যাচার।

ভারতের মরমিয়া কবিরা শাস্ত্রনিষ্মিত পাথরের বেড়া থেকে ভক্তের মনকে মুক্তি দিয়েছিলেন। প্রেমের অশ্রুজলে দেবমন্দিরের অঙ্গন থেকে রক্তপাতের কলঙ্করেখা মুছে দেওয়া ছিল তাঁদের কাজ। যার আবির্ভাব ভিতরের থেকে আনন্দের আলোকে মানুষের সকল ভেদ মিটিয়ে দেয়, সেই রামের দূত ছিলেন তাঁরা। ভারত ইতিহাসের নিশীথরাত্রে ভেদের পিশাচ যখন বিকট নৃত্য করছিল তখন তাঁরা সেই পিশাচকে স্বীকার করেননি। ইংরেজ মরমিয়া কবি যেমন দৃঢ় বিশ্বাসের সঙ্গে বলেছিলেন যে, বিশ্বের মর্মান্বিতা দেবী আনন্দ-লক্ষ্মীই মানুষকে সকল বন্ধন থেকে মুক্তি দেবেন, তেমনি তাঁরা নিশ্চয় জানতেন যার আনন্দে তাঁরা আপনাকে অহমিকার বেষ্টন থেকে ভাসিয়ে দিতে পেরেছিলেন, তাঁরই আনন্দে মানুষের ভেদবুদ্ধি দূর হ'তে পারবে, বাইরের কোনো রফারফি থেকে নয়। তাঁরা এখনো কাজ করছেন। আজও যেখানে কোথাও হিন্দু মুসলমানের আন্তরিক প্রেমের যোগ দেখি সেখানে দেখতে পাই তাঁরাই পথ ক'রে দিয়েছেন। তাঁদের জীবন দিয়ে গান দিয়ে সেই মিলনদেবতার পূজাপ্রতিষ্ঠা হয়েছে যিনি "সেতুবিধরণরেখাং লোকানামসম্বোদায়।" তাঁদেরই উত্তরসাধকেরা আজও বাংলা দেশের গ্রামে গ্রামে একতারা বাজিয়ে গান গায়; তাদের সেই একতারার তার একোরই তা। ভেদবুদ্ধির পাণ্ডা শাস্ত্রজ্ঞের দল তাদের উপর দণ্ড উত্তত করেছে। কিন্তু এতদিন যারা সামাজিক

অবজ্ঞার করেনি, তারা-যে সামাজিক শাসনের কাছে আজ হার মানবে এ-কথা বিশ্বাস করিনে।

যেহেতু ভারতীয় সমাজ ভেদবহুল, যেহেতু এখানে নানা ভাষা, নানা ধর্ম, নানা জাতি, সেই জন্মেই ভারতের গন্ধের বাণী হচ্ছে ঐক্যের বাণী। সেই জন্মেই যারা যথার্থ ভারতের শ্রেষ্ঠপুরুষ তাঁরা গান্ধীর আত্মায় আত্মায় সেতু নির্মাণ করতে চেয়েছেন। যেহেতু বাহিরের আচার ভারতে নানা আকারে ভেদকেই পাকা ক'রে রেখেছে এইজন্মেই ভারতের শ্রেষ্ঠ সাধনা হচ্ছে বাহ্য আচারকে অতিক্রম ক'রে অন্তরের সত্যকে স্বীকার করা। পরম্পরাক্রমে ভারতবর্ষের মহাপুরুষদের আশ্রয় ক'রে এই সাধনার ধারা চিরদিনই চলেছে। অথচ ভারতসমাজের বাহিরের অবস্থার সঙ্গে তার অন্তরের সাধনার চিরদিনই বিরোধ, যেমন বিরোধ বারুনার সঙ্গে তার স্রোতঃপথের পাথরগুলোর। কিন্তু অচল বাধাকেই কি সত্য বলব, না সচল প্রবাহকে? সংখ্যাগণনায় বাধারই জিত, তার ভারও কম নয়, কিন্তু তাই ব'লেই তাকে প্রাধান্য দিতে পারিনে। ঝিঝিঝি ক'রে একটুখানি যে-জল শৈলরাজের বক্ষ-গুহা থেকে বেরিয়ে আসছে, বহু আঘাতব্যাহাতের ভিতর দিয়ে বিপুল বিস্তীর্ণ বালুকারাশির একপ্রান্তে কোনোমতে পথ ক'রে নিয়ে সমুদ্রসঙ্কানে চলেছে, পর্বতের বরফ-গলা বাণী তারই লহরীতে। এই শীর্ণ স্বচ্ছ প্রচ্ছন্ন ধারাটিই মহায়তন বহু-বিচ্ছিন্নতার ভিতরকার ঐক্যসূত্র।

ভারতের বাণী বহন ক'রে যে-সকল একের দূত এদেশে জন্মেছেন তাঁরা যে প্রথম হ'তেই এখানে আদর পেয়েছেন তা নয়। দেশের লোক নিতান্তই যখন তাঁদের অস্বীকার করতে পারেনি তখন নানা কাল্পনিক কাহিনী দ্বারা তারা তাঁদের স্বৃতিকে চেয়েচে শোধন ক'রে নিতে, যতটা পেরেচে তাঁদের চরিত্রের উপর সনাতনী রঙের তুলি বুলিয়েচে। তবু ভারতের এই শ্রেষ্ঠ সন্তানেরা জনাদর পেতে বাধা পেয়েছিলেন এ-কথা মনে রাখা চাই; সে আদর বা পাণ্ডয়্যাই স্বাভাবিক, কেননা তাঁরা ভেদ-প্রবর্তক সনাতন বিধির বাহিরের লোক, যেমন খৃষ্ট ছিলেন যিহুদী ক্যারিসি-গণ্ডীর বাহিরে। কিন্তু বহুদিন তাঁরা জনাদরের অসামান্য দায়িত্ব প্রচ্ছন্ন ছিলেন ব'লে তাঁরাই যে অস্বাভাবিক ছিলেন তা নয়। তাঁরাই ছিলেন যথার্থ ভারতীয়, কেননা তাঁরাই বাহিরের

ভূমিকা

কোনো সূবিধা থেকে নয় অস্তরের আত্মীয়তা থেকে হিন্দুকে মুসলমানকে এক ক'রে জেনেছিলেন—তঁরাই ঋষিদের সেই বাক্যকে সাধনার মধ্যে প্রমাণ করেছিলেন যে-বাক্য বলে, সত্যকে তিনিই জানেন যিনি আপনাকেই জানেন সকলের মধ্যে।

ভারতীয় এই সাধকদেরই সাধনাধারা বর্তমান কালে প্রকাশিত হয়েছে রামমোহন রায়ের জীবনে। এই যুগে তিনিই উপনিষদের ঐক্যত্বের আলোকে হিন্দুমুসলমান খৃষ্টানকে সত্যদৃষ্টিতে দেখতে পেয়েছিলেন, তিনি কাউকেই বর্জন করেন নি। বুদ্ধির মহিমায় ও হৃদয়ের বিপুলতায় তিনি এই বাহুভেদের ভারতে আধ্যাত্মিক অভেদকে উজ্জ্বল ক'রে উপলব্ধি করেছিলেন এবং সেই অভেদকে প্রচার করতে গিয়ে দেশের লোকের কাছে আজও তিনি তিরস্কৃত। যাব নিশ্চল দৃষ্টির কাছে হিন্দুমুসলমান খৃষ্টানের শাস্ত্র আপন দুঃস্থ বাধা সরিয়ে দিয়েছিল তাঁকে আজ তঁরাই অভারতীয় বলতে স্পর্ধা করচে পাশ্চাত্য বিদ্যা ছাড়া আর কোনো বিদ্যায় যাদের অভিনিবেশ নেই। আজকের দিনেও রামমোহন রায় আমাদের দেশে যে জন্মেচেন তাতে এই বুঝতে পারি যে, কবীর নানক দাদু ভারতের যে সত্যসাধনাকে বহন করেছিলেন আজও সেই সাধনার প্রবাহ আমাদের প্রাণের ক্ষেত্র পরিত্যাগ করে নি। ভারতচিন্তের প্রকাশের পথ উদ্ঘাটিত হবেই।

মাটির নীচের তলায় জলের স্রোত বইচে, ঘোর শুষ্কতার দিনে এই আশার কথাটি মনে কবিগ্নে দেওয়া চাই। মকর বেড়া লোহার বেড়ার চেয়ে দুগুণ। আমাদের দেশে সেই শুষ্কতার সেই অপ্রেমের বেড়াই সকলের চেয়ে সর্ব্বশেষে হয়ে দিকে দিকে প্রসারিত। প্রয়োজনের যোগ মশকে জল-বহে-নেওয়া সার্থবাহের যোগের মতো। তাতে ক্ষণে ক্ষণে বিশেষ কোনো একটা কাজ দেখ, কখনো বা দেয়ও না, বালির আধিতে সব চাপা দিয়ে ফেলে; মশকের জল তেতে উঠে, শুকিয়ে যায়, ফুটো দিয়ে ঝরে পড়ে। এই মকতে যেখানে মাটির নীচের চিরবহমান লুকানো জল উৎসারিত হয়ে ওঠে সেইখানেই বাঁচোয়া। মরমিয়া কবিদের বাণীস্রোত বইচে সমাজের অগোচর স্তরে। শুষ্কতার বেড়া ভাঙবার সত্যকার উপায় আছে সেই প্রাণময়ী ধারার মধ্যে। তাকে আজ সাহিত্যের উপরিতলে উদ্ধার ক'রে আনতে হবে। আমাদের

পুরাণে আছে যে-সগর বংশ ভঙ্গ হয়ে রসাতলে পড়েছিল তাদেরই বাঁচিয়ে দেবার জন্যে বিষ্ণুপাদপদ্মবিগলিত জাহ্নবীধারাকে বৈকুণ্ঠ থেকে আবাহন ক'রে আনা হয়েছিল। এর মধ্যে গভীর অর্থটি এই যে, প্রাণ যেখানে দগ্ধ হয়ে গেছে সেখানে তাকে রসপ্রবাহেই বাঁচিয়ে তোলা যায়, কেবল মাত্র কোনো একটা কর্মের আবর্তনে তাকে নড়ানো যায় মাত্র, বাঁচানো যায় না। মৃত্যু থেকে মানুষের চিন্তকে পরিভ্রাণ করার জন্যে বৈকুণ্ঠের অমৃতরসপ্রস্রবণের উপরেই আমাদের মরগিয়া কবির দৃঢ় আস্থা রেখেছিলেন, কোনো একটা বাহ্য আচারের রাজ্যনাথার উপরে নয়। তাঁরা যে-রসের ধারাকে বৈকুণ্ঠ থেকে এনেছিলেন, আমাদের দেশের সামাজিক বালুর তলায় তা অস্তিত্বিত। কিন্তু তা মরে যায় নি। ক্ষতিমোহন বাবু ভার নিয়েছেন বাংলা দেশে সেই লুপ্ত-স্রোতকে উদ্ধার ক'রে আনবার। শুধু কেবল হিন্দী ভাষা থেকে নয়, আশা ক'রে আছি বাংলা ভাষার গুহার থেকে বাউলদের সেই স্তব্ধরেখার বাণী-ধারাকে প্রকাশ করবেন যার মধ্যে সোনার কণা লুকিয়ে আছে।*

শ্রীরবীন্দ্রনাথ ঠাকুর

উপক্রমণিকা

জীবনী-পরিচয়

১। **জন্মস্থান :** যদিও কাহারও কাহারও মতে আমেদাবাদেই দাদু'র জন্মস্থান, তথাপি সেখানে দাদু'র চিহ্নমাত্রও নাই। কিছুদিন পূর্বে আমেদাবাদে দাদু'র কিছু সন্ধান মেলে কিনা এই খোঁজ করিতে যাই। আমার সঙ্গে শ্রীযুত হরিপ্রসাদ পীতাম্বর দাস মেহতা, পণ্ডিত শ্রীযুত করুণাশঙ্কর কুবেরজী ভট্ট, ডাক্তার হরিপ্রসাদ ব্রজরায় দেশাই প্রভৃতি অনেকে অনেক খোঁজ করিলেন। কিছুই পাওয়া গেল না। শিক্ষিত ভদ্রলোক ও সাহিত্যিকরা তো দাদু'র কোনো খোঁজই জানিতেন না, অনেকে তাঁর নাম এই প্রথম শুনিলেন, এবং দাদু'র পুনর্কার জাতীয় ছিলেন শুনিয়া কেহ কেহ এই ভাব প্রকাশ করিলেন যে, এমন নীচ বংশীয় লোকের কথা কেমন করিয়া জানা যাইতে পারে! নানা শিক্ষিত মণ্ডলীতে খোঁজ করিয়া অবশেষে কবীরপন্থী মঠগুলিতে খোঁজ করা গেল। তাঁহারাও কোনো খবর দিতে পারিলেন না। দাদু'র বলিয়া যে কেহ জন্মগ্রহণ করিয়াছিলেন এমন কথাও তাঁরা জানেন না। ম্যানিসিপল অফিস ও পুলিশ থানায় খোঁজ করিয়াও দাদু'র পন্থীদের কোন মঠ বা আখড়া বাহির করা গেল না। হুলভরাম নামে আমেদাবাদের একজন প্রত্যেক-বাড়ীর-খোঁজ-জানা লোকও আলিতে গলিতে খোঁজ করিয়া হার মানিলেন। অবশেষে একটি সাধুর কাছে খোঁজ মিলিল যে কাঁকড়িয়া হ্রদের তীরে পূর্বে একটি দাদু পন্থী সাধু ছিলেন। তিনি নিজেই সাধনা করিতেন। তিনি যারা যাওয়ার পর আমেদাবাদে দাদু'র বিষয়ে কিছু জানা যায় এমন একজন লোকও নাই। দাদু'র পন্থী কোনো মঠ তো সেখানে নাই-ই। শেষে সন্ধান নিয়া জানিলাম এই কাঁকড়িয়ার দাদু-পন্থী সাধু

আমার পূর্বপরিচিত, তাঁর সঙ্গে কোনো কোনো তীর্থ একত্র ঘুরিয়াছি। তিনি উত্তর ভারত বা রাজপুতানা হইতে আসিয়া আমেদাবাদে বাস করিতেছিলেন।

২। **জন্মকাল:** এ বিষয়ে যাহারা পূর্বে গ্রন্থাদি লিখিয়াছেন তাঁহাদের মত সংগ্রহ করিয়া জানাইতেছি। উইলসন সাহেবের মতে দাদু ষোড়শ শতাব্দীতে বিদ্যমান ছিলেন। তাঁহার মতে দাদুর প্রধান গ্রন্থ “দাদুকী বাণী” ও “দাদুপংখীগ্ৰন্থ।” তা ছাড়াও দাদুর অনেক বচন ও গান আছে। সিডন্স সাহেব “দাদুপংখীগ্ৰন্থ” হইতে ইংরাজীতে কিছু অনুবাদ করিয়াছিলেন।

অধ্যাপক উইলসনের মতে (Asiatic Researches, XVII, p. 302, এবং Religious Sects of the Hindus, p. 103) ও করাসী অধ্যাপক ট্যাসীর (Garcin De Tassy) মতে দাদু রামানন্দ হইতে ছয় পীঠী নীচে অর্থাৎ শিষ্যপরম্পরাক্রমে দাদু রামানন্দ হইতে ছয় জনের পর। যথা—

- (১) রামানন্দ
- (২) রামানন্দের শিষ্য কবীর
- (৩) কবীরের শিষ্য কমাল
- (৪) কমালের শিষ্য জমাল
- (৫) জমালের শিষ্য বিমল
- (৬) বিমলের শিষ্য বুট্টন
- (৭) বুট্টনের শিষ্য দাদু

(Histoire de la Litterature Hindouie et Hinduoustanie, Vol I, 403 p.)

এই গ্রন্থের মতে দাদু ১৬০০ খ্রীষ্টাব্দে বিদ্যমান ছিলেন আর আকবরের বাজত্বকালে ও জাহাঙ্গীরের রাজত্বকালের প্রথম ভাগে দাদু জীবিত ছিলেন।

ওলাহাবাদ বেলবেড়িয়র প্রেস হইতে প্রকাশিত সন্তুবাণী গ্রন্থমালার দাদু-গ্রন্থের সম্পাদকের মতে দাদু ১৬০১ সন্থতে অর্থাৎ ১৫৪৪ খ্রীষ্টাব্দে জন্মগ্রহণ করেন।

লন্ডনে সেন্ট অস, আর, সিডন্স সাহেব কলিকাতা হইতে প্রকাশিত

এসিঘাটিক সোসাইটির জর্নালে (June, 1837) দাদু হইতে কিছু অংশ অনুবাদ করিয়া প্রকাশ করিবার সময় দাদু সম্বন্ধে কিছু বিচারও করিয়াছেন।

দাদুর শিষ্য ভক্ত জনগোপাল লিখিয়াছেন যে কতেপুর সিক্কীতে সম্রাট আকবর প্রায়ই দাদুর সঙ্গে বসিয়া ধর্ম বিষয়ে গভীর আলাপ করিতেন। এই কথা ক্রুক সাহেবও তাঁহার গ্রন্থে উল্লেখ করিয়াছেন (Crooke, Tribes & Castes of the North-Western-Provinces and Oudh, Vol II, p. 237).

৩। **দাদুর জাতি :** কেহ কেহ বলেন যে, দাদু আমেদাবাদে জন্মগ্রহণ করেন ও তিনি জাতিতে তুলাধুনকর ছিলেন। বারো বৎসর বয়সে জন্মভূমি পরিভ্রমণ করিয়া তিনি সান্তরে যান, তথা হইতে চারি কোশ দূরে নাবায়ণা বা নিরাণাগ্রামে বাস করেন ও জীবনের শেষ ভাগ সেখানেই যাপন করেন। সাধনা করিতে করিতে তিনি তার গভীরতম মতের উপলক্ষ করেন ও তাহাই তাঁহার স্বাভাবিক কবিত্বশক্তি দ্বারা প্রকাশ করেন। আমেরের মঠে মঠবাসী মন্ত্রুরা তাঁহার সাধনার গুণ দেখাইয়া থাকেন। সেখানে যে লাঠি ও বড়ম রক্ষিত আছে এখন দাদুজীর বলিয়া তাহাও দর্শকদের দেখান হইয়া থাকে ; তবে তাহা ঠিক দাদুরই কি না তাহা নিশ্চিত করিয়া বলা যায় না।

স্বর্গীয় সুরধাকর ছিবেদী মহাশয় দাদুর বিষয়ে বিস্তর শ্রম করিয়া সিদ্ধান্ত করিয়াছেন যে, দাদু “মোট” (কূপ হইতে জল তুলিবার চম্পপাত্র) সেলাই করা মুচীর বংশে জন্মগ্রহণ করেন। তিনি বলেন, দাদুর আত্মবাণীর সাক্ষ্য দ্বারাই তিনি উহার সমর্থন পাইয়াছেন। তাঁহার মতে কাশীর কাছে জৌনপুরে দাদুর জন্মভূমি। দাদুর পূর্ব নাম ছিল “মহাবলী।” ভক্ত ও বৈরাগীদের কাছে জানা যায় যে, এক সময় যখন দাদুর মন শূণ্যতার ব্যথায় পূর্ণ, তখন তিনি কবীরের পুত্র ও শিষ্য ভক্তসাধক কমালের সঙ্গে লাভ করেন ও কমালের কাছেই দাদু আধ্যাত্মিক পূর্ণতার সাধনা লাভ করেন।

৪। **সম্প্রদায় স্থাপন নিরোধী গুরু কমাল**
কমাল বড় গভীর সাধক ছিলেন ; তিনি সকল প্রকার সাম্প্রদায়িক ভাবের প্রতি মরমিয়া সাধক। যে কবার চিরদিন ধর্মের সর্গীর্ণতা ও সাম্প্রদায়িকতার বিরুদ্ধে যুদ্ধ করিলেন সেট কবীরের মৃত্যুর পরই যখন কমালকে প্রধান করিয়া

শিষ্যদল একটি সম্প্রদায় গড়িতে গেলেন তখন কমাল কিছুতেই তাহাতে রাজী হইলেন না। তিনি বলিলেন, তাহা হইলে আমাদের আধ্যাত্মিক গুরু-হত্যার পাতক হইবে। মঠ ও সম্প্রদায় স্থাপনায় সম্মান-লোলুপ শিষ্যদল বলিলেন, কমালই কবীরের ধারা ডুবাইলেন।

“ডুবা বংশ কবীরকা জব উপজা পুত্র কমাল।”

এই কথাটির অবশ্য আরও নানাভাবে প্রয়োগ আছে ও নানাভাবে ইহার অর্থ করা হয়।

কমাল বলিলেন, “মহাপুরুষরা মানব সাধনায় ‘বরিয়াত’ চালাইবার জন্ম আসেন। (‘বরিয়াত’ অর্থ বরযাত্রা। লোকলঙ্কর, বাণ্য ও আলোক প্রভৃতি লইয়া বরের জয়যাত্রাকে ‘বরিয়াত’ বলে।) মহাপুরুষরা আসিয়া যদি দেখেন ‘বরিয়াত’দল ঘুমাইতেছে বা অচেতন হইয়াছে তাহা হইলে তাঁহারা বজ্রের আঘাত দিয়া সকলকে জাগাইয়া সকলের হাতে বজ্রাগ্নির মশাল দেন। তাঁহাদের মন্ত্র ও বাণীই এই মশাল। সেই সব জ্বলন্ত মন্ত্র ও অগ্নিময়ী বাণী লইয়া কেহ সঙ্কয় করিয়া ভাঙারে ভরিতে পারে না। কাজেই তাহারা সম্প্রদায় বা মঠ করে তাহারা তাহাদের ভাঙারের মধ্যে বাণীগুলিকে ভরিতে গিয়া সেই সমস্ত বাণীর আগুনকে নিভাইয়া নিরাপদ করিয়া লয়। জ্বলন্ত আগুন সংগ্রহ করিয়া রাখিবার সাহসই বা হয় কেমন করিয়া আর তার উপায়ই বা কি? নিরাপদ ভাঙার সংগ্রহের জন্ম এই সব আগুন বাদ দিয়া দণ্ড ও ঝাঝাগুলি মাত্র সংগ্রহ করা দ্বারা আমরা মহাপুরুষদের সাধনাকে বধ করি। এমন কাজ আমার দ্বারা হইবে না। সম্প্রদায় হইল সত্যজ্ঞী মহাপুরুষদের গোর অর্থাৎ সমাধিস্থান, যেখানে চেলারা চমৎকার মর্শ্বের অট্টালিকা গড়িয়া তুলিতে পারে। গুরু যদি মরিতে নাও চাহেন তবু এই গোরবময় গোর-অট্টালিকা রচিবার জন্ম চেলারা গুরুকে ও সত্যকে বধ করিয়াও তার উপর সম্প্রদায় ও সঙ্কীর্ণ-সাধনার কবর রচে। এমন কুকর্ম তোমরা করিও না, জীবনে গুরুর অগ্নি বহন কর, নিবানো মশাল ও অগ্নির উচ্ছ্রষ্ট সংগ্রহ করিয়া অককার ভাঙারের বোঝা বাড়াইও না। গুরুকে মারিয়া ফেলিয়া সম্প্রদায়ের অট্টালিকা গড়িয়া তুলিবার গোরব লুকতা ছাড়।”

কিন্তু কমালের কথায় ফল হইল না। যদিও দীর্ঘকাল কমাল তাঁর প্রভাব দ্বারা এই দোষ ঠেকাইলেন তবুও পরে সুরতগোপাল ও ধর্মদাসকে আশ্রয় করিয়া কবীরের সম্প্রদায় গড়িয়া উঠিল। মহাপুরুষদের সম্প্রদায়ভুক্ত জীবনী-লেখক ও ঐতিহাসিকরাও মহাপুরুষদের জীবন্ত আশ্রয়কে বড় ভয় করেন। কাজেই মহাপুরুষদের মহত্ব বাদ দিয়া তাঁহাদিগকে অগ্নিহীন নিরাপদ করিয়া নিজেদের উপযোগী করিয়া তোলেন। এমন করিয়াই ইতিহাসকে মানুষ প্রয়োজন ও ইচ্ছামত নিজ হাতে গড়িয়া তোলে। তাই দেখি ভক্তমালা নানক দাদু প্রভৃতি মহাপুরুষের নাম নাই। আরও বহু বহু এমন সব অগ্নি-তুল্য মহাপুরুষ ভক্তমালায় স্থান পান নাই যাঁহাদের বাণী এখনও বহু সাধকের জীবনের অন্ধকার দূর করিতেছে ও মানবের সর্ববিধ ক্ষুদ্রতা দগ্ধ করিতেছে। দাদু এমন তেজস্বী সাধক কমালের শিষ্য। জমাল, বিগল, বুট্টনকে অনেকে মানেন না। দাদুকে কমালেরই সাক্ষাৎ শিষ্য মনে করেন। দাদু এই কমালকেই অনেকবার “গুরুগোবিন্দ” ও “গুরুসুন্দর” নামে অভিহিত করিয়াছেন। এসব কমালেরই মাহাত্ম্যের সূচকশব্দ।

দাদুর শিষ্য সুন্দরদাসের গুরুসম্প্রদায় মতে দাদুর গুরুর নাম বৃদ্ধানন্দ, তাঁর গুরু কুশলানন্দ, তাঁর গুরু বীরানন্দ, তাঁর গুরু ধীরানন্দ এমন করিয়া ব্রহ্ম পঞ্চাঙ্গ দ্বারা গিয়াছে। ইহা শুধু আসল মানুষের দ্বারা স্থানে একটি ভাবধারা দ্বারা গুরুপরম্পরা নির্দেশ করিবার চেষ্টা। তবে বৃদ্ধানন্দের মধ্যে বুট্টনের ইঙ্গিত পাই।

দ্বিবেদী মহাশয় বলেন, “এই গুরু কমালের কৃপাতেই মুচী মহাবলী সাধনা ও সত্যলাভ করেন। মহাবলী সকলকে ‘দাদা’ ‘দাদা’ বলিতেন তাই তাঁহাকেও সকলে দাদা বা আদর করিয়া ‘দাদু’ বলিত। এমন করিয়াই তাঁহার নাম হইয়া গেল ‘দাদু’। লোকদত্ত এই ‘দাদু’ নামে তাঁর গুরুদত্ত নাম চাপা পড়িয়া গেল। তীর্থযাত্রা প্রসঙ্গে ইনি আজমীরের পীরস্থান বা দর্গায় যান তথা হইতে নারায়ণা গ্রামে গিয়া বাস করেন ও শেষে সেখানেই দেহত্যাগ করেন। সেইজন্মই নরাণে গ্রামে ‘দাদুঘারা’ বিদ্যমান। ভরুচের কাছে নর্মদানদীর তীরে একটি বটগাছের নীচে কবীর কিছুদিন ছিলেন। তাই সেই বৃক্ষটিকে এখনও সকলে ‘কবীর

বট' বলে। গোরখপুরের জিলাতে মগহর গ্রামে কবীর দেহত্যাগ করাতে সেই গ্রাম এখনও 'কবীরদ্বার' বলিয়া প্রসিদ্ধ।"

৫। **দাদুর জন্ম ব্যাপারে অলৌকিকত্ব আন্দোলন:** স্বরত বেগমপুরার খাজরশেড়ীর মঠের মহন্ত রাম-প্রসাদজী বলেন "দাদুর জন্মই হয় নাই। তিনি নিত্য পূর্ণব্রহ্মনারায়ণ, তাঁহার আবার জন্ম কি? তিনি আপনাকে শিশুরূপে প্রকট করিলে গুজরাতী ব্রাহ্মণ লোদিরাম তাহাকে দেখিতে গান ও ঘরে আনিয়া লালন পালন করেন। অনেক মঠাধিপতি দাদুপন্থী মহন্তদের ইহাই মত। আজমীরবাসী দাদুভক্ত পণ্ডিত চণ্ডিকাপ্রসাদ ত্রিপাঠীজী বহুদিন পূর্বে তাঁর 'দাদুদয়ালকী বাণী' গ্রন্থের উপক্রমণিকায় লিখিয়াছিলেন যে "দাদু গুজরাতী ব্রাহ্মণ বংশে জন্মগ্রহণ করেন।" পরে তিনি তাঁর 'দাদুপন্থীসম্প্রদায়কী হিন্দীসাহিত্য' নামক পুস্তিকায় ৩ পৃষ্ঠায় লিখিয়াছেন— "দাদু হিন্দু কি মুসলমান বংশে জন্মগ্রহণ করেন তাহা ঠিক বলা যায় না। কেহ বলেন তাঁর জন্ম এক নাগর ব্রাহ্মণের ঘরে। এদিকে দাদুদয়ালের নিজ শিষ্যরাই বলেন যে তাঁর জন্ম 'ধুনিয়ার' ঘরে। 'স্বামী দাদুদয়ালের জন্মলীলা' গ্রন্থের রচয়িতা দাদুর নিজ শিষ্য জনগোপালজী, দাদুর নিজ শিষ্য রজ্জবজী, জগন্নাথজী, সুন্দরদাসজী সবাই এই কথা বলেন।"

গতবার আজমীর গিয়া দেখি তাঁর মত আরো পরিবর্তিত হইয়াছে। দাদু যে মুসলমান ছিলেন এ কথা আমি সঙ্কোচের সহিত তাঁহার কাছে পাড়িতেই তিনি স্বয়ং আমাকে অনেক প্রমাণ অগ্রসর করিয়া দিলেন।

মহন্ত ও মঠধারী সাধুরা প্রায় সকলেই ইহা বলিতে চাহেন যে দাদু গুজরাতী ব্রাহ্মণ ছিলেন। কবীরও যে জ্বালার সন্তান তাহাও তো কেহ কেহ মানিতে চাম না। তাঁরা বলেন আসলে কবীর ব্রাহ্মণ। মুসলমান জ্বালা তাঁহাকে কুড়াইয়া পাঠিয়া পালন করেন মাত্র। আর গোঁড়া সাম্প্রদায়িকরা বলেন কবীর স্বয়ং নারায়ণ, তিনি আপনাকে লহরতলাওতে প্রকট করিলে জ্বালা নীমা তাঁহাকে পালন করেন।

৬। **দাদুর নানাস্থানে অবস্থিতি:** চন্দ্রিকা-প্রসাদ তাঁহার 'শ্রীস্বামী দাদুদয়ালকী বাণী' গ্রন্থে বলেন, দাদু আমেদাবাদে

(নাগর ব্রাহ্মণ) লোদিরামের ঘরে ১৫৪৪ খৃঃ ফাল্গুন মাসের শুক্লাষ্টমীর বৃহস্পতি বারে জন্মগ্রহণ করেন। ১৮ বৎসর আমেদাবাদেই তিনি ছিলেন, তার পর ছয় বৎসর মধ্যদেশে নানা স্থানে ঘুরিয়া বেড়ান, তার পর আসেন জয়পুরে। কয় বৎসর সেখানেই থাকেন, পরে আমেরে আসিয়া বাস করেন। তখন জয়পুরে রাজা মানসিংহের পিতা ভগবন্তদাস ছিলেন রাজা। দাদু ১৪ বৎসর আমেরে ছিলেন, পরে মারবাড়, বিকানীর আদি রাজ্য ঘুরিয়া তিনি নারানাতে আসিয়া বাস করেন। এবং সেখানেই ১৩০৩ খৃঃ জ্যৈষ্ঠমাসের কৃষ্ণাষ্টমী শনিবারে ৪৮ বৎসর আড়াই মাস আয়ু পাইয়া মারা যান। “নারানা” ফুলেরার কাছে দাদুপন্থীদের একটি তীর্থস্থান। দাদুপন্থী সাধুদের এখানে প্রধান মন্দির ও তীর্থভূমি। এখানে প্রতিবৎসর ফাল্গুন মাসের শুক্লা চতুর্থী হইতে পূর্ণিমা পর্যন্ত খুব বড় মেলা বসে। বহুদূর হইতে হাজার হাজার দাদুপন্থী সাধু তাহাতে আসেন।

স্বরত বেগমপুরার মঠের পরলোকগত মহন্ত পণ্ডিত মতিরামেরও মতে “দাদুর জন্ম হয় নাই, তাঁহার বিবাহ বা মৃত্যুও হয় নাই। তিনি হইলেন পূর্ণব্রহ্ম নারাধণ। পরমেশ্বরের আবার জন্ম মৃত্যু বিবাহ কি?” “দাদু দেবতা হইলে তাঁর পুত্র গরীবদাস হন কেমন করিয়া?” এ কথা জিজ্ঞাসা করিলে তিনি বলিয়াছিলেন “গরীবদাসকে দাদু শিশুকালে অনাথ দেখিয়া দয়া করিয়া নিজে পালন করেন।” অনেক সাধু মহন্তেরই এই মত। যদিও গ্রন্থাদির এবং প্রাচীন শিষ্য পরম্পরার মতে ইতিহাস অন্তরূপ।

৭। **বাংলায় দাদুর পরিচয় ও দাদুর কুল নির্ণয়:** এখন দাদুর ইতিহাস খোঁজ করিতে করিতে একটি নূতন তথ্য গোচরে আসিতেছে। কোনো কোনো দলের বাংলাদেশের বাউলরা তাঁহাদের প্রণামে কবীর, দাদু, নানক প্রভৃতিকে প্রণাম করেন। তার একটি প্রণতিতে দেখি—

“শ্রীশুক দাউদ বন্দি দাদু ঈশর নাম।”

এই প্রণতি যদি সত্য হয় তবে তো দাদু হইয়া দাঁড়ান জন্মতঃ মুসলমান। এই প্রণতিটা দেখার পর বহু তীর্থ, সাধু ও পুণ্ডির খোঁজ করি। দেখিলাম দাদু যে মুসলমান ছিলেন তাহা আরও চুই একজনের গোচরে

আসিয়াছে কিন্তু কেহই সাহস করিয়া কথাটা প্রকাশ করিতেছেন না। কথাটা আপাততঃ চাপা পড়িবার জো হইয়াছে, দাদুর সম্বন্ধে তথ্য ও পুঁথির খোঁজ করিতে করিতে গতবার যখন রাজপুতানায় যাই তখন জয়পুরের ডাক্তার রায় দলজঃ সিংহ খেমকা বাহাদুরের গুথানে যাই। তখন দেখি হিমালয় গড়ওয়ালের পৌড়ী নগরের দাদুঅনুরাগী শ্রীযুত তারাদত্ত গৈরালী ও সেখানে উপস্থিত আছেন। জয়পুর অঞ্চলের দুই একজন প্রাচীন ভ্রাতৃবন্ধীও এই বিষয়ে খোঁজ করিতেছিলেন। তাঁহারাও সেই সময় টের পান যে কতকগুলি প্রবল প্রমাণ পাওয়া যাইতেছে যে দাদু ছিলেন মুসলমান আর তাঁর পূর্ব নাম ছিল দাউদ। এই দাউদটাই বদলাইয়া হইল দাদু। এই তথ্যটা জয়পুরের দাদুপন্থীর সত্য অন্তঃসন্ধানপরায়ণ পুরোহিত হরিনারায়ণ ও পণ্ডিত শ্রীযুত লক্ষ্মীদাস বৈষ্ণব মহাশয় প্রভৃতির যেন জানেন এমন মনে হয় না তবুও এই তথ্যটা এবং প্রমাণগুলি যদি ইহারা বাহির না করেন তবে শীঘ্র বাহির হইবে না। তাই বাধ্য হইয়া এইখানে ইহা জানাইতে হইল।

তাহা হইলে দেখা যায় যে কবীরের শিষ্য কমাল, কমালের শিষ্য দাদু, দাদুর শিষ্য রজ্জবজী—এই একটা সাধকের ধারা চলিয়া আসিতেছে যাহারা জন্মতঃ মুসলমান অথচ হিন্দুভাবের সহিত ঘনিষ্ঠভাবে যুক্ত। তাঁহারা সকল সম্প্রদায়ের অতীত সত্যের ও ভাবের সাধনায় ভরপুর। এমন সব সাধককেও হিন্দুসমাজের ভক্তেরা একেবারে আপনার বানাইয়া লইয়াছেন। মহাত্মা শ্রীরামকরণজী, মহাত্মা শ্রীবলদেব দাস বিরক্ত, মহাত্মা শ্রীলালদাস জী, পণ্ডিত শ্রীহীরালাল জী, মহাত্মা শ্রীরামদাস জী, মণ্ডলীশ্বর দুবলধনিয়া; সন্ত শ্রীকেশবদাস জী, পণ্ডিত শ্রীকুপারাম বৈষ্ণব সাধু প্রভৃতি সব প্রতিষ্ঠিত সন্ন্যাসীরা মিলিয়া যে রজ্জবজীর বাণী সংগ্রহ করিয়াছেন তাহাতে নাম দিয়াছেন—“শ্রীশ্বামী মহর্ষি দাদুজীকে স্বেযোগ্য শিষ্য মহারাজ শ্রীশ্বামী রজ্জবজী কী বাণী।” এই সংগ্রহটা তাহারা রজ্জবজীকে “যোগী রজ্জব” “শ্রীশ্বামী রজ্জবজী” প্রভৃতি বলিয়া অভিহিত করিয়াছেন। এই সকল সাধু সন্ন্যাসী ভক্তেরা হিন্দুসম্প্রদায় ও সমাজের শ্রেষ্ঠজনগণের এবং ভক্তসাধকগণেরও পূজ্য। অথচ তাঁহারা কেমন চমৎকার ভাবে দাদু ও রজ্জব প্রভৃতিকে হিন্দুরও পূজ্য ও নিজেদের লোক করিয়া লইয়াছেন। দাদুর শিষ্য নাগা সাধু সন্ন্যাসীদের স্থান কুস্তমেলায় কত

দূর উচ্চে তাহা প্রত্যক্ষদর্শী মাঝেই জানেন, কত সব উচ্চ নিষ্ঠাবান ব্রাহ্মণ, ক্ষত্রিয়, বৈশ্যাদি কুলের গৃহস্থ ও সাধকেরা তাহাদের চরণে নত হইয়া ধন্য হন।

দাদুর জীবনের এ তথা একটু ভালরূপে জানার জন্ত ১৯২৫—১৯৩০ সালের মধ্যে নানা সময় রাজপুতানার বহুস্থানে ও বহুসাধু সঙ্কনের কাছে সন্ধান করিয়া বেড়াইতেছিলাম তাহাতে যে যে সন্ধান মিলিয়াছিল তাহা এইখানে লিখিতেছি। এ সমস্ত প্রমাণের জন্ত বিশেষ ভাবে আমি আজমীরের পণ্ডিত চন্দ্রিকাপ্রসাদ ত্রিপাঠী মহাশয়ের কাছে ঋণী। দীর্ঘকাল তিনি রেলওয়ের কাজে নিযুক্ত ছিলেন। এখন তিনি ভারতীয় রেলওয়ের সম্বন্ধে একজন প্রামাণিক ব্যক্তি। আমাদের দেশের সামাজিক ও অর্থনীতিগত শিক্ষার সংস্কারে তাহার মন একান্ত উৎসুক। দাদুপন্থী বংশে তাহার জন্ম নয়। সনাতন মতবাদী ব্রাহ্মণবংশে তাহার জন্ম। দাদুপন্থী সাধু ব্রহ্মনিষ্ঠ মহাত্মা যোগিরাজ গোবিন্দদাসজীর সংসর্গে আসিয়া তিনি দাদুপন্থে বিশ্বাসী হন এবং দাদুপন্থের বহু গ্রন্থ ও বাণী সংগ্রহ করেন। ইহা ছাড়া অবধূত মহাত্মা লক্ষণদাসজীর ও বিরমগাম নিবাসী সাধু শঙ্কর দাসজী ও কাঠিয়াওয়াড় লাখনকা নিবাসী সাধু মোহন দাসজী প্রভৃতির কাছেও আমি অত্যন্ত ঋণী।

রাজপুতানার নানা সাধুর কাছে ও নানা স্থানে সংগৃহীত নানা পুঁথিতেই প্রমাণ মিলিতে লাগিল যে দাদু ছিলেন মুসলমান। অতি দীন ধনীবংশে দাদুর জন্ম। ধুনকর হিন্দু ও মুসলমান দুই-ই আছে। মুসলমান ধুনকর শাখাও এই হিন্দু ধুনকর বংশ হইতেই মুসলমান হইয়া স্বতন্ত্র শাখা হইয়া যায়। উচ্চ শ্রেণীর মুসলমান হইলে ইহাদের মধ্যে কোরাণ হাদিস প্রভৃতি ধর্মশাস্ত্র, মুসলমান দর্শন ও সাধন শাস্ত্রাদি প্রচলিত থাকিত, ইহাদের মধ্যে তাহাও ছিল না। ইহারা নামে মুসলমান হইলেও কাজে ছিল হিন্দু মুসলমান উভয় ধর্মের বাহির অতিহীন বংশীয় লোক। ইহাদের মধ্যে না ছিল হিন্দু বা মুসলমান শাস্ত্র, না ছিল শিক্ষাদীক্ষা বা কোনো উচ্চভাবের কথা। এমন বংশে যে কেমন করিয়া এমন সাধকের জন্ম হইল তাহাই আশ্চর্য।

ঐ সব দেশে মুসলমান ধুনকরদের বলে ধুনিয়া বা পিন্জারা। এই পিন্জারারাও অনেকেই দাদুর ভক্ত। পাঞ্জাবের পিন্জারারাও দাদুর ভক্ত। যদি স্বধাকর স্ববেদীর মতানুসারে দাদু মুচী হন তবে মুসলমান মুচী হইবেন।

কোন কোন জায়গায় পিঞ্জারার। বৎসরের এক সময় তুলা ধুনে অল্প সময় (মোটের) চর্খ সেলাই করে। কোন কোন মতে তাই দাদুর দ্বিবিধ পরিচয় মিলে। কান্নীর ভক্তদের কাহারও কাহারও এবং পণ্ডিত সুধাকর দ্বিবেদীর মতে তিনি কুপ হইতে জল তুলিবার মোট সেলাই করা মুচী বংশে জন্মগ্রহণ করেন।

যাহা হউক ইহা নিঃসন্দেহ যে তিনি অতি নীচকূলে জন্মগ্রহণ করেন। তিনি বিবাহ করিয়া গৃহী হন। বিবাহিত হইয়াই সন্ন্যাসী এবং সাধক হইতে হইবে এই উপদেশ স্বয়ং কবীর বলিয়া ও আচরণ করিয়া দেখাইয়া গিয়াছেন। যখন দাদু ধর্মজীবন লাভ করিয়া সাধনায় প্রবৃত্ত হন তখন দুই পুত্র ও দুই কন্যাকে লইয়া নূতন জীবন আরম্ভ করেন ও তাঁহাদিগকে অধ্যাত্মিক জীবনে অগ্রসর করিয়া দেন। দাদুর পুত্র কন্যা সকলেই উত্তম কবি ও সাধক হইয়াছিলেন। গরীবদাস যে তাঁর পুত্র এই কথা কেহ কেহ গোপন করিতে চান। কিন্তু নারায়ণা গ্রামে দাদুর ছোষ্ঠ পুত্র গরীব দাস যে তাঁহার প্রধান শ্রাদ্ধাধিকারী রূপে দাদুর শ্রাদ্ধোৎসব করেন তাহা সকলসাধুসম্মত। কথিত আছে এইখানে সুন্দরদাস গরীবদাসের বাবুয়ারে অসম্মানিত বোধ করিয়া প্রসিদ্ধ যে কয় পংক্তি কবিতা উচ্চারণ করেন, তার প্রথম শ্লোক—

“ক্যা ছনিয়া অস্তুত কইরীগাঁ ক্যা ছনিয়া কে রাসে সে
সাহিব সেতী রহো সুরবরু আতম বসসে উসে সে ॥”

“সংসার স্তুতি করিলেই বা কি আর কষ্ট হইলেই কি? প্রভুর সঙ্গে রাজী খুসী থাক, সেখান হইতেই আত্মার সম্পদ লাভ হয়।” এ সব কথা সকল ভক্তেরই জানা আছে। দাদু যে, মুসলমান বংশে জাত সাধক এ কথা চাপা দিয়া তাঁর শুচিতা রক্ষা প্রয়াসী কেহ কেহ বলেন যে দাদু স্বয়ং রজ্জবজীকে মন্ত্র দেন নাই। দূর হইতে দাদুর মুখে ভগবানের নাম শুনিয়া তিনি ধর্মজীবন লাভ করেন।

ভক্ত রজ্জবজী তাঁহার “সর্ব্বাঙ্গা” গ্রন্থের ভজনপ্রতাপ অঙ্গে লিপিয়াছেন যে সকল ভক্তেরই জন্ম নীচকূলে।

রজ্জবজীকৃত সর্ব্বাঙ্গা সাধমহিমা অঙ্গে আছে—

বুনিপ্রভে উৎপন্নো দাদু যোগেন্দ্রো মহামুনি :

উত্তম জোগধারনং তস্মাৎ ক্যং ন্যাতিকারণম্ ॥

ষোগীন্দ্র মহামুনি দাদু ধুনিগর্ভে উৎপন্ন হইয়া উত্তম যোগ ধারণ করিলেন
তাই বলি জন্ম বা জাতি (জাতি, জাতি) কি, সাধনার কোনো হেতু ?
আবার সেই গ্রন্থেই দেখিতে পাই—

চারনী মধ্যে উৎপন্নো চর্পটী নাথো মহামুনি ।

তুরক কুলে উৎপন্নো ভড়ঙ্গী নাথো মহামুনি ॥

আরও ঐ গ্রন্থে দেখিতে পাই ভক্ত রজ্জবের জন্ম কুলাল বা কলাল কুলে ।

“জ্বালাহাগর্ভে উৎপন্নো সাধ কবীর মহামুনি ।”

রইদাস চমারীকুলে, কিতাজনসু খোরীবংশে, জ্যোত্ত মহামুনি মীনীবংশে,
গুরুহংস ধোপার বংশে, ধনা জটাবী (জাঠ) বংশে ও সেন নাপিতবংশে উৎপন্ন
সাধক ভক্ত । রজ্জব কুলাল অর্থাৎ কুস্তকার বংশে বা কলালকুলে অর্থাৎ মত্ত-
বিক্রয়কারী বংশে, নামদেব ছিপৌ অর্থাৎ বস্ত্ররঞ্জকের বংশে উৎপন্ন । ইত্যাদি—

তেজ্ঞানন্দ কৃত দাদুপন্থী গ্রন্থে আছে—

মুসলমান মোড়ে ভয়ে জাতিকুলকো খোয় !

হরিকে আগে হেঁ খড়ে কবীর দাদু দোয় ॥

“জাতিপংক্তি হারাইয়া মুসলমান হইলেন সাধু (মোড়ে) । হরির আগে
আসিয়া খাড়া হইলেন কবীর, দাদু এই দুইজন ।”

দাদু পীর : ভক্ত রজ্জবজী গুরু দাদুকে বহুস্থলেই পীর বলিয়া
প্রণতি জানাইয়াছেন । “সিদ্ধা পুরে পীরকু” অর্থাৎ পূর্ণ গুরুকে নমস্কার ।
(রজ্জব, প্রথম স্ততিঅঙ্গ, ২)

রজ্জব রজা খুদায়কী পারা দাদু পীর ।

কুল মংজিল মহরম ভয়া দিল নহী দিলগীর ॥

রজ্জব, গুরুদেব অঙ্গ, ঐ

হে রজ্জব, ভগবানের ইচ্ছায় পীর (গুরু) পাইলে দাদুকে, সকল পথের
রহস্য হইল প্রকাশিত, চিত্তের আর অবসাদ পেন্দ রহিল না । তাহা ছাড়া
গুরু শিষ্য নিদান নির্ণয় অঙ্গে (৩৬), গুরুমুখ্য কশোটা অঙ্গে (৯), গুরুগত
মত সত্য অংগে (১), গুণ অরিল গুরুদেব কা অংগে (৬, ৭, ৮, ৯, ১০, ১২
২২, ২৩, ২৪, ২৫, ২৬, ৩০), ও অরিল উপদেশ চিতাবনী অংগে (২) রজ্জব
গুরু দাদুকে পীরই বলিয়াছেন ।

ভক্ত জগন্নাথদাসজী কৃত গুনগঞ্জনায়ায় আছে—

ধুন্সয়'। ঘুজু প্রকটে সুনিয়া সেস মহেস ।

ছুনিয়া মেঁ দাদু কহেঁ সুনিয়া মন প্রবেস ॥

জগন্নাথজী কৃত গুনগঞ্জনায়া ৫২ অংশ ১৪ সাখী

দাদুর নিজের ভৈরব রাগের ৩২৭ পদে (ত্রিপাঠীকৃত দাদু ৫২৩ পৃষ্ঠা দ্রষ্টব্য) ত্রিপাঠীজীর পুঁথিতে আছে “ছুনিয়া” । দ্বিবেদীজীর পুঁথিতে (১৪৭ পৃঃ ২৪ নং পদ) আছে “ধুনিয়া” তাহাতে আছে “এই ধুনকরের মন্স কেহ বুলিল না । কেহ বুলিল স্বামী, কেহ বুলিল সেখ, কেহ শুনায় রাম নাম কেহ শুনায় আল্লার নাম । অথচ আল্লা বা রামের রহস্য কেহই জানে না । কেহ মনে করে হিন্দু, কেহ মনে করে মুসলমান অথচ কেহ হিন্দু মুসলমানের খবরও জানে না । দুই শাস্ত্রের দুই পথে চলে বুলিয়া এই সব পাথক্য । যখন এই তত্ত্ব লোকে বোঝে তখনই রহস্য ধরা পড়ে । দাদু এক আত্মাকেই দোঁপিয়াছেন, কহিতে শুনিতে অনন্ত অনেক ।”

৮। **দাদুর পূর্ণাঙ্গ সাধনা :** কবীরের মত ছিল সাধক হইতে হইলে তাঁহাকে পূর্ণাঙ্গ জীবন যাপন করিতে হইবে । জীবনের সমস্ত সমস্যার উপযুক্ত সমাধান মেলে গৃহস্থের পূর্ণাঙ্গ জীবনে । তাই কবীর ছিলেন গৃহী । একথা এখন কবীরপন্থীর প্রাণপণে মুছিয়া ফেলিতে চাহেন । দাদুপন্থীদেরও সেই একই অবস্থা । দাদু ছিলেন গৃহী, অথচ এখন অনেক সাধু মহন্ত মনে করেন তিনি যদি গৃহী হন তবে তো আর মান থাকে না । তাই তাঁরা একথা মানিতেই চান না যে তিনি গৃহী হইয়া সহজ স্বাভাবিক পূর্ণাঙ্গ জীবন যাপন করিয়াছেন । পূর্বেই বলা হইয়াছে যে কেহ কেহ তাঁহাকে ভগবান মনে করিয়া বলেন যে তাঁর আবার জন্ম কি ? তাঁর জন্মই হয় নাই । (সুরত খাজরশেড়ীর মঠের মহন্ত রামপ্রসাদজী ও পরলোকগত মহন্ত পণ্ডিত মোতিরামজী) ।

দাদুর সময়কার গ্রন্থাদি দেখিলে দাদু যে গৃহী ছিলেন সে বিষয়ে আর কোনো সংশয়ই থাকে না । নাভাজীকৃত ভক্তমালা যদিও নানক দাদু প্রভৃতি ভক্তগণের কোনো নাম নাই তবু সৌভাগ্যক্রমে নাভাজী ছাড়া আরও অনেক ভক্তজনের লিখিত ভক্তমালা আছে । রাঘোজী ভক্ত (রাঘবদাসজী) কৃত

ভক্তমাল চমৎকার গ্রন্থ। তাহাতে বহু সাধুভক্ত সাধক ও ধর্মসাধনার প্রবর্তক গুরুগণের নাম ও জীবনী আছে। এই গ্রন্থের টীকা করেন ভক্ত চতুরদাস। তাঁহার টীকা এমন চমৎকার যে অনেকে মূল গ্রন্থ হইতে এই টীকার সমধিক আদর করেন। তাঁর গ্রন্থে দাদুর জীবনের অনেক খবর পাই। আর খবর মেলে ভক্তজগন্নাথজীকৃত ভক্তমালে—তিনি ভক্ত দাদুর পরিষ্কার পরিচয় দিয়াছেন।—

গুরু দাদুকা সেবক বখানো ।
 গরীবদাস মস্কীনা জানো ॥
 নানী মাতা দেনো বান্ধি ।
 ইনহু কহো রস্ম ভজতাই ॥
 বারো লোদী মাতা বসী ।
 হরা সাধু কহো হরধসি ॥

(জগন্নাথজী কৃত ভক্তমাল ।)

ইহাতে দাদুর বড় পুত্র গরীবদাস ছোট পুত্র মস্কীনদাসের নাম পাইতেছি। তাঁহার পিতা লোদী ও মাতা বসীবান্ধি। তাঁহার স্ত্রীর নাম যে হরা ইহাও পাইতেছি। এই হরা নামকেই ইংরাজী খ্রীষ্টপন্থীদের শাস্ত্রে 'Eve' নামে দেখি। ইহা মুসলমানদের মধ্যে চলতি নারীর নাম।

২। **ভক্তজনগোপাল বিহিত দাদু জীবনী**
 দাদুর নিজ শিষ্য জনগোপাল তাঁহার 'জীবন পরচী'গ্রন্থে দাদুর জীবনী দিয়াছেন কোন্ বয়সে দাদুর কোন ঘটনা ঘটিয়াছে তাহার সুন্দর উল্লেখ এই জীবন পরচী গ্রন্থে আছে।

বারহ বরস বালপন খোয়ে ।
 গুরু ভেটে থৈ সন্মুখ হোয়ে ।
 সাংভর আয়ে সময়ে তীসা ।
 গরীবদাস জনমে বস্তিসা ॥

মিলে বয়ালী আকবর সাহী ।

কল্যাণপুর পচাসাঁ জাহী ॥

সমৈ গুণসঠা নগর নরাণে ।

সাধে স্বামী রাম সমানে ॥

গ্রন্থ জনগোপাল কৃত, ২২ বিশ্রাম ২৬-২৭ চৌপাই ।

স্বামী দাদু জাকো ভাই ।

বহিন্ হরা বৈরাগণ বাঈ ॥

নানী মাতা দোনো বাঈ ।

জনগোপাল ইহ কীরত গাই ॥

গ্রন্থ জনগোপাল কৃত, ২ম বিশ্রাম ৭০ চৌপাই ।

“দাদু বালোর বার বৎসর কাটিবার পর গুরুর সাক্ষাৎ পান । ৩০ বৎসর বয়সে দাদু সান্তুরে আসেন । দাদুর বত্রিশ বৎসর বয়সে জ্যেষ্ঠ পুত্র গরীবদাসের জন্ম হয় । বেয়াল্লিশ বৎসর বয়সে সম্রাট আকবর সাহের সহিত দাদুর আলাপ পরিচয় ঘটে । পঞ্চাশ বৎসর বয়সে দাদু কল্যাণপুরে খান । উনষাট বৎসর বয়সে দাদু নরানে আসেন ৬ ষাট বৎসর বয়সে তিনি ভগবানে প্রবেশ করেন ।” হিজরী ৯৯৩ সালে ১৫৮৬ খ্রীষ্টাব্দে আকবর শাহের সঙ্গে তাঁর চল্লিশ দিন ব্যাপী আলাপ ফতেপুর সিক্রীর নিকটবর্তী স্থানে ঘটে । এই আলাপ আলোচনা চমৎকার । ভক্তজনদের মধ্যে তার ও সুল্কর বিবরণ রক্ষিত আছে । রজ্জব, জনগোপাল প্রভৃতি ভক্তগণের মতে দাদুর সঙ্গে আলাপের পরই আকবর সাম্প্রদায়িক হিজিরা সনের বদলে ভগবানের নামে ইলাহী সন নামে নূতন অঙ্গ প্রচলিত করেন । এবং সম্রাটের নিজ নামাক্ত মুদ্রার বদলে ভগবানের নামে মুদ্রিত মুদ্রার এই সময়েই প্রবর্তিত করেন । এই সময় হইতে যে মুদ্রা তার একপিঠে “অল্লাহ আকবর” অন্য পীঠে “জল্ল জলালুহ” মুদ্রিত । এই সময়ে দাদুর কতিপয় মুসলমান ধর্মাবলম্বীর নাম পাই । ভক্ত গাজী জী, ভক্ত বাজিন্দ খাঁ ভক্ত বখনা জী, ও ভক্ত সেখ ফরীদ তাঁর ধর্মজীবনের গভীর অন্তরঙ্গ বন্ধু ছিলেন । দাদুপন্থীরা তাঁদের পছের সঙ্গে যুক্ত যে সব সাধক জনের নাম করেন তার

মধ্যে অনেকে মুসলমান। দাদুপন্থী সম্প্রদায় ধর্মসম্বন্ধে বহুভাবের বহু সাধকের বাণী সংগ্রহ করিয়া ব্যবহার করেন। সে সব কথা এই সম্প্রদায়ের গ্রন্থ পরিচয়ে বলা হইবে।

১০। **বিভিন্ন ধর্মের সক্রতি**—সংবৎ ১৭৬৬ (১৭০২ খ্রীঃ) লিখিত একখানি দাদু সম্প্রদায়ী পুঁথিতে দেখি যে তাতে ১৬৭ জন ভক্তের পদ উদ্ধৃত আছে। তাহা ছাড়া আরও অনেক গ্রন্থের সংগ্রহ আছে। ইহাতে অনেক মুসলমান ভক্তের নাম আছে। অনেকের নামও ক্রমে হিন্দু ভাবাপন্ন হইয়া গিয়াছে তবে কাজী কাদমজী, সেখ ফরীদজী, কাজী মুহম্মদ জী, সেখ বহারদ জী (ইনি নিজেকে “দরবেশ” বলিয়া উল্লেখ করিয়াছেন), বখনা জী, রজ্জবজী, প্রভৃতিকে লইয়া কোনো গোল হইবার কথাই নাই। এই সব বিষয়ে “গ্রন্থ ও শিষ্য পরিচয়ে” আরও ভাল করিয়া বলা হইবে।

তখন আমেরে তাঁর কাছে এই সব হিন্দু ও মুসলমান ভক্তগণ আসিয়া ধর্মের পথে সকল মানবের মধ্যে মহা ঐক্য ও পরম সত্য সাধনার দ্বারা উপলব্ধি করিতে চাহিতে ছিলেন তখন সবাই দাদুকে বলিলেন “একি! তুমি দেখি হিন্দু-মুসলমান সকল সম্প্রদায়ের বেড়া ভাঙ্গিয়া একাকার করিতে চাও? ইহার অর্থ কি?”

দাদু কহিলেন, “যত মানুষ তত সাধনার বৈচিত্র্য থাকিবে, আর থাকাও চাই। তবে দল বাঁধিয়া সাধনার একটা “ঝুন্ড” (crowd, ভীড়) করিয়া যে সম্প্রদায় গড়িয়া তোলা ইহা হইল সত্য উপলব্ধির পথে একটা মহা অন্তরায়। সত্যকে ব্যক্তিগত বৈচিত্র্য দিয়া দেখ, সত্য জনে জনে অপকল্প, নবরূপ, স্তম্বর, সরস ও গভীর হইবে কিন্তু “দলবদ্ধী” করিয়া সত্যকে খুঁজিলে সত্যকেই হারাই। স্বতন্ত্র স্বতন্ত্র কমল ফোটে বলিয়াই প্রতি কমলের শতদল চমৎকার হইয়া বিকশিত হয়। সহস্র কমলকে যদি আঁটি বাঁধিয়া এক চাপে একভাবে ফুটাইবার চেষ্টা করা যায় তবে সব পিষিয়া পচিয়া ওঠে। প্রতি মানবই অনন্ত-দল-কমল; তাদেরও আবার দল বাঁধিবে? এ কি খেলার কথা?” শুকর এই উপদেশ রজ্জব পরে চমৎকার করিয়া তাঁহার রচনায় রাখিয়া গিয়াছেন।

দাদু বলেন, “আমি হিন্দুও বুঝি না মুসলমানও বুঝি না; এক তিনিই

সকলের স্বামী, দ্বিতীয় আর তো কাহাকেও দেখি না, কীট-পতঙ্গ-সর্পাদি সর্কষণিতে, জলে, স্থলে, সর্বত্র তিনিই সমাহিত। পৌর, পৈগম্বর, দেব, দানব, মীর, মালিক, মুনিজন, এসব দেখিয়া মুগ্ধ হইবে কে? তিনিই কর্তা তাঁহাকে চিনিয়া লও, কেহ যেন ঠহাতে ক্রোধ না করে। হৃদয়ের আরসী মার্জিত করিয়া রাম-রহিম প্রভৃতি সসীম স্বরূপ ধুইয়া ফেল। পাইয়াছ যে ধন তাহা কেন হারাও, স্বামীরই কর সেবা। হে দাদু, হরিকেই তুমি জপ করিয়া লও, জনমে জনমে যে তোমার পরম পুরুষ ॥”

দাদু, রাগ ভৈরোঁ, পদ ৩২৬।

“কেহ বলে স্বামী কেহ বলে সেখ, এই ধুনকরের মগ্ন কেহ বুঝিল না।”

দ্বিবেদীর দাদু দয়াল কা সবদ, রাগ ভৈরোঁ, পদ ২৪।

ভক্ত রজ্জবের বাণীর মধ্যে পাই সকলের সঙ্গে যুক্ত হইবার জগু ইহাদের কতদূর চেষ্টা ছিল। হিন্দুরা তবু একটু যদিবা বুঝিতেন, মুসলমানরা এই উদারতা মানিতেই চাহিতেন না। রজ্জবের গুরুর কাছে হাত জুড়িয়া প্রার্থনা “মুসলমানের সঙ্গে মিলাও।”—

“হাথা জোড়ী গুরুছঁসুঁ মুসলমিনসুঁ মিলাহি।”

গুরু শিষ্য নিদান নির্ণয় অংগ, ২৪।

যখন আমরা জয়পুরে ছিলাম তখন ডাক্তার দলজঙ্গ সিংহ খেমকা মহাশয় একখানি পুরাতন হস্তলিখিত পুঁথি হিমালয় গঢ়বালবাসী শ্রীযুক্ত তারাদত্ত গৈরলা মহাশয়কে দেন। ডাক্তার খেমকার ও স্বদেশ গঢ়বাল। সেই পুঁথিতে দাদু ও কবীর প্রভৃতি ভক্তের বহু বাণী আছে। তাহাতে কবীরের যে সব বাণী আছে তাহা প্রচলিত কবীরবাণী হইতে সম্পূর্ণ ভিন্ন রকমের।

দাদুর প্রণালীতেই এই কবীরবাণীগুলি সাজান এবং তাহার মগ্নও দাদুর বাণীর মত। গৈরলা মহাশয় গঢ়ওয়ালে গিয়া এই পুঁথির রহস্য ভেদ করিতে না পারিয়া কিছুদিন হইল আমাকে একপত্র লিখিয়াছেন। তাহার ইচ্ছা, সকলের সম্মিলিত চেষ্টায় এই সব রহস্যের মীমাংসা হউক। বাহা হউক, এই সব লইয়া আলোচনা করিলে মধ্যযুগের ভক্তদের সম্বন্ধে অনেক প্রাচীন অটল সংস্কারও টলিতে বাধ্য হইবে।

“মহামহোপাধ্যায় স্বধাকর দ্বিবেদী মহাশয় বলেন, “নীচকূলে জন্মিয়াছিলেন

বলিয়াই দাদু সংস্কৃত ছাড়িয়া সর্বসাধারণের জন্য ভাষাতে আপনাকে প্রকাশ করিয়াছেন। সর্বসাধারণের জন্য লিখিতে গিয়াই তুলসীদাসকে রামায়ণ ভাষায় লিখিতে হয়। হীনবংশে জন্মিলে দোষ কি? ভক্তদের জীবনী আলোচনায় দেখা যায় অনেকেই নীচকুলের। সাধনাতে জাতিবিচারে লাভ কি? সাধনার বলে সত্যকে লাভ করিয়া নীচকুলজাত ভক্তও সকল জগতের পূজ্য হন। ডোমের ঘরে জন্ম হইলেও ভক্ত শঠকোপ রামায়ুজ মতের সাধনায় সকলের শিরোমণি হইয়াছিলেন। সাধকের জাতি বা কুল যাহাই হোক না কেন শুধু নিজ সাধনার বলেই তিনি সর্বজনের পূজনীয় হন।”

সুধাকর দ্বিবেদী, দাদু দয়াল কা সবদ, ভূমিকা, ২ পৃষ্ঠা।

১১। **নিপক্ষদের কুট আঘাত :** দাদু যে নীচজাতির লোক ছিলেন তাহা লিখিতে গিয়া মহামহোপাধ্যায় দ্বিবেদী মহাশয় সেইযুগের একটা সুন্দর চিত্র প্রকাশ করিয়াছেন। কথাটা জানিবার মত বলিয়া এখানে উল্লেখ করা গেল। দাদুকে কেন সবাই দয়াল বলিত তারও একটি হেতু ইহাতে জানা যায়।

“তুলসীদাস, কমাল ও দাদু ইহঁরা ছিলেন আকবরের সময়ের লোক। ইহঁাদের মধ্যে তুলসীদাস ছিলেন ব্রাহ্মণ; আর কমাল, দাদু নীচকুলে উৎপন্ন সাধক। ব্রাহ্মণ তুলসীদাস ছিলেন সগুণ রামের উপাসক, আর এই নীচজাতীয় সাধকেরা ছিলেন নিগুণ বিশিষ্ট পরব্রহ্মবাদী।” কাজেই ইহঁাদের মধ্যে একেবারে মূলগত প্রভেদ ছিল। “ইহঁরা নীচজাতীয় বলিয়া তুলসীদাস মনে মনে ইহঁাদিগকে ঘৃণা করিতেন, কিন্তু যোগসাধনাদির বলে ইহঁরা লোকের এমন সম্মানভাজন ছিলেন যে তুলসীদাস প্রত্যক্ষরূপে ইহঁাদের নিন্দা করিতে সাহস করেন নাই। তাই তাঁহার রচিত রামচরিতমানসে (রামায়ণে) গুণ্ডারস্তুে খলের বন্দনা উপলক্ষ্যে বক্রোক্তিতে ইহঁাদের নিন্দা করিয়াছেন।

বহুরি বন্দি খলগণ সতি ভাএ।

জে বিনু কাজ দাহিনে বাঁএ ॥১

হরি হর যশ রাকেশ রাহুসে।

পর অকাজ ভট সহস বাহুসে ॥৩

তুলসীদাস কৃত রামায়ণ, বালকাণ্ড, ৪র্থ দোহা।

“এখন আমি দুষ্টলোকসমাজের বন্দনা করি, ধারা বিনা প্রয়োজনে ডাহিনে বাঁয়ে থাকেন। ঘাইারা হরি ও হরের ষশোরূপ পূর্ণচক্রে পক্ষে রাহুর মত ও পরের কার্য্য নষ্ট করিতে যাঁহারা সহস্রবাহুর মত।”

ভলেউ পোচ সব বিধি উপজাএ ।
 গণি গুণ দোষ বেদ বিলগাএ ॥
 সুখদুখ পাপপুণ্য দিনরাতী ।
 সাধু অসাধু সূজাতি কুজাতি ॥
 দানব দেব উচ অরু নীচু ।
 অমিয় সজীবন মাহুর মীচু ॥
 কাশী মগ সুরসরি কর্মনাশা ।
 মরু মালব মহীদেব গরাশা ॥

তুলসী রামায়ণ বালকাণ্ড দোহা ৬ ।

“ভালমন্দ দুই-ই বিধি সৃষ্টি করিলেন, গুণ ও দোষ অনুসারে বেদ সব ভাগ করিয়া দিলেন—সুখ আর দুখ, পাপ ও পুণ্য, দিন ও রাত্রি, সাধু ও অসাধু, সূজাতি ও কুজাতি, দেব ও দানব, উচ ও নীচ, জীবনপ্রদ অমৃত ও প্রাণহস্তা বিষ, কাশী ও মগধ, গঙ্গা ও কর্ণনাশা, মরুভূমি ও মালব, ব্রাহ্মণ আর কসাই।”

কর সুবেষ জগ বংচক জেউ ।
 বেষ প্রতাপ পূজিয়ত তেউ ॥
 উঘরহিঁ অংত ন হোয় নিবাহু ।
 কালনেমি জিমি রাবণ রাহু ॥

“সাধুর বেশ ধরিয়া যে খল জগতকে বঞ্চনা করে সে বেশের প্রতাপে পূজিত হয় বটে কিন্তু শেষ কালে সবই ধরা পড়িয়া যায় ও তখন কালনেমি রাবণ ও রাহুর মত তাহার বঞ্চনা ও টেকে না।”

১২। **দাদুর ক্রমা :** “তুলসীর এই সূচতুর বক্রোক্তি-নিন্দার কথা লোকে আসিয়া দাদুকে বলিত। কিন্তু দাদু ছিলেন মহাপ্রেমিক, প্রত্যুত্তরে তিনি কোন নিন্দাই করিতেন না। দাদু বুঝিতেন, তাঁর উপদেশ প্রাচীন সংস্কার প্রচলিত ধর্মমত বর্ণাশ্রম প্রভৃতিতে আঘাত করিতে পারে

তাই তুলসীদাস অসহিষ্ণু হইয়াছেন। বিশ্বজগতের সকলের উপরেই ছিল দাদুর অপরিমেয় প্রেম, শত আঘাত পাইলেও প্রতি-আঘাত করা ছিল তাঁহার পক্ষে অসম্ভব।

এইরূপ নিন্দায় সাময়িকভাবে লোকে খুবই বিচলিত হইয়াছিল কিন্তু অনেক পরে লোকে যখন তাঁহার মহত্ব বুঝিল তখন তাহাদের শ্রদ্ধা আরও গভীর হইল। সর্ব-আঘাত-সহিষ্ণু-প্রেম ও সর্ব-অপমান-জয়ী-মহত্বের জন্য তাঁহাকে নাম দিল “দাদু-দয়াল”।

জ্যেষ্ঠা—দাদুদয়াল কা সবদে মহামঃহাপাধ্যায় ৬ম্বধাকর দ্বিবেদীর

ভূমিকা ২—৩ পৃষ্ঠা।

নিন্দ্যা নাম ন লৌজিয়ে সুপিনেহী জিনি হোই।

না হম কহেই ন তুম সুনৌ হম জিনি ভার্ষে কোই ॥

দাদু, নিন্দ্যা অঙ্ক, ৫।

দাদু কহিলেন, “স্বপনেও কেহ নিন্দার নাম নিওনা। আমি যেন কোনো নিন্দাই না করি। তুমিও যেন কোনো নিন্দাই না শোনো ইত্যাদি।”

দাদু তাঁর জরণা অঙ্কে একটি চমৎকার কথা বলিতেছেন। দাদু ভগবানকে প্রশ্ন করিতেছেন, “হে অপার পরমেশ্বর, তুমি যে জীবের সব অপরাধ নিঃশব্দে উপেক্ষা কর, ইহার হেতু কি?” ভগবান উত্তর করিলেন, “যেন আমার এই ক্ষমা দেখিয়া সকল সাধকজন এই ক্ষমা-মতি শিক্ষা করিতে পারেন, এইজন্য।”

দাদু তুমহ জীরেঁ কৈ অরগুণ তজে, সু কারণ কৌণ অগাধ।

মেরী জরণা দেখি করি, মতি কো সীথে সাধ ॥

দাদু, জরণা অঙ্ক, ৩১।

১৩। **দাদুর সর্কে সুন্দরের যোগ:** দাদুর প্রতি লোকের শ্রদ্ধা কত গভীর হইয়াছিল তাহা তাঁহার ভক্ত ও শিষ্যদের লেখায় বুঝিতে পারি। ১৬০২ খ্রীষ্টাব্দে দাদু যখন ছোসা নগরীতে যান তখন বৃন্দর গোত্রীয় ভক্ত পরমানন্দ সাহ আপন সাত বছরের পুত্রকে তাঁহার চরণে সমর্পণ করিলেন। মিশ্রবন্ধুবিনোদগ্রন্থে তুলক্রমে বৃন্দরকে চুসর লেখা হইয়াছে

(ত্রঃ সুন্দরসার-নাগরী প্রচারিণী সভা, ১০ পৃঃ।) দাদু অতিশয় প্রীতিভরে বালকের মাথায় হাত দিয়া স্নেহের সহিত বলিলেন, “হে সুন্দর, তুমি আসিয়াছ।” এই হেতুতেই পরিশেষে এই বালকের নাম সুন্দরদাস নামে খ্যাত হইয়া গেল। ইনি পরে একজন খুব বড় পণ্ডিত ও বেদান্তবেত্তা হন। স্বকীয় “শুকসম্প্রদায়” গ্রন্থে সুন্দরদাস দাদুর সহিত তাঁহার প্রথম সমাগমটি অতি সুন্দররূপে বর্ণনা করিয়াছেন। পর বৎসর নারায়ণা গ্রামে দাদু পরলোক গমন করেন। জ্যেষ্ঠ পুত্র ও শিষ্য গরীবদাস পিতার শ্রাদ্ধমহোৎসব মহাসমারোহে সম্পন্ন করেন অগ্ণাত শিষ্যগণের সঙ্গে বালক শিষ্য সুন্দরদাসও সেখানে উপস্থিত ছিলেন।

দাদুর সম্প্রদায়কে ব্রহ্মসম্প্রদায় বলে, যেহেতু দাদু পরব্রহ্মের উপাসক ছিলেন। ইহারা বাহ্য মূর্তি প্রভৃতি পূজার বিরোধী বলিয়াও ইহাদিগের দলকে সকলে ব্রহ্মসম্প্রদায় বলিত (পুরোহিত হরিনারায়ণ, সুন্দরসার ১৩ ও ২৫ পৃষ্ঠা।) পরে মাধবদের ব্রহ্মসম্প্রদায়ের সঙ্গে নামের গোলমাল হয় বলিয়া ইহার নাম রাখা হইল পরব্রহ্ম-সম্প্রদায়।

দাদুর জন্মস্থান সম্বন্ধে শ্রীযুত চন্দ্রিকাপ্রসাদ প্রভৃতির মতভেদ থাকিলেও মহামহোপাধ্যায় দ্বিবেদী মহাশয় দাদুর জন্মকাল সম্বন্ধে অণু সকলের সঙ্গে একমত। তাঁহার মতে ১৫৪৪ খ্রীষ্টাব্দের ফাল্গুন মাসের শুক্লাষ্টমী তিথিতে বৃহস্পতিবারে দাদুর জন্ম হয় ও ১৬০৩ খ্রীষ্টাব্দে দাদু মারা যান।

১৪। **জীবনীর সার নিষ্কর্ষ :** মোটমোট দাদুর জীবনী সম্বন্ধে বাহা পাওয়া যায় তাহা এই :—

১৫৪৪ খ্রীষ্টাব্দের ফাল্গুন মাসের শুক্লাষ্টমী তিথিতে বৃহস্পতিবারে দাদুর জন্ম। কেহ কেহ বলেন তাঁর জন্ম আহমদাবাদে, কেহ কেহ বলেন, তাঁর জন্ম কোথায় তাহা জানা যায় না, কেহ বলেন তাঁর জন্মই হয় নাই, আবার সুধাকর দ্বিবেদী ও কাশীর অনেক ভক্তের মতে তাঁর জন্ম কাশীর নিকটস্থ জৌনপুরে।

জনগোপালের মতে ১২ বৎসর বয়সেই তিনি গুরু পান। সুরভের মহন্ত মোতিরাম বলেন দাদুর আবার গুরু কি, তিনিই তো স্বয়ং ঈশ্বর। অনেক দাদু মহন্তের এই মত, তবু বলেন লীলা হেতু তাঁর গুরু স্বীকার করা।

পূর্বেই বলা হইয়াছে কোনো কোনো মতে কবীরের শিষ্য কমালের পর জমাল, বিমল, বুচ্চন (সুন্দরদাসের “বৃদ্ধানন্দ ।”) । এই বুচ্চনের শিষ্য দাদু । কথাই আছে—

সাংভরমে সদগুরু মিল্যা দী পানকী পীক ।

বুচ্চন বাবা যুঁ কহী জুঁ কবীরকী সীখ ॥

(Garcin De Tassy তাঁর হিন্দী ও হিন্দুস্থানী সাহিত্যের গ্রন্থে এই প্রবাদ অনুসারে ধারা মানিয়াছেন, কিন্তু অনেকেই ইহা মানেন, না।

দাদু যে নীচ জাতিতে জন্মগ্রহণ করেন তাহাতে কোনো সংশয়-ই নাই । যদিও তাঁর সম্প্রদায়ের সাধু-মহাজুরা অনেকে প্রমাণ করিতে চান যে তিনি নাগর ব্রাহ্মণের ঘরে জন্মগ্রহণ করেন । অধিকাংশ মতেই তিনি মুসলমান ধুনকরের ঘরে জন্মগ্রহণ করেন । সে সব প্রমাণ পূর্বেই দিয়াছি । দ্বিবেদীজীর মতে তিনি যে কুপ হইতে জল-তুলিবার-মোট-সেলাই-করা মুচী-বংশে জন্মগ্রহণ করেন ইহাও পূর্বে বলা হইয়াছে । বিশেষ করিয়া রবিদাসী সম্প্রদায়ের সাধুদের অনেকে ইহাই বলিতে চান । এ বিষয়ে তাঁদের সম্প্রদায়ে একটা চমৎকার গল্প আছে—যদিও দাদুপন্থী সাধুদের মধ্যে এ গল্পটি পাই নাই । গল্পটি হইল দাদু কেমন করিয়া তাঁহার গুরুকে পাইলেন ।

১৫। **কমাল-দাদু যোগ :** একদিন অপরাহ্নকাল, রুষ্টি হইতেছে, দাদুর মন কি জানি কেন বিষন্ন । দাদু মাথা নীচু করিয়া মোটের চামড়া সেলাই করিতেছিলেন । এমন সময় কবীরের পুত্র ভক্তশ্রেষ্ঠ কমাল আসিয়া ঐ কুটারের একপাশে ছাঁচের নীচে আশ্রয় নিলেন । কুটারের ধারান্দায় উঠিতে তিনি চাহেন না, কারণ সেখানে দাদু বসিয়া সেলাই করিতে-ছিলেন ; কমাল গেলে যদি তাঁর কাজে বাধা হয়, গরীব লোকের অঙ্গে যদি বিষ দাঙে । কমাল অতিশয় নিঃশব্দে একপাশে ছাঁচের নীচে দাঁড়াইলে ও দাদুর কেমন মনে হইল কেহ কোথাও দাঁড়াইয়া আছে । তিনি কাজ ছাড়িয়া উঠিয়া বাহিরে আসিয়া ছাঁচের নীচে অবস্থিত ভক্তশ্রেষ্ঠ কমালকে বলিলেন—“বাবা ! কুটার ঘর বলিয়া কি আপনার আশ্রয় নিতে আপত্তি ?” কমাল বলিলেন, “আমি হরির দাস, আমার কি আর বাবা উচ্চ নীচ জাতি বিচার থাকিতে পারে ?” দাদু বলিলেন, “তবে আপনি বারান্দায় উঠিয়া আসুন ।” কমাল

বারান্দায় উঠিতেই দাদু তাঁহাকে মোট সেলাই করার জন্ত রাখা চামড়া পাতিয়া বসিতে দিলেন। কমাল বসিলে হঠাৎ দাদু চাহিয়া দেখেন কমালের চক্ষু নাহিয়া জলধারা পড়িতেছে। দাদু ইহা দেখিয়া অত্যন্ত ব্যথিত হইয়া মনে করিলেন যে হয়তো চামড়াতে বসিতে দেওয়ান সাধুজনের মনে আঘাত লাগিয়াছে। তিনি বলিলেন, “বাবা, ইচ্ছা করিয়া আপনার মনে আঘাত দিই নাই। আমি অতিশয় গরীব মুচী, বসিতে দিবার আমার আরতো কিছুই নাই।” ইহা শুনিয়া কমাল বলিলেন, “এই চামড়া পাতিয়া বসিতে দিয়াছ বলিয়া যে আমার নয়নে ধারা বহিয়াছে তা নয়। চামড়া ছাড়া তো তোমার বসিতে দিবার আর কিছুই নাই। এই বাহা তোমার আছে তাই যে অকৃত্রিম প্রেমে সহজে নম্রভাবে আমাকে বসিবার জন্ত দিয়াছ তাহা দেখিয়া আমার নিজের অন্তরের একটি কথা মনে হইল। আমার জীবন তো এখনো এমন সহজ হয় নাই। কতক্ষণ বা তোমার ছাঁচতলায় আমি দাঁড়াইয়া আছি? আমার প্রভু আমার জীবনের দ্বারপ্রান্তে কত যুগযুগান্তর ধরিয়া দাঁড়াইয়া আছেন। বাহা আছে তাহাই পাতিয়া দিয়া যে তাঁহাকে বসিতে বলিব এমন সহজ নম্রতা এখনো জীবনে আসে নাই। অহঙ্কারের গাঁঠ আছে কি না বাবা! তাই মন সহজ হয় না। তোমার এই সহজ ভাব দেখিয়া আমার মনে হইতেছিল, হায় আমারও যদি জীবন এমন নিরহঙ্কার, এমন নম্র, এমন সহজ হইত, তবে কি আজও আমার প্রভুকে বাহিরেই দাঁড়াইয়া থাকিতে হয়? কবে বা বসিবার মত আসন তাঁকে দিতে পারিব, কবে বা সাধনা তেমন পূর্ণ হইবে? সাধনার জোর নাই অথচ অহঙ্কারের বাক আছে, গাঁঠ আছে! কবে অহঙ্কার দূর হইবে, বাক-গাঁঠ সব ঘুচিবে, প্রভুকে আমার বসিতে দিতে পারিব? একথা মনে হওয়ায় মনে বড় ব্যথা লাগিতেছিল।”

দাদু ছিলেন নিরঙ্কর দরিদ্র মুচী, তবু হৃদয় ছিল সরস ও সহজ। তিনি কমালের কথা সম্পূর্ণ না বুঝিলেও একেবারে কিছুই যে বুঝিলেন না তা নয়। দাদু বলিলেন, “তোমার প্রভু কে?” কমাল বলিলেন, “সবার প্রভু যিনি তিনিই আমারও প্রভু।” দাদু ভিজ্ঞাসা করিলেন, “তিনি কি আমারও প্রভু? আমার জীবনের বাহিরেও তিনি দাঁড়াইয়া আছেন?” কমাল বলিলেন, “সবারই তিনি স্বামী, সকলের জীবনের বাহিরে তিনি দাঁড়াইয়া; শুধু হইয়া

তাঁহাকে দেখিতে হইবে, প্রেমে সহজ হইয়া তাঁকে বরণ করিয়া বসাইতে হইবে—এই হইল মানব জীবনের একমাত্র উদ্দেশ্য ও সাধনা।”

বৃষ্টি খামিয়া গেল, সন্ধ্যা আসিতেছিল, দাদুকে আশীর্বাদ করিয়া কমাল আপন পথে বাহির হইয়া গেলেন। দাদু আবার কাজে বসিলেন, তাঁর আর ভেমন করিয়া কাজে মন বসিল না। মনে হইতে লাগিল—“জনমমরণের তাঁর প্রভু তাঁর জীবনের বাহিরে দাঁড়াইয়া আছেন, শুধু হইয়া তাঁকে দেখিতে হইবে, প্রেমে সহজ হইয়া তাঁকে বসাইতে হইবে।”

দাদু দিনের পর দিন কাজে বসেন। কাজ আর অগ্রসর হয় না, কেবল কমালের সেই বাণীই মনের মধ্যে উজ্জ্বল হইতে হইতে সহজ হইয়া আসিল। দাদু তখন কমালকে খুঁজিতে বাহির হইলেন। কমালের দেখা পাইলে দাদু বলিলেন, “বাবা, মন ব্যাকুল করিয়াছ, এখন পথ দেখাইয়া দাও, কাজে তো আর মন বসিতে চায় না।” কমাল বলিলেন, “যখন তাঁর দেখা পাইবে তখন কাজে আনন্দ পাইবে, তখন বিশ্রাম মধুময় হইবে, কৰ্ম অমৃতময় হইবে, তাঁর সজের দ্বারা সর্বত্র সব শূণ্যতা পূর্ণ হইবে।” দাদু বলিলেন, “বাবা, মন বড় ব্যাকুল হইয়াছে, সেই পথ দেখাইয়া দাও।”

কমাল তাঁহাকে কিছু গভীর উপদেশ দিয়া সকল সংশয় দূর করিয়া সব সঙ্কট সহজ করিয়া বলিলেন, “তিনিই প্রভু, তিনিই গুরু, আজ যে সব কথা শুনিলে তাহাতে তোমার নিজেরই মন একটু অগ্রসর হইয়াছে। যতই ব্যাকুলতা বাড়িবে ক্রমে ক্রমে উপায়ও ততই ফুটিয়া উঠিবে। এখন যে অন্ধকার দেখিতেছ তাহার মধ্য দিয়াই গুরু দেখা দিবেন, তাঁর স্পর্শে সকল বাধা সহজ হইবে।” কমালের এই উপদেশ ভক্ত গভীর সাধক-জনের মধ্যে কোথাও কোথাও গান করা হয়। এই উপদেশকে তাঁরা বলেন “মরমগহরা।” এই আলাপের ঐতিহাসিক ভিত্তি কতটা আছে বলা কঠিন তবু এখানে উল্লেখ করা গেল। দাদু এই ভাবে সাধনার জগু ব্যাকুল হইলে সেই পরমগুরুকে পাইলেন। তাঁহার কথাই দাদুর সকল বাণীর প্রথমবাণী—

“গুরুঅঙ্গের” প্রথম শ্লোক—

“গৈব মাঁহি গুরুদের মিলা পায় হম পরসাদ।

মস্তক মেরা কর ধরা দক্ষ্যা হম অগাধ ॥”

“প্রকাশ হীন তিমিরের মধ্যে গুরু মিলিলেন, তাঁর প্রসাদ আমি পাইলাম ।
আমার মাথায় তিনি হাত রাখিলেন, আমি অগাধ দীক্ষা পাইলাম ।”

এই “দক্ষ্যা” কথাটি দ্বিবেদী মহাশয় “দেখা” লিখিয়াছেন । রাজপুত্রানার
অধিকাংশ পুস্তকেই “দক্ষ্যা” আছে, ত্রিপাঠী মহাশয় ও “দক্ষ্যা” পাঠই গ্রহণ
করিয়াছেন । “দক্ষ্যা”র বানান তাঁর “দক্ষা” ; পুঁথিতে “খ” ও “ক” স্থানে “ষ”
প্রায়ই আছে । তিনিও দীক্ষা অর্থই গ্রহণ করিয়াছেন ।

১৬। নব ভক্তি শ্রম্য প্রবর্তক রামানন্দ :

সন্তসম্প্রদায় মতে কথা আছে যে রামানন্দের পূর্বে উত্তর ভারতে জ্ঞান ছিল
কিন্তু ভক্তি নিম্প্রভ হইয়া আসিয়াছিল । দক্ষিণ দ্রাবিড়দেশে তখন ভক্তি ছিল
কিন্তু সেই ভক্তি ছিল ক্ষুদ্র ক্ষুদ্র গ্রাম্যদেবতা ও জনপদ-‘অম্মা’ বা গ্রাম-
দেবীদের আশ্রয় করিয়া ; বড় জোর তাহা সর্বশ্রেণীর পূজিত কোনো
দেবদেবীর আশ্রয় করিত । এই দুঃখ ঘুচিল যখন দক্ষিণ হইতে গুরু রামানন্দ
আসিয়া দক্ষিণের ভক্তির সঙ্গে উত্তর ভারতে জ্ঞানের গভীরতা ও বিশালতার
যোগসাধন করিলেন । তিনি দক্ষিণের ভক্তি উত্তরে আনিলেন কিন্তু ক্ষুদ্র আচার
বিচার ও পরিমিত দেবদেবীবাদ আনিলেন না । আর তার পর উত্তর
ভারতে যত জ্ঞান ও ভক্তির যোগসাধনা আসিল সবই কোনো না কোনো মতে
এই ধারার সহিত সংসৃষ্ট । সন্তদের মধ্যে কথা আছে :—

“ভক্তি দ্রাবিড় উপজী লায়ৈ রামানন্দ
প্রগট কিয়ো কবীরনে সপ্তদ্বীপ নোখংড ।”

পরমানন্দ রচিত কবীর মনসুরে উদ্ধৃত ।

অর্থাৎ ভক্তি জন্মিয়াছিল দ্রাবিড়দেশে, এদেশে আনিলেন তাহাকে রামানন্দ,
কবীর তাহা সকলের সম্মুখে ধরিলেন, এমন করিয়াই ভক্তি সপ্তদ্বীপ নবধণ্ড
পৃথিবীতে প্রচারিত হইয়া গেল ।

১৭। স্বক্যানন্দ-কথা : পরমানন্দ ধৃত গোপালদাস
দাদুপন্থী (ভক্তজনগোপাল), ২য় বিনয় বচনে দেখি “দাদুর যখন এগারো বৎসর
বয়স অর্ভীত হইতেছে, তখন একদিন বেলা তৃতীয় প্রহর অর্ভীত, সন্ধ্যা
নিকটবর্তী, ছেলেদের মধ্যে তখন তিনি খেলিতেছিলেন । এমন সময়
ভগবান বৃদ্ধ (বুঢ়া) রূপ হইয়া দর্শন দিলেন ।”

তীজে পহর নিকট ভঙ্গি সাঁঝা ।
 খেলত রহে সো লড়কন সাঁঝা ॥
 বীতে জবহি একাদশ বয়সু ।
 বুঢ়ারূপ দিয়ে হরি দরসু ॥

ঐ পৃ: ৬৩০ ।

তিনি আসিয়া ভিক্ষা চাহিলে দাদু তাঁহাকে পয়সা আনিয়া ভিক্ষা দিলেন ।
 সেই বৃদ্ধ পান খাইয়া দাদুর মুখে পিক ফেলিয়া অস্তহিত হইয়া গেলেন ।

সাংভরমে সদগুর মিলি দী পানকী পীক ।

বুঢ়ন বাবা যুঁ কহী জুঁ কবীরকী শীখ ॥

“সান্তুরে সদগুরু মিলিল তিনি পানের পীক মুখে দিলেন কবীরের যেমন ধর্মমত
 সেইভাবে বুঢ়ন বাবা তাঁহাকে শিক্ষা দিয়া গেলেন ।” তখন দাদু ছোট,
 তাই গুরু তাঁকে সব কথা বলিলেন না । অনেক পরে যখন দাদুর আঠারো
 বৎসর বয়স, তখন আবার আসিয়া বুঢ়ন দাদুকে পূর্ণ দীক্ষা দেন ও তার
 পরই দাদু নানাদেশ ভ্রমিতে বাহির হ’ন ।

কিছু প্রথম যখন তাঁহার গুরুর সঙ্গে দেখা তখন দাদু ছেলে মানুষ ।
 তিনি বিস্মিত হইয়া বলিলেন, “হে দেব, তুমি যে মুখামৃত দিয়া আমার জাতি
 ধারিলে, লোকের মধ্যে তোমার জাতি কি বলিয়া খ্যাত ?” বুঢ়ন বলিলেন,
 “আমার না আছে জাতি না আছে পাত্তি, আমাকে পাইতে হইলে প্রেম ছাড়া
 কোনো পথ নাই । যদি সাধনে কেহ পায় তো পায় ।”

দাদু পুছে দেব তুম কৈনসা জাত কহার ।

বুঢ়া জাতি ন পাত্তি হৈ শ্রীতিসে কোই পার ॥

(কবীর মনসুর পৃ: ৬৩০) ।

১৮ । **দাদুর পর্যটন ও শ্রমের নামা**
স্তন অতিক্রম : পরম পুরাতন বুঢ়ন যিনি আসলে নিরঞ্জন
 বায়, তিনি সাত বৎসর পরে আবার দাদুকে দরশন দিলেন । এই সাত বৎসর
 দাদু ঘরেই ছিলেন, গুরু নিরঞ্জন তাঁহাকে উপদেশ দিয়া অস্তহিত হইলে দাদু
 আত্মছোঁতিতে সূর্যের গায় দীপ্ত হইয়া বিশ্বজগতে বাহির হইলেন ।

রহে জো সাত বরস ঘর মাঁহী ।
 ফির দিয়ো দরশ নিরঞ্জন রাই ॥
 কর উপদেশ ভয়ে অন্তরধানা ।
 তব স্বামী প্রগটে জ্যো ভানা ॥

(কবীর মনসুর পৃষ্ঠা ৬৩০) ।

তারপর দাদু নানাস্থান ঘুরিয়া সান্তরে আসিলেন । তাঁর প্রেম দিনে দিনে
 বাড়িতে লাগিল ও প্রীতি-বিরহ বাড়িয়াই চলিল ।

পুনী সামেরকো কিয়া পয়ানা ।
 বাচী প্রীত বিরহ অধিকানা ॥

(মনসুর ধৃত জীবন পরচী) ।

তার পর তাঁর সাধন বলে পরব্রহ্মের সঙ্গে তাঁর ধ্যান যুক্ত হইয়া গেল ও প্রচ্ছন্ন-
 জ্যোতি তাঁর অন্তরে লাগিয়া গেল ।

পরব্রহ্মমেঁ তাড়ী লাগী ।
 গুপ্ত জ্যোতি উর অংতর লাগী ॥

(মনসুরধৃত জীবন পরচী পৃ: ৬৩০) ।

তখন হইতে তিনি ব্রহ্মের সমাধির পথেই চলিলেন, তখন হইতেই তিনি সাধু
 কবীরের প্রবর্তিত পথেই চলিতে লাগিলেন । মুসলমান সব পদ্ধতি ও সেইভাবে
 সব অশেষণ তিনি ছাড়িয়া দিলেন আর হিন্দুদের আচার হইতেও দূরে
 রহিলেন ।

নিগুণ ব্রহ্মকী কियो সমাধু ।
 তবচী চলে কবীর সাধু ॥
 তুর্ককী রাহ খোজ সব ছাড়ী ।
 হিন্দুকে করনীতে পুনি গ্যারী ॥

(মনসুরধৃত জীবন পরচী পৃ: ৬৩০) ।

দাদু “মটমর্শনের” মধ্যে সত্যের সাক্ষাৎ পাইবার আশা ছাড়িলেন, তাই
 ষড়্‌দর্শনের সঙ্গ ত্যাগ করিলেন । দিবানিশি তিনি উগবানের সঙ্গে রহিলেন
 রজিয়া । তিনি স্বাংগ, (বাহিরের সাজ সজ্জা) ভেখ, সম্প্রদায়, বুদ্ধি ও

সাম্প্রদায়িক পংথ মানিলেন না, গ্রহণ করিলেন না। এক পূর্ণব্রহ্মকেই সত্য বলিয়া জানিলেন। দেব, দেবী, পুজাপাতি, তীর্থ ত্রতাদির সেবা ও জাতি প্রভৃতির বিচার মানিলেন না। হিন্দু মুসলমান মত লইয়াও কোনো বাদ বিবাদ করিলেন না। (অথচ নিজের জীবন ও সাধনার দ্বারা) সবার সকল প্রশ্নের উত্তর সহজেই তিনি দিয়া গেলেন—

ষট্ দর্শনমৈ নাহিঁ সংগা ।

নিসদিন রহে রামকে রংগা ॥

স্বাংগ ভেখ পছ পংথ ন মানী ।

পূরণ ব্রহ্ম সত্য করি জানী ॥

দেবী দেব ন পূজা পাতী ।

তীরথ বরত ন সেবা জাতী ॥

হিন্দু তুরক ন ঝগড়া কীন্হো ।

সব কাহুকো উত্তর দীন্হো ॥

(মনসুরধৃত জীবন পরচী পৃঃ ৬৩০) ।

চন্দ্রিকাপ্রসাদ প্রভৃতি মানেন তাঁহার “অগাধ” গুরুকে। দ্বিবেদীজী মানেন কনালকে। প্রাচীন মরমী সস্তুরা মানেন তাঁর গুরু ব্রহ্ম নিরঞ্জন রায়।

১৮ বৎসর বয়সের পর দাদু নানা দেশে ভ্রমণ করিতে বাহির হ'ন। সেই সময় তিনি কাশী, বিহার, বাংলাদেশ পর্য্যন্ত আসিয়া সেই সব স্থানের সহজ মত, শূণ্যবাদ, নিরঞ্জনবাদ, ধর্মবাদ প্রভৃতির সঙ্গে পরিচিত হ'ন। এমন কি কথিত আছে তিনি পূর্বদেশের নাথপংথের সম্প্রদায়েও নাকি প্রবেশ করিয়াছিলেন। চন্দ্রিকাপ্রসাদ ত্রিপাঠী মহাশয়ের সঙ্গে যে আমার আলাপ হয় তাহাতেও দাদুর নাথ-ধর্মে প্রবেশের কথা তিনি বলেন। ত্রিপাঠীজী বলেন, দাদুর সেই সময় নাম হয় “কুস্তারী পার।” ‘কুস্তারী পার’ নাথযোগীদের মধ্যে সুপ্রসিদ্ধ পুরাতন নাম। হরপ্রসাদ শাস্ত্রী মহাশয় যে বৌদ্ধগান ও দৌহার ভূমিকায় ৭৬টি সিদ্ধের নাম দিয়াছেন তাহাতেও প্রাচীনকালের এক কুস্তারী পাদের নাম আছে। সেই কুস্তারী (পাদ) তাহাতে ৫১ নম্বরের।

শ্রীকুস্তারী পার রূপে দাদু সহজ তান্ত্রিকমত, দেহতত্ত্ব, যোগমত প্রভৃতির

সঙ্গে পরিচিত হ'ন। এখনও কুস্তারী পাবের রচিত (১) অজপা গায়ত্রী-গ্রন্থ, (২) বিরাটপুরাণ যোগশাস্ত্র (৩) অজপাগ্রন্থ ঔর অজপাশ্বাস প্রভৃতি গ্রন্থ, দাদুপন্থী মতের যোগীদের কাছে পাওয়া যায়। অজপা গায়ত্রীগ্রন্থে ১৮টি সুন্দর বর্ণযুক্ত চক্র অঙ্কিত পাওয়া যায়। বিরাট পুরাণ যোগশাস্ত্রে ১৩টি রঙীন চক্র মেলে। এই সব খবর জানিতে হইলে ভক্ত মোহনদাস মেহাড়ে'র রচিত “স্বামী দাদুজীকে আদিবোধ সিদ্ধান্ত গ্রন্থ” দেখা দরকার। দাদুপন্থী যোগীদের কাছে এই পুঁথিখানি অতিশয় মূল্যবান সাধুজনগণ ও যোগশাস্ত্রের গভীর কথায় পূর্ণ। জগন্নাথজীও যোগশাস্ত্র সম্বন্ধে “অধ্যাত্ম যোগগ্রন্থ” লিখিয়াছেন।

কথিত আছে,—যখন পূর্বাংশে ঘুরিতে ছিলেন,—তখন ভক্তসম্প্রদায় মাধোকানীর পদের সঙ্গে দাদু পরিচিত হ'ন। এই সব পদের সুরও একটু বিশিষ্ট রকমের, সন্ত রাঘবদাসজী তাঁর ভক্তমালের দ্বাদশপন্থের মধ্যে চতুঃপন্থীর নিরঞ্জনপন্থের পরই মাধোকানীর বিবরণ দিয়াছেন। (চক্রিকাশ্রমাদ ত্রিপাঠী, দাদুপন্থীসম্প্রদায়কা হিন্দীসাহিত্য পৃ: ২)।

নাথ সম্প্রদায়ের নবনাথের যে সব বাণী দাদুপন্থীর সংগ্রহ করিয়া রাখিয়া গিয়াছেন এখনও তার মধ্যে বাংলা ভাবের পদ দেখিলে অবাক হইতে হয়। সংবৎ ১৭৬৬ (১৭০৭ খ্রী:) বৈশাখ মাসের কৃষ্ণা একাদশীতে লেখা সমাপ্ত একখানা পুঁথি আমি জয়পুরে বিরজমনিবাসী ভক্ত শঙ্করদাসজী ও একজন অবধূতের কাছে দেখি। তাহাতে দাদুপন্থে সমাদৃত সকল শ্রেণীর ভক্তদের পদ আছে। নবনাথের পদের মধ্যে অনেক এমন ধরণের পদ পাই যাহা বাংলার যোগীদের ও নাথদের মধ্যেও প্রচলিত আছে।

প্রয়োজন না থাকিলেও এখানে তার একটু নমুনা মাত্র দিব।

“অদেখ দেখিবা দেখি বিচারিবা আকৃষ্ট রাখিবা” ইত্যাদি

“পাতাল গঙ্গা স্বর্গে চড়াইবা” ইত্যাদি

এই ভাবের রচনা দাদুর মধ্যেও প্রবেশ করে যথা—

“দাদু হিন্দু তুরুক ন হোইবা সাহেব সেতী কাম।

ষড়দর্শন কে সংগি ন জাইবা নিরপথ কহিবা রাম ॥”

(মধি কৌ অঙ্ক ৪৪)।

দাদুর বাণীর মধ্যে এমন বাণী আছে যেগুলি বরং ঐ দেশে প্রচলিত ভাষার পক্ষে

একটু অদ্ভুত কিন্তু পূর্ববাংলায় প্রচলিত প্রাচীন যোগীর গানের সহিত বাহার আশ্চর্য্য মিল। দাদু মায়া অংগে দেখি—

উভা সারং, বৈঠ বিচারং, সংভারং জাগত সূতা।

তীন লোক তত জাল বিডারণ, কহাঁ জাইগা পূতা ॥

(মায়াঅংগবাণী, ১৩৬)।

আর পূর্ববাংলায় নাথযোগীদের প্রাচীন পদে পাই—

উঠ্যা সারন বৈঠ্যা সারন, সামাল জাগত সূতা।

তিন ভুবনে বিছাইনা জাল, কই যাবিরে পূতা ?

শ্রীযুত চন্দ্রিকাপ্রসাদদত্ত উহার পাদটীকায় উদ্ধৃত মায়ার বাক্য—

উভা মারুঁ, বৈঠা মারুঁ, মারুঁ জাগত সূতা।

তীন ভবন ভগজাল পসারুঁ, কহাঁ জায়গা পূতা ?

বাংলার যোগীদের পদ দেখি—

উঠ্যা মারুম বৈঠ্যা মারুম মারুম জাগা সূতা।

তীন ধামে কাম জাল বিছাইমু কই যাবিরে পূতা ?

(“তিন ভবে ভগজাল বিছাইমু” পাঠও আছে)।

গোরখ বাক্য—

উভা খংডুঁ, বৈঠা খংডুঁ, খংডুঁ, জাগত সূতা।

তীন ভরনতে তিন হুরে খেলুঁ, তৌ গোরখ অবধূতা ॥

হহার সঙ্গে তুলনীয় বাংলার যোগীর পদ—

উঠ্যা খণ্ডুম বৈঠ্যা খণ্ডুম খণ্ডুম জাগত সূতা।

তিন ভুবনে খেলুম আলগ তয়তো অবধূতা ॥

দাদুর পদের মধ্যে গুজরাতি ধরণের গানও আছে। “গোবিন্দা গাইবা দেরে,” ‘গোবিন্দা জোইবা দেরে’—রাগ মারু ১৫২, ১৫৩ নং গান।

অবশ্য গুজরাতি, কাঠিয়াবাড়ীতেও ক্রিয়ার শেষে ‘বা’ থাকিলে তাহার অর্থ ‘তে’ হয়।

এই সময়েই হয়ত বাংলার সহজ মতের সাধক ও বাউলদের সঙ্গে দাদুর পরিচয় ঘটে। পূর্বেই বলা গিয়াছে যে বাউলদের মধ্যে কোথাও কোথাও

অল্পান্ত্র বহু মহাজনদের প্রণতির সঙ্গে দাদুর প্রতি ও প্রণতি আছে। সেই প্রণতিপদ দেখিয়াই আমার প্রথম সন্দেহ হয় দাদু ছিলেন মুসলমান আর তখন তাঁর নাম ছিল দাউদ।

এই দেশ ভ্রমণ করার সময়েই দাদু সর্বপ্রকার সাধনার মধ্যে সামঞ্জস্য ও ঐক্য দেখিতে পান ও সাম্প্রদায়িকতা যে এই বিরাট সত্যকে উপলব্ধি করার বাধা তাহা অনুভব করেন। কবীর প্রভৃতিও ইহা অনুভব করিয়াছিলেন কিন্তু দাদু তাঁর সত্যের অনুভূতিকে আরও প্রকৃষ্ট রূপ ও আকার দান করেন।

১৯। প্রেমের ঐক্য একাকারের পার্থক্য :

সর্বধর্মকে ভাল পাকাইয়া এই ঐক্য নয়, সকলদলের সুসমাবেশে সাধনার একটি শতদল কমল ফুটাইয়া তোলাই হইল কবীর, দাদু প্রভৃতির উদ্দেশ্য। যে সব কথা তাঁরা অতি সুন্দরভাবে বুঝাইয়া গিয়াছেন। তখন প্রধান সমস্যাই ছিল হিন্দু মুসলমানকে লইয়া। সে সম্বন্ধে তাঁর অনেক চমৎকার বাণী পাওয়া যায়।

“সব আমি সন্ধান করিয়া দেখিলাম, পর কাহাকেও পাইলাম না। সকল ঘটে একই আত্মা, কি হিন্দু কি মুসলমান।”

সব হুম দেখা সোধি করি ছুজা নাই আন।

সব ঘঠ একৈ আতমা ক্যা হিন্দু মুসলমান ॥

(দাদু দয়া নিবৈরতা অঙ্ক ৫)।

“হে ভাই, দাদু হিন্দু মুসলমান এই দুয়েরই একই কান, দুয়েরই একই নয়ন।”

(ঐ—৭)। এইরূপ বহু বহু বাণী দাদুর আছে।

জনগোপালজী, রজ্জবজী, জগন্নাথজী, সুন্দরদাসজী প্রভৃতির মতে দাদু ধুনিয়ার বংশে জাত। তথাপি স্বামী দাদু দয়ালের উপদেশ সকল মানবের সমান। তিনি কাহারও প্রতি পক্ষপাত করেন নাই।

২০। কথিত ভাষার প্রতি অনুরাগ : “তাঁর শিষ্যের মধ্যে হিন্দু তো আছেনই মুসলমানও অনেক আছেন। মুসলমানদের মধ্যে রজ্জবজী, বখনাঙ্গী ও রাঈন্দ্রা প্রধান” (ত্রিপাঠী দাদুপন্থী সাহিত্য... ৩ পৃষ্ঠা)। বিবেদী মহাশয় বলেন ভাগ্যে দাদু নীচবংশে জন্মিয়াছিলেন তাই তিনি হিন্দীভাষাতে তাঁর গভীর ভাব সব প্রকাশ করিয়া সমৃদ্ধি ও নবত্ব দান

করেন। উচ্চবংশের লোক হইলে তিনি কখনও সংস্কৃত ছাড়িয়া বাহিরে আসিতে চাহিতেন না এ কথা পূর্বেই উক্ত হইয়াছে। দাদুর শিষ্যগণের মধ্যেও অনেকে চমৎকার হিন্দী রচনা করিয়াছেন।

ত্রিপাঠীজী বলেন দাদুপন্থীদের মধ্যে কেহ কেহ ভাল সংস্কৃতজ্ঞ হইয়াও হিন্দীতে লিখিয়াছেন এবং লোকের বোধগম্য হইতে পারে মনে করিয়া বহুসংস্কৃত গ্রন্থের চমৎকার অনুবাদ করিয়াছেন। এসব বিষয় পরে বিশদরূপে বলা হইবে। পণ্ডিত নিশ্চলদাসজী দীর্ঘকাল কালীতে শিক্ষাদান ও পাণ্ডিত্যের জগৎ সর্বজন-মান্ত হন; তাঁর রচিত “বিচারসাগর” ও “বৃত্তিপ্রভাকর” অত্যন্ত সমাদৃত ও প্রামাণ্য গ্রন্থ। ইহাতে শত শত সংস্কৃত গ্রন্থের সার সংগৃহীত। লোক-ভাষাতে গ্রন্থরচনা করায় পণ্ডিতেরা নিশ্চলদাসকে বলেন “আপনার মত পণ্ডিত লোকের কি উচিত লোকভাষাতে গ্রন্থলেখা?” আরও নানাপ্রকার কটুক্তি তাঁরা নিশ্চলদাসকে করেন, দাদুর মহান্ আদর্শের খবর তো তাঁরা রাখিতেন না। একজন পণ্ডিত নিন্দা করিয়া বলেন যে, “বিচার সাগর এত সহজ যে মূর্খও ইহা বুঝিতে পারে! বিদ্বানের পক্ষে গভীর (ক্লিষ্ট) রচনাপূর্ণ লেখাই উচিত!” তখন নিশ্চলদাস উত্তর করিলেন “যে ব্রহ্মবিৎ, তাঁর বাণী সংস্কৃতই হউক বা যে ভাষাই হউক তাহাই বেদ এবং তাহা সর্ব ভেদ এবং ভ্রম ছেদন করে।” অর্থাৎ তাহা সংশয় এবং ক্লেশ বৃদ্ধি না করিয়া আপন সরলতায় সব ভ্রমসংশয় দূর করে।

ব্রহ্মরূপ অহি ব্রহ্মবিৎ, তাকী বাণী বেদ।

ভাষা অথবা সংস্কৃত করত ভেদভ্রমছেদ ॥

(ত্রিপাঠীজীর দাদু সাহিত্য পৃ: ৩)।

দাদুর মৃত্যুর কিছুকাল পরেই প্রায় ১৬৫০ খ্রীশাব্দের কাছাকাছি আরও অনেক দাদুপন্থী অনুবাদক সংস্কৃত হইতে ভাষাতে অনুবাদকর্মে প্রবৃত্ত হন। তাঁহাদের মধ্যে ভক্ত দামোদর দাসের নাম বিশেষভাবে উল্লেখযোগ্য। ইনি যথেষ্ট অনুবাদ করিয়াছেন। ইহার মার্কণ্ডেয় পুরাণের অনুবাদ ভক্তদের কাছে অতিশয় আদরণীয়। ঐ গ্রন্থখানি সেই সময়কার রাজস্থানী গণ্ডে অনুবাদ করা হইয়াছিল। সেই যুগের গণ্ডের নমুনা হিসাবে ইহা ভাষাবিদগণের আদরণীয় হইতে পারে।

নানাদেশে ভ্রমণ সমাপ্ত করিয়া দাদু ব্রহ্মনিষ্ঠ গৃহস্থ হইয়া পরিপূর্ণ জীবন যাপন করিতে ও পরিপূর্ণ জীবনের আদর্শ স্থাপন করিতে ইচ্ছা করিলেন। মহাত্মা কবীরেরও মত ছিল যে সাধক হইতে হইলে গৃহী হওয়া উচিত। জীবনের সর্ববিধ সমস্যার প্রকৃত সমাধান হইল পূর্ণাঙ্গ জীবনযাপন। সকল সমস্যায় উত্তর মেলে সাধকের জীবন দেখিয়া। পূর্ণাঙ্গ জীবন যার নাই সে জীবনসমস্যার উত্তর না দিয়া ফাঁকি দিয়া গেল। আর বিশ্বকর্তার পরিপূর্ণ মহিমা, পরিপূর্ণরস, সর্ববিধ মাধুয্য, পরিপূর্ণ জীবনের দ্বারাই উপলব্ধি করা সম্ভব। পূর্বেই বলা হইয়াছে দাদুর স্ত্রীর নাম ছিল হবা—ইহা মুসলমানী ও ইহুদীয় নাম, ইংরাজী ভাষায় খৃষ্টানরা যাহাকে বলেন ইভ (Eve)। পরিবার পোষণের জন্ত কবীরের মত তিনিও নিজে পরিশ্রম করিতেন—মনে করিতেন ভগবানই তাঁহার সাধকের নিজ কন্ঠের পরদার অন্তরালে প্রচ্ছন্ন থাকিয়া তাঁহাকে পোষণ করেন, যাহাতে তাহার আত্মসম্মান অক্ষুণ্ণ থাকে।

দাদু রোজী রাম হৈ রাজিক রিজক হমার।

দাদু উস পরসাদ সৌ পোয়া সব পরিবার ॥

(দাদু, বেসাস কো অঙ্ক ৫৪)।

“হে দাদু, রামই আমার দৈনিক অন্ন, তিনিই বৃত্তি, তিনিই জীবিকা। হে দাদু, তাঁর প্রসাদেই আমি সব পরিবার পোষণ করিয়াছি।” সাধুদের শিষ্য ও আশ্রিতরাও তাঁদের পরিবার।

২১। **দাদুর ব্রহ্মসম্প্রদায় :** দাদুর বয়স যখন ২৯ কি ৩০ বৎসর তখন দাদু ব্রহ্মসম্প্রদায় স্থাপন করেন। এষ্ট সময়েই তাঁর বাণী রচিত হইতে আরম্ভ হয় (ত্রিপাঠী-দাদু-সাহিত্য—৪ পৃঃ)। ত্রিপাঠীজী বলেন—“যাহাতে জ্ঞানী অজ্ঞান, উচ্চ নীচ সকলের অমুকুল সরল একটি ধর্মের আদর্শ সকলের কাছে স্থাপিত হয় ইহাই ছিল দাদুর অন্তরের আকাঙ্ক্ষা। জীবনে যাহাতে কুরীতি ত্যাগ করিয়া সুরীতি সকলে গ্রহণ করে, সকল মানব যাহাতে সমানভাবে সকল জ্ঞানের অধিকারী বিবেচিত হয়, উচ্চ নীচ বলিয়া কৃত্রিম ভেদ যাহাতে দূর হয়, অপেক্ষাকৃত শক্তিহীনদের বঞ্চনা করিয়া লুক

হইয়া যাহাতে কেহ প্রয়োজনের অধিক ধনসঞ্চয় না করে এই ছিল তাঁর মনের ভাব । এই রকম অনেক আদর্শ তাঁর মনে ছিল ।”

(ত্রিপাঠী-দাদু-সাহিত্য পৃ: ৪) ।

এই সব আদর্শের পরিপূর্ণতার জন্মই দাদু তাঁর ব্রহ্ম-সম্প্রদায় স্থাপন করিলেন । তাহাতে উপাসনার রীতি এমনভাবে প্রবর্তিত হইল যাহা অতি সরল অথচ অতিশয় উচ্চধরণের যেন মানুষ সেই সাধনায় পরমানন্দকে অতি সহজে পাইতে পারে । প্রত্যেক স্ত্রী ও পুরুষের পক্ষে সাধনার দ্বারা ভগবদ্-জ্ঞান লাভ করা আবশ্যিক ।

(দাদু-সাহিত্য পৃ: ৪) ।

সহজ ভাষাতে দাদু বলিলেন,—“অহমিকা ত্যাগ করিয়া হরিকে ভজনা, ও তনু মনের বিকার ত্যাগ, এবং সকল জীবের সঙ্গে মৈত্রী (নির্বৈর), এই হইল সার মত ।”

আপা মেটে হরি ভজৈ তন মন তজৈ বিকার ।

নির্বৈরী সব জীবসৌ দাদু য়হ মত সার ॥

(দাদু, দয়া নির্বৈরতাকো অঙ্ক ২) ।

এই ব্রহ্ম-সম্প্রদায়ে দাদু কোনো সাম্প্রদায়িক মতের বা সংস্কারের প্রতি পক্ষপাত করেন নাই । তিনি নির্ভয়ে সকল মানবের কল্যাণের জন্ম সকল কুরীতি ত্যাগ করার উদ্যোগ করিলেন । পরমাত্মায় তাঁর দৃঢ় বিশ্বাস ছিল । তাঁর পরম শক্তির উপর ভরসা করিয়াই দাদু আপন কর্তব্য করিয়াছেন । দাদু বলিলেন—

“যেদিন হইতে আমি সম্প্রদায় ছাড়িয়া অসাম্প্রদায়িক হইলাম, সকল লোকেই আমার উপর ক্রোধ করিতে লাগিলেন । সদগুরুর প্রসাদে আমার না হইল হর্ষ, না হইল শোক ।”

দাদু জব থৈ হম নির্পষ ভয়ে সবৈ রিসানে লোক ।

সদগুরুকে পরসাদ থৈ মেরে হরখ ন শোক ॥

(দাদু মধিকে অঙ্ক ৫০) ।

লোকেরা দাদুকে বলিল জগতে সেবা বা কাজ করিতে হইলেই কোনো না কোনো দলে থাকিয়া কাজ করা দরকার ; তুমি কোন্ সম্প্রদায়ে থাকিয়া কাজ করিবে ?

দাদু উত্তর করিলেন—

দাদু য়হ সব কিসকে পংখমৈঁ ধরতী অরু অসমান ।

পানী পবন দিন রাতকা চন্দ্র সূর, রহিমান ॥ইত্যাদি ।

(দাদু সাচকে অঙ্ক ১১৩) ।

“এই যে ধরিত্রী আকাশ, জল, পবন, দিন, রাত্রি, চন্দ্র, সূর্য, (ইহারা তো অহ্নিশ সদাই সবার সেবা করিয়া চলিয়াছে) । ইহারা আছে কোন্ পক্ষে, কোন্ সম্প্রদায়ে ?”

“দাদু যে সব কিসকে হুঁরৈ রহে য়হ মেরে মন মঁাহি ।”

(দাদু সাচকে অঙ্ক ১১৬) ।

“ হে দাদু, ইহারা সব কার অনুবর্তী হইয়া (কোন সম্প্রদায়ে) রহিয়াছে, এই প্রশ্নই আমার মনে ।”

তখন নিজেই দাদু তাহার উত্তর দিতেছেন—

“অলখ ইলাহী জগতগুর দুজা কোঈ নঁাহি ॥”

(দাদু, সাচকো অঙ্ক, ১১৬) ।

“সেই অলখ ঈশ্বরই জগদগুরু, তিনি ছাড়া আর কেহ এই জগতে নাই (যাহাকে আশ্রয় করিয়া থাকা চলে) ।” কাজেই ইহারা কোনো সম্প্রদায়ে না থাকিয়াও তাহারই সেনক হইয়া আছে । এই সব কথা দাদুর ব্রহ্মসম্প্রদায় প্রকরণে ভাল করিয়া বলা যাইবে । তাঁহার এই ব্রহ্মসম্প্রদায়ের সত্যগুলি হিন্দু মুসলমান দুই মতের ভাল ভাল সাধকদের মধ্যেই স্বীকৃত হইয়াছে ।

যদিও তিনি আত্মঘোষণা ও কর্মঘোষণার বিরোধী ছিলেন তবু এই সব উপলক্ষিতে যখন তাঁহার মন ভরিয়া উঠিল তখন দাদু কোথাও স্থির হইয়া বসিয়া সাধনা ও জীবনের দ্বারা এই সত্যকে সর্বজনের গ্রহণের উপযোগী করিতে চাছিলেন । তখনই তিনি রাজপুতানার অন্তর্গত সাংভরে আসিয়া সপরিবারে স্থির হইয়া বসিয়া কাজ করিতে লাগিলেন । এইখানে বসিয়া

ব্রহ্মসাধনার বিষয় দাদু নির্ভয়ে প্রচার করিতে লাগিলেন। বন্ধুজনেরা বলিলেন, “দাদু সত্য প্রচার করিতে হয় কর, কিন্তু সকলকে সব কথা বলা উচিত নয়। সমাজের মতি গতি বুঝিয়া চারিদিকের ভাব ভঙ্গী বিচার করিয়া যাহাকে যতটুকু বলা উচিত তাহাকে ততটুকুই বল। অনেকস্থলে সম্পূর্ণ মৌনই থাকা উচিত।” কিন্তু দাদু বলিয়া উঠিলেন—“সাচ্চা পথে যাইয়া সত্যেই স্বামীকে পাইবে।”

সাচে সাহিবকৌ মেলৈ সাচে মারগি জাই ॥

(সাচ কৌ অংগ ১৫৬) ।

বন্ধুরা ভয় দেখাইলেন, “হে দাদু, মুন্না মৌলবী আছেন, গুরু ব্রাহ্মণ আছেন, পাণ্ডা মোহন ও দর্গার পীরেরা আছেন, দিন দিন তুমি ইহাদের স্বার্থে আঘাত করিতেছ। ইহারা কি তোমাকে ক্ষমা করিবেন? রাজা, রাণা, দেশের মীর মালিক সবাই দিন দিন তোমার উপর বিরক্ত হইতেছেন। সাধারণের মধ্যে তোমার এই সব সত্য প্রচারের অর্থই হইল দিন দিন তাহাদের শক্তি ক্ষয় হওয়া। এ সব কথা ভাবিয়া দেখা উচিত।”

যে দাদু একদিন আমেরের রাজা ভগবন্ত দাসের সঙ্গে মতভেদ হওয়ায় ভগবানকে সম্বোধন করিয়া বলিয়াছিলেন—

“দাদু বলি তুমহারে বাপজী, গিনত ন রাণা রার !
মীর মালিক পরধান পতি, তুম বিন সবহী বার ॥

(সুরাতন অঙ্ক ৭৩) ।

“হে পিতা, তোমার বলে, দাদু না গণে কোনো রাণা, না মানে কোনো “রার”; তুমিই আমার মীর, তুমিই মালিক, তুমিই প্রধান, তুমিই পতি, তুমি বিনা সবই বায়ুভূত (মিথ্যা)”, সে দাদু কি ভয় পাইবার পাত্র ?

যে দাদু ভগবানকে শুনাইলেন—

“সব জগ ছাড়ে হাতথৈঁ তৌ তুম জিনি ছাড়ছ রাম ॥”

(দাদু, সুরাতন অঙ্ক ৭৬) ।

“সব জগত যদি আমাকে পরিত্যাগ করে তবু তুমি যেন আমায় ছাড়িও না”, সে দাদু কি মাহুষের ভয়ে সঙ্কচিত হইতে পারেন ?

সত্য প্রচারে যদিও দাদু নির্ভয় ছিলেন ও কাহাকেও রেয়াৎ করিয়া কথা কহিতেন না তবু মানুষের প্রতি তাঁর ব্যবহার ক্রমা ও প্রেমে পূর্ণ ছিল। দাদুকে যদি কেহ আঘাত বা নিন্দা করিত তাহাতে দাদু ক্রুদ্ধ হইতেন না। সত্যের ও ভগবানের নামে মিথ্যা দেখিলে তিনি দুঃখ পাইতেন। একদিন একজন লোক সাঙুরে আসিয়া তাঁহাকে গালি দিল—

সাংভরিমৈঁ গালি দঈ গুর দাদু কৌ আই ।
তবহী সবদ যে উচ্চরৌ ধরী মিঠাঈ পাই ॥

(পৃ: ৪৯৯) ।

দাদু তাহাতে ক্রোধ না করিয়া তাহাকে যত্নপূর্বক গ্রহণ করিয়া মিষ্টাঙ্গাদি খাওয়াইলেন। লোকেরা বলিল—“এ কি রকম তোমার ব্যবহার?” দাদু বলিলেন—

“যে আমার নিন্দা করে সে আমার ভাই।”.....“হে আমার নিন্দুক তুমি যুগ যুগ বাঁচিয়া থাক, ভগবান তোমাকে প্রসন্ন করুন।”.....

(রাগ শুভ, ৩৩১ পদ) ।

একদিন সাঙুরে এক মুসলমান হাকিম আসিয়া তাঁহার সঙ্গে তর্ক করিল, তিনি ধীরভাবে বুঝাইলেন—“বিশ্বাসের পথেরযাত্রী হও, অস্তরের শুচিতা রক্ষা কর, পূর্ণ প্রেমময়ের আঞ্জায় নিতাই হাজির থাক, অভিমান ত্যাগ করিয়া পশুভাব ও ক্রোধ দূর করিয়া সত্য চিনিয়া লও। বৈতবুদ্ধি মিথ্যা সেখানে চলিবে না, জ্ঞান দিয়া সঙ্কান করিয়া লও।

(দাদু, রাগ টোড়ী, পদ ২৮১) ।

সাংভরি হাকিমসৌ কহৌ পদ য়হ দাদু দেব ।

মানি বচন গহি নীতিকৌ করী গুরুকী সেব ॥

(ত্রিপাঠী, স্বামী দাদুদয়ালকে সবদ পৃ: ৪৭৮) ।

সাঙুরে যখন দাদু হাকিমকে এই পদ কহিলেন তখন তাঁহার বচন মানিয়া তাঁর যুক্তি সে গ্রহণ করিয়া দাদুর সেবায় আসিয়া যোগ দিল।

গল্‌তা হইতে একদিন একজন লোক আসিয়া তাঁহাকে জিজ্ঞাসা করিল “হে দাদু, তুমি যে সদ্‌গুরুর কথা বল তিনি কে? কোথায় তাঁর বাস, কি করিয়া তাঁকে পাওয়া যায়? কেমন করিয়া জীবনের দুঃখ দূর হয়?”

দাদু বলিলেন—“হে সাধকগণ, বল, আর কি বলিবার আছে? ভগবানই সেই সৎগুরু, আমরা তোমরা সবাই তাঁর শিষ্য। তাঁর কাছেই নিত্য থাক। আমার মাঝে তোমার মাঝে সেই স্বামীই বিরাজমান, আপন সত্য দ্বারা সেই পরম সত্যকে লাভ কর। তিনি আমার তোমার সঙ্গেই আছেন, নিকটেই আছেন—কেবল তাঁর হাতপানি ধর, তাঁর এমন চরণ-কমল ছাড়িয়া কেন তবে ভাসিয়া বেড়াও?”

(দাদু, রাগ রামকলী পদ ১৮৪)।

গলতাথে জো আইয়া সাংভরি স্বামী পাস।

যা পদথে উত্তর দিয়ে উঠি গয়ে হোই উদাস ॥

(ত্রিপাঠী, স্বামী দাদুদয়ালকে সবদ পৃ: ৪৩৫)।

গলতা হইতে সাংভরে আসিয়া যে দাদুকে এই প্রশ্ন করিয়াছিল সে এই পদ শুনিয়া বৈরাগ্য লাভ করিয়া উঠিয়া গেল।

এখনকার মত তখনও লোকে নানা বুদ্ধকীতে মানুষ ভুলাইত। মিথ্যা সাধুরা আসনের তলে কলসী পুতিয়া রাখিয়া তাহাতে প্রদীপ লুকাইয়া রাখিয়া রাত্রিকালে তাহারা লোককে সেই প্রচ্ছন্ন আলো দেখাইয়া বলিত যে ইহাই ব্রহ্মজ্যোতি—

কুন্ড গাড়ী আসনতলে দীপক ধরি ঢকি মাহিঁ ।

লোকনকুঁ কহি রাতিকুঁ ব্রহ্মজ্যোতি দরসাহিঁ ॥

(ত্রিপাঠী, স্বামী দাদুদয়ালকে সবদ পৃ: ৪৭৮)।

“নানা ভেদ বানাইয়া লোকে প্রচার করে ‘পাইয়াছি’ ‘পাইয়াছি।’ অস্তুরে তত্ত্ব না জানিয়াই যদি বলে তিনি আমাকে স্বীকার করিয়াছেন, অস্তুরে প্রিয়তমের সঙ্গে পরিচয় বিনাট যদি লোকের মধ্যে নিজেকে প্রচার করিয়া বেড়ায় তবে লাভ কি? এই কথাই আশ্চর্য্য হইয়া ভাবি যে ভগ্নামী করিয়া কেমনে প্রিয়তমকে পাওয়া যায়? দাদু বলেন, ‘যে আপনার “অহং”কে মিটাইয়া ভগবানে রত হইয়াছে সে-ই তাঁহাকে পাইয়াছে।’

(দাদু রাগ টোড়ী, পদ ২৮৩)।

২২। **কন্যামাত না অতিপ্রাকৃতে অনাস্থাঃ**

একবার দাদু ত্রিলোকসাহের সঙ্গে শাহপুরে গিয়াছিলেন। তখন তাঁহার

সঙ্গেই নিজেদের অতিপ্রাকৃত শক্তি প্রত্যক্ষ করান তবে বেশ হয়। দাদু ইহা বুঝিতে পারিয়া তাহাতে কি দোষ হইতে পারে তাহা দেখাইয়া দিলেন।

শাহপুরে দাদু গয়ে লে গয়া সাহ তিলোক।

পরচাকী মনমৈঁ রহী, চলত দিখায়ে দোক।

(ত্রিপাঠী, স্বামী দাদুদয়ালকী বাণী, পৃ: ২৭২)।

দাদু কহিলেন—

পচ। মাঁগৈঁ লোগ সব কহৈঁ হমকৌঁ কুছ দিখলাই।

সম্মথ মেরা সাঁইয়াঁ, জুঁ সমঝেঁ তুঁ সমঝাই ॥

(দাদু, সমর্থাজি অঙ্ক ২৭)।

“লোকেরা সব চায় পরিচয়, সবাই বলে ‘আমাকে কিছু (অতিপ্রাকৃত শক্তি) দেখাও’ আমার প্রভু পরম শক্তিমান, যেমন করিয়া বুঝাইলে ভাল হয়, তেমন করিয়াই তিনি বুঝান।”

দাদুর মত ছিল অধ্যাত্ম জীবনের জন্ম এ সব জিনিষ অস্তুরায়। মূল্যধার ভগবানের উপর নির্ভর করিয়া এ সব বাজে জিনিষ মন হইতে দূর করিয়া ফেলিতে হয়। (দাদু নিঃকর্মী পতিব্রতা কৌ অংগ, ৫৯)। তবুও শিষ্যেরা অনেকে, পরে তাঁর যোগবল প্রমাণ করিতে কল্প করেন না। ব্যক্তিত্বের সাধনায় ও চরিত্রের বলে তিনি যে অণুর হৃদয় অধিকার করিতে পারিতেন তাহা বলাই বাহুল্য। কেহ বলেন রজ্জবজী বিবাহ করিবার জন্ম ঘোড়ায় চড়িয়া যাউতেছিলেন। এমন সময় ভক্ত দাদুকে দেখিয়া তিনি ঘোড়া হইতে নামিয়া তাঁর বিবাহ বেশ ত্যাগ করিয়া আপন ছোট ভাইকে সে বেশ পরাইয়া তাঁহাকে বিবাহ করিতে পাঠাইলেন। সেই দিন হইতে রজ্জব যতিব্রত গ্রহণ করিলেন। এই আখ্যায়িকার সত্যতায় সন্দেহ আছে। কারণ দাদুর ধর্ম-সাধনার আদর্শ অবিবাহিত যতির আদর্শ নয়। সেই ভাবের আদর্শ পরবর্তী শিষ্যদের আমলেই প্রচলিত হয়। দাদুভক্তদের মধ্যে প্রথিত আছে যে ধর্মসাধনায় দীক্ষা নিজীব নীরস, দীনহীন শুষ্ক পথ নহে। এ পথে যে আসিবে সে বিবাহের বরের মত প্রেমে, রসে, শোভায়, ঐশ্বর্যে পূর্ণ হইয়া আসিবে।

রজ্জব এই সত্য জীবনে উপলক্ষি করিয়াছেন।” এই কথা হইতেই রজ্জব তাঁ সঙ্কে এই গল্পটি ধীরে ধীরে রচিত হইয়া থাকিবে যে রজ্জব সদাই বিবাহবশে সজ্জিত থাকিতেন। কেহ যদি বলিত “রজ্জব, এত সজ্জিত শুচি বেশভূষা কেন?” তবে রজ্জব বলিতেন, “আমার প্রিয়তমের সঙ্গে কি হীন অশুচি-বেশে মিলিত হওয়া শোভা পায়?” দাদুজী চিরদিনই সহজ প্রেম ভক্তির পথেই সাধনা করিয়াছেন। অতিপ্রাকৃত বুদ্ধকীর্তে তাঁর আশ্বার হেতু নাই। অথচ শেষে দেখি দাদুজীর নামেই তাঁহার পরবর্তী শিষ্ণুগণ নানা বুদ্ধকীর্ত অবতারণা করিয়া গুরুর মহিমা বাড়াইতে চাহিয়াছেন। তাই দাদুর কোনো কোনো বাণীর সঙ্গে এক একটি “করামাতের” (বুদ্ধকীর্ত) সঙ্কে শিষ্ণুরা স্থাপন করিয়া লইয়াছেন।

একবার নাকি চাতুর্মাশ্র যাপন উপলক্ষ্যে বধাকালে দাদুজী আধীগ্রামে ছিলেন। সেবার বর্ষা আর আসেই না, লোকেরা তাঁহাকে বহু অহুন্নয় করায় বধা আসিল।

আঁধী গাঁর হি মাহিঁ রহে জো দাদু দাসজী।

বর্ষা বর্ষা নাঁহি, করি বিনতী বর্ষাইয়ো ॥

(ত্রিপাঠীকৃত দাদুদয়ালজী বাণী পৃ ৬২)।

সেই উপলক্ষ্যেই নাকি দাদুজী এই প্রার্থনাটি করেন—

আজ্ঞা অপরংপারকী, বসি অংবর ভরতার।

হরে পটংবর পহিরি করি, ধরতী কঠৈ সিংগার ॥

বসুধা সব ফুলে ফলে, পিরথী অনন্ত অপার।

গগন গরজি জল খল ভরৈ, দাদু জৈ জৈ কার ॥

কাল। মুই করি কালকা, সার্জঁ সদা সুকাল।

মেঘ তুম্হারে ঘরি ঘণা, বরসহু দীন দয়াল ॥

(বিরহ অঙ্ক, ১৫৭—১৫৯)।

“অপার অসীমের আজ্ঞা। আকাশ ভরিয়া বিরাজমান স্বামী, তাই হরিত পট্টাধর পরিধান করিয়া ধরিজী করে শৃঙ্গার (সাজসজ্জা)। সকল বসুধা ফলে ফলে শোভিত, অনন্ত অপার পৃথিবী; গগন গরজি জল খল উঠিল ভরিয়া, হে

দাদু জয়জয়কার। কালের মুখে কালী দিয়া স্বামী আমার সদাই হুকাল ;
তোমার ঘরে তো পুঞ্জীভূত মেঘের রাশি, হে দীনদয়াল বর্ষণ কর ।”

ইহা একটি চমৎকার প্রার্থনা। বৃষ্ণকীর সঙ্গে ঠাহাকে জুড়িবার কোনো
প্রয়োজন নাই। ইহা বিরহ অঙ্গের বাণী, ঠাহাতে দেখি অস্তরের প্রেমহীন
নিরসতার প্রতিকার প্রেমধারার বাকুল প্রার্থনায়। সকল চরাচর ভাসিল
যাহার করুণা ধারায়, তাঁর প্রেম আশা করিছ। তাঁহার ভক্ত কেন মরিবে
অস্তরাত্মার মধ্যে শুকাইয়া ?

টৌক জনপদে নাকি মহোৎসব ছিল। দাদুজাও আছেন সেখানে, বহু
ভক্ত সাধু সন্ন্যাসী উপস্থিত, ভোজন সামগ্রী কম পাড়িয়া গেল। তখন
সবাই ধরিল দাদুজীকে। তিনি ভোগ লাগাইতেই সব ভাঙার অক্ষয় হইয়া
গেল। দাদুর শিষ্য টীলাজী নাকি এই রহস্য কেমন করিছা হয় বুঝিতে
চাহিলেন—

টৌকি পথারে মহোচ্ছয় আপ লগায়ে ভোগ।

তব সিখ পূছী জব কহী, যা সাখী বহ জোগ ॥

প্রশ্নের উত্তরে দাদুজী নাকি বলিলেন—

দাদু লীলা রাজা রামকী খেলৈঁ সবহী সংত।

আপা পর একৈ ভয়া ছুটী সবে ভরংত ॥

(সাধ কো অংগ, ৭৭)।

“অর্থাৎ প্রভু ভগবানের লীলা, সকল মন্তুজন করিতেছেন বিহার ; আত্ম পর
সব হইয়া গেল এক, বিনা-কিছুই সব অপূর্ণতা উঠিল ভরিয়া।”

এই বাণীটি বুঝিতে এইরূপ বৃষ্ণকীর ভো কোনো প্রয়োজন দেখি না।

একবার তিনি জলের তীরে বসিয়া দৃঢ় বিশ্বাসে প্রার্থনা করিতেছিলেন।
জাহাতে ভগবান তাঁহার দাসের বিশ্বাস দেখিয়া তাঁহার কোলে নাকি
একটি তরমুজ প্রেরণ করেন।

বংটৈঁ জল তট বৈঠি কৈ, কীন গাঢ় বিশ্বাস।

লহুঁ মতীরা গোদমৈঁ, প্রভু ভেজে লখি দাস ॥

এই উপলক্ষ্যেই নাকি দাদুর বাণী—“হে দাদু পূরণকর্তাই করিবেন পূর্ণ, যদি

চিত্ত থাকে যথাস্থানে । অস্তর হইতেই ত্রীচরি আনন্দে করিবেন সব উষল,
সর্বত্র নিরস্তর বিরাজমান ভগবান ।”

(দাদু, বেলাস অংগ, ১১) ।

এই বাণীর সঙ্গে তরমুজের কোনো সম্বন্ধ না থাকিলে কি কোনো ক্ষতি
আছে ?

এক সময়ে নাকি দাদুজী এমন সুরাতি চালাইলেন যে তিনি অনন্ত কোটি
ব্রহ্মাণ্ড সকলকে দেখাইলেন—

এক সময়ে কছ' সুরতি চলাই ।

অনন্ত কোটি ব্রহ্মাণ্ড দিখাই ॥

(জনগোপালকৃত জীবন চরিত্র, ৭,৪২) ।

সেই উপলক্ষ্যেই নাকি দাদুজীর বাণী—

আদি অংতি আঁগে রহে, এক অনুপ দেব ।

নিরাকার নিজ নির্মালা, কোঁই ন জাণে ভের ॥

অবিনাসী অপরংপরা, বার পার নহি' ছের ।

সো তু' দাদু দেখিলে, উর অংতিরি করি সের ॥

(পরচা অংগ, ২৫৪, ২৫৫) ।

অর্থাৎ, “আদি অস্ত সম্মুখে বিরাজিত এক অমুপম দেবতা, তিনি
নিরাকার, নিখল আত্মস্বরূপ, কেহই জানে না তাঁহার রহস্য; তিনি
অবিনাসী অসীম অপার, সীমা পরিসীমা আদি অস্ত তাঁহার নাই, হে দাদু,
তাঁহাকে তুমি লও দেখিয়া, হৃদয়ের মধ্যে কর সেবা ।”

ইহাতেই বা অনন্ত ব্রহ্মাণ্ড দেখাইবার কি দায় ছিল ?

“একবার দাদুর কাছে নাকি ছুই সিদ্ধপুরুষ লঘু দেহে আকাশে ডাসিয়া
আসিলেন । তাহাতে দাদু উপদেশ দিয়া কহিলেন—“ইহাতে আর কি
সিদ্ধাই ?”

গুর দাদু পৈ সিদ্ধ বৈ, আষে লঘু করি দেহ ।

উপদেশত ভয়ে তিন্হকো কহা সিধাই এহ ॥

(দৃষ্টান্ত সংগ্রহ, চম্পারাম কৃত) ।

তাহাতে নাকি দাদু বুঝাইলেন,—“এমন দীপ্তি অস্তরে সঞ্চার কর যাগা প্রত্যক্ষ

হয় না।” পরে মৃত্যুর কিছুকাল পূর্বে দাদুজী নাকি আপন শরীর দীপ্যমান করিয়া শিগ্গাদের দেখাইলেন ! তাই নাকি দাদুর বাণী—

প্রাণ পরন জ্যো পতলা কায়া কঁরে কমাই ।

দাদু সব সংসার মৈ, কৈঁয়ো তি গহা ন জাই ॥

(পরচা অঙ্ক, ১৯৯) ।

নূর তেজ জ্যো জ্যোতি হৈ, প্রাণ প্যাংড য়েঁী হোই ।

দৃষ্টি মুষ্টি আঁরে নহীঁ সাহিব কে বসি সোই ॥

(পরচা অঙ্ক, ২০০) ।

অর্থাৎ কায়াকে যদি পরনের মত লঘু ও জ্যোতিতে দীপ্যমান করা যায় তবেই বুঝি সিদ্ধাই !

ইহা কি বুজুকীর কথা ?

মধি কো অঙ্কে একটি বাণী আছে তাহা দেখিয়া কেত কেহ বলেন যে দাদুজী নাকি একবার তাঁহার দেহকে মসজিদ করিয়া ও একবার মন্দির করিয়া দেখাইয়াছিলেন । মুসলমান বলিয়া তিনি ছুইখানি হাত উঁচু করিয়া বলিলেন, “দেখ মসজিদ !” ও ছুইখানি হাতে ছুইদিকে ভূম্পর্শ করিয়া বলিলেন, “দেখ মন্দির !” বাণীটা হইল এই—

যহ মসীতি যহ দেহুরা সতগুর দিয়া দিখাই ।

ভীতরি সেবা বংদিগী, বাহরি কাতে জাই ॥

(মদি অঙ্ক, ৫৪) ।

“এই দেহই মসজিদ ইহাই দেবালয়, সঙ্গুক দিলেন দেখাইয়া । ভিতরেই চলিয়াছে সেবা প্রণতি, বাহিরে তবে আর কেন যাওয়া ?”

এ তো আধ্যাত্মিক একটি গভীর সত্য । ইহার সঙ্গে বুজুকীর যোগ কি ?

বথার্থ ধর্ম জীবন এক কথা, বুজুকী আর এক কথা । তাই যুগে যুগে বথার্থ সাধকরা ধর্মকে এই সব জঞ্জাল হইতে মুক্ত করিতে প্রাণপণ প্রয়াস করিয়াছেন । দাদু ও অমৃত্যু ভক্তদের কথা হইতেই তাহা দেখান যাউতে পারে । “সুসভান মহম্মদ যখন দেবালয় সব ধ্বংস করিতেছিলেন তখন নাকি জৈনরা

এক বুজুরুকী করিলেন। তাঁহার চৌদিকে চুপক রাগিয়া শূণ্ডে নিরবলম্ব করিয়া গৃহি রক্ষা করিলেন।”

মহম্মদ চাহে দেছরা, জৈন রচ্যো পরপংচ।

চংবক চছঁ দিসি গাডি কৈ, মুরতি অধর ধরি সংচ ॥

ইহাতে দাদু নারিক এই বাণী বলেন—

ধর্যা দিখারৈ অধর করি কৈসৈঁ মন মানৈ ?

(মায়াকৌ অংগ, ১৪৩) ।

অর্থাৎ “প্রতিষ্ঠিত বস্তুকে দেপায় যেন অপ্রতিষ্ঠিত নিরবলম্ব, তাহাতে মন কেমনে মানৈ ?” ইহাতে তো বেশ বুঝা যায় তাঁর এ সব বিষয়ে বস্তুতঃ আস্থা ছিল না। তাঁহার বুজুরুকার সম্বন্ধে যে দুই একটি গল্প আছে তাহাতে আমরা বরং তাঁহার তীক্ষ্ণ সহজ বুদ্ধিরই পরিচয় পাই।

লোহরবাড়া নামে একটি গ্রামে ছিল দস্যুদেরই বসায়। তাহারা একবার মতলব করিল দাদুজী ও ভক্তগণকে নিমন্ত্রণ করিলে, সঙ্গে যে সব গৃহস্থ ও সজ্জন সাধুসকলোতে আসিলে তাহাদের তাহারা লুটিয়া লইবে। দাদু ইহা বুঝিতে পারিয়া সেখানে নিমন্ত্রণই স্বীকার করিলেন না। এ বিষয়ে তাঁহার নারিক এই বাণী—

খাড়া বৃজী ভগতি হৈ, লোহরবাড়া মাহি।

পরগট পেড়াইত বসৈঁ তহঁ সংত কাহে কৌ জাহি ॥

(মায়াকৌ অংগ, ৬৮) ।

অর্থাৎ—“লোহরবাড়াতে যত কপট ভক্তি। প্রত্যক্ষ সব দুর্বৃত্ত দস্যুর সেখানে বাস, সেখানে সন্তজনেরা কেন বা বাইবেন ?”

এই ঘটনাটি শিগেরা একটা দাদুর অলৌকিকতার প্রমাণরূপে ধরেন। কিন্তু ইহা তো সহজ সুবিবেচনার কথা।

এই সব অলৌকিকপনার উপর যে তাঁহার আস্থা ছিল না, তাহা তাঁহার বহু বাণীতেই বুঝা যায়। মিন্যাতোগ মিন্যা ভণ্ডামি এ সব তাঁহার অসম্বন্ধ ছিল।

একবার দাদু ভ্রমণ করিতে করৌলীতে গিয়াছিলেন—

করৌলীকে দেস মধি, রামত করণ কাজ ।

স্বামীজী পধারে তহাঁ, নিকংদন কাল কে ॥

ভ্রমণকরার সময় চারিদিকে সবাই শুধু তাঁহার নাম উচ্চৈঃস্বরে ভক্তিতরে ঘোষণা করিতেন । এমন কি বালকেরাও “দাদু, দাদু” করিত ।

রামতি করতী বালকী দাদু দাদু ভাখি ।

দাদু বলিলেন “সকলে কেন যে শুধু দাদু দাদু বলে, সকল ঘণ্টের মধ্যে তো তাঁরই কীৰ্ত্তি ! আপনি খসিতে আপনি তারা একরূপ বলে, কিন্তু দাদুর কাছে কিছুই নাই ।”

দাদু দাদু কহত হৈ, আপৈ সব ঘট মাঁতি ।

অপণী রুচি আপৈ কহৈ দাদু থৈ কিছু নাঁতি ॥

(সমগাটী অংগ, ২১) ।

একবার একজন সাধনাথী আসিয়া দাদুকে জিজ্ঞাসা করিলেন, “আপনারা নারিক যোগবলে সহস্রার চইতে অমৃতরস নিশ্চন্দিত করাটয়া পান করেন ?”

দাদু কহিলেন, “অমৃত রস পাটয়াছি বটে, কিন্তু তাহা সাধুসঙ্গতির মধ্যে । লোকেরা সব কত কত স্থানেই ঘুরিয়া ঘুরিয়া এই রস করে অন্বেষণ, কিন্তু আর কোথাও তো মিলিবে না এই রস ।”

দাদু পায়া প্রেমরস, সাধু সংগতি মাঁতি ।

ফিরি ফিরি দেখৈ লোক সব, যত রস কতহুঁ নাঁতি ॥

(সাধ কো অংগ, ৩৩) ।

এই কথাই ভক্ত জয়মল পরে কহিলেন—“এই অমৃত না পাটবে পাতালে, না শশিসঙ্গে পাটবে আকাশে । প্রত্যক্ষ অমৃত যদি পাটতেই হয়, তবে জয়মল কহেন, তাহা পাটবে সাধুজনের সঙ্গতিতে ।”

অমী পতাল ন পাটয়ে, না সসি সংগ অকাস ।

প্রত্যখি অমী জু পাটয়ে, জৈমল সাধু পাস ॥

সাধু সঙ্গতিতে তাঁহাদের কীর্ত্তন চমৎকার জমিয়া উঠিত । তাহা হৈ এক এক সময় স্কন্ধর নৃত্যে চলিত । ধুতরাতে কাঠিয়া ওয়াড়ে ভক্তনী সাধুদের মধ্যে এইরূপ মন্দির্যাব তালে অতি গনোহর নৃত্য ও মন্দির্যাব বাদনকলা আছে ।

না দেখিলে তার চমৎকারিত্ব বুঝান অসম্ভব। দাদু এইজন্ত একবার গুজরাতে একজন শিষ্য সাধুকে একটু ভক্তি করিয়া লিখিয়া পাঠান কিছু মন্দিরা পাঠাইতে। “শুরু দাদু গুজরাত হইতে মন্দিরা আনাহিলেন। তখন এই সাখাটি লিখিয়া দিয়াছিলেন, শুনিয়া দীর শিষ্য তাহা আনিয়াছিলেন।”

শুর দাদু গুজরাত থৈ মংরায়ে মংজীর।

তব য়হ সাখী লিখ দঙ্গ, সূনি লায়ে শিখ ধীর।

সাখীটি এই—“ভগবদ্ভক্ত সাধুর হাতে সুরকে বাধিয়া উত্তম বাজে এমন যে বস্ত্র তাহা খুঁজিয়া লইও, ও শীঘ্র এখানে পাঠাইয়া দিও।”

দাদু বাংধে সুর নরায়ে বাজৈঁ এহ্‌রা সোধি ক লীজ্যো।

রাম সনেহী সাধু হাথে, বেগা মোকলি দীজ্যো ॥

(পারিখ অংগ, ২৩)।

একবার নারায়ণা গ্রামে সেখ বখনাজী হোলির উৎসবে বসন্তের গান গাহিতেছিলেন। তখন দাদু তাঁহাকে স্মরণ করাইয়া দিলেন যে “সকল বসন্ত উৎসবই বার্থ যদি স্বামীর সঙ্গ প্রিয়তমের সঙ্গ না মেলে। এমন শোভা সৌন্দর্য্য সবই তবে বৃথা।” “এমন দেহ ধার রচনা, তাঁর গুণগান কর।”

“ঐসী দেহ রচী রে ভাই। রাম নিরঞ্জন গারো আঙ্গি ॥”

ইং। শুনিয়াই বখনার মন পরত্রস্তের প্রতি ফিরিল।

(দাদুপন্থী সম্প্রদায় কথা হিন্দী সাহিত্য—২য় পৃষ্ঠা)।

২৩। স্বাধীন সাধনা ও পরিচয় : এমন কি

ধর্মসাধনাতে ও তিনি বাহিরের কোনো বাধা রীতি বা পদ্ধতির ধার ধারিতেন না। নিত্য নিয়মিত ধর্ম মন্দিরে যাওয়া, নিয়মিত উপাসনা বা নামাজ করা এসব তাঁর ছিল না। তাই অনেকে এই সব নিয়ম তাঁহাকে আক্রমণ করিতেন। জনগোপালজীর লেখাতে জানা যায় যে হিন্দু মুসলমানেরা মিলিত হইয়া দাদুজীকে অসুযোগ করেন যে না তিনি রোজা নেমাজ করেন, না দেব দেবীর পূজা করেন।

তাই দাদু বলিয়াছেন—

“জো হম নহী” গুজারতে তুমহকৌ ক্যা ভাই ॥”

“অপনে অমলৌ ছুটিয়ে কাহুকে নাই” ॥”

(সাচ কৌ অঙ্গ, ৩১, ৩২) ।

“জামি যদি নীতিমত নামাজ না করি তবে তোমার তাতোক (ক্ষতি)
ভাই ?” “অন্তরাগের নেশার ব্যাকুলতায় আপন সাধনার পথে চলিতে হইবে,
আর কারও সাধনার পথে ত নয় !”

লোকেরা যখন তাঁর জাতি কুল পরিবার ও সম্প্রদায়ের পরিচয় চাঙ্কিত
তখন তাঁর একমাত্র পরিচয় ছিল ভগবান। জগতের পরিচয় দিবার মত
কুল গোত্র তাঁহার ছিল না। তাই দাদু বলিয়াছেন—“পতিব্রতা পত্নীর পরিচয়
তার সেবার উৎকর্ষে, কুলের উৎকর্ষে তো নহে।”

(নিহকরমী পতিব্রতা অঙ্গ, ৩৬) ।

সদনভক্তের জন্ম কসাইকুলে, রৈদাস ছিলেন মূর্খ। তাদের কুলের গৌরব
কি আছে ? তাই তো কথা আছে—

সদনা অরু রৈদাস কো, কুলকারণ নহি কোই ।

প্রভু আয়ে সব ছাড়ি কৈ, বিপ্র বৈষ্ণব রোই ॥

বিপ্র বৈষ্ণব সবাইকে কাদাইয়া প্রভু তাদেরই কাছে আশ্রয় চানিয়া। তাই
নিজের কথায়ও দাদু বলিলেন—

“ভগবানই (কেশবই) আমার কুল, সৃজনকর্তাই আমার আপন জন।
জগৎগুরুই আমার জাতি, পরমেশ্বরই আমার আত্মীয়।”

দাদু কুল হমারে কেসবা সগা ত সিরজনতার ।

জাতি হমারী জগতগুর পরমেশ্বর পরিবার ॥

(নিহকরমী পতিব্রতা অঙ্গ, ১৫) ।

• ভক্তদের মধ্যে; কথা আছে পংচরপুরের হরি বিঠঠল নাকি চামার চোখোর
সঙ্গে এক সঙ্গে আহা করিয়াছেন—

চোখো এক চমার, পংচরপুর বিঠঠল হরী ।

দোনৌ জীমত লার মূঢ় ন জানত তাস গতি ॥

তাই দাদু বলিলেন, “আমার তুমি মন প্রিয়তমের সঙ্গে যোগযুক্ত ।”

তন মন মেরা পৌর সৌ ।

(নিহকরমৌ পতিব্রতা, ২৩) ।

দাদু তীর্থ প্রভৃতিতে সাধনাথ ব্রমণ করা কি তীর্থ-দর্শনাদি ছাড়িয়া আপনার অন্তরের নামের মধ্যে ডুবিলেন এবং যে তখন তাঁর কাছে বাইত তাহাকে এই উপদেশই দিতেন । যখন আমেরে ভক্ত জগজীবন আসিয়া তাঁহাকে কহিলেন—“এখানে মাতৃষের মধ্যে থাকিয়া ভক্তনে আমার অন্তর ভরপুর হইতেছে না, আমি সাধন করিতে ভূঁরকুরা যাইব,” তখন দাদু তাঁহাকে বুঝাইয়া বলিলেন,—“সাধন করিবার ভক্ত বশিষ্ঠজী এই সংসার ছাড়িয়া দূরে পলাইলেন কিন্তু তাঁর মনের মধ্যে কামনা ছিল বলিয়া সেই নির্জন অরণ্যে সকল দ্বারা অন্তরের মধ্য হইতে আবার নূতন সৃষ্টি ফাঁদিয়া বসিলেন । (বিশ্বামিত্রের নূতন সৃষ্টি বোধ হয় এই স্থানে বশিষ্ঠের সৃষ্টি বলিয়া প্রথিত হইয়াছে) ।

জগজীবন আঁবের মে ভূঁরকুরে জায় ।

ভজন করত ভরিয়ো নহী, গুর দাদু সমঝায় ॥

গয়ে ভাজি বশিষ্ঠজী ছোড়ি য়হৈ ব্রহমাংড ।

রৌ কুটী সংকল্পকী, অংতর হিরদে মাংডি ॥

(ত্রিপাঠী, স্বামী দাদুদয়ালকী বালী, পৃষ্ঠা ৩৪) ।

তাই দাদু তাহাকে বুঝাইয়া বলিলেন “রাম নামের মধ্যে প্রবেশ করিয়া রাম নামেই শ্রীতি ও ধ্যান স্থির রাখ । ত্রিলোকের মধ্যে সর্বলোকের মধ্যে ইহাই একান্ত নির্জন, কেন আর বুঝা অগুজ যাও ?”—

(স্মিরণকে অঙ্ক, ৭৭) ।

২৪। ‘অজনা দল্লীনা’ ? দাদু প্রভৃতি ভক্তগণ আমেরে দিনে আপন কার্য করিতেন, সন্ধ্যার সময় সকলে একত্র হইয়া পরস্পর মিলিত হইতেন । রাত্ৰিতে, প্রভাতে আবার প্রত্যেকের নিজ নিজ স্থানে ভজন সাধন বিপ্রামাদি করিতেন । তাঁহাদের এই সন্ধ্যার মিলনসভায় নানা ভাষের নানা ধর্মের ও নানা সাধনার সাধকেরা একত্র হইতেন । আপন আপন কর্ম ও সাধনার ক্ষেত্রে একা একা বিচরণের পর এই মিলনে তাঁরা

পরস্পরের সঙ্গে মধো একটি গভীর আশ্রয় উপলব্ধি করিতেন। তাই তাঁহারা তাঁহাদের মিলন স্থানকে “অলখ দরবা” বা “অলখ দরীবা” বলিতেন।

“দরীবার” অর্থ বাজার, কেন্দ্র। যেখানে তাঁহারা পরস্পর পরস্পরের সঙ্গে এই আনন্দের লেন-দেন করিতেন তাহাই ঠাটল “অলখ দরীবা”। বাংলায়ও দেখি নিত্যানন্দ প্রেমের বাজার খুলিয়া ছিলেন।

আসিক অমলী সাধ সব অলখ দরীবে জাই।

সাছেব দর দৌদার মৈঁ সব মিলি বৈঠে আই ॥

(দাদু, পরচাঁকৌ অঙ্ক, ২৪২)।

প্রথমে নিরন্ত সাধুরা অলখ দরীবার গিয়া প্রভু পরমেশ্বরের প্রসন্ন দৃষ্টির সমক্ষে আসিয়া সবাই মিলিয়া বসিতেন।

এই দরীবার অধাপূর্বক কখনও কখনও কেহ কেহ কোনো খাণ্ডিয়া পাঠাইয়া দিতেন। গরীব দুঃখী ও সাধু ভক্তেরা তাঁহাদের সামর্থ্যমত নিত্যান্ত সামান্য বস্তু পাঠাইয়া দিলেও সাধুরা আদর করিয়া সকলে মিলিয়া তাহা গ্রহণ করিতেন।

গুর দাদু আঁবের নৈঁ ঠহরে মাধবদাস।

ভেজী ভেট জুরারকী অলখদরীবে পাস ॥

(ত্রিপাঠী, স্বামী দাদুদয়ালকী বাণী, পৃ: ২৬)।

“গুরু দাদু যখন আঁবেরে তখন মাধবদাস একদিন অলখ দরীবার নিকট “জুরার” উপহার পাঠাইয়া দিলেন।” দীন দুঃখী দরিজের খাণ্ড সেট ফলভ জুরার শত্রুই ভক্তগণ আদরের সহিত গ্রহণ করিলেন।

গুরু দাদু যখন আগেরে আছেন তখন একদিন ভক্ত রাজিন্দ গা আসিয়া উপস্থিত—

গুরু দাদু আঁবের মৈঁ তহঁা গয়া রাজিন্দ।

২৫। ভগবানের মধ্য দিয়া সর্ব-
মানবের সঙ্গে যোগ। রাজিন্দ দাদুকে বলিলেন “তুমি
আগে মাক্ষের সঙ্গে খুব মেলা মেলা করিতে। এখন সে সব ছাড়িয়া দিয়া
এক ভগবানকে লইয়াই দিনবাত আছ। মাক্ষ কি হেলার জিনিষ? দাদু

কহিলেন, “মানুষকে যে যথার্থভাবে চায়, সর্বমানবের সঙ্গে যে সত্যভাবে মিলিতে চায়, তাহাকে ভগবানের মধ্যেই সকল মানুষকে পাইতে হইবে। প্রভুকে পাইলেই সকলকে পাইবে কারণ তাঁহাতেই সবাই মিলিতে পারে। তাঁহার মধ্যে সকলকে দেখিতে পাইলেই যথার্থভাবে সকলকে দেখা হয়, তিনি যদি (কেবল স্বরূপ) রহেন তবে সবাই (মিলিত হইয়া) রহে, নহিলে কেহই নাই।” “সর্বস্থ আশার স্বামী, সর্বমঙ্গল ও সর্বআনন্দ; আশার স্বামী সেই পরমানন্দকে ভেটিলেই, হে দাদু সব স্বজন মিলিবে। আর কোথাও যাওয়ার মন না মজিয়া এক এই ভগবানেই মজিল সেই এক-রসের মাধুর্ষ্যেই যাত্রার মন হইল পরিত্যক্ত, হে দাদু, তিনিই তো মানুষ।”

(নিষ্করমী পত্তিব্রতা অঙ্ক, ১-২০) ।

দাদু যখন আমেরে ছিলেন তখন অদূরে এক যোগীর স্থান ছিল। তিনি দিনে বারিষ হইতেন না, নামে নামে গুহার মধ্যে থাকিয়া সিন্ধা বাজাইতেন। একদিন গুহার মধ্য হইতে সিন্ধা আর বাজিল না, সবাই বুঝিল যোগী মরিয়া গিয়াছেন—

গুরু দাদু আঁবের থে টিগ জোগীকে থান।

ইক দিন সীংগী না বজী মরিগৌ জোগী জান ॥

তখন দাদু কহিলেন—শৃঙ্খের নাদ যে বাজিতেছে না, সে যোগী গেলেন কোথায়? যিনি মটীতে (মঠ কুটারে) থাকিতেন এবং রসভোগ করিতেন তিনি আজ গেলেন কোথায়?

(দাদু কালকৌ অঙ্ক, ২১) ।

দেহ গুহার মধ্যে দেহী যোগীরও কথা ইহাতে স্মৃতিত করা হইয়াছে।

একদিন আমেরে সেখ ফরীদজীর সঙ্গে দাদুর ধর্ম-প্রসঙ্গ চলিতেছিল, তখন দাদু এই প্রার্থনা ভগবানের উদ্দেশে উচ্চারণ করিলেন—

“তুমি বিনা সকল সংসার রসাতলে ডুবিয়া যাইতেছে। হে প্রভু, হাতে ধরিয়া বিশ্বজনকে উদ্ধার কর, আশ্রয় ও অবলম্বন দাও; দাহ জালা লাগিয়া জগৎ জলিতেছে। সংসার ভরিয়া ঘটে ঘটে এই জালা, আমার চেটার কোনা প্রতিকারই হয় না, তুমি প্রেমরস বর্ষণ করিয়া এই জালা জুড়াও। হে মন,

শ্রদ্ধে বিনা জীব সব অনাথ, শ্রদ্ধেই উদ্ধার করিতে পারেন, সবাই যেন শ্রদ্ধে
শরণাপন্ন হয়। হে ভগবান, মরণের পথে কাহাকেও ঘাইতে দিও না।”

গরক রসাতল জাতই, তুমি বিন সব সংসার।

কর গতি কর্তা কাটিলে, দে অবলম্বন অধার ॥

দাদু দৌ লাগি জগ পরজলৈ ঘটি ঘটি সব সংসার।

হম থৈ কছু ন হোত হৈ, তুমি বরসি বুঝারণহার ॥

দাদু আত্মজীব অনাথ সব, করতার উবারৈ।

রাম নিহোরা কীজিয়ে জিনি কাহু মারৈ ॥

(বিনতী অংগ, ৫৮-৬০)।

২৬। **গুরু অন্তরে:** দাদুশাস্ত্র, বেদ, কোরাণের ধার
ধারণেন না। লোকেরা আসিয়া জিজ্ঞাসা করিত “কার কাছে তিনি সত্য
পাইয়া থাকেন?” দাদু বলিতেন, “আমার গুরু আমাকে সদাই জ্ঞান দেন।”
কত লোক দাদুর কাছে তাঁর গুরুকে দেখিতে চাহিতেন। দাদু কহিতেন “গুরু
কি বাহিরে থাকেন, গুরু থাকেন অন্তরে।”

তাঁই তিনি তাঁর প্রথম বাণীই কহিলেন—“প্রত্যক্ষ জগতের অতীত
ধামে গুরুদেবের দেখা পাইলাম, তাঁর প্রসাদ পাইলাম, আমার মস্তকে তিনি
হাত দিলেন, তাঁর দীক্ষা অগম অগাধ।”

(দাদু গুরুদেব অঙ্গ, ৩)।

আবার দাদু কহিলেন,

“হে দাদু, অন্তরের মধ্যে আরতি কর, অন্তরেই পূজা হইবে, অন্তরেতেই
সদগুরুকে সেবা কর। একথা কচিৎ কেহ বোঝে।”

(দাদু, পরচা অঙ্গ, ২৬৫)।

“প্রথম গুরু আমার প্রাণ, তিনিই পূর্ণ নিখিল আনন্দদাতা, তিনি অনন্ত
অগার পেলা গেলিতেছেন, তিনিই আমার অসীম পূর্ণতা।”

(দাদু, রাগ আসাবরী, পদ ২৪৩)।

“অন্তর হইতেই তিনি আমার সঙ্গে কথা বলেন, তিনিই অন্তর্ধ্যামী
পরমাশ্রয়।”

(দাদু, সার্থীকৃত অঙ্গ, ৩)।

“অবিচল অমর অভয় পদদাতা, সেখানে (সেই অস্তুর ধামে) নিরঞ্জনর
রং লাগিয়াছে । সেই গুরুর জ্ঞান লইয়া দাদু মাতিয়াছে, সেই মস্ততাষ মাতিয়া
সেই রঙ্গে রাঙ্গিয়া আপনাকে চায় বিলাইয়া দিতে ।”

(দাদু, রাগ আশাবরী পদ ২৪২) ।

“যিনি আল্লা বা বামের সম্প্রদায় সীমার অতীত, যিনি গুণ আকার রহিত
তিনিই আমার গুরু ।”

(দাদু, মধি কো অঙ্গ, ৪৮) ।

“হে দাদু, সকলই গুরুর সৃষ্টি, পশুপক্ষী বনরাজী ।”

(দাদু, গুরুদের কো অঙ্গ ১৫৬) ।

“যিনি জগৎগুরু তিনি একরস, তাঁর উঠা বসা শয়ন জাগরণ চুঃখ মরণ
নাট । তাঁহাতেই সব উৎপন্ন হইয়া তাঁহাতেই সব বিলীন হয় ।”

(দাদু, পীর পিছানন কো অঙ্গ ১৬) ।

২৭। **শিষ্যদের সকল যোগ :** শিষ্য ভক্তরা
নানা জনে তাঁহাদের শক্তি অহুসারে নানা ভাবে তাঁর উপদেশ বুঝিতেন ।

রজ্জব বখনো আদি জে

নেড়ে লাগে বান ।

সাধু তেজানন্দজী

মাতা দূরিংহি জান ॥

(স্বামী দাদুয়ালকী বাণী, পৃ: ৪) ।

“রজ্জবজী, বখনাজী প্রভৃতি দাদুর নিকটে থাকিলে তবে তাঁর সত্য দ্বারা
বিদ্ধ হইতেন, সাধু তেজানন্দজী দাদু হইতে দূরে থাকিয়াই তাঁর রসে মাতিয়া
উঠিতেন ।”

মনকী জগজীবন লহী নৈন সৈন গোপাল ।

বচন রজ্জব বখনে লহে গুর দাদু প্রতিপাল ॥

(ত্রিপাঠী, স্বামী দাদু দয়ালকী বাণী, পৃ: ১৬) ।

“বিনা সঙ্কেতেই ভক্ত জগজীবন তাঁর মনের কথা বুঝিয়া লইতেন । নমন ও
ইঙ্গিত দেখিয়া ভক্ত গোপাল বুঝিতে পারিতেন । রজ্জবজী বখনাজী তাঁর

বচন-শুনিয়া বুঝিতেন, গুরু দাদু এইরূপ নানা ভাবে নানা জনের সাধনাকে প্রতিপালন করিতেন।”

দূর হইতেও ভক্তরা তাঁহার কাছে তাঁহাদের অস্তরের সব বাধা জানাইয়া সাধনার সহায়তা প্রার্থনা করিতেন। তিনি দূর হইতেও তাঁহাদিগকে যথাসাধ্য সাহায্য করিতেন। ভক্ত জগজীবন ছোসার নিকট টহলডী পাড়াতে ছিলেন, দাদু ছিলেন আঁধীতে, তিনি দাদুব কাছে কিছু সাধনার উপদেশ চাহিয়া পাঠাইলেন।

“জগজীবনজী টহলডী আঁধী থে গুরুদের।

তাহি সইম সাখী লিখী জগজীবন প্রতি ভের ॥”

দাদু লিখিলেন—“সহজই তাঁর সঙ্গে মিলন হইবে, আমি তুমি সবাই হরির দাস। অস্তরে অস্তরে যদি যুক্ত থাকা যায় তবে এক সময় সে যোগ প্রত্যক্ষ প্রকাশ হইবেই।”

দাদু সহজই মেলা হইগা হম তুম হরিকে দাস।

অন্তর গতি তৌ মিলি রতে ফুনি পরগট পরকাশ ॥

(দাদু সাধকৌ অঙ্ক, ১১৮)।

২৮। **জগজীবনের সৰ্ব পন্নিচয় ?** বলদে পণ্য চাপাইয়া কেনা বেচা করিতে করিতে একদিন ধর্মচর্চা করার অভিপ্রায়ে জগজীবন তাঁর কাছে আসিলেন। গুরু দাদু তাকে নিম্নলিখিত পদটি কহিলেন, তিনি সব ছাড়িয়া তাঁর শিষ্যদের মধ্যে প্রমুখ শিষ্য হইলেন।

জগজীবনজী বৈল লদি, আয়ে চরচা কাজ।

গুর দাদু য়ছ পদকছৌ, সব তজি সিব সিরতাজ ॥

“হে পণ্ডিত, যাতে রামকে পাও তাই কর। বেদ পুরাণ পড়িয়া পড়িয়া কি মিছে ব্যাখ্যা কর ? সেই তত্ত্বটি দাও কহিয়া। আত্মগত রোগ বিষম ব্যাধি যেন ঐষধে আরোগ্য হয় তাই কর। তিনি যেই প্রাণে পরশ করেন, অগনি পরম সুখ হয়, সকল সংসার বন্ধন যায় ছুটিয়া। এই গুণ ইন্দ্রিয়ের অপার অগ্নি, তাতে শরীর জলিতেছে, যে সদানন্দে তরুণ শীতল হয় সেই জলে ডুবিতে চাই। সে পথ আমাকে বল-যে পথে পারে উত্তীর্ণ হওয়া যায়। তুলে যেন

অপথে না যাউ, ব্যর্থ যেন না ফিরিতে হয়, সেই বিচার কর। গুরু উপদেশের প্রদীপ হাতে দাও যাতে অন্ধকার দূর হয় ও সব দেখা যায়। হে দাদু, সেই হইল পণ্ডিত, সেই হইল জ্ঞাতা যে বুঝিয়াছে কিসে রাম মিলিবে।”

(দাদু, রাগ রামকলী, পদ ১২৪) ।

২২। **সৃষ্টি সম্বন্ধে প্রশ্নঃ** একদিন একজন আসিয়া জিজ্ঞাসা করিল “বল কেমন করিয়া হইল আর কেনই বা হইল সৃষ্টি?”

“ইক বাদী সংসারকী উৎপত্তি পূছী আয়।”

তখন তাহাকে বুঝাইবার জন্য দাদু তাহাকে বলিলেন—“যিনি এই যোহন খেলা রচনা করিয়াছেন তাহাকেই গিয়া তুমি জিজ্ঞাসা কর, ‘কেন এক চুইতে অনেক রচিলে, স্বামী সে রচন্য বল বুঝাইয়া’।”

(দাদু, হৈরানকৌ অঙ্ক, ২৭) ।

এই কথাটিই দাদুর এই একটি গানে ফুটিয়া উঠিয়াছে—

“হে প্রভু কেন করিলে এই বিশ্ব রচনা? কোন বিনোদ ভরিয়া উঠিল তোমার মনে? তুমি কি আপনাকেই চাও প্রকাশ করিতে?.....না, মন নাঞ্চল, তাই কি করিলে রচনা?.....না, এই লীলার খেলাই কি দেখাইতে চাও? না, শুধু এই খেলাই কি তোমার প্রিয়? এ সব যে হইল অনর্থনীয় কথা।”

(দাদু, রাগ আসাবরী, পদ ২৩৫) ।

একবার এক উলিয়া সাধনায় গূঢ়রহস্য জিজ্ঞাসা করিয়া পাঠাইয়াছিলেন। দাদু বলিয়া পাঠাইলেন “যে সাধক ‘বেখুদখবর’, অর্থাৎ আপনার সম্বন্ধে অতিশয় চেতন নহেন (Self-conscious নন) তিনি বুদ্ধিমান, যিনি ‘খুদখবর’ (অর্থাৎ নিজের সম্বন্ধে অতি-চেতন, Self conscious) তিনি হন পামাল (পদদলিত, বিধ্বস্ত), আপন খেলার পিয়ালার প্রকাশ যে আনন্দের মত আন্দোলিত বিহার দেয় তাহার মূল্য নাই।”

বেখুদখবর হোশিয়ার বাশদ, খুদখবর পামাল ।

বে কীমতী মস্তানঃ গলর্তা, নূরে প্যালয়ে খ্যাল ॥

(পরচা কৌ অঙ্ক, ৬১৪) ।

সাধনার জগতে দাদুর এই সাথী সুনীয়া সেই ঔলিয়া আয়েরে দাদুর কাছে আসিলেন চলিয়া ।

যা সাথী সুনী ঔলিয়া, চলি আয়ো আয়েরি ।

এক রাজপুত্র যুবক মনে করিল যদি সেবা করি তবে যিনি সবার উপরে তাঁহারই করিব সেবা । তাই সে রাজার কাছে গিয়া তার মনের কথা কহিল । রাজা বলিলেন তবে “তুমি বাদশাহের কাছে যাও ।” রাজাকে ত্যাগ করিয়া তাই গেল সে বাদশাহের কাছে । বাদশাহ আকবর তার মানস জানিয়া বলিলেন “আমি তো সামান্য জগতের শাসকমাত্র, তুমি সাধক দাদুর কাছে যাও ।” তখন বাদশাহকেও ত্যাগ করিয়া দাদুর কাছে আসিয়া তাঁহারই সে করিতে চাহিল সেবা—

নেম লিয়ো রজপুত ইক সব সির হো তেহিঁ সেউ ॥

বুপ ত্যজি, ত্যাগ্যো বাদশাহ, সাহিব সেরহি লেউ ॥

তখন দাদু তাহাকে বুঝাইয়া বলিলেন, “সকলের যিনি শ্রেষ্ঠ, তাঁহারই যদি করিতে চাও সেবা, তবে সেবক হও ভগবানের ।” সকল সারের সার শিরোমণি যিনি, তাঁহাকে দেখ । তাহার উপর আর তো কেহ নাই ।”

সারৌ কে সিরি দেখিয়ে, উস পরি কোই নাহিঁ ।

(পীর পিছান কো অংগ, ২) ।

“সকল প্রিয়ের মধ্যে তিনি পরম প্রিয়, সকল মনোহরের মধ্যে তিনি পরম মনোহর, সকল পাবনের তিনি পাবন, তিনিই দাদুর প্রিয়তম ।”

সব লালৌ সিরি লাল হৈ, সব খুবৌ সিরি খুব ।

সব পাকৌ সিরি পাক হৈ, দাদুকা মহবুব ॥

(পীর পিছান কো অংগ, ৩) ।

দাদু শুধু নীরম ধর্মব্যবসায়ী রকমের মানুষ ছিলেন না । ভগবদ্রসে মজিয়া গানে নৃত্যে সকলকে ভরপুর দোঁখতে চাহিতেন । কাঠিগাওয়ারের ভজনীয়া দলকে মন্দিরা সহযোগে চমৎকার নৃত্য গীত করিতে দেখিয়া কতগুলি মন্দিরা গুজরাত হইতে তিনি যে আনাইয়াছিলেন সে কথা ২২নং প্রকরণে পূর্বেই লেখা হইয়াছে ।

দাদুর বেশ একটু স্বকুমার রস ছিল । একবার এক কালোয়াত আসিয়া

তাঁর কাছে খুব তান দিতে লাগিলেন। দাদু তাহাতে তাঁহাকে বলিলেন,
“এমনভাবে গান করিবে যেন তোমাকে না প্রকাশ করিয়া ভগবানকে প্রকাশ
করা হয়। নহিলে এষ্ট গান এষ্ট কলা সবষ্ট ব্যর্থ।”

(গুরুদের অংগ, ২২ বাণীর ত্রাৎপধ্য)।

৩০। মুসলমান তাকিকের সঙ্গে

আলাপ : দাদুজী যখন আগেরে ছিলেন তখন একদিন এক মুসলমান
তাকিক আসিয়া একটু সাম্প্রদায়িকভাবে তর্ক করিয়া তাঁহাকে বিপদে
ফেলিতে চাহিলেন।

দাদুজী আঁবের থে, তুর্ক সঙ্গোতী ল্যায়।

তাসন যা সাখী কহী, লজ্জিত হুঁরৈ উঠি জায় ॥

দাদু যখন তাহাকে আপন মনের কথা বুঝাইয়া বলিলেন তখন তিনি লজ্জিত
হইয়া উঠিয়া গেলেন।

“দাদু কহিলেন—“আমি দেখিতেছি সকল বিশ্বই সেই এক, সকল মানবই
আমার আত্মীয়। অনৈক্য বুদ্ধিতেই যত মিথ্যা কর্ম ও ক্ষুদ্র সঙ্কীর্ণ সাধনার
জন্ম। সেখানেই সেই পবিত্রস্বরূপ ভগবানের অধিষ্ঠান যেখানে আমাদের
প্রেম ও মৈত্রী। পৃথিবী হইতে ভাব নির্বাসিত, দেশ হইতে দয়া বিতাড়িত,
কাছেই ভগবানেও নাই ভাঁক, তাই কেমন করিয়া সেইখানে সেই ভাব-
স্বরূপের মধ্যে প্রবেশ লাভ করিবে?”

(দাদু, দয়ানিবৈরতা অঙ্ক, ৩৮-৪০)।

৩১। বশীকরণ প্রার্থিনী তরুণী : * একদিন

এক দেশপতির অন্তঃপুরিকা তাঁহার কাছে আসিয়া উপস্থিত হইয়া কহিলেন,
—“হে ফকীর, আমাকে একটি মন্ত্রপূত কবচ দিতে হইবে। আমার স্বামী
পাদশা যেন আমার বশ হন।” তখন দাদু তাহাকে এই উপদেশটি লিখিয়া
দিলেন—

হুরম জু গঙ্গ ফকীর পৈ, মোকৌ জংতর দেছ।

হোই পাতসা মোর বস, সাখী লিখি দঙ্গ লেছ ॥

* এইরূপ একটি গল্প পরবর্তী জৈন ভক্ত আনন্দঘনজীর সম্বন্ধেও প্রচলিত
আছে।

“হে সখি, ভুলেও কেহ কখনও এত সব যাছ টোনা করিও না। প্রেম যাহা চায় ও প্রেমিকের যাহা অভিপ্রায় তাহাই কর, আপনিই সে তোমার বশ হইবে।”

টামণ টুমণ হে সখী, ভুলি করৌ মতি কোই ।

পীর কহৈ ত্যো কীজিয়ে, আঁপৈহী বসি হোই ॥

দাদু কহিলেন, “যে নারী প্রিয়তমের সেবা না করে, যন্ত্র মন্ত্র মোহনবিদ্যা সেই নারীরই চাই।”

পীরকৌ সেৱা না কঠৈ, কামণিগারী সোই ।

দাদু, নিঃকরমী পতিব্রতা অংগ, ৫২ ।

৩২। **শক্তির শুচিতা :** দাদু একদিন বলিতেছিলেন “শক্তি ভাল কিন্তু শক্তিধারা কাহাকেও যেন না মারি। উচ্চতা ভাল, তাহা দ্বারা কাহাকেও যেন পাতিত না করি।” একজন তাহাতে কহিল, “শক্তির অর্থই তো হইল সকলকে নিষ্পেষিত করিয়া তাহাদের পুঞ্জীভূত অসহায় শক্তিধারা নিজশক্তি বাড়ান। সামাজিক ও সাংসারিক উচ্চতা অর্থই হইল বহু বহু লোককে পদতলে পাতিত করিয়া সেই সেই স্তূপের উপর দাঁড়ান।” দাদু বলিলেন, “যাহাকে আজকার স্ববিধার জগু তুমি মারিতে চাও, একদিন সেই ফিরিয়া তোমাকে মারে, যাহাকে আজ তুমি তারণ কর সেই একদিন তোমাকে তরায়।”

জার্কৌ মারণ জাইয়ে, সোঈ ফিরি মারৈ ।

জার্কৌ তারণ জাইয়ে, সোঈ ফিরি তারৈ ॥

(দাদু, সাচ কৌ অঙ্গ, ২৬) ।

আজিকার স্ববিধার জগু যদি কাহাকেও আমরা পাতিত বা অশক্ত করি তাদের পাতিত্য ও অশক্তিই একদিন পুঞ্জীভূত হইয়া আমাদের টানিয়া নাবাইয়া মৃত্যুর মধ্যে ডুবাইয়া সমূলে মারিবে। কোন জিনিষকেই আজিকার স্ববিধানাত্র দিয়া দেখা উচিত নয়।

৩৩। **কাল ও তাবের প্রতি অপক্ষপাত :**

দাদু বলিলেন, যিনি জানী তিনি এক কালের কাছে অন্য কালকে বলি দেন না। যে ছুত কালের কাছে বর্তমান ও ভবিষ্যৎকে বলি দেয় সে “ভৌতিক”।

শাস্ত্র-নিয়ম-পুরাণ-কোরাণ-শাসিত কাজী পণ্ডিতেরা এই দলে। বর্তমানের সুখ সন্তোষের কাছে যাহারা পুরাতন কালের সকল মহত্ব ও সকল নির্দেশকে ও ভবিষ্যতের সকল সম্ভাবনাকে বলি দেয় তাহারা অজ্ঞান, অসংযত, ভোগ-লুক, পশুবৃত্ত, উপস্থিত মুহূর্তের উপাসক (“মহোত্তিয়া”)। আর যারা ভবিষ্যতের পরলোক-প্রাপ্য সুখ সুবিধার জন্ত পুরাতন সত্য সিদ্ধান্ত ও বর্তমানের সহজ আনন্দকে বলি দেয় তারা নিষ্ঠুর অতিলোভী “ঝুঠ পরমারথী” অতি-বিষয়ী। তাহারা কি নিজকে কি অপরকে দারুণ নিপীড়নে নিপীড়িত করিতে একটুও বিধাবোধ করে না। তাহারা সব হৃদয়হীন অতি-লোভী “সুদূর” বৈষয়িকের দল। যিনি যোগী তিনি তিন কালকে সত্য ধর্মের ও যোগ-সামনার দ্বারা সুসঙ্গত করিয়া চলেন, তিনি এক কালের নিমিত্ত অন্য কালকে নারেন না।” দাদুর প্রিয় শিষ্য রজ্জবজী এই সত্যটিই বুঝাইয়া বলিয়াছেন,—“এক কালের প্রতি পক্ষপাত করিয়া যাহারা অন্য কালকে আঘাত করে, মনুষ্যত্বের সাধনায় এক অঙ্গকে পৃষ্ট করিতে অন্য অঙ্গকে নষ্ট করে, এক ভাবে পোষণ করিতে অন্য ভাবে হত্যা করে তারা বাঘ বা বিড়ালের মত। বাঘ, বিড়াল যেমন একটি বাচ্চাকে খাওয়াইতে অন্য বাচ্চা বধ করে, এও তেমন।” “এক বাচ্চা মারিয়া যেমন বাঘ বিড়াল অন্য বাচ্চাকে খাওয়ার ও পোষে, তেমনি এক ভাব মারিয়া যারা অন্য ভাবে সাধনা করে—তাদের সাধনাকে বলিহারী!”

বচ্চ মারি বচ্চ খিলারৈ জৈসে বাঘ বিলাড়ী।

ভার মারি ভারকুঁ সাধৈ সাধনকী বলিহারী ॥

(রজ্জবজী, ছুটদয়াকে অঙ্গ)।

“কোন ভাববিশেষের প্রতি দয়া বশত সাধক যদি অন্য কোনো প্রকারের সাগর্ধ্যকে নষ্ট করিয়া আপনাকে কোনো দিকে ক্লীব করে তবে সেই দয়াকে দোষ বলিয়া জানা উচিত।”

“সমরথ মারি হিজড়া বনে দোষ দয়ামেঁ জান।”

(রজ্জবজী, ছুটদয়াকে অঙ্গ)।

“এক ভাইকে হত্যা করিয়া অন্য ভাইকে পোষা হইতেছে ইহা বুঝিতে পারিলে সবারই খুবই দুঃখ অনুভব করিবার কথা।”

ভাইকো হতি ভাইকো পোষৈ সমবে বহু ছুখ হোয় ।

(রজ্জবজী ছুট্টদয়াকো অজ) ।

৩৪ । **দাদুর পুত্র কন্যা :** পূর্বেই বলা হইয়াছে দাদুর

৩২ বৎসর বয়সে তাঁর ছোষ্ঠপুত্র গরীবদাসের জন্ম হয় ।

সাঁভর আয়ে সময়ে তীসা ।

গরীবদাস জনমে বজীসা ॥

(জনগোপাল, ২২ বিশ্রাম, ২৬ চৌপাঈ) ।

দাদুর কনিষ্ঠপুত্রের নাম মসকীনদাস । গরীব ও মসকীন নাম পারসী । যদিও হিন্দুর মধ্যে গরীব নাম না আছে তা নয় । তবে মসকীন নামটি খাঁটি মুসলমানী । এই দুইটি পুত্র ছাড়া দাদুর দুইটি কন্যাও জন্মে । তাঁহাদের নাম নানীবাঈ ও মাতাবাঈ ; কাহারও কাহারও মতে তাঁহাদের নাম অকা ও সকা ।

গরীব গরীবী গতি রহা, মসকীনী মসকীন ॥

(জীবিত মৃতক কো অংগ, ৩১) ।

দাদুর এই বাণীর মধ্যে কোশলে তাঁহার পুত্রদের দুইটি নামই রহিয়া গেছে ।

৩৫ । **শ্যামি ও লোকের ভিড় :** দাদু তাঁর নিজ

সাধনার দিন দিন অগ্রসর হইতে লাগিলেন এবং তাঁর চারি দিকে একটি

সাধনার আবহাওয়া আপনিই গড়িয়া উঠিতে লাগিল, এমনভাবে ১৪ বৎসর

দাদু আমেরে কাটাছিলেন । হয়তো আমেরেই দাদু জীবনের শেষভাগ পর্যন্ত

কাটাছিলেন কিন্তু খুব সম্ভবতঃ দুইটি কারণে তার আমের পরিত্যাগ

করিতে লইল । প্রথম তাঁর সাধনার শ্যামি যখন চারিদিকে লোক-

মুখে ছড়াইয়া পড়িল তখন নানা রকমের ভীড় তাঁর কাছে প্রতিদিন

বৃথা জমিয়া উঠিতে লাগিল । যতদিন একজন ধ্যানী ভাবরসিক

সাধকের কাছে ভাবের প্রতি শ্রদ্ধাপরায়ণ সত্যপিপাসুদল যাতায়াত

করে ততদিন সাধকেরা প্রসন্নমনেই সকলের সঙ্গে মেলামেশা করেন ।

সকলেই যে তাঁদের মতের সহিত একমত হইবেন তাহা নাও হইতে পারে—

বরং যতামতের সৈন্যত্রোর সজ্জাতে সাধকদের অন্তর্নিহিত সত্যের নানা বিচিত্র

পরিচয় তাঁদের নিজের কাছেও দিন দিন উদ্ভাসিত হইতে থাকে । যতামতের

ভাবের ও ক্রটির পার্থক্য থাকেতো থাকুক, কিন্তু সত্যের প্রতি নিষ্ঠা, ভাবের প্রতি অমুরাগ থাকা চাইই চাই। কিন্তু সাধকের নাম যখন প্রখ্যাত হইয়া পড়ে তখন নানা রকমের কুতূহলী গায়েপড়া বাজে রকমের লোকের ভীড়ই দিন দিন বাড়িয়া চলে। এই সব লোকেরা কেহবা নিজের বিত্তা বৃদ্ধি ফলাইবার জন্য এমন সব বাজে ব্যর্থ আলাপ জুড়িয়া দেন বা অর্থহীন এমন সব প্রশ্ন করেন বা এমন সব বাজে ও খুচরা কাজের জন্য সাধকদের ধরেন যে তাতেই তাঁরা যান হয়রান হইয়া।

মরমিয়ারা বলেন “আকাশের চন্দ্র সূর্যের কাছে সকল চরাচর আলোক পায়, এই সেবায় তাদের ক্লান্তি নাই। কিন্তু চন্দ্রের উপর সূর্য রাগিয়া জাঁতার মত করিয়া যখন লোকে ধব গম ভাঙ্গিয়া আটা ময়দা করিতে চায় তখনই হয় তাদের দুর্গতি। স্বর্গলোকবিহারী পক্ষিরাঙ্গ ঘোড়ার পিঠে ধোপার ভাটির কাপড় যদি চাপায়, পরশমণি দিয়া যদি সরিষা পেষে, শালগ্রাম দিয়া যদি বাটনা বাটে, দুর্গতি বলি তাকে।”

(পদ্মলোচন, সাধনদুর্গতি পদ)।

এই রকম বাজে লোকের ভিড় দিন দিন আমেরে জমিয়া উঠিতে লাগিল ; তার উপর জয়পুরের রাজা ভগবৎদাসের সঙ্গেও একটু খিটমিটি বাধিল। এই ভগবৎদাস হইলেন ইতিহাসবিখ্যাত রাজা মানসিংহের পিতা। উহার বিষয়ে পরে বলা হইবে।

৩৬। **সম্রাট্ মিলনপ্রার্থী :** যখন দাদু আমেরে আছেন তখন তাঁর খ্যাতি বিস্তৃত হইতে হইতে দিল্লী পর্যন্ত গিয়া পৌঁছিল। আকবর অনেকবার অনেক লোক দাদুর কাছে পাঠাইয়া ছিলেন। প্রথমে দূত আসিয়া দাদুকে জানান যে দিল্লীর বাদশাহ তাঁহার সঙ্গে দেখা করিতে চাহেন। দাদু বলিলেন “দিল্লীর বাদশাহের সঙ্গে আমার সাক্ষাতের কি হেতু থাকিতে পারে?” দূত আসিয়া দাদুর এই উত্তর জানাইলে আকবর বলিলেন “তুমি কেন এই কথা বলিলে? তুমি গিয়া বল যে ‘ভগবৎ-প্রসঙ্গ-পিয়ারসী আকবর’ আপনার সাক্ষাৎ প্রার্থনা করেন।” দাদু রাজী হইলেন। তখন দূর হইতে কিছুকাল কথাবার্তার পর আকবর জানিতে চাহিলেন কেমন করিয়া তাঁহাদের মিলন হয়। দাদু জানাইলেন, “আপনি বলিতেছেন,

আমার পরিচয় লাভ করিতে চান আর আমার পরিচয়ের মধ্য দিয়া আমার সন্তোষ ও সাধনার পরিচয় লাভ করিতে চান। আমি নির্জন বনের জীব, আপনার ঐশ্বর্য্য-নগরে গেলে আপনি আমাকে চিনিতে পারা দূরে থাকুক আমিই নিজেকে সেখানে চিনিতে পারিব না। তাই আমাকে বুঝিতে হইলে আমাকে আমার সহজ লোকের মধ্যেই দেখিতে হইবে।” আকবর কহিয়া পাঠাইলেন “আপনি কি মনে করেন আমি কখনও আমার এই রাজধানীর মিথ্যা জগতে আপনাকে আনিয়া দেখিতে চাহিব; আমাকে এমন মূঢ় মনে করিবেন না। সাগর হইতে একপাত্ৰ জল দিল্লীতে আনিয়া সাগরের অপার রূপ দেখার ছবুর্কি আমার নাই, হিমালয়ের একখানি শিল: দিল্লীতে পৌঁছিয়া আমাকে কোন্ গভীর মহিমার পরিচয় দিতে পারে? এই বুদ্ধি আমার আছে। সাধককে চেনাই কঠিন, আরও কঠিন হয় তাঁহাকে তাঁহার সহজ সাধনলোকের মধ্য হইতে বাহিরে টানিয়া আনিলে। কিন্তু আমারও যে দুর্ভাগ্য আমি সম্রাট। আপনার ওখানে যদি আমি যাউ তবে আপনার পক্ষে কোন মুশ্কিল নাই কিন্তু চারিদিকের রাজা ও রাজপুরুষেরা আপনার ওই স্থানটুকুকে একেবারে মিথ্যা বানাইয়া তুলিবে—আর সে দুঃখ সহিতে হইবে চারিদিকের সকলকে এবং আমাদিগকেও।”

অবশেষে স্থির হইল আকবর যখন “ধনপুরী” দিল্লী ছাড়িয়া “সাধনপুরী” ফতেহপুর সিকরী আসিবেন তখন নগরের বাহিরে মরুভূমির নির্জনতায় তাঁহাদের দেখাশোনা হইবে। জোসা ছাড়িয়া মথুরা, আগরা প্রভৃতি স্থানে যাইবার উপলক্ষ্যে ওদিকে দাদু মাঝে মাঝে যাইতেন, কাজেই তাঁহার পক্ষেও বিশেষ অসুবিধাজনক হইল না। উভয়েরই সুবিধা হইবে আর কাহারও অসুবিধা হইবার সম্ভাবনা নাই এবং নির্জনে গভীরভাবে আলাপাদি হইতে পারিবে মনে করিয়া ফতেহপুর সিকরীর কাছেই স্থান নির্দিষ্ট হইল।

আকবর অতিশয় সুখী হইলেন ইহা ভাবিয়া যে ইহাতে ফতেহপুর সিকরী ধন হইবে। তখনকার দিনের সাধকরা মনে করিতেন, “যে রাজধানী সকল মানুষের দুঃখে-পাওয়া ও কষ্টে-দেওয়া কৃত্রিম সম্পদে সৃষ্ট, সে রাজধানীতে কখনও সকল মানবের মিলন হইতে পারে না। রাজধানীতে বহু লোক একত্র হয় নাট, কিন্তু তারা কি মানুষ? তারা সব প্রচ্ছন্ন “লুটেরা” (লুণ্ঠক),

৩দ্রবেশী “ধা’ড়” (ডাকাত) .” রজ্জব ও বলিয়াছেন—“যে তৃষার্ত সে কুপ হইতে ঘটি কি কলস প্রমাণ জল তুলিয়া লয়, কিন্তু সূর্য্য দিবা রাত্রি অদৃশ্যভাবে অপরিমিত জল শুষিতেছে কেহ তার সন্ধানও রাখে না।” তবু তো সূর্য্য বৃষ্টিধারারূপে, কলাগরূপে তার শোষণ পোষণ করিয়া দেয়। “এই সব লোক মুখে বলে শাস্ত্র ও ধর্ম্মবাণী কিন্তু “চলৈ আপনা দাঁর “অর্থাৎ চলে আপন দাঁও বুঝিয়া।”

আকবর তাই ভাল জায়গাতেই সাধকের সঙ্গে মিলনের ব্যবস্থা করিলেন। তাঁর স্বপ্ন ছিল তাঁর এই সিকরী নগর “সাঁকড়ী নগর” অর্থাৎ শৃঙ্খল নগর হইবে না। ইহা হইবে সকল স্থানের সকল রকম সাধনার সত্য ইচ্ছনে সমিদ্ধ এক সাধনার মহাবেদী। “সিকরী হয় “যোগধানী” হউক নয় মিলাইয়া যাউক তবু যেন সে শুধু “রাজধানী” না হয়”—দাদুর ও ছিল এই আশীর্বাদ, আকবরের ও ছিল এই আকাঙ্ক্ষা। তাই কি সাধক সেলিম চিশ্তীর সাধনাটুকু বুকে লইয়াই সিকরী মিলাইয়া গেল ?

শিষ্যদের মধ্যে কেহ কেহ ভয় করিতেছিলেন যে বাদশাহের সঙ্গে আলাপে মতামতের পার্থক্য ঘটিলে কোনো অনর্থও হইতে পারে। তখন দাদু বলিলেন, সেরূপ ভয় করিলে চলিবে না। ভগবানের নামে জীবন যে উৎসর্গ করিয়াছে তার “জীবন মরণ সবটাই হইবে ভগবানের জন্ত। স্বামীর সঙ্গে জীবনে মরণে সাথী হইলেই যেমন হয় সতী, সাধনাও সত্য হয় ঠিক তেমন হইলে।”

জীবন মরণা রামসেঁী, সোঈ সতী করি জাগ।

(সুরাতন কো অংগ, ৬)।

৩৭। **বাহ্য সহায়তার উপেক্ষা ?** সংবৎ

১৬৬২ অব্দে, ১১৩ হিজরীতে, ১৫৮৬ ঈশাকে এই দুই মহাপুরুষের মিলন হইবার সব কথাবার্তা ঠিক হইল। দাদুর সঙ্গে তাঁর প্রিয় শিষ্যরা কেহ কেহ চলিলেন। একদিন পথে চলিতে চলিতে শিষ্যদের মধ্যে একজন বলিলেন, আচ্ছা আপনার ব্রহ্ম-সম্প্রদায় স্থাপনে যদি আপনি আকবরকে আপনার পক্ষে নেন ও তাঁর সহায়তায় কাজ চালান তবে আপনার যে কাজ অতি ধীরে অগ্রসর হইতেছে তাহা কি খুব দ্রুত অগ্রসর হইবে না ?” দাদু বলিলেন “ধাকে

প্রতিষ্ঠা করিবার জন্য আমাদের এই চেষ্টা, তাঁহাকেই বাদ দিয়া যদি অন্তের উপর নির্ভর করি তবে সে চেষ্টা মিথ্যা হইবেই। সত্য বড় ধীরে অগ্রসর হয়, ভগবানের নামে কাজ ধীরে ধীরে হয়, তাই অধীর হইয়া আমরাই যদি তাঁর উপর নির্ভর ছাড়িয়া অন্য পথ ধরি তবে তাঁর উপর নির্ভর করিয়া চলিবে কে ?”

গুরু দাদু আমের থেঁ চলে সীকরী জাঁই।

মার্গ চলত কহেঁ সিখন সোঁ তব যহ সাখী সুনাই ॥

“গুরু দাদু আমের হইতে যখন সীকরী যাইতেছেন, তখন পথে চলিতে চলিতে কথাপ্রসঙ্গে শিষ্যদের এই কবিতাটি বলিলেন।”

জে হম ছাড়েঁ রাম কোঁ তোঁ কোন গহৈগা।

দাদু হম নহিঁ উচরৈঁ তোঁ কোন কহৈগা ॥

(দাদু সাচ কোঁ অঙ্গ, ১৮৩)।

“আমিষ্ট যদি ভগবানকে ছাড়ি তবে তাঁহাকে গ্রহণ করিবে কে ? আমিষ্ট যদি তাঁর নাম ঘোষণা না করিলাম তবে কে আর তাঁর নাম ঘোষণা করিবে ?”

৩৮। **সীকরীতে শিষ্যদের সবে**

প্রশ্নোত্তর : তারপর যখন তাঁহারা সীকরী পৌঁছিলেন তখন নিজেদের মধ্যে বসিয়াই দাদু একটি প্রশ্ন করিলেন। কেহই যখন সে প্রশ্নের উত্তর দিতে পারিলেন না তখন ভক্ত সেথ বখনাজীই, তাহার উত্তর দিলেন।

গুরু দাদু গয়ে সীকরী তহঁ যহ সাখী ভাখি।

উত্তর ভয়ো ন কীসীতৈঁ, বখনৌ উত্তর আখি ॥

প্রশ্নটি হইল এই—“দাদু বলেন, এই সব বিশ্বসংসার সৃষ্ট হইল যে সময়টিতে, সেই সময়টি একবার ‘বিচার’ করিয়া লও বুঝিয়া। নহিলে পাগল কাজীর দল ও পণ্ডিতের দল মিছা কি সব লিখিয়া বুঝা বাধিতেছে শাস্ত্রের ভার ?

দাদু জিহি বিরিয়ঁ। যহ সব কুছ ভয়া, সোঁ কুছ করৌ বিচার।

কাজী পণ্ডিত বাররে, ক্যা লিখি বংধে ভার ॥

(দাদু, বিচার কোঁ অঙ্গ, ৩৮)।

কাজী পণ্ডিতেরা প্রশ্নটি বুঝিয়া লইলেন কিন্তু কোনো উত্তর দিলেন না।
তখন দাদু বিশেষ করিয়া বখনাকেই এই প্রশ্ন করিলেন “বল তো ভাই সেটা
কোন সময়, যখন সব কিছু সৃষ্ট হইল?”

কাজী পণ্ডিত বুঝিয়া, কিন জ্ঞান ন দীয়া।

বখনা বরিয়ঁ। কোন খী, জব সব কছু কীয়া ॥

তখন বখনা বলিলেন যে সময়টাতে সৃষ্টির উৎস তাহা আমি বুঝিয়া
লইয়াছি। আনন্দের মুহূর্তই হইল সৃষ্টির উৎস। আনন্দেরই তিনি কর্তা
ও স্রষ্টা।

জিহিঁ বরিয়ঁ। সব কুছ ভয়া সো হম কীয়া বিচার।

বখনা বরিয়ঁ। খুসী কী কর্তা সিরজনহার ॥

৩। **দাদু-আকবর সংবাদ** : এই সৃষ্টির বিষয়
কথা চলিতেছে, এমন সময় আকবর আসিয়া উপস্থিত হইলেন। তখন
তিনি প্রশ্ন করিলেন “এই সৃষ্টির ক্রম কি? প্রথমে কি উৎপন্ন হইল?
বায়ু কি জল, ভূমি কি আকাশ, পুরুষ কি নারী?”

দাদু উত্তর করিলেন, তাঁর এমন কি শক্তির অভাব যে কোনোটা আগে,
কোনোটা পিছে তিনি সৃষ্টি করিবেন। “তাঁর একটি শব্দেই (মজীতেই)
সব কিছু যুগপৎভাবে সৃষ্ট, এমনি সমর্থ তিনি। আগে পিছে তাহারাই করে
যাহাদের সব একই সঙ্গে বিকসিত করিয়া তুলিবার মত বল নাই। তিনিও
সেইরূপ করিতেন যদি তিনিও হইতেন বলহীন।”

এক সবদ সব কুছ কীয়া ঐসা সম্মথ সোই।

আগৈঁ পীছেঁ তো কঠৈ জৈ বলহীনা হোই ॥

(দাদু, সবদ কো অজ, ১০)।

দাদুর সঙ্গে তাঁর এই রকম ৪০ দিন ধর্ম আলাপ হয়। একদিন দাদুর
সঙ্গে দেখা করিয়া আকবর এক প্রসঙ্গ তুলিলেন। কবীরের একটি সাগী
শুনাইয়া অগম অগাধ ব্রহ্মের প্রসঙ্গ আনিয়া ফেলিলেন।

গুরু দাদু কো দরস করি অকবর কীয়ো সংবাদ।

সাঘী সুনায় কবীরকী ব্রহ্ম সো অগম অগাধ ॥

আকবর বলিলেন সাধকদের মধ্যে এইকথাটি চলিত আছে যে সাধনার পক্ষে “তলু হইল মছনের ঘট, মন হইল মছনদণ্ড, মছনকর্তা হইল প্রাণ। মছন করিয়া যে ব্রহ্মতত্ত্বরস-নবনী হইল লাভ তাহাতো কবীরই গেছেন লইয়া, এখন সকল সংসার খাইতেছে শুধু ঘোল।”

তন মটকী মন মহী প্রাণ বিলোরনহার।

তত্ত কবীরা লে গয়া ছাছ পিয়ে সংসার ॥

কবীরের প্রতি দাদুর গভীর শ্রদ্ধা ছিল, কবীরকে তিনি যত শ্রদ্ধা করিতেন তত শ্রদ্ধা তিনি বোধ হয় কাহাকেও করেন নাই। কারণ কবীরের সাধনার পথেই তাঁর সাধনা, আর তাঁর কাছে তিনি অশেষভাবে ঋণী। কিন্তু তবু যখন তিনি শুনিলেন যে সাধন যাহা করিবার, উপলক্ষি যাহা করিবার, সবই কবীরের সময়েই হইয়া গিয়াছে, এখন সংসার আছে শুধু ঘোল খাইতে ; তখন তিনি এই মতকে অত্যন্ত সঙ্কীর্ণও হ্রয় মনে করিলেন। ইহাতে কেবল যে প্রাচীন সাধকের দোহাই দিয়া পরবর্তী সব কালের সাধক ও সাধনার অপমান করা হয় শুধু তাহাই নয়, ইহা যেন এক কালের বিরুদ্ধে অন্য কালকে “লড়াইয়া” দিয়া এক রকম প্রচ্ছন্ন যুদ্ধ পিপাসা মিটান ; মানুষ যেমন চিতাবাঘ, মুরগী, মহিষাদি “লড়াইয়া” নিজেদের প্রচ্ছন্ন হিংসার্বাস্ত (Vicarious) বিকৃতভাবে উপভোগ করে। তাহাতে ব্রহ্মতত্ত্বেরই অবমাননা। কারণ ব্রহ্মরসের কি এতই দৈন্ত যে কেহ তাহা নিজ জীবনে পাইলেই পরবর্তী কালের জন্য তাহা ফুরাইয়া গেল ? ব্রহ্মরস হইল রসের সাগর ; যে যত বড় পিপাসুই হউক না কেন তাহার সকল পিপাসা মিটাইয়া ও সে সাগর সাগরই থাকিবে। তাই এই রস সকল যুগে সকল দেশে সমানভাবে সেব্য। যত বড় সাধকই হউক না কেন সেই রস-সিকুর রস-সম্ভোগ করিয়া কি কেহ তাহার একবিন্দুও কমাইতে পারে ?

“পক্ষী যদি সেই সাগরের নীর চঞ্চু ভরিয়া লইয়া যায় তবে সেই নীর কিছু কমিয়া যায় না। এমন কোন ভাণ্ডই সৃষ্ট হয় নাই যাহার মধ্যে এই পূর্ণ সাগর ধরে।”

চিড়ী চংচ ভরি লে গঙ্গী নীর নিঘটি নহি জাই ।

এসা বাসন নাঁ কিয়া সব দরিয়া মাহিঁ সমাই ॥

(দাদু, পরচা কোঁ অঙ্গ, ৩৩৩) ।

দাদুর কথা শুনিয়া আকবর নিজের ভুল বুঝিলেন । দাদু বলিলেন, “মানুষের মনের সঙ্কীর্ণতা, বৈষয়িকতা, স্বার্থপরতা নানা আকার ধরিয়া ধর্মের ক্ষেত্রেও ঢুকিতে চায় । ইহাই সাম্প্রদায়িকতার রূপ ধরিয়া বিশেষ দেশ কাল ও বিশেষ সাধকদের পক্ষ হইয়া অন্য সকল সাধনাকে অপমান করিতে প্রবৃত্ত হয় । সাধনায় দেখিতে হইবে সাধকের কোন্ উপলক্ষি কোন্ ক্ষেত্রে কি পরিমাণে সত্য, ও কিসে কি পরিমাণে সার্থকতা ও পরিপূর্ণতার সম্ভাবনা । অন্য সব বৈষয়িক সঙ্কীর্ণতা যদি এ ক্ষেত্রে আসে তবে তাহা বলপূর্বক দূর করিয়া দেওয়া উচিত । যদিও কবীর আমার গুরু, তবু আমি গুরুর নাম করিয়াও এমন অন্তায় করিতে পারি না । এবং আমার গুরুকে যদি লাঠীর মত ব্যবহার করিয়া অন্যের মাথা ভাঙিতে উত্তত হইতে হয় তবে তাহাতে আমার গুরুই সব চেয়ে বড় অপমান ।” আকবর ছিলেন মহাপ্রাণ, তিনি কথাটি বুঝিলেন ।

একদিন প্রসঙ্গক্রমে নানা জনে কহিতে লাগিলেন, “মৃত্যুর অলঙ্ঘ্য শাসনের কাছে সব সম্পদই ব্যর্থ ।” একজন কহিলেন “বাদশাহেরও যখন মরণ সময় উপস্থিত হয়, তখন যত বৈজ্ঞ, যত যোদ্ধা, যত ধন সম্পদ, যত লোক লক্ষর এ সবও যদি সম্মুখে খাড়া করা হয় তবু এ সবই দেখিতে দেখিতে তাহাকে চলিয়া যাইতে হয় ।”

বাদশাহ মরতী সময়, সব ঠাড়ে কিয় লায় ।

বৈদ শূর ধন লোগ কুল, সবহি দেখতে জায় ॥

দাদু বলিলেন, “তোমরা মিথ্যাকে যদি আশ্রয় কর তবে ব্যর্থ ও নিরাশ হইতে হইবেই । জীবনের যিনি আধার জীবন তাহাতে রাখ, তবে জন্ম মৃত্যুতে কোনো ছঃখই থাকিবে না ।”

“ঐশ্বর্য ও মূলের যে ভরসা কর, সে সব কিছু নয়, সে সব মিছা কথা । তাতেই যদি মানুষ বাঁচিত তবে আর কেহ মরে কেন ?”

(নিহকরমী পতিব্রতা অঙ্গ, ৬৬)

“মরণকে ভয় করিবেই বা কেন ? সমস্ত জীবনের অন্তিম পরিণতিই হইল মরণ।”

(দাদু, সুরাতন অঙ্ক, ৪৭)

“হে দাদু, মরণই তো চমৎকার, মরিয়া তাঁহার মধ্যে মিলিয়া যাও।”

(দাদু সুরাতন অঙ্ক, ৫২)

“বাঁচিতে ও স্বামীর সম্মুখে মরিতে ও তাঁর সম্মুখে। হে দাদু, জীবন মরণের জন্ম ঘেন কেহ ছুঁচিষা না করে।”

(দাদু, নিহকরমী পতিব্রতা অঙ্ক, ১৭)

“হে দাদু ব্রহ্মের বাণী শোন, এই ঘটেই উপলব্ধির প্রকাশ হইবে।”

(দাদু, পরচা কো অঙ্ক, ২০৮)

“এই উপলব্ধিতেই পরমানন্দ, যদি সকল ভয়ের অতীত সেই নাম উপলব্ধি হয়। তখন অগম্য অগোচরের মধ্যে নিশ্চল, নিশ্চল নির্ঝাণ পদ লাভ হয়।”

(দাদু, পরচা কো অঙ্ক, ২০৩)

“নিত্য জীবনের সঙ্গে যে যুক্ত সে-ই জীবন্ত, যে মৃত বস্তুর সঙ্গে যুক্ত হইয়া চলে সে মৃত্যুই লাভ করে।”

(দাদু, সজীবন কো অঙ্ক, ১৭)

“হে দাদু, ভাবিয়া দেখ ধরিত্রী কি সাধন করিয়াছে, আকাশ কোন যোগাভ্যাস করিয়াছে, রবি শশী কোন দীক্ষার ও সাধনার বলে অমৃতত্ব লাভ করিল ?”

(দাদু, সজীবন কো অঙ্ক, ৪২)

“যে জন ভগবানের সঙ্গে নিজেকে যুক্ত করিয়া রাখিল, হে দাদু, কোটি মৃত্যু যদি তার কাছে চাঁৎকার করিয়া যায় তবু তাতে তার কিছুই আসে যায় না।”

(দাদু, সজীবন কো অঙ্ক, ৫১)

• (৪০) **ভাষিক ও শুকপাখী** - এক জন ভাষিক (Theologian) আকবরের সঙ্গে দিল্লী হইতে আসিয়াছিলেন। তিনি শুনিয়া শুনিয়া একদিন বলিলেন, “তোমাদের নিত্য নূতন কথা। বেশ একটা স্থির মত হয় তবে বৃষ্টি। এই একম যদি কোনো শিক্ষাদাতা দিতে পার যিনি সব

স্থির অচল মত শিক্ষাদেন তবেই ভাল হয়।” নানা কথার পর দাদু আকবরকে বলিলেন, “তবে তুমি না হয় একটা শুকপাখী লইয়া যাও। শুন হে আকবর শাহ, আমার সঙ্গে কেবল তুমিই আছ।” (অর্থাৎ তোমার কথা বুঝি আমি, আর আমার কথা বোঝ তুমি, আর ইহারা যে এখানে ভীড় করিয়া আছেন তাঁহারা আমাদের এই সব মর্ম্মসত্যের কিছুই বোঝেন না।)

গুর দাদু আকবর মিলে কহী সুরৌ লে জাহ ।

হমরে সংগ তো আপ হৈ সুনো অকবর শাহ ॥

সেই সময়ে এক গোলবী দাদুকে তিরস্কার করিয়া বলিলেন “তুমি তো কোরাণ পড়িয়া হাফিজ (যে কোরাণ কণ্ঠস্থ করিয়াছে) হও নাই, তুমি আবার ধর্ম্মের কি বোঝ ?” দাদু উত্তর করিলেন “সাধারণ শুকপাখী অতো বোঝে না, তার একমাত্র ভরসা মুখস্থ কথা। তাই কেবল এক মুখস্থ কথাই সে বার বার উচ্চারণ করে, তাকে কোন কথা বলিলে বার বার উচ্চারণে সে তাহাকে আরও মিথ্যা করিয়া তোলে।” “আমার এই দেহ পিঞ্জরের মধ্যে যে মন শুকপাখী আছে, সে এক আল্লার নাম পড়িয়াই হাফিজ হইয়া গিয়াছে।”

দাদু য়হ তন পিঁজরা মাইঁ মন সুরা ।

একৈ নাম অলাহ কা, পঢ়ি হাফিজ ছুরা ॥

(দাদু, স্মিরণ কো অংগ, ৯০)

একদিন আলোচনার সময় আকবর দাদুকে কহিলেন “প্রভুর বিষয়ে চারটি জ্ঞাতব্য আছে, তাহা আমাকে বুঝাইয়া বলুন। তাঁর কি জাতি, কি অঙ্গ, কি সত্তা, ও কি রঙ্গ (প্রকাশ), তাহা বুঝাইয়া দিন।”

গুর দাদু সৌ বাদশাহ বুঝী চারি কো বাত ।

জাতি অংগ ঔজ্জুদ রংগ সাহেবকে বিখ্যাত ॥

দাদু ইহার উত্তরে কহিলেন “প্রেমই ভগবানের জাতি, প্রেমই ভগবানের অঙ্গ, প্রেমই তাঁহার সত্তা, প্রেমই তাঁহার রঙ্গ (প্রকাশ)”

দাদু ইশ্ক অলহকী জাতি হৈ ইশ্ক অলহকা অংগ ।

ইশ্ক অলহ ঔজ্জুদ হৈ ইশ্ক অলহ কা রংগ ॥

(দাদু, বিরহ কো অঙ্গ, ১৫২)

আকবর তখন প্রশ্ন করিলেন, “এমনই যদি হয় তবে সাধনার চেহারা হইবে কিরূপ? ঈশ্বর যদি কেবল সত্য স্বরূপই হইতেন তবে জ্ঞানই হইত বড় কথা। ঈশ্বর যখন প্রেমস্বরূপ তখন সাধনাও তদনুরূপ হওয়া চাই।” দাদু তাহার উত্তরে বলিলেন “ঠিক কথা, তাই সেই প্রেমরসে মন মত্ত থাকা চাই। তাঁকে পাইবার, প্রেম দিয়া প্রত্যক্ষ করিবার ব্যাকুলতা, সदा জাগ্রত থাকা চাই; সেই প্রিয়তম বন্ধুর কাছে হৃদয় সदा হাজির থাকা চাই, তাঁর স্মৃতিরসে সदा সচেতন থাকা চাই।”

ইশ্ক মহব্বতি মস্তু মন তালিব দর দীদার ।

দোস্তু দিল হরদম হুজুর যাদিগার হুসিয়ার ॥

(দাদু বিরহ কো অংগ, ৬৪)

আকবর জিজ্ঞাসা করিলেন, “তুমি যে এইরূপ অসাম্প্রদায়িক উদার মতবাদ পোষণ করিলে তাহাতে চারিদিকে নানাবিধ বিরুদ্ধতা অনুভব কর নাই?” দাদু কহিলেন, “যে দিন হইতে আমি সাম্প্রদায়িক বুদ্ধি ছাড়িয়া দিলাম সেদিন হইতেই সবাই হইলেন রুটে, কিন্তু সদ্গুরুর প্রসাদে আমার না হইল হরম না হইল শোক।”

দাদু জব্বথেঁ হম নিপখ ভয়ে সর্বৈ রিসানে লোক ।

সতগুরকে পরসাদথেঁ মেরে হরষ ন সোক ॥

(মধি কো অংগ, ৫২)

চাল্লিশ দিন ব্যাপী তাঁহাদের এই মিলনে কত রকম আলোচনা, কত রকম আলাপ, কত ইঙ্গিত, কত সমাধান কত রস ও আনন্দের কথাই হইল। ভক্তেরা সে সব কথা নানা ভাবে ধরিয়া রাখিয়াছেন। কেবল তাহা লইয়াই একপানি গ্রন্থ রচিত হইতে পারে। তাঁহাদের এই উৎসবময় দিনগুলি শেষ হইয়া আসিল। পাতশাহের সঙ্গীয় পণ্ডিতেরা তাঁহাদের এই আলাপ শুনিয়া অবাক হইয়া গেলেন। শাস্ত্রজ্ঞ পণ্ডিতেরা ঠিক ধরিতে পারেন বা না পারেন ইহা তাঁহারা বুঝিলেন যে দাদু একজন অসাধারণ সাধক ও জ্ঞানী। এ সব জ্ঞান তিনি পাইলেন কোথায়? তাই পণ্ডিতেরা তাহাকে জিজ্ঞাসা করিলেন “কি তোমার শাস্ত্র, কে তাহার লেখক, কোন্ পণ্ডিত তাহা তোমাকে

দিলেন বুঝাইয়া ?” ধর্ম তাত্ত্বিকেরা (theologian) প্রশ্ন করিলেন “কোথায় তুমি নেমাজ রোজা করিলে, কে তোমার সাধনার সাক্ষী, কেমন তোমার জাপ, কেমন তোমার “গোসল” (স্নান) ও “বজু” (উপাসনার পূর্বের অঙ্গ প্রক্ষালন, আপোমার্জন বা উপস্পর্শ) ?”

দাদু উত্তর করিলেন “এই কায়া মন্দিরের মধ্যেই নেমাজ করি, যেখানে বাহিরের আর কেহ আসিতে পারে না। মন মালারই সেখানে জাপ করি, তবে হো স্বামীর মন হয় প্রসন্ন। চিত্তসমুদ্রে আমার স্নান, সেখানে ধৌত (‘বজু’) করিয়া আমি আমার নিখিল চিত্ত তাঁর চরণে আনি ; তখন আমার প্রভুর আগে আমি প্রণতি করি ; বার বার আমি তাঁহার মধ্যে আত্মসমর্পণ করি।” (দাদু, সাচ কো অঙ্গ, ৪২, ৪৩,)

দাদু কায়া মহলমৈঁ নিমাজ গুজারুঁ তঁহ ঔর ন আরন পারৈ ।
মন মণকে করি তসবী ফেরুঁ তব সাহিব কে মন ভারৈ ॥ ৪২
দিল দরিয়া মৈঁ গুসল হমারা উজু করি চিত লাউ ।
সাহিব আঁগৈ করুঁ বন্দগী বের বের বলি জাউ ॥

(দাদু সাচ কো অঙ্গ, ৪৩)

“লোকেরা যে দেখাইবার জন্ত শোভার জন্ত রোজা করে, নেমাজ করে, উপাসনায় আসিবার জন্ত জোরে আজান দেয় সে পথ আমার নয়। আমার সবই হইল প্রিয়তমের জন্ত, কাজেই আমার সবই অস্তরের মধ্যে।”

“সোভা কারণ সব করৈ, রোজা বাংগ নেমাজ।”

(দাদু সাচ কো অঙ্গ, ৪৫)

দাদু বলিলেন, “সংস্কার ও অরাজীর্ণ মতবাদে মলিন না করিয়া নিখিল পটের মত দেহমনপ্রাণ তাঁর হাতে সঁপিয়া দেও, যেন তিনি নিজে ইহাকে লিখিয়া পুঁথী করিয়া দেন। নিজের প্রাণকেই কর পণ্ডিত, সে-ই তাহা দিবে পড়িয়া। দাদু বলেন, এমন করিয়াই সেই অলেখের কথা পারিবে বলিতে।”

পোথী অপনা প্যাণ্ড করি ছুরি জস মাঁইঁ লেখ ।

পংড়িত অপণা প্রাণ করি, দাদু কথছ অলেখ ॥

(দাদু, সাচকে অংগ, ৪০)

“কায়াকেই বল কোরাণ, পরম দয়াল তাহাতে লেখেন, মনকেই বল মোল্লা, সেই পবিত্র স্বরূপ পরমেশ্বরই তাহা শোনেন।”

কায়া কতেব বোলিয়ে লিখী রাখু রহিমান ।

মনরুঁ মুল্লা বোলিয়ে সুরতা ছায় সুবহান ॥

(দাদু সাচকৌ অংগ, ৪১)

দাদুর সমাগমের সেই বৎসর হইতেই আকবর নিজ মূদ্রায় ও অগ্ৰত সাম্প্রদায়িক মুসলমান মনের বদলে নূতন প্রবর্তিত ইলাহী কলমা চালাইতে লাগিলেন। এখনো তাঁর সেই মূদ্রা পাওয়া যায়, তার এক পীঠে “অল্লাহ আকবর” ও অণ্ড পীঠে “জল্ল জলালুহ” বাক্য অঙ্কিত।

ধনগোপাল বলেন বড় দুঃখে এই দুই মহাপুরুষ পরস্পর হইতে বিচ্ছিন্ন হইলেন কিন্তু দুব হইতেও ইঁহারা ভাবের আদান প্রদান চালাইতে থাকিলেন।

কথিত আছে বাদশাহের ক্রমে এমন বৈরাগ্য হইল যে তিনি একদিন দুঃখ করিয়া বীরবলকে বলিলেন “হায় মৃত্যুর কথা সব সময় মনে থাকে না।” তখন বীরবল অনেক কবর-পনক আনিয়া কবরের কাছে খাড়া করিয়া দেখাইলেন।

কহী বাদশাহ মোঁহি কোঁ মীচ ন যাদ রহায় ।

লায় বীরবল বোড়় বহু খড়ে দিখায়ে আয় ॥

দাদু এই প্রসঙ্গে বলিয়াছিলেন, সর্বত্রই তো মৃত্যু ও তাহার আনুযায়িক আয়োজন চলিয়াছে। অতএব, “সকলে জাগ, বৃথা ঘুমাইও না, কাল উপস্থিত। তাহার শরণ ত্যাগ করিলে কালের আঘাতে বাঁচিবে কিসে?”

(দাদু, কালকৌ অংগ, ৬৬ ৬৭)

(৪১) দাদু ও রাজা ভগবন্ত দাস : যাহা হউক আকবরের সঙ্গে আলাপ আলোচনার পর দাদু আমেরে ফিরিয়া আসিলেন। আমেরেও তাঁর থাকার পক্ষে একটি বিঘ্ন সঞ্চিত হইয়া উঠিতেছিল। সে সময় জয়পুরে রাজা ছিলেন মহারাজা ভগবন্ত দাস। ইঁহার পুত্র মানসিংহের নাম সবাই জানেন। এই ভগবন্তদাসের অভিষেকের সময় রাজ্যের ছোট বড় অনেকেই রাজার সঙ্গে সাক্ষাৎ করেন। দাদু তাঁরই রাজ্য আমেরে থাকিয়াও রাজার সঙ্গে দেখা করেন নাই। যিনি দিল্লীপতির

নিমন্ত্রণকেও অগ্রাহ্য করিতে পারেন তাঁহার পক্ষে যে এ সব রাজার প্রতাপকে হিসাব করিয়া চলা সম্ভব নয় তাহা বলাই বাহুল্য। তবে এ ভাবটী তাঁহার অহংকারপ্রসূত নয়। তিনি তাঁর আপন সত্য ও সাধনা লইয়াই ভরপুর ; এ সব লৌকিকতার কথা তাঁর মনেই আসে নাই। ভগবানের ভাবে ডুবিয়া দাদু এ সব শক্তিকে গ্রাহ্যই করেন নাই। তিনিই তো বলিয়াছিলেন “হে ভগবান, দাদু রাণা রাও কাহাকেও গণ্য করে না, সে জানে শুধু তোমাকে। তুমি ছাড়া সবই ভূয়া”।

(স্মরণাতন অংগ, ৭৩)

অবশেষে একদিন মহারাজা ভগবন্ত দাস দাদুর আশ্রমে দেখা করিতে গিয়া কিছু কথাবার্তার পর জিজ্ঞাসা করিলেন “আপনি কতদিন এখানে আছেন ?” দাদু বলিলেন, “অনেকদিন হঠতেই তো এইখানে আছি।” রাজা কহিলেন, “কৈ, কখনও তো আপনাকে দেখি নাই।”

দাদু বুদ্ধিমান ছিলেন, রাজার কথার ইঙ্গিত বুঝিলেন কিন্তু কিছু বলিলেন না। রাজা যখন আশ্রম হইতে বিদায় নেন—তখন দাদুর দুই কণ্ঠা বাহিরে বসিয়াছিলেন। তাঁহার তখন যুবতী, অথচ বিবাহে অসম্মত থাকায় দাদু তাঁহাদিগকে বিবাহ করিতে বাধ্য করেন নাই। তাঁহার জ্ঞান ও ভগবৎ-সাধন লইয়াই জীবনে অগ্রসর হইতেছিলেন। ভগবন্ত দাস এই কণ্ঠা দুইটিকে দেখিয়া সঙ্গীদের জিজ্ঞাসা করিলেন “এই কণ্ঠা দুইটি কার ?” শুনিলেন তাঁহার দাদুর কণ্ঠা। জিজ্ঞাসা করিলেন “বিবাহ হইয়াছে ?” জানিলেন বিবাহ হয় নাই। তখন বলিলেন, “বয়স হইয়াছে তবু বিবাহ হয় নাই কেন ?” দাদুর কোনো অহুরাগী সাধক রাজার সঙ্গে ছিলেন। তাঁহাকে আমেরের রাজা জিজ্ঞাসা করিলেন “এই মেয়েদের এখন বিবাহ দেওয়া উচিত নয় কি ?” রাজা উত্তর পাইলেন, “কবীর যাহাকে পতিত্বে বরণ করিয়াছিলেন, ইহারাও তাঁহাকেই পতিত্বে বরণ করিবেন।”

নূপ পুছী আংবের কে বায়ঁ। কো ছো ব্যাহি ।

জো পতি বরোয়া কবীরজী সো করি বরোয়া নিচাহি ॥

ইহাদের ভাবেই দাদু পরে লিখিয়াছিলেন, “জীবনে বরণ করিব ভগবানকেই। সেই পরম পুরুষই আমার স্বামী অন্ত সব পুরুষের আমি বহিন।”

আন পুরিষ হুঁ বহনড়ী পরম পুরিষ ভর্তার ॥

(নিহকরমী পতিব্রতা কো অংগ, ৩২)

দাদু ইহাদের কথাই পরে প্রতিধ্বনিত করিয়া বলিয়াছেন—“যিনি ছিলেন কবীরের কান্ত সেই বরকেই করিব বরণ ।”

(দাদু, পীর পিছান কো অঙ্গ, ১১)

তবু রাজার এই প্রশ্নের কথাটা শুনিয়া দাদু ভাবিয়া দেখিলেন । তিনি বুঝিলেন নানা কারণে এখানে খিটিমিটি বাধিতেছে । এ স্থান ত্যাগ করাই ভাল । রাজা ভগবন্ত দাস যে কন্যাদের বিষয় জিজ্ঞাসা করিলেন, এ কেবল তাঁর সামাজিক সংস্কার সেরূপই ছিল বলিয়া । আসলে ভগবন্ত দাস একটু অভিমানী হইলেও খুব সচ্চরিত্র মানুষ ছিলেন ।

দাদু নিজেও একবার কন্যাদের বিবাহের কথা নিয়া তাঁদের সঙ্গে আলাপ করেন । তাহাতে কন্যারা বুঝাইয়া বলেন যে তাঁহারা সাধনার জীবনই চালাইতে চাহেন । দাদু গৃহস্থ জীবনের সাধনা পছন্দ করিলেও জোর করিয়া কন্যাদের বিবাহ দেন নাই । এই কন্যাদের বাণী এখন দুঃস্বাপ্য । এক আধটুকু যে নমুনা সাধু ভক্তদের মুখে মুখে মেলে তাহা চমৎকার । ইহাদের সাধনার মন্দিরে এখনও বহনরী দর্শন ধ্যান ও সাধনাদি করিতে যান । ইহাদের বাণী যদি কখনও পাওয়া যায় তবে এক অমূল্য সম্পদ বাহির হইবে । দাদুর আরও কয়েক জন নারী ভক্তের কথা ভক্তেরা বলেন ।

ইহার পর দাদু কিছুদিন মারবাড়, বিকানীর প্রভৃতি নানা স্থানে অস্থায়ি-ভাবে বাস করিলেন । কল্যাণপুরে যখন দাদু যান তখন তাঁর বয়স পঞ্চাশ ।

“কল্যাণপুর পঁচাশা জাহী ।”

(জন গোপাল, ২২ বিশ্বাম, ২৭ চৌপাঙ্গ)

কাহারও কাহারও মতে দাদু কল্যাণপুর হইতে ৩৭ বৎসর বয়সে নরাণায় যান । সেখানে তিনি নির্জন বাসের জন্ত প্রত্যাদেশ পাইয়া ভরাণাতে যান ও ভগবানে সমাহিত হইয়া যান ।

৪২ । **জীবনের শেষকাল** ? ১৬০২ ঈশাব্দে ৫২ বৎসর বয়সে দাদু তৃতীয়বার স্ত্রীসঙ্গে যান । দাদুর সাথে ছিলেন ভক্ত কেমদাস ও ভক্ত জায়সা । তখন স্কন্দরদাসের বয়স ৭ বৎসর । ১৫৯৪ সালে

দাদু পূর্বে ছোঁসা গিয়াছিলেন। তখন তাঁহারই আশীর্ব্বাদে ১৫২৫ সালে সুন্দরদাসের জন্ম হয়। তাই পিতামাতা সুন্দরদাসকে সাধুর চরণমূলে দীক্ষার নিমিত্ত উপস্থিত করিলেন। বালকের নাম কেমন করিয়া সুন্দরদাস হইল তাহা পূর্বে উল্লেখ করা হইয়াছে। * পরে ইনি একজন মহাকবি হইলেন। দাদু ইহার পর নরাণা যাইয়া বাস করিলেন। এই নরাণাতে মাত্র তিনি এক বৎসর ছিলেন। এইখানেও সাধু সজ্জনে তাঁহার আশ্রমটি সদা ভরপুর থাকিত।

একদা দাদু নরাণায় ছিলেন, অনেক সাধক আসিয়া সেখানে দর্শন দিলেন।

আপ নিরাণে গুহামেঁ সংতন দিয়ো দিদার।

তব যা সাখীপদ কহৌ রামকলী মধসার ॥

দাদু আনন্দে কহিলেন, “কি সৌভাগ্য আমার যে সাধুদের দর্শন পাইলাম। রাম রসায়ণ পান করিলাম, কাল মৃত্যু এখন আমার করিবে কি?”

দাদু মম সির মোটে ভাগ সাধুঁ কা দর্শন কিয়া।

কহা কঁরে জম কাল রাম রসাইণ ভরি পিয়া ॥

(দাদু, সাধকৌ অঙ্ক, ১২১)।

৪৩। **দেহত্যাগ :** ১৬০৩ ঈশাব্দে জ্যৈষ্ঠমাসের কৃষ্ণাষ্টমী শনিবারে দাদু দেহত্যাগ করিলেন।

সমৈ গুণসঠা নগর নরাণে।

সাঠে স্বামী রাম সমাণে ॥

(জনগোপাল ২৯, ২৭ চৌপাই)।

জনগোপাল মতে উনষাট বৎসর বয়সে দাদু নরাণে যান ও ষাট বৎসর বয়সে ভগবানে প্রবেশ করেন। কাহারও কাহারও মতে তখন দাদুর বয়স হইয়াছিল ৫৮ বৎসর ২ মাস ১৫ দিন।

এই নরাণা এখন দাদুপছী সাধুদের প্রধান মন্দির ও মুখ্যস্থান। এখানে দাদুর গাদী আছে, মন্দিরের মধ্যে তাঁহার গ্রন্থ প্রতিষ্ঠিত আছে। প্রতি বৎসর ফাল্গুন শুক্লা চতুর্থী হইতে পূর্ণিমা পর্য্যন্ত এখানে খুব বিরাট মেলা

* প্রকরণ (১৪ ও ৬০) দ্রষ্টব্য।

হয় ও বহু বহু সাধু সঙ্কনের সমাগম হয়। হাজার হাজার সাধু সে সময়ে একত্র হন।

তাঁর মৃত্যুর সময় তাঁর অনুরাগী ভক্ত ও সাধকজনে স্থানটি ভরপুর ছিল। মৃত্যুর পর তাঁর ছোটপুত্র গরীবদাসজী তাঁর অস্ফোষ্টি ও শ্রাদ্ধক্রিয়া করেন। সকলে গরীবদাসকেই চালকরূপে মানিয়া লইলেন। গরীবদাস চালক হইলেও সকলেরই স্বাধীনতা ভালবাসিতেন। কোন কারণে স্কন্দরদাস গরীবদাসের উপর বিরক্ত হইয়া কিছু কটুক্তি করেন। তাহা শুনেও গরীবদাস বলেন “এতটুকু বালকও যে মতোর জন্ত আমাদের বিরুদ্ধে নির্ভয়ে দাঁড়াইতে পারেন, তাহাতে আমার অনেকটা ভরসা হইল। আমাদের আশা আছে।” এই সব কথা অল্প প্রকরণে বলা হইবে।

দাদুর স্বকথিত সাধনার পরিচয়

৪৪। নিজের ও নিজের সাধনার পরিচয়: স্ধাকর দ্বিবেদী মহাশয়ের মতে দাদু আসাবরী রাগের ১৪ সংখ্যক গানে (২২৭ সংখ্যকপদ) আপন নাম যে “মহাবলি” ছিল তাহা জানাইয়াছেন। সুরাতন অঙ্কের ৩৩ বাণীতে ও তিনি আপনার নাম যে “মহাবলি” ছিল তাহা জানাইয়াছেন।

গুণ্ড রাগের ১৯ সংখ্যক গানে বুঝিতে পারি তিনি সদাষ্ট নিন্দুকদের কি প্রকার আঘাত সহ্য করিয়াছেন। এ সব সচিয়াও ভগবানের কাছে তাহাদের কল্যাণ প্রার্থনাই করিয়াছেন।

“রামদেব তুমুহ করউ নিহোরা।”

নিন্দুকদের কাছে দুঃখ পাইবার কথা আগে ও বলা হইয়াছে (৩৩১ পদ)। ভৈরৌ রাগের ২৩ সংখ্যক (আসলে হওয়া উচিত ৪৬) পদে (ত্রিপাঠী ৩২৭ পদ) তিনি আপনাকে ধুনিয়া বলিয়া জানাইয়াছেন। দ্বিবেদী মহাশয় বলেন ইহা দ্বারা তিনি যে জ্ঞাতিতে ধুনকর ছিলেন তাহা বুঝায় না। তিনি সাধনার দ্বারা সত্য হইতে মিথ্যাকে ধুনিয়া পৃথক করিয়াছিলেন, জীবনকে

কোমল ও পবিত্র করিয়াছিলেন। ত্রিপাঠী মহাশয় এখানে “ছনিয়া” পাঠ ধরিয়াছেন।

তিনি যে ধর্ম কর্ম সংসার সবই করিয়াছেন তাহা শিষ্যরা চাপিয়া যাইতে চাহিলে ও তিনি পরিষ্কারভাবে বলিয়াছেন—

“পহিলে হম সব কুছ কিয়া ধরম করম সংসার।”

(ছিবেদীর পাঠ “ভরম করম” দাদু, উপজ্ঞঃগ, ১৬)।

অর্থাৎ “ধরম করম সংসার সবই আমি আগে করিয়াছি।” শিষ্যরা বুঝাইতে চান দাদু ইহাতে পূর্বজনমের সব বার্থ সংসারধর্মের কথা বলিয়াছেন।

তিনি পণ্ডিত বা জ্ঞানী ছিলেন না, কুচ্ছ কৃত্রিম তপস্বী ইন্দ্রিয়নিগ্রহ ও তীর্থভ্রমণ তাঁর ছিল না, মূর্ত্তিপূজা ও যোগসাধনা তাঁর ছিল না, ঔষধ মূল তিনি দিতেন না, নানা দেশের বর্ণনা দিয়া ও লোককে চমৎকৃত করিতে পারিতেন না, তাঁর নিজের বেশভূষায় চেহারার ও বিশেষ কোনো অসাধারণত্ব ছিল না, তাঁহার ভরসা ছিল এক ভগবানের এবং তাঁর মাধুর্য্যই তিনি যে চিনিয়াছিলেন তাহা তাঁর আসাবরী রাগের ও সংখ্যক সবদে জানাইয়াছেন।

আপন জ্ঞাতির ও আপন সম্প্রদায়ের (জ্ঞাতি পংক্তির) লোকের সঙ্গে বসিয়া তাঁর মন কখনও তৃপ্তিমানে নাই। সেরূপ সঙ্কীর্ণ সাম্প্রদায়িক ভ্রান্তি তাঁর ছিল না।

(দাদু, সাচ অঙ্ক, ১২৩, ১২৪)।

পূর্বেও বলা হইয়াছে (২০ প্রকরণ দ্রষ্টব্য) তিনি আপনার উত্তমে ও ভগবানের প্রসাদে সকল পরিবার পোষণ করিয়াছেন (দাদু, বিশ্বাস অঙ্ক, ৫৪)। যাহা করিবার তাহা ভগবানের উপর নির্ভর করিয়া নির্ভয়ে থাকাই তাঁর মত ছিল (দাদু, বিশ্বাস অঙ্ক, ১৪)। ভগবানের পুত্র কণ্ঠা সকলকে লইয়া যে বিরাট ভাগবত পরিবার তাহাও তিনি বিশ্বস্ত হন নাই। বিশ্বজগতের সগাই ভাই ভগ্নী, সবাই এক পরম পিতার সন্তান (দাদু, মায়া অঙ্ক, ১২০)।

সংসার ছাড়িয়া বনে গিয়া বৈরাগ্যে আপনাকে শুদ্ধ করিয়া যারাও দাদু পছন্দ করেন নাই। লোকে মনের চাকল্য দূর করিতে না পারিয়া সংসারের

উপর বৃথা বিরক্ত হইয়া উদাসীন হইয়া সংসার ছাড়িয়া বনে যে বাস করে, দাদুর মতে তাহা বৃথা। সেখানে রাত্রি দিন ভয়ানক ভীতি; নিশ্চল বাস হইবে কি করিয়া? মনের চঞ্চলতা যাইবে কোথায়?

(দাদু, দয়ানির্বৈরতা অঙ্ক, ৩৩)।

দাদুর মতে জীবন যাত্রা হওয়া চাই নদীর মত সহজ। নদী নিরন্তর তাহার চরম লক্ষ্য অসীম সমুদ্রের দিকে চলিতেছে এবং সেই চলার সঙ্গে সঙ্গে দুই তীরের “বন ও জীবন”, ওষধি বনস্পতি জীবজন্তু ও মানব সকলকেই তৃপ্ত করিয়া সেবা করিয়া দিনের পর দিনগুলি সেবাত্রতে পূর্ণ করিয়া চলিয়াছে। দাদু নানা ভাবে ইহা কহিয়াছেন যে “সে-ই তো সত্য সাধক নদীর মত যার সাংসারিক জীবনযাত্রা।” “সে কিছু রুদ্ধ করিয়াও রাখে না মিথ্যা ও আচরে না। (আপনাকে) ব্যয় করিয়াও চলে আপনিও সন্তোষ করে। নদীর পূর্ণ প্রবাহ যেমন সহজভাবে চলে তেমন যদি এই সাংসারিক জীবন চলে তবে সবই সহজ। মাঝাকে রুদ্ধ করিয়া রাখিতে গেলেই বিপদ। মাঝা যদি প্রবাহের মত আসে ও যায় তবে সেও বিকৃত হইবার অবসর পায় না।”

রোক ন রাখি ঝুঁট ন ভাঠি দাদু খরচৈ খাই।

নদী পূর প্রবাহ জ্যো মায়া আঠৈ জাই ॥

(দাদু, মায়া অঙ্ক, ১০৫)।

এখানে বলা উচিত তখনকার সাধকেরা আধ্যাত্মিক জীবনে স্থির শান্তি চাহিয়াছেন, সেখানে চপলতা মারাত্মক। আবার সাংসারিক জীবনে স্থিরতাই সর্বনাশের কথা। আধ্যাত্মিক জীবনের কথাতে কবীর বলিয়াছেন, “চাতিয়া দেখ সেই পরমানন্দের মধ্যে অপূর্ব বিশ্রাম—

দেখ রোজুদমেঁ অজব বিসরাম হৈ।

(কবীর, ২য়, ঝুলন)

এখানে যে দাদু নদীর মত জীবন যাত্রার কথা বলিলেন তাহা হইল সাধকের সাংসারিক জীবনে। কিন্তু কি আধ্যাত্মিক সাধনার অচঞ্চল শান্তিতে কি সাংসারিক জীবনের সহজগতিতে, সর্বত্রই সহজ হওয়া চাই।

সহজপথ : কবীর দাদু প্রভৃতির মতে সাধনা হইতে হইবে সহজ। প্রতিদিনের জীবনের সঙ্গে চরম সাধনার কোনো বিরোধ থাকিবে

না। এখনকার বৈজ্ঞানিক ভাষায় বলিতে হইলে বলিতে হয় পৃথিবী যেমন তার কেন্দ্রের চারিদিকে ঘুরিয়া তাহার দৈনিক গতি সম্পন্ন করিতেছে ও সেই গতিই তাহাকে সূর্যের চারিদিকে বৃহৎ বার্ষিক গতির পথে দিনের পর দিন অগ্রসর করিয়া দিতেছে তেমনি দৈনিক জীবন শাখত জীবনকে সহজে অগ্রসর করিয়া দিবে। সূর্যের চারিদিকে বার্ষিক গতির পথে ভাল করিয়া চলিতে হইবে বলিয়া পৃথিবী তাহার দৈনিক গতি যদি বন্ধ করে তবে তার সব গতিই সমূলে যায় নষ্ট হইয়া।

এই যে দৈনিক গতির সঙ্গে শাখত জীবনগতির সহজ যোগ, ইহাই হইল “সহজ-পংখ।” নদীর মধ্যে এই দুই জীবনের ভরপুর সামঞ্জস্য আছে। নদী দণ্ডের পর দণ্ড দুই তীরের অগণিত কাজ করিয়া চলিয়াছে সঙ্গে সঙ্গে অসীম সমুদ্রের মধ্যে সে আপনাকে নিরন্তর ডুবাইতেছে। তাহার দণ্ড-পল-গত জীবন তাহার শাখত জীবনের সঙ্গে সহজ যোগে যুক্ত। ইহার একটাকে ছাড়িলে অন্যটা নিরাশ্রয় হইয়া পড়ে। তাই ভক্ত কবীর বলিয়াছেন “সংসার ও গৃহস্থজীবন ছাড়িয়া সাধনা নাই। সাধনায় কোনো “ঐঁ চাতানী” অর্থাৎ কষাকষি টানাটানি নাই। সাধনাতে দৈনিক ও নিত্য লক্ষ্যের মধ্যে কোনো বিরোধ নাই।”

কবীর এই সত্যটি বুঝিয়া ছিলেন বলিয়াই সন্ন্যাসীর শিরোমণি হইয়াও ছিলেন গৃহস্থ। দাদুও ছিলেন তাই। কবীরের বাণীর মধ্যে সহজ ধর্ম সম্বন্ধে অনেক কথা আছে। তাঁহাদের মতে সহজ পথই হইল সত্য পথ।

ভক্ত সুন্দরদাস তাহার “সহজ-আনন্দ” গ্রন্থে লিখিয়াছেন—

“সহজ নিরংজন সব মৈঁ সোঈ ।

সহজৈ সংত মিলৈ সব কোঈ ॥

সহজৈ শংকর লাগৈ সেরা ।

সহজৈ সনকাদিক শুকদেরা ॥ ১৯

সোজা পীপা সহজি সমানা ।

সেনা ধনা সহজৈ রস পানা ॥

জন রৈদাস সহজ কোঁ বংদা

গুরু দাদু সহজৈ আনন্দা ॥” ২৩

“সেই নিরঞ্জন সহজ ভাবেই সব কিছু মধ্য আছেন, সেই সহজ ভাবেই সব সাধকরা গিলেন। এই সহজ ভাবেই শঙ্কর তাঁহার সাধনায় লাগিয়াছেন, সহজ মতেই শুকদেব সনকাদি সাধনা করেন। ভক্ত সোজা, ভক্ত পীপা, ভক্ত সেনা, ভক্ত ধন্য সহজ পথেই সহজ আনন্দ রস পান করিয়াছেন। রৈদাস ও সহজ মতেরই সাধক, গুরু দাদুরও আনন্দ ছিল এই সহজ মতে।”

এই মতে হিন্দু মুসলমান প্রভৃতি সম্প্রদায়প্রসিদ্ধ বাহ্য আচার ও নিয়ম বৃথা আড়ম্বর মাত্র। এই সব বাহ্য প্রক্রিয়া ছাড়িয়া আত্মার ও পরমাত্মার নিত্য সহজ যোগেই নিত্য সহজ জ্ঞান ও সহজ আনন্দ। নারদ প্রভৃতি ঋষি হইতে আরম্ভ করিয়া কবীর রইদাস দাদু প্রভৃতি সাধকেরা সহজ পথেই সাধক ছিলেন (স্কন্দরসার, হরিনারায়ণ কৃত, ১১১ পৃষ্ঠা)। তাই দাদু বলেন নদীর মত আপনাকে একই সঙ্গে দৈনিক ও শাস্ত্র সাধনাতে সহজে ছাড়িয়া দেও। সাধনার জন্ত সংসারের কৃত্যকে বাধা দিয়া ঠেকাইয়া শক্তি সঞ্চয় করিতে যাইও না। কারণ তাহাই হইবে কৃত্রিম ও মিথ্যা। নদীর মত সকলকে তৃপ্ত করার দ্বারাই নিত্য সহজ যোগের আনন্দে অস্তুরে অস্তুরে ভরপুর হইয়া উঠিবে ও পরমানন্দ লাভ করিবে।

(দাদু, মায়া অঙ্ক, ১০৫-১০৬ সাখীর সারমন্ড)।

নানাবিধ কৃত্রিম ভেখ বানাইয়া মানুষেরা নিজেদের তপস্যা দেখাইতে চায়। ইহার মধ্যে এক রকম নিজেদের দৈন্ত বৈরাগ্য ও তপস্যা জাহির করিবার ভাব আছে। ইহা সাধারণ বিলাসিতা অপেক্ষাও প্রচণ্ড বিলাসিতা। কারণ, ইহাতে লোকে মনে করে যে দৈন্ত, বৈরাগ্য ও সাধনাই চলিয়াছে। কিন্তু আসলে চলিয়াছে দৈন্ত বৈরাগ্য ও তপস্যার প্রাণহীন মোহভরা আড়ম্বর। বিলাসিতার আনন্দ অপেক্ষাও তাহা সাধককে বৃথা জাঁকে জাকাইয়া তোলে, তাহাকে দিনে দিনে ব্যর্থ করে, তাই তাহা আরও ভয়ঙ্কর। তাই দাদু বলেন “নানাবিধ ভেখ বানাইয়া সবাই চায় আপনাকে দেখাইতে, আপনাকে মিটাইয়া ফেলিয়া যে সাধনা সেই দিক দিয়াও কেহ যায় না।”

(দাদু, ভেষ অঙ্ক, ১১ সাখী)।

এই বিষয়ে দাদুর শিষ্য রঞ্জবঙ্গী চমৎকার বলিয়াছেন। “যোগের মধ্যেও এক রকম ভোগ থাকে, ভোগের মধ্যেও যোগ থাকিতে পারে।

তাই অনেক সময় মানুষ বৈরাগ্যে ডুবিয়া মরে, আর গার্হস্থ্য জীবন নিখা মানুষ যায় তরিয়া।”

এক জোগমে ভোগ হৈ এক ভোগমে জোগ।

এক বৃড়হি বৈরাগমে ইক তিরহি সো গৃহী লোগ ॥

(মাঘামাধি মুক্তি অঙ্ক, ৪২)।

ভগবান্ নিত্য নিরন্তর বিশ্বচরাচরের সেবায় নিরত। তাঁর উত্তমের আর অস্ত নাই। মানুষের বিপদ এই যে উত্তম করিতে গিয়া সে যন্ত্রের মত চলিতে যায়, জড়ের মত নিজেকে অভ্যাসের অচেতন পথে ছাড়িয়া দেয়। যদি এই জড়তা হইতে জাগ্রত থাকিয়া মানুষ নিত্য সেবারত ভগবানের সঙ্গে থাকিয়া উত্তম করে তবে উত্তমই ধন্য। এই উপলক্ষেই তাঁর সঙ্গ লাভ করা যায়; তাঁর সঙ্গ যাহাতে মিলে তাহাই পরম সাধনা। দাদু বলেন, “উত্তম যদি সত্যই কেহ করিতে জানে তবে উত্তমের কোনোই দোষ নাই। স্বামীর সঙ্গে থাকিয়া যদি উত্তম করা চলে তবে সেই উত্তমেই তো আনন্দ।”

(দাদু, বেসাম অঙ্ক, ১০ সাখী)।

সব রকম জাগরণই সহজ ভাবে সত্য ভাবে হওয়া চাই। অনেক সময় ফললোভী মানুষের মন আপনাদের স্বরূপ ভাল করিয়া না জানিয়াই অপর সকলকে জাগাইবার লোভে কেবল উপদেশ শুনাইয়া বিশ্বসংসারকে অবিলম্বে জাগাইয়া তুলিতে চায়। আত্মোপলব্ধি করিবার মত অপেক্ষা করিবার বিলম্ব এই সব মানুষের নয় না। সাধকেরা ইহাঁদিগকে “কালকুপণ” বলিয়াছেন। দাদু বলেন, “এক আশ্চর্য্য দেখিলাম, লোকে আত্মতত্ত্ব ভাল করিয়া বুঝিল না, গেল কি না অন্টকে উপদেশ দিয়া জাগাইতে! এমন করিয়া ইহাঁরা চলিয়াছেন কোন দিশায়?”

(দাদু, গুরুঅঙ্ক, ১১৮ সাখী)।

“আত্ম-উপলব্ধি হইল না অথচ কথা রচনা করার শক্তি জন্মিল, দুই চারিটা পদ বা সাখী রচনা করা গেল, আর অমনি এই অসুভব মনে জন্মিল যে সংসারের মধ্যে আমি একজন জ্ঞানী লোক” (দাদু, সাচ অঙ্ক, ৬৪ সাখী)। অনেকের পক্ষেই এই পথ হইল মরিবার পথ, কারণ আপনার সম্বন্ধে অতি মাত্রায় সচেতনতা সাধককে সমূলে বিনাশ করে।

যে সাধক সহজ পথে আছে সে নিজেই ভাল বুঝিতে পারে না যে সে কতদূর অগ্রসর হইয়া চলিয়াছে। পরমাঙ্গার মধ্যে ডুবিয়া গিয়া সে আপনার কথা ভাল করিয়া বুঝিবার অবসর পায় না। আপনার সম্বন্ধে “অতি-চেত” (over conscious) হওয়াই হইল না-হওয়ার লক্ষণ। সহজ পথের পথিকের লক্ষণ হইল আপনার সম্বন্ধে অচেতন থাকা। এখনকার বৈজ্ঞানিক যুগে মানুষ খুবই জানে যে পৃথিবীতে বসিয়া মানুষ বুঝিতেও পারে না যে কত প্রচণ্ড বেগে সে প্রতি দণ্ডে অগ্রসর হইতেছে, অথচ গরুর গাড়ীর আরোহীকে পদে পদে যে তাহার গতি সম্বন্ধে সদাই সচেতন থাকিতে হয়! সেই যুগের সাধনার মর্মজরা ইহা জানিতেন, “যে মানুষ তাহার পথে উড়িয়া চলিয়াছে সে বলে এখনও পথেই পড়িয়া আছি। যে বলে ‘আমি পৌঁছিয়াছি, চল চল তোমরা সবাই সেই পথে চল’; তাহার পথ পথই নয়, সে পথের কিছুই জানে না,” (দাদু উপজ্ঞ অঙ্ক, ১৫ সাখী) দ্বিবেদী সংস্করণ। ত্রিপাঠী সংস্করণের পাঠান্তরে দেখি “উজাড় পথে যে চলিয়াছে সে মনে করে ঠিক পথেই আছি। হে দাদু যে পথ চলিয়াছে ও পৌঁছিয়াছে সে-ই জানে যে ওসব পথ পথই নহে।”

জ্ঞান হইতে অনুভব (realisation) অনেক বেশী গভীর কথা। যখন কোনো বস্তুকে দূরে রাখিয়া স্বাতন্ত্র্য না ঘুচাইয়াই দেখা যায় তখন হয় “জ্ঞান”, আর আপনাকে কোনো ভাবের মধ্যে ডুবাষ্টয়া দিচ্চা আনন্দরসে মজিয়া যাওয়া হইল “অনুভব”। “জ্ঞান” খুব সুনির্দিষ্ট সীমাবদ্ধ বলিয়া কথায় আপনাকে প্রকাশ করিতে পারে। কিন্তু “অনুভব” আপনার আনন্দরসে আপন সীমা হারাইয়া ফেলে বলিয়া কথায় কিছুই প্রকাশ করিতে পারেনা। অনুভবের অনির্কচনীয় ভাব হইতে অনির্কচনীয় সঙ্গীতের সৃষ্টি, ভাষা সেখানে হার নানে। তাই দাদু বলেন “জ্ঞান লহরী যেখানে হইতে উঠিতেছে, সেখানে হইল বাণীর প্রকাশ। অনুভব যেখানে নিত্য উৎপন্নমান (তার হওয়ার আর যেখানে বিরাম নাই, বীজ হইতে বৃক্ষের স্তায় তার জীবন্ত বিস্তার যেখানে নিরন্তর চলিয়াছে) সেখানে সঙ্গীত কারল বাস (দাদু, পরচা অঙ্ক, ২৯ সাখী)।

তাঁহার মধ্যে ডুবিয়া সহজ হইতে হইবে। আমরা নিজে বুঝিয়া যাহা বলিতে যাইব তাঁহাই হইবে কৃত্রিম। তাঁহার কাছে নিজেকে মিটাষ্টয়া ফেলিলে, আমাদের মধ্য দিয়া এখন তিনি অন্তরের ভাব ঢালিয়া দেন তখনই হয় স্বার্থ

সঙ্গীত । বাঁশী যেমন আপনাকে শুল্ল করিয়াই তাঁহার নিখাসকে বাজাইয়া তুলিবার অবসর দেয় তেমন করিয়া সাধক আপনার ভিতরের অহমিকাকে লোপ করিলেই নিজেকে তাঁহার সঙ্গীত প্রকাশের যোগ্য আধার করিয়া তোলে । দাদু বলেন, “তুমি কিছু রচনা করিওনা, তোমার মধ্য দিয়া তাঁহার রচনাই চলুক । তবেই হইবে সত্য সাগী ও সত্য সঙ্গীত ।”

তাঁহার অসীম আনন্দের মধ্যে ডুবিলে তাঁহাকে স্বতন্ত্র করিয়া **জানান** স্রবোগ চারাউতে হয়, তখন অপার আনন্দের **অনুভব** মেলে । আনন্দের সেই অনুভবের প্রকাশ তো বাক্যে হয় না ।

প্রকাশহীন সেই ভাব দিবারাত্রি তখন মনকে রাখে ভারাক্রান্ত করিয়া । অস্তরের মধ্যের সেই প্রকাশাতীত অপার পূর্ণতাষ্ট বেদনার মত নিরস্তর মনকে থাকে ব্যথিত করিতে ।

পার ন দেবুটী অপনা গোপ গুঞ্জ মন মাহি ॥

(দাদু, হৈরান অংগ, ১৩ সাখী)

এই ব্যথার মধ্যোই হইল সঙ্গীতের নিত্য-উৎস ।

৪৫ । **গুরু ও সাধু** : সাধনা সাধকের বর্তমান জীবনে হইলেও প্রাচীন অভিজ্ঞতার প্রয়োজন আছে । বিদ্যান শাস্ত্রপন্থীরা জানেন প্রাচীন সঙ্ঘ পান শাস্ত্রে । বাহাদের সাধনা জীবনের ও মানবের মধ্য দিয়া চলে, তাঁরা প্রাচীন অভিজ্ঞতা পান গুরুর ধারাতে ও গুরুতে । গুরু বড় আশ্রয় । আসলে ভগবানই সদ্গুরু । “অস্তরের মধ্যোই অস্তরের আশ্রয়কে পাইলাম । সহজের মধ্যোই তিনি ছিলেন সমাহিত হইয়া, সদ্গুরু নিজেই সে সন্ধান দিয়াছেন ।” “অস্তরের মধ্যোই সেই স্থির ধাম বিরাজিত, মহলের দ্বার খুলিয়া তিনি তাহা দেখাইয়াছেন” (দাদু, রাগ গোড়ী, ৬৮ গান) ;

“সেই গুরু সকল সম্প্রদায় ও দল, গুণ ও আকারের অতীত । তিনিই দাদুর গুরু ।” (দাদু মধি অঙ্গ, ৪৮) ।

“সেই সদ্গুরু অস্তরের মধ্যোই বিরাজমান, সেখানেই তাঁহার আরতি ও পূজা করা চাই, এই কথা কচিৎই কেহ বোঝে ।” (দাদু, পরচা অঙ্গ ২৬৫) ।

৪৬ । **সহজ ও শূন্য কি ?** ভক্ত ও সাধকরা তখন গুরুকে অনেক সময়ই শূন্যের সঙ্গে তুলনা দিয়াছেন । জীবনের সহজ বিকাশের

জন্য শূন্য একটি মুক্ত অবকাশ চাই, গুরু ও হওয়া চাই ঠিক সেইরূপ। তাই তো রজ্জবজী বলিয়াছেন “সতগুরু শূন্য সমান হৈ” (রজ্জব, গুরুদেব অঙ্ক, ৫৬) অর্থাৎ “সদগুরু হইবেন শূন্যের সমান”।

এই শূন্য ও সহজ কথাটা বৌদ্ধদের মধ্যো, নিরঞ্জন নাথ যোগী প্রভৃতি পন্থের মধ্যো, সহজিয়াদের মধ্যো, বাউল প্রভৃতিদের মধ্যো আছে। মধ্যযুগেও বহু সাধক নিজেকে সহজ-পন্থী বলিয়াছেন। দাদুর মত বুদ্ধিতে হইলে তাঁর শূন্য সহজ প্রভৃতি কথাই তাৎপর্য দেখা চাই। শূন্য বলিতে কি বুঝায় তাহা ইহাদের বাণী হইতে পরে বলিবার চেষ্টা করা যাইবে।

ধর্ম সহজ হইতে হইলেই সকলবাধাহীন সেই সহজ অনন্তআধারকে চায়—তাহাই শূন্য। তাই সহজমতবাদীরা সবাই কোন না কোন আকারে শূন্যকে মানিয়াছেন। “শূন্য”র ভাবাত্মক জীবনাধার মহা-অবকাশ না পাইলে কোন জীবন বীজই অঙ্কুরিত হয় না। তাই সহজ মতে শিষ্যের পক্ষে গুরু হইলেন “শূন্য।” গুরু যদি নিজের ব্যক্তিত্ব দিয়া শিষ্যকে চাপিয়া মারেন তবে ধর্মজীবন অঙ্কুরিত না হইয়া পিষিয়া যায়। তাই শূন্যই গুরু এবং গুরুই শূন্য। সহজ ধর্মের সাধনা শিক্ষার প্রকরণ আলোচনা করিলে এ সব কথা বিস্তৃতভাবে বোঝা যাইবে।

প্রত্যেকটি অঙ্কুরই জীবন্ত হইয়া উঠিবার সময় একটি শূন্য অবকাশের অভিমুখে আপনার প্রাণকে প্রকাশ করে। অতি ক্ষুদ্র যে অঙ্কুর, ক্ষুদ্রতম যে ফুল সেও যদি মাথার উপরে একটি অনন্ত অপার আকাশকে না পায় তবে তার জীবনটুকু বিকাশ করিতে পারে না। আকাশ যদি শূন্য না হইয়া নীরেট হয় তবে ছোট বড় সব জীবন চাপা পড়িয়া যায়। সকল রকমের জীবন প্রকাশের জন্যই জীবনের অন্তকূল একটি শূন্যতার প্রয়োজন। যেখানে প্রাণের বিকাশ নাই সেখানে এই শূন্যতার প্রয়োজন না ও থাকিতে পারে কিন্তু প্রাণ সদাষ্ট তাহার বিকাশের জন্য একটি শূন্য আশ্রয় চায়। ধর্ম এবং ভাব তো জীবন্ত জিনিষ, তাই তাহার বিকাশের জন্য শূন্যতার একটি অন্তকূল অবকাশের এত প্রয়োজন। এই শূন্যতা একটা নাস্তিধর্মাত্মক বস্তু নয়।

রামানন্দ দ্বারাতে একটি গুরু পরম্পরায় প্রচলিত নমস্কার আছে—

নমো নমো নিরঞ্জন নমস্কার গুরুদেবতঃ ।

বন্দনং সৰ্ব্ব সাধবা পরনামং পারংগতঃ ॥

এই না-ভাষা না-সংস্কৃত প্রণামটি অতি পুরাতন । দাদু নিজের নাগ দিয়া ইহাকে করিয়াছেন :—

“দাদু নমো নিরঞ্জনং নমস্কার গুরুদেবতঃ” ইত্যাদি ।

অর্থাৎ নিরঞ্জনকে প্রণাম, তাঁহাকে বুঝিবার জ্ঞান প্রণাম করি গুরুদেবতাকে । গুরু হইলেন সেই অনাদি অনন্ত অসীম নিরঞ্জনকে বুঝিবার ও পাইবার সুরোগ ও পন্থা । কিন্তু পন্থাই যদি আত্মাদিগকে সীমাবদ্ধ করিয়া, লক্ষ্যভ্রষ্ট করিয়া, পাইয়া বন্দে ? তাই মুক্তির পথ রহিল, “বন্দনং সৰ্ব্বসাধবা” ; যত সাধক যে ভাবে নিরঞ্জনকে সাধনা করিয়াছেন সেই সকল সাধুকে প্রণাম । তবেই প্রণাম সীমাবদ্ধ হইবে না, প্রণাম সব সংকীর্ণতা সব সাম্প্রদায়িকতার বাধা পার হইয়া যাইবে । প্রণাম হইবে তবে “পারংগতঃ ।” অর্থাৎ সকল-সীমা-পার-হওয়া অসীম প্রণতি ।

তাই গুরু যদি শূন্য হন তবে কোনো বিপদ আর থাকে না । এই শূন্যতাই হইল আত্মার বিহারের সহজভূমি, এই সহজের মধ্যেই আত্মার নিত্য কেলি ও আনন্দ কল্লোলের স্থান । এই খানেই সঙ্গীতের ও সৰ্ব্বপ্রকার সৌন্দর্য-কলার উৎপত্তি, কারণ কলামাত্রই অনন্তের মধ্যে আত্মাহংসের সহজ সঙ্গীত কল্লোল । (দাদু, পরচা অঙ্ক, ৬১)

সকল জীবনের বিকাশের জ্ঞান অনন্ত স্বরূপ আপনিই আপনাকে সহজ করিয়া শূন্য করিয়া পরম অবকাশ রচনা করিয়া দিয়াছেন । জীবনের বিকাশের পক্ষে আকারবিশিষ্ট স্থলবস্তুর বাধা স্বরূপ, তাই তিনি আপনাকে “সূক্ষ্ম” সহজ নিরাকার নিরাধার করিয়াছেন, অথচ সেই কারণেই রূপে আকারে অভ্যস্ত মাতৃষ সেই সহজকে ধরিতে অক্ষম । (দাদু, ভেথ অঙ্ক ৩৬)

দাদুর অনেক বাণী শূন্য ও সহজ সঙ্কে আছে, স্বতন্ত্র “সহজ শূন্য” প্রকরণে তাহা খোলসা করিবার চেষ্টা করা যাইবে ।

ভক্ত সুন্দর দাসের “সহজানন্দ” গ্রন্থখানি প্রায় ৩০০ বৎসর পূর্বে রচিত । এই গ্রন্থে সুন্দর দাস বলেন যে, হিন্দুই হউক বা মুসলমানই হউক যদি সাধক বাহ্য আচার অমুষ্ঠান না মানিয়া, কৃত্রিম কামনাও অমুষ্ঠান না করিয়া, বাহ্য

ভেখ ও চিহ্ন ধারণ না করিয়া, অস্তরেতে সহজ অগ্নিশিখা জ্বালাইয়া রাখেন, সহজ ধ্যানে মগ্ন থাকেন, সহজের মধ্যে ডুবিয়া সহজভাবে থাকেন, তবে তাঁর জীবন ভরিয়া সহজেই ভগবানের নাম আপনি নিঃশব্দে ধ্বনিত হইতে থাকে, কৃত্রিম জপ তপের প্রয়োজন হয় না। এমন সাধকই সহজ পথের আনন্দে আনন্দিত (সুন্দরদাস, সহজানন্দ গ্রন্থ ২-৪)। স্মরণের ধ্যানের যোগের জন্ত তাঁহারা কালাকাল মানেন না। সহজের মধ্যে ডুবিয়া এ সব কৃত্রিম বিচার তাঁহারা হারাটয়া ফেলেন। সহজ সর্বব্যাপী নিরঙ্কনের মধ্যে ডুবিয়া তখন সাধক বিশ্বজগতে সব সাধনার ও সব সাধকের সঙ্গে যোগযুক্ত হন। (সুন্দরদাস, সহজানন্দ গ্রন্থ, ২২)।

মধ্যযুগের সরমিয়াদের মতে রামানন্দ এই সহজ মত পাঠিয়াই তাঁর ব্রাহ্মণত্ব, গুরুত্ব ও সম্প্রদায়নেতৃত্বের সব সম্মান ঠেলিয়া ফেলিয়া সব আচার নিয়ম বিসর্জন দিয়া রামানন্দ সম্প্রদায়ের অতি সম্মানিত পদ বিসর্জন করিতে পারিলেন। রামানন্দ অনেক অনেক অস্পৃশ্য, অস্তাজ ও নীচ জাতির ভক্তদের লইয়া নূতন সাধকমণ্ডল গড়িলেন এবং সমাজের উচ্চ স্থান হইতে নামিয়া নীচ হইতে নীচের পংক্তিতে বসিয়া গেলেন। ভক্তমাল বহু প্রকারে রামানন্দকে নীচ জাতির সংস্পর্শ হইতে বাঁচাইতে চাহিলেন বটে, কিন্তু এত জন নীচজাতীয় শিষ্যের কথা কি দিয়া চাপা দেওয়া যায় ?

কবীর ও সহজ পথের সাধক ছিলেন। তাঁহার কাছে লোকে যদি প্রশ্ন করিত “ব্রহ্মকে পাঠবার পথ কি ?” তবে তিনি বলিতেন—“দূরে যদি তিনি থাকিতেন, আর তাঁহাকে দূরে রাখিয়া যদি জীবন ধারণ সম্ভব হইত তবেই কোন পথ থাকা সম্ভব হইত। পথ অর্থই দূরত্ব আছে ইহা স্বীকার করা।”

“ভিতরে ও তিনি বাহিরেও তিনি, যেন জলে-ভরা কুম্ভ জলেই নিমজ্জিত,”

(কবীর—মৎসম্পাদিত, ১ম ভাগ, ২২ পৃঃ)।

“তিনি অস্তরে আছেন বলিলে বাহিরের জগৎ লঙ্ঘিত হয়, তিনি বাহিরে আছেন বলিলেও কথার মিথ্যা হয়।”

(কবীর—১ম ভাগ, ১০৪)।

“জলে থাকিয়া যদি মান বলে—আমি ভূষিত, তবে তামি পাথ।”

(কবীর—১, ৮২)।

উপযোগিতাবাদী মনে করে, এই সংসার তার কাজের ক্ষেত্র ; এখানেই যে আত্মারও তৃপ্তি তা সে জানে না, তাই মরে শুকাইয়া । “খোপা বেচারা নির্মল জলে দাঁড়াইয়া পিপাসায় মরে, এমন জল থাকিতেও কাঁদিয়া মরে ।” মনে করে তার মলিন বস্ত্র ধুইবার জন্তই বৃষ্টি এই জল ধারা ।

(কবীর—২য় ভাগ, ৩১) ।

“মানুষ অনাদিকাল হইতে সাধক, ব্রহ্মের সঙ্গে তার সেই অনাদিকাল হইতে সহজ যোগ, তাই সাধনা তার সহজাত ।”

(কবীর—২য় ভাগ, ৮৭) ।

“কৃত্রিম কোন আচার অস্থগ্ঠান ক্রিয়া বিনাই সে তাঁর সঙ্গে সদায়ুক্ত ।”

(কবীর—১ম ভাগ, ৬৮ ; ১৩ ; ৬৫ ; ২২ ; ৭২ ; ৬৪) ।

“সেই সহজ সমাধিই ভাল, যখন জীবনের সকল সহজ ক্রিয়াতেই তাঁর সঙ্গে যোগ দৃঢ় হইয়া চলে ।”

(কবীর—১ম ভাগ, ৭৬) ।

“স্বর্গ নরক জানি না, সদাই তাঁর মধ্যে নির্ভয় আনন্দে আছি ।”

(কবীর—২য় ভাগ, ১১) ।

“প্রত্যেক জীবনে ব্রহ্মদীপশিখা জলিতেছে ।”

(কবীর—২য় ভাগ, ৩৩) ।

“এই রহস্য প্রেমের চাবিতে ধরা পড়ে ।”

(কবীর—১ম ভাগ, ১০৭) ।

সুন্দরদাস বলেন, ভক্ত সোজাজী, ভক্ত পীপা, ভক্ত সেনা, ভক্ত ধরা প্রভৃতি রামানন্দ-শিষ্যেরা সবাই সহজ পথের রসের রসিক ছিলেন । ভক্ত-রবিদাস, গুরুদাদু এঁরা সহজেরই সেবক, সেই আনন্দেই মগ্ন ।

(সহজানন্দ গ্রন্থ, ২২, ২৩) ।

“কবীর প্রভৃতি প্রাচীন সাধকেরা এই সহজ নিরঞ্জন পথেরই পথিক ।”

(সুন্দর সার ১১১ পৃঃ) ।

এই শূন্য যে “নাস্তিবস্তু” নয় তাহা বুঝি যখন দেখি শূন্যবাদী দাদু ও ধর্মের আন্তিক ভিত্তিই চাহেন ।

দাদু বলেন, লোকেরা যে সব আচার অস্থগ্ঠানের রাশি জমাইয়া তুলিয়াছে,

তাহা “কিছু-না”র উপরই প্রতিষ্ঠিত। তাই অস্তরের দেবতা ছাড়িয়া বৃথা বাহিরে সকল সংসার ঘুরিয়া মরিতেছে।

কুছ নাইঁকা নাম ধরি ভরম্যা সব সংসার ॥
পূজনহারে পাসি হৈ দেহী মাঁইঁ দেব ।
দাদু তাকৌ ছাড়ি করি, বাহরি মাঁড়ি সের ॥

(দাদু, সাচ অঙ্ক, ১৪৬, ১৪৮) ।

“কেহ বা মনে করে তিনি বিশ্বসংসারের উপরে, কেহ বা ভাবে তিনি দেহের মধ্যে বিরাজমান ; দাদু বলেন, তাঁর সঙ্গে এতখানি ব্যবধান থাকিলে চলে কেমন করিয়া ?”

উপরি আলম সব করৈ, সাধু জন ঘটমাঁইঁ ।
দাদু এতা অংতরা তাঁথৈ বনতী নাঁইঁ ॥

(দাদু, সাচ অঙ্ক, ১৪৯) ।

ভগবানকে ভিতরে বা বাহিরে এতটুকু ব্যবধানেও এই সহজ সাধকরা রাখিতে অসম্মত। তাঁহাকে কোন আচার অনুষ্ঠান প্রথা বা শাস্ত্রের ব্যবধানে অথবা তীর্থ মন্দির সম্প্রদায় প্রভৃতির ব্যবধানে রাখিয়া দাদু নেই সহজকে কৃত্রিম করিতে চাহেন না।

৪৭। **সংস্কৃত নহে, ভাষাই আশ্রয় :**

রামানন্দ এই সহজ পথে আসিয়া কৃত্রিম ভাষা সংস্কৃত ছাড়িলেন ও সহজ কথিত ভাষায় আপনার ভাব প্রকাশ করিলেন। আচার, অনুষ্ঠান, প্রথা, সাম্প্রদায়িকতা, শাস্ত্র প্রভৃতি কৃত্রিম বস্তু ছাড়িয়া সহজ প্রেমের যোগকে ধর্ম-জীবনের অবলম্বন করিলেন।

রামানন্দের পর কবীর প্রভৃতি অনেকেই নিরঙ্কর ছিলেন, তাই বাধ্য হইয়াই ভাষায় লিখিতেন ; কিন্তু তবুও কবীর যে সংস্কৃত ও কথিত ভাষা সহজে তাঁর মত জানাইয়াছেন তাহা এখানে স্মরণ করা উচিত।

“সংস্কৃত কূপজল কবীরা ভাষা বহতা নীর ।
জব চাহৌঁ তবহি ভুবৌঁ শাস্ত্র হোয় শরীর ॥”

হে কবীর, সংস্কৃত হইল কুপজল, ভাষা হইল বহতা-নীলধারা, যখন চাহি তখনই তার মধ্যে কাঁপ দিয়া ডুবিতে পারি, সকল দেহ জুড়াইয়া যায়।

দিনের পর দিন খুঁড়িয়া খুঁড়িয়া কুপের জল মেলে, সে জলও একটু পাতে করিয়া কষ্টে উঠাইয়া ব্যবহার করিতে হয়। সংস্কৃত ও তাই। বহতা-ধারায় দেহ মন প্রাণ সহজে ডুবাইয়া ভাসাইয়া দেওয়া যায়, ভাষাতেও তাই। বহতা ধারায় পথে যে সহজ গীত আছে কুপজলে তাহা কৈ? বহতা ধারার পথে নৌকাদি যোগে চলাফেরা ও পরিচয় চলে, সৰ্বলোক ও সৰ্বস্থানের সঙ্গে যোগ স্থাপন চলে, তীরে গ্রাম জনপদ সঙ্গে বসান যায়, কুপে সে সম্ভাবনা কৈ? ভাষারই এই শক্তি, ইহা পরস্পরকে নিকটে আনে, ইহার তীরে নূতন সমৃদ্ধি নূতন সমাগম নূতন মানব সমাজ সহজে গড়িয়া ওঠে।

সহজ পন্থের কথা এই উপক্রমণিকাতেই দাদুর স্ববিবৃত সাধন পরিচয় অংশের শেষ ভাগে একবার বলা হইয়াছে।*

তবু এখানে আর একবার বলিতে হইল, কারণ তাহা না হইলে সহজ ও শূন্য ঠিক বুঝা কঠিন হইবে।†

মিথ্যান পূজা: দাদু বলেন, “জগৎ অন্ধ, নয়নে দেখিতে পায়না, যিনি সৃষ্টি করিয়াছেন তাঁহাকে বুঝেনা, আত্মাকে বধ করিয়া পাষাণের পূজা করে, নির্মল স্বরূপ ইহাদের নয়নে ধরা পড়েনা তাই ইহারা অধঃপাতে চলিয়াছে। ইহারা দেব দেহরা পূজা করে, মহামায়াকে মানে; প্রত্যক্ষ দেব নিরঞ্জন, তাঁহার সেবা জানেনা। ভ্রান্তিবশে ভূতের ভৈববের জঙ্ক-জানোয়ারের পূজা করে, সকলের যিনি স্রষ্টা তাঁহাকে পায় না। এই সংসার হইল নিজ স্বার্থের বশ, তাই না করিতে পারে বা কি? দাদু বলেন, সত্য ভগবানকে বিনা ইহারা দিনে দিনে মরিতেছে, দিনে দিনে ছুখে ভরিয়া উঠিতেছে” (রাগ রামকলী, ১২৬ পদ)। দাদুর বাণীর মধ্যে “মায়া অন্ধ” দেখিলে মিথ্যা দেবতা পূজার সম্বন্ধে দাদুর মতামত বিস্তৃত ভাবে বুঝা যাইবে। কপট ভক্তি,

* উপক্রমণিকা (খ) দ্রষ্টব্য।

† কবীর দাদু রজ্জবের সহজ ও শূন্য সম্বন্ধে মতামত ভূমিকা-পরিশিষ্টে দর্শনীয়।

মিথ্যার সেবা, সত্য-বিষুক্ত বাক্যের উপাসনায় বিভ্রম্না দাদু “সাচ অঙ্গে” বলিয়াছেন।

তাই দাদু বলেন, “ব্রহ্মকে খণ্ড খণ্ড করিয়া নানা সম্প্রদায়ে লইল ভাগ-
জোগ করিয়া বাঁটিয়া; পূরণ ব্রহ্মকে ত্যাগ করিল বলিয়া ভ্রমের গাঁঠে হইল
সবাই বন্ধ।”

খণ্ড খণ্ড করি ব্রহ্মকৌ পষি পষি লিয়া বাঁটি ।

দাদু পূরণ ব্রহ্ম তজ্জি, বংধে ভরম কী গাঁঠি ॥

(সাচ কৌ অংগ, ৫০) ।

মনের চঞ্চলতা : মন সদাই চঞ্চল, ধর্মের জগত
হইল সত্যের উপর প্রতিষ্ঠিত। সত্যকে বুঝিতে হইলে চাহ শান্তি ও স্থিরতা।
মনকে সংযত করাই সাধনার প্রধান কথা। কাজেই সাধনার ক্ষেত্রে মনকে
স্বাধীনতা দিলেই নানা অনর্থ ঘটাইয়া তোলে। তাই কবীর বলিয়াছেন—
এখান হইতে “মনকে মারিয়া হঠাইতে হইবে।”

মনকো মার হঠায়ৈ ।

দাদু ও তাই বলেন, “মন সদা চঞ্চল, চলিতেই চায়, বিনা অবলম্বনে তাহাকে
রাখা যদি না চলে তবে দেও তাহাকে নিরন্তর অপের মধ্যে জুড়িয়া, তবেই
অস্থির মন তাহাতেই রহিবে লাগিয়া।”

দাদু বিন অবলম্বন কঁয়ু রহৈ মন চঞ্চল চলি জাই ।

অস্থির মনরা তৌ রহৈ, সুমিরণ সেতী লাই ॥

(মন কৌ অংগ, ১৪) ।

এ বিষয়ে একটি গল্প আছে। এক শ্রেষ্ঠী একবার এক সাধুর কাছে সদা-
কর্মপরায়ণ এক ভৃত্য বর চাহেন। সাধু তাহাকে দিলেন এক ভৃত্য। শেষে
শ্রেষ্ঠী তাহাকে যত কাজ দেন তখনি করে সে নিঃশেষ। মহাবিপদ, কাজের
অভাবে সে তাঁর মাথা ছিঁড়িতে চায়! তখন সাধুর পরামর্শে তাহাকে এক বাশ
পুঁতিয়া দিয়া কহিলেন, “এইটাতে একবার গুঠ একবার নাম।” অবসর সময়
সে নিরন্তর তাহাই করিতে লাগিল। মনকেও তেমনি অবসর মত নিরন্তর
কোনো না কোনো রকম অপে আবৃত্ত রাখা দরকার।

সাধ ভূত দিয়ো শেঠকো, টহল করণ কে কাজ ।

বাঁস মংগায় গড়ায় করি, বড়ো কাজ যহ আজ ॥

“কাক যেমন জাহাজের উপর বসিয়া সাগরে যায় । একএকবার এদিক এদিক উড়িয়া যখন ক্লান্ত হয় তখন আবার অপার সাগরে জাহাজেই আসিয়া বসে । মনও তেমনি অপার সাগরে ভাসিয়া নানাদিকে উড়িয়া হয়রান হইয়া সেই পরমাশ্রয়কেই করে আশ্রয় ।”

দাদু কউরা বোহিথ বৈসি করি, মংঝি সমংদা জাই ।

উড়ি উড়ি থাকা দেখি তব নিহচল বৈঠা আই ॥

(মন অংগ, ১৮) ।

একবার ধর্মালোচনার সময় ভক্ত চূঁচ্যার প্রতি দাদু উপদেশ দিলেন—
“দিবানিশি চলিতেছে এই মন, তাই তো চলিয়াছে স্মৃষ্ণ জীবনের অখণ্ডিত পরম্পরা । হে দাদু মন স্থির কর, আপনি আপনাকে উদ্ধার কর ।”

নিসবাসুরি যছ মন চলৈ, স্মৃষ্ণিম জীর সংঘার ।

দাদু মন থির কীজিয়ে, আতম লেছ উবারি ॥

(স্মৃষ্ণিম জনম কো অংগ, ৭) ।

সম্প্রদায়ের ব্যর্থতা : দাদু বলেন সাম্প্রদায়িক সঙ্কর্ণতা ধর্মপাথনায় একটি প্রধান বাধা । তাই তিনি বলেন—“হিন্দু লাগিয়া রহিল তাহার মন্দিরেই, মুসলমান লাগিয়া রহিল তাহার মসজিদে । আমি লাগিয়া রহিলাম এক অলেখের সঙ্গে, সেখানে সদাই নিরন্তর-প্রীতি ।” সেখানে না আছে হিন্দুর দেহরা (দেবঘর), না আছে তুরুকের (মুসলমানের) মসজিদ, সেখানে আত্মস্বরূপ আপনি বিরাজিত, সেখানে নাই কোনো প্রথা নাই কোনো বাধা রীতি ।”

দাদু হিংদু লাগে দেছরৈ, মুসলমান মসীতি ।

হম লাগে এক অলেখ সৌ, সদা নিরন্তর প্রীতি ॥

ন তাঁহা হিংদু দেছরা, ন তাঁহা তুরক মসীতি ।

দাদু আটপৈ আপ হৈ, নহী তাঁহা রহ রীতি ॥

মধি অংগ, ৫২, ৫৩ ।

বাহ্যশক্তির ব্যর্থতা : ভূতজগতগত বাহ্য সাধনায় সিদ্ধ ঐশ্বর্যে বা শক্তিতে এই পথে কিছু হইবার নয়। আশু সুলভ বাহ্যসিদ্ধির প্রলোভনে যাহারা সেই পথে গিয়াছেন তাঁহারা আজ কোথায় ; সবাই আজ কালের কবলিত। কালের অতীত আনন্দলোকের অধ্যাত্ম অমৃতের অধিকার কি এমন করিয়া মেলে ? দাদু কহেন, “কত বড় বড় বলবন্ত মরিয়া হইয়া গেলেন মাটি, কত অনন্ত দেব দানব হইয়া বহিয়া গেলেন চুঁকিয়া ! যাহারা এক পদক্ষেপে পৃথিবী অতিক্রম করিতেন, সাগর লঙ্ঘন করিতেন, ছক্কারে পর্বত বিদীর্ণ করিতেন, তাঁহাদেরও খাইল কালে।”

কেতে মরি মাটি ভয়ে বহুত বড়ে বলবন্ত ।

দাদু কেতে হ'রে গয়ে, দানব দেব অনন্ত ॥ ৮৩

দাদু ধরতী করতে এক ডগ দরিয়া করতে ফাল ।

হারকৌ পরত ফাড়তে, সো ভী খায়ে কাল ॥ ৮৫

কাল অংগ ।

শুদ্ধি সিদ্ধির ব্যর্থতা : এমন কি এই সাধনার পথে যিনি চলিবেন তাঁর পক্ষে শুদ্ধি সিদ্ধি প্রভৃতি বিভূতিও মহাবাধা। তাই দাদু বলেন, “বাহ্যর হৃদয়ে সেই এক পরমেশ্বর বিরাজিত তাহার পক্ষে কেবলমতেব (দৈর্ঘ্যশক্তির বিভূতি) অধিকারী হওয়া কলঙ্ক স্বরূপ।”

করামাতি কলংক হৈ জাকৈ হিরদৈ এক ।

নিহকরমী পতিব্রতা অংগ, ৫৪ ।

ভেথের ব্যর্থতা : বৃথা বাহ্য ভেথ ধারণ করিয়াও এই সাধনায় কিছু হইবার নহে। দাদু বলেন “অন্তরে তো প্রিয়তমের সঙ্গে হইল না পরিচয়, লোকের কাছে সাজিল (প্রিয়তমের প্রেমে) সোহাগিনী ! এই কথাতেই আমার আশ্চর্য লাগে, বাহিরের সাজসজ্জায় ঢংগ করিয়া কেমন করিয়া পাইবে প্রিয়তমকে ?”

অংতরি পীরসৌ পচা ন'হী ।

ভুঁই সুহাগনি লোগন ম'হী ॥

ইন বাতনি মোহি অচিরজ আ'রৈ ।

পটম কিয়ৈ কৈস পির পারৈ ॥

রাগ টোড়ী, পদ ২৮৩ ।

মতবাদের ব্যর্থতা: সাধনার সত্য যে জন চায় তাহার পক্ষে বিশেষ বিশেষ মতবাদের পিছে ঘুরিয়া কোনো লাভ নাই। দাদু বলেন, "আমি এক অসীমের পথেব পথিক, আমার মনে আর কিছুই ধরে না। প্রিয়তমের পথ সে জনই পায় যাহাকে তিনি আপনি দেখান। কেহ বা হিন্দু পথেব কেহ বা তুর্ক (মুসলমান) পথেব পথিক, কেহ বা কোনো পন্থে অমুরক্ত। কেহ বা সূফী পন্থে কেহ জৈন সন্ন্যাসীদের পন্থে কেহ বা সন্ন্যাসীদের পন্থেই মত্ত। কেহ বা জোগীর পন্থে কেহ জঙ্গলের পন্থে রহিয়াছেন। কেহ বা শক্তি-পন্থে করে ধ্যান, বস্ত্র-বসলাদি-ভেথের পন্থেই বা কাহারও বহুসম্মত। কাহার পন্থেই বা কে চলিল! আমি তো আর কিছুই জানি না। দাদু বলেন, তিনি জগৎ করিলেন সৃষ্টি, শুধু তাঁহাকেই মানি।"

মৈঁ পংথি য়েক অপারকে, মনি ঔর ন ভারৈ ।

সোঈ পংথ পাৰৈ পীরকা, জিসৈঁ আপ লখারৈ ॥

কো পংথি হিংদু তুরককে, কো কাহুঁ রাতা ।

কো পংথি সোফী সেরড়ে, কো সিংঘাসী মাতা ॥

কো পংথি জোগী জংগমা, কো সকতি পংথ ধ্যারৈ ।

কো পংথি কমড়ে কাপড়ী, কো বহুত মনারৈ ॥

কো পংথি কাহুঁকে চলৈ, মৈঁ ঔর ন জানৌ ।

দাদু জিন জগ সিরজিয়া, তাহী কৌ মানৌ ॥

(রাগ রামকলী, পদ ১৯৮) ।

এইরূপ ভিন্ন ভিন্ন পথে ধাবমান লোকের কথা দাদু তাঁহার সোরঠ রাগের ৩০৮ পদেও বলিয়াছেন। আশাবরী, ২৩৩ পদে দাদু বলিলেন, "বাবা দ্বিতীয় আর কেহ নাই, অলখ ইলাহী এক তুমিই, তুমিই রাম রহিম ইত্যাদি।"

বাবা নাঁহীঁ দৃজা কোঈ ।... ..

অলখ ইলাহী এক তুঁ, তুঁহীঁ রাম রহীম ।

আশাবরী, ২৩৩ ।

এই কারণেও দাদু আপনার জাতি পংক্তির কথা উল্লেখ না করিয়া ভগবানের নামেই আপনার জাতি কুল পরিবারের পরিচয় দিয়াছেন (নিহকরমী পতিব্রতা

অংগ, ১৫)। তিনি সহজ ধামের লোক, সহজের মধ্যেই তিনি সহজস্বরূপের সাক্ষাৎ পাইয়াছেন। এই রহস্য সাম্প্রদায়িক-সঙ্কীর্ণতায়-আবদ্ধ বেদ কোরাণের ধারণার অতীত। (মধি কা অংগ, ৩২)

শাস্ত্রের ব্যর্থতা: সেই মূলধারকে যে পাইল সে আনন্দে সমাহিত হইয়া নিশ্চল হইয়া বসিল, যারা বেদাদি আশ্রয় করিল তাহারা বৃথা ডালে পাতায় ফিরিতেছে ভ্রমিয়া (নিহকরমী পতিব্রতা অংগ, ৬৭)। তাঁহার কাছ হইতে নিরন্তর প্রেমের পত্র আসিতেছে। দাদু বলেন, “সেই প্রেমের পত্র কচিৎই কেহ পড়ে, বেদ পুরাণ পুস্তক পড়ে সবাই, তবে প্রেম বিনা কী হইবে?”

দাদু পাতী প্রেমকী, বিরলা বাঁচৈ কোই।

বেদ পুরাণ পুস্তক পড়ে, প্রেম বিনা ক্যা হোই ॥

সাচ অংগ, ১০৪।

তীর্থাদির ব্যর্থতা: না বেদ পুরাণাদি শাস্ত্রে না তীর্থে ধামে মেলে সেই সাধনার ঠিকানা। দাদু বলেন, “কত লোক দৌড়ায় ধারকায়, কত লোক যায় কাশীতে, কত লোক চলে মথুরায়, অথচ স্বামী রহিলেন অন্তরেরই মধ্যে।”

কেই দৌড়ে দ্বারিকা, কেই কাসী জাঁই।

কেই মথুরা কোঁ চলে, সাহিব ঘটহী মাঁই ॥

কস্তুরিয়া যুগ অংগ, ৮।

নানাস্থানে সঞ্চিত মলিনতা লোকে তীর্থে আসিয়া ধুইতে চায়। তীর্থের মধ্যেই যে পাপ কর, তাহা বাইবে কেমনে?” (সাধ অংগ, ১২৭)

পূজা নমাজের ব্যর্থতা: এই সব নমাজে বা বাহ পূজা অর্চনায় সাধকের চলে না। তার নমাজ নিজেরই ভিতরে, “সেখানে অলখ ইলাহী পরমেশ্বর স্বয়ং বিরাজমান, তাঁর সন্মুখে সে করে সেলাম, সেখানেই তার উপাসনা।”

আপ অলেখ ইলাহী আঁগৈ, তহঁ সিজদা কঁরৈ সলাম।

পরচা অংগ, ২২২।

এই মালা ফেলিয়া দিয়া সকল তনুকে করিতে হইবে মালা । দাদু বলেন,
“এমন জপ করিয়া লও জাপ যেন সকল তনুমালা কহিতে থাকে—দয়াময়
পরমেশ্বর,”

সব তনু তসনী কহে করীম, ঐসা করলে জাপ ।

পরচা অংগ, ২৩০ ।

দিনে পাঁচবার একটু একটু নমাজ করিলে তার চলে না । “সেখানে জীবন মরণ
পূর্ণ করিয়া অষ্ট প্রহর চলিবে পূজা ।”

অঠে পহর ইবাদতী জীবন মরণ নেবাহি ।

পরচা অংগ, ২৩২

বাহু নমাজ যেমন ব্যর্থ বাহু পূজাও তেমনি নিফল । (রাগ রামকলী, ১২৬
পদ) ।

মিথ্যাচারের ব্যর্থতা : আসল কথা সর্ব
প্রকারে মিথ্যাকে পরিবর্জন করিতে হইবে । অল্প মিথ্যা ত্যাগ করা সহজ
কিন্তু সাধনার নামে আসে যে মিথ্যা তাহাকে সরান বড়ই কঠিন । “ঝুঠা
দেবতা, ঝুঠা তার সেবা, ঝুঠাই করে পসার ; ঝুঠা তার পূজা পাতি, ঝুঠা তার
পূজক ।”

ঝুঠে দেবা ঝুঠী সেবা ঝুঠা কঠের পসারা ।

ঝুঠী পূজা ঝুঠী পাতি ঝুঠা পূজগহারা ॥

(রাগ রামকলী, ১২৭) ।

“আত্মঘাত করিয়া লোকে আবার এই ঝুঠা পাষণেরই করে পূজা !”

পাহণ কী পূজা কঠের করি আতম ঘাতা ।

(রাগ রামকলী, ১২৬) ।

হিংসা ছাড়া চাই : কাজেই সকল ভাবে হিংসা
ত্যাগ করিতে হইবে, এমন কি “গাছপালাও শুক হইলে সহজেই ব্যবহার
করিতে পার, গাছপালাও হরিত জীবন্ত থাকিলে ভাবিবে না । কেন বৃথা
কাহাকেও দুঃখ দেও ? স্বামী যে আছেন সবারই মধ্যে ।”

দাদু সূকা সহজৈঁ কীজিয়ে নীলা ভানৈ নাঁহিঁ ।
কাহে কৌ ছুথ দীজিয়ে, সাহিব হৈ সব মাঁহিঁ ॥

(দয়া নির্বৈরতা অংগ, ২২) ।

ফলকামনা ছাড়া চাই: সাধনার মধ্যে
কোথাও যেন স্বার্থ বুদ্ধি না থাকে । “ফলকামনা লইয়া সাধনা করা হইল যেন
উষরে বপন করা ।”

(নিহকরমী পতিব্রতা অংগ, ৯০) ।

“ফলের ক্ষণ্টা যে করে ভগবানের সেবা সে তো সেবক নয়, সে দাঁড়
খুঁজিয়া খেলিতেছে মাত্র ।”

(নিহকরমী প্রতিব্রতা অংগ, ৯২)

দুর্নীতি ছাড়া চাই: দুর্নীতি ত্যাগ না করিলে
সাধনায় অগ্রসর হওয়া অসম্ভব । দাদু বলেন, “যেখানে তাঁর সাধনা সেখানে
নীতি থাকাই চাই, সদাই যেন সেখানে ভগবান বিরাজিত থাকিতে পারেন ।
তহু মন যদি নিশ্চল নিব্বিকার হয় তবেই সাধনা হয় শিদ্ধ ।”

জহাঁ নার তহঁ নীতি চাহিয়ে, সদা রাম কা রাজ ।

নিব্বিকার তন মন ভয়া, দাদু সীবে কাজ ॥

(নিহকরমী পতিব্রতা অংগ, ২৮) ।

গৃহধর্ম: নীতিপরায়ণ নিশ্চল হইয়া যে গৃহধর্ম তাহা
সাধনার বাধা নহে । দুর্নীতি, ঝুটো, হিংসা প্রভৃতি আসিয়া জুটিলে কি গার্হস্থ্য
কি সন্ন্যাস সবই সাধনার পক্ষে মগা অন্তরায় হইয়া ওঠে । দাদু বলেন,
“কায়মনোবাক্যে যেখানে ভগবানের নাম করা যায় এমন গৃহে কেন
থাকিবে না ?”

(রাগ সারংগ, পদ ২৬৮) ।

“যেখানে সাক্ষা নাম নাই তাহা ঘরই হউক বনই হউক তাহা ভাল নয় ।
যেখানে মন রহে উনমনী দাদু কহেন সেই তো ভাল ঠাই ।”

না ঘর ভলা না বন ভলা জহাঁ নহাঁ নিজ নার ।

দাদু উনমনী মন রহে ভলা ত সোঈ ঠার ॥

(মধি অংগ, ৩৮ ; স্মিরণ অংগ, ৭৮) ।

দাদু বলেন, “কাজেই আমি ঘরেও রহি নাট বনেও ঘাই নাই কিছু কায়া-
ক্লেণও সাধন করি নাট। সদগুরু উপদেশমত মনের সঙ্গে মন
মিলাইয়াছি।”

না ঘরি রহা ন বন गया ना कुछ किया कलस ।

दादू मनहौं मन मिल्या सतगुरके उपदेश ॥

(মধি অংগ, ৩৩ ; গুরু অংগ, ৭৪) ।

সংসার ও সাধনার স্বন্দ দাদু সহজেই দিলেন মিটাইয়া। তিনি বলিলেন
আমার মধ্যেও তো দেহ আত্মা এই স্বন্দ আছে। তাই বলিলেন, “দেহ যদি
থাকে সংসারে আর আত্মা যদি থাকে ভগবানের কাছে ; দাদু কহেন, তবে
কালের জালা হুংখ ত্রাস কিছুতেই কিছু করিতে পারে না।”

देह रहै संसार मैं जीव रामके पास ।

दादू कुछ व्यापै नहीं काल बाल हूँख त्रास ॥

(বিচার অংগ, ২৭) ।

পূর্বেই বলা হইয়াছে দাদুর মত ছিল “জীবন হইবে নদীর মত। তাহাতে
স্বার্থের জন্ত কোনো সঞ্চয় অবরুদ্ধ করিয়া রাখা ভাল নয় ; নিজে সম্ভোগ করিয়া
নিজেকে বিলাইয়া দিয়া সদাই হইতে হইবে অগ্রসর। সঞ্চয়ই হইল মায়া,
তাহা যদি প্রবাহের মত সদা আসা যাওয়া করিতে পারে তবে বিকৃতির ভয়
থাকে না।”

(মায়া অংগ, ১০৫) ।

দীপ্তজীবনের সহজ প্রচার : কেহ

কেহ বলেন যে, “সাধক যদি গৃহস্থ হইয়া, ঘরেই থাকেন তবে সত্য প্রচার
হইবে কেমন করিয়া ?” দাদু বলেন, “সাধকের দেহই যে ব্রহ্মজ্যোতিতে দীপ্ত।”

यह घट दीपक साधका ब्रह्मज्योति परकास ॥

(সাধ অংগ, ৭২) ।

“প্রদীপকে দীপ্ত করিয়া ঘরেই রাখ আর বনেই রাখ, দাদু বলেন, পতঙ্গের
মত সব প্রাণ যেখানে প্রদীপ সেখানেই ছুটিয়া যাইবে।

ঘর বন মাইঁ রাখিয়ে, দীপক জোতি জগাই ।

দাদু প্রাণ পতংগ সব, জইঁ দীপক তইঁ জাই ॥

(সাধ অংগ, ৮০) ।

সাধ অংগ ৭২ হইতে ৮৫ পর্যন্ত দাদু এই কথাই নানাভাবে জোর দিয়া কহিয়াছেন ।

শ্রমের যোগদৃষ্টি : সংসার ও সাধনকে যেমন দাদু অখণ্ডভাবেই দেখিয়াছেন সকল ধর্মকেও তিনি কেমন একটি অখণ্ড একোঁর দৃষ্টিতেই দেখিয়াছেন এই দৃষ্টি না থাকাতেই ধর্মে ধর্মে সম্প্রদায়ে সম্প্রদায়ে এত ঘাত-প্রতিঘাত ঝগড়া-ঝাঁটি । যে ভগবানের নামে সব ভেদ যাইবে ঘুচিয়া, তাঁহাকেই লইয়া ভাগাভাগি ! “যাহাকে তরণী করিয়া আমরা এই ভবসাগর পার হইতে চাই, তাঁহাকেই যদি সঙ্কার স্বার্থ-বুদ্ধি বশে লই ভাগ করিয়া তবে সবাই ডুবিয়া মরিব দুর্গতির রসাতলে !” এই উপমাটি দাদুর খুবই প্রিয় ছিল ।

“ব্রহ্মকেই পণ্ড পণ্ড করিয়া দলে দলে লইল বাঁটিয়া ! দাদু বলেন, পূরণ ব্রহ্মকে ত্যাগ করিয়া ভ্রমের গাঁঠিতেই হইল বন্ধ !”

খংড খংড করি ব্রহ্ম কৌ, পখি পখি লিয়া বাঁটি ।

দাদু পূরণ ব্রহ্ম তজ্জি, বংধে ভরম কী গাঁঠি ॥

(সাচ অংগ, ৫০) ।

বিষয়ী লোককে অবশ্য আপন আপন অংশ ঠিকঠাক বুঝিয়া নিদ্দিষ্ট করিয়া ভাগ করিয়া লইতে হয় । অধ্যাত্মজীবনেও লোকে বৈষয়িকতার এই অভ্যাসটি চালাইতে চায় । বিষয়ের ক্ষেত্রে এই অভ্যাসটি স্ববিধাজনক হইলেও হইতে পারে কিন্তু সাধনার ক্ষেত্রে ইহা আত্মঘাতের পথ ।

“আমি হিন্দুমুসলমানকে ছই (বিরুদ্ধ) বলিয়া জানি না, সকলের তো তিনিই স্বামী, কাহাকেও আমি বিভিন্ন দেখি না ।” ইত্যাদি

হিংদু তুরক ন জাঁণৌ দোই ।

সার্জ সবারি কা সোজ হৈ রে, ঔর ন দুজা দেখৌ কোই ॥

(রাগ ভৈরব, ৩২৬) ।

“না হইবে হিন্দু না হইবে মুসলমান, স্বামীর সঙ্গেই তো প্রয়োজন । যদ্
দর্শনের পথেও যাইবে না, নির্পক্ষ হইয়া বলিবে ভগবানের নাম ।”

হিংদু তুরক ন হোইবা, সাহিব সেতী কাম ।

বট দর্শনকে সংগি ন জাইবা, নির্পক্ষ কহিবা রাম ॥

(মধি অংগ, ৪৪) ।

“সকলই আমি দেখিলাম খুঁজিয়া, ভিন্ন পর তো কেহই নাই, সকল ঘটে
একই আত্মা, কি হিন্দু কি মুসলমান ।”

“সব হুম দেখা সোধি করি, দূজা নাহী আন ।

সব ঘট একৈ আত্মা, ক্যা হিন্দু মুসলমান ॥”

(দয়া নিবৈরতা অংগ, ৫) ।

“হে আল্লা-রাম, আল্লা ও রামের ভ্রম আমার ছুটিয়াছে ; হিন্দু মুসলমান
ভেদ আমার কিছুই নাই, সর্বত্র দেখিতেছি তোমারই স্বরূপ ।” ইত্যাদি

অলহ রাম ছুটা ভ্রম মোরা ।

হিংদু তুরক ভেদ কুছ নাহী, দেখোঁ দর্শন তোরা ॥ ইত্যাদি

(রাগ গোড়ী, ৬৫) ।

“বাবা, দ্বিতীয় আর কেহ নাই । এক অনেক তোমারই নাম” ইত্যাদি ।

(রাগ আসাবরী, ২৩৩) ।

“চাই আল্লাই বল, চাই রামই বল, ডাল ত্যজিয়া সবাই মূল কর গ্রহণ ।”

অলহ কহোঁ ভারৈ রাম কহোঁ ।

ডাল তজোঁ সব মূল গহোঁ ॥

(রাগ ভৈরু, ৩২৫) ।

জৈনস্বামী আনন্দঘন ঠিক এই ভাবেই তাঁর বিখ্যাত পদ রচনা করিয়া গিয়াছেন—

রাম কহোঁ রহিমান কহোঁ কোউ

কান কহোঁ মহাদেব রী ।

পারসনাথ কহোঁ কোউ ব্রহ্মা

সকল ব্রহ্ম স্বয়মেব রী ॥ ইত্যাদি

(আনন্দঘন পদ ৬৭, রাগ আসাবরী) ।

আনন্দঘন দাদুর পরবর্তী কালের লোক ।

অবিরুদ্ধ যুক্ততান : শুধু সম্প্রদায় লইয়া নয়, সকল বিষয়েই দাদু সকল-ভেদ-সমন্বয়-করা একটি অবিরুদ্ধ যুক্ত একাদৃষ্টি জীবনে প্রার্থনা করেন। এই ভাবই হইল সাধনার সহজ ভাব। এই ভাব প্রাপ্ত হইলে সুখ দুঃখ আত্ম-পর গ্রহণ-বর্জন সব সহজ হইয়া এক হইয়া যায়।

(মধি অংগ, ৭, ৮) ।

জীবন-মৃত্যু, আসা-বাওয়া, নিদ্রা-জাগরণ, আকাজক্ষাও পূরণের দ্বন্দ্ব তখন থাকে না।

(মধি অংগ ১১) ।

আকার-নিরাকারের অতীত আছে এক ধাম, হর্ষ-শোকের দ্বন্দ্ব সেখানে নাই।

(মধি অংগ, ১২) ।

দাদুর সমস্ত মধ্য অংগ এই ভাবের রসে ভরপুর। তাঁহার মধ্য অংগে ২৩—৩২ বাণীতে তিনি এই সহজ ধামের বর্ণনা দিয়াছেন। আগাগোড়া মধ্য অংগে নানা ভাবে এই যোগদৃষ্টিরই কথা।

দাদুর এই সহজ ভাবের কথা অন্তর আলোচনা করা গিয়াছে। তাঁহার জ্ঞানি পংক্তির ভেদ স্বীকার না করার কথাও বলা হইয়াছে। কাজেই এখানে আর তাহা বলা হইল না।

“অহম্” ক্ষয় করা চাই : সাধনার প্রধান বাধা হইল “অহম্”। এই ক্ষুদ্র অহমই অনীম সত্য স্বরূপকে আচ্ছাদন করিয়া রাখে। তাই দাদু বলিতেছেন, “আমার সম্মুখে “আমি” আছে খাড়া হইয়া, তাতেই তিনি আছেন লুকাইয়া। যদি এই “অহম্” যায় তবে প্রিয়তম তো প্রত্যক্ষ বিরাজমান।”

মেরে আগে মৈঁ খড়া তাঁথেঁ রহা লুকাই ।

দাদু পরগট পীর হৈ জে যলু আপা জাঠি ॥

(জীবিত মৃতক অংগ, ১০) ।

“যেখানে ভগবান বিরাজমান সেখানে “আমি” নাই, যেখানে “আমি” সেখানে ভগবান নাই : যে দাদু, বড় সূক্ষ্ম সেই মহল, “দুইয়ের” সেখানে নাই ঠাই।”

ऊँ राम तँ मैं नहूँ मैं तँ नहूँ राम ।

दादू महल वारीक है दै कूँ नहूँ ठाम ॥

(জীবিত মৃতক অংগ, ৫৫) ।

“আমার “আমি”টি সম্পূর্ণ গোয়াইলে তবে পাইবি দাদু প্রিয়তমকে ।
আমার “আমি”টি যখন গেল সহজে তখন হইল নিশ্চল দর্শন ।”

दादू तो तूँ पारै पीरकौ, मैं मेरा सब खोई ।

मैं मेरा सहजै गया, तब निश्चल दर्शन होई ॥

(জীবিত মৃতক অংগ, ১৭) ।

সমস্ত জীবিত মৃতক অংগই এই ভাবে ভরপুর । “হে দাদু, আমার বৈরি
সেই “আমি” না রাখাচে, এখন আমাকে কেহই পারে না মারিতে ।”

दादू मेरा वैरी मैं मुरा मुँखे न मारै कोई ॥

(জীবিত মৃতক অংগ, ১২) ।

সেবা সাধনা : সেবাসম্বন্ধে যে “আমি”কে ক্ষয় না করিতে
পারিল তার সেবা সেদাই নয় । ভগবান আদর্শ সেবক, কারণ বিশ্ব চরাচরে
তার আপন সেবায় তিনি আপনাকে রাখিয়াছেন একেবারে প্রচ্ছন্ন করিয়া ।
তঁারই নিত্য সেবার মধ্যে থাকিয়া যে তাঁকে একেবারে অস্বীকার করিতে
পারি হইতে তাঁহার সেবার চরম মার্ককতা । ভগবানের কাছে দাদু এখন
সেবকই হইতে চাছেন । “আপনাকে মুছিয়া ফেলিয়া তিনি যে সেবকরূপে
এক মুহূর্ত্ত তাঁর সেবাটি ভুলেন না, দাদু ভগবানের কাছে তাঁর সেই সেবা-
রহস্যটি বুঝাইয়া বলিতে অনুরোধ করিতেছেন ।”

सेरग बिसरै आपकौ सेवा बिसरि न जाई ।

दादू पूछै रामकौ सो तत कहि समखाई ॥

(পরচা অংগ, ২৭০) ।

মন স্থির করা চাই : সাধনার প্রধান বাধা চঞ্চল মন ।
এই মনকে স্থির করার কথা পূর্বেই বলা হইয়াছে । দাদুর মন অঙ্গে সর্বত্রই
এই কথা । সেখানে ১৫নং বাণীতে দাদু বলেন মন স্থির করিয়া তবে
লও নাম ।

মন স্থির করি লীজৈ নাম ।

(মন অংগ, ১৫) ।

মন স্থির না হইলে অন্তরের কোনো ঐশ্বর্যা আমাদের কাছে ধরা পড়ে না ।
যদি মন স্থির হয় তখন তার সব দৈন্য বায় ঘুচিয়া । তাই দাদু কহিলেন—
“যে ইন্দ্রিয়কে করিল আপন বশ সে কেন আর ফিরিবে ভিক্ষা করিয়া ?”

ইন্দ্রী অপণৈ বসি কঠৈ সো কাহে জাচণ জাই ॥

(মন অংগ, ৬১) ।

ইন্দ্রিয়দের প্রবুদ্ধ করা চাই : বশ করার
অর্থ ইহা নয় যে ইন্দ্রিয়গুলিকে বশ করিতে হইবে ; তাই দাদু বলেন—“এই
পঞ্চ ইন্দ্রিয়কে লও প্রবুদ্ধ করিয়া, ইহাদের দাও উপদেশ, এই মন কর আপন
হস্তগত, তবে সকল দেশ হইবে তোমার অন্তগত ।”

দাদু পংচৌ যে পরমোধি লে, ইনহী কৌ উপদেশ ।

যহ মন অপণা হাথি কর, তৌ চেলা সব দেশ ॥

গুরুদেব অংগ, ১৪৯ ।

নম্র হওয়া চাই : সাধনার্থীর পক্ষে দীনতার অভাব
একটা প্রচণ্ড বাধা । সাধনার জন্ত “অহম্কে” মিটাইতে পারিলে দীনতা নম্রতা
আপনি আসে । দীনতা আসিলে সাধনা সহজ হইয়া যায় । “অহম্-ভাব
গর্ব-গুমান ত্যাগ করিয়া, মদ মাংসখ্যা অহংকার ছাড়িয়া, সাধক গ্রহণ করে
দীনতা প্রণতি ও সৃষ্টিকর্তার সেবা ।”

আপা গর্ব গুমান তজি, মদ মংছর হংকার ।

গহৈ গরীবী বংদগী, সেরা সিরজনহার ॥

(জীবতমৃতক অংগ, ৫) ।

“ঝুঠা গর্ব-গুমান ত্যজিয়া, অহংভাব অভিমান ত্যাগ করিয়া, দাদু কহেন,
দীন গরীব (বিনম্র) হইয়া তবে মেলে নির্বাণ পদ ।

ঝুঠা গর্ব গুমান তজি, তজি আপা অভিমান ।

দাদু দীন গরীব হুরৈ, পায় পদ নির্বাণ ॥

(৩৭) ।

তাঁহার বিধান অবগত হওয়া চাই :

আপনার ক্ষুদ্র অহমিকা ত্যাগ করিয়া আপনাকে ভগবানেরই ইচ্ছার অধীন করিতে হইবে। সাধকের তখন উঠা-বসা, আসা-যাওয়া, গ্রহণ-বর্জন, খাওয়া-পরা প্রভৃতি সব তুচ্ছ বস্তু ও ভগবানেরই বিধানের অঙ্গুগত হইয়া যায় (নিহকরমী পতিব্রতা অংগ, ৩৩)। তখন তাঁর আজ্ঞাতেই থাকে সাধক সমাহিত হইয়া, তাঁর ইচ্ছাই তাহার ভিতরে-বাহিরে, তাহাতেই তাহার তনু-মন প্রতিষ্ঠিত, তাঁহার বিধানেই তাহার ধ্যান রহে ভরপুর (নিহকরমী পতিব্রতা অংগ, ৩৪)।

শরণাগত হওয়া চাই : তাঁহার বিশ্ব বিধান হইতে বিযুক্ত হইয়া অহমিকায় পূর্ণ হইয়া মানুষ বৃথা শ্রাস্ত হইয়া মরে ঘুরিয়া। এক দিন অভিমান চূর্ণ করিয়া প্রণত হইয়া তাহাকে বলিতেই হয়—“এখন তোমারই শরণে পড়িলাম আসিয়া, যেখানে-সেখানে সর্বত্র ঘুরিয়া ঘুরিয়া বার্থ আসিলাম ফিরিয়া” ইত্যাদি।

“সরণি তুম্হারী আই পরে,

জহাঁ তহাঁ হম সব ফিরি আয়ে”—ইত্যাদি

(রাগ গৃজরী, ২৫৫ পদ।)

বিশ্বাস চাই : সাধনার ক্ষেত্রে বিশ্বাস অতুলনীয় শক্তি। দাদুর বেসাস অংগটি আগাগোড়া এই বিশ্বাসের কথাতেই পরিপূর্ণ।

উদ্যম চাই : বিশ্বাসের কথা বলিতে গিয়া দাদু উদ্যমকে উপেক্ষা করেন নাই। এই বেসাস অংগেই দাদু উদ্যমের পস্থা প্রশংসা করিয়া কহিলেন—“উদ্যমে কোনো দোষ নাই যদি কেউ উদ্যম করিতে জানে। যদি স্বামীর সঙ্গে সাধক উদ্যমের সাধনা করিতে পারে, তবে উদ্যমেই তো আনন্দ।” এই কথাটি অল্প আগেও বলা হইয়াছে। এখানে মূলটা উদ্ধৃত করা যাউক।

দাদু উদ্যম ঔত্তমকো নহী, জে করি জাগৈ কোই।

উদ্যম মৈ আনন্দ হৈ, জে সাঙ্গি সেতী হোই ॥

(বেসাস অংগ, ১০)।

তাঁহার উদ্যম প্রচ্ছন্ন : উত্তম আমার প্রয়োজন থাকিতে পারে কিন্তু তাঁহার তো আপন উত্তমের পরিচয় দিবার প্রয়োজন নাই ? কিন্তু সর্ব শক্তিতে শক্তিমান হইয়াও এই তাঁর অনূপম লীলা যে তিনি বুঝাইতে চান কিছু মধ্যোই তিনি নাই, সবই যেন করিতেছি আমি। অথচ তাঁরই শক্তিটুকু তিনি আমার মধ্যে সার্থক করিয়া আমার পৌরুষকেই চান ধন্য কৃতার্থ করিতে। তাই দাদু বলেন, “ধন্য ধন্য স্বামী, মহান্ তুমি ; এ কী অনূপম তোমার রীতি, সকল লোকের শিরোমণি স্বামী হইয়াও, তুমি রহিলে সবারই অতীত।”

ধনি ধনি সাহিব তু বড়া, কোন অনূপম রীতি।

সকল লোক সির সাঙ্গিয়া, হুঁরৈ করি রহা অতীত ॥

(বেসাস অংগ, ২৪)।

“বিশ্ব নিখিলের তুমি সৃজনকর্তা, এমন তোমার সামর্থ্য ! সে-ই তুমি রহিলে সবার সেবক হইয়া, সকল হাতই যেন দেখিতেছি প্রসারিত !”

দাদু সিরজনহারা সবনকা, ঐসা হৈ সামর্থ্য।

সোই সেরগ হুঁরৈ রহা, সকল পসারৈ তথ ॥

(দ্বিবেদী সংস্করণ, বিশ্বাস অংগ, ২৩)।

প্রার্থনা : কাজেই উত্তমী সাধক হইয়াও দাদু আপন পৌরুষের সম্মান অক্ষুণ্ণ রাখিয়াই প্রার্থনা করিলেন—“সত্য দাও, সন্তোষ দাও, হে স্বামী, ভাব ভক্তি বিশ্বাস দাও ; ধৈর্য দাও, সাক্ষা ভাব দাও, শুদ্ধ চিত্ত দাও, দাস দাদু ইহাই করিতেছে প্রার্থনা।”

সার্ব সত সন্তোষ দে, ভার ভগতি বেসাস।

সিদক সবুরী সাচ দে, মাংগৈ দাদু দাস ॥

(বেসাস অংগ, ৫৭)।

সাপ্রকের বীরত্ব : শরণাগত হইয়া বিশ্বাসী হইয়া ভগবৎসাধনা করিতে হইবে। তবে কি দুর্বল শক্তিহীনদের জগুই এই সাধনা ? তাদ্বিকরা তো বলেন হীনাধিকারীদেরই সাধনা বীর্ষাহীন, তাহা পশুর আচার, আর শ্রেষ্ঠাধিকারীদের সাধনা বীরাচার। দাদুও বলেন বীর না

হইলে সাধনার ক্ষেত্রে কেহ যেন না আসে। তাঁর স্মরণাতন অংগটি আনা-গোড়াই এই বীর-সাধনা লইয়া। তার ছুই একটি বাণী দেখিলেই দাদুর অন্তরের কথা বুঝা যাইবে। তবে এ কথাও বলা উচিত যে তাঁর বীরের আদর্শ ঠিক ভাবে বৃষ্টিতে না পারিয়াই তাঁর অনুবর্তী নাগা সাধুরা পরে শুধু প্রচণ্ড যোদ্ধাই হইয়া উঠিয়াছিলেন, এমন কি অবশেষে তাঁহারা অস্ত্রের ভাড়াটিয়া হইয়া সাধকের সাত্ত্বিক বীর-সাধনার অবমাননাও করিয়াছেন সে কথা প্রসঙ্গান্তরে বলা হইয়াছে। সাধনার ক্ষেত্রের কথা বলিতে গিয়া দাদু বলেন, “ভীকু কাপুরুষের দল এখানে কোনো কাজে লাগিবে না। ইহা যে বীরেরই ক্ষেত্র।”

কাইর কামি ন আরুঙ্গ, যছ সুরে কা খেত ॥

(স্মরণাতন অংগ, ১৫) ।

“হে দাদু, মরণ হইতে তুই ভয় যেন না পাস, মরণ তো অস্ত্রে নিদানে আছেই।”

মরণে খী তুঁ মতি ডরৈ, মরণা অংতি নিদান ।”

(ঐ, ৪৭) ।

“পিছনের দিকে যেন কেহ না সরে, সম্মুখের দিকে এস সরিয়া। সম্মুখে অগ্রসর হইয়া দেখ অনুপম সেই এক। পিছের দিকে, আবার কিসের টান ?”

কোই পীঠেঁ হেলা জিনি কঠৈ আঠৈঁ হেলা আর ।

আঠৈঁ এক অনুপ হৈ, নহি পীঠেঁ কা ভার ॥

(ঐ, ২৭) ।

পূর্বেই দেখা গিয়াছে দাদু রাণা রায় কাহাকেও গ্রাহ্য করেন না (প্রকরণ ২১), ভগবান ছাড়া তাঁর কাছে সবই ভূয়া।”

মন্তব্য : বৃহৎ ও বড় গভীর দৃষ্টি দিয়া দেখিয়াছেন বলিয়া দাদুর সব সাধনাতে বৃহৎ ও গভীর হইয়া গিয়াছিল। মন্ত্র, জপ, ধ্যান, সবই তিনি দেখিয়াছেন বড় করিয়া। তিনি নিজেই বলিয়াছেন, যে মন্ত্র তিনি পাইলেন তাহা—

অবিচল মন্ত্র, অমর মন্ত্র, অশৈথ মন্ত্র ।

অদৈত মন্ত্র, রাম মন্ত্র, নিজ সার ।

সজীবন মন্ত্র, সবীরজ মন্ত্র, সুন্দর মন্ত্র
 শিরোমণি মন্ত্র, নিশ্চল মন্ত্র, নিরাকার ॥
 অলখ মন্ত্র, অকল মন্ত্র, অগাধ মন্ত্র
 অপার মন্ত্র, অনন্ত মন্ত্র রায়।
 নূর মন্ত্র তেজ মন্ত্র জ্যোতি মন্ত্র
 প্রকাশ মন্ত্র পরম মন্ত্র পায়া ॥

(গুরুদেব অংগ, ১৫৫) ।

জ্ঞাপ : আপাদমস্তক সকল দেহে যদি চম্বিতে থাকে জ্ঞপ তবে বুঝিব হইতেছে জ্ঞাপ। তবেই তো অন্তরে অন্তরে আত্মা হয় বিকশিত, তিনি আপনিত হন প্রকটিত।”

নখসিখ সব সুমিরণ করৈ ঐসা কঠিয়ে জ্ঞাপ।

অংতিরি বিগসৈ আতমা, তব দাদু প্রগটে আপ ॥

(পরচা অংগ, ১০৭) ।

“নখ হঠতে শিখা পখাস্ত সকল শরীরে সেই অনাহত শব্দের জ্ঞপ চলিতেছে আমি শুনিয়াছি। সকল ঘট ভরিয়া হরি হরি মন্ত্র হঠতেছে ধ্বনিত, সহজই মন হইয়াছে স্থির।”

সবদ অনাহদ হমসুখ্যা, নখসিখ সকল সরীর।

সব ঘটি হরি হরি হোত হৈ, সহজৈ হী মন খীর ॥

(পরচা অংগ ১৭৪) ।

জ্ঞপমালা : নিখিল চরাচর ভরিয়া যে বিশ্বের সকল আকারের মালা নিরন্তর আবর্তিত হইতেছে সেই বিশ্বমালাই এই জ্ঞপের উপযুক্ত “সহায়মালা।” “হে দাদু, সকল আকারের সেই মালা, কচিতই কোনো সাধক তাহাতে জ্ঞপে ভগবানের নাম।”

• দাদু মালা সব আকার কী কোই সাধু সুমিরৈ রাম ॥

(পরচা অংগ, ১৭৬) ।

প্র্যান : এই মন্ত্র ও মালার উপযুক্ত হইতে হইলে ধ্যানকেও হইতে হইবে অপার ও গভীর। তাই ধ্যানের কথায় দাদু বলিতেছেন, “পরমাখ্যার

সঙ্গে তোমার প্রাণ নে সমাহিত করিয়া, তাঁর শব্দের (সঙ্গীতের) সঙ্গে নে তোমার শব্দ সমাহিত করিয়া, সেই প্রিয়তমের চিত্তের সঙ্গে চিত্ত মনের সঙ্গে মন এক সুরে নে বাঁধিয়া ।”

সবদৈঁ সবদ সমাই লে, পরমাতম সৌ প্রাণ ।

যছ মন মন সৌ বঁধি লে, চিত্তেঁ চিত্ত সূজাণ ॥

(পরচা অংগ, ২৮৮) ।

“সেই সহজে তোমার সহজ নে সমাহিত করিয়া, সেই জ্ঞানে বাঙ্কিয়া নে জ্ঞান, সেই সূত্রে সূত্র নে সমাহিত করিয়া, সেই ধ্যানে বাঁধিয়া নে তোমার ধ্যান ।”

সহজৈঁ সহজ সমাই লে জ্ঞানৈঁ বঙ্ক্যা জ্ঞান ।

সূত্রৈঁ সূত্র সমাই লে, ধ্যানৈঁ বঙ্ক্যা ধ্যান ॥

(পরচা অংগ, ২৮৯) ।

“সেই দৃষ্টিতে দৃষ্টি নে তোমার সমাহিত করিয়া, প্রেম-ধ্যানে সমাহিত কর প্রেম-ধ্যান, সেই বোধে বোধ নে তোমার সমাহিত করিয়া, লয়ের সঙ্গে লয় নে তোমার মিলাইয়া ।” ইত্যাদি

দৃষ্টেঁ দৃষ্টি সমাই লে, সুরতৈঁ সুরতি সমাই ।

সমবৈঁ সমব সমাই লে, লৈ সৌ লৈ লে লাই ॥ ইত্যাদি

(পরচা অংগ, ২৯০) ।

ভক্তি : ভক্তির সম্বন্ধেও সেই একই কথা । তিনি বিবাহে, মহান্, অসীম ; তাঁহাকে পাইতে হইলে ভক্তি প্রেমও তদনুরূপ হওয়া চাই । তাই দাদু বলিতেছেন, “তুমি যেমন, তেমনই দাও তুমি ভক্তি ; তুমি যেমন, তেমনি দাও তুমি প্রেম ; তুমি যেমন, তেমনি দাও তুমি প্রেম-ধ্যান ; তুমি যেমন, তেমনি দাও তুমি ক্ষেম ।

তুঁ হৈ তৈসী ভগতি দে, তুঁ হৈ তৈসা প্রেম ।

তুঁ হৈ তৈসী সুরতি দে, তুঁ হৈ তৈসা খেম ॥

(বিরহ অংগ, ৪৪) ।

দাদু বিনয় ও নম্রতার মূর্তিমান আদর্শ ছিলেন । তবু যদি কেহ বলিত, “কেমন করিয়া তুমি অসীম ভগবানকে লাভ করিবে ?” তখন দাদু বলিতেন, “আমি

যেমনই হইনা কেন, আমার ভক্তি আমার ব্যাকুলতা তো অল্পে তৃপ্ত নয় ; অসীম তাহার ক্ষুধা, সেই তো আমার ভরসা ।” তাই দাদু বলিতেছেন, “যেমন অপার আমার ভগবান, তেমনি অগাধ আমার ভক্তি ; এই দুয়ের কোথাও সীমা পরিসীমা নাই, সকল সাধক উচ্চকণ্ঠে ইহা ঘোষণা করিবেন ।”

জৈসা রাম অপার হৈ তৈসী ভগতি অগাধ ।

ইন দুন্যকী মিত নহীঁ সকল পুকারেঁ সাধ ॥

(পরচা অংগ, ২৪৫) ।

“যেমন অনির্বাচনীয় আমার রাম, তেমনি অলেখ (লেখা-জোখার অতীত) আমার ভক্তি । এই দুয়ের মধ্যে কোথাও নাই টানাটানি, সহস্র মুখে শেষ (অনন্ত) করেন এই কথা ।” ইত্যাদি

জৈসা অবিগত রাম হৈ, তৈসী ভগতি অলেখ ।

ইন দুন্যকী মিত নহীঁ, সহস মুখা কহৈ শেষ ॥” ইত্যাদি

(পরচা অংগ, ২৪৬) ।

ব্যাকুল প্রার্থনা : দাদুর চমৎকার সব প্রার্থনা আছে ।

সাধকদের মধ্যে দাদুর প্রার্থনা অতিশয় সমাদৃত । তাহার সকল প্রার্থনায় সেই এক মূল কথা—“আর কিছুই চাহি না, চাহি শুধু তোমাকে ।” দাদু গাহিতেছেন, “দরশন দাও, দরশন দাও, আমি তোমার কাছে মুক্তি চাই না । ঋদ্ধিও চাই না সিদ্ধিও চাই না, তোমাকেই চাই, হে গোবিন্দ,..... ঘরও চাহি না বনও চাহি না, তোমাকেই চাই, হে আমার দেবতা ।” ইত্যাদি দর্শন দে দর্শন দে, হৌঁ তৌ তেরী মুকতি ন মাঁগৌ ।

সিধি ন মাঁগৌ, রিধি ন মাঁগৌ, তুম্হহীঁ মাঁগৌ গোবিন্দ ।

... ..

ঘর নহিঁ মাঁগৌ, বন নহিঁ মাঁগৌ, তুম্হহীঁ মাঁগৌ দেবজী ॥ ইত্যাদি

(রাগ শুংড, ৩১৩) ।

“এই প্রেম-ভক্তি বিনা যায় না যে থাকে, আমার সকল ব্যাকুলতা-পূর্ণ করা প্রকট দরশন দাও ।”.....ইত্যাদি ।

যে প্রেম ভগতি বিন রহৌ ন জাগি ।

পরগট দরসন দেছ অঘাগি ॥ ইত্যাদি

(রাগ ধনাত্মী, ৪৩৬) ।

“তোমার আমার মধ্যে যেন বিচ্ছেদ না ঘটে, হে মাধব, চাও তো আমার তন (তনু) ধন সব তুমি যাও লইয়া । ইচ্ছা হয় আমায় স্বর্গ দাও, ইচ্ছা হয় নরক রসাতল দাও, ইচ্ছা হয় আমাকে করপত্রে কর দ্বিগুণিত ।..... ইচ্ছা হয় আমায় বন্ধ কর, ইচ্ছা হয় মুক্ত কর,.....কিন্তু হে মাধব, তুমি যেন রহিও না দূরে ।”

তুমুহ বিচি অংতর জিনি পঠৈ মাধর

ভারৈ তন ধন লেছ ।

ভারৈ সরগ নরক রসাতল

ভারৈ কররত দেছ ॥

... ..

ভারৈ বংধ মুকত করি মাধর.....

.....তু জিনি হোরৈ দূর, মাধরে ॥

(রাগ সূহৌ, ৩৫৫) ।

“অমৃতধারা বষণ কর, হে রাম,.....লতা বনরাজি সকলই যাইতেছে শুকাইয়া । হে রামদেব, তুমি আসিয়া জল বষণ কর । আত্মাবলী মনে পিপাসায়, দাদু দাস যে পাইল না নীর ।”

বরিষছ রাম অমৃত ধারা ।

... ..

সুঠৈ বেলি সকল বনরাই ।

রামদের জল বরিষছ আই ॥

আত্ম বেলী মঠৈ পিয়াস ।

নীর ন পারৈ দাদু দাস ॥

(রাগ গুণ্ড, ৩৩৩) ।

শুদ্ধ প্রেম : দাদুর প্রেমের ভাব বুঝিতে হইলে তাঁহার বিরহ অংগ, নিহকরমী পতিব্রতা অংগ, সুন্দরী অংগ আগাগোড়া উদ্ধৃত করিয়া দিতে হয়। বিরহ অংগ হইতে একটিমাত্র বাণী দেখা যাউক। “মনের মধ্যেই মরিম্ বুরিয়া, মনের মধ্যেই চলুক রোদন, মনের মধ্যেই কর আর্তনাদ ; দাদু বলেন, বাহিরে যেন এ সব কিছু যেন প্রকাশ না হয়।”

মনহীঁ মাইঁই বুরণা, রোরৈ মনহীঁ মাইঁ ।

মনহীঁ মাইঁই ধাহ দে, দাদু বাহরি নাইঁ ॥

(বিরহ অংগ, ১০৮) ।

নিহকরমী পতিব্রতা অংগে একটি বাণী দেখিতেছি—“ভগবদ্রসে ভরা প্রেম-পেয়ালার জন্তই আমার ব্যাকুলতা। ঈর্ষি সিদ্ধি মুক্তি ফল না হয় তাহাদেরই দাও বাহারা তাহার ভিখারী।”

প্রেম পিয়লা রাম রস, হমকৌ ভারৈ য়েহ ।

রিধি সিধি মাইঁগৈ মুক্তি ফল, চাইঁ তিনকৌ দেহ ॥

(নিহকরমী পতিব্রতা অংগ, ৮৩) ।

সুন্দরী অংগে দাদুর একটি বাণী দেখি—“আমার অন্তরাত্মার মধ্যে তুমি এস, এ ই তো তোমার যথার্থ স্থান।

আতম অন্তরি আর তুঁ যা হৈ তেরী ঠৌর ॥

(সুন্দরী অংগ, ৫) ।

“আমি যখন নিদ্রাভরে সুখস্বাপ্নেতে ছিলাম অচেতন তখন আমার প্রিয়তম ছিলেন জাগিয়া। অন্তরাত্মাই যদি আমার না জাগিল তবে কেমন করিয়া হইবে আমাদের মিলন?”

তুঁ সুখ স্ত্রী নীন্দ ভরি, জাগৈ মেরা পৌর ।

কৌঁ করি মেলা হোইগা, জাগৈ নাইঁ জৌর ॥

(সুন্দরী অংগ, ১২) ।

রাস-সংসার : রসোচ্ছ্বাসে বিহ্বলতায় সাধক যেন কখনও আপনার ধারণা ও সংযম না হারান। সাধক যে প্রেমরস অন্তরে উপলব্ধি করিবেন তাহা অন্তরেই যেন ধারণ করেন, নহিলে সাধনা “স্থিররস” না হইয়া

নেশায় হইয়া উঠে উচ্ছ্বল। দাদু “জরগা অংগে” আগাগোড়া এই কথা। দাদু বলেন যে প্রেমরস—“মনের মধ্যই উৎপত্তমান, মনের মধ্যই রাখিবে তাহাকে সমাহিত করিয়া। মনের মধ্যই তাহা দিবে রাখিয়া, বাহিরে তাহা কহিয়া জানাইবে না।”

মনহী মাঁহেঁ উপজৈ, মনহী মাঁহি সমাই।

মনহী মাঁ হেঁ রাখিয়ে, বাহরি কহি ন জণাই ॥

(জরগা কৌ অংগ, ৫)।

“যে সব সেবক তাঁর প্রেমরসের খেলা খেলিয়াছেন সবাই তাঁহারা সেই রস অন্তরে করিয়া রাখিয়াছেন নিরুদ্ধ। হে দাদু, সে আনন্দ বলা যায় কাহাকে, যেখানে তিনি আপনি একেলা?”

সোই সেরগ সব জরৈ, প্রেমরস খেলা।

দাদু সো সুখ কস কঠৈ, জহঁ আপ অকেলা ॥”

(জরগা অংগ, ১১)।

“জরৈ” অর্থ জীর্ণ করে, অর্থাৎ অন্তরে শাস্ত সংঘত করিয়া এই রস অন্তরেই ধারণ করে, বাহিরে ব্যর্থিয়া যাইতে দেয় না। প্রাণ-রস যেমন দেহ হইতে বাহির হইলেই ক্ষয়, এষ্ট অধ্যাত্ম প্রেমরসও তেমনি বাহির হইতে দিলে প্রেম-সাধনায় ঘাট বিকার কলুষ ও ক্ষয়। “বাঁহারা বাঁহারা এই রস করিয়াছেন পান, তাঁহারা সবাই সেই অমৃত রসকে অন্তরে রাখেন শাস্ত সংঘত করিয়া। হে দাদু, সেই সেবকই তো ভাল, যে রস অন্তরেই করে ধারণ আর জীবনে রহে জীবন্ত হইয়া।”

অজর জরৈ রস না ঝরৈ, জেতা সব পীরৈ।

দাদু সেরগ সো ভলা, রাখৈ রস, জীরৈ ॥

(জরগা অংগ, ১৫)।

সত্য গোপন অসাধ্য : লোকে বলিতে পারে সকল ভাবরসকে যদি অন্তরেই রাখা হয় কৃষ্ণ করিয়া, তবে সাধনার সত্য ও আনন্দ লোকে জানিবে কেমন করিয়া? দাদু বলেন, ভাব-রসকে সংঘত করিয়া সাধক আগে নিজে হউন সত্য; তখন তাঁহার অন্তর বাহির এমন অপাখিব

এক দীপ্তিকে হইবে দীপ্যমান যে কিছুতেই জীবনের সেই দীপ্ত সত্য গোপন করা সম্ভব হইবে না। “যেখানে খুসী রাখ লুকাইয়া, সত্যকে যায় না গোপন করিয়া রাখা। রসাতলের অনন্ত হইতে গগনের ক্রবতারা পর্যন্ত সবাই তাহাকে কহিবে প্রকট করিয়া।”

ভারি তহাঁ ছিপাইয়ে, সাচ ন ছানা হোই।

সেস রসাতলি গগন ধু, প্রগট কহিয়ে সোই ॥

(স্মিরণ অংগ, ১১০)।

“কোটি যতন করিয়া করিয়া রাখ তাহাকে অগম অগোচরে, তবু যেই ঘটে দীপ্যমান সেই রামরতন কেমন করিয়া তাহা রহে প্রচ্ছন্ন?”

অগম অগোচর রাখিয়ে করি করি কোটি জতন।

দাদু ছানা কোঁা রহৈ, জিস ঘটি রাম রতন ॥

(স্মিরণ অংগ, ১১৫)।

বিশ্বমৈত্রী : সাধকের যখন এই অবস্থা তখন সর্বত্র তাঁর মৈত্রী। সর্ব চরাচরে তিনি দেখেন পরমাত্মাকে, তখন পর তাঁহার আর কেহ থাকে না। সর্বত্র তখন তাঁহার প্রেম ও মৈত্রী। এই অবস্থাব কথা দাদুর দয়া নির্বৈরিতা অংগে সর্বত্রই পরিস্ফুট। “তখন বৃক্ষলতা হইতেও একটি জীবন্ত পাতা ছিঁড়িতে কষ্ট হয়, কারণ মনে হয় তাহার দুঃখ হইবে, প্রাণস্বরূপ তো তাহাতেও বিরাজমান।”

(দয়া নির্বৈরিতা অংগ, ২২)।

এই কথা অনতিপূর্বেই বলা হইয়াছে।

সর্বত্র পরম গুরু : সাধক তখন সকল চরাচরে দেখেন তাঁহার গুরু পরব্রহ্ম বিরাজমান। সৃষ্টির সর্বত্র সেই সৃষ্টিকর্তা, সর্বত্রই চলিয়াছে তাঁর দীক্ষা। “দাদু বলেন, পশুপক্ষী বনরাজি সবই গুরু করিয়াছেন সৃষ্টি। তিনলোকে, পঞ্চগুণে, সকলের মধ্যেই ভগবান বিরাজিত।

দাদু সবহী গুর কিরে, পশু পংখী বনরাই।

তীনি লোক গুণ পংচমৌ, সবহী মাঁইঁ খুদাই ॥

(গুরুদেব অংগ, ১৫৬)।

অন্তরে পরম গুরু : যখন বিশ্বচরাচরে পরমগুরু পরব্রহ্মকে উপলক্ষি করা যায় তখন বাহিরে আর সঙ্গুরু খুঁজিধা বেড়াইতে হয় না, অন্তরেই নিভূতে নিরন্তর তাঁর সঙ্গ তাঁর শাল্য উপদেশ মিলে। “অন্তরের মধ্যেই কর আরতি, অন্তরেই হইবে তাঁর পূজা, অন্তরেই সঙ্গুর কর সেবা, কচিতই কেহ এষ্ট রহস্য বুঝে।”

মাঁহে কীজৈ আরতী, মাঁহে পূজা হোই ।

মাঁহে সদগুর সেবিয়ে, বৃষে বিরলা কোই ॥

(পরচা অংগ, ২৬৫) ।

“পরমগুরু আমার প্রাণ, তিনি দেন পরিপূর্ণ সকল আনন্দ । দাদু বলেন অনন্ত অপার খেলা তিনি খেলেন, অপার আমার সর্কস্ব ও সর্বপরিপূর্ণতা ।”

পরমগুরু মো প্রাণ হমারা, সব সুখ দেবৈ সারা ।

দাদু খেলৈ অনন্ত অপারা, অপারা সারা হমারা ॥

(আসাবরী, ২৪৩) ।

বিশ্বলীলা : সকল চরাচর ভরিয়া পরব্রহ্মের লীলা। “দাদু, চাহিয়া দেখু দয়ালকে, সকল ঠাট্ট রখিয়াছেন ঠাসিয়া পূর্ণ করিয়া ! ঘটে ঘটে আমার স্বামী, তুঁ অণু কিছুই যেন বলনা না করিস।”

দাদু দেখু দয়াল কৌ রোকি রহা সব ঠৌর ।

ঘটি ঘটি মেরা মাঁইয়া, তুঁ জিনি জাণৈ ঠৌর ॥

(পরচা অংগ, ৮১) ।

ভিতরে বাহিরে সর্কস্বই তিনি। “দাদু, দেখু দয়ালকে ; বাহিরে ভিতরে তিনিই বিরাজিত, সব দিশি দেখিতেছি প্রিয়তমকে ; অণু আর তো কেহই নাই।”

দাদু দেখু দয়াল কৌ, বাহরি ভীতরি সোই ।

সব দিসি দেখৌ পীর কৌ, দূসর নাহী কোই ॥

(পরচা অংগ, ৭৯) ।

“তাঁহাকেই কর তোমার সজের সঙ্গী যিনি স্বেচ্ছা হৃৎপের সাথী, জীবনে মরণে তিনিই নিত্য সহচর ।”

সংগী সোঙ্গ কীজিয়ে, সুখ দুখকা সাথী ।

দাদু জীবন মরণকা, সো সদা সংগাতী ॥

(অবিহুড় অংগ, ৪) ।

তিনিই “সকল ভুবন ভরিয়া !”.....“সকল ভুবন শোভায় আচ্ছাদিত
করিয়া সকল ভুবনে বিরাজিত !”

সকল ভুবন ভরে... ..

সকল ভুবন ছাজে, সকল ভুবন রাজে ॥”.....

(রাগ আসাবরী ২৩৬) ।

অবতান : বিশ্বচরাচর ভরিয়া চলিয়াছে যার নিত্যলীলা
তাঁহাকে অবতারভাবে দেখিতে হইলে তাঁহাকে সঙ্কীর্ণ করিয়া দেখিতে হয় ।
“সেই জগৎগুরু না আছে জন্ম না আছে মরণ ; সব তাঁহাতেই উৎপন্ন হইয়া
তাঁহাতেই হয় সমাহিত ।”

মরৈ ন জীরৈ জগত গুর, সব উপজি খপৈ উস মাঁতি ॥

(পৌর পিছাগ অংগ, ১৬) ।

“তিনি পুরণ নিশ্চল একরস, জগতে আসিয়া তিনি নাচিয়া বেড়ান না ।”

পুরণ নিশ্চল একরস, জগতি ন নাচৈ আই ॥

(পৌর পিছাগ অংগ, ১৮) ।

তাঁহাকে বিশেষ এক বিগ্রহে সঙ্কীর্ণ করিয়া লাভ কি ? “ঘটে ঘটেই গোপী,
ঘটে ঘটেই কুঞ্জ,.....সেখানেই কুঞ্জ কেলি পরমবিলাস, সকল সংগী মিলিয়া
খেলেন সেখানে রাস । বেণু বিনাই সেখানে বাজে বংশী, কমল হয় বিকশিত,
চন্দ্র সূর্য্য হয় প্রকাশিত ; পুরণত্রয়ের সেখানে পরমপ্রকাশ ; আত্মায় এই
লীলা দেখে দাদুদাস ।”

ঘটি ঘটি গোপী ঘটি ঘটি কান্হ.....

কুঞ্জ কেলি তহঁ পরম বিলাস ।

সব সংগী মিলি খেলৈ রাস ॥

তহঁ বিন বৈনঁ বাঁজে তুর ।

বিগসৈ কমল চন্দ অরু সুর ॥

পূরণ ব্রহ্ম পরম পরকাস ।

তই নিজ দেখে দাদু দাস ॥

(রাগ ভৈরবী, ৪০৭) ।

এই অস্তরের মধ্যেই তো “ব্রহ্মও জীব, হরিও আত্মা, পেলিতেছেন গোপী কৃষ্ণের লীলা ।”

ব্রহ্ম জীব হরি আত্মা খেলি গোপী কান্হ ॥

(সাধীভূত অংগ, ৮) ।

“পূর্ণস্বরূপের সঙ্গে হইল পরিচয়, পূর্ণ মতি উঠিল জাগিয়া, জীবনের মধ্যেই মিলিল জীব ও জীবিতনাথ, এমনই আমার মহাসৌভাগ্য !”

পুরেসৌ পচা ভয়া পুরী মতি জাগী ।

জীব জ্ঞানি জীবনি মিল্যা, ঐসেঁ বড় ভাগী ॥

(রাগ রামকলী, ২০৬) ।

যে দেখিল এই লীলা সে-ই বুঝিল, “নর-নারায়ণ এই দেহ ।”

(চিতাবনী অংগ, ১১ ; রাগ টোড়ি, ২৭৯) ।

সেবা : এই লীলারস যে অস্তরে দেখিল সে তো বাহিরে তাহা প্রকাশ করিতে পারে না । তবে এই আনদের ঋণ শোধ করিতে হয় সেবার । পতিপ্রাণা মতী কি তার প্রেম-সৌভাগ্যের অনুভবগুলি সকলকে কহিয়া বেড়াইতে পারে ? সে তার সৌভাগ্যের পরিচয় দেয় প্রিয়জনের সেবার । আর এই সেবার উপলক্ষ্যেই গভীরতর মেলে তাঁর সঙ্গ । তাই দাদু বলেন, যদি বিধাতার কাছে ক্ষুদ্র কিছু প্রার্থনা কর তবে ভিক্ষকের মত তৎকালোপ-যোগী কিছু ভিক্ষা পাইতে পার বটে কিন্তু তাঁর নিত্য আনন্দময় সঙ্গ তো পাইবে না । বরং সেই সেবাময়ের সহিত যদি সেবা কর তবেই নিত্য পাইবে তাঁর সঙ্গ । কারণ, “যে পধ্যন্ত তিনি রাম সে পর্য্যন্ত তিনি সেবক । অখণ্ডিত সেবা তাঁর এক রস, হে দাদু, তাই তিনি সেবক ।”

দাদু জবলগ রাম হৈ তবলগ সেবগ হোই ।

অখণ্ডিত সেবা এক রস, দাদু সেবগ সোই ॥

(পরচা অংগ, ২৪৯,) ।

তাই, “নারী ততক্ষণই সেবা-পরায়ণা যতক্ষণ স্বামী পাশে পাশে।”

নারী সেৱগ তব লগৈঁ জব লগ সাঁজি পাস ॥

(নিহকরগী পতিব্রতা অংগ, ৫১) ।

“স্বামীর সঙ্গে সমানে করে যদি সেবা তবেই সেবক পায় আনন্দ।”

সাঁজি সরীখী সেৱা কীজৈঁ তব সেৱগ সুখ পাটৈ ॥

(পরচা অংগ, ২৫১) ।

অতি-বিনয়বশতঃ সেবায় সঙ্কচিত হওয়া কোন কাজের কথা নয়। “সেবক সেবা করিতে পাউতেছিস ভয় ? আমাহইতে কিছুই হইবে না ? তুই যেমনটি আছিস তেমনি প্রণতিটিই নে করিয়া, অংগ কেহ না-ই বা জানিল।”

সেৱগ সেৱা করি ডরৈ হম থৈঁ কছু ন হোই ।

তুঁ হৈ তৈসী বংদগী করি নতিঁ জাণৈ কোই ॥

(পরচা অংগ, ২৫২) ।

অন্তঃসঞ্চয় : বৃষ্টি হইলে অধিকাংশ জল নাবিয়া যায় ধরণীর গভীর অশূরে। তার পরে কূপ-ডোবা-নদী-নির্ঝরে ধরণী সেই জল ফিরাইয়া দিয়া করে সবার সেবা। বৃক্ষলতা সবার মূলে এই সঞ্চিত রসট করে সে বিতরণ। ধরণীর এই রসের ভাঙার কখনো তো নিঃশেষ হয় না। যেমন যেমন হয় এই রস বিতরিত, তেমন তেমন পাশ্বে সে নূতন ধারা। নিত্য সেবা করিতে হইলে নিত্যই রসনের কাছে নব নব রস চাই। তাই দাদু বলেন, অমৃতরূপী নামরস নিত্য কর গ্রহণ, “সহজে সহজ-সমাধিত হইয়া ধরণী যেমন ধীরে ধীরে জল করে শোষণ।”

সহজৈঁ সহজ সমাধি মৈঁ ধরণী জল সোঠৈ ॥

(বেলী অংগ, ২) ।

“চাতিয়া দেপ, অমৃতময়ের অমৃতধারা ! পরব্রহ্মই করিতেছেন বর্ষণ !”

অমৃত ধারা দেখিয়ে পার ব্রহ্ম বরিষংত ॥

(পরচা অংগ, ১১১) ।

সেই রস পাউতে হইলে তোমাকেও রসে রসময় থাকিতে হইবে, সাধনার এ এক মহা রহস্য ! সরস হও, প্রেমে সিক্ত থাক, রস ও প্রেমধারা গ্রহণ কর।

“রসের মধ্যেই অনন্ত কোটি ধারায় রসের প্রবণ। সেখানে মন রাখ
নিশ্চল, হে দাদু তবে সদাই তোমার বসন্ত।”

রসহী মৈ রস বরষিহৈ, ধারা কোটি অনন্ত।

তহঁ মন নিহচল রাখিয়ে, দাদু সদা বসন্ত ॥

(পরচা অংগ, ১১২)।

“রসের মধ্যেই রসে হইলাম রঞ্জিত, রসের মধ্যেই রসে হইলাম মত্ত, অমৃত
করিলাম পান।”

রস মাইহৈ রস রাতা,

রস মাইহৈ রস মাতা,

অমৃতপীয়া ॥

(রাগ আসাবরী, ২৩৬)।

রসের এই বসন ও গ্রহণের কথা কায়ার মধ্যে ঘটক্রমেবধ ও সহস্রার হইতে
ক্ষরিত রসেরই বিষয়ে, ইহাও অনেকের মত।

অনুভব-আনন্দ : রসানুভবই পরমানন্দ। এই আনন্দেই
বিধাতা নিত্য-সেবক, নিত্য-সৃষ্টিপরায়ণ। দাদু বলেন, “এই অনুভব হইতেই
হইল আনন্দ, পাইলাম নির্ভয় নাম। অগম্য অগোচর ধানে নিশ্চল নিশ্চল
পাইলাম নিকরান পদ।”

অনভৈ থৈ আনন্দ ভয়া, পায় নিভয় নার।

নিহচল নির্মল নির্বাণপদ, অগম অগোচর ঠার ॥

(পরচা অংগ, ২০৩)।

সঙ্গীতের মূল উৎস : পূর্বেও বলা হইয়াছে
জ্ঞানের উৎসে পাই বাণী, আর অনুভবের উৎসে পাই সঙ্গীত। “অনুভব যেথা
হইতে উৎপত্তমান সেখানে সঙ্গীত করিল নিবাস।”

অনভৈ জহঁ থৈ উপজে, সবদৈ কিয়া নিবাস ॥

(পরচা অংগ, ২২)।

আনন্দের সৃষ্টি : অনুভবের এই আনন্দই হইল সৃষ্টির মূল।
সাধক যদি সৃজনকর্তার সঙ্গে সঙ্গে সাধনায় যুক্ত থাকিতে চান তবে তাঁহাকেও এই

আনন্দরসে নিত্য থাকিতে হইবে “রাতা মাতা”। এই আনন্দই সৃষ্টির মূলে। পূর্বেই বলা হইয়াছে সীকরীতে যখন গুরু দাদু সকলকে প্রশ্ন করিয়াছিলেন, “কোন শুভকর্মে হইল সৃষ্টি?” (বিচার অংগ, ৩৮)। তখন বখনা উত্তর দিয়াছিলেন, “সে হইল আনন্দের শুভকর্ম, তাই কর্তা হইলেন সৃজন-শ্রুতা।”

বখনা বরিয়ঁা খুসী কী কর্তা সিরজনহার।

পরম বিশ্বাস : বিশ্ব-রচয়িতা বিশ্ব সেবকের সঙ্গে প্রেমামনে এমন নিত্যযোগই হইল সাধকের পরম সাধকতা। তখন তাঁহার আর কিছুই অভাব নাই, প্রার্থনীয়ও নাই। এই “ব্রহ্মপূর্ণতা” ভরপুর হইলে নিত্যপ্রেম নিত্যসৃষ্টি, নিত্যসঙ্গীত, নিত্যআনন্দ সবই সাধকের চারিদিকে আপনি উঠে উচ্ছ্বসিত হইয়া; সে অল্প তাঁহার আর প্রহাসের প্রয়োজন থাকে না। তখন সবই তাঁর সহজ, এই সহজেই তাঁর সকল সাধকতা—“পরম বিশ্বাস।”

শিষ্যদের কাছে প্রাপ্ত দাদুর বর্ণনা

৪৮। **সুন্দরদাস** : দাদুর শিষ্য সুন্দরদাস বেদান্তে ভরপুর হইয়া সব কিছুই বৈদান্তিক ভাবেই দেখিয়াছেন। তাহা হইলেও দাদুর ধ্যানের গভীরতা, গুরুতা ও সত্যতা তিনি চমৎকার বর্ণনা করিয়াছেন। তিনি বলেন “হিন্দু ও মুসলমান দুই পক্ষ যখন বৃথা ঝগড়া করিয়া মরিতেছিল তখন সম্প্রদায় পক্ষ প্রভৃতির অতীত দাদুর সাধনা দশদিক উজ্জ্বল করিয়া প্রকাশিত হইতেছিল। তিনি নিজের সর্কীর্ণ পন্থ প্রবর্তিত না করিয়া পরব্রহ্মের সম্প্রদায় ও প্রসিদ্ধ সুন্দর পথ প্রবর্তিত করিলেন।”

“দাদু দয়াল দহ দিশি প্রগট ঝগরি ঝগরি দ্বৈ পষ থকী।

কহি সুন্দর পংথ প্রসিদ্ধ যহ সম্প্রদায় পরব্রহ্ম কী ॥”

(সুন্দরদাস, গুরুরূপা অষ্টক)।

দাদুর সম্প্রদায়কে সাধু ভক্তেরা ব্রহ্ম-সম্প্রদায়ও বলেন (সুন্দরসার, ৩৫ পৃষ্ঠা)। সুন্দরদাস বলেন—“দাদু ছিলেন নিকাম, নির্লোভ, ধীর, সংযমী, মহাজ্ঞানী, নম্র, ক্ষমাশীল ও সদাসঙ্কট। তাঁহার উপাস্ত ব্রহ্মেরই মত তিনি ছিলেন সর্ক-বন্ধন-বিমুক্ত। তিনি ছিলেন না-যোগী, না ভ্রম, না সন্ন্যাসী, না-বৌদ্ধ, না-জৈন; এবং সেইজন্যই তিনি ছিলেন সম্প্রদায়াতীত ও সকল বেদ বেদান্ত স্মৃতিপুরাণের যথার্থ মন্বজ্ঞ।”

সুন্দর বলেন, “তোমরা যাহাকে দেখিতে পাও শুনিতে পাও বলিয়া সত্য মনে কর, গুরুর কৃপায় আমি তাহাকে স্বপ্ন বলিয়া দেখিয়াছি। তিনি যে সত্য দেখাইয়াছেন, (তোমরা স্বপ্ন মনে করিলেও) তাহাকেই আমি নিশ্চয় বলিয়া মানিয়াছি।”

“সুন্দর সদগুরু যৌ কহৈ যাহী নিশ্চয় মানি

জ্যৌ কছু সুনিয়ে দেখিয়ে সর্ব সুপ্ন করি জানি ॥”

(সুন্দর, গুরু উপদেশ অষ্টক)।

“জ্ঞানি কুল বর্ণ আশ্রম প্রভৃতিকে (মাহুঘের সৃষ্ট সব মিথ্যা ভেদবুদ্ধি ও

মিথ্যা প্রতিষ্ঠানকে) যিনি মিথ্যা বলিয়া বুঝাটয়া দিয়াছেন, সেই দাদু দয়ালই
প্রসিদ্ধ সৎগুরু ; তাঁহাকেই আমার নমস্কার ।”

“জিনি জাতি কুল অরু বর্ণ আশ্রম কহে মিথ্যা নাম হৈঁ ।

দাদু দয়াল প্রসিদ্ধ সৎগুরু তাহি মোর প্রণাম হৈঁ ॥”

(হৃন্দর, গুরু উপদেশ অষ্টক) ।

৪৯। **ক্ষেত্রদাস :** গুরু ক্ষেত্রদাস বলেন “দাদু সকল সম্প্রদায়
সকল জাতির সঙ্গে সমানভাবে মিলিয়া দর্শনকে সব দিক হইতে গ্রহণ করিয়া
নত্যাধর্মকে যথাযথভাবে পাইয়াছেন ।”

৫০। **রঞ্জবদাস :** গুরু রঞ্জবদাস বলেন, “দাদুর কোনো ভেখ
বা সাম্প্রদায়িক দর্শনতার বালাই ছিল না। মালা, তিলক, গেকিয়াবসনের ধার
তিনি ধারিতেন না। ভণ্ডামি ও বাঁধাবুলি তিনি কোনো ক্রমেই স্বীকার
করেন নাই। জৈন মত বা ভেখও মানেন নাই, ধর্ম লইয়া সাংসারিকতাও
করেন নাই, (যোগীদের মত) শৃঙ্গ ও মুদ্রাও সেবা করেন নাই, বৌদ্ধ মতও নেন
নাই, কোন প্রকার মিথ্যাও হৃদয়ে স্থান দেন নাই ; মুসলমান সাম্প্রদায়িক
ভেদবুদ্ধিও তিনি ত্যাগ করিয়া ছিলেন, হিন্দুর দর্শন সাম্প্রদায়িকতাও তিনি
স্বীকার করেন নাই। তিনি ছিলেন উদার ও প্রলীণ-বিজ্ঞান ।”

“ভগবঁ জী ভারৈ নাহিঁ, বিভূতি লগারৈ নাহিঁ,

পাখণ্ড সুহারৈ নাহিঁ, এসৌ কছু চাল হৈ ।

টীকা মালা মানৈঁ নাহিঁ, জৈন স্বাংগ জাটৈ নাহি,

প্রপংচ পররাটৈ নাহিঁ, এসৌ কছু হাল হৈ ।

সীংগী মুদ্রা সেটৈ নাহিঁ, বোধ বিধি লেটৈ নাহিঁ,

ভরম দিল দেটৈ নাহিঁ, এসৌ কছু খাল হৈ ।

হুরকৌ তো খোদি গাড়ী, হিংছনকী হদছাড়ী,

অংতর অজর মাঁড়ী, এসৌ দাদু লাল হৈ ॥”

“মিলৈ ন কাহু কৈ সংগ” “চালি সব হৃদসু আয়ে বেহদ”

“পরদীন বিদ্বান্ হৈ ॥”

(রঞ্জবদাসী, শ্রীশ্রী দাদু দয়ালজীকা ভেটকা সর্বেরা) ।

“সুমহৎ গুরু মিলিয়াছেন দাদু। প্রশস্ত তাঁর মন সাগরবৎ উদার
কল্যাণময়। তিনি প্রসন্ন হইতেই মঙ্গল ভজন-রসে মন উঠিল ভরিয়া।”

গুরু গরবা দাদু মিল্যা দীরঘ দিল দরিয়া।

হসন প্রসন্ন হোতহী ভজন ভল ভরিয়া ॥”

(রজ্জব, রাগ গুণ্ড, ১,১)।

“আসিলেন (আমার গুরু) পরব্রহ্মের প্রিয়, ত্রিগুণরহিত, বন্ধনাতীত, ব্রহ্মরস-
রত, সাম্প্রদায়িক সকল ভেদ চিহ্নাদি যিনি দিলেন ফেলিয়া। কষ্টীও তিনি
ধরেন না, তিলকও কখনো ধরেন না, সকল ভণ্ডামি তাঁর কাছে হার মানিল।
সাচ্ছা সাধক, অতি সরলভাবে তাঁর জীবনযাত্রা, সকল লোকের মধ্যে তিনি
শ্রেষ্ঠ। সম্প্রদায়-বিধি মন্ত্র-“বাদ” তিনি মানেন না, ষট্‌দর্শন হইতে তিনি স্বতন্ত্র।
সকল ভেদ ত্যাগ করিয়া যিনি ভগবানকে ভাজিলেন। পরিপূর্ণ সত্যের তিনি
মূর্ত্তিমান নির্ঘাস।”

আয়ে মেরে পারব্রহ্মকী প্যারে।

ত্রিগুণ রহিত নির্বন্ধ ব্রহ্মরসরত সকল স্বাংগ গহি ডারে।

মালা তিলক করে নহীঁ কবহুঁ সব পাখণ্ড পচি রায়ে।

সাচে সাধ রহতে সাদী গতি সকল লোকমৈঁ সারে।

মংত শাখ নেম বাদ ন মাইন ষট্‌দর্শন সৌ আয়ে।

ভজে ভগবংত ভেখ সব ত্যাগে এক সাচকে গারে ॥

(রাগ গুণ্ড, ১১)।

“দাদু ছিলেন উদার, দাতা, দয়ালু ও মহামনা। তাঁহার বীৰ্য্য ও মহেশ্বের
কোনো সীমাই ছিল না। “অহম্-ভাব-”বিমুক্ত মুক্তপ্রাণ দাদু ছিলেন সকলেরই
কল্যাণ-হেতু। তিনি ছিলেন সাধকাগ্রগণ্য, ভগবৎপ্রেমে ভরপুর ও সাধক-
গণের মুকুটমণি”। (রজ্জব, দাদু দয়ালজীক। ভেটকা সর্বৈয়া)।

৫১। **গরীবদাস ও জাইসা :** গরীবদাস বলেন, “প্রেম
পান করিয়া ও প্রেম পান করাইয়া দাদু সকল ভূষিতকে তৃপ্ত করিতেন।
তাঁহার দরশনে সকল দুঃখ, সকল জালা দূর হইয়া যাইত।”

ভক্ত জাইসা বলেন, “গুরুর গুরু কমাল মহামানব চিনিবার যে যে লক্ষণ

বলিয়াছেন, দাদু সেই সেই লক্ষণেই মহামানব ছিলেন। কমাল যে বলেন মুক্তস্বরূপকে বুঝিবার জন্যই সাধককে আপনার অস্তরের ও বাহিরের সকল বন্ধনকে অতিক্রম করিতে হয়, দাদু তাহাই করিয়াছিলেন। (কমালের মহামানবের মতই) দাদু তত্ত্ব বুঝিবার জন্যই দর্শন ও “বাদ” ছাড়িলেন, মানবের মহিমা বুঝিবার জন্যই দাদু জাতি-পংক্তি ছাড়িলেন, ভাগবত-রস মাধুর্য্য বুঝিতে তিনি শুষ্ক তত্ত্ববাদ ছাড়িলেন, সৃষ্টির লীলারস বুঝিতে তিনি পঞ্চবিংশতিতত্ত্ব ও মত-কার্পণ্য ছাড়িলেন, রস ও সৌন্দর্য্য বুঝিতে তিনি নিয়ম ও ভেদ (অস্তরের ও বাহিরের সীমা ও সঙ্কীর্ণতার ব্যর্থ বিধি ও অলঙ্কার) ছাড়িলেন, বিশ্বাত্মাকে বুঝিতে দাদু আপনাকেই ছাড়িলেন।”

দাদুর বর্ণিত পূর্ব ভাগবতগণ ।

সাধকের প্রধান বলিবার কথা হইল সাধনা ও তাহার পথ । এই পথ চিনাইয়া দিবার জন্য যে প্রত্যক্ষদর্শী জ্ঞানীর প্রয়োজন এ কথাও আমাদের দেশে পুরাতন । সাধনার জগতে গুরু ও সাধুসঙ্গ চাই একথা চিরপরিচিত । বেদপুবাণাদি শাস্ত্র হইল প্রাচীন মানব অভিজ্ঞতার সঞ্চিত ভাণ্ডার । শাস্ত্র ও গ্রন্থের দ্বারা যাহারা প্রাচীন কালের অভিজ্ঞতার সহায়তা লাভ করিতে পারেন নাই ও বিবিধ বিজ্ঞার দ্বারা যাহারা নানাস্থানের অভিজ্ঞতারও পরিচয় পান নাই তাঁহারা কোনো সত্যকে পাইতে হইলে ভগবানের করুণা ও তাঁহার নির্দেশের উপরেই একান্ত নির্ভর করেন । এ জগতে মানুষের অভিজ্ঞতার কোনো সহায়তা পাইতে হইলেই এমন সব শাস্ত্রহীন বিজ্ঞাবিহীন সরল সাধনাগীকে গুরুরই খোঁজ করিতে হয় । এমন কথা আমাদের দেশের বিজ্ঞাবিহীন ও শাস্ত্রজ্ঞানহীন সকল সাধকের দলই বলিয়াছেন ।

এই কথা স্বীকার করিলেও দাদু ভগবানের সহায়তাকেই সর্বাপেক্ষা বড় আশ্রয় মনে করিয়াছেন । “গুরু” অর্থে ও “সাধু” অর্থে এই কথা তিনি বারবারই বলিয়াছেন । কাহারও কাহারও মতে সাধক কমাল এবং কাহারও কাহারও মতে কমাল পরিবারেরই বৃদ্ধন ছিলেন দাদুর গুরু । পূর্বেই বলা হইয়াছে যে সুন্দরদাস তাঁহার গুরুসম্প্রদায়গ্রন্থে বৃদ্ধানন্দকে দাদুর গুরু বলিয়াছেন । এবং এই উল্লেখ করিবার হেতুও বলা হইয়াছে । জনগোপালের “দাদু-পরচী”গ্রন্থেও একথার উল্লেখ আছে (দ্রঃ সুন্দরসার, ৮৩ পৃঃ) । গুরু ভগবানেরই প্রেরিত, তাঁর মধ্যেও ভগবানকে প্রত্যক্ষ করা যায় বলিয়া দাদু গুরুকে কখনও “গুরুগোবিন্দ” “গুরুসুন্দর” প্রভৃতি বলিয়াও উল্লেখ করিয়াছেন ।

(দাদু, গুরু অঙ্গ, ৫২ ইত্যাদি) ।

অথচ আসলে পরব্রহ্মই একমাত্র উপাস্য ও ব্রহ্মই তাঁহার গুরু এই কথা বলাতে তাঁহার সম্প্রদায়কে ব্রহ্ম-সম্প্রদায়ও বলা হইয়াছে ।

(সুন্দরসার, পৃঃ ১৩ ; পৃঃ ২৫) ।

৫২। **সাধক নাম পরম্পরা** : পূর্ববর্তী ভাগবতদের নাম করিতে গিয়া দাদু প্রথমেই নারদের নাম করিয়াছেন। তারপর নাম করিয়াছেন প্রহ্লাদ, শিব ও কবীরের; তার পর নাম করিয়াছেন শুকদেব, পীপা, রইদাস (রবিদাস), গোরখনাথ, ভর্কুহরি, অনন্ত সিদ্ধাগণ ও গোপীচন্দ্রের।

(সুমিরণ অঙ্ক, ১১১—১১৪)।

সিদ্ধাদের নাম দাদু করিয়াছেন রাগ সিন্ধুড়া ২৫১ পদে, এবং রাগ গোড়ী ৫৮ পদে।

এস্থলে দাদুর শিষ্য সুন্দরদাসের বণিত সহজপথের ও যোগপথের সাধকদের নাম করা উচিত। সহজ পথের সাধক—

“সোজা”, “পীপা” সহজি সমানা।

“সেন” “ধনা” সহজৈ রস পানা ॥

জন “রেদাস” সহজ কৌ বংদা।

গুরু “দাদু” সহজৈ আনংদা ॥

(সুন্দরদাস, সহজানন্দগ্রন্থ, ২৩)।

আর যোগ (হঠযোগ) পথের সাধক হইলেন—

“আদিনাথ” “মৎসেন্দ্র” অরু “গোরখ” “চর্প ট” “মীন”।

“কানেরী” “চৌরঙ্গ” পুনি হঠ সুযোগ ইনি কীন ॥

(সুন্দরদাস, সর্বাঙ্গযোগগ্রন্থ, ৪)।

হঠ প্রদীপিকা মতে আদিনাথ, যাজ্ঞবল্ক্য, গোরক্ষনাথ, মৎসেন্দ্রনাথ, ভর্কুহরি, মংথান, ভৈরব, কংখড়ি, চর্পট, কানেরী, মিত্যনাথ, কপালী, চিংচনী, নিরঞ্জন ইত্যাদি হঠযোগী।

দাদু বলেন, কবীর মহাশক্তিশালী সাধক।

কবীর বিচারা কহ গয়া বহুত ভাঁতি সমঝাই।

দাদু ছুনিয়া বারুরী তাকে সংগি ন জাই ॥

অর্থাৎ বেচারা কবীর কত রকমেই এই কথা গেল বুঝাইয়া, কিন্তু ছুনিয়া এমন পাগল যে তাঁর সঙ্গে চলিবে না।

(সাচ কৌ অংগ, ১৮৬)।

৫৩। **কবীন্দ্র :** কবীর যেমন অনায়াসে বড় বড় সব বাধা অতিক্রম করিয়া সাধনার পথে অগ্রসর হইয়াছেন, তেমন করিয়া অগ্রসর হইতে ও তাঁর সঙ্গে সমান চালে চলিতে কেহই পারে না। সত্যের মধ্যে কবীরের সহজ ও গভীর স্থিতি অন্যের পক্ষে অনুকরণ করা যেমন কঠিন তেমনই বিষম। যে “এককে” কেহ পারে না ধরিতে তাহার সঙ্গে তিনি রহিলেন যুক্ত হইয়া, যেখানে কালও আসিয়া পারে না বাঁপাইয়া পড়িতে।

(দাদু, মধ্যঅঙ্ক, ১৭, ১৮) ।

“ভিতরে মনের সঙ্গে যুদ্ধ করিয়া, অন্তরের সকল শত্রু জয় করিয়া, অনুপম শৌর্য্য বীর্য্যের সঙ্গে ভগবানের চরণে তনু মন প্রাণ সকল উৎসর্গ করিয়াই কবীর সকল সাধনা পূর্ণ করিয়াছেন, এ কথা দাদু জানেন।”

(দাদু, সুরাতন অঙ্ক, ৫৩, ৫৪) ।

দাদু বলেন, “তাঁহার মধ্যে মিলিয়া যাইতে হইবে, এই জন্ম যদি ঐহিক সীমাবদ্ধ জীবনকে মরিতে হয় তবু ভাল, কারণ ঐটুকুই হইয়াছে, তাঁর সঙ্গে বিচ্ছেদের চেতু। কেন আর বুঝা প্রিয়তমের সঙ্গে বিচ্ছেদ ব্যথা সহ করা ?”

দাদু মরণা খুব হৈ, মরি মাই হৈ মিলি জাই ।

সাতিবকা সংগ ছাড়ি করি, কোন সই হুখ আঙ্গি ॥

(সুরাতন অংক, ৫২) ।

কবীরের এই সব এই সাধনার কথা শুনিতে যদিও ভয়ঙ্কর তবু একথা সত্য বলিয়াই দাদুব ভাল লাগে,—

“সাচা সবদ কবীরকা মীঠা লাগৈ মোহি”

(দাদু, সবদ অঙ্ক, ৩৪) ।

কবীর ভাবিয়াছেন, “প্রিয়তমকে পাইবার সাধনা যদি কঠিন হয় তবে আনন্দেরই কথা। কারণ সাধনার দুঃখ সহিতে পারিলেই বুঝা যাইবে যে প্রিয়তমের প্রতি প্রেম আমাদের কত গভীর। তাঁর জন্ম দুঃখ সহিতে পারাই

মহাসৌভাগ্য।” “দাদুরও প্রিয়তম তিনিই, যিনি কবীরেরও প্রিয়তম।
তাঁহাকেই তো দাদু জীবনে বরণ করিতে চাহেন” *—

“জো থা কংত কবীরকা সোই বর বরিহু”

(দাদু, পীর পিছাগ অঙ্ক ১১)।

এই কারণেই এক এক সময় দাদু কবীরের বাণীকে নিজেরই বাণী করিয়া
লইয়াছেন ও আপন বাণীর মধ্যে বসাইয়া দিয়াছেন।

(যথা, দাদু, ভেষ অঙ্ক, ১৯ ইত্যাদি ; নিহকরমী পতিব্রতা অংগ, ৩, ২২, ২৯ ;
রাগ টোড়ী ২৭৯ ; ইত্যাদি)।

নামদেব, কবীর ও রইদাসের নাম তিনি গানের মধ্যে বার বার
করিয়াছেন।

(দাদু, নটনারায়ণ রাগ, ২৯৬ সবদ ;)।

“ইহি রসি রাতে নামদেব পীপা অরু রৈদাস।”

পীরত কবীরা না থক্যা অজহু প্রেম পিয়াস ॥

(রাগ গোড়ী, সবদ ৫৮)।

“নামদেব পীপা রবিদাস এই রসেই মত্ত। এই রস পান করিয়া কবীর আজও
তৃপ্ত নহেন, আজও তাঁর প্রেমের পিপাসা।”

৫৪। **নামদেব :** এক নামদেব মহারাষ্ট্রের প্রাচীন ভক্ত ও
সাধককবি। মহারাষ্ট্রের নামদেব অনেক আগেকার লোক। উত্তরপশ্চিমের
বুলন্দসহরে “ছিপি” জাতির লোকদের গুরু-স্থানীয় ভক্ত নামদেব একজন
অন্নিয়াছিলেন। “ছিপিরা” কাপড়ে ছাপ দেয়, তাহাদের মতে নামদেবই
প্রথমে তাহাদিগকে কাপড়ে নানাপ্রকারের স্বন্দর নমুনার ছাপ দিবার পদ্ধতি
শিক্ষা দিয়া যান। ঐ পদ্ধতির ও ছাপের নানাবিধ বিচিত্র নমুনার তিনিই
উদ্ভাবনকর্তা। এই শিক্ষাপদ্ধতি ও সাধনার পদ্ধতি তাঁহার কাছে পাইয়াছে
বলিয়া ছিপিরা নিজেদের পরিচয় দেয় “নামদেও-বংশী” বলিয়া। ১৪৪৩ খ্রীষ্টাব্দে
মারওয়াড়ে তুলাধুনকর এক নামদেবের জন্ম হয়। সিকিন্দর লোদী বাদশার

* ভক্তরা বলেন এই উক্তিটি দাদুর কণ্ঠ্যদের। উক্তিটি তাঁর মনের মত
হওয়ায় তিনি ইহা স্বীকার করিয়াছেন, একথা অন্তর্জ বলা হইয়াছে।

সময় তিনি জীবিত ছিলেন। হিন্দু ও মুসলমান উভয় সম্প্রদায়ের দলপতিদের হাতে তাঁহাকে অনেক নিগ্রহ সহ্য করিতে হয়, গৃহহীন হইয়া নিরাশ্রয়ভাবে তাঁহাকে দেশে দেশে ঘুরিয়া বেড়াইতে হয়। একজন নামদেব পাঞ্জাবে খুব সম্মানিত। তিনি মহারাষ্ট্রের পাণ্ডরপুরের নামদেব কি না সে বিষয়ে তর্ক আছে। জীবনের শেষভাগে পাঞ্জাবের গুরুদাসপুর জেলায় বটোলা তহসিলের অন্তর্গত “ঘুমান” গ্রামে তিনি আশ্রয় নেন, এখানে এখনও তাঁর ভক্তরা দরবার করেন। মাঘী সংক্রান্তিতে এখানে খুব বড় মেলা বসে। তাঁর ভক্তরা প্রায়ই ছিপি, ধুনকর ও ধোপা জাতির। তাহারা বিশেষ কোনো একটা সম্প্রদায় ঠিক গড়িয়া তোলে নাই। তিনি শিক্ষা দিয়াছেন, “ঈশ্বর এক; আন্তরিক শুদ্ধতা ও ভক্তির দ্বারা তাঁর সঙ্গে আমাদের যোগ হয়। বাহু আচার-অনুষ্ঠান-পুঞ্জ মিথ্যা সাধনার ও বার্থ প্রয়াসের বোঝামাত্র, আমাদের এই আত্মরচিত বাধাই ভগবানের সঙ্গে যোগের পথে প্রধান বাধা।” ঘুমান মঠের প্রমাণ অনুসারে ১৩৬৩ ঈশাকে বোঝাই সাতারার নরসী-বাহমনি গ্রামে এই নামদেবের জন্ম।

শিখদের আদিগ্রন্থে নামদেবের কিছু সব্দ আছে। খুব সম্ভবতঃ তিনি ঘুমান মঠের সাধক নামদেব। এখনও তাঁর পুত্র বোহরদাসের বংশ ও তাঁর মঠ সেখানে আছে। কাহারও কাহারও মতে এই নামদেব নিজেও ছিলেন ধুনকর আর গুরুও ছিলেন ধুনকরদের। দাদুরও অনেক শিষ্য ধুনকর, তাই এমন লোকও আছেন যাহারা দাদুকেও গোলেমালে নামদেবের সঙ্গে যুক্ত করিয়া ফেলিয়াছেন। Tribes and castes of N. W. Provinces and Oudh গ্রন্থের (1896, Vol. II), ২২৫, ২৯৯ পৃষ্ঠায় ইহাদের কিছু বিবরণ আছে।

৫৫। **মুসলমানী-প্রভাব:** পূর্বেই বলা হইয়াছে যে এমন প্রমাণ পাওয়া যাইতেছে যাহাতে দাদুকে দাউদ হইতে হয়। কেহ কেহ বলেন সান্তরবাসী সাধক বুরহানউদ্দীপনের কাছে তিনি সাধনা বিষয়ে কিছু কিছু শিক্ষাও লাভ করেন, কিন্তু তাহার কিছু সঠিক প্রমাণ মেলে না। এই মত অনুসারে দাদুর পিতার নাম ছিল সুলেমান। আর রজ্জব-ভক্তরা যেমন করিয়া রজ্জবের মুসলমানী উর্দু ফারসী ও আরবী শব্দ ও লেখা চাপিয়া যাইতে

চাহেন তাহা পূর্কেই বলা হইয়াছে। দাদুর লেখাতেও ফারসী আরবীর অনেক পদ আছে। তাঁহার বিরহ অঙ্কের ৪০ পদ এবং ঐ অঙ্কেরই ৬৪-৭০ পদ, ১৫২ পদ দ্রষ্টব্য। এখানে বিরহ অংগ হইতে কয়েকটি পদ উদ্ধৃত করা যাইতেছে। তাহা হইলেই তাঁর মুসলমানী ভাবের লেখা বুঝা যাইবে—

ইস্ক মহবতি মস্ত মন তালিব দর দীদার ।

দোস্ত দিল হরদম হজুর যাদিগার হুসিয়ার ॥

(দাদু, বিরহ কো অঙ্ক, ৬৪) ।

আসিক এক অলাহকে ফারিক ছনিয়া দীন ।

তারিক ইস ঔজুদ থৈ দাদু পাক অকৌন ॥

(দাদু, বিরহ কো অঙ্ক, ৬৫) ।

আসিকা রহ কবজ করদা দিল র জাঁ রফতংদ ।

অলহ আলে নুর দীদম দিলহি দাদু বংদ ॥

(দাদু, বিরহ কো অঙ্ক, ৬৬) ।

দাদুর “পরচা” অঙ্কের এই রকমই দুই একটি পদ উদ্ধৃত করা যাইতেছে,—

পূর্বপদ

মৌজুদ খবর মাবুদ খবর অররাহ খবর রজুদ ।

মকাম চিঃ চীজ হস্ত, দাদনৌ সজুদ ॥

(দাদু, পরচা কো অঙ্ক, ১৩১) ।

উত্তরপদ

মৌজুদ মকাম হস্ত,

নফ্‌স গালিব কিব্র কাবিজ, গুস্‌সঃ মনী এস্ত ।

হুই দরোগ হিস হুজ্জত, নাম নেকী নেস্ত ॥

(দাদু, পরচা কো অঙ্ক, ১৩২) ।

অররাহ মকাম অস্ত,

ইশ্ক ইবাদত বংদগী, য়গানগী ইখলাস ।

মেহর মুহ্ববত খৈর খুবী, নাম নেকী খাস ॥

(দাদু, পরচা কো অঙ্ক, ১৩৩) ।

মাবুদ মকামে হস্ত ।

ইত্যাদি

(দাদু, পরচা কো অঙ্গ, ১৩৪) ।

হক হাসিল নুব দীদম, করারে মক্‌সুদ ।

দীদারে যার অররাহে আদম, মোজুদে মোজুদ ॥

(দাদু, পরচা কো অঙ্গ, ১৩৮) ।

এই রকম আর আরও অনেক আছে । এ মুসলমান সূফীর মতই লেখা । ইহাদের পরে হিন্দু শিয়ারাও এমন ভাবে মাঝে মাঝে লিখিতেন ।

৫৬। **মুসা ও মহম্মদ :** ইহুদী ভক্ত মুসার ও মহম্মদের নামও দাদু করিয়াছেন । মুসা নাকি একবার মৃত্যুভয়ে পলাইতে গিয়া দেগেন কবর ছাড়া স্থান নাই । যেখানেই যান সেখানেই কবর —

“মুসা ভাগা মরণ থৈ জহাঁ জাই তহঁ গোর ।”

(দাদু, কাল অঙ্গ, ৬২) ।

দাদুর ভেখ অংগে এই বাণীটি বলা হইয়াছে—

শেষ মসাইক ঔলিয়া পৈকংবর সব পীর ।”

(ভেখ অংগ, ৩৩) ।

তাহাতেই বুঝা যায় সেখ, মুসা-পন্থী-ইহুদী-ঔলিয়া, পৈগম্বর ও পীরগণের সাধনা তাঁর জানা ছিল ।

সত্যদ্রষ্টা নবী (ঋষি) গণের মুকুটমণি ভক্ত মহম্মদের নামও দাদু বহুস্থানে করিয়াছেন । যথা—

“কহাঁ মহম্মদ মীর থা সব নবিয়ৌ সিরতাজ ॥”

(দাদু, কাল অঙ্গ, ৮৩) ।

মহম্মদ ও স্বর্গদূত জিবরইলের (Gabriel) নামও তিনি করিয়াছেন—

“মহম্মদ কিসকে দীন মৈ জবরাইল কিস রাহ ?”

(দাদু, সাচ অঙ্গ, ১১৫) ।

ভারতীয় ধর্মসম্প্রদায়ের মধ্যে ঘোগী, জজম (দক্ষিণ ভারতের লিঙ্গপূজক শৈব

সম্প্রদায়), জৈন ও শৈব মতাবলম্বী সেবড়া, বৌদ্ধ সন্ন্যাসী ও মুসলমান সম্প্রদায়ের নামও দাদু করিয়াছেন।

(দাদু, ভেখ অঙ্ক, ৩২ ; দাদু, মধ্য অঙ্ক, ৪৭)।

জয়দেব : তখনকার দিনে সাধকশ্রেষ্ঠ কবীর নানক প্রভৃতি সবাই ভক্ত জয়দেবের নামে ও বাণীতে গভীর শ্রদ্ধা প্রকাশ করিয়া গিয়াছেন। গ্রন্থসাহেব-উদ্ধৃত কবীর-বাণীতে এক জায়গায় পাই—জয়দেব নামদেবের প্রতি ভগবানের অপার কৃপা হইয়াছে (বাণী ১১৩, কবীর পরিশিষ্ট, নাগরী প্রচারিণী সম্পাদিত)। আবার ঐ গ্রন্থসাহেবেই উদ্ধৃত কবীর-বাণীতে দেখি, “ভগতি ও প্রেমের মর্ম্ম জয়দেব ও নামদেবই জানেন” (ঐ ২০৮ পদ)। গ্রন্থসাহেবে জয়দেবের বাণীও উদ্ধৃত আছে। তাহাতে দেখি গীতগোবিন্দের বাণীর সঙ্গে তার কিছুমাত্র ভাবের সম্পর্ক নাই। অথচ এই জয়দেবও বাংলারই জয়দেব। কাজেই দেখা যায় জয়দেবের একটা পরিচয় আমাদের কাছে চাপা পড়িয়া আছে। সুযোগ ঘটিলে এ বিষয়ে আরও কিছু আলোচনা করার ইচ্ছা আছে।

ধর্ম্মের নামে তখনকার দিনেও নানাবিধ নষ্টানি চলিত। সমাজের সেই সব ভয়ঙ্কর ব্যাধির কথা দাদুর বাণীতেই পাই। যে মধুর প্রেমের সম্বন্ধ ভগবানের সঙ্গে, সেই ভাবের সম্বন্ধ মানুষের সঙ্গে কল্পনা করিয়া লোকে ধর্ম্মকে ডুবাইত।

(দ্রষ্টব্য—দাদু, নিহকরমী পতিব্রতা অঙ্ক, ৫০, ৫১ বাণী, ইত্যাদি)।

প্রেমযোগ : ঈশ্বরের সঙ্গে ভক্তের সম্বন্ধ প্রেমের, ঐশ্বরের নয়। প্রেমের দাবীতে স্বামীর সংসারে সব সেবাই করিতে হয়। কষ্টে সেবায় সৌন্দর্য্যে প্রেমে এই সম্বন্ধের ভাব ভরপুর। আবার ঈশ্বরের একত্ব বুঝাইবার জন্য তাঁহাকে স্বামী বলার মধ্যে একটি গভীর সার্থকতা ভারতে আছে। কারণ তাঁর সঙ্গে ভক্তের যোগ একনিষ্ঠ প্রেমের। সাধনায় এই গুচিটাটি নারীর পতিব্রতের মতই যত্ন রক্ষা করিতে হয়। তাই ভগবৎ প্রেমের সঙ্গে পতিব্রতের তুলনা দেওয়া হইয়াছে। দাদুর অষ্টম অঙ্কটিও আগাগোড়াই হইল নিকামকর্ম্মী পতিব্রতার অঙ্ক। আল্লা ও রাম যে এক

সেই একত্বটি জোর করিয়া বুঝাইবার জন্যই কবীর বলিয়াছেন “আমি সেই আল্লা রামের পুত্র, তিনি আমার পিতা।”

(তুলনীয় কবীর, ৩য় খণ্ড, ৩ পৃ:) ।

“পীর পিছান অজ্ঞে” দাদু তাঁহার ভূগোল খগোল ও ব্রহ্মাণ্ড জ্ঞানের পরিচয় দিয়াছেন। তিনলোক ব্রহ্মাণ্ড, সপ্তদ্বীপ, নবখণ্ড, সপ্তাশোক মেরু গিরি-পর্বত, আঠার ভার তীর্থ, চৌদলোক, চৌরাশিলক্ষ চন্দ্রসূর্য্য, ধরিত্রী গগন, পবন, জল, সপ্ত সমুদ্র ।

(পীর পিছান অজ্ঞ, ৫, ৬) ।

দাদুর শিষ্য-পরিচয় । (চ)

দাদুর ৫২ জন প্রখ্যাত শিষ্য ছিলেন, ট্রেইল সাহেব ভুলক্রমে ১৫২ লিখিয়াছেন । বোধ হয় অনবধানতাবশতঃ সংখ্যাপাত হইয়া গিয়াছে (Encyclopaedia of Religion and Ethics, Edited by John Hastings, Volume IV, pp 385, 386, "Dadu") তাঁহাদের মধ্যে জাইসা, স্কন্দরদাস (চোট), রজ্জবজী, মাধোদাস, প্রয়াগদাস, গরীবদাস, বগনাজী, বনওয়ারীদাস, শঙ্করদাসেব নাম পূর্বেই করা হইয়াছে । ইহারা প্রত্যেকেই এক একটি "থাংভা" বা স্তম্ভ প্রবর্তক ও প্রখ্যাত লেখক । ইহাদের বাণী আজিও ভক্তগণ শ্রদ্ধার সহিত রক্ষা করিতেছেন । উপক্রমণিকায় স্থানান্তরে ইহাদের বাণীর বাহুল্যের বিষয়ও বলা হইয়াছে । নারায়ণা ও মাস্তুর হইতে দাদুকে লিখিত পত্রে তাঁহার প্রায় চল্লিশজন শিষ্যের নাম পাওয়া যায় ।

শিষ্যদের মধ্যে দাদুর "জীবন পরচী" অর্থাৎ জীবন-পরিচয় লেখার দরুণ জনগোপাল ও জগজীবন দাসের নাম বিশেষভাবে ভক্তগণ ও তত্ত্বজিজ্ঞাসুগণের কাছে প্রখ্যাত । সন্তদাস ও জগন্নাথদাস দাদুর বাণী সম্বন্ধে সংগ্রহ করার জন্ত সকল ভক্তজনের পূজিত ও খ্যাত হইয়াছেন । তাঁহাদের সংগৃহীত "হরডে বাণী" তাঁহাদের নাম অক্ষুণ্ণ রাখিবে । বেশী কিছু না লিখিলেও ভক্তমোহনদাসের নাম দাদুভক্তগণ কখনও বিস্মৃত হইবেন না । যোগদৃষ্টিতে ও ভাবের গভীরতায় ইনি খুব উচ্চধরনের সাধক ছিলেন, তাঁর সময় ভক্ত ও সাধকগণ তাঁহার সঙ্গ পাইলে কৃতার্থ হইতেন । ভক্ত ক্ষেত্রদাসের লেখাতে দাদুর সাম্যনীতির সর্বজনীনত্বের ও বিশ্বমৈত্রীর অনেক পরিচয় আমরা পাই । তাহা ছাড়া চৈনজী, ঘাটম দাসজী, সাধুজী, টিলাজী, খেমদাসজী, জয়মালজী-চৌহান, জয়মালজী-যোগী, ঘরসীজী, হরিসিংজী, মাথুজী প্রত্যেকেই এক একটি দিকপাল বিশেষ । দৃষ্টান্তসংগ্রহকার চম্পাবাম তো সর্বজনসমাদৃত ।

তাঁহা ছাড়া শিশু অনুশিষ্টদের অনেকের পরিচয় মেলে পরবর্তী সব ভক্ত-বাণীসংগ্রহগ্রন্থে ।

৫৭। **রজ্জবজী :** ভক্ত রজ্জবজী মুসলমান সম্প্রদায়ের অত্যন্ত ধীন কলাল বংশে জন্মগ্রহণ করেন । এই কলালরা পূর্বে হিন্দু “কলাল”ই অর্থাৎ সুরা বিক্রেতাই ছিল, পরে মুসলমান হইয়া মুসলমান কলাল হইয়া যায় । এ কথাটা এখনকার দাদুপন্থী ও রজ্জবভক্তগণ ঐনেকে চাপিয়া যাইতে চান । তাঁহারা মনে কবেন যে ইহাতে দাদুর ও রজ্জবের মাহাত্ম্য যেন অনেকটা কমিয়া যায় । কেহ কেহ বলিতে চান যে রজ্জবজী হিন্দুবংশে ভাল কুলে জন্মগ্রহণ করেন, শিশুকালে অনাথ হইয়া মুসলমানের ঘরে পালিত হন এবং পূর্বসংস্কারবশে দাদুকে গুরু পাইয়া আপনার পূর্বজন্মের উপাজ্জিত সাধনা ফিরিয়া পান । কেহ কেহ বলেন তিনি মুসলমানই ছিলেন আর দাদু তাঁহাকে শিশুরূপে স্বীকারও করেন নাই ; কবীরের মতই তিনিও দাদুর উপদেশ দূর হইতে শুনিয়া অনুপ্রাণিত হইয়া দূরে থাকিয়াই একলবোর মত গুরুর অজ্ঞাতসারে সাধনা করিয়া সিদ্ধ হন । আবার কেহ কেহ সরলভাবে সব কথাই স্বীকার করেন । কাহারও কাহারও মতে তাঁহার জন্ম “কলাল” অর্থাৎ কুস্তকার কুলে ।

উপক্রমণিকার যে রজ্জবজীর বিস্তৃত সংগ্রহের কথা বলা হইয়াছে তাঁহা জয়পুর শেগাবাটী প্রভৃতি স্থানের সর্বসম্প্রদায়পূজিত সুবিখ্যাত বড় বড় ভক্ত মহন্ত ও পণ্ডিতজনের সম্পাদিত । তাঁহাদের অনেকের নামই ঐস্থানে দেওয়া আছে । তাঁহারা এত বড় সংগ্রহ করিয়াও ভূমিকায় রজ্জবজীর জীবনী বা ইতিহাসের কথা একেবারেই চাপিয়া গিয়াছেন, রজ্জবজীর জাতি-কুলেরও বিন্দুমাত্র উল্লেখ করেন নাই, অথচ সম্পাদক মহাশয় সেই ভূমিকাতেই তাঁহার সহায়ক বর্তমান কালের প্রত্যেক জন ভক্ত ও পণ্ডিতের পূর্ণ পরিচয় দিয়াছেন অথচ তাঁহার জন্ম ভূমিকা তাঁহার পরিচয়ই কিছুমাত্র দেন নাই । বরং রজ্জবজীর লেখাতে প্রচুর পারসী ও উর্দু শব্দের বাহুল্য দেখিয়া আসল কথাটা চাপা দিবার জন্য নিজেরাই আগে হইতেই ছোর গলায় সকলকে শুনাইতেছেন, “শ্রীরজ্জবজীর বাণী পড়িয়া অধিকাংশ নব্য শিক্ষিত যুবকগণ বলিয়া উঠিবেন যে, ‘এই গ্রন্থে দেখিতেছি ফারসী ও উর্দু শব্দের বড়ই অতিরিক্ত

পরিমাণে মিশ্রণ রহিয়াছে!’ এই বিষয়ে তাঁহাদের কাছে আমাদের এই নিবেদন যে আজকাল যেমন ইংরাজী ভাষার প্রাবল্য, হিন্দী লিখিতে গেলেও তাহাতে ইংরাজী ভাষা না মিলাইলে এখনকার দিনে চলে না, মুসলমান রাজ্যের যখন প্রাবল্য ছিল উর্দু পারসী শব্দেরও তখন সেই কারণেই প্রচুর ব্যবহার ছিল। এই কারণেই রজ্জবজীর বাণীতে এত উর্দু পারসী শব্দের বাহুল্য” (রজ্জবজীকীবাণী—ভূমিকা, ঘ পৃষ্ঠা)। ইহাতেই যেন সব হেতু জানাইয়া দেওয়া হইল। এই গ্রন্থটির নাম-পৃষ্ঠায় লেখা আছে “শ্রীশ্যামী মহর্ষি দাদুজীকে স্নযোগ্য শিষ্য মহারাজ শ্রীশ্যামী রজ্জবজীকী বাণী।” আর ভূমিকায় পরিচয় দিয়াছেন, “যোগীরাজ মহাত্মা শ্রীশ্যামী রজ্জবজী মহর্ষি দাদুরাম জীর শিষ্য ছিলেন” (ঐ ভূমিকা, ক পৃষ্ঠা)। এই বাণীর সম্পাদক মহাশয় ভূমিকায় বলেন, “এই সব বাণী ১৫৬৮ খৃষ্টাব্দ হইতে ১৫৯৩ খৃষ্টাব্দ মধ্যে লেখা। রজ্জবজী সংস্কৃত ও নিশ্চয়ই ভাল জানিতেন, তবে লিপি-দোষে এমন উত্তম লেখায়ও নানা অশুদ্ধি প্রবেশ করিয়াছে; কাজেই অনেকেরই ইচ্ছা ভবিষ্যতে এই সংগ্রহ বাহির করিতে হইলে একেবারে ইহার লেখা শুদ্ধ বানাইয়া প্রকাশ করা।” (ঐ ভূমিকায়—“ঙ” পৃষ্ঠা)।

“শ্রীমান ঠাকুর সাহেব ভূরসিংহজী ভক্তিমান্ ও কাব্যজ্ঞানসম্পন্ন, ইহার সহায়তায় মাত্রাগত ছন্দোগত দোষ প্রভৃতি সব দূর করিয়া ২য় সংস্করণ বাহির করা যাইবে।” ঐ ভূমিকা—“ঙ” পৃষ্ঠা।

আমাদের মতে রজ্জবজীর বাণীগুলি আরও পূর্বে রচিত হয়। ১৬০৩ ঈশাব্দে যখন দাদুজীর মৃত্যু হয়, তখন তাঁর বহু বাণী রচিত হইয়া গিয়াছে। রজ্জবজীর হিন্দু ও মুসলমান এই দুই শ্রেণীর শিষ্যই আছেন। কেহ কেহ বলেন ইহার হিন্দু শিষ্যগণকে বলে “উত্তরাটী” (Crookes—‘Tribes and castes of North-Western Provinces and Oudh, Volume II, 237 page)

৫৮। **বনওয়ারীদাস** : Traill সাহেব বলেন এই উত্তরাটী দলের আদি প্রবর্তক ভক্ত বনওয়ারীদাস; অধিকাংশ ভক্তদেরও এই মত। কিন্তু আসলে এই বিষয়ে বনওয়ারীদাস রজ্জবজীরই অল্পবর্তন করিয়াছেন। বনওয়ারীদাসজীর প্রধান স্থান পাতিয়ালা রাজ্যের অন্তর্গত রতিয়াগ্রামে। ভক্ত শ্রীবনওয়ারীদাসের সাধনার বলে এইগ্রামটি এখনও

বহু সাধু ভক্তজনের পূজনীয় । রতিয়াতে ভক্ত ধর্মদাস সাধু বনওয়ারীদাসের সম্প্রদায়ের এখনকার সময়ের শ্রেষ্ঠ ও কেন্দ্রস্থানীয় ব্যক্তি । তাহাদের ৫২ খাঙ্গা । ডেহরে গ্রামে তাহাদের চতুর্দশ গদী । এখনো সাধক বিহারীদাসজী সেখানে ভক্তমুখ্য ।

ভারতবর্ষের উত্তরভাগেই এই মতের অনেকটা প্রচার হইয়াছিল । ক্রমে হরিদ্বারে এই শাখার একটি মঠ গড়িয়া উঠে । ভক্ত গোপালদাসজী এই মঠটি ভাল করিয়া প্রতিষ্ঠিত করেন । কিছুদিন পূর্বেও সচ্চিদানন্দজী নামে একজন সমর্থ সাধক সেখানে ছিলেন । এখন সেখানে ভাল সাধক বা ভক্ত কেহ নাই । বনওয়ারীদাসের উত্তরাটী শাখা একটু বেশী হিন্দু ভাবাপন্ন । তাঁহারা অনেকবার নিজের সম্প্রদায়ে সাম্প্রদায়িক ভাবে হিন্দুর সাম্প্রদায়িক পূজা-অর্চনাদি চালাইতে চাহিয়াছেন, কিন্তু নাগাদের আপত্তি ও বিরুদ্ধতায় তাহা চলিয়া উঠে নাই ।

জয়পুরের চারিক্রোশ দক্ষিণে নদীতীরে সাজানের নামে একটি ছোট নগরী আছে । রজ্জবজী অনেক সময় সেখানে থাকিতেন । সেখানে তিনি গুরুভাই পরমভক্ত মোহনজীর সঙ্গ লাভ করিয়া চরিতার্থ হইতেন ।

৫৯। **সুন্দরদাস** : সুন্দরদাস নামে দাদুর দুইজন শিষ্য ছিলেন । বড় সুন্দরদাস বীকানীরের রাজবংশে জন্মগ্রহণ করেন । কাহারও কাহারও মতে ইনি নাগা সম্প্রদায়ের প্রতিষ্ঠাতা । পরবর্তীকালে বীকানীরের রাজভ্রাতা ভৌমসিংহ এই নাগা সাধক সম্প্রদায়কে একদল প্রবল ঘোঁকা বানাইয়া তোলেন ।

দাদুপন্থী নাগাদের পূর্বে আরও বহু সম্প্রদায়ে নানাভাবে নাগাদল গঠিত হইয়াছে । বৈদিককালেও বেদমতবাদীদের বাহিরে নয় সাধকদের অস্তিত্ব ছিল । জৈনদের দিগম্বরী প্রভৃতি সাধুদের কথাও স্মরণীয় । শৈবনাগা নিহংগ প্রভৃতি দলও আছে । রামানন্দের চারিজন শিষ্য চারিটি সম্প্রদায় প্রবর্তিত করেন । তার মধ্যে যাহারা বিরক্ত ও সংসারসম্বন্ধহীন তাহারা “নাগা” ও সংসারীরা “সংযোগী” । যত রকম নাগাই থাকুক দাদুপন্থী নাগাদেরই খুব নাম ও প্রভাব ।

ধর্ম সাধনাতে অন্তরের বীরত্ব থাকা চাই একথা দাদু খুব জোর করিয়াই বলিয়া গিয়াছেন (দ্রষ্টব্য দাদু—স্মরণ অঙ্ক) । সেই মহৎ সত্যের সাধনাকে

সাংসারিক প্রয়োজনে প্রয়োগ করিতে গিয়াই পরে বিশেষ শোচনীয় অবস্থা হইল। ফললোভীদের হাতে পড়িয়া সত্যের বিশুদ্ধ স্বরূপ যখন মহদু ভাব ও আদর্শ হইতে ভ্রষ্ট হয় তখন এমন দুর্গতিই হয়। ষাঁহারা ভাব ও আদর্শকে অনাবশ্যক মনে করিয়া কেবল কথ্য ও উপযোগিতাকে প্রধান লক্ষ্য মনে করেন তাঁহারা যে ইতিহাসের কাছে এই শিক্ষা বার বার পাইয়াও কেমন করিয়া তাহা ভোলেন তাহা বুঝা মুস্কিল। পরে দুর্গতি এতদূর হইল যে পয়সা পাইলে এই নাগারা অত্যাচারী রাজাদের পক্ষ হইয়া অনিচ্ছুক দুর্বল প্রজাদের ঠেকাইয়া শাসনা আদায় করিত। ক্রমে ইহারা রীতিমত ভাড়াটিয়া যুদ্ধজীবীদলে পরিণত হইয়া পড়ে (Crooke's Tribes and castes of North Western Provinces and Oudh, Vol II, ২৩৮ পৃঃ)। হুণ্টারের গ্যেজেটিয়ারের মতে (1866 Edition, Vol X) সিপাহী বিদ্রোহের সময় এই নাগারা বেতন লইয়া ইংরাজদের পক্ষ হইয়া লড়িয়াছিল। এখনও দাদুপন্থীদের প্রধান তীর্থ নারায়ণা গ্রামে নাগা সন্ন্যাসীদের প্রধান আড়া। ইহাদের কোনও দেবালয় বা দেবমূর্তি নাই, ইহারা একেশ্বর বাদী; সেখানে ইহাদের সংখ্যা প্রায় চারি বা পাঁচ হাজার (Hunter's Gazetteer 1866, Vol X)।

৬০। **সুন্দরদাস (ছোতি)** : পণ্ডিত সমাজে ছোট সুন্দরদাসেরই খুব নাম। রাঘবদাস কৃত ভক্তমালাে সুন্দরদাসকে শঙ্করাচার্যেরই অবতার বলা হইয়াছে। কারণ তিনি “পরপক্ষ বিমর্দন করিয়া, সর্বভাবে দ্বৈতমত চূর্ণ করিয়া, অদ্বৈতের মহিমাট গান করিয়াছেন। ভক্তি জ্ঞান যোগ সাংখ্য সকল শাস্ত্রের তিনি পারে গিয়াছেন।” পণ্ডিত ও বিদ্বান জনেরা মনে করেন দাদুর ভক্তদের মধ্যে তিনিই যোগ্যতম লোক। ইহার অণ্ড নাম সুন্দরদাস “ফতহপুরীয়া”। ফতহপুর জয়পুর শেখাবাটীরই মুসলমানী নাম।

উত্তম বৈশ্য জাতীয় বৃন্দ গোত্রের খণ্ডেলওয়াল মহাজন কুলে জোসা গ্রামে ইনি জন্মগ্রহণ করেন। ইহার পিতা যে ইহাকে সাতবৎসর বয়সে জোসাগ্রামে দাদুর চরণে সমর্পণ করেন একথা পূর্বে উল্লিখিত হইয়াছে (প্রকরণ ৪২ জটব্য)। ইনি যে বৎসর সন্ন্যাসের দীক্ষা লইলেন তাহার পর বৎসরই দাদু নারায়ণাগ্রামে দেহ রক্ষা করিলেন। ইহার শাস্ত্রজ্ঞানের পিপাসার অন্ত ছিল

না, তাই ডীডবানা ও ফতহপুরে ভক্ত জগজীবনজীর উৎসাহ পাওয়া ইনি কাশীতে শাস্ত্র পড়িতে যান। সেখানে তিনি সাহিত্য পুরাণ ছন্দ ও অলঙ্কার শাস্ত্রে বিশেষ পাণ্ডিত্য লাভ করেন। সাংখ্যবেদান্তাদি দর্শনে তাঁর গভীর ব্যাপ্তি জন্মে। পরে সুন্দরদাস তাঁর বেদান্ত অলঙ্কার ও ছন্দশাস্ত্রের জ্ঞানের জ্ঞান প্রখ্যাত হন। সুন্দরদাসের রচিত বহু বেদান্তভাবের গ্রন্থ বিদ্বৎসমাজে সমাদৃত ও তাঁর কাব্য-গ্রন্থে অলঙ্কারশাস্ত্রের নানাবিধ দুঃসাধ্য নমুনার প্রাচুর্য বিদ্যমান। জয়পুরের পুরোহিত হরিনারায়ণ যে সুন্দরদাসের গ্রন্থ লিখিয়াছেন (মনোরঞ্জন পুস্তকমালা—নাগরী-প্রচাবিণী সভা, কাশী), তাহাতে বিশেষ যত্ন করিয়া তিনি সুন্দরদাসের সেই সব অলঙ্কারশাস্ত্রের পাণ্ডিত্যের পরিচয় প্রকাশ করিবার চেষ্টা করিয়াছেন। বিশেষ পৃষ্ঠা মুদ্রিত করিয়া তিনি সুন্দরের ছত্রবন্ধ ও নাগবন্ধের কাবিতার পরিচয় দিয়াছেন। সুন্দরের গ্রন্থে এইরূপ বহুবিধ বর্ণগত বিদ্যাসগত ও শব্দগত চিত্রবন্ধ অলঙ্কারের ছড়াছড়ি। তাঁর লেখায় আত্মাকরী, মধ্যাকরী, অন্ত্যাকরী, চৌবোলা, গূঢ়ার্থ প্রভৃতি নানাবিধ অলঙ্কারের নমুনা আছে। এইজন্ম পাণ্ডিত্যজনেরা তাঁহার কলা-নৈপুণ্যে একবারে মুগ্ধ। অশিক্ষিত সরল সাধকেরা এসব কৃত্রিম বস্তু বোঝেন না। তাঁহারা চাহেন সরল ভাষায় গভীর সত্যের সহজপ্রকাশ। সর্বজনের মধ্যে এই সরল লেখারই আদর। তাহারা সুন্দরদাসের “সহজানন্দ” প্রভৃতি গ্রন্থের সমাদর করেন। তাহাতে কোনো কৃত্রিমতা বা কুচ্ছ, সাধন ছাড়া সহজেই ব্রহ্মযোগের উপায় বর্ণিত আছে। অশিক্ষিত ভক্তসাধকদের কাঁচ একরকম ও শিক্ষিত পাণ্ডিত্যগণের কাঁচ অন্তরকম; উভয়দলের শক্তি কাঁচ ও নির্বাচনের প্রণালী একেবারে ভিন্নরূপ।

১৫২৬ খ্রীষ্টাব্দে জয়পুর হইতে অনতিদূরে ছোসা নগরীতে দাদুর প্রিয় শিষ্য সাধু “জগ্গার” আশীর্বাদে সুন্দরদাসের জন্ম হয়। সাধু “জগ্গার” আশীর্বাদেই শিশুকালেই সুন্দরদাসের সংসারে বিরাগ হয় এবং শিশু বয়সেই দীক্ষা গ্রহণ করেন। দাদুর মৃত্যুর পর সুন্দরদাস নারায়ণাতেই কিছুকাল ছিলেন পরে কাশীতে বিদ্যা শিক্ষার জন্ম যান ও সেখানে দেশ দেশান্তরের নানা ভাবের কবিগণের সঙ্গ লাভ করিয়া আপনাকে কৃতার্থ করেন।

১৬২৫ খ্রীষ্টাব্দে ইনি জয়পুর শেখাবাটীতে ফিরিয়া আসেন ও তখন হইতেই

রীতিমত কাব্য রচনা করিতে থাকেন। শেখাবাটীর তখন অপর নাম ছিল ফতহপুর। ফতহপুরের নবাব আলফ খাঁ ছিলেন কবি ও হিন্দী ভাষার অমুরাগী। আলফ খাঁর সঙ্গে সুন্দরদাসের পরিচয় ও সখ্য হয়। শেখাবাটীতে এই দুই কবি বন্ধুতে প্রায়ই কাব্য আলোচনা হইত ও কাব্য প্রসঙ্গে উভয়ের দিন কাটিয়া যাইত। এই দলের মধ্যে ভক্ত প্রয়াগদাস, ভক্ত রজ্জবজী ও ভক্ত মোহনদাস ও মাঝে মাঝে আসিয়া জুটিভেন। এই সব ভক্তের দল জুটিলে কাব্যপ্রসঙ্গ যথাসম্ভব গভীর হইয়া উঠিত। ইহাদের সকলের সঙ্গেই সুন্দরদাসের গভীর প্রেম ছিল। ১৬২৫ খ্রীষ্টাব্দে সুন্দরের পঞ্চেন্দ্রিয়চরিত্র গ্রন্থ রচিত হয়। ১৬৫৩ খ্রীষ্টাব্দে সুন্দরদাসের মহাগ্রন্থ জ্ঞানসমুদ্র সমাপ্ত হয়। ১৬৮৬ খ্রীষ্টাব্দের পর সুন্দরদাসের আর কোনো বৃহৎ গ্রন্থ রচিত হয় নাই, তবে ছোট ছোট কাব্যরচনা তখনও মাঝে মাঝে চলিতেছিল।

সুন্দরদাস একস্থানে দীর্ঘকাল থাকিতে ভালবাসিতেন না, নানা দেশ পৰ্যটন করিতে নানা রকম লোকের সঙ্গে মিশিতে ভালবাসিতেন। তাই তিনি প্রায়ই শেখাবাটী ফতহপুর হইতে নানা দিকে বাহির হইতেন। দক্ষিণ ভারত, গুজরাত, কাঠিয়াওয়াড়, পাঞ্জাব, কাশী প্রভৃতি স্থানের সহিত তিনি সুপরিচিত ছিলেন। পাঞ্জাবের ভক্তরা বলেন পাঞ্জাবে গেলে সুন্দরদাস প্রায়ই লাহোরের ভক্ত ছজ্জুদাসের মঠে বাস করিতেন। পৰ্যটনের সময় সুন্দরদাস নানা সম্প্রদায়ের লোকের সহিত আলাপ করিলেও বিশেষভাবে প্রত্যেক স্থানে নিজ গুরু-ভাইদের সঙ্গে সাক্ষাৎ ও আলাপ করিতেন। রাজপুতানায় কুরসানা, সাকানের, নরাণা, মোরাঁ, গলতা, আমের প্রভৃতি সৰ্বস্থানে ভক্তজন তাঁর প্রতীক্ষা করিতেন। সৰ্বত্র তাঁর যাতায়াত ছিল।

১৬৩১ খ্রীষ্টাব্দে শেখাবাটীতে ভক্ত প্রয়াগদাসের মৃত্যু হয়। ইহার পর আর শেখাবাটীতে তাঁহার মন টিকিত না। তখন তিনি কখনও মোরাঁ গ্রামে কখনও আমেরে কখনও কুরসানা গ্রামে কখনও রজ্জবজীর কাছে সাকানেরে এইরূপ নানাস্থানে ঘুরিয়া বেড়াইতেন। কুরসানা গ্রামটা তাঁর বড়ই প্রিয় ছিল, এমন সুন্দর স্থান নাকি তাঁর নজরে কখনও পড়ে নাই। সুন্দরদাস তাহার রচিত সর্বগ্রন্থে তাঁর পরিভ্রমণকালের দশদিকের বর্ণনা দিয়াছেন, তখনকার কালের একটি সুন্দর চিত্র তাহাতে পাওয়া যায়। তিনি

দক্ষিণদেশ, গুজরাত মার্বাড়, পঞ্জাব, পূর্বদেশ প্রভৃতি স্থানের সমালোচনা করিয়া ভাবিয়া চিন্তিয়া দেখিলেন কুরসানাই সব চেয়ে ভাল।

“পূর্ব পশ্চিম উত্তর দক্ষিণ দেশ বিদেশ ফিরে সব জানে।

সোচ বিচারি কৈ সুন্দরদাস জু যাহিঁ তৈঁ আন রহে কুরসানে ॥

(দশোঁ দিশাকে সৰৈয়ে)

কত্‌পুৰ তাঁহার পছন্দ হয় নাই সেপানকার নারীরা এলোমেলো ও নির্লজ্জ বলিয়া। সুন্দরদাসের “বরবা” ছন্দে যে পূর্ববী ভাষায় নমুনা দিয়াছেন তাহাতে আমাদের দেশের বাউলদের হেঁয়ালী আছে। “হরিবোল চিতাবনী” গ্রন্থের প্রত্যেক পদের শেষে তিনি “হরিবোলো হরিবোল” লিখিয়াছেন তাহাতেও আমাদের দেশের কথা স্মরণ হয়।

এই কুরসানা গ্রামে বসিয়াই সুন্দরদাস তাঁহার “সৰৈয়া” গ্রন্থ রচনা করেন। এই “সৰৈয়া” গ্রন্থই পরে “সুন্দরবিলাস” নামে খ্যাত হয়। “জ্ঞানসাগর” গ্রন্থ বৃহৎ হইলেও সুন্দরের রচনার মধ্যে সৰৈয়ারই খুব প্রতিষ্ঠা। সুন্দরদাস “জ্ঞানসাগর” প্রভৃতি প্রায় চা্লিশখানি গ্রন্থ রচনা করেন। পূর্ববিয়া সাধুদের কাছে সুন্দরদাসের সৰৈয়া গ্রন্থখানির বাংলা রূপ দেখিয়াছি, বাঙ্গালী সাধু বাংলা অক্ষরে লিখিয়াছেন।

ভক্ত বন্ধুগণের সঙ্গ লাভ করিবার জন্ত সুন্দরদাস ১৬৮৮ খৃষ্টাব্দে সাজানের নগরীতে যান। এখানে কয়েকদিন থাকিয়াই তিনি ক্লম হইয়া পড়েন। ভক্ত বন্ধুরা নিরন্তর সেবা করিতে লাগিলেন কিন্তু তখন ৯৩ বৎসরের বৃদ্ধ সুন্দরদাসের ঙ্গ শরীর আর সুস্থ হইল না। কিন্তু সুন্দরদাসের মনে কিছুই নিরানন্দ নাই, তিনি বলিলেন—

“সাত বরষ সৌঁ মেঁ ঘটে ইতনে দিনকী দেহ।

সুন্দর আতম অমর হৈ দেহ যেহ কি যেহ।”

“সাত কম একশত বৎসর, এতদিনের এই দেহ! হে সুন্দর, আত্মাই তো অমর, দেহ তো ধুলার ধুলা।”

“বৈছ হমারৈ রামজী ঔষধি হু হরিনাম।

সুন্দর য়হৈ উপায় অব সুমিরণ আঠৌঁ জাম ॥

সুন্দর সংশয় কো নহী বড়ো মছুব য়েহ ।
আত্ম পরমাত্ম মিলো রহো কি বিনসৌ দেহ ।

“এখন রামই আগার বৈদ্য, আর হরিনামই ঔষধ ; হে সুন্দর এখন অষ্ট প্রহর ভগবানকে স্মরণই হইল উপায় (প্রতিকার, দুঃখতাপহরণের ব্যবস্থা) । হে সুন্দর, এখন আর কোনও সংশয় নাই, এই এক মতোৎসব, আত্মায় পরমাত্মায় হইল মিলন, এখন দেহ রছক কি যাউক ।”

১৬৮৯ খৃষ্টাব্দের কার্তিক মাসের শুক্লাষ্টমীতে বৃহস্পতিবারে তৃতীয় প্রহরে আত্মা-পরমাত্মায় মিলনের এই মতোৎসব নিজ জীবনে প্রত্যক্ষ করিয়া আপন মুখে ভগবানের কৃপার সাক্ষ্যবাণী উচ্চারণ করিতে করিতে সুন্দরদাস ইহলোক হইতে প্রস্থান করিলেন ।

সুন্দরদাসের মৃত্যুর আট বৎসর পূর্বেই তাঁহার প্রিয়শিষ্য নারায়ণ দাস পরলোক গমন করেন । সুন্দরের মৃত্যুর পর নারায়ণ দাসের শিষ্য রামদাস কতহপুর মঠের মহন্ত হন । নারায়ণ দাস ছাড়াও সুন্দরের আর কয়েকজন প্রখ্যাত শিষ্য ছিলেন—যথা শ্যামদাস, দামোদরদাস, দয়াল দাস, নির্ম্মল দাস মহাযোগী বালকরামজী বেদান্তী ইত্যাদি ।

সুন্দরদাস তাঁহার গুরু সম্প্রদায় গ্রন্থে পরমেশ্বরকেই আদিগুরু কহিয়াছেন । তারপর একটির পর একটি গুরুর যে নাম করিয়াছেন সেগুলি এক একটি ভাব মাত্র । এইরূপ ৩৮টি গুরুর পর সুন্দরদাসে আসিয়া ধারা পৌঁছিয়াছে । বিধাতাই যে গুরু পাঠাইয়া জ্ঞান দেন আর সেই ভাবেই যে তিনি ছোসাতে দাদুকে পাঠাইয়াছিলেন তাহাও তিনি লিখিয়াছেন । তিনি দাদুর গুরুর আসল নামটি না বলিয়া বলিয়াছেন “বৃদ্ধানন্দ” ।

সাকানের খাভান্দিজীর বাগানের উত্তরভাগে সুন্দরদাসের সমাধি বিদ্যমান । সেখানে একটি শ্বেত পাথরে তাঁর মৃত্যু তিথি লেখা আছে আর চরণচিহ্ন খোদিত আছে ।

সংবত সত্রাসি ছীয়ালা ।

কার্তিক সুদী অষ্টমী উজালা ॥

তীজে পহর ভরসপতি বার ।

সুন্দর মিলিয়া সুন্দরসার ॥

এখানে এখনও ভক্তেরা মহোৎসবে সম্মিলিত হন । ফতহপুরে “কেজুট বংশীয় বৈশ্যেরা সুন্দরদাসের জন্ম একটা বাসস্থান তৈয়ার করিয়া দিয়াছিলেন । সেখানে মাটির নীচে একটি ঘর (ইহাকে গুহাও বলে), কূপ ও পাকা বাসস্থান এখনও বিদ্যমান ।

৬১। **প্রয়াগদাসজী :** প্রয়াগদাসজী বীহানী যোধপুরে অঙ্গগত ডীড্বাণা এবং ফতহপুরে থাকিতেন । সুন্দরদাস (ছোট) তাঁর কাছে থাকিয়া ধর্মালোচনা ও সাধনা করিতে ভালোবাসিতেন । কবি ও হিন্দীভাষারসিক আলফখা প্রয়াগদাসের অল্পবয়স্ক বন্ধু ছিলেন । পূর্বেই ইহা উল্লিখিত হইয়াছে যে ইহারা একত্র হইতেন এবং অনেক রাত্রি পর্যন্ত ইহাদের সাহিত্যালোচনা চলিত । হিন্দু ও মুসলমান সাধনার যোগে যে একটি মহা ভবিষ্যৎ গড়িয়া উঠিবে—তাহার স্বপ্ন ইহারা প্রত্যক্ষ হইতেও সত্য মনে করিতেন । প্রত্যক্ষ সব ভেদ ও সঙ্কীর্ণতা প্রতিদিন দেখিলেও সেট সবই তাঁহারা মায়া বলিয়া উড়াইয়া দিতেন আর সুদূরস্থিত সাধনা-লভা ঐক্যকেই পরমসত্য বলিয়া উপলব্ধি করিতেন । এই সব ঐক্যবাদী স্বপ্নদ্রষ্টার দল ধীরে ধীরে দারা শিকোহের সময় পর্যন্ত পৌঁছিল ।

এই দারাকে নাকি একবার ঐঃরাজ্জের মাঝিতে চেষ্টা করিয়া গোপনে খাণ্ডে বিষ গিশাইয়া দেন । পরে অনেক কষ্টে দারা আরোগ্য লাভ করেন । বিপদের দিনেও দারা শিখগুরু হররায়ের সঙ্গে ভগবৎপ্রসঙ্গে যোগ দিয়া প্রার্থনা করেন—“পাখিব সাম্রাজ্য আমার যায় যাউক ; ঈশ্বরের প্রেম রাজ্যে যেন স্থান পাই” । গুরু হররায় আশীর্বাদ করেন “ভক্তহৃদয়রাজ্য তোমার সিংহাসন অটুট রহিবে ।” পরে দারার আপন অমুচর জীবনখণ্ড পাঠান তাঁহাকে ধরাইয়া দেয় । মুসলমানধর্মের বিরুদ্ধতা করার অপরাধে আওরং-জেবের অনুরোধে ৩৭০ জন মুসলমান ধর্মশাস্ত্রবিশারদ তাঁর প্রাণদণ্ড প্রার্থনা করেন । সুরজপ্রকাশ গ্রন্থকার মতে সাধক সরমদ এই কাগজে স্বাক্ষর না কবায় আওরংজেবের কোপে পতিত হন । সরমদের পরে প্রাণদণ্ড হয় তবু তিনি বিচলিত হন নাই ।

হিন্দু ও মুসলমানদলের অনৈক্যবাদী শক্তিপন্থী সাধকেরা ইহার পরে ভারতবর্ষকে আপন আপন সঙ্ঘীর্ণ নীতি অনুসারে গড়িতে গেলেন তাই সবই নষ্ট হইয়া গেল।

১৬৩১ খ্রীষ্টাব্দে প্রয়াগদাসের মৃত্যুর পর ডীডরাণা শূন্য হইয়া গেল। সুন্দর দাসও আর বড় সেখানে থাকিতেন না। তবে এখনও ডীডরাণা এই সম্প্রদায়ের ভক্তদের একটি বড় তীর্থ। এখনও অনেক পুঁথী এখানে আছে। এখন সাধু শ্রীগোপালজী এখানে মহন্ত।

৬২। গরীবদাসজী ও মক্ষীনদাসজী।

পূর্বেই বলা হইয়াছে যে ভক্ত গরীবদাসজী দাদুর ছোষ্ঠপুত্র। গরীবদাসের ছোট ভাই ছিলেন মক্ষীনদাসজী। উভয়েই গভীর সাধনার বিষয় প্রকাশ করিয়া কবিত্বশক্তির পরিচয় দিয়া গিয়াছেন। আবার কেহ কেহ বলেন গরীবদাস দাদুর পালিত পিতৃমাতৃহীন শিষ্য। অনাথ দেখিয়া দয়াবশতঃ দাদু ইহঁাকে পালন করেন আর তাই দাদুকে ইনি পিতা বলিয়া জানেন। ইহার “অনভয়-পরমোদ” অর্থাৎ অন্তত্ব-প্রমোদ গ্রন্থ ভক্তজনের মধ্যে খুব সমাদৃত।

দাদুর মৃত্যুর পর নারায়ণাতে তাঁহার শ্রাদ্ধ মহোৎসবে গরীবদাসই প্রধান শ্রাদ্ধাধিকারী ছিলেন। ইনি পরে নারায়ণাতেই বাস করেন। পূর্বেই উল্লিখিত হইয়াছে যে সুন্দরদাসকে ইনি সেই সময় অবহেলা করিয়াছিলেন মনে করিয়া সুন্দরদাস তার তীব্র প্রতিবাদ করেন। এখন এই মঠে সাধু শ্রীদয়ারামজী মহন্ত পদে আসীন। দাদুর মৃত্যুর পর নিজের সম্মতি না থাকিলেও সকলের সম্মতিতে গরীবদাসই দাদুর অনুরাগীদের নেতা হন। গরীবদাস ছিলেন সাধক; দল চালাইবার মত তীক্ষ্ণ দৃষ্টি ও সর্বতোমুখী সতর্কতা তাঁর ছিল না। তাই যখন নানা ক্রটি এই পন্থে প্রবেশ করিতে লাগিল তখন কেহই আর একথা খুলিয়া বলিতে সাহস করেন না। অবশেষে সকলের অনুরোধে রজ্জবজী গরীবদাসের কাছে যান এবং অতি ভদ্রভাবে ইঙ্গিত করিয়া লেখেন—

“দাদুকে পাট দীপে দিনহী দিন।”

(রজ্জব লিখিত গরীবদাসকী ভেটকা সর্বৈয়া)।

“দাদুর পাট দিনে দিনেই দীপ্ত হইতেছে” অর্থাৎ রাতে তাঁর নিয়ম কেহ মানেন না। যদিও রজ্জব ইণ্ডাও বলিলেন—গরীবদাস

“উদার অপার সবে সুখদাতা।”

(রজ্জব লিখিত গরীবদাসকী ভেটকা সর্বৈয়া)।

“উদার অপার ও সকল সুখদাতা”। “গরীবের গর্ব নাহি, দীনরূপে সকল সেবকের মাঝে থাকিয়া সেবা করিতেছেন কেহ তাঁহার কাছে আসিয়া বিমুখ হন না; তিনি আনন্দরূপ।”

“গরীবকে গর্ব নাহি দীনরূপ দাস মাহি”।

আয়ে ন বিমুখ জাহি আনন্দকা রূপ তৈ ॥”

(রজ্জব কৃত গরীবদাসজী ভেটকা সর্বৈয়া)।

গরীবদাস ইঞ্জিতটুকু বুঝিতে পারিয়া নিজে তাঁর পদ পরিত্যাগ করিলেন ও তাঁর ছোট ভাই মঙ্কীনদাস দলের ভার লইলেন। গরীবও মঙ্কীনদাসের স্থান এখন নারায়ণাতেই বিরাজিত।

দাদুভক্তদের মধ্যে “বিরক্তরা” মাথা মুড়ান ও এক বস্ত্র ও এক কমণ্ডলু মাত্র রাখেন। “নাগা”দের কথা পূর্বেও বলা হইয়াছে। ইহাদের অনেকেই অস্ত্রধারী যোদ্ধা। “বিস্তর-ধারী”রা সাধারণ গৃহস্থ। ইহারা তিলক ধারণ না করিলেও মালা ব্যবহার করেন। ইহাদের মাথায় সাদা গোল বা চৌকোণ “টোপা” থাকে, সাধক তাহা নিজেই সেলাই করেন। ইহাদের অনেকে জীবের প্রতি দয়াবশত মৃতদেহ দাহ না করিয়া নিষ্কনে নিষ্কপ করেন, পশু পক্ষী তাহা খায়।

দাদুর মৃত্যুর প্রায় একশত বৎসর পরে শিখগুরু গোবিন্দ সিংহ নরাণাতীর্থে যান। ১৭০৬ ঈশাব্দের শেষভাগে তিনি রাজপুতানা ভ্রমণ করিতেছিলেন, তখনই তাঁহার নারাণা দর্শনের সুযোগ ঘটে। সেই সময়ে ভক্ত জৈতজী ছিলেন সেখানে মহন্ত। গুরু গোবিন্দ তাঁর কাছে দাদুর উপদেশ শুনিতে চাহিলেন। জৈতজী দাদুর উপদেশ শুনাইলেন, “ভবের বাজারে আসিয়া কত লোক ব্যর্থ ফিরিয়া গেল, হে দাদু, জগতের প্রত্যেক বস্তুর উপর লোভ ও দাবী ত্যাগ কর, নিষ্কাম হইয়া জীবন কাটাও, দাবী কিছু করিও না।” গুরু

গোবিন্দ বলিলেন, “ধম্ম প্রবক্তাদের জগৎ এই কথা ভাল কিন্তু এমন শাস্ত্রভাবে সাধনা যারা করে তাহারা কি কখনো ধম্ম রক্ষা করিতে পারে? বরং বল, ‘জগতের উপর দৃঢ় রাখ দাবী, দুষ্টির অধিকার লও ছিনাইয়া, দুর্বৃত্ত বৈরীকে কর নিঃশেষ।’”

মহন্ত জৈতজী দাদুর একটি উপদেশ পড়িলেন “কেহ যদি তোমাকে টেলা নিক্ষেপ করে তবে মাথায় করিয়া সেই টেলা বহন কর।” গুরু গোবিন্দ বলিলেন, “সে কি কথা? কেহ যদি তোমাকে টেলা মারে, তবে তাহাকে পাথর ছুড়িয়া মার।” গোবিন্দ তখন জৈতজীকে বুঝাইতে লাগিলেন, “সময় বড় মন্দ পড়িয়াছে, দুষ্টির বড় প্রশ্রয় পাইয়াছে, সাধু সন্তানের উপর অনবরত চলিয়াছে জুলুম। কাজেই অত্যাচারীদের পিশিয়া ফেলিতে হইবে। কমার দ্বারা ইহাদের হৃদয় জয় করিতে পারিবে এমন কথা মনেও স্থান দিও না। যাহারা এই পবিত্র উদ্দেশ্যে অস্ত্রধারণ করিবে সে জীবন উৎসর্গ করিবে সাধকের সদগতি ও স্বর্গের তাহারাই অধিকারী। এইজন্যই আমি আমার ‘খালসা’ প্রতিষ্ঠিত করিয়াছি, আমার শিষ্যদের হাতে অস্ত্র দিয়াছি তাহাদিগকে বীরের দীক্ষায় সিংহ করিয়া তুলিয়াছি।”

দাদুব সমাধিস্থলকে গুরু গোবিন্দ শ্রদ্ধাভরে প্রণতি করিয়াছিলেন। তাঁর শিষ্য হইয়াও মানসিংহ তাহাকে খালসাব নিয়ম শুনাইয়া দিলেন, “ভুলক্রমেও মুসলমানদের গোরস্থান বা হিন্দুর সমাধিস্থানকে পূজা করিবে না।” গুরু নিজের ক্রটি স্বীকার করিয়া স্বেচ্ছাক্রমে সওয়া শত টাকা দণ্ড দিলেন।

৬৩। মাধোদাসজী ও শঙ্করদাসজী :

ভক্ত মাধোদাসের স্থান যোধপুরের অন্তর্গত গুলর গ্রামে। রেলের গাছিপুরা স্টেশন হইতে এখানে যাইতে হয়। এখানে সাধু রামলালজী মহাস্বপদে বিরাজিত। এখানেও অনেক সাধী ও সবদের সংগ্রহ আছে।

ভক্ত শঙ্করদাসের মঠ যোধপুরের অন্তর্গত বৃশেরা গ্রামে। বালোজা স্টেশন হইয়া এখানে যাইতে হয়। এখানেও অনেক হাতে লেখা পুঁথি আছে।

৬৪। জনগোপালজী : ভক্ত জনগোপালের মঠ জয়পুর শেখানাটির অন্তর্গত আন্ধী (Andhi) গ্রামে। এখানে মহন্ত ধনসুখদাসজী এখন বর্তমান আছেন।

৬৫। **জগজীবন** : ভক্ত জগজীবন ছোসা নগরীর উপকণ্ঠে টহলড়ী পাহাড়ে বাস করিতেন। নিজে তেমন শিক্ষিত না হইলেও ইনি বিচার বড় অমুরাগী ছিলেন। ইহার উৎসাহ ও সহায়তায় সুন্দরদাস যে কালীতে বিদ্যাশিক্ষার জন্ম যান তাঁহা পূর্বে উল্লিখিত হইয়াছে।*

৬৬। **মোহনজী জগ্গাদাসজী ও অগ্রাণ্ড ভক্তগণ** : ভক্ত মোহনজী ছিলেন রজ্জবজীর অন্তরঙ্গ বন্ধু। ইঁহারা প্রায়ই একসঙ্গে সাক্ষানের নগরীতে বাস করিতেন। সুন্দরদাস তাঁহার জীবনের শেষ বৎসরটি ইঁহাদের কাছেই যাপন করেন এবং সেইখানেই ইহলোক হইতে বিদায় নেন।

ভক্ত জগ্গাদাস প্রায় গুরুর সঙ্গে ছায়ার মত ঘুরিতেন। দাদু বৃদ্ধ হইলে ইনিই গুরুর হইয়া দূর গ্রামে বা নগরে সর্ববিধ কাজে যাইতেন। দাদু যখন আমেরে যান তখন সোঁকিয়া গোত্রের খণ্ডেলওয়াল বৈশ্য বংশের কন্যা সতী দেবীকে “সংপূরবতী হও” বলিয়া ইনিই আশীর্বাদ করেন।† সতীদেবীর পুত্রই হইলেন সুন্দরদাস। রাঘবদাসের ভক্তমালে এই বিষয়ে ভালরূপ বিবরণ দেওয়া আছে।

জৈমল, জাইসা ভক্ত, বখনাজী প্রভৃতির আপনাদের লেখা দ্বারাই নিজেদের অমর করিয়া রাখিয়া গিয়াছেন। ইঁহাদের স্থানগুলি এখনও ভক্তদের নিকট তীর্থ বলিয়া পূজিত। সাত বৎসরের সুন্দরদাসকে যখন তাঁহার পিতামাতা দাদুর চরণে উৎসর্গ করেন তখন দাদুর সঙ্গে ছিলেন ভক্ত জাইসা ও ভক্ত খেমদাস। “জন্ম পরাচী” গ্রন্থে জনগোপাল ইঁহাদের বিষয় লিখিয়াছেন।

ভক্ত ক্ষেত্রদাস গভীর সাধক ছিলেন। দাদুর সাম্যভাবে একটি সুন্দর চিত্র আমরা ক্ষেত্রদাসের লেখাতে পাই।

দাদুর দুই কন্যার বাণীও অতি চমৎকার। কিন্তু দুর্ভাগ্যক্রমে তাহা বড়ই

* প্রকরণ (৬০) দ্রষ্টব্য।

† প্রকরণ (৬০) দ্রষ্টব্য।

হুপ্রাপ্য। তাঁহার আরও সহস্রাঙ্গ নারী শিষ্যা ছিলেন। তাঁহাদের বাণীও এখন দুর্লভ।

আবার দুই একজন শিষ্যা ইহঁাকে পরিত্যাগ করিয়া নিজেরা সম্মানের আকাঙ্ক্ষায় নূতন পন্থা প্রবর্তন করিয়াছেন। যেমন ভিডওয়াণার সাধু হরি-দাস নিরঞ্জনী দাদুকে ত্যাগ করিয়া কবীরপন্থে যান। পরে আবার নিজেরই এক নূতন পন্থা প্রবর্তন করেন।

দাদু সম্পর্কীয় গ্রন্থমালা বিশেষজ্ঞগণ (ছ)

অধ্যাপক James Hastings কর্তৃক সম্পাদিত Encyclopædia of religion and Ethics, Vol IV, ৩৮৫ ও ৩৮৬ পৃষ্ঠায় Dadu নামক প্রবন্ধটি John Traill সাহেবের লেখা। এই Traill সাহেবই জয়পুর হইতে ১৮৮৪ সালে Bhasha literature সম্বন্ধে একটি স্মৃতিস্তম্ভ memorandum প্রকাশ করেন। ট্রেল সাহেবের মতেও দাদুর কাল ১৫৪৪ হইতে ১৬০৩ খ্রীষ্টাব্দ। অর্থাৎ মঠবাসী মহন্তদের মতই তিনি উদ্ধৃত করিয়াছেন। এবং তাই তিনি দাদুর জন্ম বিষয়েও তাঁহাদের মতই লিখিয়া দিয়াছেন। অর্থাৎ তিনি বলেন, দাদু আমেদাবাদে গুজরাতি ব্রাহ্মণ লোদিরামের পুত্র এবং পরে দাদু সান্তর, আমের ও নারায়ণাতে বাস করেন। সান্তরে এখনও দাদুর জামা ও খড়ম রক্ষিত আছে। আকবরের সঙ্গে দাদুর ধর্ম আলোচনা হইত। ইনি বলেন দাদুর ১৫২ জন শিষ্য। ইহা বোধ হয় লিখিবার বা ছাপার ভুল হইয়াছে। মুখ্য শিষ্য সংখ্যা হইবে ৫২ জন। Traill সাহেবের এই লেখাটিতে দাদুপন্থীদের সম্বন্ধে আরও অনেক কথা আছে। ঐ সম্প্রদায়ের গৃহস্থ, সন্ত, সাধু, স্বামী, খালসা (শিষ্যদের খালসা নয়, দাদুপন্থী খালসা), নাগা উত্তরাঢ়ী, বিরক্ত, থাকী প্রভৃতিদের বিষয়ে কিছু কিছু পরিচয় দেওয়া আছে।

Traill সাহেব এই সকল গ্রন্থও দেখিতে বলেন—W. W. Hunter, Imperial Gazetteer of India, 1885—87 ; vi, 344 p. ; vii, 5 ; and Article “Amber” “Naraina”.

W, Crooke, Tribes and castes of N. W. Provinces and Oudh, Calcutta. 1896, vol II, 236—239.

E. W. Hopkins, Religions of India, London, 1896, p. 513 f.

J. C. Oman, Mystics, Ascetics and Saints of India. London 1903 ; pp. 133. 189.

A. D. Bannermann, Rajputana Census Report, Lucknow, 1902, p. 47 f.

টেল সাহেবের উল্লিখিত এই সকল গ্রন্থ ছাড়া আরও দর্শনীয়—A Grierson, The Modern Vernacular Literature of Hindusthan. M. Garcin De Tassy, Histoire De La Literature Hinduie Et Hindaustanie.

G. R. Siddons. I. A. S. B. June 1837.

H. H. Wilson. Asiatic researches XVII, 302 p : Religious sects of the Hindus p 103.

History etc of the Hindus, vol II, p. 481.

দবিস্তা (A. Troyerএর অনুবাদ), “দাদু দরবেশ ।”

জন গোপালের লেখা “জীবন পরীচী” ও দাদুর অন্যান্য ভক্তদের লেখা । এলাহাবাদ সম্ভবাণী পুস্তকমালাতে (বেলভেডিয়র প্রেস) দাদুবাণী ও তাহার উপক্রমণিকা ।

পণ্ডিত চণ্ডিকাপ্রসাদ ত্রিপাঠী (আজমের বৈদিক যন্ত্রালয়)—দাদুবাণী ও তাহার ভূমিকা । দাদুপন্থী সাহিত্য সংগ্রহ করিয়া ত্রিপাঠী মহাশয় সকল দাদু-সাহিত্য-প্রেমিকের মহত্বপূর্ণ কার্য করিয়াছেন ।

পূর্বে উল্লিখিত ও জয়পুরজেলপ্রেসে ছাপা ডাক্তার রায় দলজং সিংহ খেমকা বাহাদুরের দাদুর বাণী (শ্রীমান শেঠ যুগলকিশোর বিরলার সাহায্যে মুদ্রিত) ।

বোম্বাই বেকটেশ্বর প্রেস হইতে প্রকাশিত দাদুবাণী । কাশী নাগরী প্রচারিণী সভা হইতে প্রকাশিত সূধাকর দ্বিবেদীর দাদুবাণী ও বিশেষরূপে তাহার দ্বিতীয়ভাগের ভূমিকা ।

গাঢ়ওয়াল, পৌড়ী হইতে শ্রীযুত তারাদত্ত গৈরালা দাদুর কতক বাণী বাছিয়া তাহার ইংরাজী অনুবাদ করিয়াছেন, শীঘ্রই তাহা প্রকাশিত হইবে ।*

ভক্ত ও কবিদের সম্মুখে যে সব হিন্দী লেখকদের লেখা আছে তাহাও

* পরে তাহা প্রকাশিত হইয়াছে ।

দ্রষ্টব্য। যথা, মিশ্র-বন্ধু-বিনোদ (৩ খণ্ড), হিন্দীগ্রন্থ প্রচারকমণ্ডলী, (এলাহাবাদ); ইত্যাদি।

Modern Vernacular Literature of Hindusthan. (Sir George A. Grierson).

Asiatic Society of Bengal, Calcutta;

কবিতাকৌমুদী (১ম ভাগ, রাম নরেশ ত্রিপাঠী), সাহিত্য সম্মেলন, এলাহাবাদ, প্রভৃতি হিন্দী সাহিত্যিকদের সম্বন্ধে গ্রন্থ।

নাভাজ্জার ভক্তমালা বা প্রিয়দাসের টিকায় দাদু বা তাঁর পন্থ সম্বন্ধে কিছুই নাই। তবে রাঘবদাসজীর ভক্তমালা ও ঐরূপ ভক্তদের চরিত-গ্রন্থ দ্রষ্টব্য।

Glossary of Tribes and castes, The Punjab and North Western frontier Provinces, Vol. I. দ্রষ্টব্য।

ইহা ছাড়া “সুরঙ্গপ্রকাশ”; ফানী রচিত দবিস্তান-ই-মজাহিব; “গুরু-বিলাস”; “ভক্ত-লীলামৃত” প্রভৃতি গ্রন্থ; উর্দু ও পারসীতে লেখা ভক্তদের সম্বন্ধে লিখিত আরও গ্রন্থ আছে। সবগুলি প্রকাশিতও হয় নাই; সেগুলিও দ্রষ্টব্য।

Shahpur Gazetteer দ্রষ্টব্য। তাহাতে এই tradition বা পুরাবর্ত্তার উল্লেখ আছে যে দারাশিকোহ নাকি দাদুর বন্ধু ছিলেন। এখানে লেখা উচিত ছিল দাদু-পন্থীয় দাদুর ভক্ত সাধু ও মরামিয়াদের সঙ্গে দারাশিকোহর আলাপাদি হইত। ভক্ত বাবালালের সঙ্গে দারার দীর্ঘ আলাপ ভক্তদের মধ্যে প্রসিদ্ধ। দারাশিকোহ দাদু হইতে অনেক পরবর্ত্তী সময়ের লোক। তবে তিনি যে দাদুপন্থী সাধকদের সঙ্গে গভীর আলাপ করিতেন ইহা প্রসিদ্ধ আছে।

পাঞ্জাবের দিকে দাদুর চিত্রাদি পাওয়া যায়। একটি চিত্রে দেখা যায় স্বয়ং ভগবান গুরু হইয়া দাদুর মাথায় হাত দিয়া আশীর্বাদ করিতেছেন। চিত্রের মধ্যে দেখা যায় দাদু বালক মাত্র। কিন্তু এই সব চিত্র বিশ্বাসযোগ্য নয়। নারায়ণা, আমের প্রভৃতি মঠে তাঁর ব্যবহৃত পড়ম, লাঠী, জাণা বা চিত্রাদি বলিয়া ধরা আছে, সেগুলির সত্যতা সম্বন্ধেও নিশ্চয় করিয়া বলা চলে না। আমেরের মঠে দাদুর সাধনার গুহাও দেখান হয়। এখানকার মহন্তের মতে এই গুহাতেই দাদুদখাল সাধনা করেন।

সান্তুর নারায়ণা প্রভৃতি স্থানে দাদুপন্থীদের যে সব মঠ আছে তাহাকে রীতিমত “বিদ্যায়তন” বলিলেও চলে। সেখানে অধ্যাপকেরা উপরের তলায় ও শিষ্যেরা নীচের তলায় থাকেন। সর্বত্র শান্তি শৃঙ্খলা ও গাঙ্গৌর্ধ্য সুপ্রতিষ্ঠিত দেখা যায়।

এই তো গেল সব গ্রন্থের নাম। তারপর যে সব মানুষের কাছে এখনও এই সব খবর মিলিতে পারে দিনদিনই তাহাদের সংখ্যা কমিয়া আসিতেছে। জয়পুর শেখাবাটীর উদয়পুরের অন্তর্গত বিদ্যাসর নিবাসী শিবভজনজী এখন পরলোকে, খণ্ডেলার স্ত্রীদাসজীও এখন জীবিত নাই।

জয়পুরের ভরথরীজীও এখন পৃথিবীতে নাই, সুরত বেগমপুরার পণ্ডিত মোতিরামজী অল্পদিন হইল স্বর্গগত হইয়াছেন। মহন্ত বিহারীদাস একজন ভাল তত্ত্বজ্ঞ ছিলেন। তাঁর কাছে অনেক প্রবীণ সব দাদুপন্থী সাধক আসিয়া মাঝে মাঝে থাকিতেন। এখন তাঁর শিষ্য গঙ্গারামজী জয়পুরে বিদ্যাধরকা রাস্তাতে তাঁর স্থানে আছেন।

আমার সম্পাদিত “কবীরের” প্রথম খণ্ডে যে কয়জন সাধুর নাম করিয়াছি দাদুর বিষয়েও তাহাদের নাম করা উচিত। নাম উল্লেখ করিবার অন্তিমতি পাই নাই এমন মৃত ও জীবিত কয়েকজনের নাম এখানে করিতে পারিলাম না।

এই ক্ষেত্রে যে কয়জন জীবিত অভিজ্ঞ জনের নাম করিতে পারি তার মধ্যে পদমর্ষাদা অনুসারে নারায়ণামঠের মহন্ত শিখামী দয়ারামজী মহারাজের নাম প্রথমে উল্লেখযোগ্য। তার পরই জয়পুরের শেখাবাটী শীকরের সুবিদ্বান মহন্ত রামকরণজীর নাম করা উচিত। জয়পুর আমেরের মহন্ত বিহারীদাস, জয়পুরের অন্তর্গত উদয়পুরের লালশোধ, চাঁদসেন নবাইর নাম করা উচিত। জয়পুরের শ্রীযুত লক্ষ্মীদাস বৈজ্ঞ ও পুরোহিত হরিনারায়ণ ও ডাক্তার দলজং সিংহ খেমকা মহাশয়ের নাম করা উচিত। রজ্জব উপক্রমণিকার প্রারম্ভে রজ্জবজীর গ্রন্থ সম্পাদন বিষয়ে নিযুক্ত সব কয়জন ভক্তজনেরই নাম করা যায়। মলসীসরের সর্দার শ্রীমান ঠাকুর সাহেব ভূরসিংহজীর নাম করা যাউতে পারে। নারায়ণামঠের সাধু রামদাসজী ভক্ত যুবক হইলেও তীর্থযাত্রার অনুরাগবশতঃ নানাস্থানের খবর দিতে

পারেন। স্বরত বেগমপুরার মঠের মহন্ত রামপ্রসাদজী গুজরাতের সব খবর দিতে পারেন। তবে কাহারও কাছেই সব খবর মিলিবে না, নানাস্থান হইতে নানাদিকের খবর নিতে হইবে। এখানে দাদু-শিষ্যদের প্রতিষ্ঠিত নানা মঠে যে সব সাধু ভক্ত মহন্তরা জীবিত আছেন তাঁহাদের নামও অনেকস্থানে দেওয়া হইয়াছে। তাহাও দর্শনীয়।

সাম্প্রদায়িকবর্গ ও সাধকবর্গ (জ)

এত যে মুদ্রিত পুস্তকের, পুঁথির ঠিকানার ও মালুমের খবর দেওয়া গেল তাহার একটু কারণ আছে। আমার সংগৃহীত “কবীরের” বাণীগুলি দেখিয়া অনেক খ্রীষ্টীয় মিশনারী মহাশয় অভিযোগ জানাইয়াছেন যে কেন আমি কেবলমাত্র কবীর বীজকের বাণীই ছাপাই নাই। কবীরের প্রথম পণ্ডের ভূমিকা দেখিলেই তাঁহারা জানিতে পারিতেন যে আমার প্রধান চেষ্টা ছিল (মরমিয়া) সাধকদের মধ্যে মুখে মুখে প্রচলিত পাঠগুলিকে সংগ্রহ করিয়া রক্ষা করা। কারণ এই সব পাঠগুলি অতিশয় গভীর ও সুন্দর ; আর মরমিয়া সাধুদের সঙ্গে সঙ্গে এই সব বাণীও লোপ হইয়া আসিতেছে। যে সব সাধুদের নিকট আমার সংগ্রহ, তাঁহাদের অনেকেরই নাম আমি সেখানে দিয়াছি। বাহারা তাঁহাদের নাম প্রকাশের অনুমতি দেন নাই তাঁহাদের নাম অবশ্য প্রকাশ করিতে পারি নাই। বাহারা বীজক ও অন্যান্য মুদ্রিত গ্রন্থের পাঠ দেখিতে চান তাঁহাদের জন্য সে সব সন্ধানও সেখানেই দিয়াছি। মুদ্রিত বীজকাদি গ্রন্থের বাণীগুলি এখনই নষ্ট হইবার ভয় নাই বলিয়াই আপাততঃ সেটাদিকে মন দেই নাই। আমার প্রিয় ও যোগ্য ছাত্র শ্রীমান দুলারে সহায় শাস্ত্রী নিজে কবীর পংখী। তিনি সম্প্রতি কবীর বীজক বাহির করার ইচ্ছা করিয়াছেন। ত্রিজ্যা ও বাথেলখণ্ডী টীকা সনেত বীজক আরও অনেকে বাহির করিয়াছেন। আমার সংগৃহীত কবীরের বাণী হইতে শ’খানেক পদ শ্রদ্ধাম্পন শ্রীযুক্ত রবীন্দ্রনাথ ঠাকুর মহাশয়ের অনুবাদের সাহায্যে দেশে দেশে ছড়াইয়াছে ও অতিশয় সমাদৃত হইয়াছে।

বৈদেশিক প্রচারকেরা যখন আমাদের ধর্মের কোনো বিষয় জানিতে চান তাঁরা অনেক সময় ভুলিয়া যান যে বাহার বিষয় তাঁহাদের জানিবার ইচ্ছা, তাহার জীবন বলিয়া একটা বালাই থাকিতে পারে। তঁরা সাধকদের মধ্যে এই সব বাণী ক্রমে কিছু রূপান্তরিত হইতেও পারে, সব ধর্মেরই তাহা হয় কিন্তু জানিবার ইচ্ছার ঝোঁকে অনেক সময় জেয় বিষয়টির প্রতি এই সব তথ-

সন্ধানীরা নিষ্ঠুর হইয়া ওঠেন। জ্ঞাত ও অজ্ঞাতসারে নানাভাবেই Vivisection অর্থাৎ জীবন্ত জেয় বস্তুকে ছেদন করিয়া দেখা হয়। এই সব ভারতের ধর্ম বৈদেশিক কুতূহলী জেটার কাছে জেয় বস্তুমাত্র। কিন্তু ভারতের সাধনা ও ধর্ম যাহাদের মরমের বস্তু তাঁহাদের কাছে এই সব জিনিষের জীবন আছে ও তাই তাঁদের কাছে এসব বস্তুর একটি দরদের দাবীও আছে।

সাধারণতঃ মঠে ও সম্প্রদায়িক গ্রন্থাদিতে সম্প্রদায়িক বাণীই স্থান পায়। মহাবাণীগুণি প্রায়ই সম্প্রদায় প্রভৃতির সঙ্কীর্ণতা ও ভেদবুদ্ধির উপর বজ্রের আগুন ঢালিয়া দেয়। মহাপুরুষেরা এই সব জলন্ত বাণীর উৎস বলিয়া যখন তাঁহারা জীবিত থাকেন তখন তাঁহারা সমাদর পান না। কারণ এই সব জীবন্ত ও জলন্ত মহাপুরুষদিগকে হজম করা সহজ কথা নহে। তাঁহারা যখন সংসার হইতে চলিয়া যান তখন লোকেরা তাহাদের মহাবাণীগুণিকে বাদসাদ দিয়া আগুন নিবাইয়া নিরাপদ করিয়া নিজেদের পছন্দমত করিয়া লয়। জীবন্ত, জলন্ত সব মহাপুরুষকে নিজেদের সুবিধামত নিজীব করিয়া লোকেরা সমাজমন্দিরে প্রতিষ্ঠা করে ও সম্প্রদায় চালায়। প্রায়ই দেখা যায় মহাপুরুষদের মঠগুলি ও সম্প্রদায়গুলি তাঁহাদের অগ্নিময়ী বাণী যথাসাধ্য পরিহার করে ও এড়াইয়া চলে। অনেক জীব আছে যাহার শিকার করিয়া তাহাকে পচাইয়া নরম করিয়া নিজেদের সুবিধামত হইলে তবে আহাৰ করে। কবীরের মৃত্যুর পর যখন তাঁহার শিষ্যদের মধ্যে সম্প্রদায়-স্থাপনাকাঙ্ক্ষী বিষয়ীর দল ভেদবুদ্ধি ধ্বংসকারী কবীরকে নরম করিয়া সুবিধামত করিয়া লইয়া দল বাধিতে ইচ্ছা করিলেন তখন তাঁহার পুত্র কমাল যে কিরূপে তাহাতে বাধা দিলেন তাহা পূর্বেই উল্লিখিত হইয়াছে। তিনি কিছুতেই সম্প্রদায় প্রতিষ্ঠা করিতে সহায়তা করিলেন না দেখিয়াই সবাই বলিলেন—

“ডুবা বংশ কবীরকা জব উপজা পুত্র কমাল।”

অর্থাৎ, “কবীরের যে কমাল পুত্র জন্মিল, তাহাতেই তাঁহার বংশ ডুবিল।” পূর্বেই বলা হইয়াছে যে এই কথাটির নানারকম ব্যাখ্যা আছে। তারপর বহুকাল গেল, সম্প্রদায় আর হয় না। অবশেষে সুরত-গোপালকে ধরিয়া সেই মঠ ও সম্প্রদায়ই গড়িয়া উঠিল যাহার বিরুদ্ধে কবীর আজীবন যুদ্ধ করিয়াছেন। তারপর গড়িয়া উঠিল ধর্মদাসের সম্প্রদায়। আজ যদি কবীর জন্মগ্রহণ

করিতেন তবে সকলের আগে বোধ হয় তাঁহার নিজের মঠ ও সম্প্রদায়ের বিরুদ্ধেই তাঁহাকে হাত দিতে হইত।

মহাপ্রাণ মহামানব খ্রীষ্টের অনুবর্তী মিশনরী মহোদয়গণ কেন যে কবীবের সাম্প্রদায়িক বাণীর উপরই এত ঝোঁক দেন তাহা তো বুঝি না। তাঁহারা কবীরের সময় ঐতিহাসিক অনুসন্ধানেব জন্ম এত ব্যগ্র হইলেও খ্রীষ্ট সম্বন্ধে কি সেই ঐতিহাসিক গবেষণা পছন্দ করেন? তখন তাঁরা পরবর্তী ভক্তদের মধ্য দিয়া যে খ্রীষ্ট গড়িয়া উঠিয়াছেন তাঁহাকেই আশ্রয় করিতে চাহেন। অথচ পৃথিবীর অল্পাল্প সাধকজনের ক্ষেত্রে তাঁরা এই উদারতাটুকু দেখাইতে অসম্মত।

মহাপুরুষের সত্য ও সাধনাকে যাহারা বৈষয়িক উত্তরাধিকারীর মত অধিকার করিয়া রাখিতে চান সেই সব সাম্প্রদায়িকরা মনে প্রাণে গুরুকে আপনাদের প্রয়োজনমত করিয়া লইতে গিয়া যথার্থ গুরুকে বধ করেন। মরমিয়ারা বলেন “তাঁহারাই ‘গুরুশত্ৰু’ যাহারা গুরুর অগ্নিবাণীর ভয়ে ও বজ্রসাধনার ভয়ে সত্য গুরুকে বধ করিয়া নিজেদের পছন্দমত ক্ষুদ্র গুরু সৃষ্টি করেন। গুরুহীন ‘নিগুণা’ হইতে এই সব ‘গুরুমারেরা’ ভয়ঙ্কর।” ইহঁারা গুরুকে নিজের মত করিয়া লইয়া নিজেদের ভাবেই বাণী রক্ষা করেন। আত্মকল্পিত ও আত্মসৃষ্ট গুরুর অনুবর্তন করা অপেক্ষা সোজাসৃজি অন্তরের মধ্যে প্রকাশিত সত্যকে মানাই ভাল। কারণ তাহাতে ভগবদ্বাণী শ্রবণ করিবার কিছু সম্ভাবনা থাকে, কিন্তু স্বয়ং-সৃষ্ট গুরুকে লইয়া কাজ করিতে গেলে আধ্যাত্মিক স্বার্থপরতা ফলাইবারই সুযোগ ঘটে। দল হইতে ভ্রষ্ট বিময়-বুদ্ধিহীন ক্ষেপা মরমিয়ারা সাধুরা ক্রুপা করিয়া মুখে মুখে যে সব মহাবাণী রাখেন, তাহাতেই মহাপুরুষদিগের পরিচয় পাইবার উপায় কতক পরিমাণে থাকিয়া যায়।

বাংলাদেশের সম্প্রদায়ী সাধক ও অসম্প্রদায়ী বাউলদের দেখিয়া এই কথাটা আমার মনের মধ্যে আরও গভীর হইয়া বসিয়া গিয়াছে।

স্বধাকর দ্বিবেদী মহাশয় দুঃখ করিয়া বলেন “বড় দুঃখের কথা এখনকার সম্প্রদায়পতি ও মঠাধিকারী মহন্তরা অনেকেই এই সব মহাপুরুষদের গ্রন্থাদিও দেখিতে দেন না, নানাস্থানে এই সব গ্রন্থ লোকলোচনের অস্তুরালে পচিয়া যাইতেছে তবু ইহঁারা যথাসম্ভব সব জ্ঞাতব্য বিষয় লুকাইবেন।”

এই সব ক্ষেত্রে যাঁহারা গভীরভাবে কাজ করিতে চান তাঁহারা ই বিবেদী মহাশয়ের এ উক্তি যে কত সত্য তাহা বর্ণে বর্ণে অনুভব করিবেন। এই ক্ষেত্রে ভবিষ্যৎ সেবকদের এ সব দুঃখ যে আছে তাহা জানিয়া রাখা উচিত।

মিথ্যা পরিচয় দিয়া ভক্তজনকে যাঁহারা উচ্ছে উঠাইয়া তুলিতে চান তাঁহারা বুঝেন না এইরূপ চেষ্টা কত গহিত। দাদুর বাণীতে বিস্তর মুসলমানী ভাব আছে, অথচ তাঁহাকে ব্রাহ্মণ বামান দরকার। এই উভয় দিক রক্ষা পায় কিসে? তখন মনে পড়িল, গুজরাতে নগর ব্রাহ্মণেরা চিরকাল মুসলমান বাজাদের আমলা; কাজেই আরবী পারসী শিক্ষায় দীক্ষায় তাহারা মুসলমান অপেক্ষা শীল নহেন। তাই দাদুকে হইতে হইল নগর ব্রাহ্মণ।

এমন অবস্থায় দাদুকে কার্যস্থ করিলেও চলিত। আর এইরূপ নজীর যে না আছে তাহা নয় কিন্তু তাহা হইলে তাঁহাকে তো ব্রাহ্মণ করা হইত না। তাই দাদুকে নগর ব্রাহ্মণের ঘরেই জন্মিতে হইল।

নগর হইতে হইলেই জন্মিতে হয় গুজরাতে, তাই তাঁহার জন্মস্থান হইল আমেদাবাদ। সেখানে না তাঁহাকে কেহ জানে, না তাঁহার কোনো চিহ্ন আছে। মাত্র সত্তর তিন শত বৎসর হইল তিনি পরলোক গিয়াছেন। ইহার মধ্যেই তাঁহার সব চিহ্ন সব স্মৃতি তাঁহার জন্মস্থান হইতে এমন ভাবে মুছিয়া গেল? অথচ আমেদাবাদের উত্তরে দক্ষিণে নানা স্থানে দাদুর বহু অনুরাগী ও ভক্ত আজও আছেন মঠমন্দিরাদিরও অভাব নাই।

দাদুর ধূনিয়া বংশে জন্মের কথা প্রকাশ্যভাবে লিখিত হইবার পর আমি একবার আজমীরে চাক্রিকা প্রসাদজীর সঙ্গে দেখা করি। তিনি দুঃখ করিয়া বলিলেন—“জানেন? আমাদের এই সব লেখালেখিতে মঠের মহন্তরা ও সাধুরা দাদুর সম্বন্ধে মঠে রক্ষিত সব প্রামাণিক পুঁথিগুলি নষ্ট করিতে আরম্ভ করিয়াছেন!” হয়তো পূর্বেও এই বিষয়ে বিস্তর প্রমাণ নষ্ট করা হইয়াছে; তবু সে সব অত্যাচার এড়াইয়াও যে সব প্রমাণ রহিয়া গেছে তাহা লইয়াই সত্যকে কোনও কোনও বিষয়ে এখনও নিঃসংশয়িতরূপে প্রতিষ্ঠিত করা যায়। কিন্তু তাঁহাদের এই সকল প্রয়াস সফল হইলে ভবিষ্যতে এই সব সত্য জানিবার আর কোনো উপায় অবশিষ্ট থাকিবে না।

দাদু সংগ্রহ পরিচয় (ঝ)

দাদু ছিলেন অক্ষরপরিচয়হীন সাধক। যখন যে সত্য তিনি জীবনে উপলব্ধি করিয়াছেন, যখন যে অনুভব তাঁহার অক্ষরকে পূর্ণ করিয়াছে, তাহাই তিনি কণ্ঠে প্রকাশ করিয়াছেন। অধিকাংশ শিষ্যই তাহা শুনিয়া কণ্ঠস্থ করিয়া রাখিয়াছেন। সৌভাগ্যবশতঃ দুই একজন শিষ্য লিপিতে জানিতেন তাঁহারা পরে অনেক বাণী অনেক কণ্ঠ হইতে সংগ্রহ করিয়া রাখিয়াছেন। নানা জনের নিকট হইতে সংগ্রহ করায় একই বাণী নানা আকার ধারণ করিয়াছে। হয়তো; দাদু নিজের বিশেষ বিশেষ ভাবের শ্রোতার কাছে একই বাণীকে ভাবানুসারে একটু আধটু বদলাইয়া বদলাইয়া অনেক রকম করিয়া ফেলিয়াছেন। আবার হয়তো বা বহুশিষ্যের বহুবিধ বৈচিত্র্যবশতঃ বাণীর নানা আকার হইয়া বাণীর সংখ্যা বৃথাই বাড়িয়া গিয়াছে।

৬০। **বাণীর সংখ্যা :** এই কারণেই দাদুর পদ এখন ২০ হাজারের উপর। যদিও শিষ্যদের সংগৃহীত কোনো একখানি গ্রন্থেই তিন চারি বা বড় ছোর পাঁচ হাজারের বেশী বাণী বা শব্দ নাই। আর তাহার মধ্যেও একই পদের একাধিকবার পুনরুক্তি আছে। একটি ভাবে মনের মধ্যে দাগিয়া দিবার জন্য দাদু এক এক সময় একই বাণীকে বদলাইয়া নানাভাবে বহুবার বলিয়াছেন। অবশ্য তাহাকেও আমি পুনরুক্তির মধ্যে ধরিতেছি না। লেখা সংগ্রহগুলি যে বাণী রচনাব অনেক পরে সংগৃহীত হইয়া ছিল তাহা সংগ্রহগুলির বৈচিত্র্য ও ভেদ দেখিলেই বুঝা যায়।

যে কারণে দাদুর বাণীর সংখ্যা-বহুলতা সেই কারণেই তাঁহার শিষ্যদের রচিত বাণীর সংখ্যা ও বহু বিস্তৃত। প্রথিত আছে যে ভক্ত জাইসার রচিত পদ সওয়া লক্ষ, ভক্ত সুন্দরদাসের রচিত পদ এক লক্ষ বিশহাজার, ভক্ত রজবজীর পদ ৭২ হাজার, ভক্ত মাধোদাসের ৬৮ হাজার, ভক্ত প্রধাগদাসের ৪৮ হাজার, ভক্ত গরীবদাসের ৩২ হাজার, ভক্ত বখনাজীর ২০ হাজার, বাবা বনওয়ারীদাসের ১২ হাজার, ভক্ত শঙ্করদাসের সাড়ে চারিহাজার। কিন্তু

জয়পুর-রাজ্য-অন্তর্গত শেখাবাটি প্রান্তস্থ ভক্ত সমাজ যে রজ্জবজীর বাণীর বৃহৎ চয়ন সংগ্রহ করিয়াছেন তাহাতে ৭২ হাজারের স্থলে ১০,০১৩টি মাত্র পদ পাওয়া গেল। এই বাণী সংগ্রহে যত ব্যয় লাগিয়াছে সব দিয়াছেন খেতড়ী এলাকার চুড়ীগ্রামবাসী শেঠ শিবনারায়ণ সুরজমল নেমানী, আরও ব্যয় লাগিলে তিনি একাই সব বহন করিতে প্রস্তুত ছিলেন। রজ্জবজীর এই এই বাণী সংগ্রহে শীকরনিবাসী মহাত্মা শ্রীরামকরণজী, মহাত্মা শ্রীবলদেব দাসজী বিরক্ত, মহাত্মা লালদাসজী, পণ্ডিত হীরালালজী, মহাত্মা শ্রীরামদাসজী মণ্ডলীশ্বর দ্বলধনিয়া, মহাত্মা কেশবদাসজী (কালডেরা জয়পুর), ও প্রধান সম্পাদক ভিরানী নগরীশ্বর শ্রী ১০৮ রামকৃষ্ণ দাসজী বৈষ্ণব শিষ্য পণ্ডিত কুপা রামজী সাধু বৈষ্ণব। সকলে মিলিয়া শ্রম ও চেষ্টা করিয়াছেন তবু দশ হাজার তেরটি মাত্র পদ পাওয়াছেন, তার মধ্যেও বিস্তর পুনরুক্তি আছে।

সুন্দরদাসের একলক্ষ বিশ হাজার পদের স্থানে আসলে আট দশ হাজারের বেশী পদ মিলিতেছে না। জয়পুরের শ্রীযুত পুরোধিত হরিনারায়ণ মহাশয় কালী নাগরা প্রচারিণী সভার তরফ হইতে একখানি “সুন্দরসার” বাহির করিয়াছেন ও এখন সুন্দরের সম্পূর্ণ পদ প্রকাশের উদ্যোগে আছেন। কিন্তু তাহাতেও সম্পূর্ণ পদ ৮ হাজার হইতে অধিক হইবে না।

জনগোপালের লেখা ২৮৬৪ পদ। তার মধ্যে ১৫০টি শ্লোকে দাদুর “জীবন পরীচা” বা জীবন পরিচয়। এই কারণে এই গ্রন্থখানি খুব মূল্যবান। নাভাজীর ভক্তমালে বা প্রিয়াদাসের টীকায় দাদুর নামমাত্রও নাই। নানক প্রভৃতি অনেক বড় বড় সাধুর নামই ভক্তমালে নাই। যে সব মহাত্মারা প্রচলিত শাস্ত্রাদির বা লোকপ্রতিষ্ঠিত মতের বাহিরের কথা বলিয়াছেন, তাহাদের কথা অনেক স্থলে ভক্তমাল বলেনই নাই অথবা তাহাদিগকে নিজের মতের মত করিয়া লইয়া তবে তাহাদের নাম উল্লেখ করিয়াছেন।

যে কয়জন ভক্ত শিষ্য দাদুর বাণী সংগ্রহ করিয়াছেন তাহাদের মধ্যে রজ্জবজী মুসলমান, ভক্ত সন্তদাসজী ও ভক্ত জগন্নাথজী হিন্দু। ইহারাও বাচ্ছিয়া বাচ্ছিয়া বাণীগুলি গ্রহণ করিয়াছেন ও নিজদের পছন্দমত আকারই রাখিয়াছেন। ইহাদের সংগ্রহে বাদ পাড়িয়া গিয়াছে এমন কিছু কিছু গভীর বাণীও নিরক্ষর ভক্তেরা কণ্ঠে রক্ষা করিয়াছেন, অথচ লেখা বাণীর সবগুলি

কণ্ঠে রক্ষা করা সম্ভব হয় নাই। কণ্ঠে করিয়া রাখিবার শক্তির সীমা আছে, কাজেই সাধনার জন্য যাত্রা সব চেয়ে মূল্যবান ও গভীর বাণী তাহাই তাঁহারা রক্ষা করিয়াছেন। লেখায় যতটা ধরে স্মৃতিতে ততটা ধরে না তাই তাঁহাদিগকে অনেক বাচ্ছিয়া বাচ্ছিয়া লইতে হয়। এখানেই “কাগজিয়া” ও “মগজিয়া” ভক্তের পার্থক্য। সাধক পরম্পরায় বাচ্ছাই হওয়ায় খুব অল্প সংখ্যক পদেই দাদুর সবগুলি ভাব ও সৌন্দর্যই ফুটিয়া উঠিয়াছে। মরমিয়া ভক্তেরাই মরম অনুসারে পদগুলিকে সুন্দর করিয়া বাচ্ছাই করিয়া সাজাইয়াছেন। তাঁহারা সাজাইয়াছেন নিজদের ভাবের অনুসারে। সেই ভাবের প্রকরণগুলি পরে লেখা হইবে। ইহাদের মধ্যে কেহ কেহ লিখিত পুঁথির ৩৭ অঙ্ককে স্বীকার করিয়াছেন কিন্তু ৩৭ অঙ্ককে স্থান দিয়াছেন প্রধান ছয় প্রকরণের মধ্যে।

দাদুর নিজের কোনো সাজাইবার প্রণালীর কথা জানা নাই। কাজেই ভক্ত সন্তদাস ও জগন্নাথ দাস যে দাদু বাণী সংগ্রহ করিয়াছেন তাহাতে বাণী-গুলির ভাল ভাবে অঙ্ক বিভাগ করা নাই, এবং একই বাণী বহু আকারে বহু স্থানে আছে। এই সংগ্রহের নাম “হরডে বাণী”। রজ্জবজীর সংগ্রহেও পুনরুক্তি দোষ আছে, তবে হরডে বাণীর মত বেশী নয়।

রজ্জবজী যে সব পদ সংগ্রহ করিয়াছেন তাহা তিনি ৩৭ অঙ্ক ভাগ করিয়া সাজাইয়াছেন। এই সংগ্রহের নাম তাই “অংগবন্ধু”। পরবর্তী আধিকাংশ পুঁথিই রজ্জবজীর “অংগবন্ধু”র প্রণালী অনুসারে লেখা। যে সব পুঁথি “অংগবন্ধু” গ্রন্থকে অনুসরণ করিয়াছে তাহাদেরও কোনো দুইটা পুঁথির পদের সংখ্যা বা পদের মর্যাদা ঠিক এক নহে। অবশ্য অঙ্ক ৩৭টি ঠিকই আছে আর অনেক শ্লোকই প্রায় মেলে। আমার অধ্যাপক কাশীর পূজ্যপাদ স্বর্গীয় মহামহোপাধ্যায় সুধাকর দ্বিবেনী মহাশয়ের “অংগবন্ধু” প্রণালীতে লেখা পুঁথি খানিতে সার্থী সংখ্যা ২৬২৩ ও গানের সংখ্যা ৪৪৫ ছিল অথচ জয়পুরের ডাক্তার বায় দলজং সিংহ খেমকা বাহাদুরের পুঁথিতে লেখা আছে সার্থীর সংখ্যা ২৪৪২ আর গানের সংখ্যা ৪৪৪ কিন্তু গণিয়া পাঠলাম ২৩৭৪ সার্থী আর ৪২৮টি গান। ডাক্তার খেমকা বাহাদুরের পুঁথিও “অংগবন্ধু” অনুসারে লেখা। ডাক্তার খেমকা তাঁর সম্পাদিত পুঁথিতে নিজের নাম দেন নাই।

বইখানিতে আছে “কাল ডেরা কা স্তম্ভদেবজী নে পঠনার্থ লিখী।”
“জেল প্রেস জয়পুর মে শ্রীমান সেঠ যুগল কিশোরজী বীরলা পিলানীরালাকে
সহায়তা সে মুদ্রিত হই।”

আজমীঢ়ের পণ্ডিত চন্দ্রিকা প্রসাদ ত্রিপাঠী মহাশয়ের অতি সুন্দর গ্রন্থ
দাদু দয়ালজী কী বাণীতে পাই ৩৭ অঙ্কে ২৬৫৮টি সাখী ও ২৭ রাগে ৪৪৫টি
গান ও শ্লোক। সর্বশেষে মুদ্রিত হইলেও কায়াবেলীর পদের নম্বর ৩৫৭—৩৬৪
পর্যন্ত। তীকা দিবাব প্রয়োজন থাকায় এই অংশটুক সর্বশেষে ছাপা হইয়াছে।
এই উপক্রমণিকাতে উদ্ধৃত প্রায় দাদুবাণীগুণিতেই এই গ্রন্থানুসারে সংখ্যা
দেওয়া হইয়াছে। কচিং দুই একটিতে দ্বিবেদী মহাশয়ের গ্রন্থানুসারে দেওয়া
হইয়াছে।

দাদুব লেখা বাণীর কতক “সাখী” ও কতক “শব্দ” বা গান। এই গুলির
কতক “ভাবপদ” অর্থাৎ ভাবের পদ ও কতক “করণী পদ” অর্থাৎ সাধন
কবিবাব পদ্ধতির উপদেশ। “করণী পদ” প্রায়ই পুঁথিতে থাকে না, সে সব
ছিনিষ গুরু শিষ্যকে সাধনার সময় শিক্ষা দেন, কাজেই সেগুলি কতকটা
গুপ্ত। সেই সব পদে দেহতত্ত্ব, ঘটচক্র, কমল স্থান, ভ্রমর বেধ, ইড়া-পিঙ্গলা-
স্বয়ম্বার ত্রিবেণী, ধারা উর্নটাইয়া ব্রহ্মস্থানে পৌছান প্রভৃতির কথা থাকে।
“করণী পদ”গুলি ক্রিয়াগত বলিয়া যাহারা সেই প্রণালীতে সাধনার্থী নন
তাহারা বড় একটা জানিতে চান না। আর সম্প্রদায়স্থিত লোকেরাও
বাহিরের লোককে তাহা জানাইতে চান না। কাজেই সেগুলি পুঁথিতে
থাকে না, মুখে মুখেই থাকে, সে গুলির সংখ্যাও বেশী নহে। সব সংগ্রহেই
ভাবপদের মাঝে মাঝে কখনও কখনও এক আধটা করণী পদ ও আসিয়া
পড়িয়াছে।

স্বর্গীয় স্তম্ভাকর দ্বিবেদী মহাশয় দুঃখ করিয়া বলিয়াছেন, “প্রায় সর্বত্রই দাদুর
বাণী ও শব্দ একত্রে মিশান পাওয়া যায়, পাঠকদের হিতার্থ আমি তাহা
আলাদা করিয়া করিয়া সাজাইয়া প্রকাশ করিয়াছি, কারণ তাহা না হইলে
পাঠকগণের বড় অসুবিধা।”

“ভাবপদ” কে দাদু কখনও কখনও “কথনী পদ”ও কহিয়াছেন।
“কথনী” অর্থাৎ যাহা সকলকেই বলা চলে। “কথনী” ও “করণীর” যোগে

সাধনা পূর্ণ করিলে জ্ঞানের উদয় হয়। “ইড়া-পিঙ্গলা-সুধরা”র ত্রিবেণীর মত সাধনায় যদি “কখনী-করণী জ্ঞানের” ত্রিবেণী ঘটে তবে সাধক পরিপূর্ণতা লাভ করে, তাহাতেই মুক্তি। দাদুর মতে পরিপূর্ণতার মধ্যে নিজেকে ডুবাইয়া দেওয়াই মুক্তি, মুক্তি অর্থ কোনো বিশেষ রকমের বা কোনো পবিত্র রকমের আত্মঘাত নহে; ইহা একান্ত সহজ অবস্থা। সাধনাকে অনেক সময় অন্তর রকম সোজা করিতে গিয়া সাধক আপনাকেই সব দিক দিয়া ক্ষয় করিয়া দেয়। পাপ হইতে আপনাকে রক্ষা করা বরং সহজ কিন্তু ধর্মের নামে আত্মঘাত হইতে নিজেকে রক্ষা করা অনেক সময় কঠিন।

৭০। **বাণী-বিভাগ :** সাধারণতঃ বাণীর পদগুলি ৩৭ অঙ্কে বিভক্ত। রঞ্জবজীর অংগবন্ধু প্রণালীতেই এই ভাগ সর্বত্র কবা হইয়াছে বলিয়া অঙ্কগুলির ভাগ করার পদ্ধতিতে বড় একটা প্রভেদ কোথাও নাই। অবশ্য সন্তদাস জগন্নাথদাসের প্রণালীতে এই ভাগ যানাই হয় না। স্বর্গীয় সুধাকর দ্বিবেদী, আজমীরের শ্রীযুক্ত চন্দ্রিকা প্রসাদ ত্রিপাঠী, জয়পুরের ডাক্তার দলজং সিং খেমকা প্রভৃতি প্রায় সবাই এই প্রণালীতেই সাজাইয়াছেন, কারণ সকলেই “অংগবন্ধু” সংগ্রহেই প্রকাশ করিয়াছেন।

১।	গুরু	কো	অঙ্ক
২।	স্মিরণ	"	"
৩।	বিরহ	"	"
৪।	পরচা	"	"
৫।	জরণা	"	"
৬।	হৈবাণ	"	"
৭।	লয়	"	" (ত্রিপাঠী—“লৈ”)।
৮।	নিহকরমী পতিব্রতা	"	"
৯।	চেতরণী	"	" (ত্রিপাঠী—চিতরণী)
			(দলজংসিং খেমকা—চিন্তামণি)।
১০।	মন	"	"
১১।	সূচম জনম	"	" (ত্রিপাঠী—সুধিম জনম)।
১২।	মায়া	"	"

১৩।	সাঁচ	"	"	
১৪।	ভেখ	"	"	
১৫।	সাধু	"	"	(সাধ—ত্রিপাঠী)।
১৬।	মধ্য	"	"	(মধি—ত্রিপাঠী)।
১৭।	সারগ্রাহী	"	"	
১৮।	বিচার	"	"	
১৯।	বিশ্বাস	"	"	(বেসাস—ত্রিপাঠী)।
২০।	পীয় পিছানন	"	"	(পীর পিছান—ত্রিপাঠী)।
২১।	সমরথার্জ	"	"	
২২।	সবদ	"	"	
২৩।	জীবিত মৃতক	"	"	
২৪।	সুরাতন	"	"	
২৫।	কাল	"	"	
২৬।	সজীবন	"	"	
২৭।	পারিথ	"	"	(ডাক্তার খেমকার গ্রন্থে "পারথ")।
২৮।	উপজ	"	"	(ত্রিপাঠী—উপজনি)।
২৯।	দয়া নিরবলতা	"	"	(ত্রিপাঠী ও ডাক্তার খেমকার গ্রন্থে নিবৈরতা)।
৩০।	সুন্দরী	"	"	
৩১।	কস্তুরিয়া মৃগ	"	"	
৩২।	নিন্দা	"	"	
৩৩।	নিরঞ্জন	"	"	(ত্রিপাঠী "নিগুণা"; খেমকা "নগুণা")
৩৪।	বিনতী	"	"	
৩৫।	সাষীভূত	"	"	
৩৬।	বেলী	"	"	
৩৭।	অবিহড়	"	"	

এই ৩৭টি অঙ্কে স্বর্গীয় দ্বিবেদী মহাশয়ের গ্রন্থে ২৬২৩টি পদ আছে।
ডাক্তার শ্রীমুত খেমকার গ্রন্থে ২৩৭৪টি পদ আছে।

সবদ বা গানের মধ্যে দ্বিবেদী মহাশয়ের গ্রন্থে ২৭টি রাগ ও ডাঙ্গার খেমকার গ্রন্থে ২৮টি রাগ পাঠি।

দ্বিবেদী মহাশয়ের গ্রন্থে গানের সংখ্যা ও রাগ অনুসারে ভেদ দেওয়া যাইতেছে।

রাগের নাম	গান সংখ্যা দ্বিবেদীর গ্রন্থে।
১। মালীগৌড়	১৬
২। ভৈরো	৫৬
৩। রামকলী	৪৬
৪। অসাবরী	৩৪
৫। কেদারা	২৬
৬। মারু	২৬
৭। বিলারল	২১
৮। গুংড	২১
৯। টোড়ী	২০
১০। মালীগৌড়	১৫
১১। সোরঠ	১৪
১২। কান্হড়া	১৫
১৩। সূহৌ	১০
১৪। ধনাত্রী	১০
১৫। বসন্ত	৯
১৬। সীংখড়া	৮
১৭। নটনারায়ণ	৭
১৮। অড়ানা	৬
১৯। সারংগ	৫
২০। ললিতা	৫
২১। ভাঁগমলী	৪
২২। দেহগছার	৩
২৩। গৌড়ী	২

২৪।	কল্যাণ	২
২৫।	হুসেনী বংগালী	২
২৬।	জৈতশ্রী	২
২৭।	পরজ	১

দ্বিবেদী মহাশয়ের গ্রন্থে মোট ৩৮৬টি গান। ত্রিপাঠী মহাশয়ের গ্রন্থে ৪৪৫টি গান। ডাক্তার দলজং সিংহ খেমকার গ্রন্থে ৪২৮টি গান। তারপর কোন রাগে কয়টি গান তাহাতেও কিছু পার্থক্য আছে।

ইহার অধিকাংশ গানই দীর্ঘ এবং বহুজনের এক সঙ্গে গাহিবার মত গান। আরতিগুলি বেশ দীর্ঘ। পুঁথিতে লিখিত গান ছাড়াও দাদুর বহু গান ভক্তদের কণ্ঠে কণ্ঠে আছে। সাধু ভক্তেরা দাদুর সঙ্গীত অতি মধুর স্বরে গান করেন, গানের স্বরও অতিশয় মধুর। মধ্যযুগের সাধকেরা ভাব অনুসারে নূতন নূতন স্বর সৃষ্টি করিয়া গিয়াছেন, তাঁহারা এ বিষয়ে কোনো নির্দিষ্ট ব্যাকরণ বা বিধান মানেন নাই। তাঁহাদের স্বররচনা সহজ মধুর ও গম্ভীর, তাহাতে কোন ওস্তাদী জটিলতা নাই, এই প্রণালীর স্বরকে ভজন বলে। ভজনের মধ্যে পুরাতন নানাবিধ স্বর ভাবানুসারে মিশ্রিত করা হয় ও নূতন নূতন স্বরেরও সৃষ্টি হয়। বড় বড় ওস্তাদরা এই সব সাধুদের পদতলে বসিয়া ও পদাক অনুসরণ করিয়াই ধন্য হইয়াছেন। ইহাদের কাছেই ওস্তাদরা নূতন নূতন স্বর গ্রহণ করিয়াছেন আর তাহাতেই পরে ওস্তাদীর ঐশ্বর্য্য বসাইয়া নিজদের প্রয়োজন সাধন করিয়াছেন। কাশী, রাজপুতানা ও আবুপর্ব্বতের নানাভাগে পাঞ্জাবে ও সিন্ধুদেশে এই সব স্বরের গায়ক সাধু ভক্তের এখনও দেখা মেলে। কাঠিয়াওয়াড়েও এই সব স্বর শোনা যায়। গুজরাত দাদুপন্থীদের একটি প্রাচীন আড্ডা হইলেও এখন আর সেখানে তেমন ভজনাদি মেলে না। কাঠিয়াওয়াড় হইতে মাঝে মাঝে ব্যবসায়ী ভজনগায়কদের গুজরাতে পরিভ্রমণ করিতে দেখা যায়।

যরমিয়া সাধু ভক্তেরা অন্তরের ভাব অনুসারে দাদুর বাণীকে প্রধানতঃ ৬টি প্রকরণে ভাগ করেন। “অংগবংধু”র ৩৭ অঙ্ক বাহারা স্বীকার করেন, তাঁহারা ঐ ছয় প্রকরণের মধ্যেই ৩৭ অঙ্কে বসাইয়া দেন যথা—

প্রথম প্রকরণ—জাগরণ। ইহাতে গুরু সাধু ও চেতবণী এই তিনটি অঙ্গ থাকে।

দ্বিতীয় প্রকরণ—উপদেশ। ইহাতে নিন্দা, সুরাতন, পারিখ, দয়া নিরবলতা ও জীবিত মৃতক এই পাঁচটি অঙ্গ থাকে।

তৃতীয় প্রকরণ—তত্ত্ব। ইহাতে কাল, সঁচ, বিচার (সিদ্ধসত্য), কস্তুরিয়া মৃগ ও সবদ এই পাঁচটি অঙ্গ থাকে।

চতুর্থ প্রকরণ—সাধনা। ইহাতে প্রথমে আছে ৭টি বাধার অঙ্গ যথা ভেখ (বাহিরে সজ্জার বাধা), মন (অন্তরের বাধা), মায়া (মিথ্যা তত্ত্বের বাধা) সূক্ষ্ম জন্ম (অস্থিরতা চঞ্চলতার বাধা), উপজ (‘‘অহম্ ভাব’’ উৎপত্তির বাধা), নিরঞ্জনিয়া (সাধকের আপন অযোগ্যতার বাধা) হৈরান (পরিমাণের দ্বারা অপরিমেয়কে বুঝিবার চেষ্টায় ব্যর্থতার বাধা), এই সাতটি বাধার অঙ্গ।

আর সাতটি সহায়ক অঙ্গ। যথা—বিনতি (দয়া প্রার্থনা), বিশ্বাস, মধ্য (অপকৃপাত), সারগ্রাহী, স্মিরণ (স্মরণ) লয়, সজীবন এই সাতটি সহায়ক অঙ্গ।

পঞ্চম প্রকরণ—পরিচয়। ইহাতে আছে জরণা (ভাবকে আপনার মধ্যে সমাহিত রাখা), পরচা (পরিচয়), অবিহড় (অবিকার অবিনশ্বর), সাখীভূত (ভগবানই সব, জীব সাক্ষী ভূত মাত্র), বেলী (জীব অমৃতবল্লী), সমরথাই, পীয় পিছানন এই ৭টি অঙ্গ।

ষষ্ঠ প্রকরণ—প্রেম। ইহাতে আছে বিবহ, স্কন্দরী (ব্যাকুলতা) নিহকরমী পতিব্রতা, এই তিনটি অঙ্গ।

মরমিয়া শ্রেণীর ভাল সাধকদের মধ্যে মধ্যে খুব চমৎকার নির্বাচিত বাণী ও সবদ পাওয়া যায়। সেগুলি সংখ্যাতে কম হইলেও দেখা যায় যে বিস্তৃত রচনাবলীতে আর তার বেশী কোনো বড় ভাব নাই। পুঁথির পদের সঙ্গে কণ্ঠের পদের ও ভিন্ন ভিন্ন কণ্ঠের পদের মধ্যে একটু আধটু আকারগত অমিল অনেক সময় থাকে। ভিন্ন ভিন্ন পুঁথির পদেও এমন অমিল ও ইহা অপেক্ষা আরও বেশী অমিল যে দেখা না যায় তাহা নহে।

এই সংগ্রহে যে বাণী ও সবদ প্রকাশ হইতেছে তাহা সাধুদের কণ্ঠ হইতে নেন্দ্রিয়া। তবু তার প্রত্যেকটি আমি পুঁথির সঙ্গে মিলাইয়া দেখিয়াছি।

যে সব পদ ও গানের কাছাকাছি কিছুই কোনো পুঁথিতে নাই অর্থাৎ যে সব ভাব পুঁথিতে গৃহীত হয় নাই তাহা আপাততঃ এইবার প্রকাশ করিলাম না। ইহাতে একটি কি দুইটি পদ ছাড়া সব পদ ও গানই কোনো না কোনো পুঁথিতে আছে তবে আকার ও সন্নিবেশের কিছু পার্থক্য থাকিতে পারে। হয়তো ইহার একটি শ্লোক কি দুইটি শ্লোক পুঁথির মধ্যে ৫৭টি শ্লোকে ছড়াইয়া আছে। ৩৭ অঙ্ক রাখিলেও আমি তাহা সাধুদের কাছে পাওয়া ছয় প্রকরণে বিভক্তভাবেই রাখিয়াছি। অনেক বহুমূল্য ও চমৎকার পদও কোনও কোনও পুঁথিতে এখনও দেখি নাই বলিয়া এই গ্রন্থে বাদ দিলাম। প্রয়োজন বোধ করিলে পরে সে সব প্রকাশ করা যাইবে।

আবুপর্বত-প্রদেশ ও কাঠিয়াওয়াড়ে প্রাপ্ত পদগুলির মধ্যে গুজরাভী শব্দের প্রাচুর্য্য আছে। রাজপুতানায় সাধুদের কাছে পাওয়া পদে রাজপুতানী শব্দ ও কাশী প্রভৃতি অঞ্চলের সাধুদের কাছে পাওয়া পদে পূরবিয়া শব্দ বেশী মেলে। পুঁথিতেও এই সব রকম ভিন্নতাই দেখা যায়। স্বর্গীয় সূধাকর দ্বিবেদী মহাশয় (নাগরী প্রচারিণী সভার গ্রন্থমালার চতুর্দশ খণ্ডে) তাঁহার সংগ্রহেও এইরূপ ভিন্ন ভিন্ন প্রদেশের পদের কথা স্বীকার করিয়াছেন ও প্রকাশ করিয়াছেন।

কাশী ও রাজপুতানা অঞ্চলের বহু মঠেই দাদুর নানা পুঁথি রক্ষিত আছে নানা স্থানে ভক্তেরাও অনেক পুঁথি রক্ষা করিতেছেন। রাজপুতানার নারায়ণা (নিরাণা) গ্রামের মঠে, জয়পুরের আমের ও সখরের দাদুঘারায়, শীকরে (শেখাবাটী), জয়পুর উদয়পুরে (শেখাবাটী), ফতেপুর অর্থাৎ শেখাবাটীতে, আছীতে (শেখাবাটী), সাঙ্কানেরে, বুসেরা গ্রামে, ডিডবানা গ্রামে, রনীলা গ্রামে, যোধপুরের অন্তর্গত গুলর গ্রামে, পাতিয়ালার অন্তর্গত রতিয়া গ্রামে, খণ্ডেলায়, কোটাতে, জয়পুরে ও আজমীরে ও আরও বহু স্থানে ভক্তদের কাছে দাদুর সখরীয় নানা গ্রন্থ আছে।

সাধনার সুবিধার জন্ত এক ভাবলক্ষ্যে অনুপ্রাণিত নানা মতের সাধকদের বাণী সংগৃহীত হইলে সুবিধা হইবার কথা। ইহাতে স্কন্দর একটি উদারতা থাকা বাঞ্ছনীয়। ভারতে ভক্তগণের মধ্যে বহু প্রাচীন কাল হইতে নানা রকম ভক্তি ও প্রেম পদের সংগ্রহ আছে। কিন্তু সে সব বাণী প্রায়ই দেখা যায় তাঁহাদের নিজদের সম্প্রদায়ের অন্তর্গত ভক্তগণেরই রচিত। ভিন্ন

সম্প্রদায়ের ভক্তগণের বাণী সংগ্রহে যে সাহস ও মনের উদারতা থাকি দরকার তাহা সচরাচর তখন দেখা যাইত না। এই হিসাবে দাদু ও তাঁহার ভক্তগণ ভারতের সাধনায় একটি সুন্দর প্রথা প্রবর্তিত করিয়াছেন। শিখদের গ্রন্থসাহেবের কথা সবাই জানেন। ইহাতে তাঁহাদের নিজদের বাণী ও পূর্ববর্তী নানা সম্প্রদায়ের ভক্তদের পদ রক্ষিত আছে। ভক্তরা বলেন নানকপন্থীদের গ্রন্থসাহেবের সংগ্রহের পূর্বেই দাদু তাঁর প্রধান দুই শিষ্যকে নানা ভক্তের পদ সংগ্রহ করিয়া সাধনার একটি সার্বভৌম সংগ্রহগ্রন্থ রচনা করিতে আদেশ দেন। তদনুসারে হিন্দুবংশীয় সাধক জগন্নাথজী তাঁর অপূর্ব সংগ্রহ “গুণগঞ্জনামা” সংগ্রহ করেন এবং মুসলমানবংশীয় সাধক রজ্জব তাঁহার “সর্কাঙ্গী” সংগ্রহ করেন। গুণাগঞ্জনামায় ৫৫৯১টি দোহা ও চৌপাই আছে ৮০০০। সর্কাঙ্গী অতি অপরূপ গভীর আধ্যাত্মিক বাণীর সংগ্রহগ্রন্থ। এই দুই সংগ্রহে ইহাদের উদারতা, মরমের গভীরতা ও রসগ্রাহিতা দেখিয়া বিস্মিত হইতে হয়। এই দুইটি সংগ্রহই সম্পূর্ণ হয় দাদু জীবিত থাকিতে। দাদু উভয় সংগ্রহেরই রসান্বাদনে পরিতৃপ্ত হন। দাদুর মৃত্যুকাল ১৬০৩ খ্রীষ্টাব্দ। কাজেই অন্ততঃ ১৬০ খ্রীষ্টাব্দের পূর্বেই এই সংগ্রহ দুইটি হওয়ার কথা। গুরু অর্জুন ১৬০৪ খ্রীষ্টাব্দে প্রথম গ্রন্থসাহেব সংগ্রহ করেন। হয়তো এই সংগ্রহের ভাব তাঁহারা নিজেরাই পাইয়াছিলেন তবু তাঁরা দাদুর পরবর্তী। সংস্কৃত সাহিত্যে সুভাষিত সংগ্রহ নানাবিধ আছে; ভক্তদের পদ সংগ্রহও আছে—কিন্তু নানা সম্প্রদায়ের পদসংগ্রহপ্রথাপ্রবর্তনবিষয়ে দাদুর কিছু বিশিষ্টতা আছে।

পরে দাদুপন্থী সংগ্রহে আরও নানাবিধ পদ আরও নানাভাবের সাধকদের কাছে উদারভাবে গৃহীত হইয়াছে। এই সংগ্রহের কাজ পরবর্তী সাধকরাও করিয়াছেন।

আজমীরের শ্রীযুত চাঁদ্রকান্সাদ ত্রিপাঠীর এইরূপ দুইটি পঁচিশ সের ওজনের এন্সাইক্লোপিডিয়া রকমের সংগ্রহ গ্রন্থ আছে। তাতে দাদুপন্থী সাধুদের কৃত নানাভাবের পদের সংগ্রহ আছে। এই দুইখানি গ্রন্থে ১২৩ জন ভক্তের বাণী সংগৃহীত। এই সংগ্রহও দেখিয়াছি। দাদু ভক্তরা এইরূপ বহু সংগ্রহ তাঁহাদের বহু সাধনার স্থলে যত্ন করিয়া রাখিয়াছেন।

ভারতের সাধনার পরিচয় ও ইতিহাস জানিতে হইলে সেগুলির দ্বারা বহু উপকার সাধিত হইবে। সুযোগ পাইলে ভবিষ্যতে সে সব সংগ্রহের কিছু পরিচয় দিবার ইচ্ছা আছে। দাদুপন্থী ভক্তগণের বাণীসংগ্রহগ্রন্থে সর্বাপেক্ষা বেশি বাণী দাদুজীরই থাকার কথা। তারপরই দেখা যায় বিস্তর কবীরজীর বাণী। তাহা ছাড়া নামদেব, রবিদাস ও হরদাসজীর বাণী। এই পাঁচ ভক্তের বাণীর সংখ্যাই সর্বাপেক্ষা বেশি। তারপর রামানন্দ, পীপা, নরসী মেহতা, সুরদাস, মংশেজনাথ, গোরখনাথ, ভরখরী, চর্পটনাথ, হালিপার (হাড়ি ফা), গোপীচন্দ, শেখ বাহাউদ্দীন, গুরু নানক, শেখ ফরীদ, সাধক কমালের পদ থাকে।

জয়পুরে এক অতি বৃদ্ধ সাধুর কাছে একবার একখানি দাদুপন্থী ভক্তবাণী সংগ্রহ দেখিয়াছিলাম। তাঁহার শিষ্য বিরমগামবাসী শঙ্করদাসজীর সঙ্গে আমার পরিচয় ছিল। তাই গ্রন্থখানি আত্মোপাস্ত দেখিবার সুবিধা হইয়াছিল। গ্রন্থখানি ১৭৬৬ সংবতে (১৭০২ খ্রীষ্টাব্দে) লিখিত। বৈশাখ মাসের কৃষ্ণ একাদশীতে গ্রন্থলেখন সমাপ্ত হয়। বাবা ঈশ্বরদাস তাঁহার শিষ্য বৈরাগী সন্তা দ্বারা ইহা লেখান। কুতব খাঁর মড়ীতে বাবা গোকুলদাসের কুটীরে গ্রন্থখানি লেখা হয়। এই গ্রন্থখানি আরও প্রাচীন একখানি গ্রন্থ দেখিয়া লিপিত। শুনিয়াছি পুরাতন একখানি এই রকম সংগ্রহ গ্রন্থ আছে জয়পুর জৌহরী বাজারে কল্যাণদাসজী ভাগুরীর বাড়ী, রাধামোহন লালজীর কাছে।

যাহা হউক আমার দেখা সেই বৃদ্ধ সাধুর সংগ্রহগ্রন্থখানিতে দাদুজী ও কবীরজী ছাড়া নামদেবজী, রৈদাসজী, হরদাসজী, নানকজী, কান্হাজী গরীবদাসজী, বনওয়ারীজী, রামানন্দজী, পীপাজী, পরসজী, ছীতমজী, বংবলজী, রংবাজী, কাজী কাদমজী, শেখ ফরীদজী, কাজী মহম্মদজী, (দরবেশ নামে খ্যাত), সেখ বহাবদজী, তিলোচনজী, সোমজী, চতুভূজজী, নরসীজী, ভীষজী, বহনাগরজী, বিসাজী, বেণীজী, সিবশ্রমজী, বিজলজী, গোবিন্দদাসজী, (১) নরসিংদাসজী, মুকুন্দভারতীজী, সন্তদাসজী, বিজাদাসজী, নেতজী, সারীজী, বান্দীকজী, অংগদজী, ভুবনজী, সীহাজী, শ্রীরজী, দীবাজী, ঘাটমদাসজী, চন্দনদাসজী, গোবিন্দদাসজী (২), রংগজী, ব্যাসজী, কীলহজী, নাভাজী, পরমানন্দজী, সুরদাসজী, শঙ্করজী, গোরখজী, বখনাজী, জনগোপালজী,

চৈনজী, টীলাজী, সাধুজী, পূরণজী, দূজনজী, জগজীবনদাসজী, জৈমলজী, রজ্জবজী, ঘরসীজী, সুন্দরদাসজী প্রভৃতি ভক্তের পদ আছে। দেখা যাউতেছে ইহাদের মধ্যে অনেকে মুসলমান বংশে জাত ভক্ত।

ইহাতে দেখা যায় কবীরের বাণীর ৫৮ অঙ্গে ভাগ করা সংগ্রহ তাঁহারা ব্যবহার করিয়াছেন। গোরখনাথজীর কয়েকখানি গ্রন্থের পরিচয়ও ইহাতে পাই যথা—পদ্মহৃতিখি গ্রন্থ, নিভয়বোধ গ্রন্থ, প্রাণসংগলী গ্রন্থ* মিথ্যাদর্শন যোগগ্রন্থ, অনভয়মাত্রবোধ গ্রন্থ, মচ্ছন্দরগোরখবোধ সংবাদ, আত্মবোধ যোগগ্রন্থ, রোমাবলী গ্রন্থ, জ্ঞানবতীক সারিকবোধ ইত্যাদি। গোরখনাথের যোগেশ্বরী সঙ্গী এক গ্রন্থ দেখি। নবনাথ ও তাঁহাদের পদও পাই। তাহাতে কিছু গৌড়ীয় নাথপদও আছে যথা—“অদেখ দেখিবা, দেখি বিচারিবা, আকৃষ্ট রাখিবা বাচিয়া পাতাল গঙ্গা স্বর্গে চড়াইবা”—ইত্যাদি পদের কথা পূর্বেও বলা হইয়াছে।

নাভাজীরচিত ভক্তমালে অনেক উদার ভক্ত সাধকদের নামও গৃহীত হয় নাই। সেই অভাব অনেক ভাবে দূর হইয়াছে দাদু সম্প্রদায়ী ভক্ত রাঘবদাসজীর রচিত ভক্তমালে। ইহাতে পৌনে দুইশত ভক্তের চরিত সংগৃহীত আছে। এই চরিতগ্রন্থে নানা সম্প্রদায়ের ভক্তগণেরই বিবরণ পাই। ইহাতে দেখিতে পাই ভারতের নানাবিধ সাধনার সঙ্গেই দাদুপন্থীদের যোগ আছে।

(১) ৩১ জন সম্প্রদায়ের বহির্ভূত ভক্তের কথা।

(২) চতুঃসম্প্রদায়ী ভক্তদের মধ্যে

(ক) রামানুজ সম্প্রদায়ের ২০ জন ভক্তের কথা।

(খ) বিষ্ণু স্বামী সম্প্রদায়ের ৬ জন ভক্তের কথা।

(গ) মধ্বাচার্য্য সম্প্রদায়ের ১৫ জন ভক্তের কথা।

(ঘ) নিম্বার্ক সম্প্রদায়ের ৬ জন ভক্তের কথা।

(৩) ষাটশ পন্থ মধ্যে

(ক) ষড়্দর্শন বাদী সন্ন্যাসী, যোগী, জন্ম, জৈন, বৌদ্ধ, সূফী।

(খ) নিরঞ্জনপন্থী, কবীর পন্থী, নানক পন্থী, দাদুপন্থী—চতুঃপন্থী ভক্তের কথা।

নানকজী নামেও একখানি প্রাণসংগলী গ্রন্থ প্রখ্যাত আছে

দাদু নিজেই স্মিরণ অঙ্ক অনেক ভাবে অনেক ভক্তের নাম করিয়া গিয়াছেন। যথা—নারদ, প্রহ্লাদ, শিব, কবীর, নামদেব, শুকদেব, পীপা, রবিদাস, গোরখ, ভক্তৃহরি, অনন্ত সিদ্ধাগণ, গোপীচন্দ, দত্তাজেয় (স্মিরণ অঙ্ক—১১০-১১৪) ; (দ্রষ্টব্য শব্দ ৫০, ৫১ প্রভৃতি) ।

তাহা ছাড়া তিনি নানা মতবাদীরও নাম করিয়াছেন, যথা—জ্যোগী, জয়ম, জৈন ও শৈব সেবকা সন্ন্যাসী, নৌক, সন্ন্যাসী, যদুদর্শনবাদী, সেখ, মুসার অনুবর্তী অর্থাৎ ইহুদী, উলিয়া, পৈগম্বর বাদী ও পীরবাদী প্রভৃতি (ভেগ কো অঙ্ক, ৩২, ৩৩) ।

দাদু নাম না করিলেও তাঁর পূর্বগুরু কবীর যে সব নাম করিয়াছেন তার মধ্যে জয়দেবের নাম উল্লেখ যোগ্য (দ্রষ্টব্য কবীর, নাগরী প্রচারিণী সভা, পরিশিষ্ট পদ ১১৩, ২০৮) । গ্রন্থ সাহেবেও জয়দেবের নাম শ্রদ্ধার সহিত উল্লিখিত। সেখানে তাঁর যে বাণী উদ্ধৃত আছে তাহাতে আমরা জয়দেবের যে বাণী গীতগোবিন্দে দেখি তাহা হইতে একেবারে বিভিন্ন রকমের বাণীর পরিচয় পাই। জয়দেবের সেই দিকের পরিচয় পাইয়াই কবীর, নানক, রজ্জব, সুন্দরদাস প্রভৃতি ভক্তগণ বারবার তাঁহার নাম স্মরণ করিয়াছেন।

পূর্বে উল্লিখিত বৃদ্ধ সাধুর কাছে দেখা ১৭০২ খ্রীষ্টাব্দের লিখিত পুঁথী-খানিতে রামানন্দের তিনটি পদ পাই। তার মধ্যে একটি পদ গ্রন্থসাহেবের সংগ্রহেও আছে। ইহাতে রামানন্দের সব মতের ও কথারই আভাস একস্থানে সংহতভাবে দেখিতে পাই। এমন কি সহজ শূন্যের কথাও পাই। “এই জীবনের মধ্যেই সব পাইয়াছি, বাহিরে আর যাওয়া কেন? চিত্ত তো বাহিরে চায় না যাইতে। বাহিরে শুধু জল আর পাষণ অথচ ভগবান তো সর্বত্র আছেন পূর্ণ করিয়া। পূজার জন্য ব্যাকুল হইয়া চুয়া চন্দন লইয়া মন চলিয়াছিল পূজা করিতে; গুরু দেখাইলেন, যাহাকে পূজা করিবে তিনি যে অন্তরেরই মধ্যে। এক ব্রহ্মের মধ্যেই রামানন্দের চলিয়াছে বিলাস। গুরুর এক শব্দে কোটি কর্মবন্ধন যায় কাটিয়া। সহজ শূন্যের মধ্যে নিত্য বসন্ত, এখন আর এই জীবন অন্যত্র চায় না যাইতে।” ইত্যাদি।

রামানন্দেরই প্রবর্তিত ছিল পূর্বে নাগা সম্প্রদায়। পরে দাদুর শিষ্যগণের মধ্যেও নাগা খালসা প্রভৃতি নানা বিভাগ স্থাপিত হইল। দাদুর মৃত্যুর পর

গরীবদাসজী প্রধান হন। তাঁর চালনাতে শৈথিল্য দেখায় বাহির হইতে কিছু তিরস্কার আসে তাই মস্কীনদাসজী প্রধান হন। তার পর ছই একজন নেতার পর ফকিরদাসজী নেতা হন। ইনিও মুসলমান বংশে জাত। দাদুর মৃত্যুর পর একশত বৎসর পর্য্যন্ত হিন্দু মুসলমান যিনি যোগ্য হইতেন তিনিই গদীতে বসিতেন। তারপর ক্রমশঃ এই সঙ্ঘ হিন্দু ভাবাপন্ন হইয়া উঠিল। রজ্জবদাসজীর গদীতে তারপরও হিন্দুমুসলমান নিব্বিশেষে যোগ্যতমেরাই নেতা হইয়া চালনা করিয়া আসিতেছেন। আজ পর্য্যন্ত দাদুপন্থীদের মধ্যে পৌত্তলিকতা চলিতে পারে নাই। একবার উত্তরাঢ়ী শাখার ভক্তগণ সেইরূপ চেষ্টা করিয়াছিলেন কিন্তু নাগাগণের ভীষণ বাধাতে তাহা সফল হয় নাই।

দাদুর মৃত্যুর পর প্রায় শ'খানেক বৎসর কোনো ভেদ হয় নাই। তারপর ভক্ত জেতরামের সময় খালসা, নাগা, বিরক্ত প্রভৃতি নানা ভাগ হইয়া যায়।

সকলে মিলিয়া ঈহাকে যোগ্যতম মনে করেন তিনিই মহন্ত হন। পূর্ববর্তী মহন্তের কাহাকেও নির্বাচিত করিয়া যাওয়া নিয়ম নহে। মহন্ত পদের জন্ম কোনো শিষ্য বিশেষকে নিয়োগপত্র দিয়া যাওয়া বিধিবিরুদ্ধ। নারায়ণার মহন্ত তাঁহার শিষ্য কানাজিকে এমন একখানি লিপি দিয়াছিলেন বলিয়া তাঁহাকে সকলের কাছে পরে কমা চাহিতে হয়।

ঈহাদের মধ্যে এখনো নানাস্থানে নানাভাবে সাধুদের বড় বড় সমাগম হয়। ফাস্তন অমাবস্তাতে ফুলেরার কাছে “ডুংগর ভরণা”তে চারিদিন খুব বড় সাধুসঙ্ঘম হয় তারপর নারাণাতে আটদিন মেলা বসে। তারপর দাদুর তপঃকেন্দ্র সান্তুরে বড় মেলা হয়। তাহা ছাড়া আরও অনেক মেলা ভক্তসমাগম উৎসবাদি ঈহাদের আছে।

উপক্রমণিকা পরিশিষ্ট

(শূন্য ও সহজ)

দাদুর শূন্যবাদ দেখিলেই কবীর ও রজ্জবের মত বুঝা যায়, তাই কবীর রজ্জবের শূন্যবাদ বাহুল্যভয়ে এখানে দেওয়া হইল না।

মধ্যযুগে যে ভাবে আমরা শূন্যবাদকে পাই ঠিক সে ভাবে না পাইলেও শূন্যবাদ আমাদের দেশে অতি প্রাচীন কাল হইতেই নানা আকারে চলিয়া আসিতেছে। বেদের নামদাসীয়া প্রভৃতি সূক্তে অথকের নানা স্থানে উপনিষদের নেতিনেতিমুখে ব্রহ্মবস্তু বুঝাইবার চেষ্টায় ইহার প্রথম প্রকাশ আমাদের কাছে ধরা পড়ে। বুদ্ধদেবের অনাত্মবাদের ও নির্ঝাণবাদের ব্যাখ্যায় বিষয়টা আরও একটু খোলসা হইল। অশ্বঘোষ, নাগার্জুন, আর্যাদেব, অসঙ্গ বস্তু প্রভৃতি মহাপুরুষেরা কথটা আরও একটু পরিষ্কার করিলেন। মহাযান সাধনায় শূন্য তত্ত্বটি ক্রমশঃ নান' ভাবে সুপে ও ঐশ্বর্যে ভরিয়া উঠিতে লাগিল। ক্রমে মাধ্যমিক মতবাদে বুদ্ধ, ধর্ম, ঈশ্বর সবাই শূন্য হইয়া উঠিলেন। বজ্রযান যোগাচার প্রভৃতি মতবাদীদের রূপায় শূন্যই ক্রমে হইয়া দাঁড়াইল বিশ্বের মূলতত্ত্ব। শূন্য ছাড়া বিশ্ব জগৎ দেব দেবী প্রভৃতি কিছুই কিছু নয়, সবই মায়া।

এই শূন্যই ক্রমে অলখ নিরঞ্জন হইয়া নাথপন্থ নিরঞ্জনপন্থ প্রভৃতিদের মধ্যে স্থান পাইল। গোরথনাথ প্রভৃতি যোগীদের মতবাদেও ইহা বেশ স্থান জমাইয়া বসিল। অগুঘড় প্রভৃতি বারপন্থীদের মধ্যেও শূন্যবাদের গৌরবময় স্থান। চৌরানী সিদ্ধাদের উপদেশে শূন্য একটি খুব বড় কথা। বাংলায় ক্রমে ক্রমে এই শূন্যবাদ ধর্মপূজা প্রভৃতিতে নানাভাবে জাঁকিয়া উঠিল। ধর্মপূজা বিধান, ধর্মমঙ্গল, শূন্যপুরাণ প্রভৃতি বাংলার নানা গ্রন্থে শূন্য আরও সুপ্রতিষ্ঠিত। উড়িষ্যার নিরঞ্জন পন্থে, মহিমাপন্থে, ধর্মপূজকদের মধ্যে এমন কি বলরাম দাস প্রভৃতি ভাগবতদের মধ্যেও শূন্যবাদের খুবই পসার।

মধ্যযুগের ভক্ত দাদুর বাণীর মধ্যে যে শূন্যবাদ আছে, তাহা লইয়াই এই প্রসঙ্গ। এখানে শূন্যবাদের আরও সব প্রাচীন পরিচয়ের অবকাশ নাই। আর তা ছাড়া অনেক পণ্ডিতজনের দৃষ্টি সে সব ক্ষেত্রে পতিত হইয়াছে, কাজও আরম্ভ হইয়াছে, কিছু লেখাও হইয়াছে, আরও হইবে। তবে বাংলার যোগীদের গানে ও সাহিত্যে ও নাথপন্থীদের গন্যাদিতে ও আউল বাউল দরবেশদের বাণী আলোচনা করিলে সহজ ও শূন্যবাদের অনেক চমৎকার জিনিষের পরিচয় মিলিবে যদিও এখানে তাহার আলোচনার স্থান নাই।

বৈদিক বৌদ্ধ প্রভৃতি যতের শূন্যবাদ হইতে মধ্যযুগের শূন্যবাদ ভিন্ন রকমের। কবীর দাদু প্রভৃতির শূন্যবাদ আলোচনা করিলেই তাহা ধরা পড়ে। দাদুর শূন্য সহজ বুঝিলেই কতকটা সেই যুগের শূন্যবাদের পরিচয় পাওয়া যায়। দাদুর কথা বুঝাইতে গিয়া তাঁর শিষ্য দুই একজনের মত আলোচনা করিলে সুবিধা হইতে পারে। তাঁহার শিষ্যও অনেক। তাঁহাদের সকলের মত আলোচনা করা এখানে অসম্ভব।

গুরু ও মাধু প্রকরণে সহজশূন্যের সাধারণ ভাবে একটু পরিচয় দিবার চেষ্টা করা গিয়াছে। জীবনের প্রকাশের জন্য একটি মুক্ত অবকাশ চাই। জীবনাধার পরত্রস্ত তাই আপনাকে মুক্ত অবকাশ শূন্যরূপ করিয়াছেন, তাহাই সহজ। গুরুকেও সেইভাৱে অন্তর্ভুক্ত করিতে হইবে। তাই মধ্যযুগে ভক্তরা যাহাকে শূন্যত্ব বলিয়াছেন তাহা একটা নাস্তিধর্মাত্মক বস্তুমাত্র নয়। “পরম-অস্তিকে” বুঝাইতে গিয়া মাঝে মাঝে “নেতি-নেতির” দ্বারা বুঝাইতে হয়। এই ‘শূন্য’ তাহা নহে। আর ‘নাই’ বস্তুর উপর কি কোনো সত্য সাধনা প্রতিষ্ঠিত হইতে পারে? দাদু প্রভৃতি সাধকরা একেবারে পরম ‘আস্তিক’। ঐরূপ ‘নাইবস্তু’কে তাঁহারা আমলই দেন নাই। তাঁহারা যাহাকে ‘শূন্য’ বলিয়াছেন তাহা মোটেই “নাই”ত্ব নহে। তাই দাদু বলিলেন,—‘কিছু’ নাই বস্তুর আবার নাম কি? তাহা ধরিতে গেলেই হইবে বুঠা।”

(সাচ অঙ্ক, ১৫৫)

কুছ নাইঁ কী নার ক্যা জে ধরিয়ে সো বুঠা ।

তাই দাদু বলিলেন—“সেই ‘কিছুনা’র নাম ধরিয়াই ভ্রমিয়া মরিতেছে সব

সংসার। সাচাই বা কি ঝুঠাই বা কি তাহাও বোঝে না, আর না কিছু করে বিচার।”

-- কুছ নাইঁকা নার ধরি ভরম্যা সব সংসার ।
সাচ ঝুঠ সমঝে নহী, না কুছ কিয়া বিচার ॥

(সাচ কৌ অঙ্গ, ১৪৬)

একদিকে “নাই বস্তু” যেমন ঝুঠা, তাহার উপর কোনো সাধনা ও সত্যভাবের প্রতিষ্ঠাই হইতে পারে না, তেমনি স্থূল-বস্তুকেও যদি তাহার বিশেষ বিশেষ আকারেই একান্ত সত্য বলিয়া জানি তাহা হইলে হইবে আরও ঝুঠা। এই বাহ্য স্থূল আকারের অতীত এক সূক্ষ্ম নিরাকার সত্যলোক আছে, তাহা সহজ, তাহা সত্য, তাহাই একান্ত নির্ভরযোগ্য। তাই দাদু বলেন—“সবাই শুধু দেখে স্থূলকে, সবাই দেখে যে এই বস্তুর এই আকার। সেই সূক্ষ্ম সহজকে ত কেহই দেখে না যাহা নিরাকার নিরাধার।” আকারের অতীত তাহাই সহজ শূন্য লোক।

দাদু সব দেখেই অস্থূল কৌ, যত্ ঐসা আকার ।

সুখিম সহজ ন সূঝই নিরাকার নির্ধার ॥

(ভেষ কৌ অঙ্গ, ৩৬)

এই সহজ শূন্য লোকে প্রবেশের বাধা হইল কাম। কামনাকে যে জয় করিতে পারে সে-ই সর্বত্র সহজলোকে প্রবেশ করিতে পারে। শূন্যের সমাধিলোকে তাহারই গতি। সকলের সর্ববিধ ঐশ্বর্য ও আনন্দের মধ্যে তাহার অব্যাহত সহজ প্রবেশ, যে অবস্থাকে শ্রুতি বলিয়াছেন “সর্বমেবাবিবেশ” (প্রশ্ন উ, ৪, ১১), অর্থাৎ তখন পরমাত্মার সাক্ষাৎ-প্রাপ্ত সাধক সকলের মধ্যেই প্রবেশ করেন। ছান্দোগ্য বলেন এমন সাধকের সকল লোক প্রাপ্ত হয়, সকল কামনা সিদ্ধ হয় -- “স সর্বাংশ্চ লোকানাপ্নোতি সর্বাংশ্চ কামান্” (ছা, ৮, ৭, ১)। দাদুও তাই বলিয়াছেন,—“যে কামকে দহে, সহজের মধ্যে রহে, আব শূন্যের ধ্যানের মধ্যে প্রবেশ করে, হে দাদু, সে সকলের সব কিছুই প্রাপ্ত হয়, আর কখনও সে হারে না।”

কাম দহৈ, সহজৈ রহৈ অরু শূণ্ড বিচারৈ ।

দাদু সো সবকী লহৈ, অরু কবহুঁ ন হারৈ ॥

(দাদু, রাগ বিলাবল, পদ ৩৪৯)

এখানে ‘বিচার’ বাংলা অর্থে গ্রহণ করিলে চলিবে না। মধ্যযুগে ভক্তরা বিচার অর্থে জ্ঞান, ধ্যান, সমাধি, যোগ প্রভৃতি বুঝিয়াছেন।

যে শূণ্ডভাবের মধ্যে প্রবেশ করিয়া সাধক সহজ হইবেন, সর্বত্র অব্যাহিত প্রবেশ-অধিকার লাভ করিবেন, সেই শূণ্ডভাবের একটু পরিচয় না পাইলে কথাটা বুঝা যাইবে না। তাই শূণ্ডের একটু পরিচয় দেওয়া দরকার। দাদুর বাণী হইতেই সেই পরিচয়টা দেওয়া যাউক। “সর্ব ঠাই বিরাজমান সেই সহজ শূণ্ড; সর্বঘণ্টে, সকলেই মধ্যে, সর্বত্রই সেই নিরঞ্জন করিতেছেন বিহার; কোনো গুণই তাঁহাকে পারে না ব্যাপিতে” (পরচাকে অঙ্ক, ৫৬)। “সেই সহজ শূণ্ড সরোবরের তীরে আত্মা হংস মুক্তা করে চয়ন (মুক্তা অনন্তস্বরূপ তিনিই, দ্রষ্টব্য ৬৪ নং বাণী), অমৃত নির্ঝরিণীর নীর করে পান, এই আত্মা ও পরমাত্মার নিত্যযোগসঙ্গীত শোনে” (ঐ ৫৭)। “হে দাদু, সেই সহজ শূণ্ড সরোবরের তীরেই সাধনীয় যত জপ তপ সংযমাদি, সেখানেই নিখিল সৃজনকর্তা সম্মুখে বিরাজমান, যে প্রেমরস তিনি পান করান তাহা কর পান” (ঐ ৫৮)। “সেই সহজ শূণ্ড সরোবরের তীরেই সব-মন-প্রাণ মোহন সঙ্গী। সেখানে বিনা-করে বাজিতেছে বীণা, বিনা-রসনায চলিয়াছে সঙ্গীত” (ঐ ৫৯)। “সেই সহজশূণ্ড সরোবরের তীরে চরণকমলে আনিলাম চিত্ত; সেখানেই আদি নিরঞ্জন প্রিয়তম, আমার সৌভাগ্য সমাগত” (ঐ ৬০)। “হে দাদু, আত্মাই সহজ শূণ্ড সরোবর, হংস করে সেখানে কেলি-কল্লোল; পরিপূর্ণ সেই আনন্দসাগর, উপলব্ধি করিয়া লও মন সেই মুক্তাফল” (ঐ ৬১)। “হে দাদু, সর্বভাবে পূর্ণ সেই হরি-সরোবর। যেথায় সেথায় কর সেখানে রসপান; সকল দিকে সকল ভাবে সেই রস পান করিতেই গেল তৃষ্ণা, আত্মার হঠল আনন্দ” (ঐ ৬২)। “কী পূর্ণতায় ভরপুর সেই আনন্দ সাগর! উজ্জল নির্মল তার নীর; হে দাদু, সেই সাগরতীরেও বিনা পিপাসায় কেহই করে না পান” (ঐ ৬৩)।

সহজ সুঁনি সব ঠৌর হৈ, সব ঘট সবহী মাহী ।

তহঁা নিরঞ্জন রমি রহা, কোই গুণ ব্যাপৈ নাহি ॥

(পরচা, ৫৬) ।

দাদু তিস সরবরকে তীর, সো হংসা মোতী চুর্নৈ ।

পীরৈ নীঝর নীর, সো হৈ হংসা সো সুর্নৈ ॥

(পরচা, ৫৭) ।

দাদু তিস্ সরবরকে তীর, সংগী সবে সুহারনৈ ।

তহঁা বিন কর বাজৈ বেন, জিভ্যাহীনে গারণে ॥

(পরচা, ৫৯) ।

দাদু তিস্ সরবরকে তীর চরণ কমল চিত লাইয়া ।

তহঁ আদি নিরঞ্জন পীর, ভাগ হমারে আইয়া ॥

(পরচা, ৬০) ।

দাদু সহজ সরোবর আতমা, হংসা করৈ কলোল ।

সুখ সাগর সু ভর ভর্যা মুক্তাহল মন মোল ॥

(পরচা, ৬১) ।

দাদু হরি সরবর পূরণ সবে, জিত তিত পানী পীর ।

জহঁা তহঁা জল অচংতা, গঙ্গী তৃষা সুখ জীর ॥

(পরচা, ৬২) ।

সুখসাগর সুভর ভর্যা, উজ্জল নির্মল নীর ।

প্যাস্ বিনা পীরৈ নহী, দাদু সাগর তীর ॥

(পরচা, ৬৩) ।

এখানে দেখিতেছি সহজশূন্যকে পরিপূর্ণ সরোবর বলিয়া দাদু বুঝিয়াছেন । সেই সহজশূন্য সরোবরকে কোথাও “আতমা সরোবর” কোথাও “হরি সরোবর” বলিয়া তিনি উপলব্ধি করিয়াছেন । ‘শূন্যের’ পূর্ণতার ইহা অপেক্ষা বড় সাক্ষ্য তিনি কি আর দিতে পারিতেন ? ইহাতেও যদি কিছু সংশয় থাকে তবে দাদুর সহজশূন্য সম্বন্ধে আরও কয়েকটি বাণী ঐ পরচা অঙ্ক হইতেই উদ্ধৃত করা যাউক । উপরি উক্ত বাণীগুলির অব্যবহিত পরেই তিনি এই বাণীগুলি

বলিয়াছেন। ইহাতে মুক্তা প্রভৃতি কথা দ্বারা দাদু কি বুঝাইতে চাহেন তাহাও একটু খোলসা করা হইয়াছে। টীকাকাররা শূন্য শব্দে কোথাও শাস্ত নিরূপণপদ, কোথাও বা লয়-লীন অবস্থা বা সমাধি বুঝাইয়াছেন।

(স্বামী দাদু দয়ালকী বাণী, ৭০ পৃষ্ঠা, টীকা)।

“সহজ শূন্যের সরোবরে মনই হইল হংস, অনন্ত আপনিই সেখানে মুক্তা ; হে দাদু, চক্ষু ভরিয়া ভরিয়া সেই মুক্তা চয়ন করিয়া করিয়া সন্তান রহেন জীবিত।” (ঐ ৬৪) “সহজ শূন্য সরোবরে মনই হইল মীন, নিরঞ্জন ভগবানই সেখানে নীর ; হে দাদু, এই রসেই কর বিলাস, অনির্কচনীয় সেই রস, অজ্ঞেয় তাহার রহস্য” (ঐ ৬৫)। “সহজশূন্য সরোবরে মনই হইল ভ্রমর, করতার (= কর্তা) পরমেশ্বর সেখানে কমল ; হে দাদু, সেই পরিমল কর পান, অখিল-সৃজন-কর্তা সেখানে তোমার সম্মুখে” (ঐ ৬৬)। “সহজের সেই শূন্য সরোবরে মনই হইল মুক্তাঘেষী ডুবারী ; হে দাদু, তাহার ভিতরে যে রামরতন তাহা সে লইবে বাছিয়া বাছিয়া” (ঐ ৬৭)। “হে দাদু, বিমল জল সেই সরোবর-মাঝারে, হংস করে সেখানে কেলি, মুক্ত হইয়া মুক্তা সেখানে সে করে চয়ন, সেখানে হংস সকল-ভয়ের-অভীত” (ঐ ৬৮)। “অথও সেই সহজ শূন্য সরোবর, অগাধ তাহাতে জল, হংস করে তথায় অবগাহন ; নির্ভয়ে সে পাইয়াছে আপন নিবাস, এখন আর সে উড়িয়া অথ কোথাও যাইবে না।” (ঐ ৬৯)।

শূন্য সরোবর হংস মন, মোতী আপ অনন্ত ।

দাদু চুগি চুগি চংচ ভরি, যোঁ জন জীরেঁ সংত ॥

(পরচা কো অংগ, ৬৪)।

শূন্য সরোবর মীন মন, নীর নিরঞ্জন দেব ।

দাদু যহ রস বিলসিয়ে, ঐসা অলখ অভের ॥

(পরচা কো অঙ্ক, ৬৫)।

শূন্য সরোবর মন ভরঁর, তহাঁ করঁল করতার ।

দাদু পরিমল পীজিয়ে, সনমুখ সিরজনহার ॥

(পরচা কো অঙ্ক, ৬৬)।

শূন্য সরোরর সহজকা, তহঁা মরজীরা মন ।

দাদু চুণি চুণি লেইগা, ভীতরি রাম রতন ॥

(পরচা কো অঙ্গ, ৬৭) ।

দাদু মংঝি সরোরর নিমল জল, হংসা কেলি করাঁহি ।

মুকুতাহল মুকতা চুগৈং, তিহিঁ হংসা ডর নাঁহি ॥

(পরচা কো অঙ্গ, ৬৮) ।

অখংড সরোরর অথগ জল, হংসা সররর ন্হাঁহি ।

নির্ভয় পায়া আপ ঘর, ইব উড়ি অনত ন জাঁহি ॥

(পরচা কো অংগ, ৬৯) ।

দাদু প্রভৃতি মহাপুরুষেরা যুক্তি-তর্ক-ব্যবসায়ী নহেন । তাঁহাদের বাণীর মধ্যে যুক্তিতর্কের দুর্লভতা কিছুই থাকিবার কথা নাই । তবু যে তাঁহাদের সব কথা সব সময় বুঝা যায় না, তাহার হেতু ইহা নহে যে তাহাতে কোন কৃত্রিম দুর্লভতা সঞ্চার করা হইয়াছে । সাধনা দ্বারা তাঁহারা যে সব সত্য প্রত্যক্ষ করিয়াছেন, নিরন্তর ধ্যানে তাঁহাদের কাছে যে সব সত্য সুপরিচিত, সে সব সত্য অনেক সময় আমাদের কাছে পরিচিত নহে । তাই তাঁহার সহজ শূন্য কথাটা আর একটু খোলসা করা হয় ত দরকার । কিন্তু তাহা হইলেও দাদুর বাণী দিয়াই যতটা খোলসা করা চলে তাহাই করা ভাল, তাহার বাহিরে যাওয়া চলিবে না । তাঁহার “প্রশ্নোত্তরী”গুলি হয় ত এ বিষয়ে অনেকটা সহায়তা করিতে পারে ।

দাদুর প্রশ্নোত্তরী দেখিতেছি—“বিনা চরণের এই পথ, কেমন করিয়া পৌঁছে তবে প্রাণ ?”

দাদু বিন পায়ন কা পংথ হৈ,

কোঁয়া করি পঁছঁচৈ প্রাণ ॥

(লৈ কো অংগ, ১০) ।

উত্তর—“মন চড়ে চৈতন্য ঘোড়ায়, লয়কে করে লাগাম, গুরুর সবদ (সঙ্গীত) হইল চাবুক, পৌঁছে যদি কেহ সাধক স্তম্বন ।”

মন তাজী চেতন চটে ল্যো কী করে লগাম ।

সবদ গুরুকা তাজনী, কোই পছটেঁ সাধ সূজান ॥

(লৈ অংগ, ১১) ।

“কোন পথে যে আসে আর কোন পথে যায়, হে দাদু, যতই কেন না চেষ্টা করুক, কেহই তাহা উপলব্ধি করিতে পারে না।” “শূন্যপথেই আসে আর শূন্যপথেই যায়, চৈতন্যই হইল সুরতির পথ, হে দাদু, লয়ের মধ্যে থাক ডুবিয়া।” “হে দাদু, পরব্রহ্ম দিলেন পথ, সহজ সুরতি লয় হইল সার ; সেই পথের মধ্যেই হইল মনের ঘর, সৃজনকর্তা হইলেন এই পথে সঙ্গী।”

কিঁহিঁ মারগ হ্‌রৈ আইয়া, কিঁহিঁ মারগ হ্‌রৈ জাই ।

দাদু কোঈ না লহৈ, কেতে করৈঁ উপাই ॥

(লৈ কোঁ অংগ, ১২) ।

সূন্যহি মারগ আইয়া, সূন্যহি মারগ জাই ।

চেতন পৈঁডা সুরতি কা, দাদু রহ ল্যো লাই ॥

(লৈ কোঁ অংগ, ১৩) ।

দাদু পারব্রহ্ম পৈঁডা দিয়া সহজ সুরতি লৈ সার ।

মন কা মারগ মাঁহি ঘর, সংগী সিরজন হার ॥

(লৈ কোঁ অংগ ১৪) ।

এখন দেখিতেছি শূন্যই সাধনার পথ, আবার চৈতন্য সহজ সুরতি লয়ও পথ । কাজেই শূন্যের কতকটা পরিচয় পাওয়া গেল । এই লয় অজেই দাদুর বাণী দেখি, “একদিকে যোগ সমাধি, অন্যদিকে আনন্দ সুরতি । ইহার মধ্যপথেই সহজে সহজে আইস চলিয়া । এই দুয়ের মধ্যপথ দিয়াই সাধন মহলের দ্বার মুক্ত, এই ত ভক্তির ভাব । এই দুয়ের মধ্যে যে সহজ শূন্য সেখানে রাখ মন ; সেখানে লয় সমাধির রস কর পান, সেখানে কাল ভয় নাহি ।”

জোগ সমাধি মুখ সুরতি সৌ, সহজৈঁ সহজৈঁ আর ।

মুক্তা দ্বারা মহল কা, ইহৈঁ ভগতি কা ভার ॥

(লৈ অংগ, ৮) ।

সহজ স্ত্রী নি মন রাখিয়ে, ইন দূন্য কে মাঁহি ।

লৈ সমাধি রস পীজিয়ে, তহাঁ কাল ভৈ নাঁহি ॥

(লৈ অংগ, ২) ।

এখানে দেখা যাইতেছে যোগ সমাধি ও সহজ স্ত্রতির মাঝে হইল সহজ শূন্য । টীকাকার এখানে বলেন সহজ শূন্যের একদিকে সমাধি যোগ, অত্রদিকে ভক্তিযোগ (ভ্রঃ, স্বামী দাদু দয়ালকী বাণী, ত্রিপাঠী, পৃঃ ১২২ নোট) । ‘সহজ শূন্য’ সেই উদার মহাসত্য যাহা দুই বিচ্ছিন্ন কোটিকে ভাবযোগে ঐক্যদান করে । এ কথা দাদু “মধ্য” অঙ্কে বার বার বলিয়াছেন । “দুই পক্ষের দ্বৈত ভাব অপগত হয় যাহাতে তাহাই সহজ, তাহাতে সুখ দুঃখের ভেদ হয় বিদূরিত, জীবন মরণের বিরুদ্ধতা দূর হয় সেই সহজে । তাহাই পরিপূর্ণ নির্বাণপদ ।” যে দ্বৈত মিটাইতে হইবে সে দ্বৈত কিসের দ্বৈত ? দাদুর বাণী হইতেই তাহার উদ্দেশ্য মিলিবে । সুখ দুঃখ, জীবন মরণ এই সবই দ্বৈতবুদ্ধি ।

দাদু দ্বৈ পথ রহিতা সহজ সো, সুখ দুঃখ এক সমান ।

মরৈ ন জীরে সহজ সো, পূরা পদ নির্বাণ ॥

(মধি অংগ, ২) ।

“তখনই সহজ রূপ মনের হইল যখন দ্বৈতের সব ভেদ তরঙ্গ গেল মিটিয়া ।”

“সহজ রূপ মনকা ভয়া, জব দ্বৈ দ্বৈ মিটী তরংগ ।”

(মধি অংগ, ৩) ।

“যখন ভগবদ্ রঞ্জে রঞ্জিয়া মন আর সুখ দুঃখ মানে না, যখন সব রকম দ্বৈত ভাব ছাড়িয়া প্রেম রসে মন হইয়া যায় মত্ত, তখনই বুঝা যাইবে সহজ ভাব ।”

সুখ দুঃখ মনি মার্নৈ নহী, রাম রংগ রাতা ।

দাদু দূন্য ছাঁড়ি সন, প্রেম রসি মাতা ॥

(মধ্য অংগ, ৪) ।

“যখন মন আর সুখ দুঃখ মানে না, যখন আত্ম পর ‘ভায়’ সমান ; সেই সমত্ব-ভাব মনে লইয়া, সর্ব-পূরণ ধ্যানে পূর্ণ হইয়া কর সাধনা ।”

সুখ দুঃখ মনি মার্নৈ নহী আপা পর সম ভাই ।

সো মন মন করি সেরিয়ে, সব পূরণ লোঁ লাই ॥

(মধ্য অংগ, ৭) ।

“এমনই এই ‘জ্ঞান-বিচার’ যে আমি না করিব গ্রহণ, না করিব বর্জন, স্বরূপ মধ্য ভাবই সদা করিব সেবা; হে দাদু ইহাই মুক্তি-দ্বার।”

না হম ছাট্টেঁ না গঠেঁ ঐসা জ্ঞান বিচার।

মধি ভাই সেরেঁ সদা, দাদু মুক্তি ছরার ॥

(মধ্য অংগ, ৮)।

“এখানে দাদু আবার বলিতেছেন, “সেই সহজ শূন্যের মধ্যেই রাখ তোমার মন যাহা এই ছয়েরই মাঝখানে। কাল ভয়ের অতীত সেই ধামে লয় সমাধি রস কর পান।”

সহজ সূঁনি মন রাখিয়ে, ইন দূন্যুঁকে মাছিঁ।

লৈ সমাধি রস পীজিয়ে, তহঁা কাল ভয় নাহিঁ।

(মধ্য অংগ, ৯)।

এই বাণীই তাঁহার একবার বলা হইয়াছে লয় অঙ্গে।

“এইতো আকার লোক, ইহাব অতীত স্থখ লোক, স্থখ লোকেরও অতীত সেই স্থান, চর্ষ শোকের অতীত সেই ধাম।”

দাদু ইস আকার থেঁ দূজা সূখিম লোক।

তাথৈঁ আগে ঔর হৈ, তহঁরঁা চরিখ ন শোক ॥

(মধ্য অংগ, ১২)।

“ভয় ও ‘পক্ষের’ অতীত হইয়া, সব সীমা ছাড়িয়া দাদু অসীমের মধ্যে সেট একের সঙ্গে রহে যুক্ত হইয়া, যেখানে দৈত আর কিছু নাট।”

দাদু হদ ছাড়ি বেহদমৈঁ, নির্ভয় নির্পথ হোই।

লাগি রহৈঁ উস এক সৌঁ, জহঁা ন দূজা কোই ॥

(মধ্য অংগ, ১৩)।

“মন চিত্ত মানস আত্মা তাহার মধ্যে সহজ সুরতি (ইহাকেই ৯ম বাণীতে সহজ শূন্য বলিয়াছেন); হে দাদু, যেখানে ধরিত্রী অধর কিছুই নাই সেখানে এই পঞ্চ লও পূর্ণ করিয়া।”

মন চিত্ত মনসা আতমা সহজ সুরতি তা মাছিঁ।

দাদু পঞ্চুঁ পুরিলে, জহঁ ধরতী অংবর নাহিঁ ॥

(মধ্য অংগ, ১৬)।

এই “সহজ স্মৃতি”র স্থলে এই মধ্য অঙ্কেরই ৯ম বাণীতে দাদু বলিয়াছেন “সহজ শূন্য।” এই শূন্য যে কত বড় পূর্ণতা তাহা বুঝি, যখন দাদু এই পূর্ণতায় পঞ্চ ইন্দ্রিয় মন চিত্ত মানস আত্মা প্রেম সবই লইতে চান পূর্ণ করিয়া।

কবীর সদাই নাকি সহজে এই ভাবরসে ভরপুর হইয়া থাকিতেন। অন্যের পক্ষে যাগা বহু সাধনায় লভ্য তাহা তাঁহার পক্ষে ছিল একান্ত স্বাভাবিক। তাই দাদু এখানে বলেন, “কবীরের ‘অধর’ (অনাধার সহজ) চাল অন্যের পক্ষে সাহস করাই চলে না।”

অধর চাল কবীরকী আসঁঘী নহিঁ জাই।

(মধ্য অংগ, ১৭)।

“এই যে কালের আক্রমণের অতীত ‘অধর’ একের সঙ্গে যুক্ত হইয়া নিরন্তর অবস্থিতি, ইহাই কবীরের যোগ-স্থিতি ; বিষম কঠিন এই চাল।”

দাদু রহণী কবীরকী কঠিন বিষম য়ছ চাল।

অধর একসৌ মিলি রছা জহঁ ন ঝম্পে কাল ॥

(মধ্য অংগ, ১৮)।

সেই ধাম দাদু বলেন “সদা একরস” (মধ্য ২৩, ২৭) ; “সহজে সমাহিত” (ঐ, ২৪) ; “অবিনাশী পূর্ণ ধাম” (ঐ, ২৫) ; “সহজ রূপ” (ঐ, ২৮) “নিরন্তর পূর্ণ” (ঐ, ২৯) ; “যেখানে নিকট নিরঞ্জন রাম” (ঐ, ৩০) ; “বেদ কোরাণের অগম্য ধাম,” (ঐ, ৩২)।

দাদু বলেন, “যেখানে সদা এক রস আমি সেই সহজ দেশেরই লোক।”

“হম্ দাদু উস দেশকে জহঁ সদা এক রস হোই।”

(মধ্য অংগ, ২৭)।

“আমি দাদু সেই দেশের যেখানে সহজ রূপেরই লীলা।”

“হম দাদু উস দেশকে সহজ রূপ তা মঁাহিঁ।”

(মধ্য অংগ, ২৮)।

দাদুর বাণী অমুসারে দেখা যাইতেছে এই শূন্যাবস্থার ও নানা স্তর আছে। “পরচা অঙ্কে” ১২৭-১৩০ নং বাণীতে দাদুর প্রমোত্তরীতে দেখি দাদু এবিষয়ে কিছু প্রশ্ন ও উত্তর করিয়াছেন। “ত্রক্ষ-শূন্য ধামে রহে কি ? আত্ম-শূন্য

স্থানে রয়ে কি ? কায়া-শূন্য স্থানে রয়ে কি ?” “সদগুরু কহেন হে সৃজন, কায়ার স্থলে রয়ে মন রাজা, পঞ্চ ইন্দ্রিয়, প্রধান, পঁচিশ প্রকৃতি, তিনগুণ, অহংকার, গর্ব গুমান । আত্ম-শূন্য স্থানে আছে জ্ঞান ধ্যান বিশ্বাস ; ভাব ভক্তি নিধির পাশে সহজ সীল সত সন্তোষ । ব্রহ্ম শূন্য স্থানে আছেন ব্রহ্ম নিরঞ্জন নিরাকার, সেখায় দীপ্তি, তেজ, জ্যোতি ; দাদু তাহা করেন প্রত্যক্ষ (পরচা অংগ, ১২৭-১৩০)।”

ব্রহ্ম সূঁনি তহঁ কায়া রহৈ আতম কে অস্থান ?

কায়া অস্থলি কায়া বসৈ ? সতগুর কহৈ সৃজন ॥

(পরচা অংগ. ১২৭) ।

কায়াকে অস্থলি রহৈ মন রাজা পঞ্চ প্রধান ।

পঁচিশ প্রকীরতি তীনি গুণ গুণ, আপা গর্ব গুমান ॥

(পরচা অংগ, ১২৮) ।

আতমকে অস্থান হৈ, জ্ঞান ধ্যান বিশ্বাস ।

সহজ সীল সংতোষ সত, ভাব ভগতি নিধি পাস ॥

(পরচা অংগ, ১২৯) ।

ব্রহ্ম সূঁনি তহঁ ব্রহ্ম হৈ, নিরঞ্জন নিরাকার

নূর তেজ তহঁ জ্যোতি হৈ, দাদু দেখন হার ॥

(পরচা অংগ, ১৩০) ।

এই ১৩০নং শেষ বাণীটির দেখা পাওয়া গিয়াছে । এখানে মনে হইতেছে দাদুর মতে কায়া-শূন্য আত্ম-শূন্য ও ব্রহ্ম-শূন্য এই তিন স্থান । কিন্তু এই অঙ্কে ৫০নং বাণীতে দাদু শূন্যের চারিটি ধামের কথা বলিয়াছেন । “প্রথম তিনটি শূন্যই হইল আকার লোকের, চতুর্থটি হইল নিগুণ । সেই সহজ শূন্যে আমি করিতেছি বিহার, যেখানে সেখানে সব ঠাই সে সহজ লোক ।”

দাদু তীনি সূঁনি আকারকী চৌধী নিগুণ নার ।

সহজ সূঁনি মৈঁ রমি রহা জহঁ তহঁ সব ঠার ॥

এই সহজ শূন্য দেখা যাউতেছে কোন স্থান বিশেষে আবদ্ধ লোক নয় । ইহা “জহঁ তহঁ সব ঠার” যেখানে সেখানে সর্বত্র বিরাজিত, ইহা একটি আধ্যাত্মিক ভাবাবস্থিতি । বাহিরের স্থান স্থিতির সঙ্গে তাহার কোনো সম্বন্ধ নাই ।

এখানে দাদু বলিতেছেন চতুর্থ শূন্য পদ হইল নিগূর্ণ সহজ শূন্যপদ । “কায় শূন্য,” “আত্মশূন্যে”র খবর পূর্বেই পাওয়া গিয়াছে, এখন তৃতীয় শূন্য পদটি কি ? এই পরচা অঙ্কেরই ৫৩নং বাণীতে তাহা “পরম শূন্য,” সেখানে দাদু বলেন, “কায় শূন্যে” পঞ্চ ইন্দ্রিয়ের বাস, “আত্ম শূন্যে” প্রাণ প্রকাশ, “পরম শূন্যে” ব্রহ্মের সঙ্গে (জীবের) মেলা, তারও পরে “আত্মা একলা” ।

কায় শূনি পঞ্চ কা বাসা

আতম শূনি প্রাণ প্রকাশ ।

পরম শূনি ব্রহ্মসৌ মেলা

আর্গে দাদু আপ একেলা ॥

(পরচা অংগ, ৫৩) ।

এখানে দাদু বলেন প্রথমে ‘কায়শূন্য,’ এখানে পঞ্চেন্দ্রিয়াদি স্থূল-শরীর লয় সমাধি । দ্বিতীয় ‘আত্মশূন্য,’ এখানে সূক্ষ্ম-শরীর-লয় সমাধি । তৃতীয় ‘পরমশূন্য’ এখানে জীবের অনুভূতি । চতুর্থ ‘সহজ শূন্য’ বা ব্রহ্মশূন্য যেখানে যোগী পর-ব্রহ্মে বিলীন, ইহাই নিরঞ্জনরূপ । ১৩০ নং বাণীতে পূর্বেই আমরা দেখিয়াছি—“ব্রহ্মশূন্যে নিরঞ্জন ব্রহ্মই বিরাজমান । দাদু দেখিয়াছে সেখানে শুধু দীপ্তি, তেজ ও জ্যোতি ।”

ব্রহ্ম শূনি তই ব্রহ্ম হৈ নিরঞ্জন নিরাকার ।

নূর তেজ তই জ্যোতি হৈ দাদু দেখনহার ॥

(পরচা অংগ, ১৩০) ।

কবীরের ভেদবাণীতে এই সুরের উপরে সাত শূন্য ও নীচে সাত শূন্য দেখিতে পাওয়া যায় । (“কবীর সাহেব কী শকাবলী” বেলবেড়িয়ার প্রেস, পদ ২৬) ।

দাদু বলেন পূর্বে কবীর প্রভৃতি সাধকগণ এই সহজ শূন্যেই সাধনার পরাকাষ্ঠা প্রাপ্ত হইয়াছেন । পরবর্তী রজ্জব, সুন্দর দাস প্রভৃতিও এই সহজ শূন্যের সাধনাকে অতি গভীর সাধনা মনে করেন । সুন্দর দাস তো বলেন “এই শূন্য ধ্যানের সমান আর ধ্যান নাই, সব ধ্যানের মধ্যে ইহাই উৎকৃষ্ট ধ্যান ।”

ইহি শূন্য ধ্যান সম ঔর নাহিঁ ।

উৎকৃষ্ট ধ্যান সব ধ্যান মাহিঁ ॥

(সুন্দরদাস, জ্ঞানসমুদ্র গ্রন্থ ৮৩) ।

“গুরুর প্রসাদে এই শূন্যতেই সমাধি আন ।”

গুরুকে প্রসাদ শূন্য মৈঁ সমাধি লাইয়ে ।

(সুন্দরদাস, জ্ঞানসমুদ্র, ১২) ।

এইরূপ আরও বহু আছে ।

অন্তের সহজ যে ভাবেরই হউক দাদুর সহজ হইল ভগবানের প্রেমের একান্ত নির্ভর । দাদু কহিতেছেন—

“হরিই আমার একমাত্র আশ্রয়, তিনিই আমার তারণ, তিনিই আমার তরণ । তপও আমার পথ নহে, ইন্দ্রিয় নিগ্রহও আমার নহে, তীর্থ ভ্রমণও কিছু আমার পথ নয়, দেবালয় পূজা ধ্যান ধারণা এ সব কিছুই আমার নয় । যোগ যুক্তি কিছুই আমার নয়, না আমি সাধনই কিছু জানি ।”

হরি কেবল এক অধারা ।

সোই তারণ তিরণ হমারা ॥

না তপ মেরে ইন্দ্রী নিগ্রহ, না কুছ তীরথ ফিরণা ।

দেবল পুছা মেরে নাহিঁ, ধ্যান কছু নহিঁ ধরণা ॥

জোগ জুগতি কছু নহিঁ মেরে, না মৈঁ সাধন জানৌ ॥

(দাদু আসাররী পদ, ২১৬) ।

দাদুর পূর্বে ও পরে মধ্য যুগের শত শত সাধকের মধ্যে শূন্য সহজ প্রভৃতি বিষয়ে অনেক অনেক বাণী আছে । সুন্দরদাসজীও রজ্জবজী হইতে তাহার কতক আভাস হয়ত মিলিবে । এখানে সে সব উল্লেখ করার স্থান নাই । শূন্য সহজে দাদুর আর কিছু বাণী উল্লেখ করিয়া শূন্য সহজে দাদুর মতটি সমাপ্ত করা প্রয়োজন ।

পরচা অঙ্কের ৫৩নং বাণীতেই দাদু বলিয়াছেন—

কায়া সূঁনি পংচকা বাসা, আতম সূঁনি প্রাণ প্রকাসা ।

পরম সূঁনি ব্রহ্মসৌঁ মেলা, আর্গৈঁ দাদু আপ অকেলা ॥

(পরচা অংগ, ৫৩ পূর্বে দর্শনীয়া) ।

তাব পরের বাণীতেই (৫৪ নং) দাদু বলিলেন সেই পরম শূন্যই হইল এই বিশ্ব-চরাচর সৃষ্টির উৎস । “হে দাদু ; যেখান হইতে চন্দ্র, সূর্য্য, আকাশ সব সৃষ্টি ধারা উৎপত্তমান ; যেখান হইতে জল, পবন, পাবক ধরিত্রীর হইল প্রকাশ ; কাল, করম, জীব, মায়া, মন, ঘট (দেহ, অস্তর) খাস যেখানে উৎপত্তমান ; সেখানেই সর্বশূন্য (রহিতা) সর্বলীলাময় রাম বিরাজমান, সকলের সঙ্গে তিনি সহজ শূন্য ।”

দাদু জহাঁ থৈঁ সব উপজে, চন্দ সুর আকাস ।

পানৌ পরন পারক কিয়ে ধরতী কা পরকাস ॥

কাল করম জির উপজে মায়া মন ঘট সাস ।

তহঁ রহিতা রমিতা রাম হৈ, সহজ সূঁ নি সব পাস ॥

(পরচা অংগ, ৫৪, ৫৫) ।

এই সহজ শূন্য নাস্তিধর্মাঙ্ক শূন্য তো মোটেই নন বরং তাঁহাকেই সৃষ্টির উৎস পরমানন্দময় বলা হইয়াছে । দাদু যখন প্রশ্ন করিলেন “যে মুহূর্ত্তে সব কিছু হইল সৃষ্টি তাহার কর বিচার । (এই বিচারই যদি না করিলেন) তবে কাজী পণ্ডিত প্রভৃতি পাগলেরা কি লিখিয়া বাঁধিতেছেন বৃথা বোঝা ?”

দাদু জিহি বিরিয়ঁ। যছ সব কুছ ভয়া, সো কুছ করৌ বিচার ।

কাজী পণ্ডিত বাররে, ক্যা লিখি বংধে ভার ॥

(বিচার অংগ, ৩৮) ।

তখন বগনা উত্তর দিলেন “যে ক্ষণে এই সব কিছু হইল সৃষ্টি সে আমি করিয়াছি বিচার । হে বখনা, সে ক্ষণ হইল আনন্দের, প্রভু হইলেন সৃজন-কর্ত্তা ।”

জিহি বরিয়ঁ। যছ সব ভয়া, সো হম কিয়া বিচার ।

বখনঁ। বরিয়ঁ। খুসী কী, কর্তা সিজ্জনহার ॥

দাদু নিজেও গাহিয়াছেন—“কেন বা তুমি এই বিশ্ব করিলে সৃষ্টি, হে গোঁসাই ? কোন আনন্দ তোমার মনের মধ্যে ?” ইত্যাদি—

(পুরা পদটি অন্তত দেওয়া হইয়াছে) ।

ক্যোঁ করি যছ জগ রচ্যৌ গুঁসাই ।

ভেরে কোঁন বিনোদ বগৌ মন মঁহীঁ ॥

(রাগ আসাবরী ; পদ ২৩৫) ।

দাদু সহজ শূন্যকে সর্বভাবে ভরপুর সরোবরের সঙ্গে তুলনা করিয়া অনেক বাণী প্রকাশ করিয়াছেন। পরচা অঙ্ক, ৫৭ সংখ্যক বাণী হইতে ৬৯ সংখ্যক বাণী পর্যন্ত সবই এইভাবে বাণী। পূর্বেই তাহার পরিচয় দেওয়া হইয়াছে। এখানে দাদু সহজ শূন্যের লীলার একটি চমৎকার বর্ণনা দিয়াছেন। ৭০ সংখ্যক বাণীতে দাদু কহিলেন সেই শূন্য হইল “প্রেমের সাগর, তাহাতে আত্মা ও পরমাত্মা এক ভাবরসে রসময় যোগযুক্ত হইয়া খাইতেছেন দোলা।”

দাদু দরিয়া প্রেম কা, তাঁমৈঁ ঝুলৈঁ দোই।

ইক আতম পরআতমা, একমেক রস হোই ॥

(পরচা, ৭০)।

“হে দাদু এই তো সেই শূন্য সহজ সাগর, তার মাঝেই মাণিক; হে সাধক, সেই সাগরে আপনার মধ্যেই ডুব দিয়া দেখিয়া লও সেই রতন।”

দাদু হিণ দরিয়ার, মাণিক মংঝেঈ।

টুবী ডেঈ পাণ মৈঁ, ডিঠো হংঝেঈ ॥

(পরচা, ৭১)।

“পরমাত্মার সঙ্গে আত্মার লীলা যেমন সরোবরের মধ্যে হংসের লীলা। পরম্পরে যোগযুক্ত হইয়া খেলা চলে প্রিয়তমের সঙ্গে, সেখানে ভিন্ন কেহই নাই।”

পরমাতম সৌঁ আতমা, জ্যুঁ হংস সরোরর মাঁহি।

হিলি মিলি খেলৈঁ পীরসৌঁ, দাদু দুসর নাঁহি ॥

(পরচা, ৭২)।

“হে দাদু সহজের সেই সরোবর, তাহাতে চলিয়াছে প্রেমের তরঙ্গ; মন আত্মা সেখানে দোলা খাইতেছে আপন স্বামীর সঙ্গে।”

দাদু সরব্বর সহজ কা তাঁমৈঁ প্রেম তরংগ।

তহঁ মন ঝুলৈঁ আতমা অপণে সাঁঈ সংগ ॥

(পরচা, ৭৩)।

সেই সহজ তবে কি বাহিরে কোন ভৌগোলিক লোক ?

“হে দাদু, সেখানে দেখিতেছি নিজ প্রিয়তমকে, অপর আর কিছুই পাই না

দেখিতে। সকল দিক দেশ খুঁজিয়া খুঁজিয়া শেষে পাইলাম আপনারই
অস্তরের মধ্যে।”

দাদু দেখেঁ নিজ পীরকোঁ দূসর দেখেঁ নাঁহি।

সবৈ দিসা সৌ সোধি করি, পায়্যা ঘট হী মাঁহি ॥

(পরচা, ৭৪)।

তবে কি সহজ শূন্য অস্তরেরই মধ্যে, বাহিরে কোথাও নয় ? পাছে এই ভুল
হয় তাই তার পরের বাণীটিতেই তিনি বলিতেছেন, “হে দাদু, শুধু দেখিতেছি
নিজ প্রিয়তমকে, আর তো কাহাকেও পাই না দেখিতে। ভরপুর
দেখিতেছি প্রিয়তমকেই, বাহিরে ভিতরে তিনিই বিরাজমান।”

দাদু দেখেঁ নিজ পীরকোঁ, ঔর ন দেখেঁ কোই।

পুরা দেখেঁ পীরকোঁ বাহরি ভীতরি সোই ॥

(পরচা, ৭৫)।

“হে দাদু দেখিতেছি নিজ প্রিয়তমকেই, দেখিতেই মিটিয়া যায় সব ছুঃখ।
আমি তো দেখিতেছি প্রিয়তমকে নিখিল বিশ্বে আছেন সমাহিত হইয়া।”

দাদু দেখেঁ নিজ পীরকোঁ, দেখত হী ছুঃখ জাই।

হুঁ তো দেখেঁ পীরকোঁ, সব মৈঁ রহা সমাই ॥

(পরচা, ৭৬)।

“হে দাদু, দেখিতেছি আমার আপন প্রিয়তমকে, সেই দেখাই তো যোগ (এই
নিখিল বিশ্বেই প্রত্যক্ষ দেখিতেছি প্রিয়তমকে)। লোকেরা আবার কোথা
বুঝা দেয় তাঁর সন্ধান ?”

দাদু দেখেঁ নিজ পীরকোঁ, সোঈ দেখণ জোগ।

পরগট দেখেঁ পীরকোঁ, কহাঁ বতারৈঁ লোগ ॥

(পরচা, ৭৭)।

বাহিরে ভিতরে কেমন ভরপুর প্রিয়তমের সেই সহজ লীলা তাহা দাদু এখন
চমৎকার বুঝাইতেছেন। তাহাতে বুঝা যাইবে শূন্যের কি অপরূপ পূর্ণতা।

“চাহিয়া দেখ দাদু সেই দয়ালকে, নিখিল বিশ্ব ভরপুর করিয়া তিনি

বিরাজমান। প্রতি রোমে রোমে তিনি করিতেছেন বিহার, তুই যেন মনে না করিস তিনি দূরে।”

দাদু দেখু দয়ালকৌ, সকল রহা ভরপুরি,
রোম রোম মৈঁ রমি রহা, তুঁ জিনি জাগৈঁ দুরি।

(পরচা, ৭৮)।

“হে দাদু, দেখু আমার দয়ালকে, বাহিরে ভিতরে তিনিই বিরাজিত। সকল দিশি সব দিকে দেখিতেছি প্রিয়তমকেই? তিনি ভিন্ন আর ত কেহই নাই।”

দাদু দেখু দয়াল কৌ বাহরি ভিতরি সোই।
সব দিসি দেখৌ পীরকৌ, দূসর নাঁহী কোই ॥

(পরচা, ৭৯)।

“দাদু, দেখু জীবনের সঁই দয়ালগয় স্বামী সন্মুখে বিরাজমান; যদিকে দেখ চাহিয়া সেট দিকেই নয়ন ভরিয়া সৃজনকর্তা পরমেশ্বর।”

দাদু দেখু দয়ালকৌ সনমুখ সঁই সার।
জিধরি দেখৌ নৈন ভঁরি, তীধরি সিরজনহার ॥

(পরচা, ৮০)।

“দাদু, দেখু দয়াল আমার সব ঠেলিয়া ঠাসিয়া ভরিয়া আছেন সকল অবকাশ, সকল ঠাই ঘটে ঘটে বিরাজিত আমার স্বামী, তুই যেন মনে আর না করিস কিছু।”

দাদু দেখু দয়ালকৌ রোকি রহা সব ঠৌর।
ঘটি ঘটি মেরা সঁইয়া তুঁ জিনি জাগৈঁ ঠৌর।

(পরচা, ৮১)।

“দশ দিক সর্বত্র চাহিয়া দেখ দাদু, নাই তরু, নাই মন, নাই আমি, নাই জীব, নাই গায়া। সর্বত্র দেখ এক বিরাজমান আমার প্রিয়তম।”

তন মন নাঁহী মৈঁ নহীঁ নহিঁ মায়া নহিঁ জীব।
দাদু একৈ দেখিয়ে, দহ দিশি মেরা পীর ॥

(পরচা, ৮২)।

এই বিশ্বচরাচরই সেই সহজ শূন্য সরোবর বা সাগর । তাই দাদু বলিতেছেন—“এই জলের মধ্যে প্রবেশ করিয়া দেখ দাদু, দৃষ্টি উঘারিয়া । ‘জলা বিশ্ব’ সব ভরিয়া বিরাজিত তিনি, এমনই ব্রহ্ম বিচার ।” উপলক্ষি, জ্ঞান, ধ্যান, সন্ন্যাস, সমাধি প্রভৃতি অর্থে ইঁহারা “বিচার” শব্দ প্রয়োগ করেন ।

দাদু পাণী মাঁঠে পৈসি করি দেখে দৃষ্টি উঘারি ।

জলা ব্যংব সব ভরি রহা, ঐসা ব্রহ্ম বিচারি ॥ *

(পরচা ৮৩) ।

সহজ শূন্য ভরিয়া এই যে ব্রহ্ম বিহার তাহা কি অপরিমিত আনন্দময় তাহা বুঝাইতে গিয়া দাদু বলিতেছেন—“সদাই লয়যুক্ত সেই আনন্দে, সব ঠাই সব অবকাশ ভরপুর করা সেই সহজরূপ, সেই এককেই সদা দেখিতেছে দাদু, দ্বিতীয় আর কেহই নাই ।”

সদা লীন আনন্দ মৈ সহজ রূপ সব ঠৌর ।

দাদু দেখে এক কোঁ, দুজা নাহী ঠৌর ॥

(পরচা, ৮৪) ।

“হে দাদু, যেখানে সেখানে সর্বত্র সাথী আমার আছেন সঙ্গে সঙ্গে, সদাই তিনি আমার আনন্দ ; নমনে-বচনে-হৃদয়ে পূরণ পরমানন্দ তিনি বিরাজিত !”

দাদু জইঁ তইঁ সাথী সংগ হৈঁ, মেরে সদা অনন্দ ।

নৈন বৈন হিরদৈ রহৈঁ, পূরণ পরিমানন্দ ॥

(পরচা, ৮৫) ।

“দশদিকেই সেই দীপ্যমান দীপক, বিনা বাতি, বিনা তেল ; চারিদিকে দেখ সেই সূর্য্য ; দাদু, অদভূত এই লীলা !”

দহ দিসি দীপক তেজকে বিন বাতী বিন তেল ।

চছঁ দিসি সূরজ দেখিয়ে দাদু অদভূত খেল ।

(পরচা, ৮৭) ।

* এই সব কথার যোগ পরিভাষার অর্থও আছে । তাহা আর এখানে দিলাম না ।

“তার প্রতি রোমে রোমের সাথে সাথে কোটি সূর্যের প্রকাশ। হে দাদু,
জগদীশের সেই জ্যোতি, না আছে তার অন্ত না আছে তার পার!”

সূরজ কোটি প্রকাশ হৈ, রোম রোম কী লার।
দাদু জ্যোতি জগদীশ কী অংত ন আরৈ পার ॥

(পরচা, ৮৮)।

“যেমন সমগ্র আকাশ ভরিয়া এক রবি, এমনই সকল ভরপুর। হে দাদু,
অনন্ত সেই তেজ, সর্বোপরি জ্যোতি ভগবান!”

জ্যোঁ রবি এক অকাশ হৈ, ঐসে সকল ভরপুর।
দাদু তেজ অনন্ত হৈ অল্পঃ আলী নূর ॥

(পরচা, ৮৯)।

“সূর্য্য নাই যেখানে সেখানে দাদু দেখে সূর্য্য, চন্দ্র নাই যেখানে সেখানে
দেখে চন্দ্র, তারা নাই যেখানে সেখানে ঝিলমিল দেখে তারা, কী অপরিসীম
আনন্দ!”

সূরজ নহি তহঁ সুরিজ দেখে, চন্দ নহীঁ তহঁ চন্দা।
তারে নহি তহঁ ঝিলিমিলি দেখ্যা, দাদু অতি আনন্দা ॥

(পরচা, ৯০)।

“বাদল নাহি সেখানে দেখিল বরষিতে, শব্দ নাহি শুনি গরজিতে, বিদ্যুৎ
নাহি সেখানে দেখিল চমকিতে, দাদুর পরমানন্দ!”

বাদল নহি তহঁ বরিখত দেখ্যা, সবদ নহীঁ গরজংদা।
বীজ নহীঁ তহঁ চমকত দেখ্যা দাদু পরিমানন্দা ॥

(পরচা, ৯১)।

নিবেদন

এই উপক্রমণিকাটি কয়েক বৎসর পূর্বে লিখিত, অবশ্য পরে নূতন তথ্যও অনেক স্থানে দেওয়া হইয়াছে। তবু মনে রাখিতে হইবে যে অনেক স্থলে নির্দিষ্ট সময় কয়েক বৎসর পূর্বেকার।

উপক্রমণিকাতে দাদুর যে সব বাণী উদ্ধৃত হইয়াছে সেগুলি আমার নিজের সংগ্রহ হইতে গৃহীত হয় নাই। প্রামাণ্যতার জন্ত তাহা দাদুর প্রখ্যাত “অংগবধু” সংগ্রহ হইতে গৃহীত ও সেই ভাবেই উদ্ধৃত। কাজেই উপক্রমণিকায় উদ্ধৃত বাণীগুলি আমার এই সংগ্রহে ঠিক তেমনি ভাবে নাও পাইতে পারেন, একেবারেও না থাকিতে পারে।

পরিশেষে আমায় একান্ত কৃতজ্ঞতা জানাইতেছি পূজনীয় কবিগুরু শ্রীমদ্ রবীন্দ্রনাথ ঠাকুর মহাশয়ের উদ্দেশ্যে। তাঁহার উৎসাহেই এই কার্যে হাত দিয়াছিলাম, তাঁহার সহায়তাতেই এই সংগ্রহ বাহির করা সম্ভব হইয়াছে এবং তাঁহার কাছে আমি এই জন্ত কত যে ঋণী তাহা কহিয়া বুঝাইবার নহে।

তার পর বন্ধুবর শ্রীযুক্ত নিত্যানন্দবিনোদ গোস্বামী মহাশয় কষ্টকর প্রাফ দেখার কাজে আমাকে সহায়তা করিয়া আমার প্রভূত উপকার করিয়াছেন। তাঁহাকে আমার কৃতজ্ঞতা জানাইতেছি।

সাধু ও গৃহস্থ বহু ভক্তজন ও সজ্জনের কাছে এই কার্যের জন্ত আমি নানা ভাবে ঋণী ; অনেকের ঋণ পরিশোধ করা অসম্ভব। সকলের নাম করা সম্ভব নহে, তবু আমি সকলের উদ্দেশ্যেই আমার বিনীত কৃতজ্ঞতা জ্ঞাপন করিতেছি। জানি না এ গ্রন্থের দ্বারা কাহারও কোনো উপকার বা আনন্দ হইবে কিনা। এই গ্রন্থ প্রকাশিত করার যাহা উদ্দেশ্য তাহা আমার দ্বারা ঠিক সাধিত হইয়াছে কিনা তাহাও ঠিক জানি না ; কারণ এই বিষয়ে আমার যোগ্যতার কোনো দাবী নাই। তবু প্রকৃতভাৱে সকল ভক্তিরসপিপাসু সজ্জনের কাছে এই ভক্তবাণীসংগ্রহ খানি উপস্থিত করিতেছি। মধ্যযুগের সাধনার যাহারা রসিক তাঁহাদের যদি ইহাতে কিছুমাত্র সন্তোষ হয় তবেই আমার সকল প্রয়াস সার্থক হইবে। ইতি

শান্তিনিকেতন,

১লা বৈশাখ, ১৩৪০ সাল।

শ্রীকৃষ্ণমোহন সেন।

দাদু

দাদু-বাণী

প্রথম প্রকরণ—জাগরণ

প্রথম অঙ্ক—গুরু অঙ্ক

প্রবেশক

ভক্তদের বিভাগমত দাদুর এই ছয় ভাগের মধ্যে প্রথমেই হইল জাগরণ। জাগরণের মধ্যে প্রথমেই গুরুর অঙ্ক। এই সব সম্প্রদায়ের লোকেরা তো জানী বা পণ্ডিত নহেন, যুগযুগান্তরের সাধনা ও সত্যের পরিচয় ইহারা শাস্ত্রের ভাণ্ডার হইতে পান না। তাই ইহারা এমন নানুষ্ণ চাহেন যাহার মধ্য দিয়া চিরদিনের সত্য, সকল মানবের উপলব্ধি পাইতে পারেন। গুরু ও ভক্তদের মধ্য দিয়াই এঁরা সকল যুগের সকল দেশের সব রকম সাধনার মধ্যে প্রবেশের দ্বার পান।

গুরুর কৃপায় অন্তরাত্মা বিকশিত হইয়া ওঠে; তাঁর পরশ হইল পরশমণির পরশ। পরশমণি হইতেও তাঁর পরশ বেশী। কারণ পরশমণির পরশ লোহাকে কাঞ্চনমাত্র করে পরশমণি তো করে না। সাধকের পরশ পাইলে মানব সাধকই হইয়া উঠে। কবীরও এই কথা বলিয়াছেন। “জাগরণে” প্রথম স্থান গুরু, দ্বিতীয় স্থান পৃথিবীর অন্ত সব সাধকের। তা সাধক যে দেশের, যে ধর্মের বা যে সম্প্রদায়েরই হউন না কেন। সব দেশের ও সব ধর্মের সব সম্প্রদায়ের সকল প্রকার সাধকের সাধনাই আমাদের সাধনাতে

সহায়তা করে। যে সাধনাই হউক, তাহা যদি সত্য হয়, তবে তাহা সকল মানবের নিত্য কালের ধন ও সাধনার সহায় হইয়া রহিল, তাহা কাহারও পক্ষে নিরর্থক নহে।

গুরু ও সাধকে মিলিয়াই “চেতননী”। চেতননী হইল জাগরণের তৃতীয় অঙ্গ। “চেতননী” অর্থাৎ অন্তরকে সচেতন করার অঙ্গ। সাধকের অন্তরের চেতনাই হইল জাগরণ-সাধনার শেষ কথা।

লৌকিক গুরু হইলেন উপলক্ষ্যমাত্র। আসল গুরু ভগবান স্বয়ং। তিনি যদি কৃপা করিয়া আপনাকে প্রকাশ না করেন তবে কার সাধ্য তাঁকে প্রকাশ করে? তিনি লৌকিক গুরুকে উপলক্ষ্য করিয়া আপনার কাজ করাইয়া লন। যেমন প্রতি মাতা ও পিতার মধ্য দিয়া আমরা জগন্মাতা ও জগৎ-পিতার পরিচয় পাই, তেমনি গুরুর মধ্যে দিয়াই সেই পরমগুরুরই পরিচয় পাই। তাঁর ইচ্ছা হইলে তিনি এই সব লৌকিকগুরু ছাড়াও আপনার কাজ করিতে পারেন এবং এমন লীলা তিনি কত ক্ষেত্রেই করিয়াছেন। গুরু সকল সম্প্রদায়ের অতীত, কারণ তাঁর কোনো গুণ ও আকার নাই।

দাদু অলহ রামকা দোন্‌নৌ পথ তেঁ ঞ্চার।

রহিতা গুণ আকারকা সো গুরু হমারা ॥

(দাদু-বাণী, মধ্য কো অঙ্গ, ৪৮)।

দাদু বলেন, “আমার গুরু গুণ ও আকার রহিত, তিনি আল্লা ও রাম এই দুই পক্ষেরই অতীত।”

সাধক কমাল এ বিষয়ে একটি চমৎকার তুলনা দিয়াছেন, তাহা উল্লেখ করা উচিত। কমাল বলেন, “আসলে তো মস্ত ও উপদেশ বলে মুখ ও জিহ্বা। তবু মানুষ তো বলে না আমি মুখের বা জিহ্বার শিষ্য। মুখ ও জিহ্বা যে গুরুর, সেই পরিপূর্ণ গুরুরই পরিচয় সাধক দেয়। ভিন্ন ভিন্ন মানুষের মধ্যে যে আমরা গুরুকে পাই তাহাও তাঁহারা সেই পরমাত্মা সর্বময় মহাগুরুর অঙ্গ-স্বরূপ বলিয়াই। এই ক্ষেত্রেই বা কেন আমরা পরমাত্মাকেই গুরু না বলিব? গুরু এক তিনিই। এঁরা সবাই তাঁরই অঙ্গ, তাঁরই নিয়োজনে নিয়োজিত, তাই এঁরা পূজ্য, তাই এঁদের উপদেশ ভক্তির সহিত গ্রহণীয়।”

মধ্যযুগের ভক্তদের ও আউল বাউলদেরও এই রকমই ভাব। “আমার

গুরু আপনি একেলা করেন লীলা। তিনি আপনি অলখ নিরঞ্জন রায়। চন্দ্র সূর্য্য দুই বাতি জ্বালাইয়া তিনি রাত্রি দিবস করিয়া লইলেন সৃষ্টি। পরমগুরু আমার প্রাণ, অনন্ত অপার তাঁর লীলা।”

মেরা গুরু আপ একেলা খেলৈ

আঁপৈ অলখ নিরঞ্জন রায়।

চন্দ সূর দোই দোপক কীন্হাঁ রাত্রি দিবস করি লিন্হাঁ

পরম গুরু সো প্রাণ হমারা

দাদু খেলৈ অনত অপারা।

(রাগ আসাবরী, ২৪৩)।

আবার সাধকের অস্তরের অস্তরে তিনিই সঙ্গুরুরূপে বিরাজমান—

মাহেঁ কীজৈ আরতী মাহেঁ পূজা হোই।

মাহেঁ সদগুর সেইয়ে বৃথৈ বিরলা কোই ॥

(দাদু পরচা কো অঙ্গ, ২৬৫)।

“অস্তরের মধ্যেই আরতি কর, অস্তরেই পূজা হইবে। অস্তরের মধ্যেই সঙ্গুরু, তাঁর সেবা কর। এই তত্ত্ব কচিৎই কেহ বুঝে।”

গুরু-অঙ্গ

বাণী

গোপন অস্তরের মধ্যে গুরুর দর্শন পাইলাম। যার দর্শন অসম্ভবও সম্ভব তাঁর প্রসাদ পাইলাম। তিনি অসীম রহস্য দেখাইয়া দিলেন। তিনি আগাকে প্রেমের আলিঙ্গন দিয়া অস্তরের প্রদীপ জ্বালাইয়া দিলেন। তাঁর প্রেমস্পর্শেই সব বন্ধ কপাট আপনিই খুলিয়া গেল। নয়নে তিনি যে প্রেমের অঙ্কন দিলেন তাতে নয়নের সব পরদা সরিয়া গেল। ইন্দ্রিয়ের মুখ ফিরিয়া গেল। বিষয়পিপাসু ইন্দ্রিয়গণ যেরূপ অস্তরের দিকে ফিরিয়া গেল অমনি পঞ্চেন্দ্রিয় যেন পঞ্চদলকমলের মত ফুটিয়া উঠিল, পঞ্চ প্রদীপের মত জ্বলিয়া উঠিল। সেই পঞ্চদলকমলে দেবতাকে বসাইয়া পঞ্চপ্রদীপে তাঁর আরতি করিতে হইবে।

গৈব মাছি গুরুদের মিল্যা পায়া হম পরসাদ ।
 মস্তকি মেরে কর ধর্যা দখ্যা অগম অগাধ ॥
 সতগুরু সো সহজৈ মিলা লিয়া কণ্ঠ লগাই ।
 দায়া ভঈ দয়ালকী দীপক দিয়া জগাই ॥
 দাদু দেব দয়ালকী গুরু দিখাই বাট ।
 তাল্লা কুংচী লাই করি খোলে সৰ্বৈ কপাট ॥
 সতগুরু অংজন বাহি করি নৈন পটল সব খোলে ।
 বহরে কানৌ শুননে লাগে গুঁগে মুখ সৌ বোলে ॥
 সতগুরু কিয়া ফেরি করি মনকা ঔরৈ রূপ ।
 দাদু পংচৌ পলটি করি কৈসে ভয়ে অনুপ ॥

“ইন্দ্রিয়ের অগম্য ধামে মিলিয়াছেন গুরুদেব, তাঁহার প্রসাদ আমি
 পাইলাম। আমার মাথায় তিনি হাত রাখিলেন (আশীর্বাদ করিলেন),
 অগম্য অগাধ (দুর্কোপ্য অসীম) দীক্ষায় আমাকে তিনি দীক্ষা দিলেন।
 সহজেতেই সেই সদ্গুরু গেলেন মিলিয়া, তিনি আমাকে করিলেন আলিঙ্গন ;
 দয়ালের হইল দয়া, তিনি (আমার অন্তরের) জাগাইয়া দিলেন দীপটি। হে
 দাদু, দয়াল দেবতার পথ দেখাইয়া দিলেন গুরু ; তালার চাবী আনিয়া সবগুলি
 কপাটই গুরু দিলেন খুলিয়া। সকল অঙ্কন দূর করিয়া সদ্গুরু নয়নের সব পটল
 দিলেন খুলিয়া ; বধির শুনিত্তে লাগিল কানে, বোবা মুখ দিয়া কহিল কথা ।

মনকে ফিরাইয়া সদ্গুরু সম্পূর্ণ আর একরূপই দিলেন করিয়া, হে দাদু,
 পঞ্চেন্দ্রিয় পালটিয়া গিয়া কি জানি কেমন করিয়া হইয়া গেল অনুপম ।”

ইন্দ্রিয় যখন বাহিরের দিকে ছিল তখন তার ছিল একরূপ। যখন
 সদ্গুরুর দরাজে ইন্দ্রিয়ের মুখ অন্তরের দিকে ঘুরিয়া গেল, তখন অন্তরের মধ্যে
 অনুপম লীলা প্রত্যক্ষ করিলাম।

শেষের বাণীটির আর একটি অর্থও হয়। “মনকার” এক অর্থ “মনের”, আর
 এক অর্থ “মালা”। অর্থাৎ সদ্গুরুর জপের প্রভাবে মালার দেখি আর একরূপ
 হইয়া গেল। রূপ, রস, গন্ধ, পরশ ও ধ্বনির যে অনুভব আমাদের পর পর
 হইতেছে তাহাকেই জপের গুটির মত ব্যবহার করিতেই পারি, সদ্গুরু যদি এই

অপরূপ অমৃতব গুটীকার মালা ফিরাইতে শেখান। এই শিক্ষা পাইলে আমাদের ইন্দ্রিয়ের বোধগুলির একেবারে আর এক অর্থ হইয়া যায়। তাহারারূপ ও সীমা হইয়াও প্রতিমূর্ত্তে অরূপ ও অসীমকেই প্রকাশ করে। গুটি নিজে যাহা তাহা তো প্রকাশ করে না; প্রকাশ করে সে দেবতাকে। পঞ্চেন্দ্রিয়ের সব অর্থ পালটিয়া গেলে অল্পমম লীলা প্রকাশ হয়।

সাধনার পথ দীর্ঘ ও কঠিন। এ পথ অতিক্রম করিবার জন্মসাধকদের মধ্যে দুই প্রকার রীতি আছে। জ্ঞানের পথে যে নিজের জোরে হাঁটিয়া চলে সে দীর্ঘ পথ চলিতে হইবে বলিয়া আপন মাথার সব ভার ফেলিয়া দেয়। তাই সে “নেতির” পথে চলিয়া দিন দিন সৌন্দর্য্য-বস-গীত নৃত্য-কলা-ঐশ্বর্য্য প্রভৃতি সবই ফেলিতে ফেলিতে হাঙ্কা হইয়া অগ্রসর হইতে থাকে। সাজ, সজ্জা, আভরণ, মালা, পুষ্প, চন্দন, অর্ঘ্য সবই সে ফেলিয়া চলে। এ পথে থাকে কেবল জ্ঞান ও বৈরাগ্য আর কঠোর সাধনা। এ হইল শুদ্ধতার ও শুদ্ধতার পথ। দীর্ঘ পথে চলিতে হইলে ভারই যে হয় প্রধান বাধা, তাই সে রিক্ত হইয়া চলে। যাহা শোভন ও সুন্দর তাহাও সে বহন করিয়া দীর্ঘ পথ অতিক্রম করিতে পারেনা।

আর যে সাধককে পায়ে হাঁটিয়া চলিতে হয়না, প্রেমের পথে যে চলে, ভগবৎ প্রেমের বলেই যে সাধক “ঠাইঞে” বসিয়াই অগ্রসর হয়, সে ফুল, চন্দন, মালা, অর্ঘ্য, গীত প্রভৃতি সব শোভা সব মাজলিক লইয়া সুন্দর হইয়া প্রেমময় দেবতার সঙ্গে মিলিবার জন্ম রাখে প্রস্তুত হইয়া। সে পথ “নেতির” পথ নহে। সদগুরু এই প্রেমের পথ দেখাইয়া দেন। তাঁর চরণতরীতে চড়িয়া ভক্ত প্রেমের পথ বাহিয়া অনায়াসে চলে। সব ভার থাকে তাঁরই উপরে।

সাঁচা সতগুরু জে মিলৈ সব সাজ সঁরাইরৈ ।

দাদু নার চড়াই করি লে পার উতাইরৈ ॥

“সাজা সদগুরু যদি মেলে তবে সব সাজে তিনি সাধককে নেন সাজাইয়া। হে দাদু, তিনি (ভগবৎকৃপার) নৌকায় সাধককে চড়াইয়া পারে করিয়া দেন উত্তীর্ণ।”

কেমন গুরু মিলিলেন ?

দাদু কাঢ়ে কাল মুখি অংধে লোচন দেই ।

দাদু ঐসা গুরু মিলা জীব ব্রহ্ম করি লেই ॥

দাদু কাঢ়ে কাল মুখি শ্রবনছ সবদ শুনাই ।
 দাদু ঐসা গুরু মিলা মিরতক লিএ জিলাই ॥
 দাদু ঐসা গুরু মিলা সুখমে' রহে সমাই । *
 দাদু ঐসা গুরু মিলা মহিম বরনি ন জাই ॥
 দাদু খেরট গুরু মিলা লিএ চড়াই নার ।
 আসন অমর অলেখ থা লে রাখে উস ঠার ॥
 কিরতম জাই উলংঘি করি জহঁ। নিরংজন থান ।
 সাচা সহজৈ লে মিলৈ জহঁ প্রীতম কা থান ॥

“হে দাদু, এমন গুরু মিলিয়াছেন যিনি অন্ধকে দেন লোচন, জীবকে নেন ব্রহ্মময় করিয়া, (আর এমন করিয়া!) কালের মুখ হইতে করেন নিস্তার । হে দাদু, এমন গুরু মিলিয়াছেন, যিনি শ্রবণে সঙ্গীত শুনাইয়া মৃতকে দেন বাচাইয়া আর কালের মুখ হইতে করেন উদ্ধার । হে দাদু, এমন গুরু মিলিয়াছেন যিনি আনন্দের মধ্যে থাকেন সমাহিত । তাঁহার মহিমা করা যায় না বর্ণনা । হে দাদু, গুরু মিলিয়াছেন খেয়ার মাঝি, তিনি নৌকায় চড়াইয়া নিয়া অমর ও অলখ যে আসন ছিল, সেখানে নিয়া দিলেন পৌছাইয়া । কৃত্রিমকে লজ্বন করিয়া যেখানে নিরঞ্জনের স্থান সেখানে গেল যাওয়া, যেখানে প্রিয়তমের স্থান সেখানে সত্যই সহজে নিয়া মিলাইল ।”

গুরু আসিয়া কি করিলেন ? গুরু তাঁহার মন্ত্র বলে, তাঁহার সঙ্গীতে আমাদের অস্তরের সব কঠিনতা সব বাধা চূর্ণ করিয়া দিলেন । তাঁর সঙ্গীতের মধ্যে এমন কিছু আছে যে কিছুতেই তাহা মন হইতে দূর করিয়া দিতে পারি না । কথা ভুলিয়া যাই তো মূর মনে লাগিয়া থাকে । সেই সঙ্গীত আমাদের অস্তরকে মন্থন করিয়া যে রস বাহির করে তাহাতেই ঘৃণের প্রদীপের মত সাধনার প্রদীপ জলিয়া ওঠে ।

* “সমানা” হিন্দী কথার বাংলা করা সহজ নহে । প্রাদেশিক বাংলাতে “সামান্ন” আছে, তাতে ঠিক বুঝা যায় না । কোনো কিছুতে ডুবিয়া তাহাকে পূর্ণ করিয়া বিরাজ করাকে “সামান্ন” বলা যাইতে পারে । সমাহিত কথাটাও যেন ঠিক হইল না ।

বাহরি সারা দেখিয়ে ভীতরি কীয়া চুর ।
 সতগুরু সবদৌ মারিয়া জান ন পারৈ দুর ।
 গুরু সবদ মুখ সৌ কথা ক্যা নেড়ে ক্যা দুর ।
 দাদু সিখ শ্রবণছ সুন্য স্মিরনি লাগা সুর ॥*
 কামধেনু ঘটি ঘৌর হৈ দিন দিন ছুরবল হোই ।
 গুরু গ্যান না উপজৈ মথি নহিঁ খায়া সোই ॥
 মথি করি দীপক কীজিয়ে সবঘটি ভয়া প্রকাশ ।
 দাদু দীরা হাথি করি গয়া নিরংজন পাস ॥

“বাহিরে (আগাকে) দেখিতেছ বটে আস্ত, কিন্তু ভিতরে তিনি একেবারে করিয়া দিয়াছেন চুর ; সতগুরু যখন “সবদ” (= সঙ্গীত) দিয়া মারেন তখন বাহিরের কেহ বুঝিতেই পারে না । (সাধক) গুরু মুখে “সবদ” গাহিলেন (সাধনার সত্যে পূর্ণ হইয়া তাহা তখন জগতের সবার ধন হইয়া গেল), তখন তার পক্ষে নিকটই বা কি আর দূরই বা কি ? হে দাদু, শিষ্য তাহা শ্রবণ ভরিয়া শুনিল এবং (শুধু তার) সুরখানি স্মরণে রহিল লাগিয়া ।

এ “ঘট” (কায়া ও রূপ) হইল কামধেনু, ইহাতে ঘৃত বিদ্যমান ; অথচ দিন দিন এ দুর্বল হইয়া চলিয়া চলিয়াছে যাবৎ গুরু-জ্ঞান উপজে নাই বা যখন করিয়া সেই ঘৃত হওয়া হয় নাই ।

এই ঘট মছন করিয়া সেই ঘৃতের প্রদীপ কর । (প্রদীপ যখন জলিল) তখন সব ঘট প্রকাশ হইয়া গেল, হে দাদু, সেই প্রদীপ হাতে করিয়া নিরঞ্জনের পাশে গেলাম ।”

তোমার আপন সাধনার প্রদীপ জ্বাল :

তোমার জীবন প্রদীপ জ্বালাইয়া তোল । দীপ হাতে না থাকিলে সে ঘরে কেহ প্রবেশ করিবার অধিকার পায় না ।

দীরে দীরা কীজিএ গুরুমুখ মারগ জাই ।

দাদু অপনে পিউকা দর্শন দেখৈ আই ॥

* এখানে “সুর” এই পাঠ হইলে অর্থ হইবে বীর সাধক । অর্থাৎ বীর, সাধক লাগিয়া রহিল সাধনে ।

দাদু দীয়া হৈ ভলা দিয়া কেরো সব কোই !
 ঘরমেঁ ধর্যা ন পাইএ জে কর দিয়া ন হোই ॥
 দীয়া জগমেঁ চাঁদনা দীয়া চাটল সাথি ।
 পরাপরি পাসেঁ রহৈ কোই ন জাটনৈ বাতি ॥

“সাধনার দীকার পথে গিয়া দীপ হইতে দীপ লও জালাইয়া । (এই দীপ হাতে করিয়া) হে দাদু, আপনার প্রিয়তমের রূপ আসিয়া কর দর্শন কর । হে দাদু, এই সাধনার দীপই ভাল, সকলেই এই দীপ জালিয়া লও । এই দীপ যার হাতে নাই ঘরে রক্ষিত ঐশ্বর্যও তাহার (অথবা প্রবেশও) পাইবার উপায় নাই । (তাঁহার) দীপ জগতের চন্দ্রালোকের মত রহিয়াছে, কিন্তু (তোমার আপন সাধনার) দীপই সাথী হইয়া তোমার সঙ্গে (সর্বত্র) যাইবে নিত্য কাল ধরিয়া ; এই দীপ সবার পাশেই আছে, কিন্তু কেহই সেই দীপের তত্ত্ব জানে না ।”

**আমার মধ্যেই আছে বাহিরের বাইবার
 প্রয়োজন নাই :**

মুঝহিমেঁ মেরা ধনী পরদা খোলি দিখাই ।
 সরবর ভরিয়া দহ দিসা পংখী প্যাসা জাই ॥
 মানসরোরর মাহি জল প্যাসা পীরে আই ।
 ভরিভরি প্যালা প্রেমরস অপনে হাথ পিলাই ॥

“আমার মধ্যেই আমার মালিক, পরদা খুলিয়া (গুরু) ইহা দেখাইলেন । দশদিশ পূর্ণ হইয়া আছে সরোবর, অথচ পাখী (জল না পাইয়া) পিয়াসী হইয়াই চলিল । মানস সরোবরের মধ্যেই তো জল, পিপাসিত যে সে আসিয়া পান করে, প্রেমরসের প্যালা ভরিয়া ভরিয়া (গুরু) নিজ হাতে করান পান ।”

অন্তরের উপলব্ধির উপায় : সৎগুরু আসিয়া ব্যথার আঘাত দিয়া আমাদের জাগাইয়া দেন । কিন্তু আগরণ ও সাধনা সত্য হওয়া চাই আমাদের অন্তরের সত্যকে জাগাইয়া তোলা চাই, নহিলে সাধনাতে বাহিরের অপরিমেয় ঐশ্বর্যও যদি লাভ হয় তবুও কোনো লাভ নাই । বাহিরে

অগণিত চন্দ্র সূর্য্য থাকিলেও কোনো লাভ নাই, অন্তরে নামের প্রদীপটি জ্বলাইয়া লও। ক্ষুদ্র হইলেও ইহা তোমার সৃষ্টি, ইহাই তোমার সাধনার নিত্য সাথী। বাহিরের ঐশ্বর্য্যে কেবল দিন দিন অহঙ্কারই বাড়িয়া চলে, অথচ এই অহঙ্কারকে দূর করাই হইল সাধনা। এই অহঙ্কার দূর না হইলে সাধনার জগতে আমার ঠাই নাই। অহঙ্কার গেলে, তাঁহার দয়া হইবে তখন প্রেম সূধারসের' অধিকারী হইব। সেই প্রেমরস দূরে নাই, নিকটেই আছে, অথচ বুঝিতে পারা যায় না। বস্তু একান্ত বিভিন্ন হইলে উপলব্ধি হয় না; যেমন চক্ষু শব্দ শোনে না। আবার একান্ত অভিন্ন হইলেও উপলব্ধি হয় না; যেমন নয়ন নয়নকে দেখে না। নয়ন দর্পণ পাইলে আপনাকে উপলব্ধি করিতে পারে। আত্মাকে আত্মা কি করিয়া উপলব্ধি করিবে? সবার অন্তরের মধ্যেই সেই দর্পণ আছে, গুরু তাহা দেখাইয়া দেন।

দেৱৈ কিরকা দরদকা টুটা জোরৈ তার ।
 দাদু সাধৈ সুরতি কো সো গুরু পীর হমার ॥
 সাঁচা সতগুরু সোধিলে সাঁচে লীজৈ সাধ ।
 সাঁচা সহিব সোধি করি দাদু ভগতি অগাধ ॥
 অনেক চন্দ উদয় কঁরৈ অসংখ সুর প্রকাশ ।
 এক নিরংজন নাঁর বিন দাদু নহঁী উজাস ॥
 কদি য়হ আপা জাইগা কদি য়হ বিসরৈ গুর ।
 কদি য়হ সৃষিম হোইগা কদি য়হ পারৈ ঠৌর ॥
 দাদু প্যালা প্রেমকা প্রেম মহারস পান ।
 জব দরৱৈ তব পাইয়ে নেরাহি অস্থান ॥
 নৈন ন দেধৈ নৈন কো অংতর ভী কুছ নাঁহিঁ ।
 সতগুরু দরপন কর দিয়া অরস পরস মিলি মাহিঁ ॥

“যিনি (জীবন তারে) ব্যথার তীব্র আঘাত দেন আবার (সে তার ছিঁড়িলে) ছিন্ন তার দেন জুড়িয়া; এমন করিয়া যিনি প্রেম-ধ্যান সাধন করান, হে দাদু, সেই গুরুই আমার শিক্ষাদাতা। সত্য সৎগুরু লও সন্ধান করিয়া, সত্যকে

লও সাধিয়া ; সত্য স্বামীকে সন্ধান করিয়া হে দাদু অগাধ* ভক্তি কর সাধন । অনেক চক্রে যদি করা হয় উদয়, অসংখ্য সূর্যোর যদি করা হয় প্রকাশ, তবু হে দাদু, এক নিরঞ্জনের নাম বিনা হয় না কোনো আলোক । কবে এই “অহম্” যাইবে চলিয়া, কবে এ আর সব হইবে বিস্মরণ, কবে (স্কুলজ দূর হইয়া) ইহার হইবে স্মরণ, কবে এ দাঁড়াইবার পাইবে ঠাই ? হে দাদু, প্রেমেরই পেয়ালা, প্রেম মহামুতেরই চলিতেছে পান । সেই স্থান নিকটেই বিদ্যমান, যখন (তাঁহার) হইবে দয়া † (অহংকারের বাধা যাইবে গলিয়া) তখনই মিলিবে সেই স্থান । নয়ন নয়নকে পায় না দেখিতে অথচ অন্তরও কিছু নাই । সদগুরু যখন হাতে দর্পণ দিলেন তখন অন্তরের মধ্যেই মিলিল দরশ পরশ ।”

সাধনার দেখিতে হইবে : প্রত্যেকের মধ্যেই মহুগ্ৰত্বের অমূল্যনিধি আছে, গুরু-দত্ত প্রদীপ পাইলে তবে তাহা দেখিতে পাওয়া যায় । অন্তরের সেই দিবারাত্রিকালব্যবস্থার অতীত অন্ধকারহীন জ্যোতির্ময় লোকে জপ চলুক । সেখানে সাধনা সহজ, কারণ সাধকের পাশে প্রিয়তম বিরাজমান । অগম্য জ্যোতির্ময় লোক তোমার পক্ষে গম্য হইবে কারণ সেই অনন্ত সহজে নিজেই যদি তোমার সদগুরু হন তবে নিত্য তোমার ঘরেই বসন্ত উৎসব চলিবে । বাহিরের ভেথ যথার্থ ফকীরী নহে, অন্তরে ভেথ নিয়া ফকীর হইতে হইবে এবং অলেখ অসীম অনন্তকেই ভিক্ষা মাগিতে হইবে ; কারণ ক্ষুদ্র কোনো দানে অন্তরাত্মা তৃপ্ত হইবার নহে ।

অন্তরের ফকীরী বাহিরের ফকীরীর মত সব কিছুকে অস্বীকার করিয়া নহে । সেই দীক্ষা পাইলে সকলকে স্বীকার করিব । যেখানে যেখানে তাহার সম্বন্ধ, সেখানে সেখানে সে যুক্ত হইবে, এমন করিয়াই বাদ বিবাদ ঘুচে, ইহাই সত্য যোগ । ঘর ছাড়িয়া বনেও যাইতে হইবে না, বাহিরের মন্দিরেও যাইতে হইবে না, অন্তরেই দেবতার দরশন ও সেবা চলিবে । অন্তরেই গুরুর উপদেশ মিলিবে, ব্যর্থ জটা-বাধা সাধু হইয়া বাহিরে ঘুরিয়া মরিতে হইবে না ।

* হিন্দীতে অগাধ অর্থে অতি গভীর অতলস্পর্শ, অপার, অসীম, অত্যন্ত, বোধাগম্য, দুর্কোষ, যার পার মেলে না, যাহা বুঝিতে পারা যায় না ।
(হিন্দী শব্দসাগর, পৃ: ৪৪) ।

† “দরশৈ” অর্থ দয়া হইবে, এবং ভ্রম হইবে, এই দুইই হয় ।

ঘট ঘট রাম রতন হৈ দাদু লখে ন কোই ।
 জবহী কর দীপক দিয়া তবহী স্মরণ হোই ॥
 মন মালা তই ফেরিয়ে দিবস ন পরসৈ রাত ।
 তই গুরু বানা দিয়া সহজৈ জপিয়ে তাত ॥
 মন মালা তই ফেরিয়ে শ্রীতম বৈঠে পাস ।
 অগম গুরুতৈ গম ভয়া পায় নূর নিরাস ॥
 মন মালা তই ফেরিয়ে আঁপৈ এক অনন্ত ।
 সহজৈ সো সতগুর মিলা জুগ জুগ কাল বসন্ত ॥
 সতগুর মালা মন দিয়া পরন সুরতি সো পোই ।
 বিনা হাথ নিস দিন জপৈ মরম জাপ য়ু হোই ॥
 মন ফকীর মাইঁ ছয়া ভীতরি লিয়া ভেখ ।
 সবদ গঠৈ গুরুদেরকা মাইঁগৈ ভীখ অলেখ ॥
 মন ফকীর সতগুরু কিয়া কহি সমঝায়া গ্যান ।
 নিহচল আসনি বৈঠি করি অকল পুরুস কা ধ্যান ॥
 মন ফকীর ঐসৈঁ ভয়া সতগুরু কে পরসাদ ।
 জইঁকা থা লাগা তহাঁ ছুটে বাদ বিবাদ ॥
 না ঘরি রহা না বন গয়া না কুছ কিয়া কলেস ।
 দাদু জেঁয়া হি তেঁয়া মিলা সহজ সুরত উপদেস ॥ *
 য়ছ মসীতি য়ছ দেৱেরা সতগুরু দিয়া দিখাই ।
 ভীতরি সেবা বংদগী বাহরি কাহে জাই ॥
 মংঝেহি চেলা মংঝে গুর মংঝেহি উপদেস ।
 বাহরি চুঁচুঁ বাররে জটা বঁধায়ে কেস ॥

“হে দাদু প্রতি ঘটেই (জীবে জীবেই) রাম রতন বিরাজমান । অথচ কেহই
 দেখিতে পায় না ; যখনই গুরু হাতে সাধনার প্রদীপ দেন তখনই দর্শন মেলে ।
 মন মালা সেখানে ফিরাও যেখানে দিবসের ও রাত্রির নাই কোনো পরশ ;

* “দাদু মনহী মন মিল্যা সতগুরুকে উপদেস” এই পাঠও আছে ।

সেখানে গুরু দিয়াছেন সাধনার রীতি, সহজেই কর সেখানে জপ। মন মালা সেখানে ফিরাও যেখানে প্রিয়তম বসেন পাশে, গুরুর প্রসাদে অগম্যও হইয়াছে গম্য, জ্যোতির্ষয় ধাম গিয়াছে পাওয়া।

মনমালা ফিরাও সেখানে, যেখানে তিনি আপনিই একা অনন্ত। সহজেই সেই সৎগুরু মিলিয়াছে ; এখন যুগের পর যুগ আমার ফাগ, যুগের পর যুগ আমার বসন্তোৎসব।

প্রেমের নিশ্বাসে মালা গাঁথিয়া সৎগুরু দিলেন মন-মালা। বিনা হাথে নিশিদিন চলিয়াছে জপ, এমন করিয়াই হয় মরম জাপ।** ভিতরেই মন হইল ফকীর, ভিতরেই লইল ভেখ, ভিতরেই গুরুদেবের শব্দ (সঙ্গীত) করিল গ্রহণ আর অলেখ (অপার অনন্ত) চাহিল ভিক্ষা। সৎগুরুই মনকে ফকীর করিয়া দিলেন, কহিয়া বুঝাইয়া দিলেন জ্ঞান। এখন নিশ্চল আসনে বসিয়া অনন্ত অকল পুরুষের ধ্যান করিতে হইবে সাধন। সৎগুরুর প্রসাদে মন এমনি হইয়া গেল ফকীর। যেখানকার সে ছিল সেখানেই সে গেল যুক্ত হইয়া, সব বাদ-বিবাদ গেল ঘুচিয়া। ঘরেও সে রহিল না, বনেও সে গেল না, কিছু ক্লেশও সে করিল না, হে দাদু, সহজ প্রেমধ্যানের উপদেশে, ঠিক যেমন ধারা তেমনি গেল মিলিয়া। † সৎগুরু দেখাইয়া দিলেন যে এই অস্তরেই মসজিদ অস্তরেই দেবমন্দির, ভিতরেই সেবা ভিতরেই প্রণতি, তবে বৃথা আর বাহিরে কেন যাওয়া ? হে দাদু, অস্তরের মধ্যেই চেলা, অস্তরের মধ্যেই গুরু, অস্তরেই উপদেশ। কেশে জটা বাঁধিয়া পাগলেরা বাহিরে বৃথা মরে খুঁজিয়া।”

** বিনা মালায় শ্বাসে শ্বাসে নাম জপই অজপা জাপ ; (পবন) শ্বাসই এই জপমালার গুটিকা, প্রেমই ইহার সূত্র, দিবানিশিই এই মালা ফিরিতেছে, ইহার সঙ্গে মন যদি যোগ দেয় তবেই জপ পূর্ণ হয়।

† “জ্যো কা ত্যো” অর্থে সাধকেরা বোঝেন যে পরমদেবতা ব্রহ্ম কল্পিত বা abstract নহেন। তিনি বিশ্বজগতে আত্মসত্তায় ও পরমসত্তায় ঠিক যেমনতরটি আছেন তেমনভাবেই স্বীকার্য। আমাদের মনের সৃষ্ট কোনো দর্শন বা তত্ত্ববাদ দিয়া দেখিতে গেলে যদি তাঁর মধ্যে কোনো অসঙ্গতি বৈচিত্র্য বা বিরোধ থাকে তবে তা থাকুক। সে সব সম্বন্ধেও তাঁহাকে ঠিক সহজরূপে গ্রহণ করিতে হইবে : আমাদের তত্ত্ববাদের বা দার্শনিকমতের অরুরোধে বিরোধহীন

প্রতি ঘণ্টে অমৃত : ঘানি ঘুরিলে তিল বা ইক্ষু প্রভৃতির রস চুয়াইয়া পড়ে । বিশ্বজগতের সূর্য্য চন্দ্র তারা যে ঘুরিতেছে, তাহাতে ঘুরিতেছে বিশ্বের চক্র । তাই অমৃত মহারস পড়িয়া যাইতেছে বহিয়া, সাধনার দৃষ্টি নাই তাই সব বৃথা যাইতেছে । কবীর কহিয়াছেন—

“আঠহু পহর মতরাল লাগী রহৈ

আঠহু পহরকী ছাক পীরৈ ।

আঠহু পহর মস্তান মাতা রহৈ

ব্রহ্মকে দেহমৈ ভক্ত জীরৈ ॥

(শাস্তিনিকেতন কবীর ২য় ভাগ ৬৫ পৃঃ)

“অষ্টপ্রহর মস্ততা লাগিয়া আছে, অষ্টপ্রহরকে নিংড়াইয়া তার নির্ধাস সাধক পান করিতেছেন । অষ্টপ্রহর সাধক সেই মস্ততায় মাতিয়া আছেন, ব্রহ্মের দেহে ভক্ত রহেন জীবন্ত ।”

আমাদের চারিদিকেও যে বিশ্বের নাম ও রূপের চক্র চলিয়াছে ও কালের চক্র ঘুরিতেছে তাহাতে যে অমৃতরস বহিয়া যাইতেছে সাধনা না থাকায় তাহা আমরা হারাইতেছি । ঘানি চলিলেই তেল বা রস হয় না । তার মধ্যে কিছু বস্তু থাকা চাই । বিশ্বচক্রের মূলে, আমাদের চক্রের মূলে অমৃতস্বরূপ ব্রহ্ম বস্তুকে পাঠিলে অমৃতদারার আর বিরাম নাই । এ অমৃত পান করিলে কাল ও মৃত্যুকে জয় করিতে পারি ।

ঘর ঘর ঘট কোলহু চলৈ অমী মহারস জাই ।

অমর অভয় পদ পাইয়ে কাল কভী নহিঁ খাই ॥

হৌ কী ঠাহর হৈ কহৌ তনকী ঠাহর তুঁ ।

রীকী ঠাহর জী কহৌ জ্ঞান গুরুকা যুঁ ॥

শ্রায়সকৃত করিতে গিয়া তাঁহাকে কৃত্রিম ও মিথ্যা করিয়া তুলিলে চলিবে না । তাঁহার অসীম অপার অগাধ অলেখ স্বরূপ, যুক্তি ও মতের সীমায় বন্ধ আমাদের মনকে মুক্তি দিবে । সেই বন্ধ মনের অহুরোধে যেন আমাদের মুক্তির একমাত্র উপায় ব্রহ্মকেও কৃত্রিম করিয়া আমাদের মুক্তির সম্ভাবনা একেবারে না হারাইয়া বসি ।

“ঘরে ঘরে ঘটে ঘটে চলিয়াছে ঘানি, অমৃত মহারস যাইতেছে বহিয়া;
অমর অভয়পদ প্রাপ্ত হও, কাল কখনও তোমাকে বিনাশ করিবে না।

“আছির” স্থলে কহিতে হইবে “আছে”, “তরুর” স্থানে কহিতে হইবে “তুমি”,
“রী”র স্থানে কহিতে হইবে “জী” (পরম জীবন), এই রূপই গুরুর জ্ঞান মন্ত্র।”

দস্যার বেদনা : গুরু যে বেদনা দেন তাহা দুঃখ দিবার
জন্ম নহে। সাধকদের মধ্যে নিহিত মহত্ব আছে, তাহাকে বিকশিত করিতে
হইবে বলিয়াই এই দুঃখ দেওয়া। মানবের মধ্যে মহত্বের মনুষ্যত্বের অমর
বীজ আছে বলিয়াই মানুষকে বিধাতা দুঃখের পর দুঃখ দিয়া বিকশিত করেন।
পশুপক্ষী বৃক্ষনতার মধ্যে সেই বীজ নাই বলিয়াই মানুষের প্রাপ্য দুঃখ তাহাদের
নাই। এই বেদনা যে না পাইল তাহার দুর্ভাগ্য, তাহার মধ্যে অমৃতের
সম্ভাবনা সেই পরিমাণেই কম।

সোনে সেতী বৈর ক্যা মারৈ ঘনকে ঘাই।

দাদু কাটি কলংক সব রাখে কংঠ লগাই।

পানী মাঁহেঁ রাখিয়ে কনক কলংক ন জাহি।

দাদু গুরুকে জ্ঞানমৌ তাই অগিনি মেঁ বাতি ॥

মাঁহেঁ মীঠা হেত করি উপরি কড়রা রাখি।

সতগুরু শিখকৌ সীখ দে সব সাধুঁ কৌ সাখি ॥

“সোনার সঙ্গে কি শক্রতা যে তাকে প্রকাণ্ড হাতুড়ীর আঘাত নিরন্তর মারা
হয়? হে দাদু, তার সব কলঙ্ক কাটিয়া যে তাকে কণ্ঠে (হার করিয়া) রাখে,
লাগাইয়া। জলের মধ্যে যদি রাখ তবে তো সোনার কলঙ্ক যাইবে না।
তাই হে দাদু, গুরুর জ্ঞান দিয়া তাহাকে অগ্নিতে ফেলিয়া দিয়া করিতে হয়
তপ্ত। সৎগুরু অন্তরে মধুর প্রেম রাখিয়া বাহিরে রাখেন কটুভাব, এমন
করিয়াই তিনি শিষ্যকে দেন শিক্ষা, সব সাধুই এই কথায় একই সাক্ষ্য
দিবেন।”

কুশিষ্য : তাই বলিয়া কুশিষ্য বা কুগুরু যে নাই, তাহাও নহে।
শিষ্য যদি ভাল না হয় তবে সৎগুরুর সব চেষ্টাই বিফল হইয়া যায়। তাহা
হইলে সাধনার জন্ম সব বেদনাই বিফল হয়।

কহি কহি মেরী জীভ রহী সুনী সুনী তেরে কান ।
 সতগুরু বপুরা ক্যা করে চেলা মূঢ় অজ্ঞান ॥
 পংচ সরাদী পংচ দিসি পংচে পাঁচো বাট ।
 তবলগ কহা ন কীজিয়ে গুরু দিখায়া ঘাট ॥
 জ্ঞান লিয়া সব সীখি সুনী মনকা মৈল ন জাই
 তৌ দাদু ক্যা কীজিয়ে বুরী বিথা মন মাহি ॥

“কহিয়া কহিয়া আমার রসনা ও শুনিয়া শুনিয়া তোমার কান হইল হয়রান,
 সতগুরু বেচারা করিবে কি ? চেলাই যে মূঢ় অজ্ঞান । (পঞ্চেন্দ্রিয়ের)
 পাঁচদিকে পাঁচ রকম (রূপ, রস, গন্ধ, স্পর্শ, শব্দ) স্বাদ, পাঁচের পাঁচ রকম
 পথ ; যে পর্য্যন্ত না গুরু (এই পঞ্চেন্দ্রিয়কে সহায় করিয়া পঞ্চরসে মধুর
 সাধনায়) ঘাট (পথ) দেখাইয়া দেন, সে পর্য্যন্ত এসম্বন্ধে কোনো কথা বলিও
 না । শিষ্য তৌ জ্ঞান সব শুনিয়া শিখিয়া নিল, মনের ময়লা তৌ গেল না ; তবে
 দাদু কি করিবে ? ব্যর্থ ব্যথাই রহিয়া গেল মনের মধ্যে ।”

কুগুরু : আবার উপদেশক গুরু যদি যোগ্য না হন তবে
 সাধকের সব দুঃখই বৃথা । যে নিজেই মানবের অন্তরমন্দিরের নিগূঢ় রহস্য না
 জানে সে আবার কিসের উপদেশ দিবে ? এক মিথ্যা হইতে নিয়া অপর
 মিথ্যার মধ্যে যদি গুরু ফেলেন ? নিজে না জানিয়া যদি অন্তকে দেন
 উপদেশ, তবে সেই উপদেশ কোথায় লইয়া যাইবে ? তখন গুরুর নিজের ও
 যেমন দুর্গতি শিষ্যেরও তেমন দুর্গতি ।

অন্ধে অন্ধা মিলি চলে দাদু বাঁধি কতার ।
 কুপ পড়ে হম দেখতে অন্ধে অন্ধা লার ॥
 সোধী নহীঁ সরীরকো ঔরৌ কো উপদেশ ।
 দাদু অচরজ দেখিয়া যে জাহিঁগে কিস দেশ ॥
 মায়া মাইহঁ কাড়ি করি ফিরি মায়া মেঁ ডার ।
 দাদু সাঁচা গুরু মিলৈ সনমুখ সিরজনহার ॥
 তুঁ মেরা হঁউ তেরা গুরু সীখ কিয়া মংত ।
 দোনৌ ভুলে জাত হৈঁ দাদু বিসরা কংত ॥

“হে দাদু, অঙ্কের সঙ্গে অঙ্ক যুক্ত হইয়া কাতার বাঁধিয়া চলিয়াছে, আমি দেখিতেছি অঙ্কের পর অঙ্ক সারি বাঁধিয়া পড়িতেছে কূপে। (গুরু) নিজেকে বিস্তৃত করিল না, দেহের মধ্যে খুঁজিয়া দেখিল না, অথচ আর সকলকে দিতেছে উপদেশ ! দাদু এই আশ্চর্য্যই দেখিতেছে, ইহারা চলিয়াছে কোন দিকে ? ইহারা মিথ্যা হইতে গান্ধুকে বাহির করিয়া আবার মিথ্যাতেই ডুবাইতেছে ; হে দাদু, সত্য গুরু যদি মেলে (তবে তিনি দেখাইয়া দেন) সম্মুখেই সৃজনকর্তা। “তুমি আমার আমি তোমার”* গুরু শিষ্য এই মন্ত্র তো জপিলেন ; হে দাদু, স্বামীকে বিশ্বাস হইয়া এই উভয়েই চলিলেন ভুলিয়া।”

পণ্ডিত আরও পথ ভুলাইয়া দেয় :

ভরম করম জগৎ বাঁধিয়া পণ্ডিত দিয়া ভুলাই ।

দাদু সতগুরু না মিলে মারগ দেই দেখাই ॥

পংথ বতাইরে পাপ কা ভরম করম বেসাস ।

নিকট নিরঞ্জন জো রহৈ কোঁয়া ন বতাইরে তাস ॥

আপ সরারথ সব সগে প্রাণ সনেহী কাম ।

হুখ কা সাথী সাইয়া প্রেম ভগতি বিশ্রাম ॥

“একেই তো জগৎ শ্রেয় ও কৰ্ম্মজালে বদ্ধ, তার উপর আবার ভরমে করমে জগৎকে বাঁধিয়া পণ্ডিত সকলকে ভুলাইল। হে দাদু, পথ দেখাইয়া দেন এমন সৎগুরু তো মেলে না। গুরু পাপের পথই করেন উপদেশ, ভরমে করমে করেন বিশ্বাস ; নিকটে যে নিরঞ্জন আছেন তাঁর কথা কেন বলেন না ? নিজের স্বার্থে সবাই হয় আপন, প্রাণের প্রেমীই দরকার। হুঃখের সাথী এক স্বামী ; প্রেম ভক্তিই স্বার্থ বিশ্রাম । †

* “তুমি আমার আমি তোমার” (তৈঁ মেরা মৈঁ তেরা) এটি সরমী সাধকদের গায়ত্রী মন্ত্র বিশেষ । ইহা অনেকে শ্বাসের সহিত জপ করেন । এই মন্ত্রটির উদ্দেশ্য হওয়া উচিত পরব্রহ্ম ভগবান। সূত্র গুরুরা যখন ভগবানের স্থানে নিজেকেই এই মন্ত্রের লক্ষ্য করিতে চান তখনই শিষ্যদের ঘটে হুর্গতি ।

† সাধকেরা প্রায়ই বলেন “প্রেমেতেই সকল কোঁভের ও সকল গতির শান্তি।”

সত্যশিক্ষা নিছকত রচনা নহে : অন্ন বাণীও যদি সত্য হয়, তবে তাতেই সব সিদ্ধ হয়। তবে তাহা সত্যজ্ঞটার বাণী হওয়া চাই।

একৈ সবদ অনন্ত সিখ জব সতগুরু বোলৈ।

দাদু জড়ে কপাট সব দে কুঁচী খোলৈ ॥

“যখন সতগুরু বলেন, তখন একটি “শবদেই” (সঙ্গীতেই) অনন্ত শিক্ষা। হে দাদু, যে সব কপাট জোড়ালগা বন্ধ, সেই শবদের চাবি দিয়াই সে সব তিনি দেন খুলিয়া।”

প্রথম প্রকরণ—জাগরণ

দ্বিতীয় অঙ্ক—সাধু অঙ্ক

ভান ও ভক্তির প্রত্যক্ষ রূপ—সাধু:

গুরুর সঙ্গে সাধকের সম্বন্ধ ব্যক্তিগত, আর সাধকদের সঙ্গে সাধকের সম্বন্ধ সমূহগত ; সকল সাধকই আমাদের সাধনার সহায়।

নিরাকার পরব্রহ্মকে আমরা প্রত্যক্ষ দেখিতে পাই না, কিন্তু ভগবৎপ্রেমে ভরপুর সাধক আমাদের প্রত্যক্ষ। তাঁদের প্রেম ভক্তি আমাদের প্রেম-ভক্তিকে জাগ্রত করে, তাঁদের ভগবদ্রস-পিপাসা আমাদের পিপাসাকে জীবন্ত করে।

মাটির মধ্যে যে রস আছে তাহা মানুষ ভোগ করিতে পায় না। বৃক্ষ সেই পার্থিব রসকে লইয়া ফলে ফুলে পত্র মূলে অপার্থিব রসে পরিণত করিয়া দিলে মানুষ তাহা গ্রহণ ও সম্ভোগ করিতে পারে। অনির্কচনীয় ব্রহ্মরসও তেমনি সাধকদের জীবনে জীবন্ত ও সম্ভোগ্য হইয়াই আমাদের পক্ষে গ্রহণীয় হয়। এই জগুই অলখ অগম্য ব্রহ্মরসকে সাধকের মধ্যেই গম্য ও প্রত্যক্ষ দেখিতে পাই, ব্রহ্মকেও সাধকের মধ্যে জীবন্ত ও প্রত্যক্ষ দেখি।

নিরাকার মন সুরতি সৌ প্রেম শ্রীতি সৌ সের।

জে পুঁজি আকার কো তৌ সাধু পরতথ দেয়।

“হে মন, সরস ভাবে প্রেমে ও প্রীতিতে নিরাকারকে সেবা কর ; যদি আকারকে পূজা করিতে চাও, সাধুই তবে প্রত্যক্ষ দেবতা ।”

রূপ ও ভাবের পরস্পরের পূজা : নিরাকার বা আকার কেহই তুচ্ছ নয় । যদি আকারের প্রত্যেক অণুতে প্রত্যেক তন্তুতে নিরাকার প্রকাশিত না হয় তবে নিরাকারের কোন অর্থই নাই, তা সে যতই অসীম বা অপার হউক না কেন । প্রতি পলে প্রতি দণ্ডে যদি অনন্ত (কাল) আপনাকে প্রত্যক্ষ করাইয়া না তোলে তবে সে অনন্তের কোনো অর্থই নাই । আবার আকারেরও কোনো মূল্য নাই যদি নিরাকার অসীমকে সে প্রকাশ না করে । দণ্ড পলের কোনো সত্যই নাই যদি অনন্তের প্রকাশ তাহাতে না থাকে ।

তাই ভারতীয় মধ্যযুগের সাধকেরা বার বার বলিয়াছেন—“সীমা অসীমকে পূজা করে, ক্ষণ ও পল অনন্তের পূজা করে । আবার অসীম ও অনন্ত পূজা করে সীমা ও ক্ষণকে । কারণ ইহাকে ছাড়িলে উহার অর্থ নাই, উহাকে ছাড়িলে ইহারও মূল্য নাই ।”

রাস কহে হম ফুল কো পাউ^৩ ফুল কহে হম রাস ।

ভাস কহে হম সত কো পাউ^৩ সত কহে হম ভাস ॥

রূপ কহে হম ভাব কো পাউ^৩ ভাব কহে হম রূপ ।

আপস মে^৩ দউ পূজন চাহে পূজা অগাধ অনুপ ॥*

“গন্ধ বলে, যেন আমি ফুলকে পাই ! (তবে আমি আশ্রয় ও প্রকাশ পাইতাম), ফুল বলে, যেন আমি গন্ধকে পাই (তবে আমি সার্থক হইতাম) ।

ভাস (প্রকাশ) বলে, যেন আমি সত্যকে পাই ; আর সত্য বলে, যেন আমি ভাসকে পাই ! রূপ বলে, যেন আমি ভাবকে পাই, আর ভাব বলে যেন আমি রূপকে পাই । পরস্পরে উভয়ে উভয়কে করিতে চাহে পূজা ! অগাধ (অসীম, অপার, অতলস্পর্শ) অনুপম হইল এই পরস্পরকে পরস্পরের পূজা !”

* এই বাণীটি তৃতীয় প্রকরণ, তৃতীয় অঙ্ক, “বিচার” অঙ্কেও আছে

সাধুর আহাছা :

ক্লথ বিরিক বনরাই সব চন্দন পাসৈ হোই ।
 দাদু রাস লগাই করি কিয়ে সুগন্ধে সোই ॥
 সাধু নদী জল রাম রস তহঁ পখালৈ অংগ ।
 দাদু নিরমল মল গয়া সাধু জনকে সংগ ॥
 সাধু মিলৈ তব উপজৈ প্রেম ভগতি কুচি হোই ।
 দাদু সংগতি সাধুকী দয়া করি দেবৈ সোই ॥
 সাধু মিলৈ তব উপজৈ হিরদয় হরিকী প্যাস ।
 দাদু সংগতি সাধুকী অবিগতি পুরবৈ আস ॥

(গঙ্কহীন) “বৃক্ষ পাদপ বনস্পতি যদি চন্দনের নিকট থাকে, তবে হে দাদু, সেই চন্দনই আপন গন্ধ লাগাইয়া তাহাকে লয় সুগন্ধ করিয়া । সাধুরা যেন নদী, ভগবদ্রস সেই নদীর জল, হে দাদু সেইখানে অঙ্গ প্রক্ষালন করিলে সাধুজনের সঙ্গ গুণে সব মল দূর হইয়া যায় নির্মল হইয়া ।

সাধু যদি মিলে, তবেই তা প্রেম ভক্তি উপজৈ (অকুরিত হইয়া জীবন্ত হইয়া ওঠে), তবেই প্রেমে ভক্তিতে হয় কুচি । হে দাদু, তিনিই দয়া করিয়া সাধু সংগতি করেন দান ।

সাধু যদি মিলে, তবেই তো হৃদয়ে উপজৈ হরির পিপাসা, হে দাদু, সাধুর সঙ্গতি গুণেই সেই অপার অগম্য আকাঙ্ক্ষা ও লালসা হয় পূর্ণ ।”

সঙ্গীতের ব্যথা দেন সাধু :

সাধু সপীড়া মন করৈ সতগুরু সবদ সুনাই ।
 মীরঁ মেরা মিহর করি অংতর বিরহ উপাই ॥
 জেঁয়া জেঁয়া হোরৈ তেঁয়া কহৈ ঘট বঢ় কহৈ ন জায় ।
 দাদু সো সুধ আতমা সাধু পরসৈ আই ॥

“সঙ্গুর সবদ (সঙ্গীত) শুনাইয়া সাধু আমার মনকে বেদনায় করেন ব্যথিত, আমার প্রভু দয়া করিয়া অন্তরে বিরহ করেন উৎপন্ন ।

যেমন যেমন ঘটে তেমন তেমনই যে বগে, একটুও কম বা বেশী করিয়া

বলা যাহার পক্ষে অসম্ভব, হে দাদু, সেই লোক আত্মাকে সাধু আশিষা করেন পরশ ।”

**সাধু সঙ্গতির রস অপাঠিন, জগতে
আর কোথাও তাহা মিলিবে না :**

দাদু পায়া প্রেম রস সাধু সংগতি মাহিঁ ।

ফিরি ফিরি দেখে লোক সব যত্ন রস কতহুঁ নাহিঁ ॥

জিস রস কো মুনিবর মরৈঁ সুরনর করৈঁ কলাপ ।

সো রস সহজেঁ পাইয়ে সাধু সংগতি আপ ॥

“সাধু-সঙ্গতির মধ্যে দাদু যে প্রেমরস পাইয়াছে, সকল লোক ফিরিয়া ফিরিয়া দেখিল সেই রস আর কোথাও নাই । যেই রসের জন্য মুনিবর মরিতেছেন, সুর নর যার জন্য করিতেছেন কলাপ (বিলাপ, শোক), সেই রস সাধু সঙ্গতির মধ্যে সহজেই পাইবে আপনি ।”

**সাধু সঙ্গতি প্রাণ জুড়ায়, স্বর্গে বা
লোকে কোথাও সেই শান্তি নাই :**

দাদু নেড়া দুরতৈঁ অরিগতি কা আরাধ ।

মনসা বাচা করমনা দাদু সংগতি সাধ ॥

সরগ ন সীতল হোই মন চন্দ ন চন্দন পাস ।

সীতল সংগতি সাধুকী কীজৈ দাদু দাস ॥

দাদু সীতল জল নহঁই হিম নহিঁ সীতল হোই ।

দাদু সীতল সংত জন রাম সনেহী সোই ॥

দাদু চন্দন কদি কহ্যা অপনা প্রেম প্রকাস ।

যেহি* দিসি পরগট হোই রহ্যা সীতল গন্ধ সুবাস ॥

দাদু পারস কদি কহ্যা মুঝতৈঁ কংচন হোই ।

পারস পরগট হোই রহ্যা সাচ কহৈ সব কোই ॥

* “বহু দিশি” পাঠে, “দশ দিকেই” অর্থ হইবে ।

“অনির্বচনীয়ের আরাধনাকে যদি সুদূর ও অজ্ঞেয় ধাম হইতে নিকটস্থ ও প্রত্যক্ষ করিতে চাও তবে মন বচন ও কর্ম দিয়া হে দাদু, সাধুসঙ্গ কর সাধন । এই মন স্বর্গে ও শীতল হয় না, চন্দ্র বা চন্দনের কাছেও শীতল হয় না, সাধুর সঙ্গতিই শীতল, হে দাস দাদু, তাহাই কর সাধন । জলও শীতল নয়, হিমও শীতল নয় ; হে দাদু, যে সাধক ভগবৎপ্রেমে প্রেমিক, একমাত্র শীতল সে-ই । হে দাদু, চন্দন কবে আপনার প্রেম প্রকাশ করিয়া বলিয়াছে ? যে দিকে সে বিচ্যমান থাকে সেই দিকেই শীতল গন্ধ ও সুবাস বিরাজিত । পরশ মণি কবে কহিয়াছে, ‘আমা হইতে হয় কাঞ্চন ?’ হে দাদু, পরশ যখন তাহার প্রত্যক্ষ হয় তখন সবাই বলে, হাঁ সাচ্চা বটে ।”

ভক্তের মহিমা :

ধরতী অংবর রাত দিন রবিসসি নারৈঁ সীস ।
দাদু বলি বলি বারণে জে সুমিরৈঁ জগদীস ॥
চন্দ সূর সিজদা করৈঁ নারৈঁ অলহ কা লেই ।
দাদু জিমীঁ অসমান সব উন পাউঁ সির দেই ॥

“যিনি জগদীশের নাম স্মরণ করেন, হে দাদু তাঁহার নিছনি লইয়া মরি ; ধরিত্রী, অম্বর, দিন রাত্রি, রবি শশী (তাঁর চরণে) মাথা করে প্রণত । যিনি আল্লার নাম নেন, চন্দ্র সূর্য্য তাঁহার চরণে করে প্রণতি, হে দাদু, সমস্ত স্বর্গ ও মর্ত্য তাঁর পায়ে মাথা করে প্রণত ।”

ভক্তের-শোভা :

জে জন হরিকে রংগ রংগে সো রংগ কভী ন জাই ।
সদা সুরংগে সন্ত জন রংগ মেঁ রহে সমাই ॥
সাহিব কিয়া সো কোঁ মিটে সুন্দর সোভা রংগ ।
দাদু ধোরৈঁ বাররে দিন দিন হোই সুরংগ ॥

“যে জন হরি রঙ্গে* রজিয়াছে সে রজ তো কখনও যায় না ; সাধক জন

* রং অর্থ এখানে নয়নের গ্রাহ্য সুন্দরবর্ণ ও অস্তরের গ্রাহ্য লীলা দুইই হইতে পারে ।

সদাই স্ন-রক্তে রক্তিয়া সেই রক্তেই আছেন ভরপুর হইয়া। স্বামী যে স্ন-রক্ত শোভা রক্ত করিয়া দিয়াছেন তাহা কেন যাইবে মিটিয়া? ওরে দাদু, পাগল লোক সে রক্ত যতই ধুইয়া তুলিতে চায়, ততই দিন . দিন তাহা আরও হইতে থাকে স্ন-রক্ত।”

সত্য সাধু কে? যিনি অপকার পাইলেও উপকারই ফিরাইয়া দিতে পারেন, যিনি বিষ পাইলেও ফিরাইয়া দেন অমৃত, বাঁকা পাইলেও সরল করিয়া দিতে পারেন ফিরাইয়া, তিনিই সত্য সাধু। তিনি অপূর্ণকে পূর্ণ, ক্ষারকে মিষ্ট, ফুটাকে সারা করিয়া দিতে পারেন। এমন সাচ্চা সাধক দুর্লভ, কিন্তু ইহাই হইল সাচ্চা সাধুর লক্ষণ।”

বিষকা অমৃত করি লিয়া পারককা পাণী।

বাঁকা সূধা করি লিয়া সো সাধু বিনাগী ॥

উরা পুরা করি লিয়া খারা মীঠা হোই।

ফুটা সারা করি লিয়া সাধু বমেকী সোই ॥

বংখ্যা মুক্তা করি লিয়া উরঝা সুরঝি সমান।

বৈরী মিংতা করি লিয়া দাদু উত্তিম জ্ঞান ॥

ঝুঠা সাঁচা করি লিয়া কাচা কংচনসার।

মৈলা নির্মল করি লিয়া দাদু জ্ঞান বিচার ॥

“বিষকে যে লইল অমৃত করিয়া, অগ্নিকে (তপ্তকে) যে জল (শীতল) করিয়া লইল, বাঁকাকে যে সিধা করিয়া লইল, এমন সাধুই যথার্থ জ্ঞানী। উনকে যে পূর্ণ করিয়া লইল, ক্ষার যাহার (কাছে আসিয়া) হইয়া গেল মিঠা, ফুটাকে যে লইল সারা (আস্ত, পূর্ণাঙ্গ) করিয়া, সেই সাধুই তো বিবেকী। বন্ধকে যে লইল মুক্ত করিয়া, অবরুদ্ধকে যে লইল বিগতপাশ করিয়া, বৈরীকে যে করিয়া লইল মিত্র, তাহারই তো উত্তম জ্ঞান। ঝুঠাকে যে করিয়া লইল সাচ্চা, কাচকে (অসার) যে লইল কাঞ্চন-সার করিয়া, ময়লাকে যে করিয়া লইল নির্মল, তাহারই তো জ্ঞান বিচার।”

সাধনাতে মিথ্যা অভল? সাধুদের সব হইতে বড় কাজ যে তাঁরা “ঝুটা”কে নেন “সাচ্চা” করিয়া। কারণ সাধনার অগতে

“ঝুটা” কোনো মতেই চলে না। কারণ যাহার বলে মাহুৰ তরিবে, যাহার বলে মুক্ত হইবে, তারই মধ্যে যদি থাকে “ঝুটা”; তবে তাহাতেই মরিবে ডুবিয়া, তাহাতেই পচিয়া মরিবে বন্ধ হইয়া। সাধনার জগতেই দেখিতে পাই আসিয়া জুটিয়াছে যত কপট যত মিথ্যা, অথচ এখানে কপটতামাত্রই অচল।

জই তিরিয়ে তঁহ ডুবিয়ে মন মে মৈলা হোই ।

জই ছুটে তই বংধিয়ে কপটি ন সীঝে কোই ॥

“মনে যদি ময়লা থাকে (হে সাধক), তবে যাহাতে করিয়া তরিবে তাহাতেই মরিবে ডুবিয়া। যাহাতে মুক্ত হইবে তাহাতেই মরিবে বন্ধ হইয়া, (সাধনার ক্ষেত্রে) কপটে কিছুই সিদ্ধ হইবার নহে।”

সেবার ও সেবকের রহস্য : সাধকেরা সেবার যোগে চন্দ্র সূর্য্য পবন জল রাত্রি দিন বৃক্ষলতা সকল বিশ্বপ্রকৃতির সঙ্গে সমভাবে যুক্ত। চন্দ্র সূর্য্য আদি প্রকৃতির এই সব সাধকেরা সেবার যোগেই হইয়াছেন মহৎ। মানব সাধকেরাও সেবার দ্বারাই ইহাদেরই মত বিরাট ও গভীর হইতে পারেন। স্বার্থ ও সঞ্চয়ের ভারই আমাদেরকে ভারগ্রস্ত ও বন্ধ করে ক্ষুদ্র করে ও বিশ্বজীবনের ধারা হইতে বঞ্চিত করে।

চন্দ সূর পাবক পবন পানীকা মত সার ।

ধরতী অংবর রাত দিন তরুর ফলে অপার ॥

জিসকা তিসকো দীজিয়ে সুকরিত পর উপকার ।

দাদু সেবক সো ভলা সির নহি লেইে ভার ॥

পরমার্থ কো রাখিয়ে কীজৈ পর উপকার ।

দাদু সেবক সো ভলা নীরংজন নিরাকার ॥

“চন্দ্র সূর্য্য, পাবক পবন জল, ধরিত্রী আকাশ, রাত্রি দিন, অপার ফলে ফলবান তরুর, এই সবাকার (সেবা করিবার) মতই দেখ সার মত। যাহার যাহা (প্রাপ্য ও প্রয়োজন) তাহা তাহাকেই দাও, পর উপকারই স্বকৃত; হে দাদু সেই তো ভাল সেবক যে নিজ মাথায় (স্বার্থ ও সঞ্চয়ের) ভার বৃথা বহিয়া

বেড়ায় না। পরম অর্থ সাধন কর, পর উপকার কর; হে দাদু, সেবক তো সে-ই ভাল যে নিরঞ্জন ও নিরাকার।” *

সেবাই প্রভুকে স্বীকার করা: প্রভু আমার নিজেই সেবক। তাঁকে যে স্বীকার করিবে সে সেবা দ্বারাই স্বীকার করিবে। মুখে যে স্বীকার করে অথচ সেবাদ্বারা যে স্বীকার করে না, তাহাকে প্রভুর সেবক বলা চলে না। মুখে সে আশুিক হইলেও জীবনে সে নাশুিক।

সেবা স্কুরিত সব গয়া মৈঁ মেবা মন মাহিঁ ।

দাদু আপা জ্ব লগৈ সাহিব মানৈ নাহিঁ ॥

“সেবা স্কুরিত সবই গেল, মনের মধ্যে রহিল শুধু আমি ও আমার। হে দাদু, যতক্ষণ অহমিকা স্বার্থ আছে ততক্ষণ স্বামীকে স্বীকার করাই হয় নাই।” **

সাম্পূর্ণ কাছে বিশ্রাম ও শান্তি:

ফিরতা চাক কুম্ভার কা য়েঁ দীসৈ সংসার ।

সাধু জন নিহচল ভয়ে জিনকে রাম অধার ॥

জলতী বলতী আতমা সাধু সরোবর জাই ।

দাদু জীর্বে রামরস সুখমেঁ রহে সমাই ॥

অসত মিলৈ অংতর পটৈ ভার ভগতি রস জাই ।

সত মিলৈ সুখ উপজৈ আনন্দ অংগি ন মাই ॥

“সবাই দেখিতেছে যে সংসার চক্র কেবলি ঘুরিতেছে কুম্বারের চাকের মত; তাহার মধ্যে কেবল সাধুজনই স্থির, রাম যাইঁদের আধার। জলিয়া পুড়িয়া আত্মা (মাত্ম) যখন সাধু-সরোবরে যায়, হে দাদু, সে তখন ভাগবত-রস পান করিয়া আনন্দ সরোবরে থাকে ডুবিয়া। অসৎ যদি আসিয়া মিলে তবে পুড়িয়া যায় ব্যবধান (সব কিছুর সঙ্গে যোগ হয় নষ্ট); ভাব, ভক্তিরস, সব যায় দূরে। সৎ আসিয়া মিলিলে উপজে আনন্দ, আনন্দ আর তখন ধরে না অঙ্গে।”

* ব্রহ্ম আপনার অসীম বিভূতি অপারভাবে দান করিয়া নিরঞ্জন নিরাকার হইয়া আছেন। তাহাই তাঁহার মহত্ব। তাঁর কাছেই এই ব্রতের দীক্ষা লও।

** “স্বামী তাহা মানিতে পারেন না”, অর্থও হয়।

সেবক কখনই একা নহে; প্রভুই
সেবকের সহায় ও সাথী।

সব জগ দীর্ঘ একলা সেবক স্বামী দোই ।
জগত ছুহাগী রাম বিন সাধু সুহাগী সোই ॥
অন্তর এক অনন্ত সৌ সদা নিরন্তর প্রীতি ।
জিহি প্রাণ প্রীতম বসে বৈঠা ত্রিভুবন জীতি ॥
আনন্দ সদা অডোল সৌ রামসনেহী সাধ ।
প্রেমী প্রীতম কো মিলে যত সুখ অগম অগাধ ॥

“সমস্ত জগৎ দেখিতেছে (সেবক) একলা, কিন্তু সেবক স্বামী দুইই আছেন (যুক্ত) । রাম বিনা জগৎ দুর্ভাগ্য, ভগবৎ-সঙ্গ পাইয়াই সাধু সৌভাগ্যশালী । যে অন্তর এক অনন্তের সঙ্গেই আছে যুক্ত, সদাই তাঁর সঙ্গে যার নিরন্তর চলিয়াছে প্রীতি, যেই প্রাণে প্রিয়তম বিরাজমান, সে ত্রিভুবন জিতিয়া বসিয়াছে । ভগবৎপ্রেমিক সাধুর সেই অটল ভগবানের সঙ্গেই সদা আনন্দ । প্রেমিকের হইল প্রিয়তমের সঙ্গে মিলন, সেই আনন্দ অগম্য ও অগাধ ।”

ভক্তের জীবনই সৰ্ব্বাপেক্ষা সঙ্গ প্রচার । যে জীবন ব্রহ্মজ্যোতি লাভ করিল সে কি আর নিজেকে কোথাও লুকাইতে পারে ? সদাই সেই ভক্তের দেহ-প্রদীপে ব্রহ্ম জ্যোতির শিখা দীপ্যমান । এই জ্যোতিতে সব অন্ধকার বিদূরিত ও যত প্রাণ-পতঙ্গ আকৃষ্ট ।

ভক্ত ব্রহ্ম-প্রদীপ :

জিঁহিঁ ঘটি দীপক রামকা তিঁহিঁ ঘটি তিমর ন হোই ।
উস উজিয়ারে জোত কো সব জগ দেখে সোই ॥
যত ঘট দীপক সাধুকা ব্রহ্ম জোতি পরকাস ।
'দাদু পংখী সন্ত জন তহাঁ পঠেঁ নিজ দাস ॥
ঘর বন মাঁঠেঁ রাখিয়ে দীপক জোতি জগাই ।
দাদু প্রাণ পতংগ সব জহঁ দীপক তহঁ জাই ॥

ঘর বন মাঁইঁ রাখিয়ে দীপক জলতা হোই ।
 দাদু প্রাণ পতংগ সব আই মিলেঁ সব কোই ॥
 ঘর বন মাঁইঁ রাখিয়ে দীপক প্রগট প্রকাস ।
 দাদু প্রাণ পতংগ সব আই মিলেঁ উস পাস ॥
 ঘর বন মাঁইঁ রাখিয়ে দীপক জ্যোতি সহেত ।
 দাদু প্রাণ পতংগ সব আই মিলেঁ উস হেত ॥

“যেই ঘটে ভগবৎ প্রদীপ শিখা জলিতেছে সেই ঘটে তিমির থাকিতেই পারে না, সেই উজ্জল জ্যোতি দেখিলে জগতের সবাই বুঝে যে ইহা সেই জ্যোতি । সাপকের দেহখানি তো একটি দীপের মত, ব্রহ্মজ্যোতিতে সে দীপ্যমান ; হে দাদু ভগবানের দাস যত সম্ভ্রমেরা পক্ষীর মত আসিয়া সেই দীপশিখায় পড়ে কাঁপাইয়া । ঘরের মাঝে বা বনের মাঝে যেখানেই এই প্রদীপ রাখ জ্বলাইয়া, হে দাদু, যত সব প্রাণ পতঙ্গ, যেখানে এই দীপ সেখানেই যাইবে চলিয়া । ঘরের মাঝেই রাখ বনের মাঝেই রাখ, এই প্রদীপ যদি জলিতে থাকে, তবে যত প্রাণ পতঙ্গ সবাই আসিয়া মিলিবে সেখানে । ঘরের মাঝে বনের মাঝে যেখানেই রাখ এই দীপ-জ্যোতি প্রত্যঙ্গ প্রকাশ হইবেই হইবে ; হে দাদু, যত সব প্রাণ পতঙ্গ তার কাছে আসিয়া মিলিবেই মিলিবে । ঘরের মাঝে বনের মাঝে যেখানেই রাখ, দীপকের জ্যোতির সঙ্গে আছে প্রেমের যোগ ; হে দাদু, যত সব প্রাণপতঙ্গ তাই সেই দীপশিখার প্রেমে সেখানে আসিয়া পড়িবেই পড়িবে ।”

ব্রহ্ম-ঐশ্বর্য্যে সাধুরা ঐশ্বর্য্যবান : অসীম নিরাকার পরব্রহ্মের সাধকগণের চরণধূলি চাই । তাঁরা সামান্ত নহেন ; নিরাকার অসীম প্রভুর সব (আধ্যাত্মিক) ঐশ্বর্য্য, সকল সম্ভাবনা, সব প্রেমরস-রচনা তাঁর সেবকদের মধ্যেই প্রকাশিত হইবে । তাঁর সেবকরাই তাঁহার প্রত্যক্ষ বিগ্রহ, কাজেই প্রভু হইতে তাঁহাদের অভিন্ন ধরা যাইতে পারে । ব্রহ্মামৃত রস যাহার সাধনার অতীত, সাধকদের সাধনামৃত রসে সে নবজীবন পাইবে । সাধুদের সেই অপার্থিব রস অন্তরে গ্রহণ করিয়া নব-জীবন লাভ করিতে চাই । সেই রসকে বাহিরে বহিয়া যাইতে দিতেছি বলিয়া অন্তরের শুদ্ধতা কিছুতেই দূর হইতেছে না ।

নিরাকার সৌ মিলি রহৈ অখণ্ড ভগতি করি লেহ ।
 দাদু কোঁ করি পাইয়ে উন চরণৌ কী খেহ ।
 সাহিব কা উনহার সব সেবগ মাঁহেঁ হোই ।
 দাদু সেবগ সাধু সৌ দূজা নাহিঁ কোই ॥
 সোই জন সাধু সিদ্ধ সো সোই সকল সিরমোর ।
 জিহিঁ কে হিরদৈ হরি বসৈ দূজা নাহীঁ ঔর ॥
 সবহী মিরতক দেখিয়ে কিহিঁ বিধি জীয়ে জীর ।
 সাধু সুধারস আনি করি দাদু বরিষৈ পীর ॥
 হরি জল বরিষে বাহিরা সূখে কায়া খেত ।
 দাদু হরিয়ী হোইগী সৌঁ চনহার সূচেত ॥

“নিরাকারের (পরব্রহ্মের) সঙ্গে মিলিয়া যুক্ত থাকিয়া অবিচ্ছিন্ন পরিপূর্ণ ভক্তি সাধনা করিয়া নিয়াছেন যে সাধক, হে দাদু, কেমন করিয়া মেলে তাঁর চরণের ধূলি ? স্বামীর (মহত্ব) অনুসারে তাঁর সেবকের মধ্যেই সব কিছু সিদ্ধ হইবে, হে দাদু, (আমার স্বামী ঙ) সেবক সাধুর মধ্যেই তাই কোনো প্রভেদই নাই । ষাটার হৃদয়ে হরি বাস করেন সেই জনই তো সাধু, সেই জনই তো সিদ্ধ, সেই তো সকলের মাথার মুকুটমণি, তাঁহা হইতে পর ও বিভিন্ন কিছুই নাই । (বিশ্ব ও বিশ্বনাথ সবই যে তিনি আপনা হইতে অভিন্ন মনে করেন । সৰ্বভূতে ও পরমাত্মাতে যেমন সত্য করিয়া তিনি আপনাকে উপলব্ধি করিয়াছেন তেমন করিয়া তিনি আপনার সঙ্গীর্ণ ব্যক্তিত্বের মধ্যে নিজেকে তো উপলব্ধি করেন নাই) ।

সবটী তো দেখা যাইতেছে মৃত, জীব বাঁচে কেমন করিয়া ? (মৃতকে নবজীবন দিবার জন্ত) প্রিয়তম আবার সাধু সুধারস আনিয়া প্রেমধারা করিতেছেন বর্ষণ । সেই হরি-জল যাইতেছে বাহিরেই বরষিমা, অথচ জীবনের (সাধনার ক্ষেত্র) কায়াক্ষেত্র চলিয়াছে শুকাইয়াই ; (অন্তরে সেই হরিপ্রেমরস-ধারা কর গ্রহণ) সব জীবন্ত সবুজ হইয়া যাইবে, সেচনকারী যে বড়ই সুবিবেচক ও সজ্জদয় (সূচেত) ।” /

ব্রহ্ম হইতেও সাধু সন্নস : ব্রহ্ম অসীম হইতে

পারেন কিন্তু সাধুর মধ্যে যে মাধুর্যটি পাই ব্রহ্মে তাহা মিলে কই ? সমুদ্র অসীম, কিন্তু গঙ্গা যমুনা সরস্বতীর মধ্যে যে মাধুর্য তাহা সমুদ্রে কোথায় ? অথচ এই সমুদ্রই হইল গঙ্গা যমুনা সরস্বতীর আরাধ্য ধাম, এরই সঙ্গে মিলিতে ইহারা দিবানিশি ধাবমান, কারণ তাহা না হইলে এদেরও মাধুর্য থাকিত না, ইহারাও পচিয়া বিকৃত হইয়া উঠিত। যুগে যুগে দেশে দেশে ভক্তরা সাধনার কমলের একটি একটি দলের মত ফুটিয়াছেন। সেই সাধন-কমলের রস স্বয়ং ভগবানেরও লোভনীয়। ভক্তের মিষ্টতা চান ভগবান, ভগবানের অসীমতা চাহেন ভক্ত। সমুদ্রের মধ্যে প্রবেশ করিয়া ক্ষাররস হইয়া গেলেও জীবন্ত থাকিবার জন্য মাধুর্য বিসর্জন দিয়াও নদী অসীমকেই চাহে। এইজন্যই ভক্ত মধুর, আর ব্রহ্ম অসীম অনির্কচনীয় ও মহান। তাই ঈশ্বরকেও মধুর করিতে গিয়া ক্ষুদ্র করিয়া লইলে সাধকের হইবে পচিয়া মরিতে। সমুদ্রকে ক্ষুদ্র করিলে অশেষ বিকার হইতে রক্ষা করিতে পারে কে ?

অসীমতার মধ্যে আপনাদের উৎসর্গ করিয়া, সীমা ব্যক্তিত্ব ও মাধুর্য বিসর্জন দিয়া তাহারা নিত্য নিরন্তর অপার সাধন জীবন লাভ করে, তাই এক মুহূর্তের জন্যও তাহারা আপন আপন মিষ্টতা বাঁচাইবার জন্য এক পা পিছনে ফিরিবার কথাও মনে আনিতে পারে না।

গংগা জমুনা সুরসতি মিলৈ জব সাগর মাহি ।

খারা পানী হোই গয়া দাদু মীঠা নাই ॥

সাধ কমল হরি বাসন'। সন্ত ভক্তর সংগ আই ।

দাদু পরিমল লে চলে মিলে রাম কো জাই ॥

“গঙ্গা যমুনা সরস্বতী (আপন আপন মিষ্ট জল ধারা লইয়া) যখন সাগরের মধ্যে গিয়া মিলিল, তখন তাহারা ক্ষারজলই হইয়া গেল, হে দাদু, তখন আর তাহারা মিঠা রহিল না।

সাধনার কমলের মধ্যে হরির বাঞ্ছিত মধুর সৌরভ, ভক্ত ভ্রমর সেই সৌরভের সঙ্গ করিল লাভ। হে দাদু, এই (শ্রীহরিরও দুর্লভ ও আকাঙ্ক্ষিত) পরিমল লইয়া গিয়া ভক্ত রামের কাছে যাইয়া মিলিল।”

ভক্ত জানে যে এই পরিমল লইয়া গেলে শ্রীহরি আপন আনন্দ সন্তোষের

জন্মই ভক্তকে ডাকিয়া লইবেন এবং ভক্ত যেমন হরি-সঙ্গ পাইয়া ধন হইবে তেমন সাধন-কমল-রস দিয়া হরিকেও সে ধন্য করিবে । দান করিব না কেবল নিব—ইহাই দীনতা । ভক্তের দীন হইবার কোনো হেতু নাই । পূর্বে উক্ত, “বাস করৈ হম ফুল কো পাউ” বাণীটি এখানে তুলনীয় ।

প্রথম প্রকরণ—জাগরণ

তৃতীয় অঙ্ক—চেতননী অঙ্ক

জাগরণের শেষকথা ও আসল কথাই হইল চেতননী অর্থাৎ আত্ম-চেতনা বা সাধারণ অর্থে আত্মদৃষ্টি । এই চেতননীর দীক্ষা পাঠ গুরুর কাছে ও সহায়তা পাঠ সাধু সাধকের কাছে । যদি চেতননী না হইল তবে গুরু দিয়াই বা ফল কি আর সাধু সঙ্গের বা লাভ কি ? প্রিয়তমের জন্ম যদি ব্যাকুলতা না জন্মে, তাঁর প্রেমের অনন্দে মন যদি ভরপুর না হয় তবে এই প্রাণ থাকিয়াই বা লাভ কি ? প্রিয়তমের সঙ্গে প্রেম কেবল বাক্যেই হইলে হইবে না, মন দিয়া তাঁকে প্রেম করিতে হইবে, কণ্ঠ দিয়া সেবা দিয়া সেই প্রেমকে পূর্ণ করিতে হইবে ।

সাতিব কৌ ভারৈ নহীঁ সো সব পরহরি প্রাণ ।

মনসা বাচা করমনা জে তুঁ চতুর সূজান ॥

“মনে বাক্যে ও কণ্ঠে তুই স্বামীকে পারিলি না ভালবাসিতে ? এমন প্রাণ তুই কর পরিহার, যদি তোর বুদ্ধি ও যথার্থ জ্ঞান থাকে ।”

প্রেম শাস্ত্র হয় না, জাগিয়া সেবা করিয়াই তার আনন্দ ; কিন্তু মন হইয়া পড়ে শাস্ত্র । মনের নানাবিধ চতুরতাই আছে, সে সব সাধনার অঙ্গে দেখা যাইবে । কিন্তু তার সাজ্যাতিক চতুরতা হইল যে সে যখন ঘুমায় তখনও সে জাগিয়া থাকায় করে ভান, তখন স্বামীর সঙ্গ দিয়া তাকে জানাইতে হয় ।

দাদু অচেত ন হোইয়ে চেতন সৌঁ চিত লাই ।

মনুজা সূতা নীঁ দ ভারি সান্ধীঁ সংগ জগাই ॥

দাদু অচেতন হোইয়ে চেতন সৌ করি চিত্ত ।

অনহদ জহাঁ তেঁ উপজৈ খোজৌ তহঁ হাঁ নিস্ত ॥

“হে দাদু, চৈতন্যময় পরমেশ্বরের সঙ্গে প্রেম করিয়া হইও না অচেতন ।
মন যে নিদ্রায় ভরিয়া শুইয়া আছে, তাকে স্বামীর সঙ্গ দিয়া জাগাও । হে
দাদু, চৈতন্যময়ের সঙ্গে প্রেম-ইচ্ছা করিয়া অচেতন হইও না, অনাহত
যেথান হইতে হইতেছে উৎপন্ন সেইখানে নিত্য কর অন্বেষণ ।”

জানা হৈ উস দেশ কোঁ শ্রীতি পিয়া সৌ লাগি ।

দাদু অরসর জাত হৈ জাগি সকৈ তোঁ জাগি ॥

“প্রিয়তমের প্রেমে যুক্ত হইয়া সেই দেশে যাইতে হইবে, হে দাদু, স্মরণ
যাইতেছে চলিয়া, জাগিতে পারিলে উঠ জাগিয়া ।”

বার বার যত্ন তন নহী নর নারায়ণ দেহ ।

দাদু বহুরি ন পাইয়ে জনম অমোলিক য়েহ ॥

“বার বার এই তনু পাইবে না, এই মানবদেহ নর নারায়ণের (মিলন-
তীর্থ) ; এই মানব জন্ম অমূল্য (ঐশ্বর্য), হে দাদু, ফিরিয়া আর উহা
মিলিবে না ।”

দ্বিতীয় প্রকরণ—উপদেশ

প্রথম অঙ্ক—নিন্দা অঙ্ক

জাগরণের পরই হইল উপদেশের প্রকরণ। কারণ উপদেশ পাইলে তদনুসারে চিত্ত শুদ্ধ হইবে। তখন তত্ত্ব কিছু কিছু উপলব্ধ হইলে সাধনার আরম্ভ হইবে। সাধনার ফলে পরিচয় এবং সর্বশেষ হইবে প্রেম। প্রেম শেষফল, ইহা আর কোনো অবস্থাক্তরে পৌঁছবার উপায় স্বরূপ নহে।

উপদেশের প্রথমই হইল হিংসা ত্যাগ করিতে হইবে। পরকে কোনো মতেই আঘাত করিব না। তার পর অহিংসা দ্বারা চিত্ত বিশুদ্ধ হইলে সাধক বীরত্বের পথে অগ্রসর হইতে পারিবে। তাহাই হইল সুরাতনের অঙ্ক। অহিংসা ছাড়া বীরত্ব হয় না, বীরত্ব ছাড়া সাধনাও হয় না। তান্ত্রিকদের মধ্যেও বিশ্বাস আছে সাধকদের দুইশ্রেণী। বীর ও পশু। বীরই উৎকৃষ্ট সাধনায় অধিকারী, পশু-সাধক সাধনার জগতে আসিয়া কিছু ফলের অধিকারী হয় মাত্র। কিন্তু শেষে হইয়া দাঁড়াইল এই, যে সাধারণ লোকে বুঝিল বীর অর্থ যে মত্তাচার করে ও পশু বলি দেয়। কিন্তু উচ্চতর তত্ত্বের মত তাহা নহে। সাধারণভাবে লোকে অর্থ করে এই, পশু হইল তাহারা মদ মাংস খাওয়া ব্যবহার না করে। বীরাচার ও পশুচারের অপর দুই নাম বাঁমাচার ও দক্ষিণাচার। কিন্তু মরগিয়ারা বলেন বতকণ সাধক কামক্রোধাদি দেহস্থিত চালকের বা শাস্ত্রলোকাচারাদি বাহ্য চালকের দ্বারা পশুবৎ চালিত, ততকণই সৈ পশু; যখন সে এই সব দেহস্থ ও দেহ-বাহ্য চালনাকে জয় করিয়া স্বাধীন সহজ হয় তখনই সে বীর। এই বীর-আচারই তাহাদের সহজাচার। তাহা স্বাধীনাচার কিন্তু শৈরাচার নহে।

সাধনাতে বীরত্বের অতিশয় প্রয়োজন। বীর না হইলে সাধক হওয়াই যায় না, ইহাই দাদুর মত। তার ফলে “দাদু পংখী”রা অনেকেই খুব বীর-ভাবাপন্ন হইয়া উঠিলেন। ফলে শেষে আদর্শ যখন মলিন হইয়া আসিল তখন এইরূপ দাঁড়াইল যে দাদুপংখীদের নাগা সন্ন্যাসীরা বীতিমত যোদ্ধা হইয়া নানা রাজার দলে অর্থ লইয়া লড়িতে লাগিল। ইংরাজরা আসিয়া

এই “নাগা সাধু সিপাহী”দের বেতন দিয়া নিজেরা প্রয়োজন মত লড়াইলেন পরে ইহাদের লড়াইবার পদ্ধতি বন্ধ করাইয়া দিলেন। এখনও কুম্ভমেলাতে যারা নাগা সাধুদের দেখিয়াছেন তাঁরাই জানেন তারা কেমন বলিষ্ঠ ও যুদ্ধ কুশলদের মত সুপরিচালিত নির্ভীক ও কষ্টসহিষ্ণু। এত বড় একটা আধ্যাত্মিক সত্যকে লোকে শেষে সাংসারিক সুবিধাতে প্রয়োগ করিয়া লাভবান হইতে চাহিল মাত্র। ইহাই সব চেয়ে নিকৃষ্ট “exploitation” অর্থাৎ ব্যভিচার।

দাদুর মৃত্যুর এক শত বৎসর পরে ছেতাজীর সমগ্র শিখগুরু গুরুগোবিন্দ নরাণাকে গিয়া যে তাঁহাদের যুদ্ধার্থে প্রয়োজিত করেন সে কথা উপক্রমণিকা-তেই লেখা গিয়াছে। বীরত্ব যে সাধনাতে অত্যাবশ্যক তাহাতে সন্দেহ নাই; কিন্তু সে বীরত্ব পরকে আঘাত করিয়া নহে, আপনাকে জয় করিয়া, সকল ভয়ে নির্ভীক হইয়া। অহিংসার সঙ্গে এই বীরত্বের নিত্য সংঘর্ষ, কোথাও তাহাদের বিরোধ নাই।

তার পরই হইল “পারিথ” অর্থাৎ সত্যকে পরথ করিয়া নেওয়া। সত্যকে যে পরথ না করিয়া যা’ তা’ বিশ্বাস করে সে নাস্তিকেরই সমান। পরথ না করা সত্য যখন সংসারের আঘাতে ভাঙ্গিয়া যায় তখন সাধক সত্য মাত্রেরই উপর হইয়া যায় বীভৎস। তাই দাদুর গুরু কমাল বলেন, “অপরখিয়ারা” নাস্তিকেরই সমান, কারণ তারা পরথ-না-করা সত্য টেকে না দেখিয়া পরিশেষে সত্যমাত্রকেই ত্যাগ করে। আর যে আস্থিক সাধক সে পরথ করিয়া সত্যকে স্বামীর মত বরণ করে।” সে সত্য বীরের মতই অচল, অটল, অজেয়। পরথ করিয়া বরণ করাই হইল সত্যের সম্মাননা। সীতা তাঁর স্বামীকে বরণের পূর্বে ধনুর্ভঙ্গের পরথ করিয়া লইয়াছেন, কিন্তু তারপর আর জীবনের পথে একদিনও তাঁর বীর্য্যে ও মহত্বে সংশয় করেন নাই।

সত্য হইল অশ্বমেধের ঘোড়া। তাকে বিশ্বব্রহ্মাণ্ড ঘুরাইয়া আনিতে হইবে, জয়ী যদি সে হইয়া আসে তবেই তাহাকে দিয়া যজ্ঞ হয়, হারিয়া আসিলে সে ঘোড়া দিয়া যজ্ঞ হয় না। আর ভয়ে ভয়ে ঘোড়া বাহির হইতেই যে না দেয়, সে আরও হীন। সে কাপুরুষ এবং লোভী দুই-ই। এই রকম হীন “অপরথা” ঘোড়া

অযোগ্য। তাই “অপরথা” সত্য দিয়া সাধনাই চলে না। সাধক সাধনের আসনে বসিবার পূর্বে আসন নাড়া দেন, না টলিলে বসেন; তাহাই হইল আসন-পরথ। সত্যই সাধনার বথার্থ আসন, যে তাহা নাড়া না দিয়া বসিতে গেল, সে “ফল-লোভী” বা “কাল-কুপণ।” সে দেরী করিতে চাহে না; প্রতীকার সাহস তাহার নাই। কিন্তু শেষে সাধনায় ব্যর্থতা আসিয়া এমন সাধককে সমূলে করে বিনষ্ট।

তাই “পরথ” চাই। সাধক “পবথা” সত্য ছাড়া যা’ তা’ সত্য আশ্রয় করিয়া কখনও যেন সাধনা না করেন।

তারপরই হইল “দয়া নিরৈক্যতা” ও “জীবিত মৃতক” অঙ্গ। ইহাদের মধ্য সেই সেই অঙ্গের প্রথমে বণিত হইবে।

সাধনার উপদেশে প্রথম স্থানই অহিংসার। সাধনার ক্ষেত্রে সাধারণতঃ হিংসা নিন্দারই আকার গ্রহণ করে। আকৃতি পরিবর্তন করিলেও নিন্দার মধ্যে হিংসার প্রকৃতি পূর্ণভাবেই ধরা পড়ে, তাই হিংসার বিকক্ষে চলিতে গিয়া দাদু নিন্দাকেই আঘাত করিয়াছেন।

পূর্বেই বলা হইয়াছে যে দাদু প্রভৃতি সাধকেরা নীচবংশে জন্মিয়াছেন বলিয়া উচ্চবংশীয় সাধকদের অনেকের কাছে বেশ আঘাত পাইয়াছেন। সেই সব আঘাত নিন্দার আকারে আসিয়াছে, কিন্তু দাদু তাহাতে কখনও প্রতি-আঘাত করেন নাই।

নিন্দা করিতে গিয়া নিন্দক আসলে নিজেরই ক্ষতি করে; যাহাকে সে আঘাত করিতে যায় সেই আঘাতে তাহার কোনো ক্ষতিই হয় না ইহা বুঝিতে পারিলে ক্ষুদ্র-স্বার্থ বুদ্ধি লইয়াও লোকে নিন্দা ত্যাগ করে। তাই দাদু বলিয়াছেন—

নিংড়া নাম ন লীজিয়ে সুপিনৈহী জিনি হোই ।

না হম কঠেই না তুম সুনৌ হম জিনি ভার্ষে কোই ॥

নিন্দক বপুরা জিনি মরৈ পর উপকারী সোই ।

হম কু করতা উজলা আপণ মৈলা হোই ॥

“নিন্দার নামও নিও না, স্বপ্নেও যেন নিন্দা না হয়; আমিও যেন নিন্দার

বাণী না বলি তুমিও যেন না শোনো ; আমি যেন কোনোপ্রকার নিন্দাভাষণ না করি ।

নিদ্রুক বেচারা যেন না মরে, কারণ সে-ই যথার্থ পর-উপকারী ; সে নিজে (নিন্দার দ্বারা) ময়লা হইয়াও আমাকে করে উজ্জ্বল ।”

লোকের নিন্দা করা যেমন দোষের সত্যকে নিন্দা করাও তেমনি । সত্য মাত্রই বিশ্বসত্যের বলে বলা । তাহার বিরুদ্ধে যে যায় সে আপনাকেই চূর্ণিত করে । উপনিষদের মত ইহারাও বলেন সেই ব্যক্তি পাষাণে নিষ্কপ্ত মাটির ঢেলার মত আপনি চূর্ণ হইয়া যায় ।

ঝুঁট দিখারৈঁ সাচকো ভয়ানক ভয়ভীত ।

সাচা রাতা সাচ সৌ ঝুঁট ন আনৈঁ চীত ॥

সাচে কুঁ ঝুঁটা কঠৈঁ ঝুঁটা সাচ সমান ।

দাদু অচিরজ দেখিয়া যত লোগেঁ কা জ্ঞান ॥

“সত্যকে দেখায় মিথ্যা বলিয়া, কি ভয়ঙ্কর ভয়ের কথা ! যে সাচ্চা সে সাচ্চারই অমুরক্ত, মিথ্যাকে সে চিত্তেই দেয় না স্থান । সত্যকে বলে কিনা মিথ্যা, আর মিথ্যাকে বলে কিনা সত্যের সমান ! শুনে দাদু, আশ্চর্য্য এই ব্যাপার দেখিলাম, এই তো লোকের জ্ঞান !”

অম্মিত কুঁ বিষ বিষ কুঁ অম্মিত ফেরি ধরৈঁ সব নার্ব ।

নিরমল মৈলা মৈলা নিরমল জাহিঁগে কিস ঠার্ব ॥

“লোকে অম্মতকে বলে বিষ, বিষকে বলে অম্মত, উন্টা পান্টা করিয়া ধরিয়াছে সব নাম । এঁরা নিম্মলকে বলেন মলিন, মলিনকে বলেন নিম্মল ; এঁরা ঘাইবেন কোন ঠাইয়ে ?”

সত্য মারৈ সাধু নিন্দৈ লাগে মূলমৈঁ ধক ।

কাস ধসৈ ধরতী খসৈ তীনৌ লোক গরক ॥

“যখন কেহ সত্যকে মারে, সাধুকে নিন্দা করে তখন (বিশ্বসত্যের) মূলে গিয়া লাগে আঘাত । তখন আকাশ পড়ে ধ্বসিয়া, ধরিত্রী পড়ে ধ্বসিয়া, তিন লোক ডুবিয়া যায় তলাইয়া ।”

দ্বিতীয় প্রকরণ—উপদেশ
দ্বিতীয় অঙ্ক—সুরাতন,
(বীরত্ব, শূরত্ব) অঙ্ক

সাধনার একটি প্রধান কথা হইল বীরত্ব । এই বীরত্ব অর্থ পরকে হিংসা করা, দুঃখ দেওয়া বা আঘাত করা নহে । কারণ দাদুর মতে সাধনার সব চেয়ে বড় কথা অহিংসা । পরবর্তী কালে এই বিগত আদর্শ মলিন হইয়া গেলে, দাদুপন্থীদের অনেকে “শূর” (শূর অর্থাৎ বীর) হইতে গিয়া সাধারণ যোদ্ধা বনিয়া গিয়াছেন । নাগা সন্ন্যাসীরা অনেকেই এই পন্থের । এ সব কথা পূর্বেই বলা হইয়াছে ।

মৃত্যুকে স্বীকার :

দাদু শূরা সনমুখ রহে নহিঁ কাইর কা কাম ।

দাদু মরণ অসংখ* হৈ সোই কহৈগা রাম ॥

রাম কহৈঁ তে মরি কহৈঁ জীৱত কথা ন জাই ।

দাদু ঐসেঁ রাম কহ সতী শূর সম ভাই ॥

“হে দাদু, যে বীর, সে থাকে সন্মুখে, এই (সাধনা) কাপুরুষের কাজ নহে । ওরে দাদু মরণ তো অসংখ্য, প্রত্যেকটি মৃত্যু দিয়া বলিতে হইবে “রাম” (মরণের দ্বারাই স্বীকার করিতে হইবে) । যে কহে রাম, সে মরিয়াই এই নাম কহে, জীবন রাখিয়া ইহা কহা যায় না । হে দাদু, এমন করিয়া রাম বল যেন সতী ও বীর উভয়কে সমান গৌরবের মনে হয় ।”

আমান পক্ষেও অসন্তন নহ্ন : যদিও আমি

এখন মৃতেরই মত নিবীৰ্য্য, তবু যদি জীবনে কখনো বড় সুযোগ আসে তবে আমিই সকল ভয় শঙ্কা দুর্বলতা পরিহার করিয়া বীরের মত যুদ্ধক্ষেত্রে দাঁড়াইব । আপনার অস্তুনিহিত অজ্ঞাত সুপ্ত গাহাঅ্যাকে আবিষ্কার করিয়া আমি আপনিই বিস্মিত হইয়া যাইব ।

* কেহ কেহ বলেন “অসংক”, তাহার অর্থ—শঙ্কাহীন নির্ভয় । “আসংঘে” পাঠও আছে, তাহার অর্থও নির্ভয় সাহস ।

হম কায়র মৃত হোই রহে সুরা হমহি হোই ।
 নিকসি খড়া মৈদান মে' মোসম ঔর ন কোই ॥
 জে মুঝে হোতে লাখ সির তো লাখৌ দেতৌ বারি ।
 রহ মুঝে দীয়া এক সির সোই সৌঁপৈ নারি ॥

“আমি যে ভীক, আমি যে মড়ার মত হইয়া আছি, আমিই আবার বীর হইতে পারি; রণক্ষেত্রে যেই একবার বাহির হইয়া খাড়া হইলাম, অমনি আর আমার মত বীর কেহই নাই। লক্ষ মাথা যদি আমার থাকিত, লক্ষ মাথাই তবে আমি করিতাম উৎসর্গ; (হায়) তিনি আমাকে একটিই মাথা দিয়াছেন, আমি নারী তাহাই সম্পিত্তেছি।”

বীরেন্দ্রই লভ্য :

কায়র কামি ন আরঙ্গ য়হ সুরে'। কা খেত ।
 তন মন সৌঁপৈ রামকো দাদু সোস সমেত ॥
 জব লগ লালচ জীর কা নিরভয় জুরা ন জাই ।
 কায়া মায়া মন তজৈ চোট মুঁহহি মুঁহ খাই ॥
 জে তুঝে কাম করীম সৌঁ চৌরে চটি করি নাঁচ ।
 বৃঠা হৈ সো জাইগা নিহটে রহসী সাঁচ ॥

“এই সাধনার ক্ষেত্র বীরের, ভীকর এখানে নাই কোনোই প্রয়োজন; হে দাদু, মাথা সমেত তনু মন রামকেই কর সমর্পণ। যতক্ষণ জীবনের লালচ, ততক্ষণ নির্ভয় হওয়া অসম্ভব, মন যদি কায়ার মায়া ত্যাগ করে তবে বুক পাতিয়া মুখের উপর আঘাতের পর খাইতে পারে আঘাত। যদি দয়াল পরমেশ্বরকে চাও তবে সতীর চিত্রার উপর দাঁড়াইয়া নাচ (যুদ্ধ সজ্জা লইয়া যুদ্ধে প্রস্তুত হও)। যাহা “বৃটা” (মিছা) তাহা ঘাইবে চলিয়া, যাহা সান্চা (সত্য) তাহাই নিশ্চয় থাকিবে।”

অপ্রসন্ন হও পিছাইও না : অজানা অপূর্ব

* পূর্ব-রাজস্থানী ভাষায় “চৌড়ে” অর্থ ময়দান যুদ্ধক্ষেত্র প্রকাশ্য মুক্ত স্থান ও হয়।

অনির্বচনীয়ের আহ্বানে তাহারই সন্ধানে সম্মুখের দিকেই সহজে অকারণে জীবন সদা চাহে অগ্রসর হইতে। পিছনের দিকে যে মায়া সে কেবল অলসের অগ্রসর না হইবার ইচ্ছা, বিষয়ীর গত পুরাতনকে আঁকড়িয়া ধরিয়া থাকার গত ভাব। তাই বীর, পিছনের মোহকে অতিক্রম করিয়া নিতা হইবে অগ্রসর। এমন করিয়াই অগম্য ধামের, অনির্বচনীয়ের মিলিবে ঠিকানা।

জীরেঁকা সংসা পড়া কো কাকো তারৈ ।
দাদু সোঙ্গ সুরিরঁ জে আপ উবারৈ ॥
পীছঁ হেলা জিনি করৈ আর্গেঁ হেলা আর ।
আর্গেঁ এক অনূপ হৈ নহিঁ পীছঁকা ভার ॥
পীছঁ কো পগ না ভরৈ আগে কো পগ দেই ।
দাদু য়ছ মত সুরকা অগম ঠৌর কৌ লেই ॥
আগে চলি পীছা ফিরৈ তাকো মুঁহ মদীঠ ।
কায়র ভাজৈ জীর লে ভাগৈ দে কর পীঠ ॥

“ভীবেই পড়িয়া গেল সংশয়, কে বা কাকে তরায়! হে দাদু, বীর তো সেই যে আপনাকে আপনি করে উদ্ধার। পিছনের ডাকে পিছনের দিকে সরিও না (পূর্ব রাজস্থানী ভাষায় অর্থ হটল ডাক, আহ্বান), আগে আটস চলিয়া; সম্মুখে আছেন এক অনূপম, পিছের কোনো ভাব নাই। পিছের দিকে পা সরায় না, আগেই পা আগাইয়া দেয়, ইহাই হইল বীরের গত, (এমন করিয়াই বীরেরা) অগম্য ধামকে করেন অধিকার।

আগে চলিতে গিয়া যে পিছে ফেরে, তার মুখও দেখিতে নাই; প্রাণ লইয়া যে পালায়, পিঠ দেখাইয়া যে পালায়, সে ভীক।”

বীরের কোনো বাধা কোনো বন্ধন নাই।

সুরা হোই সুরের লংঘে সব লোক* বংধ ছুটে ।
দাদু নিরভয় হোই রহৈ কায়র তিণা ন টুটে ॥

* কেহ কেহ লোক স্থানে “গুণ” বলেন।

অপ কেসরি কাল কুঞ্জর জোখা মারগ মাহিঁ ।

কোটি মেঁ কোই এক ঐসা মরণ আসংঘি জাহিঁ !!

“শুব যদি হয় তবে স্ত্রমেয়ক যায় লজিয়া, সকল লোক-বন্ধন যায় ছিন্ন করিয়া (অগ্রসর হইয়া) ; হে দাদু, সে রহে নির্ভয় হইয়া, আর যে ভীক সে তৃণটুকুও পারে না ছিন্ন করিতে (ছিন্ন করিয়া অগ্রসর হইবার সাহস পায় না) ।

সর্প, কেশরী, ভীষণ কাল হস্তী, যোদ্ধা (প্রভৃতি বাধা) যদি পথে থাকে, তবুও সাহস করিয়া মৃত্যুর দিকে অগ্রসর হইয়া যাইতে পারে, এমন লোক হয় তো কোটির মধ্যে একজন মেলে ।”

প্রভুর কাছে আপনাকে উৎসর্গ করে :

যে বীর, যে সাধক, সে এমন করিয়াই আত্মোৎসর্গ করিয়া সকল বাধা উত্তীর্ণ হইয়া প্রভুকে জানায় প্রণতি । তাহার এই প্রণতিই সাক্ষ্য, সেই প্রণতিই যথার্থ সাধক ।

তব সাহিব কো সিজদা কিয়া জব সির কো ধর্যা উতার ।

যৌ দাদু জীরত মরৈ হিরিস হরা কো মার ॥

তন মন কাম করীমকে আঁরৈ তো নীকা ।

জিসকা তিসকৌ সৌপিয়ে সোচ ক্যা জীকা ॥

জে সির সৌপ্যা রামকো সো সির ভয়া সুনাত ।

দাদু দে উরন ভয়া জিসকা তিসকৈ হাত ॥

জিসকা হৈ তিসকৌ চটৈ দাদু উরণ হোই ।

পহিলে দেঁরৈ সো ভলা পৌঁছে তোঁ সব কোই ॥

“প্রভুর কাছে তখনই হইলাম প্রণত, যখন মাথা (প্রভুর চরণে উৎসর্গ করিয়া) স্বদ্ধ হইতে নামাইয়া রাখিয়া দিলাম নীচে ; লোভ ও কামকে মারিয়া এমন করিয়াই, দাদু, সাধক মরে জীবন্তে ।

দয়াময়ের কাজের অন্তই এই তম্বু এই মন । যদি এ তম্বু মন তাঁর কাজে লাগে তবে ভালই । যার ধন তাঁকেই দাও, এই জীবনের অন্ত এত আশঙ্কা এত চুশ্চিন্তা কেন ? যেই শির রামকে করিলাম সমর্পণ, সেই শিরই হইল

“সনাথ” (তার “অনাথত্ব” ঘুচিল), যার ধন তার হাতে দিয়া দাদু হইল অশ্বগী। যার প্রাপ্য ধন (আমার হাতে লুপ্ত ধন তাঁকে ফিরাইয়া দিয়া) তাহাকে সমর্পণ করিতে পারিলেই, হে দাদু, সাধক হয় অশ্বগী ; আগে যে (শির জীবন ও নিজেকে) দেয় সে-ই তো ভাল, পিছে তো দেয় সোাই।”

লৌকিক দায় না চুকাইতে পারিলে মধ্যযুগের মরমিষাদের মতে সাধনায় সিদ্ধ হওয়া কঠিন। তাই সূফী প্রভৃতির নিজেদের নিজেরা হয় বলেন পাগল “দিওয়ানা”, বা বলেন, “আমরা মরিয়া গিয়াছি।” মৃত ও পাগলের কোনো দায় নাই। তাই সূফীদের মধ্যে জীবন্তে মরিয়া যাওয়াই হইল সাধনার একটা খুব বড় কথা। যে মরিয়াছে, সে মুক্ত হইয়া সব “বন্ধন এড়াইয়াছে” ; তার “আমি” “স্বামী” (সূ-আমি) মধ্যে ডুবিয়া গিয়াছে, তার আর কোনো “ভয় ভীত” নাই। এই তত্ত্বটি আমাদের আউল বাউলরা ও মধ্যযুগের সাধকরা খুবই জোরের সঙ্গে ধরিয়াছিলেন। কাজেই প্রভুর চরণে মরিতে তাঁদের ভয় ছিল না, ইহাই ছিল তাঁদের সাধনা।

উৎসর্গ করিয়া প্রাণ হও :

সাই তেরে নার'পর সির জির করু' কুরবান ।

তন মন তুম পর রারনৈঁ দাদু পিংড পরান ॥

মরণে খী' তু' না ডরৈ অব জির সোচ নিবার ।

দাদু মরনা মানিলে সাহিবকে দরবার ॥

মরণে খী' তু' না ডরৈ মরনা অংতি নিদান ।

রে মন মরনা সীরজ্যা কহিলে কেবল প্রাণ ॥

“হে স্বামী, তোমার নামে শির ও জীবন করিব উৎসর্গ, তুমি মন দেহ প্রাণ তোমাকেই করিব সমর্পণ। মরণে তুমি ভয় করিস্ না, জীবনের জন্ত দুশ্চিন্তা এখন করিয়া দে দুর, ওরে দাদু, আজ স্বামীর দরবারে (তিনি যদি বীর মনে করিয়া যত্নাই আমাকে দেন) যত্নকেই স্বীকার করিয়া নে মানিয়া। মরণকে করিস্ না ভয়, মরণই হইল অস্ত নিদান ; ওরে মন, মরণকে এই জন্তই তিনি করিয়াছেন সৃষ্টি, একবার বলিয়া নে শুধু “প্রাণ”।”

মৃত্যুদ্বারা আমাদেরকে স্বীকার করিতে হইবে প্রাণকে, মৃত্যুই স্বীকার করিবে “হে প্রাণ তুমি আছ।” মৃত্যুর অসীম অন্ধকারেই জীবনের জ্যোতি হইয়া উঠিবে দীপ্যমান।

দান ও উৎসর্গ করিবার ক্ষমতা দ্বারাই আমরা বিষয়ের অধিকার প্রমাণ করি। নাবালক উত্তরাধিকারী বিষয় ভোগ করে, দান করিতে পারে না। মৃত্যুকে স্বীকারের দ্বারা, স্বামীর চরণে জীবন সমর্পণের দ্বারা আমরা অমৃতত্বের অধিকারের পরিচয় দেই। রবীন্দ্রনাথও তাঁর আলোচনার মধ্যে ইহা স্মরণ করিয়া বুঝাইয়াছেন।

মরণই শ্রুতি :

দাদু মরনা খুব হৈ মরি মরি মাইঁ মিলি জাই ।
 সাহিব কা সংগ ছাড়ি করি কোন সইঁ দুখ আই ॥
 মাইঁ মন সোঁ জুঝ করি এসা সুরা বীর ।
 সাজঁ কারণ সীস দেই বীর ভয়া কবীর ॥
 সাজঁ কারণ সব তজৈ সেরৈ তন মন লাইঁ ।
 দাদু সাহিব ছাড়ি করি কাহু সংগি ন জাই ॥
 জে তুঁ প্যাসা প্রেমকা জীবনকী ক্যা আস ।
 মৃত পিয়লা হাথ লেই ভরি ভরি পীরে দাস ॥

“হে দাদু, যে মরণের মধ্য দিয়া তাঁহার মধ্যেই মিলিয়া যাই, সে মরণ কি স্মরণ ও চমৎকার! কে (এই সংসারে) আসিয়া স্বামীর সঙ্গ ছাড়িয়া (বৃথা) দুঃখ করিবে সন্ত ?

অস্তরের মধ্যেই মনের সঙ্গে যুক্তিয়া হইবে মরিতে, তবেই তো শূর ও বীর; স্বামীর জন্ত শির দিয়াই তো কবীর হইলেন বীর।

স্বামীর জন্ত সবই ছাড়, তনু মন লইয়া কর স্বামীরই সেবা; হে দাদু, স্বামীকে ছাড়িয়া যাইও না আর কারও সঙ্গে।

তুই যদি প্রেমেরই পিয়ালী তবে আর কেন জীবনের জন্ত মায়া? তাঁর দাস মৃত পিয়লা (এই দেহ) হাথে লইয়া ভরিয়া ভরিয়া পান করিতেছে অমৃত। (অথবা মৃত্যুর পিয়লা ভরিয়া ভরিয়া পান করিতেছে অমৃতরস)।”

সত্য বীরত্ব সত্য শূদ্ধ অন্তরে, বাহিরে
নহে !

মন মনসা মারৈ নহীঁ কায়া মারণ জাহিঁ ।
দাদু বাঁবী মারিয়ে সরপ মরৈ কেঁয়া মাহিঁ ॥
জব জুঁঝে তব জানিয়ে কাছি খড়ে ক্যা হোই ।
চোট মুঁঠেঁ মুঁহ খাইগা দাদু সূরা সোই ॥

“মন ও মানসকে (টঙ্কা, কল্পনা) কেহ তো মারিল না, মারিতে গেল
কিনা কায়া ! হে দাদু, গর্ভের উপর যদি আঘাত মারিস তবে ভিতরের সাপ
কেন মরিবে ?

যখন যুঝিবে তখনই জানা যাইবে বীরত্ব, কাপড় চোপড় আঁটিয়া
(কাছিয়া) দাঁড়াইলে হইবে কি ? সম্মুখে দাঁড়াইয়া যে চোটের পর চোট
মুখের উপর খাইতে পারে, হে দাদু, বীর তো সেই ।”

স্বামীই আশ্রয় :

জিনকৌ সাজিঁ পধরা তিন বংকা নাহিঁ কোই ।
সব জগ রুসা ক্যা করৈ রাখনহারা সোই ॥
জে তুঁ রাখে সাজিয়ঁ মারি সঠৈক নহিঁ কোই ।
বার ন বংকা করি সঠৈক জে জগ বৈরী হোই ॥
নির্ভৈ বৈঠা রাম জপি কবহুঁ কাল ন খাই ।
জব দাদু কুঞ্জর চটে তব সূনা ঝখি ঝখি জাই ॥

“স্বামী যাহার সহায়, কেহই তাহার বিরুদ্ধ (বাঁকা, অনিষ্টকারী) নয় ;
তিনি যার রক্ষাকর্তা, সমস্ত জগৎ রুট হইলেই বা তার করিবে কি ? তুমি যদি
রক্ষা কর হে স্বামী, তবেই কেহই পারে না মারিতে ; যদি সমস্ত জগৎ হয়
বৈরী তবু তাকে একটি বারও পারে না বাঁকাইতে (অথবা তার একটি বেশও
পারে না বাঁকাইতে) । রাম নাম জপিয়া যে বসিমা নির্ভয় হইয়া, কখনও
কাল তাকে পারে না গ্রাস করিতে ; হে দাদু, (সাধক) যখন হাতীতে চড়িল
তখন কুকুর বৃথাই তাহার পিছে পিছে করিয়া মরে চীৎকার ।”

ভগবদ্-বলেই সাধক বলী :

মহজোখা মোটা বলী সদা হমারা মীর ।*
 সব জগ রুসা ক্যা করৈ জহাঁ তহাঁ রণধীর ।
 ক্যা বল কহা পতংগকা জরত ন লাগৈ বার ।
 বল তো হরি বলবংতকা জীরৈ জিহিঁ আধার ॥

“মহাযোদ্ধা প্রবলবলী সদাই আমার মালিক, সকল জগৎ রুট হইলেই বা আমার করিবে কি ? যেখানে সেখানে সর্বত্রই বিরাজমান সেই রণধীর ।

কহ তো পতঙ্গের আছে কি বল, জলিয়া যাইতে যার কিছুই লাগে না দেরী ? শক্তি হইল তো (আশ্রয়দাতা) বলবান হরির, সেই আশ্রয়েই সে সদা জীবন্ত ।”

তুমিই বল :

বালক তুম্হারা বাপজী গিনত ন রাণা রার ।
 মীর মালিক পরধান পতি তুম্হ বিন সবহি বার ॥
 তুম বিন মেরে কো নহীঁ হমকৌ রাখনহার ।
 জে তুঁ রাথে সাইয়ঁ। তো কোই ন সঠৈ মার ॥
 সব জগ ছাড়ৈ হাথ তৈঁ তুম্হ জিনি ছাড়ছ রাম ।
 নহিঁ কুছ কারিজ জগত সৌঁ তুম হীঁ সেতী কাম ॥

“হে পিতা, তোমার সম্মান না গণে কোনো রাণা না গণে কোনো রাজা । তুমিই তার মীর, তুমিই তার মালিক, তুমিই তার প্রধান, তুমিই তার পতি, তুমি বিনা সকলই বায় (ভূয়া, মিথ্যা) । তুমি বিনা আমাকে রক্ষা করিতে পারে এমন আমার কেহই নাই, তুমি যদি রাখ হে স্বামী, কেহই পারে না আমাকে মারিতে । সমস্ত জগৎ আমাকে হাথ হইতে দিতেছে ছাড়িয়া ; হে রাম, তুমি যেন আমায় না ছাড় । জগতের সঙ্গে আমার নাই কোনো প্রয়োজন, আমার প্রয়োজন শুধু তোমারই সঙ্গে ।”

* কেহ কেহ বলেন “ভীর” । “ভীর” অর্থ সহায়, পক্ষ ।

† “বলি” পাঠ গ্রহণ করিলে অর্থ হইবে—“তোমার বলে ।”

দ্বিতীয় প্রকরণ—উপদেশ

তৃতীয় অঙ্ক—পান্থিক (পন্থ) অঙ্ক

পরীক্ষা করিয়াই সত্যকে নিতে হইবে। লোকে এক তো পরীক্ষাই করিতে অনিচ্ছুক, তার কারণ জড়তা আলস্য ও অচেতনতা। যিনি উপদেষ্টা, তাঁহাকে শ্রদ্ধার যোগ্য হইতে হইবে; তাঁর সত্যও শ্রদ্ধের হওয়া দরকার; এ ভাবও সকলের মনে নাই। অধিকাংশ লোকই অলস, নিবীৰ্য্য, সুলভ-ফল-লুক্ক। চক্ষু বুদ্ধিয়া যাহা তাহা স্বীকার করিতে ইচ্ছা, কাজেই এমন “স্বীকার” সাত্ত্বিক নহে, ইহা ঘোরতর তামসিক। কোনো মতে শাস্ত্রকে চক্ষু বুদ্ধিয়া মানিয়া লইব, গুরু ও মহাপুরুষকে চক্ষু বুদ্ধিয়া মানিয়া লইব, তবেই আর কোনো হান্ধায়া নাই—ইহাই তামসিক জড়তা ও আলস্যের ফল। শাস্ত্র যদি বলে “সত্যকে যুক্তি দ্বারা পরীক্ষা করিতে হইবে,” গুরু যদি বলেন “পরখ কর”, তবুও শাস্ত্র ও গুরু চক্ষু বুদ্ধিয়াই মানিব, এমনই ভয়ঙ্কর জড়তা!

যে অশ্ব সৰ্ব্বত্রজয়ী হইয়া ফিরিল, তাহাতেই যজ্ঞ হয়; যে সত্য সৰ্ব্বত্রজয়ী, তাহাতেই সাধনা সম্ভব। “না-পরখা” সত্য বীরের সত্য নয়, অশ্বমেধের ধোড়া নয়; এমন সত্যের উপর সাধকের বীরাসন করা চলে না। তাই পরখ করাই চাই। দেখিতে হইবে সাধনার সত্য সৰ্ব্বপরীক্ষাজয়ী কিনা।

আবার পরখ করিতে গেলেও লোকে বাহিরের পরখই করিবে। যে সত্য যেখানকার সেই সত্যকে সেখানকার পরীক্ষা দিয়া পরখ করা চাই। কমাল বলেন, “দুই ক্রোশ চাউল, তিন সের পথ, এক প্রহর বস্ত্র, বলিলে লোকে পাগল বলে। এক ধামের মানদণ্ড অন্য ধামে চলে না, এক রাজ্যের মুদ্রা অন্য রাজ্যে চলে না। তবে ধর্মজগতের ও অস্তরের জগতের সত্যের নির্ণয় বাহিরের জড় তামসিক মানদণ্ড চলিবে কেন? আবার বাহিরের বিপরীত হইলেই যে অস্তরের সত্য-নির্ণয়ের মানদণ্ড হইল তাহাও নহে, কারণ সত্যের সঙ্গে সত্যের যোগ আছে।” এইখানেই যোগ দৃষ্টির ও অস্তদৃষ্টির দরকার।

অকুল সাগর পার হইতে গেলে শুধু নিজের অসুভবের উপরই নির্ভর করিয়া সব সময় নিশ্চিন্ত থাকা চলে না। অন্তের সঙ্গ ও সহায়তা পাইলে ভরসা দৃঢ় হয়। ঠিক তেমনই সাধনাতেও অন্য সাধকের অসুদৃষ্টির সহায়তা পাইলে উপকার হয়। পরখ চাই এবং পরখ অস্বরের সত্যের হওয়া চাই। লোকে বুঝে না, তাতেই হয় তো পরখই করে না, করিলেও নিজের বুদ্ধিকেই অত্রাস্ত মনে করে। তারপর এক ক্ষেত্রের পরশে অন্য ক্ষেত্রের মানদণ্ড চায় প্রয়োগ করিতে। তাই বাহিরের দিক দিয়াই ভাসা-ভাসা রকমের একটু পরখ করিয়াই মনে করে যাহা করিবার তাহা করা হইল।

অন্তর পরীক্ষা করা :

যহ পারিখ হৈ উপলী ভীতর কী যহ নাহিঁ ।

অংতর কী জ্ঞানৈ নহীঁ তাইঁ খোটা খাহিঁ ॥

জে নাহীঁ সো সব কইঁ হৈ সো কই ন কোই ।

খোটা খরা পরখিয়ে তব জেঁয়া খা তেঁয়া হী হোই ॥

প্রাণ জৌহরী পারিখু মন খোটা লে আঁরৈ ।

খোটা মনকৈ মাঁথে মাঁরৈ দাদু দূর উড়ারৈ ॥

দহদিস ফিরৈ সো মন হৈ আঁরৈ জাই পরম ।

রাখনহারা প্রাণ হৈ দেখন হারা ব্রহ্ম ॥

“এই পরীক্ষা হইল উপরের (বাহিরের উপর-উপর পরীক্ষা), ভিতরের পরীক্ষা এ নহে ; অস্বরের রহস্য জানে না বলিয়াই তো এরা কেবল ঠকিয়া মরে ।

(অস্বরে) যাহা আছে তাহার কথা কেহই বলে না, যাহা নাই তাহাই সবাই বলে , মাচ্চা ঝুঁটা একবার দেখ পরীক্ষা করিয়া ; তবেই (চিরন্তন সত্য) ছিল যেমন, তেমনই হইবে (প্রতিষ্ঠিত) ।

প্রাণ হইল পরখ-নিপুণ জহুরী আর মন আসে (বারবার) ঝুঁটা বস্তু নিয়া নিয়া ; হে দাদু, মনের মাধ্যম জহুরী সেই মিথ্যা লইয়া করে আঘাত, আর দূরে উড়াইয়া দেয় ছুঁড়িয়া ফেলিয়া ।

দশ দিক যাহা ফিরিয়া বেড়ায় তাহা মন, যাহা (এই দেহে) আসিতেছে

যাইতেছে তাহা পবন, যিনি রাখিবার কর্তা তিনি প্রাণ, যিনি দেখিতেছেন তিনি ব্রহ্ম ।”

অন্তরের পরিচয়ই পরিচয় :

জैसे ম'াইঁ জির রহৈ তৈসৌ আঁরৈ বাস ।

মুখি বোলৈ তব জানিয়ে অংতর কা পরকাস ॥

দাদু উপর দেখি করি সব কো রাঁধৈ নাঁর ।

অংতরগতি কী জে ল'খৈঁ তিনকী মৈঁ বলি জাঁর ॥

“যেমন জীব রহেন মধ্যে সেই অনুরূপ বাসই (গছ) আসে বাহিরে ; মুখে যদি বলে (ব্যক্ত করিয়া) তবেই অন্তরের প্রকাশ যায় জানা । হে দাদু, উপর দেখিয়াই সকলের নাম হয় রাখা ; যিনি অন্তরের মধুরূপ পান দেখিতে, আমি তাঁকেই বাই বলিচারি ।”

**সত্য নিজে পরখ করিয়া লও : নিত'য়ে
নিজে সব দেখিয়া বিচার কর :**

শ্রবণা হৈঁ পর নৈনা নহীঁ তাঁধৈঁ খোটা খাঁহিঁ ।

জ্ঞান বিচার ন উপজৈ সাচ ঝুঁঠ সমঝাঁহিঁ ॥

জিন্হৈ জেঁয়া কহী তিন্হৈ তেঁয়া মানী জ্ঞান বিচার ন কীন্হী ।

খোটা খরা জির পরখি ন জানৈঁ ঝুঁঠ সাচ করি লীন্হী ॥

দাদু সাচা লীজিয়ে ঝুঁঠা দৌজৈ ডারি ।

সাচা সনমুখ রাখিয়ে ঝুঁঠা নেহ নিঝারি ॥

সাচে কুঁ সাচা কহৈ ঝুঁঠে কুঁ ঝুঁঠা ।

দাদু ছবিখ্যা কোই নহীঁ জেঁয়া থা তেঁয়া দীঠা ॥

“(কৃতি স্মৃতি শাস্ত্র ও অপরের বাণী শুনিবার মত) শ্রবণ আছে কিন্তু (নিজে দেখিবার মত) নয়ন নাই, তাই অসত্য ধারাই করিতে হয় নির্বাহ ; জ্ঞান বিচার অকুরিত হইয়া উৎপন্ন হইবারই পায় না স্বেযোগ, তাই মনের মধ্যে সত্যকে মিথ্যা ও মিথ্যাকে সত্য হয় সমঝিতে ।

যে যাহা বলিল তাই লইল মানিয়া, জ্ঞানের দ্বারা বিচার করিয়াও

দেখিল না; তার জীবন ভালমন্দ মাছা মিছা পরখ করিতেও জানিল না, মিথ্যাকেই গ্রহণ করিল সত্য বলিয়া।

হে দাদু, সত্যকেই কর গ্রহণ; মিথ্যা দাও ফেলিয়া। সত্যকেই সদা রাখ সম্মুখে, মিথ্যার প্রতি মমতা কর দূর।

সত্যকেই বল সত্য, মিথ্যাকে বল মিথ্যা। হে দাদু, যাহা যেমন তাহা ঠিক তেমনই গেল দেখা, (এখন) আর নাই কোনো দ্বিধা সংশয়।”

লোকে দেখি সত্য মিথ্যায় ভেদ বিচার করে না। যেখানে বিচার করিয়া পরখ করিয়া ভেদ করা চাই সেখানে ভেদ করে না, অথচ যেখানে ভেদ করা উচিত নয় সেখানে তারা করে ভেদ। যিনি সগুণ নিগুণ প্রভৃতি কথা লইয়া সত্যেরও জ্ঞাতিভেদ করেন, তাঁহাকেই লোকে বলে ধনু ধনু। মানুষকে যিনি উচ্চ নীচ বর্ণের বলিয়া ভেদ করেন তাঁহাকেই লোকে সাধু বলে। অথচ ভগবানের কাছে এমন কোনো ভেদ নাই, তাঁর কাছে সব মানুষই সমান; বাহিরের বিচারেই লোকে নানা ভেদ আনিয়া করে উপস্থিত।

**তাঁর কাছে যেখানে ভেদ নাই
সেখানেও আমাদের ভেদ বুদ্ধি।**

সরগুণ নিরগুণ পরখিয়ে সাধু কইঁ সব কোই।

সরগুণ নিরগুণ ঝুঁঠ সব সাহিব কে দরি হোই ॥

পূরণ ব্রহ্ম বিচারিয়ে সকল আত্মা এক।

কায়া কে গুণ দেখিয়ে নানা বরণ অনেক ॥

“সগুণ নিগুণ প্রভৃতি (দার্শনিক বাধি বুলি বলিয়া, সত্যকে) বিচার করিলে সবাই বলে ‘হ্যাঁ সাধু বটে!’ কিন্তু সেই প্রভুর কাছে সগুণ নিগুণ এই সব বিচারই যে ঝুটা।

পূর্ণ ব্রহ্মের দিক দিয়া বিচার করিলে সকল মানবই (আত্মা) এক, আর কায়ার দিক দিয়া যদি বিচার কর, তবে নানা বর্ণ ও অনেক ভেদ বিভেদ।”

তিনি দুঃখ দিয়া সাচ্চা বুটা পরখ
করিন্সা দেন :

জে নিধি কহাঁ ন পাইয়ে সো নিধি ঘর ঘর আহি ।

দাদু মইঁগে মোল বিন কোঈ ন লেরৈ তাহি ॥

রাম কসৈ সেরক খরা কধী ন মোড়ৈ অংগ ।

দাদু জব লগ রাম হৈ তব লগ সেরগ সংগ ॥

সাহিব কসৈ সেরগ খরা সেরগ কোঁ সুখ হোই ।

সাহিব করৈ সো সব ভলা বুৱা ন কহিয়ে কোই ॥

দাদু কসি কসি লৌজিয়ে দহনতৈঁ পরমান ।

খোটা গাঁঠি ন বাঁধিয়ে সাহিব কে দীৱান ॥

“কোথাও মেলে না যে নিধি সেই নিধিই বিরাজিত ঘরে ঘরে, বড়ই
মহার্ঘ সেই নিধি, হে দাদু, বিনামূল্যে কেহই তাহা পারে না লইতে ।

ভগবান যাকে দুঃখ দিয়া কসিয়া নিয়াছেন পরখ করিয়া সেই তো সাচ্চা সেবক,
তাঁর সেবক কখনও আপন অঙ্গ (তাঁর আঘাত হইতে বাঁচাইবার জন্ত) একটুও
বাঁকায় না বা সঙ্কুচিত করে না ; দাদু বলেন, যতক্ষণ ভগবান আছেন ততক্ষণ
সেবকও আছে সঙ্গে সঙ্গে ।

প্রভু যাহাকে কসিয়া পরখ করিয়াছেন সে-ই সাচ্চা সেবক ; কসনের দুঃখেই
তাঁর আনন্দ । প্রভু যাহা করেন তাহা সবই ভাল, তাঁহাকে তো কোনো-
মতেই বলা যায় না মন্দ ।

খুব কসিয়া কসিয়া লও পরখ করিয়া ; হে দাদু, দহনেতেই মিলিবে
সাচ্চাত্বের প্রমাণ । প্রভুর দরবারে আসিয়া বুটা কখনো নিও না গাঁঠে বাঁধিয়া ।”

দ্বিতীয় প্রকরণ—উপদেশ

চতুর্থ অঙ্ক—দয়া নিবৈরতা অঙ্ক

যাহাকে পণ্ডিতেরা মৈত্রী বলেন তাহাকেই দাদু “দয়া নিবৈরতা” বলিয়াছেন।

জগতে ভেদের অস্ত নেই। ধনী ও নির্ধন, জ্ঞানী অজ্ঞান, এদেশী ওদেশী প্রভৃতি ভেদ তো আছেই; ধর্ম আবার তাহার উপর জাতি বর্ণ ধর্ম ও সম্প্রদায় প্রভৃতি আনিয়া নানা ভেদ উৎপন্ন করিয়াছে। কোথায় ধর্ম নানা ভেদ নানা বাধা দূর করিবে, না ধর্মই নূতন নূতন বাধা সৃষ্টি করিয়াছে! ধর্মের তৈয়ারী বাধাগুলি আরও ভীষণ ও সব চেয়ে সর্বনাশ। তার কারণ ধর্মই হইল যোগসেতু, শাস্তি-দাতা, ভেদ-বুদ্ধি হইতে জাতা; সে যদি নষ্ট হয় তবে আর রক্ষা করিবে কে? দেহে ব্যাধি হইলে “মর্ষপ্রাণ” তাকে ব্যাধি-মুক্ত করে, সেই “মর্ষপ্রাণ” যদি ব্যাধিত হয় তখন উপায় কি? কবীর বলিয়াছেন।

বেহুা দীনহী খেত কো বেহুাহী খেত খায়।

“সেত রক্ষা করিতে দিলাম বেড়া, একদিন দেখি বেড়াই পাইতেছে ক্ষেত;
এই কথা বুঝাইয়া আর বলি কাকে?”

নিবৈরতা হইল নিবেদ্যক কথা। দলের সঙ্গে দলের, সম্প্রদায়ের সঙ্গে সম্প্রদায়ের, ধর্মের সঙ্গে ধর্মের, তখন খুবই মারামারি চলিয়াছে। তার মধ্যে ধারা শাস্তি ও সমন্বয়ের কথা আনিলেন তার মধ্যে কবীর, দাদু, নানক প্রভৃতি ভক্তেরা প্রধান। কিন্তু বৈরটুকু গেলেই কাজ তো পূরা হইল না, পরস্পরের প্রতি দয়া, প্রেম, মমতা হওয়া চাই। আসলে সকল জীবই তো তাঁর, সবাই তো তাঁরই স্বরূপ, তবে আর ভেদ কিসের? বাহিরের দিকের দৃষ্টি দিয়া দেখ কেন? অন্তরের দৃষ্টিতে সবাইকে এক বলিয়া জ্ঞান। সমস্তা কঠিন। কিন্তু এড়াইলে চলিবে না। এই মিলনের সাধনাই প্রেমের সাধনা। ইহাই এড়াইয়া বনে গেলে সাধনা আর হইল কৈ? ধর্ম মানবের মধ্যে যোগসাধনা

না করিয়া সাধন করিতেছে ভেদ সাধনা । তাই সকল ধর্মের মধ্যে ঐক্যকে দেখা মহাসাধনা ।

সার মত :

আপা মেটে হরি ভজৈ তন মন তজৈ বিকার ।
 নিরবৈরী সব জীব সৌ দাদু য়হ মত সার ॥
 সব দেখ্যা হম সোধি করি দূজা নহি আন ।
 সব ঘট একৈ আতমা ক্যা হিন্দু মুসুমান ॥
 কাহে কৌ দুখ দীজিয়ে সাজি হৈ সব মাঁহি ।
 দাদু একৈ আতমা দূজা কোঈ নাঁহি ॥
 সাহিবজীকা আতমা দীজৈ সুখ সন্তোখ ।
 দাদু কোই দূজা নহী চৌদহঁ তৌনৌ লোক ॥
 দাদু কৈ দূজা নহী একৈ আতম রাম ।
 সতগুরু সির পরি সাধু সব প্রেম ভগতি বিশ্রাম ॥

“অঙ্কার মিটাইয়া দেও, ‘হরিকে ভজনা কর, তনুমনের বিকার ত্যাগ কর, সকল জীবের প্রতি নিরৈক্যের (মৈত্রী-যুক্ত) হও, হে দাদু, ইহাই হইল সার মত ।

সব আমি দেখিলাম খোঁজ করিয়া, কেহ আর নয় ভিন্ন, কেহ আর নয় পর ; কি হিন্দু কি মুসলমান একই আত্মা বিরাজমান সব ঘটে ।

কেন তবে আর কাহাকেও দুঃখ দাও ? স্বামী যে আছেন সবারই মধ্যে । হে দাদু, সবাই এক-আত্মা, পর তো আর কেহ নাই ।

যত জীব (আত্মা) সবাই প্রিয়তম আমার স্বামীর, তাই সকলকেই সুখ দাও সন্তোষ দাও ; হে দাদু, চৌদ্দ ভুবনে তিন লোকে পর বলিয়া আর কেহই নাই ।

দাদুর কাছে পর বলিয়া কেহই নাই, সবই আমার একই আত্মারাম । মাথার উপরে আমার সৎগুরু, মাথার উপরে আমার সব সাধকজন, প্রেম ভক্তিই বিশ্রাম ।”

অর্থাৎ সর্বত্রই আমার প্রেম, সর্বত্রই আগার ভক্তি, তাই সর্বত্রই আমার বিশ্রাম (শান্তি, আরাম) ।

বৈরের স্থান কোথায় ?

কিস সৌ বৈরী হ'রে রহা দূজা কোঈ নাহিঁ ।
 জিস কে অংগ তেঁ উপজে সোঈ হৈ সব মাহিঁ ॥
 সব ঘটি একৈ আতমা জানৈ সো নীকা ।
 আপা পরমেঁ চীন্হি লে দরসন হৈ পী কা ॥
 কাহে কোঁ দুখ দীজিয়ে ঘট ঘট আতম রাম ।
 দাদু সব সম্বোধিয়ে য়হ সাধু কা কাম ॥

“কার সঙ্গে চলিয়াছে শক্রতা ? পর যে কেহই নাই । ধীর অঙ্গ হইতে উপজিলে, তিনিই যে বিরাজমান সবার মাঝে ।

সকল ঘটে একই আত্মা ইহা যে জানে সে-ই তো উত্তম, পরের মধ্যে আপনাকে লও চিনিয়া (অথবা আপন পর সকলের মধ্যেই পরমাত্মাকেই লও চিনিয়া), ইহাই হইল প্রিয়তমের দরশন পাওয়া ।

কেন তুমি (অত্মকে) দাও দুঃখ, ঘটে ঘটেই যে আত্মারাম । হে দাদু সকলকেই সুখী কর, এই তো হইল সাধুর কাজ ।

**সকলেই তাঁর, সবাই পরস্পরের
 ভাই :**

প্রিয়তমের যোগে সর্ব মানবই আপন, অথচ ধর্ম ও সম্প্রদায়ই বৃথা আনিতেছে মিথ্যা যত সব ভেদ ।

দাদু একৈ আতমা সাহিব হৈ সব মাহিঁ ।
 সাহিব কে নাতে মিলৈ ভেখ পংথকে নাহিঁ ॥
 জব প্রাণ পিছানৈ আপ কোঁ আতম সব ভাঈ ।
 সিরজনহারা সবনকা তা সৌ লর লাঈ ॥
 পুরণ ব্রহ্ম বিচারি লে ছুতিয় ভার করি দূর ।
 সব ঘটি সাহিব দেখিয়ে রাম রহা ভরপুর ॥

“হে দাদু, একই আত্মা সবার, প্রভু বিরাজিত সবারই মধ্যে ; প্রভুর

সম্বন্ধেই আমবা যে সবাই পারি মিলিতে, ধর্মের ভেখ (বেশ) ও পন্থের (মত ও সম্প্রদায়ের) দিক দিয়াই মিলন অসম্ভব।

প্রাণ যখন আপনাকে (আত্মাকে, সকলের মধ্যে) চিনিতে পারিল তখন সব মানুষই (আত্মাই) ভাই; তিনিই সবার সৃজনকর্তা, (সবাইকে ভাই জানিয়া) তাঁহার সঙ্গে প্রেম-ধ্যান কর যুক্ত।

পূর্ণ ব্রহ্মের দিক দিয়া সকলকে লও জানিয়া, আত্মপর হৈত ভাব কর দূর, সকল ঘটেই দেখ প্রভু বিরাজিত, সর্ব ঘটেই রাম ভরপুর বিরাজমান।”

ত্রিক্য স্বাভাবিক, ভেদ কৃত্রিম :

কায়াকে বসি জীর সব হ'রৈ গয়ে অনন্ত অপার।

দাদু কায়া বসি করি নীরঞ্জন নিরকার ॥

ঘট ঘটকে উনহার সব প্রাণ পরস হোই জায়।

দাদু এক অনেক হোই বরতে নানা ভায় ॥

আয়ে একংকার সব সারি দিয়ে পঠাই।

দাদু স্মারা নার ধরি ভিন্ন ভিন্ন হ'রৈ জাই ॥

“(মূলতঃ এক হইলেও) দেহের (ভিন্নতার) বশেই জীব হইয়া গেল অনন্ত অপার ভাগে বিভক্ত। হে দাদু, যে কায়াকে বশ করিয়াছে, কায়ার রহস্য বুঝিয়া লইয়াছে, তার কাছে সবাই নিরঞ্জন নিরাকার (ব্রহ্মস্বরূপ)।

প্রাণের পরশেই হইয়া যায় ঘটে ঘটে ভিন্ন ভিন্ন রূপ ও বিশিষ্টতা। হে দাদু, একই হইয়াছে অনেক; নানা ভিন্নভাবে সেই একই সর্বত্র বর্তমান।

সবাই একই আকারে আসিয়াছে জগতে, প্রভু (একই ভাবে সকলকে) দিয়াছেন পাঠাইয়া। হে দাদু, (সেই একই) মিছামিছি স্বতন্ত্র স্বতন্ত্র নাম ধরিয়া গেল ভিন্ন ভিন্ন হইয়া।

মানবদেহ দেবমন্দির :

দাদু অরস খুদায়কা অজরামরকা থান।

দাদু সো কোঁটা চাহিয়ে সাহিব কা নীসান ॥

আপ চিন্হারৈ দেহুরা তিসকা করহিঁ জতন্ন।

পরতথ পরমেশ্বর কিয়া, ভানৈ জীর রতন্ন ॥

মসীতি সঁরাৱী মানসৌ তিস কো কঠেঁ সলাম ।

ঐন আপ পৈদা কিয়া সো চাইঁ মুসলমান ॥

“হে দাদু, (যে মানব) ভগবানের মঃগন্দির (সিংহাসন), অজর অমৃতের লীলাস্থান, প্রভুর রাজপতাকা (বা নিশানা), তাহাকে কেন কর বিনাশ ?

তিনি (আপনার এই) দেব-মন্দির আপনিই দেন চিনাইয়া, (অস্তরের প্রেম দিয়া) তিনি নিজেই তাহার করেন যত্ন । প্রত্যক্ষ পরমেশ্বর এমন যে করিলেন রচনা, সেই জীব রতনকেই লোকে করে কিনা বিধ্বস্ত ?

মানুষে রচনা করে যেই মসজিদ তাহাকে সবাই করে সেলাম : আর আপনার সত্তার অনুরূপ যে মন্দির ভগবান স্বয়ং করিলেন সৃষ্টি, তাহাকে কিনা বিধ্বস্ত করে মুসলমান ।”

এই সময়কার অনেক ছুঃখের ইতিহাস দাদুর লেখাতে পাওয়া যাইতেছে । তখন অকারণে অথবা সামান্ত মতামতের বিভিন্নতার অজুহাতে যে প্রাণ দিতে হইত, সামান্ত ঐহিক রাজশক্তির দস্তে মানুষ যে কতই নিষ্ঠুর হইতে পারিত, সে সব ছুঃখের কথা বুঝিতে পারা যাইতেছে ।

অহিংসা :

কালী মুঁহ করি করদকা দিলতৈঁ দূব নিয়ার ।

সব সুরতি সুবহানকী মুল্লা মুকুখ ন মার ॥

বৈর বিরোধেঁ আতমা দয়া নহীঁ দিল মাহিঁ ।

দাদু মুরতি রামকী তাকৌ মারন জাহিঁ ॥

ভারহীন জে পিরথমী দয়া বিহুনঁ দেস ।

ভগতি নহীঁ ভগবংতকী তহঁ কৈসা পরবেস ॥

“(মুসলমানের প্রতি) জবাই করিবার ছোরার মুখে কালি দিয়া (অপমানিত করিয়া) হৃদয় হইতে তাহাকে দাও দূর করিয়া । সবাই তো সেই পবিত্র স্বরূপেরই প্রতিমূর্তি ; হে মোল্লা, মুখকে আর আর মারিও না ।

(হিন্দুর প্রতি) হৃদয়ের মধ্যে নাই দয়া তাই শক্রতা করিয়া জীবকে (আতমা) কর আঘাত ; হে দাদু, যে জীব হইল রামের প্রতিমূর্তি, তাকে লোকে যার কিনা মরিতে !

ভাবহীন যে পৃথিবী, দয়াহীন যে দেশ, ভক্তি নাই যে ভগবানে ; কেমন করিয়া সেখানে হইবে প্রবেশ ?”

মানবের মধ্যে থাকিয়াই সাধনা :

জংগল মাঁই জীব জে জগথে' রহে উদাস ।

ভীত ভয়ানক রাত দিন নিহচল নাহী' বাস ॥

“জগতের প্রতি উদাস হইয়া যে সব লোক (জীব) জঙ্গলের মধ্যে গিয়া করে বাস । রাত দিন সেখানে ভয়ানক ভীতি (সংসারের স্পর্শ হইবে বলিয়া বা বনের পশু হইতে), তার এখনও নিশ্চল সত্যস্বরূপে হয় নাই বাস ।”

মানবের মধ্যে নানা নিষ্ঠুরতা, পাপ ও অপরাধ আছে মনে করিয়া মানব-সমাজ ত্যাগ করিয়া জঙ্গলে গিয়া বাস করিলেও চলিবে না । এই মানবের মধ্যে থাকিয়াই সাধনা করিতে হইবে ।

দ্বিতীয় প্রকরণ—উপদেশ

পঞ্চম অঙ্ক—জীবিত মৃত অঙ্ক

(“জ্যোত্স্ন মড়া”)

মধ্য যুগের সাধকদের মধ্যে “জীবন্তে মরা” একটা মস্ত সাধনার ইঙ্গিত ছিল। পারশুর সূফীদের মধ্যে এই ভাব অতিশয় প্রসিদ্ধ। তাঁহাদের সাধনাতে ইহা একটি প্রধান অঙ্ক। ভারতীয় সাধনাতেও মনকে চঞ্চলতাহীন করিবার জন্তই পুনঃপুনঃ উপদেশ আছে। মন যখন চঞ্চলতাহীন হয় তখনই তাহাকে “মৃত” বলা হয়—

“যন্তু চঞ্চলতাহীনঃ তন্মনো মৃতমুচ্যতে।”

ভারতের সূফীদের মধ্যে একটি গল্প আছে তাহার সংক্ষিপ্তরূপ দেখিলেও বিষয়টির মর্ম বুঝা যাইবে। দূর দেশের অরণ্য হইতে সংগৃহীত ও সুদূর ইরাণে নির্বাসিত এক বন্ধ শুক ছিল। তার বুলির জন্তু মাতৃষ তাহাকে বাধিয়া রাখিয়াছিল। স্বদেশের বনের পাখীরা আসিয়া তাহাকে নানা বনের কাহিনী বলে আর তার মন উদাসী হইয়া যায়। একদিন এক জ্ঞানী শুক পাখী তার কাছে আসিলে সে চোখের জলে তাহাকে প্রশ্ন করিল “মুক্তি পাই কোন উপায়ে?” জ্ঞানী শুক বলিল, “উপায় দেখাইতেছি, প্রণিধান করিয়া ইহার মর্ম গ্রহণ কর, বেনী করিয়া বলার যো নাই।” বন্ধ শুকের সঙ্গে জ্ঞানী শুকও ধরা দিল আর নানা বুলী শুনাইতে লাগিল।

একদিন জ্ঞানী শুকটি মরিয়া পড়িয়া রহিল। লোকে আসিয়া তাহাকে নাড়ে চাড়ে, অবশেষে শিকল খুলিয়া মড়া পাখীটা ফেলিয়া দিল। লোক সব মরিয়া গেলে সে হঠাৎ “এই মুক্তির উপায়” বলিয়া উড়িয়া গেল।

বন্ধ শুক মনে করিল, “তাই তো, আমাকে দিয়া এদের উদ্দেশ্য সিদ্ধ হয় বলিয়াই তো আমাকে বাধিয়া রাখে। আমি যদি অকর্মণ্য হইয়া যাই, মরিয়া যাই তবে একদিন না একদিন শিকল খুলিয়া দিবেই। তবে আর

আমাকে বাঁধিয়া রাখিবে কোন উদ্দেশ্যে ? সেও তাই জীবন্তেই মরিল ও সেই উপায়েই-মুক্তি পাইল ।

পারশু হঠতেই সম্ভবতঃ এই গল্পটি আসিয়াছে । কারণ জালাল উদ্দীন রুমির কবিতাতে একটি অমূরূপ কাহিনী আছে ।

বিদেশগামী বণিক প্রিয় শুককে জিজ্ঞাসা করিলেন, “তোমার অন্ত ভারতবর্ষ হইতে কি আনিব ?” শুক বলিল, “ভারতের মুক্ত শূকদের জিজ্ঞাসা করিও যে আমি এখানে রহিলাম বন্ধ ; এমন অবস্থায় মুক্তির আনন্দ সম্ভোগ করা কি তাহাদের উচিত ? ইহার উত্তর আনিও, আর কিছু নয় ।” ভারতে গিয়া বণিক হঠাৎ এক দল শূকের প্রতি সেই প্রশ্নটি করিলেন । একটি শূক হঠাৎ তাহা শুনিয়া মাটিতে মরিয়া পড়িয়া গেল । উত্তর কিছু কহিল না ।

বণিক দেশে আসিয়া সেই ঘটনাটি বলিলেন । এই শূকটিও তাহা শুনিয়া মরিয়া গেল । বণিক দুঃখিত হইয়া তাহাকে ফেলিয়া দিলেন । তখন শুক উড়িয়া ডালে বসিয়া তার মুক্তির ইচ্ছিতটি বুঝাইয়া উড়িয়া গেল ।

মানব স্বভাবতঃ সাধক ও মুক্ত । সে আপনার তত্ত্ব বিশ্বত হইয়া নিজ গুণ ও ঐশ্বর্য লইয়া আছে মত্ত হইয়া । অথচ এই গুণঐশ্বর্য ও অহম্ভাবের জগুই সংসার তাকে চায় বাঁধিয়া রাখিতে । এইগুলি যদি যায় তবে সংসার নিজেই তাকে রেহাই দেয় । তার মুক্তির সাধন সহজ হইয়া যায় ।

এই “অহম্”ই সাধকের ভাব, ইহাই তার বাধা, কারণ ইহা স্থূল নিরেট । ইহাই তাহাকে পরমাত্মার সঙ্গে প্রেমে মিলিতে দেয় না । এই দেহ-হইল পরমাত্মার মন্দির, তাতে “অহম্” ও পরমাত্মা দুই জনের ঠাই হয় না । তাই তো নিত্য ছুঃপ নিত্য টানাটানি । এই “অহম্” যুচিলেই সব টানাটানি মিটিয়া সহজ হইবে । আত্মাকে যদি পরমাত্মার মধ্যে ডুবাইয়া দেই তবে আমার ব্যক্তিগত মৃত্যু হইতে রক্ষা পাইব, সকল জীবনের মধ্যে নিত্য জীবন লাভ করিব । এই অহম্ গেলেই সব ভয় গেল, ইহাকে লইয়াই তো যত চিন্তা । ইহাই তো পরমাত্মার দর্শনের ব্যবধান হইয়া আছে । কাজেই ইহাকে সরিতেই হইবে, মরিতেই হইবে ।

বড় কঠিন এই “অহম্কে” মারা । এক মূল মায় তো অন্ত মূলে সে ওঠে

বাঁচিয়া; ইহাকে কাটিয়া, ঘা দিয়া, চূর্ণ করিয়া, (বৈরাগ্যের) আগুনে পোড়াইয়া মারিতে হইবে। একটু রস পাইলেই ইহা ওঠে বাঁচিয়া।

সাধনা ছাড়া এই মরা হয় না। স্বাভাবিক মরা তো সবারই ঘটে, কিন্তু সাধনা দিয়াই এই মরণ লাভ করিতে হয়। হিন্দু সাধক তার “অহম্”কে হিন্দু পদ্ধতিতে মারে, মুসলমান সাধক মুসলমান পদ্ধতিতে মারে, ইহাকে না মারিলে সাধনাই হয় না। গুণ ইঞ্জিয় মারিয়া দীন হীন হইয়া মারিতে হইবে।

সাধকের পক্ষে কৰ্ম, সেবা, সাধনাও তো দরকার। “অহম্” গেলে তাহা কেমন করিয়া হইবে ?

কেন ? এই চন্দ্র, সূর্য, পবন, পৃথিবী এরা তো সবাই নিঃশব্দে সেবা করিতেছে। এদের কি কোনো অহকার আছে ? এদের মত মাটি হইয়া সেবা করিতে হইবে। ইহাই সাধনার ইচ্ছিত। শুকের মত মরিলেই হইবে না। সেবকের মত নিত্য জীবন্ত জাগ্রত সেবাও চাই। সেই সেবা করিবে “অহম্”-হীন মাটি হইয়া। দুই দিক সমান রাখিয়া তবে এই কঠিন সাধন পূরা করিতে হইবে। সৰ্বদিকের সাধনা লইয়াই মানবের সাধনা। একদিকে সাধনা করিলে চলিবে কেন ?

সাধকরা এই ভাবে ফুলের বা গন্ধের আরক চোলাইর (Distillation) সঙ্গে তুলনা দেন। ফুল ও জল একত্র মিশিলেই নানা মলিনতা আসিয়া জমে। সে সব এড়াইতে হইলে জলকে আগুনে মারিয়া বাষ্প করিয়া শীতল করিয়া নূতন করিয়া জল করিলে বিশুদ্ধ আরক হয়। মলিনতা দূর করার জন্য সাধক আপনাকে বৈরাগ্য দিয়া মারিবে (সূফীদের “ফণা”), তার পর ভগবানের চরণতলে প্রেমের শীতলতায় সেই বাষ্প জমিয়া নূতন জীবন পাইবে। এতে গন্ধ আসিবে অথচ মলিনতা আসিবে না। এই রকম বাঁচা মরা দুই দিয়া সাধন পূরা হইবে।

ভারতের মধ্য যুগের সাধকরা এবং এখনকার বাউলরা দেখিতে পাই বৌদ্ধ নির্বাণতত্ত্ব, বেদান্তের অষ্টৈতন্ন্যবাদ, সূফীদের “ফণা” অর্থাৎ আত্মবিলয়তত্ত্ব সবই নানা বিচিত্রভাবে একত্রে মিশাইয়াছেন। তাহাতে তাঁহাদের সাধনার প্রণালী চমৎকার বিচিত্র ও সুন্দর হইয়া উঠিয়াছে। দাদুর “জীবিত ত্রিতক” অর্থাৎ “জীবন্তে মড়ার” অঙ্গ দেখিলেই তাহা বুঝা যাইবে।

**প্রকৃতির মহাভূতেরা সবাই সাধক ।
তাদের কাছে জ্যান্তমরণ শিক্ষা কর ।**

ধরতী সত্ত্ব অকাম কা চন্দ সুরজ্জ কা লেই ।

দাদু পাণী পরনকা রাম নাম কহি দেই ॥

দাদু ধরতী হ'বে রহে ত্যাগি কপট অহঁকার ।

সাই কারণ সিরি সঠে পরতথ সিরজনহার ॥

জীরত মাটী মিলি রহে সাঁজ সনমুখ হোই ।

দাদু পহিলে মরি রহে পিছে তো সব কোই ।

“ধরিত্রী হইতে (সহিষ্ণুতা), আকাশ হইতে (অসীমতা ও নিলিপ্ততা), চন্দ্রমা হইতে (শান্তি), সূর্য্য হইতে (প্রকাশ ও তেজস্বিতা), জল হইতে (মালিন্যহরণ ও তাপহরণ শক্তি), পবন হইতে (সদামুক্ত গতি ও সেবা), সাধক যদি সার সত্য লইতে পারে তবেই সে রামনাম জপ করিতে পারে ।

হে দাদু, কপট অহঙ্কার ত্যাগ করিয়া ধরিত্রীর মত সহিষ্ণু হইয়া সাধক যদি সাধনা করে, যদি সে স্বামীর কারণে সবই মাথার উপর সহে, তবে নিজ সাধনাতেই তাহার কাছে সৃজনকর্তা পরমেশ্বর হইবেন প্রত্যক্ষ বিরাজমান ।

স্বামীর সম্মুখে রহিয়া জীবন্তই মাটীর সঙ্গে মিলাইয়া হইবে থাকিতে, হে দাদু, আগে হইতেই (তাঁর সম্মুখে) থাকিতে হইবে মরিয়া, পিছে তো মরে সবাই ।”

জীবন্তে মরিন্যাই অমৃতত্ব লাভ হয় ।

ঝুঁটা গরব গুমান তজি তজি আপা অভিমান ।

দাদু দীন গরীব হোই পায়া পদ নিরবান ॥

রাব রংক সব মরহিঁগে জীরহিঁগে না কোই ।

সোঁজি কহিয়ে জীরতা জো মরি জীরা হোই ॥

মেরা বৈরী মৈঁ মুঝা মুঝে ন মারৈ কোই ।

মৈঁ হী মুঝা কৌ মারতা মৈঁ মরজীরা হোই ॥

“ঝুঁটা গরব গুমান ত্যাগ করিয়া, অহমিকা অভিমান ত্যাগ করিয়া, দীন

হীন হইয়া, হে দাদু, সাধক পাইল নির্বাণ পদ। রাজা কান্দাল মরিবে সবাই,
কেহই তো থাকিবে না জীবন্ত; তাহাকেই বলা উচিত “জীবন্ত” যে মরিয়া
আবার লাভ করিয়াছে জীবন।

আমার শত্রু “আমি” মরিয়াছে। এখন আর আমাকে কেহ পারে না
মারিতে। জীবন্তে মরণের সাধনা করিতে গিয়া আমি আপনিই আপনাকে
মারিতেছি।”*

**অহমই বাধা, অহমই ভার, তাহাকে
ক্ষয় কর :**

দাদু আপা জব লগৈ তব লগ দূজা হোই ।
জব য়ছ আপা মিটি গয়া দূজা নাহী কোই ॥
তো তুঁ পাঁরৈ পীর কো মৈঁ মেঁরা সব খোই ।
মৈঁ মেঁরা সহজৈঁ গয়া তব নির্মল দরসন হোই ॥
মৈঁ হী মেঁরে পোট সিরি মরিয়ে তাকে ভার ।
দাদু গুরু পরসাদ সৌ সিরতৈঁ ধরী উতার ॥
মেঁরে আগৈঁ মৈঁ খড়া তাথৈঁ রছা লুকাই ।
দাদু পরগট পীর হৈঁ জে য়ছ আপা জাই ॥

“হে দাদু, যতদিন এই “অহম্”-ভাব আছে, তত দিনই আত্ম পর বৈত
ভাব আছে; এই “অহম্”-ভাব যখন গেল মিটিয়া তখন আর কেহই
পর নয়।

“আমি” “আমার” এই সব পোয়াইতে পারিলেই হে সাধক তুমি পাইবে
প্রিয়তমকে। “আমি” “আমার” যদি সহজেই যায় তবেই হয় নির্মল দরশন।

(আমার) মাথায় “আমি”-বোঝার ভার রহিয়াছে চাপিয়া, তার ভারেই
তো মরণ। গুরুর প্রসাদে দাদু সেই ভার মাথা হইতে রাখিয়াছে নামাইয়া।

* মরজীবা অর্থ যে জীবন্তে মরিয়া আছে। সমুদ্রে ডুব দিয়া বাহারা
মুক্তা তোলে তাহাদের “মরজীবা” বলে। অসীমের মধ্যে ডুব দিয়া মুক্ত ঐখৰ্বা
লাভ করাই হইল আধ্যাত্মিক “মরজীবায়” সাধনা।

আমার আগে আড়াল করিয়া “অহম্” খাড়া, তাতেই (প্রিয়তম) রহিয়াছেন লুকাইয়া। হে দাদু, যদি এই ‘আমি’ যায় তবে প্রিয়তম তো প্রত্যক্ষ বিরাজমান।”

“অহম্” ত্যাগ করিয়া সহজ হও :

কীরত মিরতক হোই করি মারগ মাইঁ আর ।

পহিলে সীস উতারি করি পীছে ধরিয়ে পঁর ॥

দাদু মৈঁ মৈঁ জালি দে মেরে লাগৌ আগি ।

মৈঁ মৈঁ মেরা দূর করি সাহিব কে সংগি লাগি ॥

মৈঁ নাহঁী তব এক হৈ মৈঁ আঈ তব দোই ।

মৈঁ তৈঁ পড়দা মিটি গয়া জেঁয়া থা তেঁয়া হী হোই ॥

তো তুঁ পাবৈ পীর কৌ আপা কছু ন জান ।

আপা জিস থৈঁ উপজৈ সোঈ সহজ পিছান ॥

“জীবন্তেই মড়া হইয়া তবে এস (সাধনা) পথের মধ্যে। প্রথমে মাথাটি ধসাইয়া পিছে (এই পথে) রাখ পা।

হে দাদু “আমি আমি” টাকে দাও জ্বালাইয়া, “আমার” মধ্যে লাগুক আগুন, “আমি আমি” “আমার আমার” দূর কর, স্বামীর সঙ্গে হও যুক্ত।

“আমি”নাই তখন আছে এক, আমি আসিলে হইল দুই; “আমি” “তুমি”র পরদা যখন গেল মিটিয়া তখন যেমন ছিল ঠিক তেমনটিই হইল (কৃত্রিম ঘুচিয়া সহজ সত্য হইল)।

তবেই তুই প্রিয়তমকে পাইবি যদি আপনাকে কিছুই না মানিস্। এই “অহমিকা”টি যাহা হইতে উৎপত্তমান সেই সহজকে নে চিনিয়া।”

**বাহ্য আঘাতে মন্বাতে কেবল দুঃখ ;
সাধনার এই মন্বণেই পূর্ণানন্দ :**

বৈরী মারে মরি গয়ে চিত্তেঁ বিসরে নাহঁি ।

দাদু অজহুঁ সাল হৈ সমঝি দেখ মন মাহঁি ॥

“শত্রুর আঘাতে যদি মারধা যায় তবে চিত্ত হইতে সেই দুঃখ আর যায়ই না। হে দাদু, (যে সব আঘাত পরের হাতে খাইয়াছ) বাধা তার আজও আছে, মনের মধ্যে এই কথাটা দেখ সমঝিয়া।”

অধ্যাত্ম পক্ষে—“কামাদি শক্রকে মারিতেই হয়, অথচ যত দিন কামাদি শক্রকে মারিবার অভিমান মনে থাকে তত দিন সেই কারণেও অন্তরে দুঃখ থাকেই থাকে।”

এই মরণ কেমন তর ?

আপা গরব গুমান তজি মদ মচ্ছর অহঁকার ।

গহৈ গরীবী বন্দগী সেবা সিরজনহার ॥

“অহমিকা গর্ক গুমান ত্যাগ করিয়া মন মাংসযা অহঙ্কার চাড়িয়া সৃষ্টিকর্তা ভগবানের সেবা ও দীনতা গ্রহণ কর, প্রণত সেবা-ব্রত তর (ইচ্ছাই সেই মরণ) ।”

সাধুর মতে এই মরণের লক্ষণ

মিরতক তবহী জানিয়ে জব গুণ ইংদ্রী নাহী ।

জব মন আপা মিটি গয়া তব ব্রহ্ম সমান। মাঁহি ॥

“(সাধককে জীবনে) মড়া তখনই জানিবে যখন তার আর (নিষ্কর বলিতে) কোনো গুণ বা ইচ্ছা নাই, যখন তার মনের চঞ্চলতা ও অহমিকা মিটিয়া যায় তখনই তার মধ্যে ব্রহ্ম ভরপুর ভরিয়া বহেন বিরাজমান ।”

সুকীর্তনের মতে জ্যোতিষ মরণ হইল তখন

গরীব গরীবী গহি রহা মসকীনী মসকীন ।

দাদু আপা মেটি করি হোই গয়া লরলীন ॥

“(সাধক) দীন রছিল দৈনিকে আশ্রয় করিয়া, দুঃখী নম্র রছিল দীন নতভাব আশ্রয় করিয়া ; হে দাদু, যখন অহমিকাকে সাধক ক্ষয় করিয়া দিল তখনই ধ্যানে ভুক্তিতে রছিল লীন হইয়া ডুবিয়া ।”

(দাদুর দুই পুত্র গরীবদাস ও মসকীন দাসের নাম এটখানে প্রসঙ্গক্রমে পাওয়া গেল ।)

অথচ এই মরণ সাধন করাই চাই :

সব কৌ সংকট এক দিন কাল গহৈগা আই ।

জীবত মিরতক হোই রহৈ তা কে নিকটি ন জাই ॥

জীবতহী ত্রিত হোই রহৈ সব কো ব্লিরকত হোই ।
 কাচৌ কাচৌ সব কহৈ নার ন লেরৈ কোই ॥
 মনা মনী সব লে রহে মনী ন মেটী জাই ।
 মনা মনী জব মিটি গল্প তবহঁ মিলৈ খুদাই ॥
 কহিবা সুনিবা গত ভয়া আপা পরকা নাম ।
 দাদু মৈ তৈ মিটি গয়া পূরণ ব্রহ্ম প্রকাশ ॥

“একদিন আছেই সকলের সঙ্কট—কাল আসিয়া করিবে গ্রাস । কিন্তু জীবন্তে যে মড়া হইয়া থাকে, কাল তার নিকট তো যায় না ।

জীবন্তই যদি থাকে মরিয়া, সবাই তার উপর হয় বিরক্ত, সবাই বলে (ইহাকে) ‘বাহির কর, বাহির কর’, কেহ তার নামও চায় না লইতে ।

সবাই আছে কেবল অহম্ ও অহংকার নিয়া, আর অহংকার ক্ষয় করাও যায় না । অহম্ ও অহংকার যখন মিটিয়া যায় তখনই মেলেন খোদা আপনি ।

শুনিতে শুনিতে কহিতে কহিতে (বলা কথা ও শোনা) টের হইয়া গিয়াছে, এখন আত্ম-পর ভেদ নাশ (করিতে হইবে) । হে দাদু, “আমি” “তুমি” যদি গেল মিটিয়া তবেই পূর্ণব্রহ্ম হয় প্রকাশ ।”

কবে এই দুঃখ ঘুচিবে :

কদি যহু আপা জাইগা কদি যহু বিসরৈ ঔর ।
 কদি যহু সুখিম হোইগা কদি যহু পারৈ ঠৌর* ॥
 দাদু আপ ছিপাইয়ে জহাঁ ন দেথৈ কোই ।
 পিয় কৌ দেখি দেখাইয়ে তৌ। তৌ। আনন্দ হোই ॥
 অস্তুরগতি আপা নহাঁ মুখ গৌ মৈ তৈ হোই ।
 দাদু দোস ন দীজিয়ে য়েঁ মিলি খেলৈ দোই ॥

“কবে এই “অহম্” ঘাইবে, কবে এ আর সব ভুলিবে, কবে স্থূলতা পরিহার করিয়া এ সূক্ষ্ম হইবে, কবে এ আশ্রয় (ঠাই) পাইবে ?

হে দাদু, যেখানে কেহই দেখেনা সেখানে আপনাকে লুকাও ।

* গুরুর অঙ্গতে ও এই কবিতাটি প্রায় এই আকারেই আছে

প্রিয়তমকেই দেখ ও দেখিয়া দেখাও, (যে পরিমাণে তাহা পারিবে) তেমন তেমনই হইবে আনন্দ ।

অন্তরের মধ্যে যদি “অহম্” না থাকে, কেবল মুখেই যদি “আমি” “তুমি” (ব্যবহার জন্ত) হয়, হে দাদু, তবে দোষ দিও না, এমন করিয়াই গেলে ছুই জনে ।”

**অহম্-মোপ সাধনার ধন, সকলের
মধ্যে সত্য জীবন :**

সীখ্য প্রেম ন পাইয়ে সীখ্য প্রীতি ন হোই ।

সীখ্য দরদ ন উপজৈ জব লগ আপ ন খোই ॥

দাদু কাহে পচি মরৈ সব জীরৌ মৈ জীর ।

আপা দেখি ন ভুলিয়ে খরা ছুহেলা গীর ॥

“যাবৎ আপনাকে (তাঁর মধ্যে) না ধরাইয়া ফেলিবে তাবৎ শেখা কপায় প্রেম পাইবে না, শিখিলেই প্রীতি হইবে না, শিক্ষার ফলে দরদও জন্মিবে না ।

হে দাদু, কেন (আপনাতে বন্ধ থাকিয়া) মর পচিয়া ? সকল জীবনের মধ্যে (বিশ্ব জীবনে) থাক বাঁচিয়া । “আপনাকে” দেখিয়াই ভুলিও না, অতিশয় দুর্ভর কঠিন যে প্রিয়তম ।”

অহম্ ক্ষয়েই অভয় :

দাদু হৈ কো ভয় ঘণা নাহী কৌ কুছ নাহি ।

দাদু নাহী হোই রছ অপনে সাহিব মাঁহি ॥

মৈ নাহী তহঁ মৈ গয়া একৈ দূসর নাহি ।

নাহী কুঁ ঠাহর ঘণী দাদু নিজ ঘর মাঁহি ॥

জহঁ। রাম তহঁ মৈ নহী মৈ তহঁ নাহী রাম ।

দাদু মহল বারীক হৈ দোউ কুঁ নাহি ঠার ॥

“হে দাদু, (যাহার কিছু আছে তাহার) “আছে”র বিস্তর ভয়, (অকিঞ্চন) “নাহি”র কোনো ভয়ই নাই ; হে দাদু, আপন স্বামীর মধ্যে তাই “নাহি” হইয়াই থাক ।

“আমি” যেখানে নাই সেখানে আমি গিয়াছি, সেখানে একমাত্র

(অদ্বিতীয় বিরাজমান), দ্বিতীয় আর কিছু নাই ; হে দাদু যে (অকিঞ্চন)
“নাহি” হইয়া আছে নিজ ঘরের মধ্যে তাহারই দৃঢ় (অচল) প্রতিষ্ঠা ।

যেখানে রাম আছেন সেখানে “আমি” নাই, যেখানে “আমি” আছে
সেখানে রাম নাই ; হে দাদু বড় সূক্ষ্ম সঙ্গীর্ণ সেই মন্দির, দুইয়ের সেখানে
নাই ঠাই ।”

তৃতীয় প্রকরণ—তত্ত্ব

প্রথম অঙ্ক—কাল অঙ্ক

জগতে সবই নশ্বর ; প্রতি আকার প্রতি বস্তু প্রতি প্রাণী দণ্ডে দণ্ডে পলে পলে মরিতেছে, অথচ কেহই তাহা অনুভব করিতে পারিতেছে না ।

ছোট বড় কাহাকেও এই মৃত্যু ছাড়ে না । জগতে যে-সব মহাবীর সাম্রাজ্য হাতে গড়িয়াছেন হাতে ভাঙিয়াছেন তাঁহারাও আজ কোথায় ? দেব দানব অথবা সম্প্রদায় প্রবর্তকরাই বা আজ কোথায় ?

মৃত্যু কেবল বাহিরের নহে, অন্তরেই সে আসল মৃত্যুর বাস । জীবন্তই মানুষ দিনে দিনে অন্তরের মধ্যে শুষ্ক হইয়া মরে । অন্তরের এই পলে পলে মৃত্যু কেহ টেরই পায় না, ইহাই তো বিপদ ।

প্রেমরস বিনা ভগবানের দল্লি বিনা এই গভীরতর মৃত্যু হইতে রক্ষা নাই ।

সবই অনিত্য :

যত্ন ঘট কাচা জল ভর্যা বিনসত নাহী' বার ।

যত্ন ঘট ফুটা জল গয়া সমুখত নহী' গর্বার ॥

সব কোই বৈঠে পংথ সিরি রহে বটাউ হোই ।

জে আয়ে তে জাহি'গে ইস্ মারগ সব কোই ॥

সংখ্যা চলে উভারলা বটাউ বনখংড মাহি' ।

বেরিয়া নাহী' টালকী দাদু বেগি ঘর জাহি' ॥

পংথ ছাহেলা দুরি ঘর সংগ ন সাথী কোই ।

উস মারগ হম জাহি'গে দাদু কোঁ সুখ সোই ॥

“এই দেহ কাচা ঘট, জলে ভরা ; বিনষ্ট হইতে একটুও হয় না বিলম্ব ; এই ঘট ফুটিল আর জলটুকু গেল, এই কথাটুকুই বৃষ্টি না নির্বোধ ।

সবাই বসিয়া আছে পথের মাথায়, সবাই মুসাফির (পথিক) হইয়াই আছে : যে আসিয়াছে সে-ই যাইবে, এই পথেই যাইবে সবাই ।

বেগে চলিয়া আসিতেছে উতলা সন্ধ্যা, পথিক এখনও অরণ্যের মাঝে ;
 টিলামি (শৈথিল্য) করিবার সময় নাই, হে দাদু শীঘ্র চল ঘরে ।

পথ ছুর্গম, দূরে ঘর, সঙ্গী সাথী কেহই নাই ; সেই পথেই আনাকে যাইতে
 হইবে, তবে দাদু, (এখনও তুমি) কেন স্থখে শয়ান ?”

স্বভূত সর্বপ্রাসী :

ফুটা কায়া জাজরী নর ঠাহর কানী ।
 তামে দাদু কোঁ রহৈ জীর সরীখা পানী ॥
 সব জগ সূত্রা নৌদ ভরি জাগৈ নাই কোই ।
 আগৈ পীঠে দেখিয়ে পরতখি পরলৈ হোই ॥
 সিংগী নাদ ন বাজহী কত গয়ে সো জোগী ।
 দাদু রহতে মটী মৈ করতে রস ভোগী ॥
 কহঁ সো মহম্মদ মীর থা সব নবিয়ৌ সিরতাজ ।
 সো ভী মরি মাটী জুরা অমর অলহকা রাজ ॥
 কেতে মরি মাটী ভয়ে বহুত বড়ে বলবংত ।
 দাদু কেতে হোই গয়ে দানী দেব অনংত ॥
 ধরতী করতে এক ডগ দরিয়ী করতে ফাল ।
 হাকৌ পরবত কাড়তে সোভী খায়ে কাল ॥

“এই কায়া ঘটখানি ভাঙ্গা ঠুনুকা, নয় স্তানে তার ফুটা, তাহাতে হে দাদু,
 কেন জলের মত (তরল ও চঞ্চল) থাকিবে জীবন ?

সমস্ত জগৎ নিদ্রায় মত্ত হইয়া আছে শুইয়া, কেহই জাগে না । আগে
 পিছে চাহিয়া দেখ, প্রত্যেক প্রলয় হইয়াই চলিয়াছে ।

আর তো (যোগীর) শিঙ্গার শব্দ * বাজিতেছে না, সেই যে যোগী

* উপক্রমণিকায় (৫২ পৃষ্ঠায়) এই যোগীর কথা বলা হইয়াছে ।
 যোগীরা তখন গৃহস্থের বাড়ী ভিক্ষা করিতে গিয়া বা ঘরে বসিয়া শিঙ্গা
 বাজাইতেন । এখনও এইরূপ যোগী উত্তর পশ্চিমে আছেন । তাঁদের মধ্যে
 কান ছিদ্ৰ করা, কপাল লইয়া ভিক্ষা করা, শিকলের মালা বুলান প্রভৃতি নানা
 প্রথা আছে । কেহ বা বাহু মদ খান কেহ বা দেহস্থ রস পান করেন ।
 নগরের বাহিরে মটী বা সন্ন্যাসীর কুটীরে এঁরা থাকেন ।

মটীতে (সন্ন্যাসীর কুটীর) থাকিয়া রস ভোগ করিতেন তিনিই বা এখন কোথায় ?

কোথায় সেই মহান্নদ যিনি সকল নবী (ভবিষ্যদ্বক্তা ঋষি) -গণের ছিলেন নেতা ও প্রধান ? তিনি ও মরিয়া আজ হইয়া গিয়াছেন মাটি, কেবল আল্লার রাজত্বই আছে অমর হইয়া ।

কত বড় বড় শক্তিশালী মরিয়া হইয়া গিয়াছেন মাটি, হে দাদু, কত সব হইয়া গিয়াছেন (চুকিয়া), অনন্ত দেব দানব সব গিয়াছেন হইয়া বহিয়া চলিয়া ।

যারা এক পদক্ষেপে পৃথিবী করিতেন পার (পৃথিবী যাদের এক পদক্ষেপ মাত্র ছিল), সমুদ্রকে যারা করিয়া যাইতেন লজ্জন, ছুঁকারে পর্বত ফেলিতেন বিদৌর্ণ করিয়া, তাঁদেরও খাইয়াছে কালে ।”

কাল হইতে নস্কান করিতে একমাত্র ভগবান :

মুসা ভাগা মরণ তেঁ জহঁ জায় তহঁ গোর ।

দাদু সরগ পতাল সব কঠিন কাল কা সোর ॥

কাল ঝালমেরে জগ জলৈ ভাগি ন নিকসৈ কোই ।

দাদু সরনৈ সাচকে অভয় অমর পদ হোই ॥

য়হু জগ জাতা দেখি করি দাদু করী পুকার ।

ঘড়ী মনুরত চালনা রাখে সিরজনহার ॥

দাদু মরিয়ে রাম বিন জীজৈ রাম সঁভাল ।

অত্রিত পীরে আতমা যৌ সাধু বংচৈ কাল ॥

“মুসা (ইহুদী, খ্রীষ্টান ও মুসলমানদের এক প্রাচীন ঋষি) মরণ হইতে পালাইলেন, যেখানে তিনি যান সেখানেই দেখেন গোর (মৃতদেহ পুঁতিবার স্থান) ; হে দাদু, কি স্বর্গে কি পাতালে কালের কঠিন হল্লা । কালের দহন-আলার জলিতেছে জগৎ, পালাইয়া কেহই পারে না বাহির হইতে । হে দাদু সত্যকে যে শরণ করে অভয় অমর পদ সে করে লাভ । এই জগৎ (প্রলয়ের দিকে) চলিয়াছে দেখিয়া দাদু জানাইল চীৎকার করিয়া, প্রতি দণ্ডে প্রতি মুহূর্তেই চলিয়াছে চলা, রাখিতে পারেন একমাত্র সৃজনকর্তা ।

হে দাদু, রাম বিনাই মরণ, রামকে আশ্রয় করিয়াই হও জীবন্ত । (রামকে আশ্রয় করিয়াই) কাল হইতে আত্মা পায় রক্ষা ও সাধক করে অমৃত পান ।”

প্রেম দিল্লাই মৃত্যু জন্ম :

প্রেমরস বিনা* জীব জে কেতে মুয়ে অকাল ।

মীচ বিনা জে মরত হৈ তাইতৈ দাদু সাল ॥

পুত পিতা তৈ বীছুট্যা ভুলি পড়্যা কিস ঠৌর ।

মরৈ নহী উর ফাটি করি দাদু বড়া কঠোর ॥

দাদু ঔসর চলি গয়া বরিয়। গঙ্গি বিহাই ।

কর ছিটকৈ কই পাইয়ে জনম অমোলিক জাই ॥

সুতা আরৈ সুতা জাই সুতা খেলৈ সুতা খাই ।

সুতা লেরৈ সুতা দেবৈ দাদু সুতা জাই ॥

“প্রেমরস বিনা কত জীবই যে অকালেই (কালের হাত ছাড়াই) মরিল ! মৃত্যু বিনাই যে সবাই মরে, হে দাদু, তাতেই (জন্ম) বিদ্ধ হইয়া হইতেছে ব্যাধিত । পিতা (জগৎপিতা) হইতে বিচ্ছিন্ন হইয়া পুত্র (মানব) কোথায় (আজ) রহিল ভুলিয়া ? বুক ফাটিয়া যে মরে না, হে দাদু, জন্ম বড় কঠিন !

হে দাদু অবসর (সুযোগ) গেল চলিয়া । বেলাটুকু গেল বহিয়া । অমূল্য জন্ম যায় চলিয়া, হাত হইতে (মাণিক) যদি যায় ছিটকাইয়া তবে আর তাকে পাইবে কোথায় ?

শুইয়া শুইয়াই আসে (লোক এই জগতে), শুইয়া শুইয়াই যায়, শুইয়াই খেলে, শুইয়াই খায় ; শুইয়াই নেয় শুইয়াই দেয়, হে দাদু, শুইয়া শুইয়াই গেল (এই জন্ম) । (একবার জাগিয়া সত্যকে, প্রেমকে, প্রেমময় পিতাকে আশ্রয় করিলাম না । যদি তাহা পারিতাম তবে এই অমূল্য জন্ম সার্থক হইত, অতন্ন অমর স্থিতি পাইয়া অমৃত পান পরিতে পারিতাম) ।”

মনের মথ্যেই মৃত্যু :

মনহী মাইহৈ মীচ হৈ সালৌ কে নির সাল ।

জে কুছ ব্যাপৈ রাম বিন দাদু সোই কাল ॥

* মুদ্রিত পুস্তকে “রাম নাম বিন” পাঠ ।

বিষ অম্লিত ঘটমেরে বসৈ দূন্য এঠৈ ঠার' ।
 মায়া বিষয় বিকার সব অম্লিত রস হরি নার' ॥
 জেতী লহরি বিকারকী কাল করল মেঁ সোই ।
 প্রেম লহরি সো পীরকী ভিন্ন ভিন্ন য়েঁ হোই ॥

“মনেরই মধ্যে যে মৃত্যুর বাসা সেই তো ব্যথার উপরে ব্যথা (বিদ্ধ শূলের উপর বিদ্ধ শূল) ; রাম বিনা (জীবনে) যাহা কিছু ব্যাপিতেছে, হে দাদু তাহাই হইল কাল ।

বিষ ও অমৃত এই ঘটের মধ্যেই (দেহেই) করে বাস, দুইই থাকে এক ঠাই । বিষয় বিকার যত সবই মায়া, অমৃতরস হইল হরিনাম । বিষয়-বিকারের যত তরঙ্গ, সবই কালের কবলে ; প্রেম লহর হইল প্রিয়তমের, এমন করিয়াই এই দুয়ের ভিন্নতা ।”

প্রভু কালের ও কাল :

পবনা পানী ধরতী অংবর বিনসৈ ররি সসি তারা ।
 পংচ তত্ত্ব সব মায়া বিনসৈ, মানষ কহঁ বিচারী ॥
 সব জগ কট্টপ কাল তৈ ব্রহ্মা বিশ্ব মহেশ ।
 সুরনর মুনিজন লোক সব সরগ রসাতল সৈস ॥
 চন্দ সুর ধর পবন জল ব্রহ্মাণ্ড খণ্ড পরবেস ।
 কাল ডরৈ করতার তৈ জয় জয় তুম্হ আদেস ॥

“পবন জল ধরিত্রী অংবর রবি শশী তারা সবই পাঠেতেছে বিনাশ ।
 পঞ্চতত্ত্ব মায়া সবারই চলিয়াছে বিনাশ, মানুষ বেচারী আর কোথায় ?
 ব্রহ্মা-বিষ্ণু-মহেশ্বর, সুরনর, মুনিজন, সব লোক, স্বর্গ, রসাতল, শেষ
 (অনন্ত), সমস্ত জগতই কালের ডয়ে কম্পমান ।

চন্দ্র সূর্য্য ধরিত্রী পবন জল ব্রহ্মাণ্ড খণ্ড (সবই কালের গ্রাসে) প্রবিষ্ট ;
 এমন কালও, হে করতার, তোমার ডয়ে ভীত, জয় জয় তোমার আদেশ ।”

তৃতীয় প্রকরণ—তত্ত্ব

তৃতীয় অঙ্ক—সাত (সত্য) অঙ্ক

সাধনায় তত্ত্বের প্রয়োজন আছে। তত্ত্বের প্রধান কথাই হইল সত্য বা “সাত”।

সকল সত্যের সার সত্য হইল প্রণতি। তাঁর চরণে যে প্রণাম নিবেদন করিব সে প্রণাম তো আর শেষ হইবার নহে। এই নিশ্চল প্রণতির বাধা হইল অভিমান, তাহাই অসত্য। এই সত্য আমরা বেদ কোরাণে না পাইলেও আপন অন্তরের শাস্ত্র খুলিলেই পাই, সেখানে দৃঢ়ময় স্বয়ং নিত্য জীবন্ত সত্য প্রকাশ করিতেছেন।

এই মানব জীবনই হইল ভগবানের মন্দির। ষাঁহারা গণ্যমান্য উচ্চ জাতির লোক তাঁহারা ধীন জাতিদের মন্দিরের বাহির করিয়া রাখিতে চান। কিন্তু তাঁহারা জানেন না যে ইট কাঠের মন্দির ঝুঁটা মন্দির, সত্য মন্দির এই মানব দেহ। এ তাঁর নিজের হাতে রচিত নিবাস, এখানে অপার অগাধ প্রেমেই তিনিই বিরাজিত। এই দেখকে যে নীচ বলে সে ভগবানের বিজ্ঞোহী। এই মন্দিরের গোরবেই মানব উচ্চশির। কিন্তু তার দারিদ্র্যও আছে; মন্দির বলিয়া বুঝিলেই নিত্য ইহাকে পবিত্র ও ভগবানের নিবাসের যোগ্য করিয়া রাখিতে মানুষ বাধ্য।

মানব-অন্তরের নিত্য উদ্ভাসিত সত্যকে স্বীকার না করিয়া লোকে ফাঁকি দিয়া ধর্ম সাধনা শেষ করিতে চায়। তাই যে মুসলমান সে সত্য মুসলমান হয় না, হিন্দু ও সত্য হিন্দু হয় না। অন্তরেই আসল কোরাণ, আসল বেদ।

প্রকৃতির তৃতগণ মহাসেবক। পৃথিবী, জল, পবন, আকাশ, দিন, রাত্রি, চন্দ্র, সূর্য, ইহারা নিরন্তর সেবা করিয়া তাদের নিশ্চল প্রণতি জানাইতেছে। মহম্মদ প্রভৃতি ঋষিরাও এই অন্তর-শাস্ত্র দেখিয়াই সত্য দীক্ষা সত্য প্রণতি লাভ করিয়াছেন।

বাহিরের শাস্ত্র লোকাচার বিধি নিষেধ মানাই হইল বাহিরের অধীনতা,

তাহাই দাস্ত। আপন অন্তরের সত্যকে পালন করাতেই স্বার্থ স্বাধীনতা। কাজেই এই সত্য যে পাইয়াছে সে হয় সর্ববিধ দাসত্ব হইতে মুক্ত।

এই অন্তরশাস্ত্র সকলেরই কাছে সমানভাবে উন্মুক্ত কিন্তু বাহ্যশাস্ত্র উচ্চ জাতির লোকেরই বিশেষ সম্পত্তি। কাজেই অন্তরের সাধনার শাস্ত্রে, স্বাধীন সাক্ষাৎ আধ্যাত্মিক ঐশ্বর্যো, কাহারও বঞ্চিত হইবার হেতু নাই। বাহারা হীনবর্ণ, বাহারা মূর্খ, সমাজে বাহাদের স্থান নাই, তাহাদিগকে সবাই করে ঘৃণা কিন্তু দাদু তাহাদিগেরই দলে বসিতে চান। তিনি বলেন "ইহাদের তোমরা মারিয়াছ, জান না যে ইহারা ইতোমাদিগকে মারিবে। ইহাদের যদি মুক্ত কর তবে ইহারা ইতোমাদিগকে মুক্তি দান করিবে।"

অপনৌ অপনৌ জাতি সৌ সব কো বৈসৈ পাঁতি।

দাদু সেরক রামকা তাঁকৈ নহৌ ভরাঁতি ॥

(সাচ অংগ, ১২৩)

জা কৌ মারণ জাইয়ে সোঈ ফিরি মারৈ।

জা কৌ তারণ জাইয়ে সোঈ ফিরি তাঁরৈ ॥

(সাচ অংগ, ২৬)

উপক্রমণিকাতেও এই সব বিষয় দ্রষ্টব্য।

এই অন্তরের সত্য যে দেখিয়াছে, সে-ই সত্যকে বলিবার সত্যকে প্রকাশ করিবার অধিকারী। স্বয়ং সত্যস্বরূপই সকল সত্যের মূল। তাঁহাকে চাড়াই কোনো সত্যই নাই। সেই সত্য না পাইয়া যে ধর্মের কথা বলিতে গিয়াছে সে স্বয়ং মজিয়াছে অপরকেও মজাইয়াছে।

এই সত্য যে পায় সে শুধু বলিয়াই খালাস হয় না। সত্যকে সে স্বয়ং সাধন করিতে, আপন জীবনে প্রতিষ্ঠিত করিতেও বাধ্য হয়। কারণ এই সত্যই তার জীবনকে সাধনাতে পূর্ণ করিয়া তোলে। যোগা ভূমিতে আপন জীবনে বিকশিত হইয়া চলিলেই বীজের মেলে পরিচয়। সত্য-উপলব্ধিটি ঠিক সাক্ষাৎ মত হইল কি না তারও স্বার্থ পরিচয় মেলে সাধনার মধ্যে। এই সত্য বতকণ না পায় ততকণ লোকে সাধনা করিতে গিয়াও সাধনার অগ্রসর হইতে পারে না, ক্রমাগত সে নিজেকেই প্রকাশ করে, নিজেকেই পূজা করে।

সাধনা অর্থ আপনাকে বড় করা নহে, তাঁহাকে বড় করিয়া নিজে বিনীত

প্রণত হইয়া থাক। এই সত্য না পাইলে যে বাক্য তাহা মিছা, তাহাতে কিছুই সিদ্ধ হয় না। এমন অবস্থায় পূজা করিতে গিয়া ভগবানকে না পাঠিয়া অগত্যা মানুষ আপনাকেই অথবা আত্ম-প্রবৃত্তিগুলিকেই পূজা করে। এই দুয়ের মধ্যে বিশেষ প্রভেদ আর কোথায় ?

পণ্ডিত তাঁর শাস্ত্রজ্ঞানের দস্তে ভরপুর। অথচ যে সত্য মানব জন্মকে সার্থক করে তাহা বেদে বা কোরাণে নাই, তাহা অন্তরেই আছে। তাহা সবারই কাছে উন্মুক্ত। সেই সত্য যে পাইয়াছে ধর্ম উপদেশ দিবার দস্তও তাঁর থাকে না, অথচ সে মৌনী হইয়াও দস্ত প্রকাশ করে না, সে ভগবন্ময় হইয়া সহজভাবে জীবন ধাপন করে।

এই অন্তরের সত্য যে না দেখিয়াছে বেদ কোরাণে তার কোনো উপকারই হয় না। যে এই সত্য পাইয়াছে সে-ই যথার্থ শাস্ত্রদ্বারা উপকৃত হইতে পারে। নয়ন যে লাভ করে নাই, প্রদীপ দিয়া সে কি করিবে ? বাংলায় বাউলরাও বলেন—

“কাজলে আর করবে কত যদি নয়নে নজর না থাকে ?

✓ প্রেম যদি না মিলে ক্যাপা তবে ভজন পূজন কদিন রাখে ?”

এই সত্য শূন্যময় নহে। প্রেমে রসে জীবন্ত উপলব্ধিতে এই সত্য ভরপুর। শাস্ত্রের ও পণ্ডিতের শূন্যবাদ মানবের চিত্তকে মরুভূমি করিয়া তুলিয়াছে; এই অন্তরসত্যের রসধারা তাহাকে জীবন্ত ও সুন্দর করিবে। প্রেমে ও প্রাণে পূর্ণ করিবে।

এই সত্য যে পাইয়াছে তার কাছে বাহিরের তীর্থ কিছুই নয়, তার অন্তরেই মন্দির অন্তরেই কানী। কারণ সেখানেই সে অন্তর দেবতার দর্শন লাভ করিয়াছে।

এই সত্যের পথই সরল সহজ। কল্পনাতে ঝুঁটা সত্যকে সৃষ্টি করিতে করিতে গিয়া শাস্ত্র দিন দিন কঠিন হইয়া সাধারণের অনধিগম্য হইয়া পড়িয়াছে। এই সত্য আকাশের মত সহজ, প্রাণের মত সহজ, আলোর মত সহজ, নহিলে জীবনই অসম্ভব হইত।

সকল মিথ্যা বিসর্জন দিয়া এই সত্যকে লাভ করিতে হইবে। যতক্ষণ এই সত্য না দেখা যায় ততক্ষণ দৃষ্টিই লাভ হয় নাই। এই সত্য দেখিতেই

হইবে, পাইতেই হইবে। কারণ ইহাকে না পাইয়া যে এই মানবলোক হইতে চলিয়া যায় সে “প্রতি কৃপণঃ,” সে কৃপার পাত্র হইয়া চলিয়া গেল। জীবন আজ যতই হীন হউক না কেন, এই সত্য পাইবার জন্য দৃঢ়সঙ্কল্প করাই চাই।

জগতের সব কলহ সব ভেদ বুদ্ধির অবসান এই সত্য হইতেই হইবে। যিনি এই সত্য লাভ করেন তিনি সব সম্প্রদায়ের ভেদ ও সীমার অতীত। যে দেশের যে ধর্মের যে সাধকই এই অন্তরের সত্যকে লাভ করিয়াছেন তিনি সেই একই কথা বলিয়া গিয়াছেন। সেই সব সত্যস্রষ্টাদেরই এক কথা, মাঝে হইতে যারা সত্য পান নাই তাঁরাই নানা ভেদ নানা পন্থা নানা কলহ ও বাদ বিবাদের সৃষ্টি করিয়াছেন।

যে সাধু, যে সত্যপরায়ণ, সে অন্তরের এই আলোকের ভয়ে ভীত নহে। যারা অন্তরের সত্যের আলোককে ভয় করে তারা সাধু নহে। সূর্যের আলোকে সাধুর ভয় কি? যে চোর সে-ই শুধু আলোক এড়াইয়া কেবল খোঁজে অন্ধকার।

প্রণতিই সত্য :

নিহচল করিলে বন্দগী দাদু সো পরমান।

দাদু সাচী বন্দগী ঝুঠা সব অভিমান ॥

“প্রণতি করিয়া লও নিশ্চল, হে দাদু, তাহাই (জীবনের একমাত্র) প্রমাণ (সত্য) ; হে দাদু, প্রণতিই সত্য আর যত অভিমান সবই ঝুঠা।”

অন্তরেই এই শাস্ত্র :

পোখী অপনী প্যাংড করি হরি জস মাঠেই লেখ।

প্যাংডিত অপনা প্রাণ করি দাদু কথছ অলেখ ॥

কায়া হমারী কিতাব কহিয়ে লিখি রাখুঁ রহিমান।

মন হমারা মুন্না কহিয়ে সুরতা হৈ সুবিহান ॥

“আপন দেহকেই (জগৎকে) কর পুঁখি, শ্রীহরির মহিমা লেখ তাহার মধ্যে ; আপন প্রাণকে কর সেই পুঁখির পাঠক পণ্ডিত ; এমনভাবে, হে দাদু, ভূমি কর অলেখ-বাণী।

আমার কাগাকে বলিতে পার (কিতাব কোরাণ, শাজ্জ), দয়াময়ের নাম তাহাতে লিখা ; মনই আমার মোল্লা, পবিত্র স্বরূপ পরমাছাই তাহার শ্রোতা ।”

দেহই সত্য মন্দির :

কায়া মহলমেন্ নিমাজ গুজারুঁ তহাঁ ঔর ন আবন পারৈ ।

মন মনিকে তহঁ তসবী ফেরুঁ তব সাহিবকে মন ভারৈ ॥

দিল দরিয়। মেন্ গুসল হমারা উজু করি চিত লাউ ।

সাহিব আঁগৈ করুঁ বংদগী বের বের বলি জাউ ॥

“কারা মন্দিরে (অস্তুরের মধ্যে) পূরা করি আমার নেমাজ, সেখানে আর তো কেহ পারে না আসিতে, সেখানে মনের মানসের মণিকায় করি জপ, তবেই তো প্রভুর মন হয় প্রসন্ন ।

হৃদয় নদীতেই আমার স্নান, সেখানেই চিত্তকে ধোত করিয়া (তাঁর কাছে) আনি, স্বামীর কাছে আমি করি প্রণতি, বার বার তাঁর চরণে নিজেকে করি উৎসর্গ ।”

নিত্য ভক্তি :

সোভা কারণ সব করৈ রোজা বাংগ নিমাজ ।

কোন পংখি হম চলৈ কহৌ ধু সাহিব সেতী কাজ ॥

হর রোজ হজুরী হোই রহু কাহে করৈ কলাপ ।

মুল্লা তহাঁ পুকারিয়ে অরস ইলাহী আপ ॥

হর দম হাজির হোনা বাবা জব লগ জীর্বে বংদা ।

দাইম দিল সাঈ সৌ সাবিত পাঁচ বখত ক্যা ধংখা ॥

“শোভনতার অন্তই সবাই রোজা করে, আজান দেয় ও নেমাজ করে ; আমার প্রয়োজন হইল স্বামীর সঙ্গে, বল তো আমি ঘাই কোন পথে ?

কেন বৃথা করিতেছ আক্ষেপ ? প্রভুর সম্মুখে নিত্য নিরন্তর (সেবাব্রতে) থাক হাজির ; যেখানে মন্দিরে আল্লা স্বয়ং স্বরূপে বিরাজমান, সেখানে, হে মুল্লা, শুনাও তোমার ডাক । যতদিন বাস্কা তোমার প্রাণ আছে ততদিন তোমার

হরম হাজির থাকিতেই হইবে বাবা ! মাত্র পাঁচ বখতের (দিনে পাঁচ বারের) খাখা (চাকুরী) আবার কেমন কথা ? স্বামীর সঙ্গে যোগ হইল অহনিশ নিরন্তর চিন্তমনের সমগ্র যোগ ।”

**মিথ্যা ছাড়িয়া সত্য মুসলমান হওয়া
চাই :**

গল কাটে কলমা ভরৈ অয়া বিচারা দীন ।
পাঁচো বখত নিরাজ গুজারৈ স্তাবতি নহী অকীন ॥
আপন কো মারৈ নহী পর কো মারন জাই ।
দাদু আপা মারে বিনা কৈসে মিলৈ খুদাই ॥
তন মন মারি রহে সাঙ্গ সৌ, তিনকো দেখি করৈ তাজির ।
যে বডি বুঝ কহী তৈ পাঙ্গ এসী কজা অউলিয়া পীর ॥

“এমন বেচারী ধার্মিক যে জীবের গলা কাটিয়া কলমা (ধর্মের অঙ্গীকার বাণী) করেন পূরা, পাঁচবার করিয়া নেমাজ চালান, অথচ সত্যে নাই আন্তরিক দৃঢ় নিষ্ঠা ।”

আপনাকে না মারিয়া বান কিনা অপরকে মারিতে, হে দাদু, নিজেকে না মারিলে কেমন করিয়া মিলিবেন খোদা ? নিজের “তন মন” মারিয়া রহে স্বামীর সঙ্গে যুক্ত, তাঁহাকে দেখিয়া করে তাজির (তহজির — চিন্তসংঘম), এমন মহৎ বুঝ পাউবে বা কোপায় ? এই ভাবে যে আপনাকে মারিয়াছে সেই তো আউলিয়া, সেই তো পীর !”

কাকের বল কাকে ?

সো কাফির জে বোলৈ কাফ ।
দিল অপনী নহি রাখে সাফ ॥
সান্ন কো পহিচানৈ নহী ।
কুড় কপট সব উনহী মাহী ॥
সান্ন কা কুরমান ন মারৈন ।
কহী পীর এসৈ করি জারৈন ॥

মন আপনৈ মৈঁ সমঝত নাঁহীঁ ।
 নিরখত চলৈ আপনৌ ছাঁহীঁ ॥
 জোর করৈ মসকিন সতাইরে ।
 দিল উসকী মৈঁ দরদ ন আঁরৈ ॥
 সাঁঙ্গি সেতী নাঁহীঁ নেহ ।
 গরব করৈ অতি অপনৌ দেহ ।
 ইন বাতন কেঁয়া পারৈ পীর ।
 পরধন উপরি রাখে জীর ॥
 জোর জুলম করি কুটব সুঁ খাঙ্গি ।
 সো কাফির দোজগ মেরে জাঙ্গি ॥

“যে মিথ্যা (“কাফ” আরবী ও পারসী ভাষার একটি অক্ষর) বলে আর আপন হৃদয় নির্মল না রাখে সেই তো কাফের । সেই তো কাফের যে স্বামীকে চেনে না, সব কুট কপট যাত্র অন্তরের মধ্যে, স্বামীর আদেশ যে পালন না করে । “প্রিয়তর স্বামী আবার কোথায় ?” এমন কথাই যে মনে করে, আপন মনের মধ্যে (তাঁর আদেশ) সর্গবিয়া দেখে না, আপনার ছায়া দেখিয়াই আপনার আশ্রয়ে যে চলে, সেই তো কাফের । অন্তের উপর যে জুলুম করে, দীন ছুঁখীকে যে নিপীড়িত করে ও এই পীড়া দিতে যার হৃদয়ে দয়াও হয় না, স্বামীর সঙ্গে যার নাই কোনো প্রেম, যে নিজের দেহ লইয়াই অতিমাত্র করে গরব, সেই তো কাফের । এই সব কথায় কেমন করিয়া পায় প্রিয়তমকে ? (এই সব কাজ যে করে) পরধনের উপর জীবন যে রাখে ও জোর জুলুম করিয়া কুটবসহ নিজেকে পোষণ যে করে সেই তো কাফের সেই তো নিরয়গামী ।”

মিথ্যা কল্যাণকলি :

হিঁদু মারগ কহৈঁ হমারা তুরক কহৈঁ রাহ মেরী ।
 কহঁ। পংথ হৈ কহো অলেখ* কা তুম তো এসী হেরী ॥

* “অলেখ” অর্থাৎ আল্লা পাঠও আছে ।

দাদু দুগুণ ভরম হৈ হিন্দু তুরক গর্বার ।
 জে ছুছ'রা থৈ রহিত হৈঁ সো গহি তত্ত্ব বিচার ॥
 খণ্ড খণ্ড করি ব্রহ্মকৌ পখি পখি লিয়া বাঁটি ।
 দাদু পূরণ ব্রহ্ম তজ্জি বঃধে ভরম কী গাঁঠি ॥

“হিন্দু বলে আমার ধর্মই (সত্যের) পথ, মুসলমান কহে আমার ধর্মই
 রাস্তা ; বল তো অলেখের পথ আছে কোথায়, তুমি তো এমনই দেখিয়াছ ;
 হে দাদু, হিন্দু ও মুসলমান এই দুইই ব্রাহ্ম, এই দুইই অজ্ঞান (গর্বার, গ্রাম্য,
 সর্কারবুদ্ধি) ; যে পক্ষ, এই দুইএরই অতীত (রহিত) অর্থাৎ হিন্দু মুসলমান
 এই দুই ভেদ বুদ্ধি দেখানে নাই, সে-ই তত্ত্ববিচারই কর গ্রহণ ।

ব্রহ্মকে খণ্ড খণ্ড করিয়া সম্প্রদায়ে সম্প্রদায়ে লইল নিজ নিজ অংশ ভাগ
 করিয়া, হে দাদু পূর্ণ ব্রহ্মকে ত্যাগ করিয়া সবাই ব্রহ্মের গাঁঠেই হইল বদ্ধ ।”

দলদলিন্দের অতীত সেবক :

য়ে সব হৈঁ কিসকে পংখমে ধরতী অরু অসমান ।
 পানী পরন দিন রাতকা চন্দ সূর রহিমান ॥
 ব্রহ্মা বিশ্ব মহেশ কা কোন পংখ, গুরু দেব ।
 সাঁজি সিরজনহার তুঁ কহিয়ে অলখ অভের ॥
 মহম্মদ কিসকে দীনমে জবরাইল কিস রাহ ।
 ইনহকে মুরসিদ পীর কো কহিয়ে এক অলাহ ॥
 য়ে সব কিসকে হুঁরৈ রহে য়ছ মেরে মন মাহিঁ ।
 অলখ উলাহী জগতগুরু দুজা কৌজি নাঁহিঁ ॥

প্রশ্ন—

“ধরিত্রী, আকাশ প্রভৃতি যে সব সেবকেরা, ইঁহারা আছেন কার
 দলে ? জল, পবন, দিন, রাতি, চন্দ্র, সূর্য প্রভৃতি ইঁহারা সব, হে পরম-
 ময়াল, কোন পংখ কোন দলের অন্তর্গত ? ব্রহ্মা* বিষ্ণু মহেশের, হে গুরুদেব,

* দাদুর মতে ব্রহ্মা বিষ্ণু মহেশও পরম দেবতা নহেন । ইঁহারা তপশ্চা

কোন সম্প্রদায় ? তুমি স্বামী, স্বজনকর্তা, তুমি অলম্ব, তুমি ভেদাতীত, তুমিই বল বুঝাইয়া ।

মহাম্মদ ছিলেন কাঁর ধর্ম-অবলম্বী, (স্বর্গদূত) জিবরেটল (Gabriel) ছিলেন বা কোন সম্প্রদায়ে, এঁদের গুরুই বা কে, ধর্মপ্রবর্তকই বা কে ? হে এক অদ্বিতীয় আল্লা, তুমিই ইহা বল বুঝাইয়া । এঁরা আবার ছিলেন কাঁর দলে সেট প্রপট তো আবার মনের মধ্যে ।”

উত্তর—

“অলম্ব, ঈশ্বর, জগতগুরু, তিনি ছাড়া দ্বিতীয় আর কেহই নাট ।”

দলের অধীনতা অসহ্য ; আত্মার ক্ষেত্রে সবারই স্বাধীনতা থাকা চাই ;

এখানে বুঝা অপরের দাশ্ব স্বীকার করিলে জীবন ব্যর্থ ।

জো হম নহীঁ গুজারতে তুম্বকৌ ক্যা ভান্নি ।

সিরি নহীঁ কুছ বংদগী কত কূঁ ফুরমাসি ॥

অপনে অমলৌ ছুটিয়ে কাহুকে নহীঁ ।

সোঈ পীড় পুকারসী জা দুঁথে মাহীঁ ।

অপনে সেতৌঁ কাজ হৈ ভারৈ তিধরি মৈঁ জাই ।

মেরা থা সো মৈঁ লিয়া লোগৌঁ কা ক্যা জাই ॥

“আমি যদি পূজা নেমাজ না করি, তবে হে ভাই, তোমার তাতে কি ? মাথা যদি আপনি প্রণত না হয়, তবে বল, কেন তোমার কথায় করি প্রণাম ?”

আপন ভাগিদেই (“অমল” অর্থ নেশাও হয়) ছুটিতে হইবে, অন্য কাহারও ভাগিদে নয় । অন্তরের মধ্যে যে বেদনা দিতেছে বাথা সে-ই (আমার মধ্যে) করবে চীৎকার ।

যে দিকে আমার খুসী আমি যাউব, আমার সজেক্ট আমার প্রয়োজন । যা আমার ছিল তা আমি নিলাম, লোকের তাহাতে কি আসে যায় ?”

দ্বারা যোগসম্পদ লাভ করিয়াছেন । পরমেশ্বর এই সব ঐশীশক্তিসম্পন্ন মহাযোগীদের সৃষ্টি পালন সংহারে নিযুক্ত করিয়া রাখিয়াছেন ।

আমি দলের বাহিনে, অষ্ট পতিতদের
সঙ্গে :

আপনী আপনী জাতি সৌ সব কো বৈসেঁ পাতি ।

দাদু সেরক রামকা তাকো নহীঁ ভরাতি ॥

জা কৌ মারণ জাইয়ে সোঈ ফিরি মারৈ ।

জা কৌ তারন জাইয়ে সোঈ ফিরি তারৈ ॥

“আপন আপন জাতি লইয়াই সবারই বসে পংক্তি ; দাদু যে রামের
সেবক, তার এমন ভেদভাব এমন আশ্চি নাট ।

যাহাকে তুমি মারিতে যাইতেছে সেই ফিরিয়া তোমাকে মারিবে, যাহাকে
তুমি তারিতে যাইতেছে সেই আবার তোমাকে তারিবে (মুক্তি দিবে) ।”

আপন বাণীর গর্ভ ছাড়, তাঁর বাণী বল :

দাদু দৈ দৈ পদ কিয়ে সাখী ভী দৈ চারি ।

হম কৌ অনভৈ উপজী হম জ্ঞানী সংসারি ॥

শুনি শুনি পরচে জ্ঞানকে সাখী সবদী হোই ।

তবহীঁ আপা উপজৈ হমসা ঔর ন কোই ॥

পদ জোড়ে কা পাঠয়ে সাখী কহে কা হোই ।

সন্ত শিরোমণি সাইয়ঁ। তন্ত ন চীন্হা সোই ॥

রাম কহাঠেঁ জোড়িবা রাম কহাঠেঁ সাখী ।

রাম কহাঠেঁ গাঠিবা রাম কহাঠেঁ রাখী ॥

“হে দাদু, গোটা দুই “পদ” করিলাম রচনা, দুই চারটি “সাখী” (যে শ্লোকে
কোনো সত্যের সাক্ষ্য দেওয়া হয়) করিলাম রচনা, আর আমার অন্তর্ভব
জন্মিল যে সংসারের মাঝে আমি জানী ।

জ্ঞানের পর্চা (পরিচয়, লেখ) লনিত্তে শুনিত্তে হইতো “সাখী” ও শব্দ
কিছু অভ্যস্ত হইয়া গেল, তখনই অহঙ্কার জন্মিল যে আমার সমান বড় আর
কেহ নাই ।

“পদ” জুড়িয়াই বা কি লাভ, “সাখী” কহিয়াই বা হয় কি, সত্য শিরোমণি
যে স্বামী সেই তবই যদি না গেল চেনা ?

রাম (অঙ্করের মধ্যে) যাহা বলেন তাহাতেই যথার্থ পদ রচনা, রাম যাহা বলেন তাহাতেই যথার্থ “সাধী” বলা, রাম যাহা বলেন তাহাতেই গান করা, রামের কথাতেই চাই সব রাখা ।”

কথায় দানিত্ত্ব ; সাধন চাই :

কহিবে সুনিবে মন খুসী করিবা ঔর খেল ।
 বাতী তিমির ন ভাজঙ্গ দীবা বাতী তেল ॥
 করিবে বালে হম নহীঁ কহিবে কো হম সুর ।
 তাই বচন নিকট হৈ সত্ত হম থৈঁ দূর ॥
 কহে কহে কা হোত হৈ কহে ন সীয়ে কাম ।
 কহে কহে কা পাইয়ে জব রিদৈ ন আঁরৈ রাম ॥

“কহিয়া সুনিয়া মনই হয় খুসী, করাটা যে সম্পূর্ণই আর এক রকম খেলা ;
 কথায় তো যায় না অঙ্ককার, বাতী তেলেই জলে দীপ (চাই সত্য দীপ বাতী
 তেল) ।

কাজে করিবার লোক তো আমি নই, কথারই আমি বীর (পণ্ডিত) ;
 তাই বচনই আমার সমীপে বিজ্ঞমান, সত্য আমি হইতে দূরে ।

কহিয়া কহিয়া কি হয় ? কথায় তো সিদ্ধ হয় না কাজ ! হৃদয়ে রামই
 যদি না আসিলেন তখন কথা কহিয়া আর কি হইল ফল ?”

নামেই ভক্ত, কাজে নন্দ :

সেরক নার বোলাইয়ে সেরা সুপিনৈ নাঁহিঁ ।
 নারঁ ধরায়ে কা ভয়া এক নহীঁ মন মাহিঁ ॥
 নারঁ ধরাঁরৈঁ দাস কা দাসাতন থৈঁ দূরি ।
 দাদু কারিজ কেঁয়া সঁরৈ হরি সোঁ নহীঁ হজুরি ॥
 ভগত ন হোই ভগতি বিন দাসাতন বিন দাস ।
 বিন সেরা সেরক নহীঁ দাদু ঝুঠী আস ॥
 রাম ভগতি ভাঁরৈ নহীঁ অপনী ভগতি কা ভার ।
 রাম ভগতি মুখ সোঁ কহৈ খেলৈ আপনা দার ॥

দাদু রাম বিসারি করি কীয়ে বহুত অপরাধ ।
লাজ্জী মরিগে সংত সব নার হমারা সাধ ॥

“সেবক নামের পরিচয়ে কি হু, স্বপ্নেও যে নাই সেবা ! সেই “এক”ই যদি মনের মধ্যে না রহিল তবে (শুধু “সেবক”) নাম ধরাইয়া কি লাভ ?

নাম ধারণ করে দাসের অথচ সেবা ধর্ম হইতে রহে দূরে ! যদি হরির নিকট (নিত্য সেবাতে) না থাকে হাজির, তবে কাজ সিদ্ধ হয় কেমন করিয়া ?

ওরে দাদু মিথ্যা সেই আশা, বিনা ভক্তিতে তো হয় না ভক্ত । পরিচর্যা-ধর্ম ছাড়া হয় না দাস, সেবা বিনাও হয় না সেবক ।

রাম ভক্তি তো প্রিয় নয়, প্রিয় হইল আত্ম-ভক্তি ! কেবল মুখেই বলে রামভক্তি কিন্তু গেলে শুধু আপন দাঁও বুঝিয়া !

ভগবানকে বিশ্বাস হইয়া, হে দাদু, বহুত করিয়াছ অপরাধ । সাধু জনেরা (গুনিয়া) লজ্জায় ঘাইবেন মরিয়া যে আমার নাম আবার সাধু !”

ব্যর্থ বাক্যই মিছা :

মনসা কে পকরান সৌ কৌ পেট ভরারৈ ।

জ্ঞা কহিয়ে তৌ কীজিয়ে তবহী বনি আরৈ ॥

বার্তী হী পছঁচৈ নহী ঘর দুরি পয়ানা ।

মারগ পংশী উঠি চলৈ দাদু সোজী সয়ানা ॥

সে দারু কিস কামকৌ জাঠৈ দরদ ন জাই ।

দাদু কার্টে রোগ কো সো দারু লে.লাই ॥

“মনের (কল্পনার) পকারে পেট ভরিবে কেন ? যেমন মুখে বল তেমন কাজে কর সম্পন্ন, তবেই উদ্দেশ্য হইবে সফল ।

শুধু কথাতেই দেখানে পৌছিবে না ? ঘর যে দূর-পয়ান (দীর্ঘযাত্রার গম্য ! হে দাদু, উঠিয়া পথে যে করিয়াছে যাত্রা, যে যাত্রী, সে-ই তো সুবুদ্ধিমান ।

যাতে ব্যথাই দূর হয় না সেই ঔষধ কোন কাজের ? হে দাদু, রোগকে দূর করিতে পারে যে ঔষধ, তাহাই এস লটয়া ।”

ব্যর্থ পাণ্ডিত্য মিছা :

সূনা ঘট সোধী নহৌ পংডিত ব্রহ্মা পুত ।
 আগম নিগম সব কথৈঁ ঘর মৈঁ নাট্টেঁ ভূত ॥
 পঢ়ে ন পারৈ পরমগতি পঢ়ে ন লংঘৈ পার ।
 পঢ়ে ন পছঁচৈ প্রাণিয়া দাদু পীড় পুকার ॥
 দাদু নিররে নাঁর বিন ঝুঠা কথৈঁ গিয়ান ।
 বৈঠে সির খালী কঠৈঁ পংডিত বেদ পুরান ॥
 সব হম দেখ্যা সোধি করি বেদ কুরানৌঁ মাছিঁ ।
 জহঁ নিরংজন পাইয়ে দেস দূরি ইত নাছিঁ ॥
 পঢ়ি পঢ়ি থাকে পংডিতা কিন্হুঁ ন পায়া পার ।
 মসি কাগদ কে আসিরে কোঁ ছুটে সংসার ॥
 কাগদ কালে করি মুয়ে কেতে বেদ কুরান ।
 একই অখির প্রেমকা দাদু পঢ়ে সূজান ॥
 মৌন গঠেঁ তে বাররে বোলৈঁ খরে অয়ান ।
 সহজৈঁ রাতে রাম সৌঁ দাদু সৌঁ সয়ান ॥

“ব্রহ্মার পুত্র (ব্রাহ্মণ) পণ্ডিত হইলেই বা হইবে কি ? তাহার ঘট (দেহ মন্দির) নাকি শূন্য (দেবতা বিহীন) ! (ব্রাহ্মণ) একবার (অস্তরে) খোঁজ করিয়াও দেখিল না ! আগম নিগমের কথা আগাগোড়া সব আঙড়ায় অথচ তার ঘরে চলিয়াছে ভূতের নাচন !

(শাস্ত্র) পড়িয়া মেলে না পরমাগতি, (শাস্ত্র) পড়িয়া যায় না পারে উত্তীর্ণ হওয়া, (শাস্ত্র পড়িয়া) প্রাণীরা পৌছায় না (গন্তব্যস্থলে), ওরে দাদু, অস্তরের বেদনায় (তাঁকে) ডাক ।

হে দাদু, নাম-বিনা যে জ্ঞান তাহা ব্যর্থ, ঝুঠাই মরে সকলে জ্ঞান ব্যাখ্যা করিয়া ! পণ্ডিত যে বেদ পুরাণ বলেন, সে শুধু বসিয়া বসিয়া মাথার বোঝা নামাইয়া খালি করা !

সব আমি দেখিলাম খোঁজ করিয়া, বেদ কোরাণের মাঝেও করিলাম

খোঁজ, যেখানে নিরন্তরকে পাওয়া যায় সেই দেশ এখান হইতে দূরে নহে (অর্থাৎ তাহা অন্তরের মধ্যেই আছে) ।

পড়িয়া পড়িয়া হযরান হটল পণ্ডিত, কেহই তো পাইল না পার । মসী ও কাগজের ভরসায় কেন বুঝা ছুটিয়া চলিয়াছে সংসার ?

কত বেদ কত কোরাণ মরিয়াছে শুধু কাগজ কাল। করিয়া ; হে দাদু, যে জন প্রেমের একটি অক্ষরও পড়িয়াছে, সেই তো রাসিক সজ্ঞান (স্ম-বুদ্ধি) ।

যে মৌন গ্রহণ করে সে পাগল, যে বহুত বলে সে আরও অজ্ঞান ; যে ভগবানের (রামের) সঙ্গে সহজে প্রেমে যুক্ত হইয়া থাকে, হে দাদু, সেই হইল স্বার্থ জানী ।”

মিথ্যা চলিলে না :

দাদু করনী ঔর কুছ করনী করৈঁ কুছ ঔর ।

তিন তৈঁ মেরা জির ডরৈঁ জিনকৈঁ ঠীক ন ঠৌর ॥

অন্তরগতি ঔরৈঁ কছ মুখ রসনা কুছ ঔর ।

দাদু করনী ঔর কুছ তিনকৌঁ নাহীঁ ঠৌর ॥

রাম মিলন কী কহত হৈঁ করতে কছ ঔরে ।

ঐসে পীর কৌঁ পাইয়ে সমুঝি লেছ মন বৌরে ॥

“হে দাদু যারা বলিতে বলেন এক রকম আর করিতে করেন সম্পূর্ণ আর এক রকম, যাদের না আছে ঠিক না আছে ঠিকানা, আমার অন্তর তাঁদের কথায় পার ভর ।

যাঁহাদের অন্তরের ভাব হটল এক রকম, অথচ মুখ রসনা বলে একেবারে আর এক রকম, আবার কাজ সম্পূর্ণ আর এক রকম, তাঁহাদের নাট কোথাও সত্যপ্রতিষ্ঠা ।

মুখে বলেন রামের সঙ্গে মিলনের কথা অথচ কাজ করেন সম্পূর্ণ অন্য রকমের, এমন করিয়া কি পার প্রিয়তমকে ? ওরে পাগল মন, এই কথাটাট দেখ বুঝিয়া ।”

শ্রীজ্ঞানি ব্যবহার করিতেও আত্মদৃষ্টি

অংধে কৌ দীপক দিয়া তৌতি তিমির ন জাই ।
 সোধী নহী অংতর কো তা সনি কা সমঝাই ॥
 কহিয়ে কুছ উপগার কৌ মানৈ অরগুণ দোখ ।
 অংধে কুপ বতাইয়া সন্ত ন মানৈ লোক ॥ ✓
 কংকর পথর সেরিয়া অপনা মূল গঁরাই ।
 অলখ দেব অংতরি বসৈ ক্যা দূজী জগহ জাই ॥
 পথর পীরেঁ ধোই করি পথর পুঁজৈঁ প্রাণ ।
 অংতর সৌ পথর ভয়ে বহু বুড়়ে য়েহি জ্ঞান ॥
 কংকর বাঁধী গাঁঠড়ী হীরে কে বেসাস ।
 অংতকাল হরি জৌহরী দাদু যা জনম নাস ॥

“অন্ধের হাতে দিলাম প্রদীপ, তবু তো গেল না অন্ধকার । অন্ধর কে যে করিয়া দেখিল না অন্বেষণ, বলনা তাহাকে কি আর সমঝাইব ?”

উপকারের জ্ঞান যদি (তাহাকে) কিছু বল তবে মনে করে খোঁটা, মনে করে দোষ । অন্ধ লোককে যদি (পথে) কুপের কথা বল তবে কখনও সে মনে করিবে না সত্য ।

আপন মূল খোঁড়াইয়া কঁকর পাথরের করে কিনা সেবা (করে কিনা পূজা) ! অলখ দেবতা যখন বাস করেন অন্ধরে, তখন কেন বাহিরের অগতে বৃথা যাওয়া ?

পাথর ধুইয়া ধুইয়া করে পান, পাথরের পূজা করে প্রাণ ! তাইতো অন্ধর হইতে হইয়া গেল পাথর, কত লোক এমন জ্ঞানই মরিল ডুবিয়া !

হীরা মনে করিয়া গাঁঠে বাঁধিলে কঁকর ! অন্ধকালে রত্নের অহরি শ্রীহরি (যখন পরণ করিবেন তখন দেখিবে) এই জনমই হইয়াছে নাশ !

কেউ পুঁজে পাথর কেউ পুঁজে শূন্য !

দাদু পৈঁড়ে উজাড়াক কদে ন দীজৈঁ পার ।

জিহঁ পৈঁড়েঁ মেরা পীর মিলৈঁ তিহঁ পৈঁড়েঁ কা চার ॥

কুছ নাহীকা নার ক্যা জে ধরিয়ে সো বুঠ ।
 সুর নর মুনি জন বংধিয়া লোকা আরট কুট ॥
 কুছ নাহী কা নার ধরি ভরম্যা সব সংসার ।
 সাচ কুঠ সমঠৈ নহী না কুছ কিয়া বিচার ॥

“হে দাদু, শৃঙ্খতার মরুভূমির দিকে দিয়া যায় যে পথ তাতে কখনও
 দিও না পা, যে পথে প্রিয়তম মেলেন সেই পথেরই কর আকাজক্ষা ।

“কিছু নাই” বস্তুর আবার নাম কি ? তাহা ধরিতে গেলে যাহাই ধরিবে
 তাহাই হইবে বুটা । অথচ সুর নর মুনিজন তাহাতেই আছেন বক হইয়া,
 লোক ভরিয়া চলিয়াছে আবর্তের মিথ্যা দুঃখ ।

“কিছু নার” (শৃঙ্খর) নাম ধরিয়াই সমস্ত সংসার মরিল ভ্রমিয়া ! না
 সমঝিল কিছু সত্য মিথ্যা, আর না করিল কোনো বিচার !” *

অন্তরেই তাঁর বাস :

কেই দৌড়ে দ্বারিকা কেই কাসী জাঁহি ।
 কেই মথুরা কৌ চলে সাহিব ঘটহী মাঁতি ॥
 পূজনহারে পাসি হেঁ দেহী মাঁহেঁ দেব ।
 দাদু তা কৌ ছাড়ি করি বাহরি মাঁড়ী সের ॥
 উপরি আলম সব কহেঁ সাধুজন বট মাঁহিঁ ।
 দাদু এতা অংতরা তাথে বনতী নাঁহিঁ ॥

“কেহ দৌড়ায় দ্বারকা, কেহ যায় কাশীতে, কেহ চলে মথুরাতে অথচ
 স্বামী রহিলেন এই ঘটেরই মধ্যে !

পূজনকর্তার কাছেই পূজা তিনি বিরাজমান, দেহের মধ্যেই দেবতা
 বর্তমান, তাঁহাকে ছাড়িয়া, হে দাদু, সবাই লাগিল কিনা বাহিরের করিতে
 পূজা !

সবাই বলেন “তিনি জগতের উপবে বাহুরূপে”, সাধুজন বলেন “তিনি
 ঘটের মধ্যে” ; গুরে দাদু, তাহা হইতে এতখানি ব্যবধান কখনও রাখা কি
 চলে ?”

* উপক্রমাণকা ১৮০, ১৮১ পৃষ্ঠা জটব্য ।

সত্যই সরল :

আমি মুর্থ, সরল সত্য পথই বুঝিতে পারি। পাণ্ডিত্যের কৃত্রিম জটিল পথ বুঝিবার শক্তি আমার নাট।

সূখা মারগ সাচকা সাচা হোই সো জাউ ।
 ঝুঠা কোঈ না চলে দাদু দিয়া দিখাই ॥
 সাহিব সৌ সাচা নহী যহ মন ঝুঠা হোই ।
 দাদু ঝুঠে বহুত হৈ সাচা বিরলা কোই ॥
 সাচা সাহিব সেরিয়ে সাচী সেরা হোই ।
 সাচা দরসন পাউয়ে সাচা সেরগ সোই ॥

“সত্যের পথ সিধা, সত্য যে হয় সে-ই (সে পথে) যায়, কোনো ঝুঠাই (মিথ্যা) সে পথে চলে না, হে দাদু, ইহা তিনিই দিয়াছেন দেখাইয়া ।

স্বামীর সঙ্গে যদি সাচ্চা না হয় তবেই তো মন যায় ঝুঠা হইয়া ; হে দাদু, (এ জগতে) ঝুঠাই বিস্তর, সাচ্চ ই কচিং কখনও মেলে ।

সাচ্চা স্বামীকে কর সেবা, তবেই সাচ্চা হইবে সেবা, সে-ই সাচ্চা সেবক যে পাউয়াছে সাচ্চার (সত্যের) দরশন (বা সাচ্চা দরশন) ।”

সত্যকেই গ্রহণ করিতেই হইবে :

একনিষ্ঠ হইয়া সত্যকে গ্রহণ করা ছাড়া আর অন্য পথ নাট। মিথ্যার মধ্যে স্থির আশ্রয় কোথায় ?

দাদু ঝুঠা বদলিয়ে সাচ ন বদলা জাউ ।
 সাচা সির পর রাখিয়ে সাধ কহৈ সমঝাই ॥
 সাচ ন সূতৈ জব লগৈ তব লগ লোচন নাহি ।
 দাদু নিহবঁধ ছাড়ি করি বঁধ্যা হোই পথ সাহি ॥
 কবীর বিচার। কহি গয়া বহুত ভাঁতি সমঝাই ।
 দাদু ছনিয়া বাররী তাকে সংগি ন জাউ ॥
 পারহিংগে উস ঠৌর কো লংঘেংগে যহ ষাট ।
 দাদু ক্যা কহি বোলিয়ে অকহুঁ বিচহি বাট ॥

“হে দাদু, বুঠাকেই লও বদলাইয়া, সাচ্চাকে তো বদলান চলে না ; সত্যকে রাখ মাথার উপরে, এই কথাই সাধুরা বলেন বুঝাইয়া ।

সত্যের যতক্ষণ না মেলে সাক্ষাৎকার ততক্ষণ লোচনই নাই ; (এমন অবস্থায় মানুষ) সকল-বন্ধন-মোচনকে (ভগবানকে) ছাড়িয়া সম্প্রদায় বন্ধনের মধ্যে পড়ে বাধা ।

কনীর বেচারী বহু বহু রকমে (এই কথাটা) বলিয়া গেলেন বুঝাইয়া ; কিন্তু দুনিয়া এমন পাগল যে কিছুতেই ঘাইবে না তাঁর সঙ্গে (তাঁর কথায় কান দিবে না) ।

“সেই প্রতিষ্ঠাকে পাইতেই হইবে । চরিত্রক্রমা এই ব্যবধান পার হইবই হইব । ওরে দাদু, কি বলিয়া বলিস্ এই কথা ? আজও যে তুই পড়িয়া আছিস্ পথেরই মাঝে !”

ভগবানের সেরকের সম্প্রদায় নাই :

দাদু সব থে এককে সো এক ন জানা ।

জনে জনে কা হুঁরৈ গয়া যহু জগত দিরানা ॥

সোই জন সাধু সিদ্ধ সো সোই সত্যবাদী শূর ।

সোই মুনিয়র দাদু বড়ে সনমুখ রতনি তজুর ॥

সোই ভোগী সোই জংগমা সোই সোফী সোই সেখ ।

সোই সংসারী সেরাডে দাদু এক অলেখ ।

সোই কাজী সোই মুল্লা সোই মোমিন মুসলমান ।

সোই সয়ানে সব ভলে ছে রাতে রহিমান ॥

“হে দাদু, সবাই তো ছিলেন সেই একেরই (জন) ; সেই এককেই জানা হইল না বলিয়া এই পাগল জগৎটা নানা জনের নানা সম্প্রদায়ে হইয়া গেল ছিন্ন বিচ্ছিন্ন ।

সে-ই জনই সাধু, সে-ই সিদ্ধ, সে-ই সত্যবাদী, সে-ই শূর, হে দাদু, সে-ই শ্রেষ্ঠ মুনিয়র যে প্রভুর সমক্ষে থাকে নিত্যা হাজির ।

সে-ই তো যোগী, সেই তো জন্ম,* সে-ই তো সূফী, সে-ই তো শেখ,
সেই তো সন্ন্যাসী সে ই তো সেবড়া †, সদাই প্রভুর কাছে যে রহে হাজির,
হে দাদু, এক অলেখ (যার প্রভু) ।

সে-ই কাজী, সে-ই মুন্না, সে-ই মোমিন, ‡ সে-ই মুসলমান, সে-ই তো
সুব্বান্‌সান, সে-ই তো সব রকমে ভাল যে দয়াময়ের সঙ্গে প্রেমে রহে
অচুরক্ত ।”

সাধকের এক সত্য সাক্ষ্য :

সাচা রাতা সাচসৌ বুঠা রাতা বুঠ ।
দাদু স্মার নবেরিয়ে সব সাধৌকৌ পুছ ॥
জে পছঁচে তে কহিগয়ে তিনকী একৈ বাত ।
সবৈ সয়ানে একমত উনকী একৈ জাত ॥
জে পছঁচে তে পুছিয়ে তিনকী একৈ বাত ।
সব সাধৌকা একমত বিচকে বারহ বাট ॥
সবৈ সয়ানে কহি গয়ে পছঁচে কা ঘর এক ।
দাদু মারগ মাহিলে তিনকী বাত অনেক ॥
সুরিজ সাখীভূত হৈ সাচ কঠৈ পরকাস ।
চোর ন ভাটৈ চাঁদির্ণা জিনি কভী হোই উজাস ॥

* এক শ্রেণীর শৈব যাহারা শিবলিঙ্গ গলায় বুলাইয়া চলেন ।

† জৈন ধর্মের এক শ্রেণী সাধু । ভেখধারী সাধু ও শৈব এক শ্রেণীর
সাধুকেও সেবড়া বলে ।

‡ কোরাণে “মোমিন” অর্থ বিশ্বাসী । যে নিয়ম পালন করে সে
মুসলমান আর বিশ্বাসের উপর যাহার আচার প্রতিষ্ঠিত সে “মোমিন” ।
বোম্বাই প্রদেশে কচ্ছভূজে এক শ্রেণীর মুসলমান আছেন তাহারা মেমনা বা
মোমিন । তাহারা বিশ্বাসে মুসলমান হইলেও আচারে অচুঠানে হিন্দুদেরই
যত । হিন্দুদের পক্ষ উৎসবাদি তাহারা পালন করেন । ইহাদের পূর্বপুরুষ
হিন্দুই ছিলেন ।

“সব সাধুকে জিজ্ঞাসা করিয়া দেখ, (তাঁহারা বলিবেন) যে সাক্ষা সে সাক্ষার প্রেমেরই অম্বরক্ত, যে ঝুঁটা সে ঝুঁটাতেরই অম্বরক্ত। হে দাদু, যাহা যুক্তিযুক্ত ও সত্য, তাহাকে পূর্ণ করিয়া কর স্বীকার।

যাহাঁরা (সেই সত্য) পৌঁছিয়াছেন তাঁহারা সবাই নিজ নিজ সাক্ষ্য গিয়াছেন বলিয়া, তাঁহাদের সকলেই এক কথা, সব জানীরাই একমত, তাঁহাদের সবারই একই জাত।

যাহাঁরাই (সেই সত্য) পৌঁছিয়াছেন, তাহাঁদিগকে কর জিজ্ঞাসা, তাহাঁদের সবারই একই কথা। সব সাধুরই এক মত, মাঝখানেই (মাঝারীদের) বার রকমের পথ।

সমস্ত জানীরা সকলেই এই কথা বলিয়া গিয়াছেন যে যাহারা সেখানে পৌঁছিয়াছেন তাঁহাদের সবারই ঘর এক। হে দাদু, যাহারা এখনো পথের মাঝেই আছেন পড়িয়া, (সত্যের পরিচয় যাহাদের ঘটে নাই) তাঁহাদেরই কথা অনেক রকমের।

সূর্য্য আছে সাক্ষীরূপ, সে সত্যকেই প্রকাশ করে। যে চোর, সে চন্দ্রের চাঁদনী আলোক পছন্দ করে না, সে চায় যেন কখনই না হয় আলোকের প্রকাশ।

তৃতীয় প্রকরণ—তত্ত্ব

তৃতীয় অঙ্ক—বিচার অঙ্ক

তত্ত্ব অর্থ বিচার-সিদ্ধ সত্য। কাকেই “বিচার” জানা সাধনাধীর একান্ত প্রয়োজন।

ব্রহ্ম বিরাজমান সকল জীবে, এবং সকল জীবের মধ্য দিয়াই ব্রহ্মের উপলক্ষি। ব্রহ্ম অসীম। প্রেমময় তিনি যদি স্বয়ং নিজেকে উপলক্ষি করিতে চাহেন তবে তাঁহাকেও তাঁহার প্রেমের মাতৃঘের মধ্য দিয়াই আপনাকে উপলক্ষি করিতে হইবে। মানবের মধ্য দিয়াই তিনি নিজ স্বরূপ ও নিজ প্রেমানন্দ রসের উপলক্ষি করেন। ইহাই মানবের মাহাত্ম্য। বাংলা দেশের সাধকরাও এই তত্ত্বটি জানিতেন।

বিশ্ব সংসার ভগ্নবানের একলার সৃষ্টি নয়। সৃষ্টিতে যেমন ছিল তাঁর শক্তি প্রেমও ছিল তেমনি। নহিলে এই জগৎ এত সুন্দর মধুর ও করুণ হইত না। এই সৃষ্টি প্রেমের সৃষ্টি। মানব না থাকিলে তাঁহার প্রেম শূন্য নিরাধার হইত। প্রেম করিতে হইলে সর্বশক্তিমানেরও প্রেমের পাত্র থাকা চাই। মানব হইল ব্রহ্মের প্রেম সাধনার উত্তর সাধক, তাঁর প্রেমরসদানের পাত্র।

চিত্রকরের মত তিনি বিশ্ব জগৎ চিত্র করিয়াছেন। তিনি সর্বশক্তিমান, সব বর্ণক তাঁর কাছে আছে। কিন্তু সর্বশক্তিমানের বর্ণকও - শুষ্ক বর্ণক। বিনা প্রেমজলে তিনি এই বর্ণক গুলিবেন কেমন করিয়া? মানবের প্রতি তাঁর যে প্রেমরস তাগাতেই তিনি তাঁর শুষ্ক সৃষ্টিবর্ণক গুলিমা লইয়াছেন। তাই সৃষ্টি বড় মধুর কিন্তু বড় করুণ। হইতে পারেন ব্রহ্ম সর্বশক্তিমান তবু এই সৃষ্টিতে মানবেরও কিছু হাত আছে।

মানবের চারিদিকে সীমা, ব্রহ্ম অসীম। অসীমের কাছে সীমা প্রণত, কিন্তু অসীমও সীমার কাছে প্রণত না হইয়া পারেন না; সীমা ছাড়া অসীম আপনাকে প্রকাশই করিতে পারেন না। আবার অসীম না থাকিলেও সীমার কোনো অর্থ কোনো মাহাত্ম্য নাই। ফুল বিনা গন্ধ আপনাকে প্রকাশ করিবে কিসের

মধ্য দিয়া ? আবার গন্ধ বিনাই বা ফুলের কি অর্থ ! সত্য চাহে প্রকাশের মধ্য দিয়া আপনাকে উপলব্ধি করাইতে, আবার সত্য বিনা প্রকাশও মিথ্যা। ভাবের অসীমতা না থাকিলে রূপ হইল বন্ধ কারাগার। ভাবও আপনাকে প্রকাশ করিতে অসমর্থ যদি না থাকে রূপ। কাজেই সীমা ও অসীম পরস্পরের মধ্যে একে অঙ্কুরে করে পূজা।*

কবীর বলিয়াছেন, “মানব তোমার দ্বারে করজোড়ে দণ্ডায়মান ; আবার হে অসীম, অগাধ, অবর্ণনীয়, তোমাকেও দেখিলাম মানবের দ্বারে, মানব-জীবন-মন্দিরের দ্বারে, যুগযুগান্ত করজোড়ে দণ্ডায়মান ! এ এক আশ্চর্য্য অপরূপ রহস্য।” †

মানবের সহিত ভগবানের প্রেমের যোগ : এই মানব দেহ তাঁর আপন হাতের রচিত মন্দির। এই মন্দিরে তিনি বাস করেন। অসীম হইয়াও তিনি মানবের হৃদয়-বিহারী। তাই ক্ষুদ্র মানব এই সসীম সংসারে থাকিয়াও সংসারে নাই, সে আছে অসীম রসস্বরূপেরই সঙ্গে—প্রেমের যোগে। কুমুদ যেমন জলে থাকিয়াও জলে নাই, সে আছে চন্দ্রেরই সঙ্গে ; সেই প্রেমেরই তার হৃদয় যায় খুলিয়া। মন যেখানে, প্রেম যেখানে, সেখানেই যোগ ; দেহের সান্নিধ্য কি আসে যায় ?

সাধনাতে যদি দৃষ্টি লাভ করি তবে দেখিব এই মানব মন্দিরে তাঁর সকল বিশ্ব লইয়া সেই অসীম বিরাজমান। তাই এই “ঘটে” (মানব দেহে) চলিয়াছে মহা মহোৎসব, এখানে সকল বিশ্বের উৎসব হইয়া উঠিয়াছে ভরপুর। থাকুক দুঃখ, থাকুক তাপ, তবু এই “ঘট” (মানব-অস্তর) মহা মহোৎসবের ক্ষেত্র। বিশ্বপতিও যে উৎসবে না আসিয়া পারেন না সে উৎসব কি ভুচ্ছ ? সেখানে কিসের অভাব ?

দেহে নানা দৈহিক দুঃখ আছে। দেহের সুবিধা ভোগ করি বলিয়াই নানা দুঃখ ও ভোগ করিতে হয়। কোনো সুখ কোনো সুবিধাই অবিমিশ্র সুখ সুবিধা নহে। সর্বত্রই দুঃখের মূল্যে সুখ কিনিতে হয়। সাধকেরা যুধা ভুজা আদি ব্যাধিকে তাই দেহধারণের দণ্ড বা “দেহদণ্ড” বলেন।

* “ধূপ আপনারে মিলাইতে চাহে গন্ধে”

(“উৎসর্গ”, ১৭ ; রবীন্দ্রনাথ ।)

† সকল অবতার জাকে মহিমামণ্ডল অনন্ত খড়া করজোড়ে। (কবীর)

দেহদণ্ডের দুঃখ ঘোচে কেমন করিয়া ! এমন উৎসবক্ষেত্রের মাঝে দুঃখ বেদনাকে স্বীকার করিতে হইবে কেন ? এই দুঃখ দূর করিবার উপায় হইল, বাহির হইতে দেহ ভগৎ হইতে, মনকে সরাইয়া আনিয়া নিজের কাছে রাখা । মনকে অন্তরের মহোৎসবে যুক্ত কর, আনন্দময়ের কাছে রাখ, সব দুঃখ দূর হইবে । পংসারে যেই মন ভ্রমিমা বেড়ায় তাহাকে ব্রহ্মযোগে যুক্ত করাই সর্ব দুঃখ জয়ের সাধনা ।

অন্তবে যুক্ত হও, দিন দিন ব্রহ্ম-যোগ বাড়িবে, দিন দিন প্রেমরস-পান বাড়িয়া চলিবে, দিন দিন ব্রহ্ম-দর্শন নির্বাধ হইবে । দেহগুণ দিন দিন ক্ষয় হইবে, ভগবৎপ্রকাশ দিন দিন উজ্জ্বল হইতে থাকিবে ।

বিচার করিয়া সত্যকে প্রত্যক্ষ করাই সব দুঃখের ঔষধ । সত্য পরম রহস্য । মনের সঙ্গে মন মিলিলে সব রহস্য বুঝা যায় । বেদ পড় শাস্ত্র পড়, কোনোই লাভ নাই । তাহাতে কি সৃষ্টির বা বিশ্বের রহস্য বুঝিতে পারিবে ?

সৃষ্টিকর্তার অন্তরের প্রেমের ব্যথা বিশ্বে প্রকাশিত, এ এক বিরাট গভীর রহস্য । ব্রহ্মচিন্তে যুক্ত না হইলে কেমনে এই রহস্য বুঝিবে ? মনের সঙ্গে মনের যোগ না হইলে তো মানব মনের রহস্যও বুঝা যায় না । ভগবানকে হৃদয় দাও, প্রেম দাও, তাঁর মনের সঙ্গে প্রেমে যুক্ত হও, তবে তাঁর হৃদয়ের রহস্য ক্রমে তোমার কাছে প্রকাশিত হইতে থাকিবে । এমন করিয়াই সৃষ্টির মর্মরস পাইবে, নহিলে বেদ কোরাণ মুখস্থ করিয়া মরিলেও তাঁর রসরাজ্য তোমার প্রবেশ নাই । পণ্ডিতের রাজ্য শাস্ত্রে, রসিকের বিহার প্রেমরাজ্যে, দেখানে পণ্ডিতের স্থান কোথায় ?

স্বখের মধ্যেও অনেক দুঃখ আছে, দুঃখেও অনেক স্বখ আছে । আদি অন্ত সমস্তকে অন্তরের ঐক্যে, রসের ঐক্যে, প্রেমের ঐক্যে যুক্ত করিয়া সমগ্র ভাবে গ্রহণ না করিলে সাধক স্বখ দুঃখের মর্ম পায় না । আদি অন্ত লইয়া সমগ্রের মর্ম গ্রহণ করা চাই । আপন বল্লনার দ্বারা সাধক যেন পরিপূর্ণ সত্যকে খণ্ডিত করিতে না চাহেন । বস্তু বিচারে কেবল খণ্ডতা, কেবল বিচ্ছেদ ; তাতে প্রাণ মেলে না, মর্মসত্য ধরা পড়ে না । প্রাণবিচারের দ্বারা মর্ম লাভ করিয়া বিশ্বসত্যকে সম্পূর্ণভাবে গ্রহণ করিতে হইবে । “জ্যেষ্ঠা কা ত্যেষ্ঠা” অর্থাৎ ঠিক যেমনটি আছে ঠিক তেমন ভাবেই সত্যকে গ্রহণ করিতে হইবে । আপন

সুবিধা, ইচ্ছা, অভ্যাস বা সংস্কারের খাতিরে সত্যকে কোথাও ক্ষুণ্ণ করিবার অধিকার কাহারও নাই। যে তাহা করিতে গেল সে আপনাকেই ক্ষুণ্ণ করিল, আপন সাধনা ও সত্যকে ক্ষুণ্ণ করিল; সে বস্তুভ্রগতে যতই বুদ্ধিমান ও ঐশ্ব্যাবান হউক না কেন সে সাধনাতে শাস্ত জীবনে ও ব্রহ্মযোগলোকে আপনার আঘাত করিল। ইহাই সিদ্ধ বিচার।

জীবদর্পণে ব্রহ্মরূপ :

জুঁ দরপন মৈঁ মুখ দেখিয়ে পানী মৈঁ প্রতিবংব ।

ঐসৈঁ আতম রাম হৈ দাদু সবচী সংগ ॥

জব দরপন মাঁইহৈঁ দেখিয়ে তব অপনা সৃষ্টে আপ ।

দরপন বিনা সৃষ্টে নহীঁ দাদু পুনি রূপ আপ ॥

যুঁ রবু রুহন্নমেঁ জুঁ গন্ধ ফুল্লম ।

জুঁ জেরৌ রহ সুর মাঁ ঠংডো চংজ বসন্ন ॥

“দর্পণেই যেমন মুখ দেখা যায় (দর্পণ ছাড়া আপন মুখ দেখিবার উপায় নাই), তলে যেমন প্রতিবিম্ব দেখা যায়, তেমনি হে দাদু, আত্মারাম আছেন সবারই সঙ্গে ।

দর্পণ মাঝে দেখিলেই আপনার কাছে আপন প্রকাশ হয় প্রত্যক্ষ । দর্পণ বিনা আবার আপন রূপও আপনি পায় না দেখিতে ।

পরমাত্মা তেমনি বিরাজিত সকল আশ্রয়, গন্ধ যেমন আছে সকল ফুলে, জ্যোতি যেমন প্রতিষ্ঠিত আছে সূর্যে, শীতলতা যেমন অবস্থিত আছে চন্দ্রে ।”

অসৌম ও অসম্পূর্ণ :

অসৌম ঐশ্ব্য সবেও পরব্রহ্মে মানব রস বিনা অশক্ত । আনন্দ লহরীর “শিবঃ শক্ত্যা যুক্তঃ” শ্লোকটি তুলনীয় ।

অরস রংগসেঁ সৃষ্টি নহি কহু রস কিত পাই ।*

মানুস সরোবর রস ভর্যা প্যাসা তাঁহ মিলৈ আই ॥

“শুধু অরস রস দিয়া তো সৃষ্টি হয় না, বল তবে রস মেলে কোথায় ? মানুষই হৈল রসে ভরপুর সরোবর । যে পিপাসিত তাহাকে এখানে আসিয়া মিলিতেই হইবে ।”

* প্রিয়জন বিনা প্রেম নিরূপায়, মানব বিনা পরব্রহ্মেরও প্রেম নিরাধার ;

মানব প্রেমরসেই যে বিশ্বসৌন্দর্য্যতত্ত্ব, তাহা হইল মধ্যযুগের সাধকদের একটি বড় কথা। ইহার মূলে গভীর বেদনা আছে।

মধ্যযুগের সাধকেরা বলেন “এই বিশ্ব হইল অসীম প্রেম ব্যথার পত্র পট। তিনি প্রেমের অশ্রুতে তাঁর শক্তির শুষ্ক বর্ণগুলি গুলিয়া এই যে বেদনার চিত্র সৃষ্টি করিয়া চালিয়াছেন, ইহাই বিশ্ব। বেদনা মনে না থাকিলে এই পত্রের মর্ম কেহ বুঝিতে পারে না। একই ভাবের ভাবুক না হইলে মরম ধরা পড়িবে কেন?”

সীমা ও অসীমের পরস্পর পূজা।

বাস কহে হম ফুল কো পাউ*, ফুল কহে হম বাস।
ভাস কহে হম সতাকো পাউ*, সত কহে হম ভাস ॥
রূপ কহে হম ভারকো পাউ*, ভার কহে হম রূপ।
আপস মৈঁ দউ পূজন চাই, পূজা অগাধ অনূপ ॥*

“গন্ধ বলে আহা আমি যেন পাই ফুলকে, ফুল কহে হায় আমি যেন পাই গন্ধকে। ভাস (প্রকাশ বা ভাষা) কহে আহা আমি যেন পাই সং (সত্য) কে, সং বলে আমি যেন পাই ভাসকে। রূপ বলে আমি যেন পাই ভাবকে, ভাব বলে আহা আমি যেন পাই রূপকে! দুইই পরস্পরে এ ওকে করিতে চাই পূজা; অগাধ এই পূজা, অনূপম এই পূজা।”

কাজেই মানবকে চাই-ই চাই। মানব প্রেমরসে ব্রহ্মশক্তির শুষ্ক বর্ণগুলি গুলিয়া তিনি এই সুন্দর বিশ্ব রচনা করিয়াছেন। চিত্রকরের সব আয়োজন প্রস্তুত থাকিলেও একটু জলের অপেক্ষায় চিত্রসৃষ্টি স্থগিত থাকে। ব্রহ্ম তাঁহার রূপ-রস-গন্ধ-স্পর্শ-শব্দ প্রভৃতি শুষ্ক বর্ণগুলির তুলি কোন জলে ভিজাইয়াছেন? সেই জল মানব প্রেমরস। এই বিশ্ব সৌন্দর্য্যের মূলেও প্রেমানন্দ রস। আবার প্রেমানন্দ রস না পাইলে বিশ্ব সৌন্দর্য্যের মর্মটিও ধরা যায় না।

* এই বাণীটি “সাদু অঙ্গের” আছে।

প্রেমযোগেই নিত্য যুক্ত :

জিন্হ যছ দিল মংদির কিয়া দিল মংদির মৈ সোই ।

দিল মাঠেই দিলদার হৈ ঠর ন দুজা কোই ॥

নাল কমল জল উপজৈ কোয়া সো জুদা জল মাঁহি ।

চংদ হি হিত চিত প্রীতড়ী য়ো জল সেতৌ নাঁহি ॥

দাদু এক বিচার সৌ সবঠেই শ্বারা হোই ।

মাঠেই হৈ পর মন নহঁী সহজ নিরংজন সোই ॥

গুণ নিগুণ মন মিলি রহা কোয়া বেগর হোই জাহি ।

জহঁ মন নাহঁী সো নহঁী জহঁ মন চেতন সো আহি ॥

“এই হৃদয় মন্দির রচনা করিলেন বিনি, হৃদয়-মন্দির তিনিই বিরাজমান : হৃদয়মাঝেই প্রেমিক হৃদয়েশ্বর বিরাজমান, দ্বিতীয় আর কেহই নাট। (থাকিলে কি হইবে? প্রেম বিনা যোগ হইবে না; প্রেম-যোগের আকাজক্ষা থাকিলে প্রেম করিতেই হইবে।)

কুমুদিনী যে জলেই উপজিল, সে কেন জলের মাঝে থাকিয়াও জল হইতে বিচ্ছিন্ন? চন্দের সঙ্গে তার যেমন অহুরে অহুরে প্রেম তেমন প্রেম যে তার জলের সঙ্গে নাট।

হে দাদু, সেই একই যুক্তিতে (সব কিছুই মধ্য থাকিয়াও) সব কিছু হইতে স্বতন্ত্র থাকা চলে। মাঝেই আছে অথচ তাহাতে নাই মন, তাহাই তো সহজ নিরঞ্জন লীলা!

গুণ-নিগুণের সাথে আছে মন মিলিত হইয়া, তবে কেমন করিয়া সেই মন হইতে পারে স্বতন্ত্র?

যেখানে মন (অহুরের যোগ) নাই সেখানে সে নাট, যেখানে মন চেতন আছে সেখানে সেও আছে।”

**অন্তরে প্রেমানন্দ, অন্তরে অনন্ত
লোক :**

প্রেম ভগতি দিন দিন বধৈ সোই জ্ঞান বিচার ।

দাদু আত্ম সোধি করি মধি করি কাঢ়্যা সার ॥

সহজ বিচার সুখমের রঠে দাদু বড়া বমেক ।
 মন ইন্দ্রী পসরৈ নহী অংতরি রাঠে এক ॥
 ঘটমৈ সুখ আনন্দ হৈ তব সব ঠাহর হোই ।
 ঘটমৈ সুখ আনন্দ বিন সুখী ন দেখ্যা কোই ॥
 কায়া লোক অনন্ত সব ঘটমৈ ভারী ভীর ।
 ভই জাই তই সংগি সব দরিয়া পৈলী তীর ॥

“সেই জ্ঞানই যথার্থ বিচার-সিদ্ধ জ্ঞান যাহাতে দিন দিন প্রেম ভক্তি বাড়িতে থাকে । অন্তরের মধ্যে অন্বেষণ করিয়া, অন্তর মন্বন করিয়া, দাদু এই সার তত্ত্ব ব্যতির করিয়াছে ।

এই সহজ বিচারের আনন্দে যে আছে, হে দাদু, তুরই তো শ্রেষ্ঠ বিবেক । (এই বিচার লইয়া) যে অন্তরে এক (ব্রহ্মকে) রাখিয়াছে তার মন তার ইন্দ্রিয় প্রবল হইয়া তাহাকে কখনও অভিভূত করে না ।

এই ঘটেই সুখ ও আনন্দ বিরাজমান । তাইতো সেখানে সবই হয় “ঠাহর” (— অমৃত, প্রতিষ্ঠিত) ; ঘটের মধ্যে সুখ আনন্দ বিনা কাহাকেও দেখি নাই সুখী হইতে ।

এই কাহার মধ্যেই অনন্ত লোক, এই ঘটেই লাগিয়াছে ভারী মেলা । সাগরের ঐ পার পর্ষাস্ত যেখানেই যাও সেখানেই সব যায় সঙ্গে সঙ্গে ।”

দেহ দুঃখ মুছে কিসে ?

প্যাণ্ড মুক্তি সব কো করে, প্রাণ মুক্তি নহি হোয় ।
 প্রাণ মুক্তি সতগুর করৈ দাদু বিরলা কোয় ॥
 খুখ্যা ত্রিখা কো্যা ভুলিয়ে সীত তপন কো্যা জাই ।
 কুঁ সব ছুটে দেহ গুণ সতগুরু করি সমঝাই ॥
 চাহতৈ মন কাটি করি লে রাঠে নিজ ঠৌর ।
 দাদু ভুলৈ দেহ গুণ বিসরি জাই সব ঔর ॥

“এই পিণ্ডের (দেহের) মুক্তির জন্তই সবাই করে সাধনা, প্রাণমুক্তি তো তাহাতে হয় না । এই প্রাণমুক্তির সাধনা যিনি দিতে পারেন এমন সদগুরু বিরল ।

প্রশ্ন—হে সৎগুরু, আমার বুঝাইয়া বল, কি করিয়া ক্রোধ তৃষ্ণা ভূলা যায়, কেমন করিয়া শীত গ্রীষ্ম বোধ যায়, কি উপায়ে দেহগুণ সব যায় মুক্ত হইয়া ?

উত্তর—কামনা হইতে মনকে বাহির করিয়া নিজের ঠিকানায় যদি রাখা যায়, হে দাদু, তবেই ভুলিবে এই দেহগুণ, আর সব তবে হইয়া যাউবে বিশ্বিত ।

**তনেই দিনে দিনে ভাগবতসক চলে
প্রগাঢ় হইয়া :**

দিন দিন রাতা রামসেঁঁ দিন অধিক সনেহ ।

দিন দিন পীরে রামরস দিন দিন দরপন দেহ ॥

দিন দিন ভুলে দেহগুণ দিন দিন ইন্দ্রী নাম ।

দিন দিন মন মনসা মঠে দিন দিন হোই প্রকাশ ॥

দেহ রহে সংসার মেঁ জীর পীরকে পাস ।

দাদু কুছ ব্যাপৈ নহীঁ কাল ঝাল ছুঃখ ত্রাস ॥

“হে দাদু, দিনের পর দিন ভগবানের সঙ্গে অনুরাগ চলে বাড়িয়া, দিনে দিনে প্রেম থাকে বাড়িতে, দিনে দিনে পান করিয়া চলে ভাগবতরস, দিনে দিনে (ভগবৎস্বরূপ প্রকাশের জন্ত) দেহখানি হইয়া উঠে (স্বচ্ছ) দর্পণ ।

দিনে দিনে দেহগুণ থাকে ভুলিতে, দিনে দিনে উদ্ভ্রিয় (তৃষ্ণা) হয় নাশ, দিনে দিনে মন ও মনের কামনা যায় মরিয়া, দিনে দিনে (জীবনে ব্রহ্মস্বরূপ) হয় প্রকাশ ।

দেহ যদি থাকে সংসারে এবং জীবন যদি থাকে প্রিয়তমের কাছে, তবে কালের দাঙ ছুঃখ ত্রাস কিছুই জীবনে পারে না ব্যাপিতে ।”

এই লহস্য বুঝিয়া লওনাই চাই :

দাদু সবহীঁ ব্যাধিকী ঔষধি এক বিচার ।

সমখে তেঁঁ সুখ পাইয়ে কোই কুছ কহে গঁঁরার ,

জব মনহী মেঁ মন মিল্যা। তব কুছ পায়া ভেদ ।
 দাদু লে করি লাইয়ে কা পঢ়ি মরিয়ে বেদ ॥
 পানী পারক পারক পানী জানৈ নহী অজান ।
 আদি অংতি বিচার করি দাদু জান সূজান ॥
 সুখ মাঠেই দুখ বহুত হৈ দুখ মাঠেই সুখ হোই ।
 পহিলে প্রাণ বিচার বিন মরম ন জানৈ কোই ॥
 আদি অংতি গাহন কিয়া মায়া ব্রহ্ম বিচার ।
 জহঁকা তহঁ লে দে ধর্যা দেত ন দাদু বার ॥

“হে দাদু, সকল ব্যাধিরই একমাত্র ঔষধ হইল বিচার। (বিচারের দ্বারা) যে “সমঝ” (সম্যক বোধ) জন্মে তাহাতেই মেলে আনন্দ, মূর্খ গ্রাম্যেরা বলুক না যাহার যাহা খুসী ।

যখন সেই মনের সঙ্গে মিলিল মন, তখন বুঝিলাম কিছু রহস্য ; হে দাদু মন লইয়া আন (মনের সঙ্গে মিলাইয়া), কেন বুধা মর বেদ পড়িয়া ।

জল অগ্নি ও অগ্নি জলের রহস্য তো অজান জানে না। আদি অস্ত বিচার করিয়া, হে দাদু, যথার্থ মন্দ লও জানিয়া ।

সুখের মধ্যেও অনেক দুঃখ আছে, দুঃখের মাঝেও সুখ আছে, প্রথমেই প্রাণ-বিচার বিনা এই মরম (রহস্য) কেহ পারে না জানিতে ।

মায়া ও ব্রহ্মতত্ত্বে গাহন করিয়া আমি আদি ও অস্ত রহস্তে ডুব দিয়া দেখিলাম, যেখানকার যে সত্য সেখানে তাহা লইলাম ও সেখানে তাহা রাখিলাম, (যেখান হইতে যাহা প্রাপ্য ও যাহার যাহা প্রাপ্য তাহা) লইতে বা দিতে একটুও বিলম্ব করিলাম না ।”

তৃতীয় প্রকরণ—তত্ত্ব ।

চতুর্থ অঙ্ক—কস্তুরী যুগ অঙ্ক :

সাধক ভগবানকে বাহ্যঙ্গতে খুঁজিয়া বেড়ায় । অথচ যার খোঁজে সে ব্যাকুল, তিনি অস্তরের মাঝেই আছেন । কস্তুরী যুগের নাভি যখন পরিণত হইয়া গন্ধে ভরপুর হয়, তখন সে গন্ধে ব্যাকুল হইয়া দশদিকে দৌড়িয়া সন্ধান করিয়া বেড়ায়, এও সেই মত ।

সাধক যদি অস্তরের মধ্যে একবার ডুবিয়া দেখে তবেই তার এই সব ছুটাছুটা হইয়া যায় দূর ।

বাহিরে দেখাষ্টে লোকের অভ্যাস । এই অভ্যাসমত লোকে বাহিরে দৌড়াদৌড়ি করাকেই মনে করে উত্তম । অথচ আসলে ইহা জড়ত্ব । বাহিরে দেখার অভ্যাস পথ ছাড়িয়া অস্তরে প্রবেশ করিবার মত মুক্ত জাগ্রত বুদ্ধি থাকা চাই ।

এই জড়তার দোষে আমরা জীবনের পরমানন্দের স্বাদ হারাই । যে সচেতন সে পরমানন্দে সদা ভরপুর থাকে । এই যে জড়ত্বের নিদ্রা ইহা বড়ই লজ্জার কথা । স্বামী জাগিয়া আছেন, এমন সময় ঘুম কি আসা উচিত ? স্বামী তো সদাই জাগ্রত, যত জড়ত্ব সে আমারই, এ দুঃখ কি আর রাখিবার ঠাই আছে ?

বাহিরের বস্তু অস্তরে :

ঘটি কস্তুরী মিরিগকে ভরমত ফিরে উদাস ।
অন্তরগতি জানেন নহীঁ তাঁতে সূঁধে ঘাস ॥
জা কারণি জগ চুংচিয়া সো তোঁ ঘটহী মাহিঁ ।
ডুবত নহিঁ অন্তরমে তাঁতে জানত নাহিঁ ॥
দূরি কহিঁ তে দূরি হৈঁ রাম রহা ভরপুরি ।
নৈনছ' বিন সূঁধে নহীঁ তাঁতে রবি কত দূরি ॥

সদা সমীপ সঁগি সন্মুখ রহেঁ দাদু লখে ন গুঝ ।

সুপিনেঁ হী সমথে নহীঁ কোঁা করি লহেঁ অবুঝ ॥

“কন্তুরী রহিল যুগের ঘটে (দেহে), অথচ (তারই খোজে) সে উদাস হইয়া বেড়ায় ভ্রমিয়া । অস্তরের মখ জানে না, তাতেই বেড়াইতেছে ঘাস শুঁকিয়া শুঁকিয়া ।

যার কারণে জগতময় চুঁড়িতেছে (খুঁজিয়া বেড়ায়) তাহা তো রহিয়াছে ঘটেরই মধ্যে, অস্তরের মধ্যে ডুবিয়া দেখিল না তাই তো জানে না তার মরম ।

ভগবান তো (সর্বত্র) ভরপুর বিরাজমান । “দূরে আছেন” যারা বলেন তাঁহারা হই আছেন দূরে । নয়ন অভাবে পায় না দেখিতে, তাতেই (মনে হয়) সূর্য্য কোথায় দূরে ।

সদাই আছেন তিনি সমীপে, সঙ্কে সঙ্কে, সন্মুখে ; হে দাদু, এই রহস্যটি বুঝিয়া দেখিল না, স্বপনেও ইহা বুঝিগ না ; কেমন করিয়া তবে অবুঝ তাঁহাকে পাইবে ?”

জড়ত্বই বাধা :

জড়মতি জীব জানেন নহীঁ পরম স্বাদ সুখ জাই ।

চেতনি সমুঝে স্বাদ সুখ পীরে প্রেম অঘাই ॥

জাগত জে আনন্দ করৈ সো পারৈ সুখ স্বাদ ।

সুঠেঁ সুকুখ ন পাইয়ে প্রেম গরঁয়া বাদ ॥

জিস্কা সাহব জাগনা সেরগ সদা সুচেত ।

সারথান সনমুখ রহেঁ গিরি গিরি পড়েঁ অচেত ॥

দাদু সার্ত্ত সচেত হৈ হমহীঁ ভয়েঁ অচেত ।

প্রাণি রাখ ন জানহী তাথেঁ নিরফল খেত ॥

“জড়মতি জীব জানিলই না যে পরমস্বাদ পরমানন্দ যায় চলিয়া ; যে চেতন সে স্বাদ ও আনন্দ জানে, সে প্রাণ ভরিয়া প্রেমরস করে পান ।

যে আগে সে-ই করে আনন্দ, সে-ই পায় আনন্দের স্বাদ ; যে শুইয়া পড়িয়া থাকে সে তো পায় না আনন্দ, হেলায় হারায় সে প্রেমরস ।

স্বামী যাহার আগে সেই সেবক ও যেন থাকে সদা সচেতন ; সাবধানে সে যেন থাকে সম্মুখে ; যে অচেতন সে যায় বার বার পড়িয়া পড়িয়া ।

স্বামী তো সচেতন, হে দাদু, আমিই হইলাম অচেতন । প্রাণের মধ্যে তাঁহাকে রাখিতে জানি না বলিয়াই (জীবনের) ক্ষেত্র রহিল নিষ্ফল ।”

তৃতীয় প্রকরণ—তত্ত্ব ।

পঞ্চম অঙ্ক—“সব্দ” অঙ্ক ।

সাধকদের ভাষায় “সব্দ” বা শব্দ অর্থ সঙ্গীত । সাধী হইল সাধকদের সাক্ষ্য শ্লোকাকারে রচিত সত্যের প্রকাশ । “সব্দ” সুরে ও তালে পূর্ণাঙ্গ সঙ্গীত ।

ভক্তদের মতে এই বিশ্বচরাচর বিধাতার “সব্দ” । প্রথম সব্দ নাদ ঔকার । ইহা হইতেই জগতের উৎপত্তি, ইহাতেই স্থিতি ও এই সব্দের লয়েই জগতের লয় । তান ও সুর হইল সব্দের “বিস্তার” (সুরতি), তাল বা লয় হইল সব্দের “নিস্তার” (বিরতি) । শুধু “তানে” সব্দ হয় না, “তানে-লয়ে” সব্দ হয় পূরা । দিবা-রাত্রি, ছঃখ-সুখ, জনম-মরণ, সৃষ্টি-প্রলয় লইয়াই পূরা গীত । কবীরের বাণীতে এই তত্ত্ব খুব গভীর ভাবে আছে ।

যেমন তেমন করিয়া সঙ্গীত ধামিয়া গেলেই তানের লয় হয় না, বিস্তারের নিস্তারের স্তম্ভ একটি ছন্দে ছন্দে সুষমা ও পরিণতি প্রয়োজন । সেই ছন্দকে না পাইলে মুক্তির সাধনা অসম্ভব । সকল বন্ধনকে সুসঙ্গতরূপে স্বীকার করিতে পারিলেই ছন্দ ও সুর হয় পূর্ণ । মুক্তির সাধনাতেও তাই উচ্ছৃঙ্খলতার স্থান নাই । মঙ্গলময়ী গৃহলক্ষ্মী যেমন প্রেমে সকল বন্ধন স্বীকার করিয়া ধন্ত হন ও ধন্ত করেন, তাহাই তাঁহার মুক্তি ; সাধনাতেও তাই । এখানে শৈরাচার চলে না । কিন্তু সে বন্ধন বাহিরের নয়, তাহা অন্তরের প্রেমের, জীবনের সূত্রে তাহাকে সুসঙ্গত করিয়া তুলিতে হয়, ইহাই মুক্তির সাধনা ।

যে জগতে সাধকের সাধনা সে জগতেও তো সঙ্গীতের মতই সুষমাময় ও শোভন ; যে সাধনা হইতে ভ্রষ্ট বা সাধনাহীন সে এই জগতে ব্রহ্ম-সব্দের বাধা । সাধনাতে মানুষ এই সব্দের অন্তকূল হইয়া ব্রহ্মসব্দকে মধুরতর করিয়া দেয় ।

এই জগৎ সংসার এই সব্দেই আছে সুসংবদ্ধ হইয়া । এই “সব্দ”

পাইলেই মুক্তি মিলিল, তখন আর সুরের অন্ত কোনো বন্ধনকে বন্ধন মনে হয় না। ইহাতেই পরিপূর্ণ ব্রহ্মরস, সাধক ইহা পান করিয়াই তৃপ্ত।

ঔকার সবদ হইতেই বিধাতা করিতেছেন সব সৃষ্টি। এখনও সকল ঘটে চলিয়াছে তাঁর সঙ্গীত। যে ঘট এই সঙ্গীত হইতে ভ্রষ্ট সে বিশ্বসঙ্গীতের বাধা। তাই প্রত্যেকের সাধনা চাই।

সাধু নিতাই এই সবদে থাকেন যুক্ত। ইহাতেই তিনি নিজেকে ও পরকে রাখেন জাগাইয়া। এই "সবদ" হইতে ভ্রষ্ট হইলেই সাধনা হইয়া যায় ভ্রষ্ট। এই সবদকে বাণ করিয়াই সাধুরা সাধকের হৃদয় বিদ্ধ করেন, এই আঘাত যার লাগে সে যায় তরিয়া। এই সবদ যার লাগে তার বড় বাধা। এই সবদ অগ্নিযম, বীর সাধক আপনাকে স্বেচ্ছায় সেই অগ্নিতে সমর্পণ করেন, কাপুরুষ যে সে পালায়।

এই সবদেই ভাগবত আনন্দ। এই সবদই সকল ভ্রমতিমিরনাশী প্রদীপ। আদি অন্ত রসে রসময় এই সবদ। বিশ্বের সকল সাধকের ও সকল সাধনার রস এই সবদে, ইহা পান করিলেই হইল বিশ্বরস পান করা। ইহাই প্রেমের বাণী, পঙ্কর গভীর তল হইতে অপ্রত্যাশিত কমল এই সবদের প্রেমবাণীতে আসে বাহির হইয়া। এই সবদই ব্রহ্মবাণী। ইহা জানিলে ব্রহ্মানুভূতি যা প্রত্যক্ষ হইয়া। অসংখ্য বন্ধন ও সীমা সত্ত্বেও সঙ্গীতের অসীমানন্দ প্রত্যক্ষ দেখিলে জীবনের সীমার মধ্যও অসীম ব্রহ্মানুভব সহজ হইয়া আসে।

**জগৎসংসার ব্রহ্ম-সবদের সুরে
তানে :**

সবদেই বংখ্যা সব রহৈ সবদেই হী সব জাই।
সবদেই হী সব উপজৈ সবদেই সবে সমাই ॥
সবদেই হী সচু পাইয়ে সবদেই হী সংতোখ।
সবদেই হী অস্থির ভয়া সবদেই ভাগা শোক ॥
সবদেই হী সূখিম ভয়া সবদেই সহজ সমান।
সবদেই হী নিরঞ্জন মিলৈ সবদেই নিরমল জ্ঞান ॥

সবদেই হী মুকতা ভয়া সবদেই সময়ে প্রাণ ।

সবদেই হী সূয়ে সবে সবদেই সুরয়ে জান ॥

সবদ সরোবর সুভর ভয়া হরি জল নিখল নীর ।

দাদু পীরে প্রীতিসৌ তিন কে অখিল সরীর ॥

“সবদেই (সঙ্গীতেই) বাধা হইয়া আছে সব (বিশ্ব), সবদেই সব যায় ; সবদেই হইতেছে সব উৎপন্ন, সবদেই আছে সব সামাইয়া (ভিতরে আছে ভরপুর রূপে সমাহিত) ।

সবদেই পাওয়া যায় সত্য, সবদেই সন্তোষ, সবদেই হইয়াছে স্থিরতা, সবদেই পালাইয়াছে শোক ।

সবদেই (স্থূলতা দূর হইয়া) হইয়াছে সূক্ষ্ম, সবদেই সহজ সমাহিত (ভরপুর বিরাজিত), সবদেই মেলেন গুণাতীত, সবদেই মেলে নিখল জ্ঞান ।

সবদেই হইল মুক্ত, সবদেই সময়ে (সম্যক বোধ, জ্ঞান পায়) প্রাণ, সবদেই সব হয় প্রত্যক্ষ ; সবদেই জ্ঞান প্রাণ সকল বন্ধন হইতে হয় মুক্ত ।

সবদ সরোবর কূলে কূলে ভরপুর, হরি জল তাহাতে নিখল নীর । হে দাদু, যাহারা প্রীতির সঞ্চিত সেই জল পান করেন, তাহাদেরই অখিল শরীর ।”

ওঁকারই সর্ব শব্দের মূলনীতি, ওঁকার হইতেই সৃষ্টি :

পহলী কীয়া আপথৈ* উতপতি ওঁকার ।

ওঁকার হী থৈ* উপজৈ পংচ তন্ত আকার ॥

এক সবদ সব কুছ কিয়া ঐসা সমরথ সোই ।

আগৈ* পীছৈ* তৌ করৈ জে বলহীনা হোই ॥*

নিরংজন নিরাকার হৈ ওঁকার হী আকার ।

দাদু সব রংগ রূপ সব সব বিধি সব বিস্তার ॥

আদি সবদ ওঁকার হৈ বোলৈ সব ঘট মাছি* ।

দাদু মায়া বিস্তরী পরম তন্ত যছ নাছি* ॥

* উপক্রমণিকাতে আকবরের সঙ্গে সংবাদে এই বাণীটির কথা বলা হইয়াছে

এক সবদ সৌ উনরৈ বরসন লাগৈ আই ।

এক সবদ সৌ বীখরৈ আপ আপকৌ জাই ॥

“প্রথমে তিনি আপনা হইতে উৎপত্তি করিলেন ঔকার, এবং ঔকার হইতেই উপজিতেছে পঞ্চতন্ত্র ও সকল আকার ।

এক সবদেই সব কিছু করিলেন (যুগপৎ সৃষ্টি) এমন সমর্থ তিনি, আগে পিছে করিয়া সে করে সৃষ্টি যাহার সেই সামর্থ্য নাই ।

নিরঞ্জন হইলেন নিরাকার, ঔকারই হইল আকার । হে দাদু, সকল রূপ সকল রূপ সকল বিধি বিস্তার (সেই এক ঔকার বীজ হইতেই) ।

আদি শব্দ হইল ঔকার, সকল ঘটেই ধ্বনিতোছে সেই ঔকার, হে দাদু, এই যে বিস্তারযুক্ত মায়া, পরম তত্ত্ব ইহা নহে ।

এক সবদেই মেঘ কেন্দ্রীভূত জমাট হইয়া ঘনাইয়া আসে, আর আসিয়া লাগে বর্ষিতে । আবার এক সবদেই সব ছিন্ন ভিন্ন হইয়া যায় ছড়াইয়া, (সব কিছু) আপন আপন দিকে যায় চলিয়া ।”

সাধ সবদ সৌ মিলি রহৈ মন রাঠৈ বিলমাই ।

সাধ সবদ বিন কোঁয়া রহৈ তবহী বীখরি জাই ॥

সবদ বাণ গুর সাধকে দূরি দিসস্তুর জাই ।

জিহি লাগে সো উবরৈ সূতে লিয়ে জগাই ॥

সবদ জরৈ সো মিলি রহৈ একরস পূরা ।

কাইর ভাগৈ জীর লে পগ মাঁডৈ সূরা ॥

সবদৌ মাঠেঁ রামধন সাধু সবদ সুনাই ।

জানৌ কর দীপক দিয়া ভরম তিমর সব জাই ॥

সবদৌ মাঠেঁ রামরস সাধৌ ভরি দিয়া ।

আদি অংত সব সংত মিলি য়েঁ দাদু পিয়া ॥

দাদুবানী প্রেমকী কমল হোই বিকাস ।

দাদুবানী ব্রহ্মকী অনভয় ঘটি পরকাস ॥

“সাধু সবদের সাথেই রহেন মিলিয়া ও (আপন) মনকে রাখেন তাহাতে

যুক্ত করিয়া ! সাধু সবদ বিনা কেন থাকিবেন ? তাহা হইলেই যে সব যোগ যাইবে নষ্ট হইয়া । সব বাইবে ছিন্ন বিচ্ছিন্ন হইয়া ।

শুক্র 'ও সাধুর এই সবদ বাণই ষায় দূর দিগন্তরে (বা দেশান্তরে), (এই বাণ) যাহাকে লাগে সে-ই উদ্ধার পায়, নিস্ত্রিতকে ইহাই লয় আগাইয়া ।

এই সবদ জ্বলিতেছে. যদি ইহার সঙ্গে মিলিয়া থাকিতে পারে, তবেই হয় পরিপূর্ণ একরস । যে কাপুরুষ সে পালায় তার প্রাণ লইয়া, যে বীর সে-ই আগে রাখে চরণ ।

সবদের মাঝেই রামধন, সাধু শোনায়ে সেই সবদ ; মনে কর যে তিনি হাতে দিলেন প্রদীপ, সব ভ্রম তিমির গেল দূর হইয়া ।

সবদের মধ্যেই রামরস, সাধুজন ইহা দিয়াছেন ভরিয়া । আদি অন্ত সব সন্ত (সাধু) মিলিয়া এমন করিয়াই হে দাদু, সেই রস করিয়াছে পান ।

হে দাদু এই প্রেমের যে বাণী তাহাতে কমল হয় বিকশিত, হে দাদু, এই ব্রহ্মের যে বাণী তাহাতে জীবনে (ঘাটে, অন্তরে) অমৃতব (ভগবৎস্বরূপ প্রত্যক্ষের আনন্দ) হয় প্রকাশ ।”

চতুর্থ প্রকরণ—সাধনা ।

প্রথম অঙ্ক—ভেদ অঙ্ক :

সাধনার মধ্যে ১৪টি অঙ্ক আছে । তার মধ্যে ৭টি অঙ্ক হইল সাধকের “বিঘন” বা বাধা ; তাহা ক্রমে পরিহার করিতে হইবে । এবং ৭টি অঙ্ক হইল “সহারা” বা সহায়ক ; তাহা ক্রমে জীবনে সত্য করিয়া তুলিতে হইবে ।

ভগবানকে উপলব্ধি করিতে যাইবার পথে যে সাতটি “বিঘন” বা বাধা সাধনার ক্ষেত্রে সাধক পান, তাহা এই,—(১) “ভেষ” (ভেখ, বাহু সাজ সজ্জার বাধা), (২) “মন” (ভিতরে কল্পনা ও মিথ্যা সৃষ্টির বাধা), (৩) “মায়া” (অসত্যের বাধা), (৪) “স্বপ্ন জন্ম” (অস্তরের চঞ্চলতার বাধা), (৫) “উপজ” (অহম্ উপস্থির বাধা), (৬) “নিরপ্তিয়া” (সাধকের নিজ অযোগ্যতার বাধা), (৭) “হৈরান” (অভিজুত হইয়া শক্তি হারাইয়া ফেলার বাধা) ।

এই প্রত্যেকটির বাধার সঙ্গে সঙ্গে সেই সেই বাধার প্রতিকারও দেওয়া আছে । সকল স্থলেই দাদু বাধা এড়াইবার জন্য ভগবানের রূপা ও সহায়তা প্রার্থনা করিয়াছেন ।

এই ৭টি বাধার অঙ্কের পর ৭টি “সহারা” বা সহায়ক অঙ্ক : (১) “বিনতি” (প্রার্থনা), (২) “বিশ্বাস”, (৩) “মধ্য” (পক্ষপাতহীনতা), (৪) “সারগ্রাহী”, (৫) “স্মিরণ” (স্মরণ বা জপ), (৬) “লয়” (প্রেমের যোগে ভগবানে আপনাকে বিলীন করা), (৭) “সজীবন” (জীবন দিয়া জীবন্ত সাধনা) ।

কবীরের প্রবর্তিত সাধনার প্রণালীই অনেক পরিমাণে দাদু গ্রহণ করিয়াছেন । তবে দাদুর মধ্যে সেবা ও ভগবানের দয়াতে নির্ভরের ভাব বেশী । এই সাধন প্রণালীতে দাদুর নিজস্বও যথেষ্ট আছে । ইহাদের মধ্যে তান্ত্রিক যোগী ও সূফীদের মত দেহতত্ত্বেরও সাধনা আছে । তাহা লিখিয়া বুঝান কঠিন, শুরুমুখেই তার পরিচয় হইলে ভাল হয় । যদি সম্ভব হয় তবে

ভবিষ্যতে কোনো স্বযোগে সেই সাধনা সম্বন্ধে কিছু লেখা বাইবে। দাদু-সম্প্রদায়ের যোগগ্রন্থগুলি লইয়া কাজ করিলে এ সম্বন্ধে একটু বিশদ করিয়া বলার স্বযোগ হইবে

যাহাকে বাংলাতে বলি ভেখ, হিন্দীতে তাহাকেই অনেক সময়ে বলা হয় “ভেষ”। “ভেষ” অর্থ বেশ অর্থাৎ সজ্জা।

বাহিরের সাজসজ্জাতে লাভ নাই, তাঁর সঙ্গে প্রেমের যোগ চাই। পৃথিবীতে জ্ঞানী পণ্ডিত বহুত বহুত আছে, প্রেমে সদা ভগবানের সঙ্গে যুক্ত সাধকই দুর্লভ। বাহু আধারের তো কেহ আদর করে না। তার মধ্যে যে বস্তু আধেয়, আদর তাহারই। ভিতরে যদি সত্য থাকে প্রেম থাকে তবেই ধন্য, নহিলে হাজার বাহু সজ্জা থাকিলেই বা লাভ কি? সংসারের ডাল পাতা ত্যাগ করিয়া যে সাধক চলিয়াছে সর্বমূল ভগবানকে পাইতে, সে আবার কি ভেগ দেখাইবে? হরিভক্তনের প্রধান সাধনাই হইল “আপনাকে” মিটাইয়া ফেলা, ভেখ দিয়া কি আবার সেট “আপনাকেই” দেখাইতে হইবে জাঁকাইয়া?

তখনকার দিনে তথাকথিত নীচজাতীর লোকেরা সম্প্রদায়ী সন্ন্যাসী হইতে বা ভেখ ধারণ করিতে বা স্বামী উপাধি লইতে পারিতেন না। তাঁরা সাধুমাত্র হইতে পারিতেন। দাদু বলেন, ভেখধারী স্বামী হইয়া লাভ কি? ভেখধারী স্বামীর পূজা পান এবং পূজা চান। পূজা লইয়া হইবে কি? হরিকে পাইলেই সব পাওয়া হইল। তাঁহাকে না পাইলে জগতের সব ঐশ্বর্য পাইলেও কিছুই পাওয়া হইল না।

কোনো সৌভাগ্যবতী নারী হয়তো আপন প্রিয়তমের ও স্বামীর দেখা পাইয়া সীমন্তে সিন্দূর দিয়া শঙ্খ, বস্ত্র, আভরণ পরিলেন। যে সেই স্বামীর দেখা না পাইয়াই কেবল বাহু সিন্দূর ও শঙ্খ বস্ত্রের আড়ম্বরে নিজেকে ভূষিত করিয়া আপনাকে কৃতার্থ মনে করিল সে পাগল, তাকে সবাই পাগল বলে। যে ভগবানের দেখা পাইয়াছে তার বাহু ধারণধারণ তার বেশবাস মাত্র যদি আমি ধারণ করি তবে আমাকে পাগল না বলিবে কেন? অথচ ইহাই তো ভেখ।

এই সব ভেখ দেখাইয়া, সাজসজ্জায় আড়ম্বরে পৃথিবীর লোকের চোখে ধূলা দিতে পার কিন্তু ভগবানের কাছে এসব চালাকি চলে না। হৃদয়ের সত্য

প্রেম নিয়াই তাঁর প্রেম মেলে। অস্বর্ধ্যামী অস্বরের সভ্য বস্তুই দেখেন,
বাহিরের মিথ্যা সজ্জায় ভোলেন না।

বস্তুই সান্ন, পাত্র সান্ন নহে :

দাদু বুড়ি জ্ঞান সব চতুরাই জলি জাই।
অঞ্জন মঞ্জন কঁকি দে রহৈ রাম লর লাই ॥
রাম বিনা সব ফীকে লাগৈ করণী কথনী গিয়ান।
সকল অবিরথা কোট করি দাদু জোগ ধিয়ান ॥
জ্ঞানী পণ্ডিত বহুত হৈ দাতা সুর অনেক।
দাদু ভেখ অনন্ত হৈ লাগি রছা সো এক ॥
কোরা কলস অরাহকা উপরি চিত্র অনেক।
কা কীজৈ সো বস্তু বিন ঐসে নানা ভেখ ॥
বাহরি দাদু ভেখ বিনা ভীতরি বস্তু অগাধ।
সো লে হিরদৈ রাখিয়ে দাদু সনমুখ সাধ ॥
দাদু দেখৈ বস্তু কো বাসন দেখৈ নাহিঁ।
দাদু ভীতরি ভরি ধর্যা সো মেরে মন মাঁহি ॥
জে তুঁ সমঝৈ তো কহুঁ সাচা এক অলেখ।
ডাল পান তজি মূল গহি কা দিখলারৈ ভেখ ॥
সব দিখলারৈ আপকুঁ নানা ভেখ বনাই।
আপা মেটন হরি ভজন তিহিঁ দিসি কোঙ্গি ন জাই ॥
সো দসা কতহুঁ রহী জিহিঁ দিসি পছঁচে সাধ।
মৈ তৈ মুরখ গহি রহে লোভ বড়াঙ্গি বাদ ॥

“সব জ্ঞান যায় ডুবিয়া, সব চতুরতা যায় জলিয়া ; হে দাদু, অঞ্জন মঞ্জন
(বাহিরের সজ্জা চন্দন ফোটা তিলকাদি) দে উড়াইয়া, ভগবানের সঙ্গে
প্রেমের যোগে থাক লাগিয়া।

হে দাদু, তাঁহাকে ছাড়া ক্রিয়াকর্ম (করণী), কথন ব্যাখ্যান (কথনী),

জ্ঞান, যোগ, ধ্যান, কোটি করিলেও সবই বৃথা ; ভগবান বিনা এই সবই লাগে নীরস ।

জ্ঞানী পণ্ডিত আছেন বহুত, দাতা শূর ও অনেক ; ভেদও আছে অনন্ত, হে দাদু, ঐকান্তিকভাবে তাঁহাতে লাগিয়া থাকে এমন হয়তো ক্চিৎ কেহ একজন মেলে ।

কুস্তকারের পোয়ানের কোরা (নৃতন নিষ্কলক) কলস, তার উপরে অনেক চিত্র ; (তেমনি সূচচ্চিত এই মানবদেহ) ; কিন্তু সেই (আসল) বস্তু যদি ভিতরে না থাকে তবে (এমন কলস নিয়া) করিবে কি ? ঠিক এমনই হইয়াছে ভেদ ।

না-ই থাকিল বাহিরে ভেদ, হে দাদু, ভিতরে যদি থাকে অগাধ বস্তু ; তাঁহাকে নিয়া সকল সাধকের সমক্ষে বাধ হৃদয়ে (এইভাবে সাধনা যে করিতে পারে সে-ই তো প্রত্যক্ষ সাধু) ।

দাদু দেখিতে হয় বস্তুকে, বাসন তো দেখিতে নাই ; হে দাদু, ভিতরে যে বস্তু রহিয়াছে ভরিয়া তাহাই আমার মনের মধো (আমি তাহাকেই অস্তরের সহিত আকাজক্ষা করি) ।

যদি তুই বুঝিস্ তবে বলি সত্য এক অলেখ (অবর্ণনীয়), ডাল পাতা (সংসার) ত্যাগ করিয়া মূলই যদি গ্রহণ করিলি, তবে ভেদ আবার কি দেখাস্ ?

নানা ভেদ বানাইয়া সবাই বেড়ায় নিজেকে দেখাইয়া । আপনাকে মিটাইয়া ফেলাই (তাঁর মধো লয় করিয়া দেওয়া) হইল হরিভজন, সেই দিকে তো যায় না কেহই ।

যে দিশায় সাধক (তাঁর কাছে) পৌঁছায় সেইভাব (দশা)* বা রহিল কোথায় ! 'তুমি আমি' প্রভৃতি ভেদবুদ্ধি লইয়াই রহিল মূর্খের দল ; মোভ ও বড়াই অর্থাৎ গর্ক, মান, বড় হইবার মোহই সাধিয়াছে বাদ ।"

* আমাদের দেশের সাধকরা যাহাকে "দশা" বলেন সূফীরা তাহাকেই বলেন "হাল" । উভয়েরই অর্থ, "অবস্থা" । অর্থাৎ অস্তরের যে ভাব বা অবস্থা হইলে আর বাহ্য ভেদ জ্ঞানাদি থাকে না তাহাই সাধকের "হাল" বা "দশা" ।

শ্রেষ্ঠতার নির্ণয় সংখ্যায় নহে : স্বামী
নাম হইলেই সাধক হয় না :

স্বাংগী* সাধ বহু অংতরা জেতা ধরতি অকাস !

সাধু রাতা রামসেঁ স্বাংগী জগতকী আস ॥

স্বাংগী সব সংসার হৈ সাধু বিরলা কোই ।

জৈসে চন্দন বারনা বন বন কহীঁ ন হোই ॥

স্বাংগী সব সংসার হৈ সাধু কোই এক ।

হীরা দূর দিসংতরা কংকর ঔর অনেক ॥

স্বাংগী সব সংসার হৈ সাধু সমংদা পার ।

অনল পংখী কহঁ পাইয়ে পংখী কোটি হাজার ॥

দাদু চন্দন বন নহীঁ সুরণকে দল নাহিঁ ।

সকল সমংদি হীরা নহীঁ তেঁয়া সাধু জগ মাহিঁ ॥

“বাহিরের সাজসজ্জায় ভেগধারীতে ও সাধুতে বহু তফাৎ, যত তফাৎ ধরিডী ও আকাশে । সাধু অমুরক্ত আছেন ভগবানে, ভেগধারী (সম্প্রদায়ী প্রতিষ্ঠিত সন্ন্যাসী) ভরসা রাখেন জগতের উপর ।

সংসারের সর্বত্রই মেলে ভেগধারী স্বামী, সাধু মেলে কচিৎ কেহ ; যেমন চন্দনের চারা বনে বনে সর্বত্র কোথাও যায় না পাওয়া ।

সংসারে সর্বত্রই মেলে স্বামী, সাধু মেলে কচিৎ এক আধ জন ; হীরা মেলে দূর দূর দেশান্তরে, আর কঙ্কর মেলে অনেক ।

সংসারে সর্বত্রই মেলে ভেগধারী স্বামী, সাধু মেলে হয়তো এক সমুদ্র পার হইয়া একটি । পক্ষী আছে হাজার কোটি, কিন্তু অনলপক্ষী • • পাইবে কোথায় ?

* কেহ কেহ “স্বাংগী” স্থানে বলেন স্বামী । স্বাংগী অর্থ হটল বাহু ভেগধারী । স্বাংগ অর্থ বাহু সাজসজ্জা ।

• • অনলপক্ষী মাটি স্পর্শ করে না । বহু উচ্চে আকাশে ডিম পাড়ে । অতি উচ্চ হইতে পড়িতে পড়িতে ডিম ফুটিয়া বাচ্চা আকাশে উড়িয়া যায় । মাটিতে এই পাখী বসে না । কবীরেরও ঠিক এমনি বাণী আছে ।

হে দাদু চন্দনের তো বন নাই, শূরের দল নাই, সমুদ্র ভরিয়া হীরা নাই,
তেমনি জগতের মধ্যে সাধুও (কোনো দলে স্তূপাকার হইয়া নাই)।”

প্রেমে মেলেন ভগবান, ভেথে নন্দ :

জে সার্জিঁ কা হুঁরৈ রহৈ সার্জিঁ তিসকা হোই ।

দাদু দূজী বাত সব ভেখ ন পারৈ কোই ॥

মালা তিলকসুঁ কুছ নহীঁ কাহু সেতী কাম ।

অংতরি মেরে এক হৈ অহনিস উসকা নাম ॥

কবহুঁ কোঙ্গিঁ জিনি মিলৈ ভগত ভেখসুঁ জাই ।

জীর জনমকা নাস হৈ কহৈ অত্রিত বিখ খাই ॥

দেখা দেখী লোক সব নট জ্যুঁ কাছ্যা ভেখ ।

খবরি ন পারিঁ খোজ কী হম কো মিল্যা অলেখ ॥

“যে প্রভুর (আপনার জন) হইয়া রহে প্রভুও রহেন তাহার হইয়া ।
হে দাদু, ইহা ছাড়া আর যত কিছু সবই কথার কথা, ভেথে কেহই পার না
উাহাকে ।

মালা তিলকে আমার কিছুই কাজ নাই, আর কিছুতেই আমার নাই
কোনো কাজ ; আমার অস্তরে আছেন সেই এক, অহনিশি (চলিতেছে) তাঁর
নাম ।

ভেখ সহ চলিয়াছেন এমন ভগতের সঙ্গে কাহারও যেন কখনও না হয়
সমাগম । (ভেখ হইল) জীবন ও জনমের নাশ (অথবা মানবজন্মের নাশ) ;
(ভেখধারীরা) বলে অমৃত আর ধায় বিষ ।

দেখাদেখি লোক সব নটের (অভিনয়ের সং) মত পরিল ভেখ (বেশ),
(ভগবানের) খোজের সন্ধানও পাইল না, (অথচ কহিতে লাগিল) “অলেখ
আমাকে মিলিয়াছে” (“ভগবানকে পাইয়াছি”) ।”

**মিলনের সার্জিঁ কন্ডিলেই মিলন ঘটে
না :**

মায়া কারণ মূঁড মুড়িয়া যহ তো জোগ ন হোঙ্গিঁ ।

পারত্রক্ষ সুঁ পরচা নহীঁ কপটি ন সীথে কোই ॥

প্রেম প্রীতি ঔর নেহ বিন সব ঝুঠে সিংগার ।
 দাদু আতম রত নহী কুঁ মাইন ভরতার ॥
 পীর ন পারৈ বাররী রচি রচি কঁরৈ সিংগার ।
 দাদু ফিরি ফিরি জগতসেঁ পীর সমংদা পার ॥
 জগ দিখলাই বাররী ষোড়শ কঁরৈ সিংগার ।
 তহঁ ন সঁরারৈ আপকুঁ জহঁ ভীতরি ভরতার ॥
 জোগী জংগম সেবড়ে বোধ সন্ধ্যাসী সেখ ।
 ষট্ দরসন দাদু রাম বিন সবৈ কপট কে ভেখ । *

“মায়ার বশে মুড়াইল মাথা, এ তো আর যোগ নয় ; পরব্রহ্মের সহিত
 নাই পরিচয়, (সেখানে) কপটে কিছুই তো সিক হয় না (কপটতা সেখানে
 চলে না) ।

প্রেম প্রীতি ও অহুরাগ বিনা সব সাজ সজ্জাই মিছা, হে দাদু, আত্মা
 যদি প্রেমে রত না হয় তবে কেন মানিবেন স্বামী ? (“মাননা” অর্থ
 রাজী হওয়া, গ্রহণ করা, মিলিত হওয়া, শ্রদ্ধা করা, স্বীকার করা, বিশ্বাস করা,
 কবুল করা, সম্মত হওয়া, ইত্যাদি) ।

প্রিয়তমকে পাইল না পাগলী, কেবল রচিয়া রচিয়া (কৃত্রিম ও বুঠা
 বানাটয়া) করিতেছে সাজসজ্জা ! হে দাদু, ফিরিয়া ফিরিয়া বেড়ায় সে
 জগতের সাথে সাথে, অথচ প্রিয়তম রহিলেন সমুদ্রের পার !

বোল রকমের (পুরাপুরি নিখুঁতভাবে) সাজসজ্জা করিয়া পাগলী
 ফিরিতেছে সংসারকে দেখাটয়া ! অস্তুরে যেখানে স্বামী (মিলিবেন), সেখানে
 তো আপনাকে সাজাইয়া করিতেছে না সুন্দর !

যোগী, কাম (শৈবপন্থী সাধু, শিবলিঙ্গ লইয়া ইহার) চরণে পদা
 (বৈষ্ণব সাধু) বোধ-সন্ধ্যাসী, মুসলমান-সাধু, ষট্ দরশন, ইহার) সবাই
 ভগবান বিনা শুধু কপটের ভেখমাত্র ।”

যোগ অস্তুরে :

সব দেখেই অস্থূল কোঁ য়ছ ঐসা আকার ।
 সূখিম সহজ ন সূখস্ট নিরাকার নিরধার ॥
 বাহরকা সব দেখিয়ে ভীতরি লখ্যা ন জাই ।
 বাহরি দিখার। লোককা ভীতরি রাম দিখাই ॥ * *
 সচু বিন সাজে না মিলে ভারে ভেখ বনাই
 ভারে কররত উরধমুখী ভারে তীরথ জাই ॥
 ঝুঠা রাতা ঝুঠ সৌ সাচা রাতা সাচ ।†
 এতা অংধ ন জানহী কই কঁচন কই কাচ ॥
 হিরদৈকী হরি লেইগা অংতরজামী রাই ।
 সাচ পিয়ারা রামকুঁ কোটিক করি দিখলাই ॥

“সবাই দেখে স্থূলকে যে ইহা এমন আকার ; সূক্ষ্ম সহজ তো যায় না দেখা, যে নিরাকার নিরাদার ।

বাহিরের সবই দেখে সবাই, অস্তুরের বস্তু তো যায় না দেখা ; বাহিরে দেখান হইল লোকের জ্ঞান, ভিতর দেখা হইল রামকে ।

সত্য বিনা স্বামী মেলেন না, চাই ভেখই বানাও, চাই করপত্রেরই আপনাকে বিখণ্ডিত কর, চাই উর্ধ্বমুখীই হও, চাই তীর্থেই ভ্রমিয়া বেড়াও । ‡

যে ঝুঠা সে ঝুঠাতেই অমুরক্ত, যে সাচ্চা সে সাচ্চারই অমুরক্ত । হায় অস্তুরা এইটুকুও জানে না যে কোথায় কাঞ্চন আর কোথায় কাচ !

হৃদয়ের ভাবই হরি করিবেন গ্রহণ, তিনি অস্তুর্যামী স্বামী । সাচ্চাই হইল রামের প্রিয়, চাই কোটি রকম করিয়াই ভেখ দেখাও ।”

পাঠকগণের নিকট ।

† দ্রষ্টব্য—“সাচ” অর্থ ।

‡ তখনকার দিনে ধর্মের অস্তুর ঐকান্তিক ব্যগ্রতায় কেহ কেহ কাশীতে গিয়া করাত দিয়া আপনাকে বিখণ্ডিত করাইয়া প্রাণ দিতেন । ভাবিতেন এইরূপ কৃচ্ছ করিলেই জীবনের সাধনা পূর্ণ হইবে ।

অলেখ-পন্থীর উপযুক্ত মালা উপযুক্ত
সাজ কি ?

সবদ সূত্র সুরতি ধাণা কায়া কন্থা লাই ।

দাদু জোগী জুগ জুগ পহিরে কবহুঁ কাটি ন জাই ॥

জ্ঞান গুরুকা গুদড়ী সবদ গুরুকা ভেখ ।

অতীত হমারী আতমা দাদু পংথ অলেখ ॥

“হে দাদু, “সবদ” (সঙ্গীত) হইল সূচ, প্রেম ধ্যান হইল সূতা, এই কাষাকেই করিলাম কন্থা, যোগী যুগ যুগ এই কন্থাই করেন পরিধান, ইহা কখনও ছিন্ন হইবার নহে ।

জ্ঞানই হইল গুরু (দেওয়া) কাথা, “সবদট” (সঙ্গীত) গুরু ভেখ, আমার আত্মা হইল অতিথি (সন্ন্যাসী), হে দাদু, পন্থ আমার অলেখ ।”

চতুর্থ প্রকরণ—“সাধনা”

দ্বিতীয় (বাথান) অঙ্ক, “মন” অঙ্ক

কবীর হইতে আরম্ভ করিয়া মধ্যযুগের সকল সাধকই মনকে সাধনার প্রধান বাধা বলিয়াছেন। মনকে যদি ভূত্যের মত চালাইয়া লওয়া যায় তবে সে বেশ কাজ করে, কিন্তু একটু অসামাল হইলেই, একটু প্রশ্রয় পাইলেই সর্বনাশ। সে প্রভুর আসন দখল করিয়া বসিতে চায়। মন চমৎকার সেবক, তাহাকে প্রভু করিলেই সর্বনাশ। কবীরের পূর্বেও মনের এই দুর্বৃত্তপনা সাধকদের জানা ছিল।

মন হইল সীমায়ুক্ত, ক্ষুদ্র। অসীমের আসনে সে কি করিয়া বসিবে? কাজেই তখন সে কল্পনার দ্বারা ক্রমাগত হয় আপনাকে আবর্তিত করিতে থাকে নম্রতো। বার বার রূপ বদলায় নম্রতো আপনাকে গুণিত ও ক্ষীণ করিতে থাকে। এইখানেই সাধকের নিরন্তর অবধান চাই। মনের এই চাতুরী যদি ধরিতে না পারে তবে সাধকের সর্বনাশ। কবীরও বলিয়াছেন “মনকে আঘাত করিয়া নিজ স্থানে রাখ। তাহাকে আপন স্থান ছাড়িয়া উচ্চ আসন অধিকার করিতে দিলেই সাধক মরিবে।” “মনকে মারিয়া হটাইয়া দাও।” ইত্যাদি।

দাদুর মতও প্রায় তাই। তিনি বলেন, “মনকে এই ঘটের মধ্যেই রাখ ঘিরিয়া। এই ঘটের মধ্যেই সে তার কাজ করুক। যদি মন নিজ আসন ছাড়িয়া উঠিতে চায় তবে তাহাকে আবার নিজ স্থানে দেও হটাইয়া। যে মনকে একটুও বিচলিত হইতে না দেয়, বীর হইল সেই। যে মনের আশ্রয় জানে ও পঞ্চেন্দ্রিয়ের সঙ্গে মনকে নিজ স্থানে নিযুক্ত রাখিতে পারে, সে আগম নিগম সবই আয়ত্ত করিতে পারে।”

মন যতক্ষণ স্থির না হয় ততক্ষণ ব্রহ্মপরশ হয় না। মনকে বশ করিবার সব উপায় যখন হারান হয় তখনও মনকে প্রেম দিয়া বশ করা যায়। মনও আবার যখন আপন চঞ্চলতায় প্রাস্ত হয় তখন চায় আশ্রয় পাইয়া স্থির হইতে; সমুদ্রে জাহাজের সঙ্গে চলিতে চলিতে প্রাস্ত কাক আসিয়া যেমন জাহাজে

বসিতে চায়। মন যেন কাগজের ঘুড়ি, শুধু হইলে উড়ে আকাশে, কিন্তু প্রেমভলে ভিজিয়া আসে নামিয়া। প্রেমভলে ভিজিলে এই মন আর কোথাও দৌড়াইয়া যায় না।

মনের দাসত্ব করিয়া এই জীবন ব্যর্থ করিলাম, ভগবান বাতে প্রসন্ন হন এমন তো কিছুই করি নাই, এট সংসারে আমার আসাই ব্যর্থ হইল। স্বামীর আজ্ঞা অগ্রাহ্য করিয়া দাস মনেরই করিলাম সেবা, স্বামীর কাছে এখন কোন লক্ষ্য দেখান যায় মুখ? স্বামীর সেবার আয়োজন যখন অন্তের সেবায় লাগাইলাম তখন সব জীবনই হইল ব্যর্থ? তখন এই জগতে আসিয়া যে খাওয়া দাওয়া সবই হইল ব্যর্থ বিলাসিতা, কারণ তখন যে আত্ম-সাধনা আত্ম-গৌরব হইতে ভ্রষ্ট হওয়ায় স্বাভাবিক সব অধিকার হারাইলাম। অল্পকে আর উপদেশ দিব কি, নিজেরই হইল না সাধনা। যদি তাঁর শরণ পাই তবেই মন স্থির হইবে, শাস্ত হইবে। সমুদ্রের মাঝে থাকিয়াও ঝিলুক যেমন লবণাক্ত জল পান করে না, তাই তার অক্ষরে হয় মুক্ত; আশিও যদি সংসারে থাকিয়া এই সংসারাতীত স্বধারস পান করি তবে অক্ষরে মুক্ত (মুক্তি অর্থে) লাভ করিব।

সকল দারিদ্র্য ভঞ্জন হইবে প্রেমে। ইন্দ্রিয়ের বশ হইয়া মন কাঙ্গাল হইয়া জীব জন্তু সবার কাছে বেড়ায় যাচিয়া। মন যদি বশ করি তবে এই কাঙ্গালপনা দূর হয়। অগ্নি ছাড়িয়া ধূম যেমন দশ দিকে ছড়াইয়া শেষ হইয়া যায় তেমনি ভগবান হইতে বিমুক্ত মন আপনাকে দশ দিকে ফেলে হারাইয়া।

মনের মধ্যে আমার বড় বেদনা। যত চেষ্টাই করি ভগবানের সঙ্গে ছাড়িয়া দশ দিকে মন কেবল দৌড়ায়। বৃথা অনেক বকিলে মন যায় বায়ুভূত হইয়া। সহজ হইয়া থাকিতে চাই। মন তো ধুইতে পারি না, কেবল দেহটাকেই জল দিয়া ধুইয়া ধুইয়া মারি। মন যদি নির্মল হইত তবে হরি রঞ্জে মন অনুরক্ত হইত। ধ্যান করিয়াও লাভ নাই, কারণ তাড়া হইলে বকেরা সবাই মুক্তিলাভ করিত। দেহের মলিনতা কত ধুইবে? দেহের ধ্বংস এই যে মলিন ধারা শত দিক দিয়া চলিবে। আচারেই বা ফল কি? আত্মাই যখন তনুমন ইন্দ্রিয় সহবাস করেন তখন ব্রাহ্মণ দেখিতেছি শূত্র সন্ধিনীকে লইয়া করেন ঘর। আচার তবে থাকে কোথায়? স্বামীর সঙ্গে যুক্ত হইয়া "দিল দখিয়াতে" ধুইতে পারিলেই যায় মলিনতা।

মনের এই চপলতাই স্বপ্ন দেখা। নিশ্চল যোগ যদি হয় তবেই সব স্বপ্ন হয় দূর। বাহিরের যা কিছু দেখি যা কিছু ভালবাসি সবই একের পর একে চিন্তের মধ্যে যায় ও মনকে চঞ্চল করিয়া তোলে।

প্রেমেতেও নিত্য নূতন সৃষ্টি কিন্তু তাহা স্বপ্নের মত অলীক চঞ্চল নয়, যদিও তাহা নিত্য নূতন। প্রেম তাহাকে জীবন্ত করিয়াছে, প্রেম তাহাকে সত্য দিয়াছে। প্রেমরস ধারাতে সিক্ত হইয়া সে নিত্য সবুজ হইয়া আছে। যদি প্রেমরস না থাকে তবেই সব শুষ্ক হইয়া যায়। মনে যদি প্রেম না থাকে তবে কায়াতে যৌনন থাকিলেও মন জীর্ণ বৃড়া হইয়া যায়। যেখানে বাহার প্রেম সেখানে তাহার বিশ্রাম, সেখানেই তার নিত্যানন্দ। যেখানে প্রেম সেখানেই যোগ। যেখানে প্রেম নাই সেখানে কোনো যোগই নাই। সীমা অসীম যেখানেই প্রেম কর সেখানেই তোমার যোগ, সেখানেই তোমার আনন্দ, সেখানেই তোমার সব ক্লান্তির অবসান।

সাধনাতে সবারই পদস্থলন হয়, অনাবধান হইলেই পা পিচলায়। সবারই মন মাঝে মাঝে আসে নাবিদ্যা। মোমিন গীর সাধু পীর সবাইকেই মন মাঝে মাঝে মারে। ভয় পাইয়াও সাধনায় অগ্রসর হও, আহত মন আবার জীবন্ত হইয়া উঠিবে। সব সাধকেরই তাই হয়।

মনের বিপদ যে সে পূজা সম্মান পাইলে বড় আনন্দে সেখানে মরিতে যায়। সে তখন ভগবানকেও ছাড়িতে পারে। এইখানে সাধককে বিশেষ সাবধান হইতে হইবে। এই আদর সম্মানের কাছে বহু সাধক প্রাণ দিচ্ছিলেন। মগন ভগবান হইতে আমার স্বতন্ত্র ঘর স্বতন্ত্র স্থিতি ঘুচিবে তখনই এই ভয় ঘুচিবে। তখন ভয়ের মধ্যেই গিঘা বসিতে পারিব। তিনিই আমার অভয় ধাম। তিনি সকল ইন্দ্রিয়ের ইন্দ্রিয়। সেখানে নত হইল সব জীবন হয় নত। সেখানে বাণী পাইলে সকল জীবন কয় কথা, সেখানে দেখিলে সেখানে শুনিলে সকল জীবন দেখে ও শোনে।

মনেই মরণ আবার মন দিয়াই জীবন লাভের সাধনা। মনই জ্যোতি মনই তেজ। যদি মনকে সাধনায় লাগাইতে জানি তবে মন দিয়াই মন হয় স্থির, মন দিয়াই হয় যোগ লাভ।

মনকে বশ কর :

যহ্ন মন বরজী বাররে ঘটমৈ রাখী ঘেরি ।
 মন হস্তী মাতা বহৈ অংকুস দে দে ফেরি ॥
 জহ্না থৈ মন উঠি চলৈ ফেরি তহ্নাহী রাখী ।
 তহ্ন দাদু লর লীন করি সাধু কহৈ গুরু সাখী ॥
 সোই শূর জে মন গহৈ নিমিখ ন চলনে দেই ।
 জবহী দাদু পগ ভরৈ তবহী পকড়ি লেই ॥
 জেতী লহরি সমংদকী মনহ মনোরথ মারি ।
 বৈসৈ সব সংতোখ করি গতি আতম এক বিচারি ॥
 দাদু জব মুখ মহ বোলতা শ্রবণহ্ন শুনতা আই ।
 নৈনহ্ন মই সো দেখতা সো অংতরি উরঝাই ॥
 মনকা আসন জে জির জানৈ ঠৌর ঠৌর সব শূরৈ ।
 পংচৌ আনি এক ঘরি রাঠৈ অগম নিগম সব বুরৈ ॥

“এই মনকে থামা, গুরে পাগল, ঘটের মধ্যেই একে রাখ, ঘিরিছা, মন মস্ত হস্তী চলিয়াছে ধাইয়া, অঙ্কুশ মারিয়া মারিছা তাহাকে আনু ফিরাইয়া ।

যেখান হইতে মন উঠিয়া চলে, ফিরাইয়া তাকে সেখানেই রাখ, হে দাদু, তাকে সেখানেই প্রেম যোগে কর লীন, গুরুসাক্ষী সাধু এই কথা বলেন ।

সে-ই শূর, মনকে যে রাগিতে পারে ধরিয়া, এক নিমেষ যে তাকে দেয় না চলিতে ; যখনই সে এক পা চলিতে হয় প্রবৃত্ত, হে দাদু, তখনি যে তাকে ফেলে ধরিয়া ।

সমুদ্রের বত লহর মনের তত খেয়াল ও কল্পনাকে (সেট শূর) মারিয়া এক আত্মবিচার গ্রহণ করিয়া সব সম্ভাষ করিয়া সে বসে ।

হে দাদু, যখন মন মুখে বলিতে শ্রবণে শুনিতে বা নয়নে দেখিতে প্রবৃত্ত হয় তখন তাহাকে অস্তরের মধ্যে রাখ, দৃঢ় বদ্ধ করিয়া ।

যে জন মনের ঠিক আসন জানে, (সব বস্তুকেই বার যার) ঠাইয়ে ঠাইয়ে সে দেখিতে পায়, সে পাঁচটি ইন্দ্রিয়কেই আনিয়া এক ঘরে রাখে এবং অগম নিগম সব তত্ত্বই পারে বুঝিতে ।”

প্রেমেই স্থিরতা পান্ন :

জব লগ যছ মন থির নহীঁ তব লগ পরস ন হোই ।
 দাদু মনরাঁ থির ভয়া সহজি মিলেগা সোই ॥
 জব অংতরি উরঝা। এক সোঁ তব থাকে সকল উপাই ।
 দাদু বেধ্যা প্রেমরস তব চলি কহীঁ ন জাই ॥
 কউরা বোহিত বৈসি করি মংঝি সমংদা জাই ।
 উড়ি উড়ি থাকা দেখি তব নিহচল বৈঠা আই ॥
 যছ মন কাগদকী গুড়ী উড়ি কর চটী অকাস ।
 দাদু ভীঁগৈ প্রেমজল তব আই রহৈ হম পাস ॥
 তব সুখ আনংদ আতমা জে মন থির মেরা হোই ।
 দাদু নিহচল রাম সোঁ জে করি জ্ঞানৈ কোই ॥
 মন নিরমল থির হোত হৈ রাম নাম আনংদ ।
 দাদু দরসন পাইরে পূরণ পরমানংদ ॥
 মন সুধ স্তাবত আপনা নিহচল হোরৈ হাথ ।
 তোঁ ইহাঁ হী আনংদ হৈ সদা নিরংজন সাথ ॥
 জোঁ জল পৈসৈ দুধমৈ জোঁ পানীমৈ লুণ ।
 ঐ সৈঁ আতম রাম সোঁ মন হঠ সাধৈ কুণ ॥

“যে পর্য্যন্ত মন না হয় স্থির সে পর্য্যন্ত (তাঁহার সঙ্গে) হয় নাই পরশ ।
 হে দাদু, মনটি যখন হইল স্থির, তখন সহজেই আসিয়া তিনি মিলিবেন ।
 যখন অস্তুর বাধা পড়িল সেই একের সঙ্গে, তখন সকল উপায় গেল হয়রান
 হইয়া ব্যর্থ হইয়া । হে দাদু, যখন প্রেমরসে হইল বিদ্ধ, তখন আর কোথাও
 যাইবে না চলিয়া ।

জাহাজে বসিয়া কাক চলিল মধ্যসমুদ্রে, উড়িয়া উড়িয়া ক্লাস্ত হইয়া পড়িল
 দেখিয়া আবার আসিয়া তখন বসিল তাহাতে নিশ্চল হইয়া ।

এই মন কাগজের ঘুড়ি, উড়িয়া চলিল আকাশে, হে দাদু, প্রেমরসে যখন
 ঘুড়ি ভিজিল, তখন আবার আসিয়া রহিল আমার কাছে ।

মন যদি আমার হয় স্থির, তবেই আত্মা সুধময় ও আনন্দময়। হে দাদু, ভগবানের সঙ্গে এই মনটিকে রহে নিশ্চল হইয়া, যদি কেহ জানে সেই সাধনা।

মন যদি নিশ্চল ও স্থির হয় তবেই ভগবানের নামে হয় আনন্দ। হে দাদু, তবেই পাইবে দর্শন, তবেই পূর্ণ পরমানন্দ (অথবা, তবেই পূর্ণ-পরমানন্দের পাইবে দর্শন)।

তবেই মন হয় শুদ্ধ অখণ্ডিত ও আপন যদি সে হয় "নিশ্চল" শাস্ত্র ও করায়ত্ত ; তবে এখানেই নিরঞ্জনের নিত্য সাধনা, এখানেই নিত্যানন্দ।

জল যেমন তুখে হয় অল্পপ্রবিষ্ট, জলে যেমন তুলন হয় বিলীন, এমন করিয়া যদি রামের মধ্যে আত্মা হয় প্রবিষ্ট তবে মন আর করিতে পারে কোন্ হঠকারিতা ?

ব্যর্থ জনম :

সো কুছ হমথৈঁ না ভয়া জা পরি রীতৈঁ রাম ।

দাদু ইস সংসারমেঁ হম আয়ে বেকাম ॥

জা কারনি জগি জীজিয়ে সো পদ হিরদৈঁ নাহিঁ ।

দাদু হরিকী ভগতি বিন প্রিগ জীবন জগ মাহিঁ ॥

কীয়া মনকা ভারতা মেটা আগ্যাকার ।

কা লে মুখ দিখলাইয়ে দাদু উস ভরতার ॥

ইংজী স্বারথ সব কীয়া মন ম'গৈঁ সো দীনহ ।

জা কারনি জগি সিরজিয়া সো দাদু কছু ন কীনহ ॥

কীয়া থা ইস কাম কৌ সেরা কারনি সাজ ।

দাদু ভুলা বংদগী সর্যা ন একৌ কাজ ॥

দাদু বিঠে বিকার সৌ জব লগ মন রাতা ।

তব লগ চীতি ন আঠৈঁ ত্রিভুবনপতি দাতা ॥

দাদু সব কুছ বিলসতা খাটা পীতা হোই ।

দাদু মনকা ভারতা, কহি সমাঝারৈঁ কোই ॥

সে সব কিছুই আয়া হইতে হইল না (কিছুই করা হইল না) বাহাতে
হন তুট ও তুণ ; হে দাদু, এই সংসারে আমি কেবল বুধাই আসিলাম !

যে জন্ম জগতে বাঁচিয়া থাকা, সেই "মন" (বস্তু) নাই জন্মে ; হে দাদু, হরির ভক্তি বিনা দিক্ জীবন এই জগতের যুথো ।

মনেরই কেবল মন জোগাইলাম ("মনের ইষ্ট বা শ্রিয়ই সাধনা করিলাম" এই অর্থও হইতে পারে) ; (প্রভুর) আজ্ঞা করিলাম লজ্বন, ওরে দাদু, কেমন করিয়া মুখ দেখাইবি সেই স্বামীকে ?

ইন্দ্রিয় স্বার্থই করিয়াছি সব কিছু, মন যায়া চাহিয়াছে তাহাই তাহাকে দিয়াছি ; যে জন্ম আমার এই জগতের (মাঝে) হইল সৃষ্টি, আমি দাদু তাহার করিলাম না কিছুই ।

এই (তাঁর) কাজের জন্মই সেবার জন্মই করিয়াছিলাম সব সাজ ; সেই দাদু ভুলিল "বন্দগী" (ভক্তি, সেবা, প্রণতি), আর একটি কাজও তার হইল না সিদ্ধ ।

হে দাদু, বিষয়বিকারে যতদিন মন রহিয়াছে মন্ত ততদিন ত্রিভুবনপতি দাতা এই চিন্তে আসেনই না ।

(তাহার সেবার বিমুখ হইয়া) হে দাদু, যে কিছু বিলাস উপভোগ যে কিছু আহার বিহার সে সব যে এই মনেরই ইষ্টসাধনা একথা কে কহিয়া বুঝাইবে ?

সাচ্ছা উপদেশ চাই :

জো কুছ ভারে রামকৌ সো তত কহি সমঝাই ।

দাদু মনকা ভারতা সব কী কহৈ বনাই ॥

কা পরমোধৈ আনকো আপন বহিয়া জাত ।

ওরৌ কৌ অমিত কহৈ আপন হী বিষ খাত ॥

পংচৌ যে পরমোধি লে ইনহী" কৌ উপদেস ।

যছ মন অপনা হাধি করি তব তেরা সব দেস ॥

সহজ রূপ মনকা ভয়া হৈ হৈ মিটী তরংগ ।

তাতা সীতা সম ভয়া তব দাদু একৈ অংগ ॥

বহুরূপী মন তব লগৈ জব লগ মায়া রংগ ।

দাদু যছ মন ধির ভয়া অবিলাসী কে সংগ ॥

পাকা মন ডোঁলে নহী' নিহচল রহৈ সমাই ।

কাচা মন দহ দিসি ফিরৈ চংচল চছ' দিসি জাই ॥

সীপ সুধারস লে রহৈ পিরৈ ন খারা নীর ।

মাইহঁ মোতী উপজৈ দাদু বন্দ সরীর ॥

“হে দাদু, সকলের মনের পছন্দমত প্রিয়কথা সবাই বলে বানায়েয়া বানায়েয়া।
যাহা কিছু ভগবানের প্রিয় সেই তত্ত্ব বল বুঝিয়েয়া ।

কি প্রবোধ দিস্ অস্ত্রক, নিজেরটাই যাউতেছে বহিয়া ! অস্ত্র সবাইকে
বলিস অমৃত, নিজেরই কিন্তু খাস্ বিষ-।

এই পাঁচটিকে (আপন ইন্দ্রিয়কে) নে প্রবুদ্ধ করিয়া, ইন্দ্রাদিগকেই দে
উপদেশ, এই মনকে কর আপনার হাতে, তবে সব দেশই (সমস্ত পৃথিবী)
হইয়া যাইবে তো'র আপনার :*

যখন সহজরূপ হইয়া গেল মনের বৈজ্ঞানের সব তত্ত্ব গেল মিটিয়া, তপ্ত ও
শীতল হইয়া গেল সমান, তখন দাদু মন হইয়া গেল তাঁর সঙ্গে এক অঙ্গ ।

যতক্ষণ চলিয়াছে মায়ার রঙ্গ ততক্ষণই এই মন বহুরূপী ; হে দাদু,
অবিনাশীর সঙ্গলাভ ঘেট করিল এই মন তখনি (আপনা হইতেই) হইল
সে স্থির ।

পাকা মন করে না টলমল, সে ডুবিয়া রহে নিশ্চল হইয়া, কাঁচা মন দশদিকে
বেড়ায় ঘুরিয়া, চঞ্চল হইয়া ফেরে চতুর্দিকে ।

শক্তি সুধারস গ্রহণ করিয়াই রহে বাঁচিয়া, ক্ষার জল সে কখনই করে না
পান ; হে দাদু, তাই তো' তার শরীরের মাঝে উপজে মুক্তা ।”

ইন্দ্রিয়জন্মে ও প্রেমে দানিদ্ৰ্য তপ্তন :

বিনা প্রেম মন রংক হৈ জাটৈ তিনউ লোক ।

মন লাগা জব সাঁজ সৌ' ভাগে দরিদ্র শোক ॥

ইন্দ্রীকা আধীন মন জীর জংত সব জাটৈ ।

তির্নে তির্নে কে আটৈগৈ দাদু তীনে' লোক ফিরি নাটৈ ॥

* কেহ কেহ বলেন—“তব চেলা সব দেশ” অর্থাৎ সমস্ত দেশই হইবে
তোমার চেলা ।

ইংরাজী অপনে বসি কঠৈ কাহে জাঁচণ জাই ।
 দাদু অস্থির আতমা আসনি বৈসৈ আই ॥
 অগিনি ধুম জ্যৌ নীকলৈ দেখত সবৈ বিলাই ।
 ত্যো মন বিছুট্যা রাম সৌ দহ দিসি বীথরি জাই ॥

“প্রেম বিনা মন কান্দাল, তিন লোকেই বেড়ায় সে যাচিয়া ; মন যেই
 লাগিল স্বামীর সঙ্গে, অমনি পালাইল যত দারিদ্র্য যত শোক ।

ইঞ্জিরের অধীনে মন জীবজন্তু সবার কাছেই বেড়ায় যাচিয়া ; “তুণের তুণের”
 (যত হীন ও নীচ তুচ্ছের) আগে তখন, হে দাদু, তিনলোকে সে ফেরে
 নাচিয়া (আত্মাকে করে বিড়ম্বিত) ।

আপন ইঞ্জিরই যদি কেহ করে বশ তবে কেন আর সে যাইবে যাচিতে ?
 হে দাদু, স্থির আত্মা তখন আপন আসনে আসিয়া বসে (শাস্ত হইয়া) ।

অগ্নি হইতে ধুম যেমনই আসে বাহির হইয়া অমনি দেখিতে দেখিতেই
 সব ধুমটাই যায় দশদিকে ছড়াইয়া বিলীন হইয়া, তেমনি ভগবান হইতে মন
 যেই হয় বিচ্ছিন্ন অমনি দশদিকে যায় সে ছন্নছাড়া হইয়া !”

**বাক্যে, ধ্যানেন বা আচারেন মন শুদ্ধ
 হয় না :**

দাদু মেরা জির দুখী রহৈ ন রাম সমাই ।
 কোটি জতন করি করি মুয়ে যছ মন দহ দিসি জাই ॥
 যছ মন বহু বকরাদ সৌ বায়ুভূত হুঁরৈ জাই ।
 দাদু বহুত ন বোলিয়ে সহজৈ রহৈ সমাই ॥
 পানী ধোরৈ বাররে মনকা মৈল ন ধোই ।
 দাদু নিরমল শুদ্ধ মন হরি রংগি রাতা হোই ॥
 ধ্যান ধরৈ কা হোত হৈ জে মন নহি নিরমল হোই ।
 তৌ বগ সবহী উধরৈ জে ইহি বিধি সীধৈ কোই ॥
 নউ ছুরারে নরককে নিস দিন বহৈ বলাই ।
 সৌচ কহঁ। সৌ কীজিয়ে রাম সুমিরি গুণ গাই ॥

প্রাণী তনমন মিলি রহা ইংজী সকল বিকার ।
 দাদু ব্রহ্মা সূত্র ঘরি কহাঁ রহৈ আচার ॥
 কালে থৈ খোলা ভয়া দিল দরিয়া মেঁ ধোই ।
 মালিক সেতী মিলি রহা সহজৈঁ নিরমল হোই ॥

“হে দাদু, আমার প্রাণ বড় দুঃখী ভগবানে সে রহে না ডুবিয়া । কোটি
 যতন করিয়া করিয়া গরিলাম তবু এই মন শুধু যায় দশ দিকে ।

বহু বকু বকু করিয়া এই মন যায় বায়ুভূত হইয়া ; হে দাদু, অনেক বকিও
 না, সহজেই থাক সমাহিত হইয়া ।

ভুলেতে ধুইতেছে পাগলেরা, মনেব গয়লা যে তাতে যায় না ধোয়া !
 হরি রঞ্জে অনুরক্ত হইলে, হে দাদু, মন হয় নির্মল ও শুদ্ধ । (অথবা, নির্মল শুদ্ধ
 মন হরিরঞ্জে হয় রঞ্জিত) ।

ধ্যান ধরিয়া ফল হয় কি, যদি মন না হয় নির্মল ? এই উপায়ে যদি কেহ
 সিদ্ধ হইত তবে সব বকুই পাঠিয়া যাউত উদ্ধার ।

(ইন্দ্ৰিয়ের) নয় দ্বারেই নিশিদিন বহিয়া যাউতেছে নরকের বালাই ।
 কত দূর পর্যন্ত শৌচ করিতে পার ? ভগবানকে স্মরণ করিয়া তবে কর
 তাঁর গুণগান ।

আত্মা আছে তনমনের সঙ্গে ইন্দ্ৰিয়েব সকল বিকারের সঙ্গে মিলিয়া ।
 হে দাদু, ব্রহ্মাট (ব্রাহ্মণ) যদি করিলেন শূত্র-ঘর, আচার তবে আর রহিল
 কোথায় ?

দিল দরিয়াতে (হৃদয়-সাগরে) ধুইয়া কালো হইতে হইল ধলা ; সহজেই
 নির্মল হইয়া স্বামীর সঙ্গে রহিল মিলিয়া ।”

চঞ্চলতার অর্থ :

সুপিনা তব লগ দেখিয়ে জব লগ চঞ্চল হোই ।
 জব নিহচল লাগা নারসৌ তব সুপিনা নাগীঁ কোই ॥
 জাগত জহঁ জহঁ মন রহৈ সোরত তহঁ তহঁ জাই ।
 দাদু জে জে মনি বসৈ সোই সোই দেথৈ আই ॥
 দাদু মরমি চিতি জে বসৈ সো পুনি আঁরৈ চীতি ।
 বাহরি ভীতির দেখিয়ে জাহী সেতী শ্রীতি ॥

“সে পর্য্যন্ত স্বপ্ন যায় দেখা যে পর্য্যন্ত (মন) থাকে চঞ্চল । নিশ্চল হইয়া
যেই লাগিল নামের সঙ্গে, সেট আর কোনো স্বপ্নই নাই (জপ মাধনে মন
হয় নিশ্চল) ।

জাগ্রত অবস্থায় যেখানে দেখানে থাকে মন, স্তপ্ত অবস্থায়ও সেখানে
সেখানেই সে যায় । হে দাদু, যাহা যাহা মনে করে বাস, তাহা তাহাই দেখে
সে আসিয়া ।

হে দাদু, যাহা যাহা (অচেতন গভীর) মন্বচিত্তে করে বাস তাহা তাহা
আবার চেতনায় আসিয়া হয় উপস্থিত ; যাহার সঙ্গে মনে মনে আছে প্রীতি,
ভিতরে তাকেই যায় দেখা ।”

**যেখানে প্রেম সেখানেই জীবন্ত মন,
সেখানেই জীবন ও নিশ্রাম :**

সারনি হরিঅরি দেখিয়ে মন চিত ধ্যান লগাই ।
দাদু কেতে জুগ গয়ে ভৌভী হরা ন জাই ॥
দাদু মন পংগুল ভয়া সব রস গয়া বিলাই ।
কায়া হৈ নর জ্ঞান যহ মন বুঢ়া হোই জাই ॥
জিসকা সুরতি জহঁ রহৈ তিসকা তহঁ বিস্রাম ।
ভারৈ মায়া মোহ মে ভারৈ আতম রাম ॥
জহঁ সুরতি তহঁ জীর হৈ জহঁ নহী তহঁ নাহি ।
গুণ নিরগুণ জহঁ রাখিয়ে দাদু ঘর বন মাহি ॥
জহঁ সুরতি তহঁ জীর হৈ আদি অংত অস্থান ।
মায়া ব্রহ্ম জহঁ রাখিয়ে দাদু তহঁ বিস্রাম ॥
জহঁ সুরতি তহঁ জীর হৈ জিরন মরণ জিস ঠৌর ।
বিষ অমৃত জহঁ রাখিয়ে দাদু নাহী ঔর ॥
জহঁ সুরতি তহঁ জীর হৈ জহঁ চাই তহঁ জাই ।
অগম গম জহঁ রাখিয়ে দাদু তহঁ সমাই ॥

“(প্রেম থাকিলে) মন চিত্ত ধ্যান লাগাইয়া শ্রাবণের হরিত শোভা দেখ
চাহিয়া, হে দাদু, কত যুগ গেল তবুও তো গেল না সেই হরিত শোভা ।

(প্রেমের অভাবে) হে দাদু, মন হইয়া যায় পক্ষু, সব রসই যায় বিলম্ব হইয়া । এই কায়া রহে নব যৌবন, অথচ মন হইয়া যায় বৃদ্ধ জীর্ণ ।

যেখানে যার প্রেম সেখানে তার বিশ্রাম, চাই মায়ামোহেতেই হউক চাই আত্মারামেরই হউক ।

যেখানে প্রেম সেইখানেই তার জীবন, যেখানে প্রেম নাই সেখানে জীবনও নাই । হে দাদু, সে প্রেম সপ্তর্ষি নিগুণ সেখানেই কেন না রাখ, ঘরের মাঝে বনের মাঝে যেখানেই তাহাকে রাখ না কেন, সেখানেই যথার্থ জীবন ।

আদি অস্ত স্থান যেখানেই প্রেম আছে সেখানেই আছে জীবন । হে দাদু, মায়া ব্রহ্ম সেখানেই প্রেমকে রাখ, সেখানেই বিশ্রাম ।

জীবন গরণ যেখানেই প্রেমকে রাখ, যেখানে প্রেম সেখানেই জীবন । বিষ অমৃত যেখানেই রাখ না কেন, ইহার আর অলুখা নাই ।

যেখানে ইচ্ছা সেখানে যাও, যেখানে প্রেম সেখানেই জীবন । প্রেমকে অগম্য গম্য যেখানেই রাখ, হে দাদু, সেখানেই জীবন বহু ভরপুর পূর্ণ হইয়া ।”

মন না থাকিলে সকলেরই পদস্থানন হয় :

বরতণি একৈ ভাঁতি সব দাদু সংত অসংত ।

ভিন্ন ভার অংতর ঘণা মনসা তই গচ্ছংত ॥

পাকা কাচা হোই গয়া জীতা হারৈ দার ।

অংতি কাল গাফিল ভয়া দাদু ফিসলে পঁার ।

য়ছ মন পংগুল পংচ দিন সব কাহুকা হোই ।

দাদু উতরি অকাস থৈ ধরতী আয়া সোই ॥

এসাকোই নাহি* মন মরৈ সো জীরৈ নাহি ।

দাদু এসে বহুত হৈ ফিরৈ জী মৃতু মাহি ॥

“বাহিরের আচার ব্যবহারে (বা বাহ্য আয়তনে, দেখে) তো সবাই দেখিতে একই প্রকৃতির (সাধু ও অসাধু সকলেরই বাহ্যরূপ ও আচরণ তো একই মত) ; যেই অন্তরে ঘনায় ভিন্ন ভাব অমনি মন মানস দৌড়াইয়া যায় সেই সেইখানে ।

* “নাহি” স্থানে “এক” পাঠও আছে । অর্থ “এমন মন কাঁচত একটি মেনে”, ইত্যাদি ।

পাকা (গুটি)ও হইয়া যায় কাঁচা। জেতা দাঁওও যায় হারা হইয়া,
অনুকালে একটুগানি গাফিল হইল কি পিছলাইল পা।

সবাকারই এই মন পাঁচ দিন (এক এক সময়) হইয়া যায় পক্ষু। হে দাদু,
এমন আকাশ হইতে নাবিয়া সে নাটিতে পড়ে আসিধা।

এমন কোনো মনই নাই ঘাণা মরে কিন্তু আর বাচে না। হে দাদু,
এমন অনেকেই আছে যাহারা জীবন মৃত্যুতে বেড়ায় ফিরিয়া (অর্থাৎ জীবন
হইতে মৃত্যুতে ও মৃত্যু হইতে জীবনে ক্রমাগত করে যাতায়াত)।”

মনের দুর্বলতা :

পূজা মান বড়াইয়া আদর মাংগে মন।

রাম গহৈ সব পরহরৈ সোঈ সাধু জন্ম ॥

জহঁ জহঁ আদর পাইয়ে তহঁ তহঁ মন জাই।

বিন আদরকা রাম রস ছাড়ি হলাহল খাই ॥

“মন চায় পূজা, মান, বড়াই (বড় পদ), আদর। এই সব পরিহার
করিয়া যে রামকে করে গ্রহণ সে-ই তো সাধুজন।

যেখানে যেখানে পাখ আদর সেখানে সেখানেই যায় মন। বিনা-আদরের
রাম রস ছাড়িয়াও সে খায় (আদরের) হলাহল।”

তিনিই মনের মন, সর্বস্ব :

অব মন নিরভৈ ঘর নতি ভয় মৈ বৈঠা আই।

নিরভয় সংগ থৈ বিছুট্যা সোই কায়র হো জাই ॥

দাদু মনকে সীস মুখ হস্ত পার হৈ পীর।

শ্রবণ নেত্র রসনা রটে দাদু পায়া জীর ॥

জহঁকে নমায়ে সব নমৈ সোঈ সির করি জাগি।

জহঁকে বোলায়ে বোলিয়ে সোঈ মুখ পররাগি ॥

জহঁকে স্নায়ে সব স্ননৈ সোঈ শ্রবন সয়ান।

জহঁকে দেখায়ে দেখিয়ে সোঈ নৈন সূজান ॥

“এখন তো মন নির্ভয় ; এখন সে আর ঘর বা আশ্রয় খুঁজিতেছে না, সে

এখন ভয়ের মাথাই আসিয়া আছে বসিয়া। এই নির্ভয়-সঙ্গ হইতে বিচ্ছিন্ন হইলে সেই মনই আবার হইয়া যায় ভীক।

হে দাদু, প্রিয় ভাই হইলেন মনের মাথা, মুখ, হস্ত, পদ ; (তাঁকে পাইলে) শ্রবণ, নেত্র, রসনা সবাই ঘেষণা করে যে দাদু পাইয়াছে জীবনকে।

যেখান দিয়া নমিলে সবই তোমার হয় পূর্ণ প্রণত সে-ই তো মাথা বলিয়া জানি। যেখান দিয়া বলিলে তোমার সকল জীবন বলে পূর্ণবাণী সেই তো তোমার সত্য মুখ।

যেখানে, শুনাইলে সব শোনে পূর্ণ বিশ্ববাণী, সেই তো সচেতন শ্রবণ ; যেখানে দেখাইলে সবই হয় দৃষ্ট, সেই তো সৃজান নয়ন।”

**সহায় কল্পিতে জানিলে মনই সাধনায়
মস্ত সহায় :**

মনহী মরনা উপজৈ মনহী মরনা খাঠ।

মন অবিনাসী হৈর রহা সাহিব সৌ ল্যো লাই ॥

মনহী সনমুখ নূর হৈ মনহী সনমুখ তেজ।

মনহী সনমুখ জ্যোতি হৈ মনহী সনমুখ সেজ ॥

মনহী সৌ মন থির ভয়া মনহী সৌ মন লাই।

মনহী সৌ মন মিলি রহা দাদু অনত ন জাই ॥

“মনই মরণ করে উপায়, আবার মনই মরণকে খায় ; স্বামীর সঙ্গে প্রেম-যোগে যুক্ত হইয়া এই মনই আবার হইয়া যায় অমৃত।

মনই প্রত্যক্ষ আলো, মনই প্রত্যক্ষ তেজ ; মনই প্রত্যক্ষ জ্যোতি, মনই প্রত্যক্ষ প্রদীপ।

মন দিয়াই মন হটল স্থির, মন দিয়াই (সেই পরম) মনকে গেল আনা। সেই মনের সঙ্গেই মন রহিল মিলিয়া, হে দাদু, অস্ত্র (আর কোথাও) সে তো তখন যায় না।”

চতুর্থ প্রকরণ—সাধনা

তৃতীয় অঙ্ক—মায়া অঙ্ক

দাদু মতে মায়া স্বপনের মত। ষট্ৰকণ নিদ্রিত আছি ততকণ সে আছে। যথার্থ সত্য আছেন একমাত্র ভগবান। আমিও যে আছি, সে কেবল তাঁর মধ্যেই, তাঁকে ছাড়িয়া আমিও নাই। যুগতুষ্কার মত ঝিলমিলি প্রকাশ দেখিয়া অবোধেরা মায়াকে মনে করে সত্য। মায়া ও প্রকৃতির এই মিথ্যা শক্তিকে যে মিথ্যা ব্যবহারে লাগাইয়াছে সে এই বুঠা শক্তির অহঙ্কারেই গর্ভ-ক্ষীত হইয়া সৃষ্টিকর্তাকে করিয়াছে অস্বীকার, তাহারা শাস্ত, শক্তিকেই তাহারা সত্য বলিয়া জানে, তার চেয়ে বড় সত্যের পরিচয় তাহারা জানে না।

দাদু অঙ্কর-পণ্ডিতদিগকে বেশী আমল দেন নাই। তাহারা সাধক, সত্যদ্রষ্টা, রসিক ও মরমলোকে যাঁহাদের যাতায়াত, তাঁহাদেরই তিনি সম্মান করেন। অঙ্কর-পণ্ডিতেরা রূপ রাগ গুণ অনুসারে মায়ারই পিছে বেড়ান ঘুরিয়া।

শক্তি বা ঐশ্বর্য দেখিয়া সাধক কখনও ভোলেন না। ঐশ্বৰ্যের রাজ্যহার ছাড়িয়া তাহারা অন্তরে প্রবেশ করিয়া ব্রহ্মতে সব অন্বেষণ করেন। মায়া ও ব্রহ্ম, মিছা ও সাকা, এই দুইয়ের সেবা এক সঙ্গে চলে না। দুই রাজার রাজত্বে কোনো কল্যাণ নাই।

মায়ার বিরুদ্ধে যে দাদু এই অঙ্কে এতখানি লিখিয়াছেন তাহাতে ইহা বুঝিতে পারা যাইবে, যে যে হেতুতে মায়া সাধনাতে বাধা হয় তাহার কথাই এখানে দাদু লিখিয়াছেন। মায়াকে আমরা তার স্বরূপ ভুল করিয়া ধরিতে যাই বলিয়াই মিথ্যা করি। তাহার আপন ক্ষেত্রে সে-ও সত্য, কিন্তু আমরা তাহার ক্ষেত্র ছাড়াইয়া তাহাকে স্বীকার করিতে গিয়াই তাহাকে মিথ্যা করিয়া তুলি। এই দোষ মায়ার ততটা নহে ষতটা আমাদের মিথ্যা জানের।

দাদু বলিতেছেন, “জল স্থল সবই আমি স্বীকার করি এবং গ্রহণ করি তোমার প্রসাদ বলিয়া। মায়া নিত্য সত্য বলিলেই সব হইত মিথ্যা।”

“ভগবানের ইচ্ছাই ভাল। আমাদের সংশ্লিষ্টবুদ্ধির দ্বারা দিনকে করি রাত। এমন কবিয়্যাই আমরা নিজেরা মায়াকে মিথ্যা করিয়া পড়ি বিপদে।”

দাদু বলিয়াছেন, “ব্রহ্মের রাজত্বে মায়াকে তাঁর শরীক করিও না।”

“স্কুল কামনাই সব আকারকে নষ্ট করে।”

“যোগ, ঐশ্বর্য, এমন কি মুক্তিও আমাদের বাধে যখন তাহাতে আমাদের লোভ থাকে; এ সবই হইল মায়ার কাজ।”

“মায়াই বসিল দেবতা হইয়া, লোকে তাহা বুঝিল না।”

ইহাতে বুঝি মায়া তার স্থান ছাড়াইয়াই মিথ্যা হয়। এই মায়ার সম্বন্ধে দাদুর নানাস্থানের লেখা দেখিলে বুঝি দাদু মায়ায় সত্যাদিকটাও জানিতেন। তবে তখনকার দিনের চতুর্দিকের মতবাদের প্রভাব কিছু কিছু দাদুর মধ্যেও থাকার কথা। পারিপার্শ্বিক মতামতের সত্য মিথ্যার হাত হইতে সম্পূর্ণ মুক্ত থাকা সবার পক্ষেই কঠিন।

দাদুর মতে ভোগ ও কামনা হইল মায়ার দাসী। ঐশ্বর্যের লোভেও মায়ার দাস্ত করিতে দেখা যায়। ইন্দ্রিয় প্রভৃতি স্বভাবতঃ অপবিত্র নয়। ভোগের দ্বারা কামনার দ্বারা আমরা তাহাদিগকে অপবিত্র করি। নহিলে তাহাই সাধনাতে মস্ত সহায় হইতে পারিত। এই কাম ও ভোগের দোষেই পুরুষ ও নারী পরস্পরের শত্রু। নহিলে শুদ্ধ যোগ থাকিলে এমন দুর্গতি হইত না। দাদু প্রভৃতি সাধুরা বিবাহিত জীবনের বিরুদ্ধবাদী ছিলেন না। ইহাদের মধ্যে প্রায় সাধুই বিবাহিত ও আদর্শ গৃহী।

কামনা কেবল যে ইন্দ্রিয় ও নরনারীকে নষ্ট করিয়াছে তাহা নহে। এই কামনা সকল আকার (form ও সৌন্দর্য) কেও ভোগ ও বিকারের দ্বারা নষ্ট করিয়াছে। দাদু বড় উচুদরের সৌন্দর্য-রস-বেত্তা ছিলেন আর রূপ আকার ও সৌন্দর্যের মরম জানিতেন। তাহা হইতে সাধনাতেও যে বিপদ কেমন করিয়া ঘটে তাহাও তিনি জানিতেন। কামনাই রূপ ও আকারের এই পতন ঘটাইয়াছে। কামনার আগুনই দিবারাত্রি অগ্নে শুদ্ধ সব কিছু জালাইতেছে, নিজেও জলিতেছে।

কামনায় জর্জর জীবের ভরসা প্রিয়তম ভগবানের সঙ্গ। অপবিত্রের সহবাসে যাহা অপবিত্র হইয়াছে পবিত্র সুন্দরের সহবাসে তাহা পরম সুন্দর

হইবে। তিনি ও তাঁহার যোগে বিশ্বজগতের সকলকে তুমি আপনার কর, তবে আর জগতের কাছে কোনো ভয় থাকিবে না। তাহা হইলে তোমার আপনার জগৎ তোমার পক্ষে অমৃতস্বরূপ হইবে। জগৎকে পর রাখিয়া যদি লোক কামুকের মত ভোগ করিতে যাস্ত তবে তাহাই বিষজাল হইবে। ভগবান রক্ষাকর্তা, প্রেম যোগে তিনি সকলকে রক্ষা করেন, যোগত্রুট হইলেই মৃত্যু আসিয়া আক্রমণ করে।

যোগের ও সাধনার ভাণ করিলেই কিছু সত্য লাভ হয় না। ভণ্ড সাধকরাও মাগারই দাস, বাহিরে যদিও তাঁরা ভগবানের দাস বলিয়াই পরিচয় দিতে চান। তাঁহাদের অন্তরে মাগার রাজত্ব, বাহিরেই তাঁহারা ত্যাগী; ছেঁড়া কাঁথা পরিয়া তাঁহারা এমন দৈন্ত দেগাইয়া বেড়ান যে কেহই তাঁদের ঠিক চিনিতে পারে না। কেহ হয়তো অস্বাভাবিক রকমে কাষাকে ক্লিষ্ট করেন অথচ মন তাঁহাদের সব দিকেই বেড়ায় ঘুরিয়া। প্রিয়তমকে দেখাইবার নামে নিজেকেই বেড়ান দেগাইয়া। মুখে বেশ মিষ্ট, সকলেরই পছন্দসই কথা গুছাইয়া গুছাইয়া বলেন, অথচ যশের স্তম্ভের জন্ত লুক্কতা মনে মনে বেশ আছে। বাজারী লোকের কাছে এঁরাই মায়াত্যাগী নামে পরিচিত।

দাদু বলেন, “আমি চাই প্রভুর দরশন, তাঁর সৌন্দর্যের রস; কত রং বেরঙের বাজী দেখিতেছি কিন্তু যাহা চাই তাহা মিলিল কৈ? আমি যাহা চাই তাহা তোমরা তুচ্ছ মনে করিয়া দাও ফেলিয়া, আর আমি যাহা ফেলিয়া দিলাম তাহাই তোমরা আদর করিয়া নাও তুলিয়া! পরব্রহ্মকে ছাড়িয়া তোমাদের ক্ষুদ্র অহমিকাকেই তোমরা ভালবাসিলে!”

“মাগারই দেখিতেছি জয়জয়কার। লোকে সৃষ্টিকর্তাকে ছাড়িয়া তাঁহারই পূজায় করজোড়ে দাঁড়াইয়া। মায়া জগতের ঠাকুরাণী কিন্তু সাধকের কাছে দাসী। সাধকের দাসী মায়াই শক্তিলুক শাক্তের মাথার মুকুট। শাক্তেরা প্রকৃতি হইতেই সব শক্তি আদায় করিয়া শক্তিশালী হইতে চান কাজেই তাঁহাদের প্রকৃতির দাসত্ব করিতে হয়। মায়া এঁদেরই ভাঁড়াইতে পারে কিন্তু সাধকের কাছে লজ্জা পায়। মায়া জানে যে সে অসীম নহে, তাঁর আসনের দাবী তার নাই। তাই সে ক্রমাগত পরিবর্তনে উজ্জল নাম ধরিয়া ধরিয়া স্রবনর সবাইকে মোহিত করিতে চাহে। সাধকদের কাছে এসব প্রবঞ্চনা

চলে না। যত বড় নামই দেওনা কেন তাঁরা সেই নামের মিথ্যা পরদা সরাটয়া মায়ায় সত্যরূপটি ফেলেন ধরিয়া। আশ্চর্যের কথা এই যে, লোকে বিবকে অমৃত বলিয়া খায় আর ইহাও বলে না যে এটা বিষাদ। মায়া নানা বেশে নানা রকমের লোককেই ঠকায়। যোগ নাম লইয়া মায়াই যোগীকে করে সত্যভ্রষ্ট, ধন নাম লইয়া ধনপতিদের করে সর্বনাশ, মুক্তি নাম লইয়া ঠকায় মুক্তির কান্দালদের।”

“ছদ্মবেশে প্রচ্ছন্ন এই মায়াই আবার বসে উপাস্ত ভগবান হইয়া; তাহার এই প্রবন্ধনা কেহই টের পায় না, তাহাকেই সত্য বলিয়া মানে, এট তো বড় আশ্চর্য। রামরূপ ধরিয়া সে বলে, ‘আমিই মোহন রায়।’ জগৎসুখ ইহাকেই অনন্ত মনে করিয়া করিতে যায় পূজা। মায়া রূপী রামের পিছেই সবাই ছুটিয়াছে। সাধনার নামে সবাই বসিয়া আছেন এই রামরূপী মায়ারই ধ্যানে; দাদু কিন্তু আদি অনাদি অলখ ভগবানকেই চায়। ব্রহ্মার বিষ্ণুর ও শিবের সেবক আছে, কিন্তু অনাদি অনন্ত দেবতার সেবক কই? অজ্ঞনকে নিরঞ্জন বলিলে, গুণকে গুণাতীত বলিলে, সীমাকে অসীম বলিলে মানিব কেন?”

তখনকার দিনে নানা মতের সগুণ দেবপংখী ভক্তেরা নানা যুক্তি ও বিচারে ছোরে এই রকম উপদেশ দিতেছিলেন। হয় তো এখানে সে সব কথা দাদুর মনে আসিয়া থাকিবে।

দাদু বলেন, “কৃত্রিম কাঠের গাঠি দিয়া কি কামদেহুর কাজ হয়? কাঁকরকে চিন্তামণি করিলে লাভ কি? মূর্খেরাই ইহাতে ঠকিয়া মরে মাত্র। পাষাণকে পরশমণি বলিলে লোভা সোনা হইবে কেন? সূর্যের কাজ কি ফটিকে করিতে পারে? পাষাণের মূর্তি গড়িয়া কি সৃজনকর্তা ভগবানকে পাঠাবে? বেদ বিধি ভরম করমে বন্ধ হইয়া লোকেরা সীমার মধ্যে আটকা পড়িল, ভগবানের সাধনা আর হইল না। এই যে মস্ত ভ্রম ইহা লোকেরা চাহিয়া দেখে না, তাইতো সংসার ডুবিয়া মরিল।”

“ভণ্ড ও মিথ্যা সাধকেরা সত্য লইতে ভ্রষ্ট বলিয়াই নানা অব্যভাবিক কল্যাণচার করে। যদিও তাহাতে কোনোই লাভ নাই। সত্য সাধকেরা সকল প্রকার লোভ ছাড়িয়াছেন বলিয়াই সব রকম বন্ধন হইতে মুক্ত। তাঁরা ধর্ম অর্ধ কাম মোক্ষও চান না, মুক্তিও চান না, অষ্টসিদ্ধি নবনিধিরও লোভ

তাঁদের নাই। ভগবানের প্রতি ভক্তিই একমাত্র তাঁরা চাহেন, তাই মায়া তাঁদের উপর কোনো প্রভুতাই করিতে পারে না। তাঁহাদের জীবনযাত্রা একান্ত সহজ ও স্বাভাবিক। মায়াকে তাঁরা একান্ত পরিহারও করেন না। ব্রহ্মকূলে বসিয়া তাঁরা মায়া নদীর প্রবাহ গ্রহণ করেন, অথচ লুকের মত এই নদীর জলধারা বন্ধ করিয়া নিজস্ব করিয়া সঞ্চয় করিতেও চাহেন না। নদীর মত তাঁহাদের সম্মুখ দিয়া মায়া সদাই চলে নহিয়া, মুক্ত হইয়া তাঁহারা এই নদীর শোভা সৌন্দর্য্য ও সেবা ভগবানেব প্রেম মনে করিয়া সহজভাবে গ্রহণ করেন। প্রতুর দান তো নিত্যধারানদীর মত সদাই বহিয়াই আসিতেছে, এই মর্মে জানেন বলিয়াই দাদু সঞ্চয় করেন না। তাঁর মধ্যে বসিয়া নিজে ভোগ করেন ও সকলকে ভোগ করিতে দেন।”

“যে সাধক, সে শ্রমের দ্বারা উপার্জিত অন্ন ভগবানেরই দান ও প্রসাদ মনে করিয়া ভক্তির সহিত গ্রহণ করে।”

সত্য তিনিই, মায়ায় ভ্রাসা মিথ্যা :

সাহিব হৈ পর হম নহীঁ সব জগ আঁরৈ জাই ।
দাদু সুপিনা দেখিয়ে জাগত গয়া বিলাই ॥
যহু সব মায়া-মিরিগ জল কূঠা ঝিলিমিলি হোই ।
দাদু চিলকা দেখি করি সতি করি জানা সোই ॥
মায়া কা বল দেখি করি আয়া অতি অহঁকার ।
অংধ ভয়া সূঁঝে নহীঁ কা করিহৈ সিরজনহার ॥

“স্বামী আছেন, কিন্তু আমি নাই, সব জগৎ আসিতেছে আর ধাইতেছে ; হে দাদু, স্বপন দেখিতেছ, জাগিতেই গেল বিলয় হইয়া।

এই সব মায়া যুগতুষ্কার জল, মিথ্যাই দেখা যায় ঝিলিমিলি ; হে দাদু, চকমকানি দেখিয়াই ইহাকে সবাই মনে করিতেছে সত্য।

মায়ার (প্রকৃতির শক্তির) বল দেখিয়াই (সেট বলে বলা শাকের) মনে অবশেষে আসিল অতি অহঁকার ; (অহঁকারে) অন্ধ হইল বলিয়া দেখিতেই পাইল না, মনে করিল, সৃষ্টিকর্তা ভগবান আর করিবেন কি ?”

সাপ্রক আশ্রমকে খাতির করে না :

রূপ রাগ গুণ অনসরে জই মায়া তই জাই ।

বিদ্যা অখির পণ্ডিতা তই। রইে ঘর ছাই ॥

সাধু ন কোঈ পগ ভরৈ কবহুঁ রাজ ছরারি ।

দাদু উলটা আপমৈ বৈঠা ব্রহ্ম বিচারি ॥

দাদু নগরী চৈন তব জব ইকরাজী হোই ।

দোউরাজী ছুখ ছুন্দ মঁ সূখী ন বৈসে কোই ॥

“রূপ রাগ গুণ অনসরণ করিয়া যেখানে মায়া সেখানেই দেখি যায় সবাই ।
বিদ্যা ও অক্ষর-পণ্ডিতেরা সেখানেই ঘর ছাইয়া (বাধিয়া) করে বাস ।

কোনো সাধু কখনও রাজদ্বারের (কোনো ঐশ্বর্যের কাছে কোনো
প্রত্যাশায়) দিকে একটবার পা ও মাড়ান না ; সেদিক হইতে উলটিয়া
আপনার অন্তরের মধ্যে বসিয়া তিনি কবেন ব্রহ্মবিচার (ব্রহ্ম ধ্যান) ।

হে দাদু, তখনি নগরে আরাম আনন্দ যখন সেখানে চলে এক রাজার
রাজত্ব । ছই রাজার রাজত্বের ছুখ ছন্দর মধ্যে কেহই সূখে করিতে পারে না
বাস ।”

কামনার ও ভোগের দ্বারা সব অপবিত্র :

বিষে কারণে রূপ রাতে রইে নৈন নাপাক য়েঁ কীন্হ ভাই ।

বদী কী বাত সুনত সারা দিন শ্রবন না পাক য়েঁ কীন্হ জাঈ ॥

স্বাদ কারণে লুবধি লাগী রইে জিভ্যা নাপাক য়েঁ কীন্হ খাঈ ।

ভোগ কারণে ছুখ লাগী রইে অংগ নাপাক য়েঁ কীন্হ লাঈ ॥

নারী বৈরণী পুরুষকী পুরখা বৈরী নারি ।

অংত কালি দোনেঁ। মুয়ে দাদু দেখি বিচারি ॥

ভরঁরা লুবধী বাসকা কমলি বঁধানা আই ।

দিন দস মাইেঁ দেখতা দোনেঁ। গয়ে বিলাই ॥

নারী পীরে পুরুষ কো পুরুষ নারি কৌ খাই ।

দাদু গুরুকে জ্ঞান বিন দোনেঁ। গয়ে বিলাই ॥

মাতা নারী পুরুষকী পুরুষ নারী কা পুত ।
দাদু জ্ঞান বিচার করি মুক্ত ভয়ে অবধূত ॥

“বিষয়ের (ভোগের) জ্ঞান রূপে হইয়া থাকে অনুরক্ত, এইরূপে নয়নকে করিল ভাই অপবিত্র । “বদী”র (অসৎ প্রবৃত্তির) কথা সারাদিন শুনিতে শুনিতে এইরূপে শ্রবণকে করিল গিয়া অপবিত্র । স্বাদের কারণে লুক হইয়া (ভোগ্য বস্তুতে) রহিল লাগিয়া, এমন করিয়াই খাইয়া খাইয়া জিহ্বাকে করিল অপবিত্র । ভোগের কারণ ক্ষুধার সন্তোষে রহিল লাগিয়া, এমন করিয়াই অঙ্গ করিয়া আনিল অপবিত্র ।

নারী হইল পুরুষের বৈরী আর পুরুষ হইল নারীর বৈরী, হে দাদু বিচার করিয়া দেখ, শেষকালে মরিল উভয়েই ।

বাসের জ্ঞান লুক ভ্রমর কমলে আসিয়া হইল বন্ধ, দিন দশেকের মধ্যে দেখিতে দেখিতে ছুই-ই গেল বিলীন হইয়া ।

নারী পান করে পুরুষকে, পুরুষও খায় নারীকে । হে দাদু গুরুর জ্ঞান বিনা ছুই-ই গেল বিলীন হইয়া ।

নারী হইল পুরুষের মাতা, পুরুষ হইল নারীর পুত্র । এই জ্ঞান বিচার করিয়া, হে দাদু, অবধূত হইয়া গেল মুক্ত ।”

সবাই কামনার জঞ্জাল : তরসা তাঁর সকে যোগ, প্রেম :

জ্যা ঘুন লাগৈ কাঠ কৌ লোহৈ লাগৈ কাট ।
কাম কিয়া ঘট জাজরা দাদু বারহ বাট ॥
জন্ম গয়া সব দেখতা বুঠীকে সং লাগি ।
সাচে পীতম কৌ মিলৈ ভাগি সকৈ তো ভাগি ॥
আপৈ মারৈ আপকৌ যহ জীর বিচারা ।
সাহিব রাখনহার হৈ সো হিতু হমারা ॥
গংদে সৌ গংদা ভয়া যৌ গংদা সব কোই ।
দাদু লাগৈ খুব সৌ খুব সরীখা হোই ॥

সাজি' অত্রিত সৌ অত্রিত সব পর কিয়া বিষজাল ।
রাখনহারা প্রেম হৈ দাদু জুদাই কাল ॥

“যেমন কাঠে লাগে ঘুণ, লোহার লাগে মরিচা, তেমনি কাম করিল ঘটকে
জর্জর । হে দাদু, বারো রকমের (সকল) পণ্ডে (এই একই দশা) ।

ঝুঠায় সঙ্গে লাগিয়া দেখিতে দেখিতেই সব জনম গেল (নাশ হইয়া) ;
সাক্ষা প্রিয়তমের সঙ্গে হও মিলিত, যদি (নাশ হইতে) পালাইতে পার তো
এখনও পালান ।

এই জীব বেচারী (নিরুপায়), আপনিই মারে আপনাকে ! প্রভুই
রক্ষাকর্তা, তিনিই আমার কল্যাণকারী আপন জন ।

মলিনের সংস্পর্শেই হইল মলিন, এমন করিয়াই সবাই হইয়াছে ঘৃণিত ।
হে দাদু, শ্রেয়ের সঙ্গে লাগ, তবেই হইয়া যাইবে শ্রেয়ঃস্বরূপ ।

অমৃতময় স্বামীর অমৃতবোনে (তাঁর সঙ্গে যোগে) সবই আমার অমৃত,
পর করিলেই সব হয় বিষজাল । প্রেমই রাখে বাঁচাইয়া, হে দাদু, বিচ্ছিন্নতাই
(যোগের অভাব) কাল (মৃত্যুস্বরূপ) ।”

কামনাই সব আকারকে বিকার করে :

বংধ্যা বহুত বিকার সৌ সর্ব পাপকা মূল ।

টাইহ সব আকার কৌ দাদু য়ছ অস্থূল ॥

রাত দিবস জরিবৌ কঁরে আপা অগিনি বিকার ।

দেখৌ জেঁয়ী জগ পরজলৈ নিমিখ ন হোই ঞ্চার ॥

“হে দাদু বহুত বিকারের সহিত সংবদ্ধ, সর্ব পাপের মূল এই স্থূল
(কামনাই) সব আকারকে দেয় বিধ্বস্ত করিয়া ।

অহংকারের এই বিকার-অগ্নি আপনার দাহে আপনি দিবা রাত্রি জলিয়াই
মরিতেছে ; দেখ জগৎ যেমন করিয়া চারিদিকে যাইতেছে জলিয়া (পরিজ্বলিত) !
এক নিমেষ সেই দাহ হইতে পারিতেছে না মরিতে ।”

ভণ্ড সাধুরা মান্নান্ন দাস :

ঘট মাইঁ মায়া ঘনী বাহরি ত্যাগী হোই ।
ফাটী কংখা পহরি করি চিহ্ন কঠৈ সব কোই ॥
কায়া রাখে বন্দ করি মন দহ দিসি বিকাই ।
পিয় পিয় করতে স্নগয়ে আপা রঙ্গ দিখাই ॥*
মুখ সৌ মীঠী মন সৌ খারী ।
মায়া ত্যাগী কঠৈ বজারী ॥

“বটের (অন্তরের) মধ্যে মায়া আছে স্ত্রপাকারে জমিয়া, বাহিরে ভেঁড়া কাথা পরিয়া ত্যাগী সাজিয়া সবাই আছেন আনন্দে ।

কায়া রাখে বন্ধ করিয়া মন বিকাইয়া বেড়ায় দশদিকে । (মুখে) প্রিয়তম প্রিয়তম করিতে করিতে সবাই গেলেন আপনার রঙ্গ দেখাইয়া ।

“মুখে মিষ্ট মনে নষ্ট” এমন লোককেই বাজারী লোকে বলে মায়াত্যাগী ।”

যাহা চাই তাহা মেলে না :

মৈঁ চাহুঁ সো না মিলৈ সাহিবকা দীদার ।
দাদু বাজী বহুত হৈ নানা রংগ অপার ॥
হম চাইঁ সো না মিলৈ ঔ বহুতেরে আহিঁ ।
দাদু মন মানৈ নহীঁ কেতে আরৈ জাহিঁ ॥
জে হম ছাড়েঁ হাথথেঁ সো তুম লিয়া পসারি ।
জে হম লেরৈঁ শ্রীতি সৌ সো দীয়া তুম ডারি ॥
হীরা পগসৌ ঠেলি করি কংকর কৌ কর লীন্হ ।
পারব্রহ্ম কৌ ছাড়ি করি আপা সৌ হেত কীন্হ ॥

“আমি যা চাই তা তো মেলে না ; আমি চাই স্বামীর সাক্ষাৎ দর্শন, হে দাদু, (দেখি) বাজি (খেলা) আছে বহুত রকমের, নানা রঙের অগণিত খেলা ।

আমি যা চাই তা তো মেলে না, তা ছাড়া বহুত রকমই (খেলা) আছে ।

* কেহ কেহ বলেন—“অঙ্গ দিখাই ।”

হে দাদু,—কত রকম (খেলাই) আসিতেছে আর বাইতেছে কিন্তু মন তো মানিতেছে না ।

যা আমি ফেলিয়া দিলাম হাত হইতে, তাহা তুমি নিলে হাত পাতিয়া ।
যা আমি লই প্রীতির সহিত তাহা তুমি দিলে ফেলিয়া ।

হীরা পায়ে ঠেলিয়া ফেলিয়া কাঁকর নিলে কিনা হাতে ! পর ব্রহ্মকে ফেলিয়া দিয়া “অহমিকার” সঙ্কেই করিলে প্রেম !”

মায়াবর খেলা :

মায়া আর্গেঁ জীব সব ঠাট্‌ রহে কর জোড়ি ।
জিন সিরজে জল বৃদংসেঁ তাসেঁ বইঠে তোড়ি ॥
সুর নর মুনিয়র বসি কিয়ে ব্রহ্মা বিশ্ব মহেস ।
সকল লোককে সির খড়ী সাধুকে পগ দেস ॥
মায়া চেরী সংতকী দাসী উস দরবার ।
ঠকুরাণী সব জগতকী তীনউ লোক মঝার ॥
মায়া দাসী সংতকী সাকত কী সিরতাজ ।
সাকত সেতীঁ ভাঁডনৌ সংতো সেতীঁ লাজ ॥
সকল ভুরন ভানৈ ঘনৈ চতুর চলারগহার ।
দাদু সো সূকৈ নহীঁ জিসকা বার ন পার ॥
মায়া মৈলী গুণ মঈ ধরি ধরি উজ্জল নার ।
দাদু মোহৈ সবহিঁ কো সুর নর সবহী ঠার ॥
বিষকা অম্বিত নার ধরি সব কোই খারৈ ।
দাদু খারা না কহৈ যছ অচিরজ আরৈ ॥
জোগ হোই জোগী গহৈ ধন হোই গহৈ ধনেস ।
মুকতি হোই মুকতা গহৈ করি করি নানা ভেস ॥

“মায়াবর আগে জীব সব দাঁড়াইয়া আছে করজোড়ে ! যিনি জলবিন্দু হইতে করিলেন সৃষ্টি, তাঁর সঙ্গে সবাই বসিয়া আছে সব সম্বন্ধ ছিন্ন করিয়া !

সুর নর মুনিবর সে বশ করিয়াছে, ব্রহ্মা বিষ্ণু মহেশ সে করিয়াছে বশ,

সকল লোকের মাথার উপর সে দাঁড়াইয়া, কেবল সাধুর পদতলে সে দণ্ডায়মান ।

সাধকের কাছে মায়া চেড়ী, তাঁর দরবারে সে দাসী, কিন্তু তিন লোকের মাঝারে সকল জগতের সে ঠাকুরাণী ।

মায়া হইলেন সাধকের দাসী, কিন্তু শাক্তের (শক্তিবাদীর) তিনি মাথার মুকুট, শক্তি-পন্থীর কাছেই তাঁর অভিনয় পাটে, সাধকের কাছে তাঁর লজ্জা ।

মায়া সকল ভুবন ভাঙিতেছেন, গড়িতেছেন, কত চাতুরীই চালাইতেছেন ! সে চাতুরীর সীমা পরিসীমাই নাই, অথচ তাহা (কারও চোখে) ধরাই পড়ে না (অথবা, যাহার নাই সীমা পরিসীমা তিনিই পড়েন না চোখে) ।

মায়া হইল মলিন গুণময়ী, কিন্তু উজ্জল উজ্জল নাম ধরিয়া সবাইকেই করে সে মোহিত । হে দাদু, স্মরনর ও সকল স্থানে (চলে তার এই চাতুরী) ।

বিষকে অমৃত নাম দিয়া দেখি খাইতেছে সবাই, হে দাদু, ইহাই আশ্চর্য্য যে কেহই বলে না ইহা বিশ্বাস ।

এইমায়া যোগী কে আয়ত্ত করেন যোগ রূপ হইয়া, (যোগরূপ ধারণ করিয়া,) ধনপতিকে ধরেন ঐশ্বর্য্যরূপ ধরিয়া, মুক্তিপ্রার্থীকে নেন মুক্তিরূপ হইয়া ; নানা বেশ করিয়া ইনি (নানা জনকে) আনেন স্বপ্নে ।”

মায়াই উপাশ্রয়দেবতা হইয়া বসে :

মায়া বৈঠী রাম হোই তাকৌ লঠৈ ন কোয় ।

সব জগ মাতৈ সন্তি করি বড়া অচংভা মোয় ॥

মায়া বৈঠী রাম হোই কঠৈ মৈ হী মোহন রাই ।

ঐসে দেব অনন্ত করি সব জগ পূজন জাই ॥

মায়া রূপী রামকৌ সব কোই ধ্যারৈ ।

অলখ আদি অনাদি হৈ সো দাদু গারৈ ॥

ব্রহ্মা কা বেদ বিশ্বকী মুরতি পূজৈ সব সংসারা ।

মহাদেবকী সেবা লাগৈ কহাঁ হৈ সিরজনহারা ॥

অংজন কিয়া নিরংজনা গুণ নিগুণ জাটৈ ।

ধর্যা দিখারৈ অধর করি কৈসে মন মাতৈ ॥

নীরঞ্জনের কী বাত কহি আরে অংজন মাহী ।

দাদু মন মানৈ নহী সরগ রসাতলি জাহি ॥

“মায়াই যে বসিল রাম হইয়া তাহাতো কেহই দেখিল না, সকল জগৎ আবার তাহাই মানে সত্য করিয়া তাই আমার বড় বিশ্বয় ।

মায়া বসিল রাম হইয়া, বলে যে আমিই মোহন রায় (মনোমোহন জগৎপতি), এমন দেবতাকেই অনন্ত মনে করিয়া সমস্ত জগৎ ষায় পূজা করিতে ।

মায়া রূপী রামকেই সবাই করিতেছে ধ্যান । আদি অনাদি অলপ দেবতা যিনি আছেন তাঁর গানই করে দাদু ।

ব্রহ্মার বেদ ও বিষ্ণুর মূর্তি পূজা করে সকল সংসার, মহাদেবের সেবাও বেশ চলে, সৃজনকর্তা বিধাতাই শুধু রহিলেন কোথায় !

অঙ্কনকেই মনে করিল নিরঞ্জন, গুণকেই মানিল নিগুণ বলিয়া, ধরাকে দেখাইল অধর (আকাশ) করিয়া, কেমন করিয়া তবে মন মানে ?*

নিরঞ্জনের কথা কহিয়া কহিয়া, আসে অঙ্কনের মনো, হে দাদু, তাই মন তো মানে না চাই স্বর্গেই যাউক বা রসাতলেই যাউক (“স্বর্গ যাউক রসাতলে, তবু মন তো মানে না” এই অর্থও হয়) ।”

মিথ্যাকে সাধনা কন্যাও মিথ্যা :

কামধেনুকে পটংতরৈ কঠৈ কাঠ কী গাঠ ।

দাদু দুধ দুই নহী মূরখ দেখ বহাই ॥

চিংতামনি কংকর কিয়া মাংগৈ কছু ন দেই ।

দাদু কংকর ডারি দে চিংতামনি কর লেই ॥

পারস কিয়া পখানকা কংচন কদে ন হোই ।

দাদু আতম রাম বিন ভুলি পড়্যা সব কোই ।

সুরিজ ফটিক পখান কা তাসেী তিমির ন জাঠ ।

সাচা সুরিজ পরগটে দাদু তিমির নসাই ॥

* দাদুর কেরামতের কথায় উপক্রমণিকাতে এই বাণীটি উদ্ধৃত হইয়াছে (পৃ: ৫৩)

মুরতী খড়ী পখানকী কীয়া সিরজনহার ।

দাদু সাচ সূৰৈ নহী য় বূড়া সংসার ॥

দাদু বাঁধে বেদ বিধি ভরম করম উরঝাই ।

মরজাদা মাঠেই রহে সুমিরণ কীয়া ন জাই ॥

“কামধেনুর স্থলাভিষিক্ত প্রতিমা করিয়া (সবাই) করিল কাঠের গাউ !
হে দাদু, তাহা ছপ তো দেয় না ; হে মূর্খ, তাহা দাও বহাইয়া ।

(ইহারা) কাকরকে করিল চিন্তামণি, অথচ (সেই চিন্তামণি) মাগিলে
দেয় না কিছুই ! হে দাদু, আসল চিন্তামণি হাতে লইয়া কাকর দেও ফেলিয়া ।

পাষণকে করিল ইহারা পরশমণি ! কখনো তাহা হইতে যে হয় না কাঞ্চন ;
হে দাদু, আত্মারাম (আত্মারূপ পরশেশ্বর) বিহনে সবাই পড়িয়া গেল ভ্রমকূপে ।

ফটিক শিলাকে করিল ইহারা সূৰ্য্য ! * তাহাতে তো অন্ধকার দূর হয় না ।
হে দাদু, সাচ্চা সূৰ্য্য যদি প্রকাশিত হয় তবেই পালায় অন্ধকার ।

পাষণের মূর্ত্তি আছেন খাড়া, তাহাকেই মানিল সৃজনকর্ত্তা (ভগবান) !
হে দাদু, সত্যকে তো কেহ পায় না দেখিতে, এমন করিয়াই ডুবিল সংসার ।

ভরম করমে আটকাইয়া বেদ বিধি (সকলকে) করে বন্ধনে বন্ধ ।
শীমার মধ্যেই তাই রহিয়া গেল সবাই, (পরমাত্মাকে) স্মরণ সাধন করাই
হইল অসম্ভব ।”

ভক্ত কোনো ঐশ্বর্য্যই চান্ন না :

চারি পদার্থ মুক্তি বাপূরী আঠ সিধি নব নিধি চেরী ।

মায়া দাসী তাকৈ আর্গৈ জহঁ ভগতি নিরংজন তেরী ॥

“হে নিরঞ্জন, যে হৃদয়ে তোমার ভক্তি বিরাজিত তার কাছে মায়া দাসীমাত্র ।
(ধর্ম্ম অর্থ কাম মোক্ষ) চারি পদার্থ ও বেচারী মুক্তি, অষ্টসিদ্ধি ও নব নিধি
তার চেড়ী (দাসীমাত্র) ।”

সাপ্তকের সহজ জীবন মাত্রা :

রোক ন রাঁখে ঝুঁঠ ন ভাঁখে দাদু খরটে খায় ।

নদী পূর পররাহ জেঁটা মায়া আঁরে জাই ॥

* শালগাম যেমন বিষ্ণুর বিগ্রহ তেমনি সূর্য্যের বিগ্রহ হয় ফটিক শিলায়

সদিকা সিরজনহারকা কেতে আঁরে জাই ।

দাদু ধন সংচৈ নহী বৈঠ খিলারৈ ঝাই ॥

“(যে সাধক) সে কিছুই বাধিয়া রাগে না বুটাও বলে না, মিথ্যাও আচরণ করে না, হে দাদু, সে অপরকে বিতরণ করে ও নিজে সম্ভোগ করে (খরচ করে ও খায়) । পূর্ণপ্রবাহ নদীর মত (তার সন্মুখ দিয়া) মায়া আসে ও যায় ।

সৃজনকর্তা ভগবানের সত্য দান কতই আশিত্তেছে ও যাইতেছে; তাই দাদু ধন কখনও সঞ্চয় করে না, সে বসিয়া খাওয়ায় ও খায় ।”

চতুর্থ প্রকরণ—সাধনা

চতুর্থ অঙ্ক—সুক্ষ্ম জনম :

মরিলে আবার দেহ ধরিয়া নূতন জনম হয় ইহাই সবাই জানে । কিন্তু এই দেহ এই জীবন থাকিতেই প্রতি দণ্ডে প্রতি পলে আমরা কত কত জনম লাভ করিতেছি তাহার খবর তো কেহ রাপে না ।

জনম জনমে চৌরাশী লক্ষ জীবনের মধ্য দিয়া এই জীব আসিয়াছে । সেই সব জীবন আজও প্রচ্ছন্ন ভাবে এই জীবের মধ্যে আছে । যখন যে ভাব অস্তরে উপস্থিত, তখন সেই জনমই হইয়াছে বৃষ্টিতে হইবে । জনমের এই নূতন মর্শ্ব মানিয়া লওয়ায় ইহারা জাতিভেদের মূলে কুঠারাঘাত করিয়াছেন । মানুষ হইলে তবে তো ব্রাহ্মণ শূদ্রাদি জাতি । মানুষের চামড়ার মধ্যেই মানুষ যে নিরস্তর হইতেছে ক্রমে ক্রমে নানা জীব জন্তু পশু পক্ষী ! তবে আর জাতি ভেদ হইবে কাহার ? মানুষ তার বাহিরের চামড়ার পরিচয়েই যে সর্বদা মানুষ এই কথাই ধারা মানেন না, তাঁরা আবার ভিন্ন জাতিতে কেবলমাত্র একবার জন্ম হইয়াছে বলিয়াই যে সেই সেই জাতিধর্ম জন্মের জোরে চিরদিনের মত মানিয়া লইবেন ইহা অসম্ভব । ধারারা এই সব “পণ্ডিত” জাতির সাধকদিগকে হীন করিয়া রাখিয়া দিলেন তারা জানিতেন না যে ইহারা জনমের কোন নিত্যগতি সদা সক্রিয় ধারার সন্ধান পাইয়া মাথার উপরের সব অপমানের ভার দূর করিয়া দিয়াছেন ।

বাহিরের দেহের পরিবর্তনেই জনমের পরিবর্তন যদি হয়, অস্তরের ভাবের পরিবর্তনে তবে আরও বেশী মূলগত জন্মান্তর ঘটে, যদিও তাহা কারও চোখে ধরা পড়ে না । যত ভাব অস্তরে আসে ততই অস্তরে সূক্ষ্ম ও অস্তুর অস্তুর নব নব জনম নব নব অবতার আমরা লাভ করি । একটু স্থির হইয়া না বসিতে পারিলে কেমন করিয়া এই চিন্তামন দিয়া ব্রহ্ম-যোগ হইবে ?

একটি একটি ভাব আসিতেছে, একটি একটি ভাব যাইতেছে ; পূর্ব পূর্ববর্তী জনমকে মারিয়া নূতন জনম আসিতেছে, ভিতরেই এই নিরস্তর

আশা যাওয়া যারামারি সূক্ষ্মভাবে অনবরত চলিয়াছে, কেহই তাহা দেখিতে পারি না।

উদ্ধার পাইতে হইলে স্থির হইতে হইবে। মন কখনও হস্তী হয় কখনও হয় কীট, কখনও অগ্নি কখনও জল কখনও পৃথিবী কখনো আকাশ। মনের মধ্যে সিংহও আছে শৃগালও আছে। সব মানুষ অস্তরের মধ্যে ক্রমাগত নানা জীবের স্বরূপ ধরে। সাধক ব্রহ্মরূপায় এই প্রতি দণ্ডের প্রতি পলের নব নব জন্ম প্রবাহ হইতে রক্ষা পাইয়া স্থির হইয়া তাঁর যোগ লাভ করিয়া উদ্ধার পান।

চৌরাসী লখ জীরকী পরকীরতি ঘটমাহিঁ ।
 অনেক জনম দিনকে করৈ কোঈ জাঈ নাহিঁ ॥
 জেতে গুণ ব্যাপৈঁ জীরকী তেতেহী ঔতার ।
 আরাগমন য়হ দূরি করৈ সমরথ সিরজনহার ॥
 সবগুণ সবহী জীরকে দাদু ব্যাপৈঁ আই ।
 ঘট মাঁইহৈঁ জাঈ মঠৈঁ কোই ন জাঈ তাহি ॥
 জীর জনম জাঈ নহীঁ পলক পলক মৈঁ হোই ।
 চৌরাসী লখ ভোগঠৈঁ দাদু লঠৈঁ ন কোই ॥
 অনেক রূপ দিনকে করৈ য়হ মন আঠৈঁ জাই ।
 আরাগমন মনকা মিটে তব দাদু রঠৈঁ সমাই ॥
 নিসবাসর য়হ মন চঠৈঁ সূখিম জীর সংঘার ।
 দাদু মন থির কীজিয়ে আতম লেছ উবার ॥
 কবহুঁ পারক কবহুঁ পানী ধর অংবর গুণ বাঈ ।
 কবহুঁ কুংজর কবহুঁ কীড়ী নর পশু হোই জাঈ ॥
 সূকর স্থান সিয়ার সিংহ সরপ রঠৈঁ ঘট মাঁহিঁ ।
 কুংজর কীড়ী জীর সব পণ্ডিত জাঈ নাঁহিঁ ॥

“এই ঘটের মধ্যেই চৌরাসী লখ জীবের প্রকৃতি, প্রতিদিন তাহার।
 (মানবের) অনেক জনম (সাধন) করে, কেহই তাহা জানে না।

যত গুণ আসিয়া জীবকে ব্যাপে ততই হয় তার অবতার। এই আসা যাওয়া দূর করিতে পারেন এক সর্বশক্তিমান সৃষ্টিকর্তা।

সকল জীবের সব গুণই আসিয়া, হে দাদু, ব্যাপে এই ঘটে ; এই ঘটের মধ্যেই জন্মে ও মরে, কেহই তাহা জানে না।

পলকে পলকে যে তার জন্ম হইতেছে এই তত্ত্ব জীব নিজেই জানে না, (এই জীবনেই) সে চৌরাশী লক্ষ জনম ভোগ করিতেছে, হে দাদু, ইহা কেহই দেখে না।

এই মন আসে আর যায় আর দিনের মধ্যে অনেকরূপ করে (জনম)। মনের এই আসা যাওয়া যদি মেটে দাদু তাহা হইলেই (ভগবানে) থাকিতে পারে ভরপুর সমাহিত হইয়া।

নিশিদিন চলিতেছে এই মন আর নিরন্তর চলিয়াছে সূক্ষ্ম জীবনসংহার। হে দাদু, মন কর স্থির, আপনাকে লও উদ্ধার করিয়া। (মন) কখনও অগ্নি কখনও জল কখনও পৃথিবী কখনও আকাশ গুণ, কখনও বায়ু কখনও হস্তী কখনও কীট কখনও মানুষ কখনও যায় পণ্ড হইয়া।

শূকর, কুকুর, শিয়াল, সিংহ, সর্প ঘটের মধ্যেই থাকে। হস্তী হইতে কীট পর্যন্ত সব জীব আছে এখানে, পণ্ডিতও তাহার রাখে না কোনো খবর।”

চতুর্থ প্রকরণ—সাধনা

পঞ্চম অঙ্ক—“উপজ” অঙ্ক :

উপজ অর্থ উৎপত্তি। অহম্ভাবের উৎপত্তি, সাধনার একটি মস্ত বাধা। অহম্ভাব হইলেই মায়া আসিয়া জোটে আর সত্ত্বরজঃতমঃ প্রভৃতিতে মন হইয়া যায় চঞ্চল।

অহম্ভাব হইলেই সাধক বলহীন হইয়া পড়েন আর “সত্ত্বরজঃতমে”র অঙ্ককারে তাঁহাকে ধরে। সাধনার বল যাহাতে না যায়, এই অঙ্ককার যাহাতে না ধরে, তাহার ব্যবস্থা করিবে পারেন একমাত্র পরব্রহ্ম ভগবান।

অহম্ভাব বা অহমিকা হইল বন্ধ্যার পুত্র। বিশ্বজগৎকে বাদ দিয়া সঙ্গীণ অহমিকা নিরাশ্রয়, কাজেই পরমসত্য এক পরমাত্মা পরব্রহ্ম। গুরুদত্ত জ্ঞানে যদি এই সত্য বোধ জন্মে তবে ইঞ্জিয়বিক্ষোভ হইতে রক্ষা পাইয়া মন নিশ্চল হইয়া ভগবানের সঙ্গ লাভ করে।

“অহম্” কে বড় জোর বলিতে পার সত্যজ্ঞানের আধারমাত্র। বিশুদ্ধ অহমের কোনো নিদ্রাশ্ব নাই বলিয়া এই শুভ্র শুদ্ধ ফলকে সত্য জ্ঞান উদ্ভাসিত হয়। এই নিশ্চল জ্ঞান জন্মিবামাত্রই মিথ্যা ও কৃত্রিমকে অতিক্রম করিয়া সাধক নিরঞ্জন স্থানে গিয়া পৌছায়। তখন প্রেম ভক্তি উপজ, আর তাহা হইলেই সহজ সমাধি লাভ হয়, তখন গুরুর কৃপায় ভগবানের প্রেম রস-পান হয় সম্ভব।

ভগবানের প্রতি ভক্তিও নিরঞ্জন, সে ভক্তিও অবিচলিত ও অবিনাশী। ভক্তিতে জীবন্ত আত্মা সকল দিক জীবন্ত করিয়া তোলে।

মধ্য যুগের সাধকেরা বড় বিনয়ী। প্রায় সকলেই বলিতেন, “আমরা গুরু নহি, আমরা ঐ পথের পথিকমাত্র”। যাহারা বুঠা পথে গিয়াছেন, সেই সব সাধুরা বলিতেন, “আমরা গম্য স্থানে পৌছিয়াছি, আমাদের প্রদর্শিত পথে চল।” ইহাতে লোকের ভুল হইত। তাই দাদু বলিতেছেন “যারা উড়িয়া চলিয়াছেন সেই সব সাধকরাই বলেন আমরা পথে আছি মাত্র। আর যাহারা বলেন, পৌছিয়াছি, তোমরাও চল, তাহারা পথের সঙ্গানও পান নাই।”

দাদু সংসারী ছিলেন। তবে কারও কারও মতে তাঁর জীব পূর্বেই মৃত্যু হয়, তাহার পর তিনি আর বিবাহ করেন নাই। তখনকার কবীর প্রভৃতি সাধুরা গৃহী হইয়াই সাধনা করিয়াছেন, ইহাই তাঁহাদের ছিল আদর্শ। এখনও তাহাদের সেই ধারা চলিয়া আসিতেছে এমনও বহু স্থান আছে।

দাদু সংসার ও ধর্মসাধন সব রকম করিয়া বুঝিয়াছিলেন যে ভগবানের রঙ্গ মন না রক্ষিয়া উঠিলে সকল সাধনার মূলীভূত “অহম্ভাব”টি জন্মে না। একবার এই অহম্ভাব হইলে পথ যায় সহজ হইয়া।

মৃত্যু ও অমৃতের তত্ত্ব প্রকাশ হইল কেমন করিয়া? পরব্রহ্ম ইহা প্রাণকে কহিলেন, প্রাণ ইহা ঘটকে কহিল, ঘট ইহা বিশ্বসংসারকে কহিল; মৃত্যু ও অমৃত যে ভিন্নধর্মী বস্তু, তাহা এমন করিয়াই সকলে জানিল।

ব্রহ্মের আদেশবাণী কেমন করিয়া প্রকাশ হইল? প্রভু ইহা আত্মাতে

কহিলেন। আত্মা ইহা সত্তাকে কহিল, সত্তা ইহা সকল স্থান ও কালকে কহিল, এমন করিয়া তাঁর বানী তাঁর খবর সকল বিধে পরিব্যাপ্ত হইল।

সকলেই নিজ অন্তর্ভবের কথায় ব্রহ্মতত্ত্বের কথা বানাইয়া বলে। ঠিক যেমনটি যেমনভাবে অন্তর্ভবে আসিয়াছে তেমনভাবেই বলা উচিত। কিন্তু এই বিষয়ে দাচ্চা থাকে কঠিন। মানুষ প্রায়ই এখানে মাত্রা ছাড়াইয়া বলিতে চায়। কাজেই এখানে আপনার বাক্যকে সংযত করিতে পারে এমন সাধক দুর্লভ।

প্রেমের নিশ্চল বোধেই অহমিকার ক্ষয় :

মায়া কা গুণ বল করৈ আপা উপজৈ আই।

রাজস তামস সাতগী মন চঞ্চল হোই জাই ॥

আপা নাতী বল মিটে ত্রিবিধি তিমির নহি হোই।

দাদু যত্ গুণ ব্রহ্মকা স্মর সমানা সোই ॥

আতম বোধ বাঁঝ কা বেটা গুরুমুখি উপজৈ আই।

দাদু নিহচল পংচ বিন জহঁ। রাম তহঁ জাঠি ॥

আতম মাতৈই উপজৈ দাদু নিহচল জ্ঞান।

কিতম জাঠি উলংঘি করি জহঁ। নিরংজন থান ॥

প্রেম ভগতি জব উপজৈ নিহচল সতজ সমাধ।

দাদু পীরৈ রামবস সতগুরকে পরসাদ ॥

“মায়ায় গুণ যদি বলবান হয় তবে অহমিকা আসিয়া হয় উৎপন্ন ; রাজস, তামস ও সাত্বিক, (এই সবেতে)—মন হইয়া যায় চঞ্চল।

অহমিকা বশতঃ বল নষ্ট হয় না, (সত্ত্ব রজ তম এই তিন ভাবের) তিন একম অঙ্ককারণ হয় না এমন (বাবস্থা করিবার মত) গুণ আছে কেবল ব্রহ্মের-ই, হে দাদু, তিনি শূন্য-সমাহিত।

“অহম্-বোধ” হইল বক্ষ্যার পুত্র। গুরু মুখে (সাধারণ অর্থ-“দীক্ষা-জাত”) জ্ঞান আসিয়া উৎপন্ন হইলে, পঞ্চ (ইন্দ্রিয় প্রভাব)-মুক্ত সেই নিশ্চল জ্ঞান দেখানে যায় যেখানে রাম বিরাজমান।

হে দাদু, আত্মার মধ্যেই উৎপন্ন হয় সেই নিশ্চল জ্ঞান। কৃত্রিমকে অতিক্রম করিয়া যেখানে নিরঞ্জন-স্থান সেখানেই সে যায়।

প্রেম ভক্তি যখন হয় উৎপন্ন তখনই নিশ্চল সহজ সমাধি। তখন সদগুরুর প্রসাদে দাদু রাম-রস করে পান।”

ভক্তির বিন্যাস :

ভগতি নিরঞ্জন রামকী অবিচল অবিলাসী ।

সদা সজীবনি আত্মা সহজৈ পরকাসী ॥

মানুষ জব উড়# চালাতে কহতে মারগ মাতি ।

দাদু পহঁচে পংখ চল কহেঁ সো মারগি নাহি ॥

“নিরঞ্জন রামের প্রতি ভক্তিও নিরঞ্জন। অবিচলিত এবং অবিলাসী এই ভক্তি থাকিলে সজীবন আত্মা সহজেই হয় প্রকাশিত।

মানুষ যখন উড়িয়া চলে, তখন বলে যে, “পথেই আছি (পথিক হইয়া সাধনার পথে চলিতেছি)” ; হে দাদু, যে বলে, “পহঁ ছিয়াছি আমার পথেই চল,” সে কখনও পথই পায় নাই।”

ঐশ্বর্যের অন্তর জন্মে :

পহিলে হম সব কুছ কিয়া ধরম করম সংসার ।

দাদু অন্তর উপজী রাতে সিরজনহার ॥

“প্রথমে আমি সব কিছু করিয়াছি, ধরম, করম ও সংসার (কিন্তু কিছুতেই কিছু হয় নাই, যত দিন তাঁহাতে মন না রক্ত হইয়াছে বা অন্তরে অনুভব না হইয়াছে)। হে দাদু, অনুভব তখন উপজিল যখন মন রক্ত (বঞ্জিত ও অমুরক্ত) হইল ভগবানে।”

ঐশ্বর্যের ও হুকুম কেমন করিয়া আসিল :

পারব্রহ্ম কহা প্রাণ সৌ প্রাণ কহা বট সোঠ ।

দাদু ঘট সবসৌ কহা মৃত অমিত গুণ দোঠ ॥

মালিক কহা অররাহ সৌ অররাহ কহা ঐজুদ ।

ঐজুদ আলম সৌ কহা হুকুম খবর মৌজুদ ॥

“উদ্ভব” পাঠও আছে।

দাদু জৈসা ব্রহ্ম হৈ অনভর উপজী হোই ।

জৈসা হৈ তৈসা কহৈ দাদু বিরলা কোই ॥

“পরব্রহ্ম কহিলেন প্রাণের কাছে, প্রাণ কহিল ঘণ্টের (অস্তরের) কাছে, হে দাদু, ঘণ্ট কহিল সবারই কাছে, যে মৃত্যু ও অমৃতের ধর্ম বিভিন্ন ।

মালিক কহিলেন আত্মার কাছে, আত্মা কহিল সত্তাকে (কায়া অর্থও হয়) । সত্তা কহিল সকল বিশ্ব ও সকল যুগকে (আলম অর্থ স্থানকালময় সর্ব বিশ্ব), এমন করিয়াই তাঁর বার্তা ও তাঁর হুকুম হইল সর্বত্র বিরাজিত ।

হে দাদু, ব্রহ্ম যেই রকম, যথার্থ অনুভবও যদি সেই রকম হইয়া থাকে উৎপন্ন তবে সাধক ঠিক যেমন তেমনই বলে । এমন সাধক হুল্লভ ।”

চতুর্থ প্রকরণ—সাধনা

অষ্ট অক্ষ—নিগুণ অক্ষ :

সাধনাতে সাধকের নিজেরও শক্তি থাকা চাই । সাধকের আপনার শক্তি না থাকিলে কিছুতেই কিছু হয় না । ভগবানই বল, গুরুই বল, সংসঙ্গই বল, সকলেরই মূলে আত্ম-শক্তি । নিজের মদোও বস্তু না থাকিলে কে আমার কি উপকার করিতে পারে ?

নিগুণ বাণকে চন্দনের নিকট দীর্ঘকাল রাখিলেও সে চন্দনের কোনো গুণই পায় না । পাথরে কি কখনও জল প্রবেশ করে ? এমনই সে কঠিন ! দুর্ভাগা মলিন লৌহকে যদি পরশমণির কাছে রাখ তবে সে আপন মলিনতার ব্যবধান রাখিয়াই নিজেকে সোনা হইতে দেয় না । ইহারা সকলেই এমন একান্তভাবে স্বধর্ম রক্ষা করার পক্ষপাতী যে কোনো উন্নতি বা উৎকৃষ্ট ভাবাস্তরপ্রাপ্তিকে ইহারা সম্বন্ধে পরিহার করে ! এমনই ইহারা সনাতন স্বধর্মপরায়ণ ! অস্তরের মধ্যে কোনো গুণ না থাকাতেই ইহারা উন্নত অগ্রসর হইতে এমন একান্ত অনিচ্ছুক, তাই ইহারা পুরাতন ধর্মই প্রাণপণ থাকে আঁকড়াইয়া । কামনা-বৃত্ত বা একগুঁয়ে মন ভগবানের কাছে রাখিলে কি হইবে ? সে কিছুতেই বদলাইবে না, ইহাই তাহার দৃঢ় প্রতিজ্ঞা !

যে গুণহীন সে উপকৃত হইলেও কৃতজ্ঞ হয় না অধিকন্তু উপকারীকেই করে আঘাত। তবু যিনি মহৎ তিনি উপকারই করেন, যে অধম সে অকৃতজ্ঞই থাকে।

নিশ্চয় কিছুই গ্রহণ করিতে অক্ষম :

কোটি বরস লৌ রাখিয়ে বংসা চন্দন পাস।
 দাদু গুণ লীয়ে রহৈ কদে ন লাগৈ বাস ॥
 কোটি বরস লৌ রাখিয়ে পথর পানী মাঁচিঁ ।
 দাদু আড়া অংগ হৈ ভীতর ভেদৈ নাঁচিঁ ॥
 কোটি বরস লৌ রাখিয়ে লোচা পারস সংগ ।
 দাদু ধুরকা অংতরা পলটৈ নাঁচীঁ অংগ ॥
 কোটি বরস লৌ রাখিয়ে জীর ব্রহ্ম সংগি দোঙ ।
 দাদু মাঁহৈঁ বাসনা কদে ন মেলা হোঙ ॥

“কোটি বরস (বংসর) ধরিয়াও যদি বাশকে রাগ চন্দনের পাশে, হে দাদু, (পুরাতন) স্বর্ষ্য লইয়াই সে থাকিবে, কখনও তাহাতে সুরভি আসিয়া লাগিতে পারিবে না।

কোটি বরস (বংসর) ধরিয়াও যদি পাথর রাগ জলের মধ্যে, জলেতে অঙ্গ সে আড়াল করিয়া রাখিবে, হে দাদু, অস্তুর ভেদ করিয়া জল ভিতরে প্রবেশ করিতেই পারিবে না।

কোটি বরস ধরিয়াও যদি লোহাকে রাগ পরশমণির সঙ্গে, সে আপন অঙ্গের ধূলাটুকুর আড়াল করিয়াও (পূর্ব স্বর্ষ্য অটুট রাখিবে), তবু তাহার স্বরূপ কোনো নতুই বদলাইতে দিবে না।

কোটি বরস ধরিয়াও যদি জীব ও ব্রহ্ম দুইজনকে রাগ একসঙ্গে, হে দাদু, (জীবের) বাসনা অস্তুরে থাকায় কখনও তাহাদের মধ্যে হইবে না মিলন।”

নিশ্চয়-অকৃতজ্ঞ :

মুসা জগতা দেখি করি দাদু তংস দয়াল।

মান সরোবর সে চল্যা পংখী কাটৈ কাল ॥

সতগুর চন্দন বারনা লাগে রইহঁ ভবংগ ।
 দাদু বিষ ছাড়ে নহাঁ কহা কঠৈ সতসংগ ॥
 বিনহি পারক জলি মুরা জরাসা জল মাঁহি ।
 দাদু সূকৈ সীচঁতা জল কৌ দূষণ নাহি ॥
 সফল বিরথ পরমারথী সুখ দেবৈ ফল মূল ।
 দাদু উপর বৈসি করি নিরগুণ কাটে মূল ॥

“মৃষিক (দাবানলে) জলিতেছে দেখিয়া, হে দাদু, দয়াল হংস তাহাকে মান-
 সরোবরে চলিল লইয়া, কাল মৃষিক কি না তারই কাটিতে লাগিল সব পাখা !

সদগুরু চন্দনের তরুণ তরুতে ভুজঙ্গম রছিল লাগিয়া; হে দাদু, সে তার
 (স্বধর্ম) বিষ তো ছাড়িল না, সংসঙ্গে তবে তার করিল কি ?

বিনা অগ্নিতেই জলের মধ্যে “জবাসা”* মরিল জলিয়া, হে দাদু, তাতে
 যত জলই সেচন কর ততই সে শুকায়, এই দোষ তো জলের নহে ।

সু-ফলসু পরসেবাপরায়ণ বৃক্ষ আনন্দে দেয় ফল ফুল ও আরাম, হে দাদু,
 তার উপরে বসিয়াই কি না নিগুণ (অকৃতজ্ঞ) কাটে তার মূল !”

* “বনাসক” বা “সমুদ্রাস্ত” —এক প্রকার ক্ষুদ্র ঝোপ, নদীর ধারে জন্মে ।
 বর্ষায় জলবর্ষণে ইহার ইহার সব পাতা ঝরিয়া যায় । শীতকালে নূতন পাতা
 ফুল হয় । গ্রীষ্মে ও শুষ্কতায় ইহার শ্যামলতা বাড়ে, জল পাইলেই ইহা
 যায় শুকাইয়া ।

চতুর্থ প্রকরণ—সাধনা

সপ্তম অঙ্ক—হৈরান

(উদ্ভ্রান্ত, দিশাহারা)

ব্রহ্ম অসীম, অথচ মানবজীবন সীমাবদ্ধ। তাই সাধনার ক্ষেত্রে দেখা যায় যে ব্রহ্মের নির্বিশেষ নির্বিকল্প অসীম স্বরূপের কাছে সাধক বিষ্ময়ে দিশাহারা হইয়া যায়। এই একটা মস্ত বাধা। এমন অবস্থায় উপায় কি ?

ব্রহ্মকে জীবন্ত বা অমৃত বলিতে পারি না—তাতে পক্ষ-দূষণ হয়। তিনি না আসেন না যান, তিনি না মুক্ত না জাগ্রত, বুঝাইব কেমন করিয়া ? সেখানে চুপ করিয়া থাকাই শ্রেয়, সেখানে “আমি তুমি”র কোনো ভেদ নাই, “এক দুই”য়ের কোনো ধন্দ নাই। এক বলিলে দেখি দুই আছে, দুই বলিলে দেখি এক। এ বৈতণ্ড নয় অবৈতণ্ড নয়, শাস্ত্রের সুবিধার জন্য সিদ্ধান্তকে সত্য হইতে ভ্রষ্ট করা চলিবে না। সত্য ঠিক যেমন আছে তেমন ভাবেই তাহাকে গ্রহণ করিতে হইবে। তথ্যভ্রষ্ট সুবিধামত সিদ্ধান্ত সাধকের পরম শত্রু।

সীমাহারা আনন্দ তাঁহার উপলক্ষি। যাঁহারা তাহাকে জানিয়াছেন তাঁহারা বুঝাইতে গিয়া দিশাহারা হইয়াছেন, তাঁহাদের মুখ দিয়া একটি কথাও বাহির হয় না। বড় বড় বুদ্ধিমান লোকেও ব্রহ্ম-উপলক্ষির আনন্দ পাইয়া উদ্ভ্রান্ত হইয়া গিয়াছেন, যদিও অপরকে কিছুই বুঝাইতে পারেন নাই। আনন্দের মধ্য দিয়াই তাঁহার সঙ্গে যোগ হইয়াছে, জ্ঞান ও তথোর রাজ্যের মধ্য দিয়া তো তাঁহার সঙ্গে যোগ হয় না, কাজেই তাঁহাকে বুঝান যায় কেমন করিয়া ?

অন্যে হার মানিয়া বলিতে হয় “হে স্বামী, তোমাকে জ্ঞানের দ্বারা যে আয়ত্ত করিব এমন সাধ্য আমার কোথায় ? তুমি নিজেকে নিজেকে জান, আমার সাধ্য কি তোমাকে জানা ? আনন্দে যে আমার কাছে একটু ধরা দিয়াছ ইহাতেই আমি তোমার হইয়া গিয়াছি।”

তিনি আপনার যথার্থ পরিচয় নেন সেবকেরই কাছে। ভগবানের কাছে যদি কিছু প্রার্থনীয় থাকে তবে সেই কাম্য বস্তুই পাই, তাঁহাকে পাই না। এই জন্ম দাদু বলেন, “তিনি জ্ঞানের দ্বারা গম্য নহেন, জ্ঞানে জানিতে চাহিও না। সাবধান, তাঁর কাছে কিছু প্রার্থনা করিও না, কারণ দীনের জ্ঞায় ভিক্ষা চাহিতে গেলে, তিনি তোমাকে ভিক্ষা দিয়াই বিদায় করিয়া দিবেন। কিন্তু আপনাকে দিবেন না। তাঁহার কাছে প্রার্থনা কর—তাঁরই সঙ্গে নিত্য যোগ। তাহা সম্ভব হয় প্রেমে। প্রেম সম্ভব হয় যদি স্বামীর ধর্মের ও সাধনার সঙ্গে নিজের সাধনা এক করা যায়। নারী স্বামীকে পায় স্বামীর সাধনা আপনার করিয়া লইয়া। ভগবানকে বলিতে হইবে, ‘তুমি যে জগতের সেবা করিতেছ তাহাতে আপনাকে একেবারে লোপ করিয়া সেবাকেই করাইয়াছ প্রত্যক্ষ, এমন পরিপূর্ণ সেবা আমাকে শিখাও। আমি সেবাতে নিত্য তোমার পাশে পাশে থাকিব। তোমার সেবা তাহাতে উপকৃত হইবে কি না জানি না কিন্তু এই উপলক্ষ্যে আমি তোমার নিত্য যোগ লাভ করিব।’ এমন করিয়াই ব্রহ্মের সঙ্গে মিলিতে হইবে। তিনি যদি রূপা করিয়া তাঁর আপন সাধনাতে (ব্রহ্ম-সেবাতে) অর্থাৎ বিশ্ব চরাচরের সেবায় তোমাকে গ্রহণ করেন তবে বিশ্বচরাচরকে ও সকলকে আপনার জ্ঞানিয়া সেবা করিতে ও তাঁহার নিত্য যোগ নিত্য সাধর্ধ্য লাভ করিতে পারিবে।” এই সব কথা দাদুর “অষ্টমত যোগে” বিশদ ভাবে বলা হইয়াছে।

যাহা বুঝাইতে পারা যায় না তাহা যে সংস্কার করা যায় না এমন নহে। মধ্য যুগের একটি প্রিয় দৃষ্টান্ত ছিল “বোবার গুড় খাওয়া”। বোবা গুড় পাইয়া স্বাদ সুখ বোধে কিন্তু বুঝাইবার মত শক্তি তাহার নাহি। রসনায় দুই গুণ, রস গ্রহণ করা ও ভাব প্রকাশ করা। বোবার স্বাদ গ্রহণের রসনা আছে, রস পায়; কিন্তু ভাব প্রকাশের বাণী তাহার নাই। সাধকের একটি মাত্র রাস্তা আছে তাঁহার আনন্দ প্রকাশের—সেটি হইল সঙ্গীত। যখন তাঁকে জ্ঞানে ধরিতে পারি না, তখন মনের গভীর গোপনে গুঞ্জন বাজিয়া ওঠে। ইহাট হইল বাহিরে আনন্দ প্রকাশের একটি মাত্র পন্থা। তাই সঙ্গীত জ্ঞানের দ্বারা গ্রহণীয় নয়, কারণ সে সেই রাজ্যেরই বস্তু নয়। সে আনন্দলোকের ধন, আনন্দ দিয়াই তাহাকে গ্রহণ করিতে হয়। এই কারণেই অসীমের পরশ

না হইলে সঙ্গীত হয় না। সীমার কাছে ধরা দিতে আসিয়াও অসীম যে ধরা দিতে পারিল না সেই বাথাই হইল সঙ্গীতের মূল। যোগের সেই আনন্দকে জানে গ্রহণ না করিতে পারার বাথাতেই সঙ্গীত হয় উচ্ছ্বসিত।

এক হইতে বহুধাবিচিত্র সৃষ্টি কেন তিনি করিলেন, দ্বৈত বা অদ্বৈত তত্ত্ব দিয়া স্বেবিধামত বিশ্বলীলা বুঝিয়া লইবার মত স্বযোগ আমাদের জন্ম কেন তিনি রাখিলেন না, সে রহস্য আমরা জানি না। এ কথা তিনি ছাড়া আর কেহ বুঝাইয়া বলিতে পারে না। মনোমোহন দেখিতেছি তাঁহার এই সৃষ্টিলীলা কিন্তু তবু বুঝিতে গিয়া হইয়া যাই দিশাহারা। আকারের পরিচয়ে এই সৃষ্টিলীলা দেখিলে আকার বুঝি। প্রাণের পরিচয়ে দেখিলে প্রাণও বুঝি, কিন্তু ব্রহ্মপরিচয় লাভ করিতে গিয়া কুল কিনারা আর পাই না। সমদৃষ্টি দিয়া জগতের বৈচিত্র্য সন্ভোগ করিতে হইবে, আত্মদৃষ্টি দিয়া একের উপলক্ষি লাভ করিতে হইবে। ব্রহ্মদৃষ্টির মধ্য সমদৃষ্টি ও আত্মদৃষ্টি দুইই যখন এক হইয়া গিয়াছে, তখনই হইল যথার্থ পরিচয়; তখন একও নাই বহুও নাই, তখন আছে শুধু বসিয়া বসিয়া যোগ ও লীলারস-আনন্দ ও সেই পরিচয়ের প্রত্যক্ষরস সন্ভোগ করা। প্রকাশের কোনো বাণী তখন আর নাই।

তবে একটি কথা ধরা পড়িয়া গিয়াছে। নিজের বিশ্বস্বরূপ উপলক্ষি করিতে গিয়া পরব্রহ্মও আমার সহায়তার আবশ্যক বোধ করেন। কারণ এমন একটি সীমার মধ্য দিয়া ছাড়া অসীমের যথার্থ পরিচয় পাওয়া অসম্ভব। আপন আনন্দ উপলক্ষি করিতেও তাই মানবের সীমাবদ্ধ নয়নের প্রয়োজন আবার অন্য দিকে ব্রহ্মকে ছাড়া, অসীমের মধ্য দিয়া ছাড়া শুধু দেহ দিয়াই মানুষ কিছুতেই ঠিক রস, ঠিক রূপটি বুঝিয়া উঠিতে পারে না। তেমনি আমার আনন্দের মধ্য দিয়াই তিনি আত্মস্বরূপের যথার্থ সন্ভোগ পান আমার তাঁহাকে বিনাও আমার আনন্দ নিঃসহায়। তাই আমাকে তাঁহার নয়ন বলা যাইতে পারে। তিনি আমার নয়ন, আমিও তাঁহার নয়ন। আমি সীমান্বিত, তাই তাঁহার অসীমতার মধ্য দিয়া না দেখিলে সত্য পরিচয় পাই না। তিনি অসীম, আমার সীমার মধ্য দিয়া না দেখিলে তিনিও পূর্ণ পরিচয়ের আনন্দে বঞ্চিত। এই তত্ত্বটি বিশদ ভাবে দাদুর রূপমর্শ প্রসঙ্গে বলা হইয়াছে।

অনর্গলনীল স্বরূপ :

নহীঁ ত্রিতক নহিঁ জীৱতা নহিঁ আঁৱে নহিঁ জাই ।

নহিঁ সূতা নহিঁ জাগতা নহিঁ ভূখ্যা নহিঁ খাই ॥

ন তহাঁ চূপ না বোলনাঁ মৈঁ তৈঁ নহাঁঁ কোই ।

দাদু আপা পর নহাঁঁ তহাঁঁ এক ন দোই ॥

এক কহুঁ তো দোই রহৈঁ দোই কহুঁ তো এক ।

য়েঁ দাদু হৈঁরাণ হৈঁ জেঁয়া হৈঁ তেঁয়া হীঁ দেখ ॥

“তিনি মৃতও নন জীবিতও নন, তিনি অসেনও না যানও না, তিনি স্তম্ভও নন জাগ্রতও নন, তিনি বৃহস্কিতও নন খানও না ।

সেখানে চূপ করিয়া থাক, কথাটিও কহিও না, সেখানে “আমি তুমি” প্রভৃতির বালাই নাই; হে দাদু, সেখানে না আছে আপন না আছে পর, না আছে “এক” না আছে “দুই” ।

এক বলি তো থাকে দুই, দুই বলি তো থাকে এক, তাইতো দাদু হইল দিশাহারা; তিনি যেমন আছেন ঠিক তেমনই দেখ । (তত্ত্ববাদীদের স্তম্ভবিধা করার জন্য সেই লীলার রসটি যে একপেশে হইয়া যাটী হয় নাই, ইহাতে রসিক পরিতৃপ্ত, যদিও দার্শনিক হইলেন হতাশ) ।”

তাঁহার আনন্দের কি পরিমাণ আছে ?

কেতে পারিখ পচি মুয়ে কৌমতি কহী ন জাই ।

দাদু সব হৈঁরান হৈঁ গুংগে কা গুড় খাই ॥

দাদু কেতে চলি গয়ে থাকে বহুত সূজান ।

বার্তৌ নারুঁ না নৌকসৈ দাদু সব হৈঁরান ॥

দেখি দিৱানে হোই গয়ে দাদু খরে সয়ান ।

বার পরে কোই না লহৈঁ দাদু হৈঁ হৈঁরান ॥

“কত কত জগরী (পরখ করনেওয়াল) মরিল পচিয়া, (তাঁহার) মূল্য বলাই যায় না; হে দাদু, সবাই হইল দিশাহারা, যেন বোবা খাইল গুড় ।

হে দাদু, কত কত জন গেল চলিয়া, কত সূজন হইয়া গেল ক্লাস্ত; কথায় কিছুই হইল না প্রকাশ, হে দাদু, সবাই হইল দিশাহারা ।

ভাল ভাল সব বুদ্ধিমান ইহা দেখিয়াই হইয়া গেল পাগল ; বার বার (সীমা সংখ্যা) তো কেহই পায় না, দাদু তাই হইয়া গেল দিশাহারা ।”

হে অগম্য, যেমন বুঝি তেমনই বলি

চক্ষু পারি নহি সীম মুখ শ্রবণ নেত্র কহি কৈসা ।

দাদু সব দেখে শুনে কহে গঠে হৈ ঐসা ॥

কেতে পারিখ অংত ন পারি অগম অগোচর মাহী

দাদু কীমতী কোই ন জানি তাতে কহা ন জাহী ।

জৈসা হৈ তৈসা নারি তুম্হারা জেঁয়া হৈ তৌয়া কহি নাই

তুঁ আপৈ জানি আপকো তই মেরী গম নাই ॥

“হাত পা মাথা মুখ তাঁর নাই, শ্রবণ নেত্র বা বল তাঁর কেমন ? অখচ তিনি এমন, যে সবই দেখেন শোনেন, বলেন ও গ্রহণ করেন ।

কত কত জহরী (পারখী, পরখকরনেওয়ালী) অসুই পায় না সেই অগম্য অগোচরের মধ্যে । হে দাদু, কেহই তো বোঝে না তার মূল্য । তাতেই যায় না কিছু বলা ।

যেমন আছে ঠিক তেমনই তোমার নাম, ইহার বেশী তো আর বলা চলে না ; যেমন আছে তেমনই কহি, হে স্বামী ; আপনিই তুমি জান আপনাকে । সেই অগম্যের মধ্যে যে আমার প্রবেশই নাই ।”

সহ-সেনকের কাছে পরিচর্য :

জীর ব্রহ্ম সেবা কৰৈ ব্রহ্ম বরানরি হোই ।

দাদু জানি ব্রহ্ম কোঁ ব্রহ্ম সরীখা সোই ॥*

বার বার কোই না লঠৈ কীমতি লেখা নাহি ।

দাদু একে নূর হৈ তেজ পূঞ্জ সব মাহি ॥

“জীব যদি ব্রহ্ম-সেবা করে তবে ব্রহ্মেরই সমান যার হইয়া, হে দাদু, সে ব্রহ্মকে জানে এবং সে ব্রহ্মেরই হয় সমধর্মী ।

• “ব্রহ্ম শরীকা নোট” পাঠে “সে ব্রহ্মের সরিক হয় ।” অর্থাৎ “তাঁর সঙ্গে তার ভাগাভাগীর দাবী চলে । সে ব্রহ্মের সঙ্গে যুক্ত ।” এই বিষয়টি দাদুর অদ্বৈত যোগ প্রবন্ধ ভাল করিয়া বলা হইয়াছে ।

বার পার (সীমা সংখ্যা) কেহই তো তাঁর পায় না, তাঁর মূল্যও যায় না লেখা ; হে দাদু, তিনিই এক মাত্র জ্যোতি, সকলের মধ্যে সেই তেজঃপুঞ্জই দেদীপায়মান ।”

ব্রহ্মানন্দে মনের গভীরে অন্যত্র গুঞ্জন

গুংগে কা গুড় কা কহুঁ মন জানত হৈ খাই ।

রাম রসাইন পীরতী। সো মুখ কথা ন জাতি ॥

এক জীভ কেতা কহুঁ পূরণ ব্রহ্ম অগাধ ।

বেদ কেতেবাঁ মিত নহীঁ থকিত ভয়ে সব সাধ ॥

দাদু মেরা এক মুখ কীরতি অন্ত অপার ।

গুণ কেতে পরমিত নহীঁ রহে বিচারি বিচার ॥

সকল সিরোমণি নার হৈ তুঁ হৈ তৈসা নাহিঁ ।

দাদু কোই না লহৈ কেতে আরহিঁ জাহিঁ ॥

দাদু কেতে কহি গয়ে অংত ন আরৈ ঔর ।

হম হুঁ কহতে জাত হৈঁ কেতে কহিসী হোর ॥

মৈঁ কা জানুঁ কা কহুঁ উস বেলা* কী বাত ।

কা জানো কৈসে রহৈ মো পৈ লখা ন জাত ॥

পার ন দেরৈ আপনা গুণ গুঞ্জ মন মাহিঁ ।

দাদু কোই না লহৈ কেতে আরহিঁ জাহিঁ ॥

“বোবার গুড় ! কি আর বলিব ? মন জানিতেছে সেই সন্তোষ ।
রামরসামৃত পান করার কি আনন্দ তাঃ। তো যায় না বলা ।

এক জিহ্বা, কত আর কহিব ; পূর্ণ ব্রহ্ম অগাধ ! বেদ কোরাণ সকল
শাস্ত্রে অপরিমেয় সেই আনন্দ ; সকল সাধক হইয়া গেলেন হৃদয়ান ।

আমার এক মুগ, অনন্ত অপার তাঁহার কীর্তি, গুণ যে কত তার নাই
পরিমাণ, কেবল ভাবিতে ভাবিতেই গেলাম রহিয়া !

* “বেলা” স্থলে “বলিয়া” পাঠও আছে । তাহার অর্থ হইবে সমর্থ,
বলবান । অর্থাৎ “সেই মহাশক্তিশালীর কথা আমি আর কি জানিব ।”

সকল শিরোমণি তোমার নাম, তুমি যেমন আছ এমন আর কিছুই নাই ; কেহই তো তাহা পরিপূর্ণভাবে পারিল না লইতে, কত কত জনই তো অনবরত আসিতেছে ও যাইতেছে চলিয়া ।

কত কত জনই গিয়াছেন বলিয়া তবু অস্তু কি তার কিছু আছে ? আমিও তো আজ যাইতেছি বলিয়া, কত কত জন আরও বলিবেন ভবিষ্যতে ।

আমি কি-ই বা বুঝি, কি-ই বা বলি সেই (ব্রহ্মযোগ-রস-সম্ভোগের) সময়ের কথা ? কি-ই বা বুঝি কেমন ভাবে রহে তখন সেই আনন্দ ও অন্তর্ভব ? তাহা লক্ষ্য করিয়া মনের মধ্যে রাখা আমার সাধ্য নহে ।

তিনি তো কোথাও দেন না আপন কূল কিনারা ? কেবল গুপ্ত গুঞ্জনই * রহিয়া যায় মনের মধ্যে । হে দাদু, কত জনই যে আসে যায় কেহই তো করিতে পারে না উপলক্ষি ।”

সৃষ্টির রহস্য

জিন্হ মোহন বাজী রচী সো তুম্হ পুর্চৌ জাতি ।

অনেক একথেঁ কেঁয়ো কিয়ে সাহিব কতি সমুঝাই ॥

ঘট পরচই সব ঘট লখেঁ প্রাণ পরচই প্রাণ ।

ব্রহ্ম পরচৈ পাইয়ে দাদু হৈ হৈরান ॥

সমদৃষ্টি দেখে বহুত আতম দৃষ্টি এক ।

ব্রহ্ম দৃষ্টি পরচৈ ভয়া দাদু বৈঠা দেখ ॥

এহী নৈনাঁ দেহকে এহী আতম হোঠি ।

এহী নৈনাঁ ব্রহ্মকে দাদু পলাটে দোই ॥

“যিনি এই মোহন লীলা করিয়াছেন রচনা, তাঁর কাছেই গিয়া জিজ্ঞাসা কর, ‘হে স্বামী, এক হইতে কেন অনেক করিলে রচনা ? এই রহস্যটি বল বুঝাইয়া ।’

ঘট পরিচয়ে সব ঘটের মেলে পরিচয় (দেহের পরিচয়ে “দেহজগতের” পরিচয় বুঝা যায়), প্রাণ পরিচয়ে প্রাণ জগতের বুঝা যায় পরিচয়, ব্রহ্ম পরিচয় পাইতেই দাদু হয় দিশাহারা ।

* কেহ কেহ অর্থ করেন “গুপ্ত বাখা রহিয়া যায় মনের মধ্যে ।” “গুঞ্জ” শব্দে “গূহ” পাঠও আছে, তাহা হইলে অর্থ হইবে “গুহ”, গোপনীয় ।

সমদৃষ্টি দেখে বিচিত্র নানাবিধ, আত্মদৃষ্টি দেখে এক। ব্রহ্ম দৃষ্টি (মাহাতে সমদৃষ্টি ও আত্মদৃষ্টি সবই আছে) দিয়াই হয় যথার্থ পরিচয়, হে দাদু, বসিয়া বসিয়া দেখ সেই লীলা।”

এই যে আত্মা ইনিই হইলেন এই দেহের নয়ন। আবার এই (আমার) আত্মাই হইল ব্রহ্মের নয়ন; হে দাদু, দুইই পরম্পরের জন্ম ষায় পালটিয়া।”

চতুর্থ প্রকরণ—সাধনা

৮ম অঙ্ক (সহায়ক অঙ্ক ১ম) “বিনতী”

মধ্য যুগের সাধকদেব ভাষায় “বিনয়” ও “বিনতী” বা বিনতি বলিতে প্রার্থনাই বুঝায়। তুলসীদাসের বিনয় পত্রিকা দেখিলেই কতকটা ইহার পরিচয় মেলে। দাদু প্রভৃতির “বিনতী” প্রার্থনার হিসাবে খুব উচ্চদের প্রার্থনা।

সাধারণতঃ “বিনয়ের” মধো থাকে নিজের দৈন্ত্য ও অপরাধ স্বীকার করা, ভগবানের উপর রক্ষার ভার দেওয়া, ভগবানই যে ভরসা ইহা স্বীকার করা, নিজের পতনের হেতু নিদেশ করা, ভগবান ইচ্ছা করিলে যে সব দুর্গতি দূর করিতে পারেন ইহা বিশ্বাস করা এবং সব শেষে ভগবানের কাছে যাহা চাই ইহা প্রার্থনা করা।

১। প্রথমেই দাদু বলিতেছেন, “আমার মত অপরাধী জগতে কেহই নাই। তিনি আমার স্বামী, তাই বলিয়া আমার দোষে বেন তাঁকে করিও না দোষী।”

“হে স্বামী, তোমাকে সেবা করিব বলিয়া যে সব শক্তি পাইয়াছিলাম তাহাতে যখন নিজের সুখ ও ভোগই খুঁজিয়াছি তখন আমি তোমার সেবা হইতেই চূরি করিয়াছি বলিতে হইবে। আমি ‘সেবা-চোর’। আমার মত অপবিত্র কে!”

তিল তিল করিয়া আমি চুরি করিয়াছি, পলে পলে চুরি করিয়াছি, সবই তুমি জান। কত অপরাধভার আমার মাথায়! শরণ লইতে পারি এমন উদার গভীর স্থান তুমি ছাড়া আর কোথাও নাই।”

২। “জীব বেচারার শক্তি বা কত! অথচ বন্ধনের তাহার নাই সীমা পরিসীমা। তোমার দরবারে আসিলে সবারই সব বন্ধন ঘোচে। তাহারও বন্ধন তবে যুচুক।”

“আমার মধ্যে সব দোষই আছে, সব দোষই দিনে দিনে চলিয়াছে প্রবল হইয়া, এমন দোষই নাই যাহা আমাতে নাই। মানুষকে ঠকান যায়, তোমাতে ঠকান অসম্ভব।”

“তোমার কথা যে ভুলি, তুমি রক্ষাকর্তা একথা যে ভুলি, এই বড় দুঃখ। হে স্বামী, তুমি দয়া কর।”

“তোমাকে ছাড়িয়া অন্ত্র গেলাম, কোথায়ও মিলিল না ঠাই, এখন অন্ত্র হইয়া তোমার কাছেই ফিরিতেছি।”

“প্রেমে ও দয়াতে তুমি সেবক হইয়াছ, আমাকেও গ্রহণ কর তোমার সেবাক্রমে; সেবা আমার সাক্ষাৎ ও দৃঢ় কর, তবেই দর্শন পাইব।”

“তোমাকে যে ছাড়িয়াছে তাকে তুমি ছাড় নাও। যতবার যোগসূত্র যায় ছিড়িয়া আবার নূতন করিয়া কর যোগস্থাপন। আমাদের যোগসূত্র কাঁচা সূতার; ছিড়িলেও জোড়া লাগে। সূতা পাকাইলে আর তাহা হয় না। সংসারের কোনো পাকেই আমাদের যোগসূত্রকে যে পাক খাইয়া কঠিন হইতে দাও নাই, তাই আজ রক্ষা।”

“কত জায়গায় আমার ফুটা, কত জায়গায় বাঁকা, টোল খাওয়া, পাক খাওয়া, সে সব ক্রটি সারিয়া আমাকে যথার্থ ঠিকানায় দাও পৌছাইয়া।”

৪। “ভবসাগরের মধ্যে এই জীবনটি যেন একটি ক্ষুদ্র তরীর মত চলিয়াছে ভাসিয়া; সম্মুখে ঘোর অন্ধকার কিছুই যায় না দেখা; কুল কিনারা নাই; হে গভীর অগাধ, তুমি যদি এই নৌকার হাল না ধর তবে কেমন করিয়া আমি হই পার?”

অন্তরা সামান্য রক্ষা করিতে পারে উদ্ধার, প্রাণ-উদ্ধার তুমি ছাড়া কে আর পারে করিতে?

আকাশ যদি ভাঙ্গিয়া মাথায় পড়ে, পৃথিবীর অণু পরমাণু যদি বিস্মিষ্ট হইয়া শূণ্ণীভূত হইয়া যায় তবে কে রাখে? পৃথিবীর চেয়েও তুমি বেশী আশ্রয়, তোমার আশ্রয় গেলে উপরে আশ্রয় কোথায়?

বসন্তের পরশ অমৃতময়। সে বৃক্ষলতার প্রকৃতির উপরকার জড়তার পরদা সরাইয়া কুম্ভের তরঙ্গ ফুলের খণ্ডা আনিয়া দেয়। বসন্তের কাছে আপন পরদা বিসর্জন দিয়া প্রকৃতি ফুলের তরঙ্গময় নবজীবন পায়। আমার যে সব বাধা যে সব আবরণ জমিয়াছে তাহা যদি তুমি দূর কর তবে পুষ্পতরঙ্গময় নবজীবন পাইব।

সকলে আবরণ উন্মোচন করিতে গিয়া প্রাণ হরণ করে, তাই যাহার তাহার কাছে আবরণ বিসর্জন দিতে পারি না। কোনো শাস্ত্রের কোনো সম্প্রদায়ের বা আর কিছু উপর সেই ভার দিলে চলিবে না। তাহারা প্রাণ নেয়, প্রাণ দেয় না।

১। সূর্য্য চন্দ্র তারা প্রভৃতি লইয়া যে এই বিশ্ব পৃথিবী তাহা সত্যের দ্বারা হইয়া আছে বিধৃত। এই সত্য এই যোগসূত্র যদি ছিন্ন হয় তবে সব যে যাহ স্থানভ্রষ্ট হইয়া; অণু পরমাণু সব ছন্নছাড়া হইয়া মহা প্রলয় হয় উপস্থিত। যে সত্য সকল যোগের মূল আধার সেই সত্য হইতে ভ্রষ্ট হইলে আর রক্ষা নাই।

বাহিরের যোগসূত্রের মত অন্তরের প্রেম সকল বিশ্বের গভীরতম যোগসূত্র। প্রেমসূত্র যদি ছিন্ন হয় তবে তাহার কোথাও রক্ষা নাই।

সত্য যোগসূত্র যদি ছিন্ন হয়, প্রেমসূত্র যদি ছিন্ন হয় তবে জগতে শূরত্ব, বীরত্ব, ধৈর্য্য কিছুই থাকে না। এই কথা সকলে বোঝেন না যে প্রেমই সকল বীরত্বের মূল। প্রেমহীন কখনও মানুষের মত মানুষ বা বীর হইতে পারে না। প্রেম যখন গেল তখন বৃষ্টিতে হইবে মৃত্যু উপস্থিত। মৃত্যুর অধিকারে আসিলেই মানুষ মনে করে বীর হইতে গেলে প্রেমকে ছাড়িয়াই সাধনা চলে।

৬। তাঁহার সৌন্দর্য্য আছে বলিয়াই জগৎ সুন্দর। তিনি অন্তরে প্রেম লইয়া সৃষ্টি করিয়াছেন। বলিয়াই জগৎকে এমন সুন্দর করিতে পারিয়াছেন। যেন সৌন্দর্য্যকে প্যালা করিয়া তিনি আপন অন্তরের প্রেমরস সবার কাছে দিয়াছেন ঢালিয়া। এই রহস্য যে জানে সে-ই প্রেম ও সৌন্দর্য্যের তত্ত্ব জানে।

বিশ্বের অন্তরে প্রেম যদি না থাকিত তবে বিশ্বের সৌন্দর্য্য জগৎকে করিত হীন ও পতিত। বাহিরের সৌন্দর্য্য যদি অন্তর-রসের প্রকাশ না হয় তবে সেই ভ্রষ্টতা মানুষকে দিনে দিনে পলে পলে থাকে মারিতে। অন্তরে প্রেম আছে বলিয়াই বিশ্ব সৌন্দর্য্য আমাদের কাছে দেয় নব প্রাণ। ভগবান সৌন্দর্য্য-প্যালায় ভরিয়া প্রেম দিয়া জগৎকে দিতেছেন নিত্য নব জীবন। কেবল বাহিরের সৌন্দর্য্য রস পান করাইবার জন্যই বিশ্বে এত আয়োজন! বিশ্ব সৌন্দর্য্যের প্যালা ভরিয়া যে তিনি তাঁহার অন্তরের অসীম প্রেমরস চান পান করাইতে। এই রসে মাতাল হইতেই ভক্তেরা রসিকেরা নিত্য করেন প্রার্থনা।

৭। এই প্রেম রসের উপর কি আমাদের কোনো দাবী আছে? তিনি দয়া না করিলে আমার কোনো দাবীই নাই। শুধু সাধনা করিয়া এই যোগাত্মা লাভ করিতে হইলে কোটি কল্প কালও সেই যোগাত্মা লাভ করা যাইত না।

৮। কাজেই বলিতে হয়, “হে প্রভু, আমার ইচ্ছাকে তোমার ইচ্ছার পদানত করিতেছি, তোমার ইচ্ছাই পূর্ণ হউক। চাই তুমি আমাকে রাখ বা মার, তোমার ইচ্ছার উপর নিজেকে সমর্পণ করাই একমাত্র কল্যাণ।”

৯। তাই কোনো কিছু বর না চাহিয়া তোমার কাছে নিত্য চাহি তোমাতে প্রেম ও ভক্তি। সেই প্রেম যেন তাজা জীবন্ত ও নিত্য নূতনতম হয়। যেখানে প্রাণ আছে সেখানে দৈন্ত কেন থাকিব? বসন্ত যখন আসে তখন কি দীনের মত পুরাতন বৎসরের শুক ফুলের পোটলি পুঁটলি লইয়া সে আসে? প্রাণের উপর ভরসা আছে বলিয়াই বসন্ত যখন যায় তখন তাহার সব উৎসব সমারোহ ছড়াইয়া দিয়া যায় চলিয়া। নূতন বৎসরের যখন বসন্ত আসে তখন তাহার “নবতম প্রেম” লইয়া “নূতনতম কুস্তম লহর” লইয়া ফুলের বন্যা বহাইয়া সে আসে। প্রাণধর্মে, বিশ্বের অন্তরের প্রেমে বিশ্বাস করে বলিয়াই উৎসবের পর উচ্ছিষ্ট সস্তার দীনের মত সঞ্চয় করিয়া সে রাখে না।

ভক্তেরা তাই শাস্ত্র ও লোকাচার গ্রাহ্যই করেন না। এই সব হইল পুরাতন উৎসবের উচ্ছিষ্টের সঞ্চয়। কেন পুরাতনের জীর্ণ ভার বৃথা বহন করা? এই পুরাতনের ভার যে নব প্রাণের উৎসর্গে চাপিয়া প্রাণকেই দেয় বাধা।

তাই ভক্ত বলেন, “অন্ত কোনো বর চাহি না। চাই প্রাণ, চাই প্রেম। তবেই নিত্য নূতন ঐশ্বর্য্য হইয়া উঠিব পূর্ণ। ঐশ্বর্য্য না চাহিয়া তাই চাই প্রেম।

সন্তোষ দাও, সত্য দাও, ভাব দাও, ভক্তি দাও, বিশ্বাস দাও,—আর কিছুই চাই না।”

“প্রেমহীন গন নিতা সংশয়ে শঙ্কায় ভরা। সেই সব সংশয় ও শঙ্কা দূর করিয়া সহজ সমতা কর প্রকাশ। সহজ সমতা পাইলে জগৎ সুন্দর আমার আপন হইবে। বিশ্বের সঙ্গে যোগ সহজ হইবে।”

“সংশয় শঙ্কায় নাস্তিকতায় আছে জীবন ভরিয়া। তাই মরিতেছি পুরাতনের জীর্ণ বোঝার ভারে। এই ভার সরাও। নাস্তিকতা দূর কর, আস্তিকতা দ্বারা জীবনকে নিতা নতুন করিয়া নবজীবনে কর পূর্ণ। অন্তর নির্ভর হইবে।”

১ : দোষের তান্ত্র নাই আমার :

দাদু বহুত বুরা কিয়া মুখ সৌ কছা ন জাই ।
 নিরমল মেরা সাইয়ঁ। তা কৌ দোস ন লাই ॥
 সাজঁ সেরা চোর মৈঁ অপরাধী বংদা ।
 দাদু দৃজা কোট নহীঁ মুঝ সরীখা গংদা ॥
 তিল তিলকা অপরাধী তেরা রতী রতীকা চোর ।
 পল পল কা মৈঁ গুণহীঁ তেরা বকসহ অরগুণ মোর ॥
 দোষ অনেক কলংক সব বহুত বুরা মুঝ মঁাইঁ ।
 মৈঁ কীয়ে অপরাধ সব তুম্ থৈঁ ছানা নঁাইঁ ॥
 গুণহগার অপরাধী তেরা ভাগি কহঁ। হম জঁাইঁ ।
 দাদু দেখ্যা সোধি সব তুম্হ বিন কহঁ ন সমঁাইঁ ॥

“অনেক অনেক শ্রদ্ধায় করিয়াছে দাদু, মুখে সে সব যায় না বলা ; নির্মল আমার স্বামী, তাঁহাকে দিও না কোনও দোষ ।

হে স্বামী, আমি সেবা-চোর (তোমার সেবা হইতে হরণ করিয়া নিজের ভোগে লাগাইয়াছি), আমি অপরাধী দাস ; হে দাদু, আমার সমান মলিন স্নিক অপবিত্র দ্বিতীয় আর কেহই নাই ।

প্রতি তিলে তিলে আমি তোমার কাছে অপরাধী, রক্তি রক্তির চোর

আমি, প্রতি পলে পলে তোমার কাছে আমি অপরাধী, আমার অপরাধ মার্জনা কর।

অনেক আমার দোষ, সব আমার কলঙ্ক, অনেক অনেক অন্তায় আমার মধ্যে, সব অপরাধ আমি করিয়াছি, সে সব কিছু তো তোমার অগোচর নাই।

আমি দোষী, তোমার কাছে অপরাধী; পলাইয়া আর আমি ঘাইব বা কোথায়? দাদু সব দেখিয়াছে খোঁজ করিয়া, তোমা বিনা আমার আর আশ্রয়ের ঠাই নাই।”

২ : অন্তর্যামী প্রভু বন্ধন কর :

বহু বন্ধন মেরী বন্ধিয়া এক বিচারী জীব।

অপনে বল ছুটে নহী ছোড়নকারী পীর ॥

দাদু বন্দীরান হৈ তু বন্দীছোড় দিরান।

অব জিনি রাখহু বন্দি মৈ মীরী মেহরবান ॥

দাদু অংতিরি কালিমী হিরদয় বহুত বিকার।

গরগট পুরা দূরি কর দাদু করৈ পুকার ॥

সব কুছ ব্যাপৈ রামজী কুছ ছুটা নহী।

তুমুঠৈ কহী ছিপাইয়ে সব দেখহু মাঁহি ॥

সবল সাল মন মের রঠৈ রাম বিসরি কোঁ জায়।

য়হু ছুখ দাদু কোঁ সঠৈ সাঁজী করহু সহায় ॥

“বহু বন্ধনে বন্ধ একেলা বেচারী জীব, আপন শক্তিতে বন্ধন তো ছুটিবে না, এক প্রিয়তমই পারেন বন্ধন মুক্ত করিতে।

দাদু হইল বন্ধ বন্দী, হৈ পরমাত্মা, তুমি সকল বন্ধন-মোচন; হৈ দয়াময় প্রভু, আর বন্দিশার মধ্যে আনাকে রাখিও না।

দাদুর অন্তরে কালিমা, জন্মে অনেক বিকার; হৈ ভগবান, আমার লোক-দেখান পূর্ণতা দূর কর।* তাই দাদু কাতরে তোমাকে ডাকিতেছে।

* “অন্তরের সব বিকার করিয়া দাও প্রকটিত, কিছুই গুপ্ত রাখিও না”, এই অর্থও হয়।

হে ভগবান, সব কিছু অগ্নায়ই প্রবল ভাষে আমার মধ্যে করিতেছে কাজ, কিছুই তো দূর হয় নাই; তোমা হইতে তাহা কোথায় লুকাইব? সবই দেখ বিদ্যমান আমার অস্তরের মধ্যে।

“ভগবানের কথা কেন মন যায় ভুলিয়া?” এটি প্রবল বাধাই সদাষ্ট বিধিতেছে মনের মধ্যে। কেন বা আমায় এটি দুঃখ হয় সহিতে? হে প্রভু, তুমি হও আমার সহায়।”

৩: দূঃখী তোমার কাছেই ফিরিল:

দাদু পছতারা রহা সকে ন ঠাহর লাই।

অরখি ন আয়া রামকে যত্ন তন যৌহী জাই ॥

সাহিব সেরক দয়াল হৈঁ সেরা দিট্ করি লেছ।

পারব্রহ্ম সৌ বীনতী দয়া করি দরশন দেছ ॥

সব জীর তোরৈঁ রাম সৌ পৈ রাম ন তোরৈ।

দাদু কাচে তাগ জৌঁ তোরৈ তৌঁ জোরৈ ॥

ফুটা ফেরি সরারি করি লে পছঁচারৈ ওর।

এসা কোই না মিলা দাদু গয়া বহোর ॥

“হে দাদু, এই অন্ততাপ রহিল মনে যে আশ্রয়ের ঠাইতে লাগিয়া রহিতে পারিলাম না; ভগবানের কাছে আসিল না বলিয়া এই দেহ এমনই গেল বৃথা।

স্বামী আমার সেবক-দয়াল, তুমিও সেবাকে লও দৃঢ় করিয়া; পরব্রহ্মকে এই বিনতি (প্রার্থনা), যে দয়া করিয়া দাও দরশন।

সব জীব ভগবানের সঙ্গে (প্রেম বন্ধন) করে ছিন্ন, কিন্তু তিনি (সে বন্ধন) কখনো করেন না ছিন্ন; হে দাদু, (সে . প্রেম সঙ্ক) কাঁচা (পাক না খাওয়া) সূত্রার মত, যেমন সে ছেঁড়ে তেমনই আবার চলে ছোড়া।

ফুটা বাকান ও টোল-খাওয়া (পাত্র) সারাইয়া সুরাইয়া লইয়া ঠিকানা মত পৌছিয়া দেয় এমন মিলিল না কেহই, তাই দাদু ফিরিয়া আসিল তোমার কাছে (অথবা সময় গেল বহিয়া)।”

৪: শ্রীহরি ভরসা :

যত্ন তন মেরা ভরজলা কোঁ করি লাঁঘে তাঁর ।
 খেবট বিন কৈসে তিতৈ দাদু গতির গঁভীর ॥
 যত্ন ঘট বোহিত ধারমৈ দরিয়া বার ন পার ।
 ভীত ভয়ানক দেখি করি দাদু করী পুকার ॥
 আগে ঘোর অংধার হৈ তিসকা বার ন পার ।
 দাদু তুম্হ বিন কোঁ তিতৈ সমরথ সিরজনহার ॥
 আতম জীর অনাথ সব উবারৈ করতার ।
 কোই নহী করতার বিন প্রাণ উধারনহার ॥
 তেরা সেরক তুম্হ লগৈঁ তুম্হ হী পর সব ভার ।
 দাদু বড়ত রামজী বেগি উতারৌ পার ॥
 গগন গিরৈ তব কো ধরৈ ধরতী ধর ছংডৈ ।
 জো তুম্হ ছাড়ছ রামজী কংধা কো মংডৈ ॥
 তন মন তুম্হ কোঁ সৌপিয়া সাচা সিরজনহার ।
 তুম্হ বিচি অংতর জিনি পটৈ তাথৈ করুঁ পুকার ॥
 সকল ভুরন সব আতমা ইমরিত করি করি লেই ।
 পরদা হৈ সো দুরি করি কুসুম লহর তহিঁ দেই* ॥

“ভবই সাগর, এই আমার তনু কেমন করিয়া ভবজল পার হইয়া পাঠবে তাঁর ? পারকর্তা কর্ণধার বিনা গভীর গন্তীর এই সাগর কেমন করিয়া হইবে পার ?

এই দেহটি খেন ধারার মাঝে নৌকাপানি, অথচ সমুদ্রের নাট কুল কিনারা, ভয়ানক ভীতি দেখিয়া দাদু ডাকিতেছে তোমাকে কাতরে ।

* “কসমস রহণ নহিঁ দেই” পাঠ অংগবন্ধুতে আছে । তাহার অর্থ “পাপ আর থাকিতেই দেয় না ।”

সম্মুখে ঘোর ঝঙ্কার, না আছে তার কূল না আছে তার কিনারা, তোমা
বিনা দাদু কেমন করিয়া তাহা তরিবে ? তুমিই সর্বশক্তিমান সৃজনকর্তা ।

(তিনি বিনা) সব জীব, সব আত্মা (মানুষ) অনাথ, “করতার”ই
(বিশ্বকর্তা) একমাত্র পারেন উদ্ধার করিতে, “করতার” বিনা এমন কেহই
নাই যে কবিত্তে পারে প্রাণ-উদ্ধার ।

তোমার সেবক তোমার সাথে সাথে, তোমার উপরই সব ভার ; হে ভগবান,
দাদু ডুবিতেছে, শীঘ্র তাকে পারে কর উত্তীর্ণ ।

আকাশ যদি, (মাথার উপর) ভাঙ্গিয়া পড়িয়া যায় তবে কে তাকে ধরে ?
ধরিত্রী যদি তার ধৃতি গুণ-ত্যাগ করে তবে কে তাকে রাখে ? হে ভগবান,
তুমি যদি আমাকে ছাড়, তবে কে আমাকে স্বচ্ছ দিবে (কে আমার ভার
নিবে, কে আমাকে আশ্রয় দিবে) ?

হে সাক্ষা বিশ্ববিধাতা, তবু মন আমার সঁপিলাম তোমাকে ; তোমার
আমাব মধ্যে যেন আর কোনো বাবদান না গুঠে ঘটিয়া, তাই তোমাকে
আমি কাতরে করি নিবেদন ।

সকল ভুবন সকল আত্মাকে হরি লন অমৃত করিছা । পরদা যাহা আছে
তাহা দূর করিয়া কুসুমের লহর সেখানে দেন বহাইয়া ।”

১। সত্যভ্রষ্টের প্রেমভ্রষ্টের পতন :

চন্দ্র তপন তার টুটে ধর ভূধর টুটি জায় ।
সত্য ছুটা সবহি টুটা জক্ত রাখহি কোন আয় ॥
জেঁা। রৈ বরত গগনতে টুটে কই। ধরনী কই ঠাম ।
লাগী সুরতি অংগথেঁ ছুটে সো কত জীরৈ রাম ॥
সত ছুটা সুরাতন গয়া বল পোরুধ ভাগা জাই ।
কোঙ্গি ধীরজ না ধরৈ কাল পছঁচা আই ॥

“চন্দ্র তপন তারা যায় টুটিয়া, ধরা ভূধর যায় চূর্ণ হইয়া । সত্য হইতে ভ্রষ্ট
হইলে সবই যায় চূর্ণ চূর্ণ হইয়া, তখন কে আসিয়া অগতকে করে রক্ষা ?

যেই ডোরে সব কিছু বিধূত, সেই ডোর যদি গগন হইতে যায় টুটিয়া, তবে কোথায় বা ধরনী আর কোথায় বা কিছু ঠাই ঠিকানা? যে প্রেম-যোগে সব যুক্ত সেই প্রেম যদি অন্ধ হইতে ছোটে, তবে হে ভগবান, কোথায় সে বাঁচে, আর সে বাঁচেই বা কেমন করিয়া?

সত্য যেই গেল ছুটিয়া তখন শূরত্বও গেল বল পৌরুষও গেল পলাইয়া, কোনো দৈর্ঘ্যই আর তখন টিকিল না, কাল (মৃত্যু) আসিয়া হইল একেবারে উপস্থিত।”

৩: সৌন্দর্য্য-বাহিরের প্যালা, প্রেম অন্তরের রস!

তেরী খুবী খুব হৈ সব নীকা লাগৈ।

সুন্দর সোভা কাড়ি লে সব কোঈ ভাগৈ ॥

তুম্হ হৌ তৈসী কীজিয়ে তো ছুটে'গে জীর।

হম হৈঁ ঐসী জিনি করৌ কহঁ প্রেম রূপ হৈ পীর ॥

দাদু প্যালা প্রেমকা সাহিব রাম পিলাই

পরগট প্যালা দেছ ভরি মিরতক লেছ জিলাই ॥

আল্লা! আলৈ নূরকা ভরি ভরি প্যালা দেছ।

হম কুঁ প্রেম পিলাই করি মতরুলা করি লেছ ॥

“মনোহর তোমার মনোমোহন সৌন্দর্য্য, তাই সবই লাগে চমৎকার। হে সুন্দর, তোমার শোভা যদি লও বাহির করিয়া (কাড়িয়া); তবে সবই যাউবে পলাইয়া।

তুমি যেমন (প্রেম-সুন্দর তেমন যদি (জীবকে) কর, তবেই জীব পাইবে উদ্ধার। আমি যেমন, তেমন যেন কাহাকেও করিও না; হে প্রিয়তম কোথায় আছে আমার প্রেম কোথায় আছে আমার রূপ?

হে ভগবান, হে স্বামী, প্রেমের প্যালা হো করাইলে পান, এখন (তোমার রূপ ও সৌন্দর্য্যের) প্রত্যেক প্যালা দাও ভরিয়া, মৃতকে লও জিয়াইয়া।

হে আল্লা, পরম জ্যোতির প্যালা দাও ভরিয়া ভরিয়া, প্রেম পান করাইয়া আমাকে লও মাতাল করিয়া।”

৭ : তোমার দশাতেই হইবে :

অনাথ্ কা আসিরা নিরাধার আধার ।
 অগতি কা গতি রাম হৈ দাদু সিরজনহার ॥
 তেরা দর দাদু খড়া নিস দিন করৈ পুকার ।
 মৌরঁ মেরা মিহর করি শ্রীত দে দৌদার ॥
 তুম্হ কুঁ হমসে বলত হৈঁ হমকুঁ তুম্হ সা নাহিঁ ।
 দাদুকুঁ জিন পরহরৈ তুঁ রহু নৈনহুঁ মাঁহিঁ ॥
 তুম্হ থৈঁ তবহীঁ হোই সব দরস পরস দরহাল ।
 হম থৈঁ কবহুঁ ন হোইগা জে বীতহিঁ জুগ কাল ॥
 তুম্হীঁ তেঁ তুম্হ কুঁ মিলে এক পলক মৈঁ আই ।
 হম থৈঁ কবহুঁ ন হোইগা কোটি কলপ জে জাই ॥

“হে দাদু, অনাথগণের আশ্রয় ও ভরসা রাম, নিরাধারেরও আধার রাম, অগতির গতিও রাম । রামই সৃজন কর্তা ।

তোমারই দ্বারে তোমার সম্মুখে দাঁড়াইয়া দাদু নিশি দিন কাতরে ডাকিতেছে তোমাকে, হে আমার প্রভু, দয়া করিয়া আমার প্রেম দাও, তোমার সুন্দর রূপ দেখাও ।

আমার মত তোমার অনেক আছে, তোমার মত আমার কেহই নাই ; দাদুকে যেন কখনো ছাড়িও না, তুমি থাক আমার নয়নে নয়নে ।

তোমা হইতেই তবে সব হইবে—দরশ পরশ ও প্রেমের দশা ; যুগ যুগ কাল কাটিলেও আমা হইতে কখনই কিছু হইবে না ।

তোমা হইতেই (তোমার কৃপাতেই) এক পলকের মধ্যেই তোমাকে পাই, আমা হইতে (আমার শক্তিতে যদি হইবার হইত), কোটি কল্পকাল গেলেও কখনও ইহা নহে হইবার ।”

৮ : তোমার ইচ্ছাই পূর্ণ হউক :

তুম্হ কুঁ ভারৈ ঔর কুছ হম কুছ কীয়া ঔর ।
 মেহর করৌ তো ছুটিয়ে নহীঁ তো নাইঁ ঠৌর ॥
 মুখ ভারৈ সো মৈঁ কীয়া তুখ ভারৈ সো নাহিঁ ।
 দাদু গুনহগার হৈ মৈঁ দেখ্যা মন মাঁহিঁ ॥

খুসী তুমহারী তুঁ করো হম তো মানী হার ।

ভারৈ বংদা বকসিয়ে ভারৈ গহি করি মার ॥

“তোমার পছন্দ আর কিছু আর আমি করিলাম আর কিছু, দয়া কর যদি তবেই হয় মুক্তি, নয় তো আশ্রয় আর নাট ।

আমার যা পছন্দ তাই আমি করিয়াছি তোমার যা পছন্দ তাহা তো করি নাই । মনে মনে বিচার করিয়া আমি দেখিলাম, দাদুই অপরাধী ।

যেমন তোমার খুসী, তেমনই কর, আমি তো মানিলাম হার : ইচ্ছা হয় তোমার দাসকে তুমি প্রসাদ কর, ইচ্ছা হয় তাহাকে নিয়া মার ।”

৯ : প্রার্থনা :

দিন দিন নবতম ভগতি দে দিন দিন নবতম নাঁর ।

দিন দিন নবতম নেহ দে মৈঁ বলিহারী জাঁর ॥

সাঁজঁ সত সংতোখ দে ভার ভগতি বিশ্বাস ।

সিদক সবুরী সাচ দে নাঁগৈ দাদু দাস ॥

সাঁজঁ সংশয় দূর কর করি সংক্যা কা নাস ।

ভানি ভরম ছবিধ্যা ছুখ দারুণা সমতা সহজ প্রকাস ॥

নাঁতীঁ পরগট হৈব রহা হৈ সো রহা লুকাই ।

সাঁইয়াঁ পরদা দূর কর তুঁ হৌ পরগট আই ॥

“দিনে দিনে নবতম দাও ভক্তি, দিনে দিনে নবতম দাও নাম, দিনে দিনে নবতম দাও প্রেম, বলিহারি যাই আমি ।

হে স্বামী দাও সত্য সন্তোষ, দাও ভাব ভক্তি বিশ্বাস, দাও সয়ল অকৃত্রিমতা, দাও ধৈর্য (সবুরী), দাও সত্য, দাস দাদু উহাই করিতেছে প্রার্থনা ।

হে স্বামী, সংশয় দূর করিয়া, শঙ্কার নাশ করিয়া, দুঃখ-দারুণ ভরম ভাবিয়া ফেলিয়া সহজ সমতা (আমার জীবনে) কর প্রকাশিত ।

“নাহি” টাই হইয়া রহিল (জীবনে) প্রকাশিত, “আছে” টাই রহিল লুকাইয়া । হে স্বামী, পরদা দূর করিয়া তুমিই আসিয়া হও (এই জীবনে) প্রকাশিত ।”

চতুর্থ প্রকরণ—সাধনা ।

মনম অক্ষ—বিশ্বাস (দ্বিতীয় সহায়ক অক্ষ)

১। দাদু বিশ্বাসী ছিলেন এবং সেবারতও ছিলেন। তিনি বিশ্বাস করিতেন যে ভগবান তাঁহার আপন কাজ আপনিই সহজে করিয়া লইবেন। তাঁহার বিশ্ব-বিধানের দ্বারা সব আপনিই সম্পন্ন হইয়া যাইবে, সে অক্ষ আমার সহায়তা না হইলেও কোনো কাজ ঠেকিয়া থাকিবে না।

তবে কাজ করিব কেন? কাজ করিব প্রেমের দ্বারা। তাঁকে যে প্রেম করিলাম তাহা যদি মুখে বলিতে হয় তবে প্রেমের অপমান। জীবন দিয়া সেবা দিয়া প্রেমকে করিব প্রকাশ। এই ভাবটি দাদু অনেকবার অনেক ভাবে বলিয়াছেন।

“স্বামীর সঙ্গে সর্বাপেক্ষা অধিক যোগের পথই হইল তাঁহার সঙ্গে এক যোগে সেবা করায়। এই পথ দিয়াই সংসারেও দেখি পত্নী স্বামীর সঙ্গে আনন্দ যথার্থ ভাবে পান। তাঁহার সঙ্গে থাকিয়া সেবা করার পরমানন্দ চাই বলিয়াই কাজ করিব, আমার কাছে বিশ্ব রচনার কোনো স্রবীণা হইবে মনে করিয়া নহে। কাজেই বিশ্বাস ও কঠোর কোনো বিরোধ নাই। তিনি সব করিতে পারেন, ইহা বিশ্বাস করি, আবার তাঁহার সঙ্গে কাজ করাই আনন্দ, তাই কাজও করি। প্রয়োজনের তাগিদে নহে, প্রেম-যোগের আনন্দে এই সহ-সাধনা।

২। কাজ অগ্রসর হইতেছে না বলিয়া বৃথা ব্যাকুল হইও না। যিনি অতি আশ্চর্য রূপে জীব সৃষ্টি ও জীবন রক্ষা করিতেছেন, তাঁহার পক্ষে কিছুই অসম্ভব নহে। প্রেমের টানে কি সহজ কি কঠিন সকল স্থানেই তিনি আছেন আমার সঙ্গে সঙ্গে। ইহা মনে করিলেই আমাদের সব ভয় ভর পলায়। ইহা যে জানে সে-ই বীর। সকল বীরদের মূল এইখানে।

তাঁহার বিশ্বরাজ্য আমার সাধনার জন্যই তিনি রাখিয়াছেন অসম্পূর্ণ, তাই এই যুগেও অনেক কাজ করিবার আছে। এই অসম্পূর্ণতা না থাকিলে আমার গৌরব

করিবার থাকিত কি ? যে সব অসম্পূর্ণ কাজ তিনি এই যুগ পর্য্যন্ত অসম্পূর্ণ রাখিয়া আমাকে তাহা সম্পন্ন করিতে ডাকিতেছেন, সে সব কাজ অসাধ্য মনে করিয়া ভয় পাইও না ; তিনিও আমার হাতে হাত দিয়া সঙ্গে সঙ্গে কাজ করিবেন । ভগবানকে হৃদয়ে রাখিয়া, মনে বিশ্বাস রাখিয়া কাজ কর—তিনি আমার সব আশা পূর্ণ করিবেন, সে সামর্থ্য তাঁহার আছে ।”

সে সময়ে ভারতে ধর্মে ধর্মে বিরোধ, জাতিতে জাতিতে বিরোধ, নানা দুঃখ ঘন্ব চলিয়াছে । তাহার মধ্যেই জাগ্রত সচেতন ধর্ম্মাত্মারা এই সব দুঃখ দূর করিতে দাঁড়াইয়াছেন । দাদু তাঁহাদেরই মধ্যে একজন । তখন রাজা প্রজা সবারই এই এক সমস্যা । দুঃখ দ্বিধা নৈরাশ্রময় মানবকে দাদু তখন ভরসার কথা শুনাইতেছেন ।

৩। তিনি যদি সর্বশক্তিমান তবে কেন তাঁহার কাজে আমার সহায়তা চান ? এই তাঁহার লীলা । আর তাহা না হইলে আমার গৌরব থাকে কিসে ? তাই তিনি স্বামী হইয়াও সেবক হইয়াছেন । তিনি বিশ্ব জগৎ সৃষ্টি করিয়াও সকলের কাছে ভিক্ষকের মত প্রেম ও সেবা-সহায়তা ভিক্ষা করিতেছেন । সকলের সেবার পশ্চাতে আপনার সেবাকে তিনি রাখিয়াছেন লুকাইয়া । তাঁহার সেবা অস্বীকার করিলেও কোনো ক্ষতি হয় না, এমন চমৎকার ব্যবস্থা করিয়া তিনি আপনাকে রাখিয়াছেন সকলের পশ্চাতে ।

কি এমন সাধনা আছে যাহা দ্বারা তাঁহাকে পাঠিতে পারি ? পাঠি যে সে কেবল তাঁহারই রূপায় । তবে আবার সাধনা কেন ? নহিলে মানবের গৌরব থাকে না । তাঁহারই রূপা আমাদের সাধনার রূপ ধরিয়া আমাদের লক্ষ্য রক্ষা করে । কৃষিকার্য্য করিতে গেলে দোষি, মাটীও তাঁহার, বীজও তাঁহার, রসও তাঁহার, প্রাণও তাঁহার, আমাদের শক্তিও তাঁহার, শশুর পরিণামের অধিকরণ কালও তাঁহার—তবু কৃষি কর্ম্মটুকু আমার । এইটুকু গৌরব ও সার্থকতা যদি আমার ব্যক্তিত্বের না থাকে তবে আর আমার মনুষ্যত্বের মূল্য কি ? এই তত্ত্বই বাংলাদেশে বাউলরা নানা ভাবে প্রকাশ করিয়াছেন ।

এদিকে তিনি যার যা প্রয়োজন তার ব্যবস্থা ঠিক মতই করিয়াছেন । এর বেশী আর চাই না, এবং তার অধিক সংগ্রহ করাও অবিশ্বাস । অবিশ্বাসী শ্রেণী নিজ সঙ্কয়ের ভারেই মরে তলাইয়া । ধনী ব্যক্তির ও লুন্ডজাতির সমস্যাই

হইল এই, “সো তুঁ কঁই কঁই ?” “এত দিয়া তুঁই করিবি কি ?” অবিশ্বাসী মরে সঙ্কয়ের ভারে, অতএব বিশ্বাসী হইয়া তাঁর দান গ্রহণ কর, তাঁর সঙ্গে সঙ্গে সেবা কর। যদি তিনি অধিক দিয়া থাকেন, যদি অধিক সংগ্রহ হইয়া থাকে, তবে তাঁরই সেবায় তাহা ফিরাইয়া দিয়া কর মুক্তি লাভ।

যে তাঁকে ভালবাসে সে তাঁর হাতে বিষ পাইলেও মনে করে অমৃত, আপন প্রেম দিয়া সে সব নেয় অমৃতময় করিয়া। জল স্থল সবই তাঁর প্রসাদ বলিয়া গ্রহণ করেন দাদু, তখন আর তাহা মায়া নহে। যে পাকা বুনা সংসারী সে এইরূপ গ্রহণের মাধুৰ্য্য বুঝিতেই পারে না।

৪। যাহা নিব তাগ তাঁর কাছেই নিব, শাস্ত্র বা লোকাচারের কাছে নহে। শাস্ত্রে বলে কাশীতে মরিলে মুক্তি। তাই কবীর মৃত্যুকালে গেলেন কাশী ছাড়িয়া। নহিলে ভগবানের হাতেই যে প্রত্যক্ষ মুক্তি পাইতেছেন তাহা বুঝাই যাউত না।

দাদুও ভগবানের দানকে তাঁরই প্রসাদরূপে গ্রহণ করিয়া পরিবার পোষণ করিয়াছেন, তাতে মায়ার দাসত্ব হয় নাই। মায়াকে তাঁর কৃপার অতুগত করিয়া দেখিলে মায়ার দোষ যায় কাটিয়া, মায়া তখন হয় সত্য।

যাহা ভগবানের ইচ্ছা তাহাই ভাল, আমাদের মনের সংশয়বশে আমার দিনকেও মনে কবি রাত, ইহাই হইল মায়া। তাঁহার ইচ্ছার শরণ লওয়াই হইল মুক্তি। তিনি যাহা চাহেন তাহাই হউক, সুখ বা দুঃখ নিজেকে কিছুই নিব না বাছিয়া। যাহা ইচ্ছা তিনি তাহা দিবেন। সুখ চাহিয়া দেখিয়াছি দুঃখই মেলে। সুখই তখন হইয়া উঠে দুঃখময়। প্রার্থিত বস্তু পাইয়াও তার আশুনে অনেক জলিয়া মরিয়াছি। তাঁহার মুখ যেন না ভুলি ইহাই চাই। “স্বর্গও চাই না, নরকও ডরাই না, তোমাকেই চাই। তুমি যেথা ইচ্ছা সেথায় আমাকে রাখ, তাহাই আমার স্বর্গ, তাহাই আমার মুক্তি।”

১। বিশ্বাস কর, উদ্যম কর :

সহজৈঁ সহজৈঁ হোইগা জে কুছ রচিয়া রাম ;

কাহে কৌ কলপৈ মরৈ দুখী হোত বেকাম ॥

মনসা বাচা করমনা সাহিন কা বিশ্বাস।

সেরগ সিরজনহারকা কঁই কৌনকী আস ॥

উদিম অরুণ কো নহীঁ জে করি জাণৈ কোই ।

উদিম মৈ আনন্দ হৈ জে সাঁজিঁ সেতীঁ হোই ॥

“ভগবানের বাহা কিছু রচনা চলিয়াছে সবই সহজে সহজে যাইবে হইয়া ।
কেন তবে (লোকে) বিলাপ করিয়া (কল্পনা করিয়া অর্থও হয়) মরে, কেন
বৃথা হয় হুঃগী ?

মন দিয়া বচন দিয়া কৰ্ম দিয়া বিশ্বাস করিতে হইবে স্বামীকে, ভগবানের
সেবক হইয়া আবার অপর কাহার কর ভরসা ?

উত্তমও দোষের নহে যদি উত্তম করিতে কেহ জানে ; যদি স্বামীর সঙ্গে
থাকিয়া উত্তম হয় তবে সে উত্তমেই তো আনন্দ ।”

২ : তিনি থাকিতে চিন্তা কিসের ?

চিন্তা কীয়াঁ কুছ নহীঁ চিন্তা জীরকুঁ খাই ।

হুণা থা সো হুঁরৈ রতা জানা হৈ সো জাই ॥

জিন্হ পহুঁচায়ী প্রাণকুঁ উদর উধমুখ খীর ।

জঠর অগিনি মৈ রাখিয়া কোমল কায়া সরীর ॥

সমরথ সংগী সংগি হৈ বিকট ঘাট ঘট ভীর ।

সো সাঁজিঁ সূঁ গহগহী জিনি ভুলৈ মন বীর ॥

হিরদয় রাম সঁভালি লে মন রাঠৈ বিশ্বাস ।

দাদু সমরথ সাঁইয়াঁ সবকী পুঁরৈ আস ॥

পুরা পুরিক পাসি হৈ নাহীঁ দূরি গঁরাঁর ।

সব জানত হৈঁ বাররে দেঁরৈ কেঁী ছাঁসিয়ার ॥

“চিন্তা করিয়া কোনো লাভ নাহি, চিন্তা শুধু মানুষকে পায় ; বাহা হইবার
তাহা হইয়াই চলিয়াছে, আর বাহা যাইবার তাহা যাইতেছে চলিয়া ।

উদরের মধ্যে প্রাণকে যিনি পৌছাইয়াছেন উর্দ্ধমুখী ক্ষীরধারা, জঠরের
অগ্নির মধ্যে যিনি কোমলকায়া শরীরকে কবিয়াছেন রক্ষা, সেই সর্বাশক্তিমান
সকী কি কঠিন বিপদময় স্থলে (বিকট সঙ্কীর্ণ গিরিপথে), কি (নিভৃত)
অস্তরে, কি ভিড়ের মধ্যে আছেন তোমার সঙ্গে সজেই ; হে ভাই (বীর)
মন, কখনও তাঁহাকে ভুলিও না, সেই স্বামীর সঙ্গেই পরমানন্দ ।

ভগবানকে সযত্নে রাখ হৃদয়ে, মনে রাখ বিশ্বাস, হে দাদু, সর্বশক্তিমান স্বামী সকলের আশাই করেন পূর্ণ।

পুরা পূরণকর্তা পাশেই আছেন বিরাজিত, ওরে মূর্খ (গ্রাম্য), তিনি নাই দূরে; ওরে পাগল, তিনি সবই জানিতেছেন, আর দিতেই তিনি সদা ছঁসিয়ার (জ্ঞানী, সমঝদার, বিচক্ষণ, বুদ্ধিমান সাবধান ইত্যাদি অর্থ)।”

**৩: প্রভু, সবই লইব তোমার প্রসাদ-
রূপে:**

দাদু সার্জঁ সবন কৌ সেরক হ্ৰৈ সুখ দেই ।
অয়া মূঢ়মতি জীরকী তবছঁ নার ন লেই ॥
সিরজনহারা সবনকা ঐসা হৈ সমরথ ।
সার্জঁ সেরক হ্ৰৈ রহা সকল পসারৈঁ হথ ॥
ধনি ধনি সাহিব তুঁ বড়া কোন অনুপম রীত ।
সকল লোক সির সাইয়ঁ। হ্ৰৈ কর রহা অতীত ॥
ছাজন ভোজন সহজমৈঁ সার্জঁ দেই সো লেই ।
তাথেঁ অধিক ঔর কুছ সো তুঁ কাই করেই ॥
মীঠে কা সব মীঠা লগৈ ভারৈ বিখ ভরি দেই ।
দাদু কড়রা না কহৈ অমিত করি করি লেই ॥
দাদু জল থল রামকা হম লেরৈঁ পরসাদ ।
সংসারী সমুঝেঁ নহৌঁ অবিগত ভার অগাধ ॥

“হে দাদু, সবার তিনি স্বামী অখচ সেবক হইয়া সবাইকে দেন সুখ আনন্দ ; এমন মূঢ়মতি জীব, তবু কিনা লইবে না তাহার নাম !

সকলের সৃজনকর্তা এমন তিনি শক্তিশালী ; স্বামী হইয়াও রহিলেন সবার সেবক হইয়া, সকলের কাছেই পাতিতেছেন হাত ।*

ধন্য ধন্য প্রভু তুমিই বড় (শ্রেষ্ঠ) ; এ কি অনুপম (তোমার) রীতি ! সকল লোকের শ্রেষ্ঠ স্বামী হইয়াও রহিলে সকলেরই অতীত !

* “অই সকল পসারই হথ” পাঠ হইলে “সেখানে সবাইকেই পাতিতে হয় হাত” এই অর্থ হয় ।

স্বামী সহজেই যে অন্নবস্ত্র দেন তাহাই নে। তার বেশী আর কিছু আবার কি? তাহা তুই করিবিই বা কি?

চাই তিনি (পাত্র) পূর্ণ করিয়া বিষ দেন, তবু যে তাঁকে ভালবাসে তার কাছে তাহা মিঠাই লাগে; হে দাদু, সে বলিবে না ইহা কটু, সে ক্রমাগতই ইহা নেয় অমৃত করিয়া করিয়া।

হে দাদু, এই জ্বল স্থল সবই ভগবানের। যাহা কিছু লইতেছি সবই আমি তাঁহার প্রসাদ (স্বরূপ) লইতেছি, সংসারী লোক এই অনির্কচনীয় (প্রেমের) অগাধ ভাব বুঝিয়াই উঠিতে পারে না।”

৪: নিভন্ন কর, উকিনে না।

কাসী তজি মগহর গয়া কবীর ভরোসে রাম।

সৈদেহী সাজ মিল্যা দাদু পুরে কাম ॥

দাদু রোজী রাম হৈ রাজিক রিজক হমার।

দাদু উস পরসাদ সৌ পোয়া সব পরিবার ॥

জ্য জানৌ ত্য রাখিয়ে তুমহ সির ঢালী রাই।

দুজা কো দেখৌ নহী দাদু অনত ন জাঠি ॥

জ্য তুমহ ভারৈ ত্য খুসী হম রাজী উস বাত।

দাদুকে দিল সিদক স্য ভারৈ দিন ক্য রাত ॥

করণহার জে কুছ কিয়া সো তো বুরা ন হোই।

হোনা থা সো হোই গয়া ঔর ন হোরৈ কোই ॥

হোনা থা সো হ্ৰৈ রহা জিন বাঁচৈ সুখ ছুখ।

সুখ মাংগে ছুখ আইসী পৈ পিয় ন বিসারী মুক্খ ॥

হোনা থা সো হ্ৰৈ রহা সরগ ন বাঁচী ধাই।

নরক কনে থী না ডরী ছরা সো হোসী আই ॥

“ভগবানের ভরসায় কবীর কাশী (প্রচলিত মুক্তিধাম) ত্যাগ করিয়া মগহরে গেলেন (দেহত্যাগ করিতে), (তাই সেখানেই) চির পরিচিত পরিপূর্ণ প্রভুর পাইলেন দেখা। হে দাদু, তিনি হইলেন পূর্ণকাম।

হে দাদু, ভগবানই আমার পোষণকর্তা, তিনিই আমার বৃত্তি, তিনিই আমার বৃত্তিদাতা, হে দাদু, তাঁর প্রসাদেই তো আমি সকল পরিবার পোষণ করিমাছি ।

যেমন তোমার খুসী তেমনই আমায় রাখ, হে রাজা, তোমার সাথায়ই (অধীন) রাখিয়া দিলাম এই কথা (সব ভার), দাদু না দেখে দ্বিতীয় আর কাহাকেও, আর না যায় সে কোথাও অন্ত্র !

যাহা তোমার ভাল লাগে তাতেই আমি খুসী, আমি সেই কথাতেই রাজী; দাদুর চিন্ত কি দিবা কি রাত্রি আনন্দে লাগিয়া রহিল সেই সত্যস্বরূপের সঙ্গে ।

করনেওয়াল (কর্তা) যাহা কিছু করিয়াছেন তাহাতে হইতে পারে না মন্দ, যাহা হইবার তাহাই হইয়া গিয়াছে, আর তো কিছুই পারে না হইতে ।

যাহা হইবার তাহাই হইয়া চলিয়াছে, সুখ দুঃখ যেন আর না করিস বাহা , সুখ চাহিলে আসিবে দুঃখ, (কেবল দেখিস্) প্রিয়তমের মুখ যেন না হয় বিস্মরণ ।

যাহা হইবার তাহাই চলিয়াছে হইয়া ; আমি স্বর্গ বাহা করিয়াও ধাই না, আবার নরক হইতে ভীত নহি, যাহা হইবার তাহাই হইবে ।” *

—

* তুলনীয়—

“স্বর্গের লোভে যদি তোমাকে ডাকিয়া থাকি প্রভো, স্বর্গ আমার হারাম হউক । নরকের ভয়ে যদি তোমায় ডাকিয়া থাকি প্রভো, নরকই আমার গতি হউক ।” (রাবেয়া)

চতুর্থ প্রকরণ—সাধনা

দশম অঙ্ক—মধ্যঃ

(তৃতীয়সহস্রক অঙ্ক)

“মধ্য” অর্থে দাদু উভয় কোটিকে পরিত্যাগ করিয়া সহজ মধ্য ভাব গ্রহণ করা বুঝিয়াছেন। কাজেই “মধ্য”কে তিনি “সহজ”ও বলিয়াছেন। ইহাকে আবার “শূন্য”ও বলিয়াছেন। শূন্য হইল আকাশ ও পৃথিবীর মাঝখানে সহজ অবকাশ। ইহা না থাকিলে মানুষ পৃথিবীর মৃৎপাষণ চাপা পড়িয়া মারা যাইত। মধ্যবর্তী শূন্যই সকলকে বিচরণের সহজ অবকাশ দিয়াছে। ইহাই সহজ মুক্তি। ধরিত্রীতে দাঁড়াইয়া এই শূন্যের সহজ মুক্তির মধ্যো আমরা চলি ফিরি নিশ্বাস লই ও বাঁচি। দাদুপন্থীদের মধ্যো যাহারা দেহতত্ত্ববাদী তাঁহারা দেহের মধ্যো সহজ ধাম, শূন্য ধাম, মধ্যাধাম নির্দেশ করিয়া তাহার সাধনা করেন। ইহাদের মধ্যো যাহারা অধ্যাত্মবাদী তাঁহারা মধ্যকে নির্বাণ ও অষ্টমহ বলেন।

আকাশ ও পৃথিবীর মাঝখানে যেমন শূন্য ও সহজ মুক্ত ক্ষেত্র, প্রতি দুই কোটির মাঝখানে তেমনি সেই সেই লোকের মধ্য-ধাম ও সহজ ধাম। কোনো বিশেষ পার্শ্বে বিশেষ কোটিতে সরিলেই বিশেষ পক্ষে গিয়া পড়িলাম। দুই পক্ষ লইয়া পাখী শূন্যে উড়িয়া মুক্তি পায়। সাধক তাই দুই পক্ষের মাঝে অবস্থান করিবে। সুখ দুঃখের মাঝে অনুভবের সহজ লোক। তপ্ত ও শীতলের মাঝখানে স্পর্শের সহজ লোক। দিন ও রাত্রির, জন্ম ও মৃত্যুর মাঝে কালের সহজ লোক। মানুষের ধর্মের দলাদলির মাঝখানে সাধনার সহজ লোক। প্রতি লোকেই তাহার মধ্য ধামে সেই সেই লোকে সহজ মুক্তি।

গুরুর কৃপা ছাড়া এই সহজ লোকে প্রবেশ হয় না। আবার দলাদলির কোনো গুরু এখানে পৌঁছাইয়া দিতে পারেন না। নিগুণ নিরাকার সকল পক্ষাপক্ষীর অতীত গুরুই এখানে যাঁতে পারেন লইয়া। কাজেই ভগবানের দ্বারাতেই অন্তরলোকে তাঁহার দর্শন পাই। এই সহজ যোগে হিন্দু বা মুসলমান কোনো বিশেষ পন্থাই চলে না। প্রেমই এখানে সহায়। কোনো দলেরই ইহা নিজস্ব বিশেষ সম্পত্তি নহে।

দুই হাতের মত বিভিন্ন হইলেও হিন্দু মুসলমানকে তবু মিলাইতে হইবে। কেন না এই দুই হাত মিলিলে যে অঞ্জলি হইবে তাহাতেই প্রেমায়ুত পান করিয়া ভগবান ও ভক্তেরা হইবেন তৃপ্ত।

১। সুখ-দুঃখ জীবন-মরণের দুই পক্ষের মাঝখানে সহজ পরিপূর্ণ নির্বাণ পদ। সহজই হইল নির্বাণ।

মন যখন সহজ রূপ হয় প্রাপ্ত, তখনই দ্বৈত ভাবের মিটে তরঙ্গ। নহিলে দুই পক্ষ থাকিলে, এক অন্যের উপর ক্রমাগতই চায় জয়ী হইতে। এই যুদ্ধের অবসান প্রেমের সহজ মধ্যলোকে। ইহাই অদ্বৈত।

উভয় দিকের টানাটানি মিটাইয়া ভগবানের চরণ তলে আসিয়া হইবে বসিতে। ইহাই ভক্তিলোক ও প্রেমলোক।

এই প্রেমলোকে ভক্তিলোকে আসিয়া পৌঁছিলে সাধক আপনাকে আর চায় না দেখাইয়া বেড়াইতে, ভক্ত তখন ভগবানের মধ্যে আপনাকে চায় একেবারে ডুবাইয়া দিতে, কাজেই ইহা “অহম্” লোপের-ক্ষেত্র। দলাদলিতেই মানুষ চায় আপনাকে জাহির করিতে। দলাদলি ছাড়, ভগবানে নিজেকে ডুবাও, ইহাই আত্মবিলয় লোক।

যথার্থ জ্ঞান যখন জন্মে তখন না কাহাকেও তাড়াই না কাহারও পিছে দৌড়াই, এই হইল মুক্তি ঘর।

এই সহজ “শূন্য” সেই শূন্য নহে যাহাকে সবাই শূন্যতা অর্থাৎ “উজাড়” বলে। ইহা নাস্তি-লোক নয়। এইখানে সমাহিত হইয়া সাধক অমৃতরস করেন পান ও কালকে করেন জয়।

অহম্-ভাব হইতেই আমরা মাটিকে আশ্রয় করিয়া বা আকাশকে আশ্রয় করিয়া ঐশ্ব্য খুঁজি। এই দুইয়ের মাঝখানে নিরন্তর “মধ্য লোক” বিরা জমান, সেখানে নিত্য শান্তি নিত্য মুক্তি।

২। কুল আকার হইতে যদি সূক্ষ্ম আকারের দিকে যাত্রা কর তবে অনন্ত কাল গেলেও সূক্ষ্ম হইতে সূক্ষ্মতরের দিকেই ক্রমাগত চলিতে থাকিবে, হর্ষশোকও নিরন্তর সূক্ষ্ম হইতে সূক্ষ্মতর হইয়া চলিতে থাকিবে আকারাতীত অসীমলোকে কখনও গিয়া পৌঁছাবে না।

সীমা ছাড়িয়া আকারাতীত সেই সহজ অসীমে যাও, পক্ষহীন সেই লোকে অদ্বৈত এক ব্রহ্মকে পাইয়া নির্ভয় হইবে। তাহাতেই থাক যুক্ত হইয়া।

তাঁহার কাছেই পাইবে সহজ প্রেম; সেই প্রেম দিয়া মন, চিত্ত, মানস, আত্মা ও পঞ্চেন্দ্রিয় লও পূর্ণ করিয়া। ধরিত্রী দিয়া আকাশ দিয়া পূর্ণ করিয়া কোনো লাভ নাই। তাহারা পক্ষ মাত্র, পক্ষাতীত সহজ এক তাহারা নহে।

তাঁহার কাছে জনম মরণ আসা যাওয়া নাই; সেখায় নিত্য এক রস।

সেই ধাম বাহিরের শূন্য ধাম নয়। সেখানে সূর্য-চন্দ্রের রাত্রি-দিবার নাই প্রবেশ। সাধক সাধনা দ্বারা সেই সহজ লোকে প্রবেশ করে।

মায়া-মোহের স্মৃৎ-দুঃখের অতীত অমৃতের সেই পূর্ণধাম। সেখানে পক্ষ বিশেষের আধার হইতে মুক্ত হইয়া আত্মানন্দ পাইবে, ভাগবত রস পান করিয়া পরমানন্দের সাক্ষাৎকার পাইবে। অর্থাৎ সেই “শূন্য”-ধাম সকল রস আনন্দ ও প্রেম বিহীন শুষ্ক নীরস নাস্তিলোক নয়।

৩। সেই লোক বাহিরে নয় অন্তরে, ঋতুর পর ঋতু সেখানে আসে যায় না। সেখানে নিত্য এক রস। সাধনার বলে আমি সেখানে পাইয়াছি আশ্রয়।

সেখানে “নিকট বা দূর” নাই। নিত্য নিরন্তর পূর্ণতায় সেই ধামে আমি করি বাস, যদিও আমাকে দেখিতেছ এঁইখানে।

সেখানে নিশিদিন নাই, ছায়!-আলোক নাই, কেবল আছেন নিরঞ্জন ভগবান। সেখানেই আমার বাস।

এই জগতে বৃক্ষলতা কখনও বাড়ে কখনও শুকায়। সেখানে হাজা শুকা নাই, সেখানে দিন রাত্রি সব কিছু নবজীবনে চলিয়াছে ভরপুর হইয়া।

বেদ কোরাণ সেই ঘরের খবর রাখে না। তাহারা বাহিরের খবর দেয় মাত্র। সে এক আশ্চর্য্য লোক, তার উপমা এখানে মেলে না যে তুলনা দিয়া বুঝাইব। সাধনা করিয়া প্রবেশ করা ছাড়া উপমা দিয়া বা শাস্ত্রে দেখিয়া তাহা বুঝিবার বা বুঝাইবার ঘো নাই।

৪। সেই প্রেমধাম মুক্তিধাম অন্তরে। কাজেই তাহা পাইতে আমি বনেও যাই নাই, মন্দিরেও যাই নাই, কায়াক্লেশও করি নাই। সৎগুরু অন্তরের মধোই সেই ধাম দেখাইয়া দিয়া বাঁচাইয়াছেন আমাকে বাহিরের টানাটানি হইতে।

ঘরে বা বনে যাওয়া কেন? সর্বত্র আছেন যিনি, তাঁর সঙ্গেই তো আছি

প্রেমে যুক্ত হইয়া। এই ভক্ত জানিয়া ঘরে বনে যে মানুষ একই ভাবে থাকে সেই তো সাধু সেই তো স্বজ্ঞান।

তাঁহার সঙ্গ পাঠিয়া ঘর বন সম্বন্ধে হইয়াছি উদাসীন। তিনি বিনে ঘর বন কিছুই কিছু নয়। বৈরাগী বনের মোহে, গৃহী ঘরের মোহে, তাঁহাকে রাখিল দূর করিয়া। তিনি তো বাহিরে নাই, তিনি আছেন অন্তরে। সেখানে প্রবেশ না করিয়া ঘরেই যাও আর বনেই যাও সবই বৃথা।

৫। দীন দুনিয়া (ধর্ম ও সংসার) সব বিসর্জন দিতে পারি যদি পাই তাঁহার দর্শন। তবে কি আর আমি দেহের দুঃখই গ্রাহ্য করি, না স্বর্গ নরকের জন্মই বিচলিত হই! তিনি যে সদা আমার নয়নে নাই এই দুঃখই তো আমার মনে। আমি তাঁহার জন্ম ভূষিত। স্বর্গ-নরক সুখ-দুঃখ জীবন-মরণের সব চিন্তা আমার পালাইয়াছে। কে আসে কে যায় তাহার খবর কে রাখে? আমি ব্যাকুল তাঁহার তৃষ্ণায়।

তাঁহাকে যদি চাও তবে হিন্দু হওয়াও বৃথা, মুসলমান হওয়াও বৃথা, দর্শনের মত-বাদের মধ্যে গিয়া পড়াও বৃথা। কারণ ইহারা সবাই পক্ষ দৃষ্ণের (abstraction) দ্বারা ছুট। নিজ নিজ ঝোক মত একটা না একটা দিকে বা মতে ইহারা গিয়া পড়িয়াছে। তাঁহার জন্ম আমাকে আর সব রকমে "নাস্তিক" হইতে হইয়াছে, কারণ তাহা ছাড়া প্রেম-লোকে প্রবেশের আর উপায় নাই।

৬। অন্তরের মধ্যে ভগবানকে যে গুরু দেখাইতে পারেন, ভগবান আল্লা বা রামের দলের মানুষ তিনি নন। সে গুরু নিগূর্ণ নিরাকার। প্রেমময় ভগবান নিজেই গুরু হইয়া বা অন্তকে উপলক্ষ্য মাত্র করিয়া নিজেই তাঁহার আপন প্রকাশ আমাদের কাছে করেন ব্যক্ত। তাঁহাকে জানিয়া "আমি তুমি"র দলাদলি ছাড়িতে হইবে। সাধুবা এই সব দলাদলি ছাড়িয়া আপন সহজ মধ্য-পথে করেন সাধনা। আমি মন্দির বা মসজিদে যাই না, আমি চাই সেই অলখকে, চাই তাঁহার নিত্য নিরন্তর প্রেম। তাঁহার সেই লোকে মুসলমান বা হিন্দুর রীতি বা পন্থা নাই। সেখানে এক অদ্বিতীয় তিনিই বিরাজিত।

হিন্দু মুসলমান যেন দুইখানি হাত, এই দুই হাত যুক্ত হইয়া এক হইলে অমৃতরস পান করা হইত সম্ভব। তাই সাধকেরা এই বন্দ মিটাইয়া অমৃতরস পান করাইয়া ভগবানকে ও নিজেকে করিতে চান তৃপ্ত।

৭। কোনো পক্ষের গহ্বরে না পড়িয়া, দলাদলির মলিনতা হইতে মুক্ত নির্মল

ধাকিয়া, ভগবানের নাম লইয়া যে তাঁহারই সম্মুখে থাকে উপস্থিত, সে সর্বত্রই মুক্ত হইয়া করে বিহার। এই মুক্তির পথে কচিং কেহ যদি হইতে চায় অগ্রসর, তবে দলাদলিপ্রিয় সব লোক একেবারে ক্রোধে ওঠে অধীর হইয়া।

ধর্মের দলাদলিতেও এক এক দলের লোকের বড়াই দেখিয়া, আপন ধর্ম ও মতের নামে বিষম অহঙ্কার দেখিয়া, অবাক হইয়া গিয়াছি। কাজেই অন্তরেই ভগবানের সঙ্গে খুঁজিতে হইল যোগ। বাহিরে গেলেই দলাদলির আর শেষ নাই। তাহাতে ঝালা-পালা হইয়া গিয়াছি, তাঁহার মধ্যে সমাহিত হইয়া সেই সব দুঃখ জ্বালার এগন করিতে চাই অবসান।

৮। এ সব কথা জগতে বুঝাইয়া বলা কঠিন। যদি বলিতে যাই তবে কেহই চায় না শুনিতে। আবার যদি না বলি তবে ইহারা দোষ দেয় ও বলে, “সকলকে শুনাইয়া এ সব কথা বলে না কেন?” ইহারা আসলে কিছু বোঝেও না অথচ চুপ করিয়া থাকিতেও জানে না।

যত প্রাণী যত পথে ধর্ম সাধন করিয়াছে ততই ধর্মের ও কুল-ব্যবহারের সব পন্থ গিয়াছে দাঁড়াইয়া। অগণিত প্রাণী, অসংখ্য পথ। কত পথে আর মরিব ঘুরিয়া ঘুরিয়া! তাত্ত এক ভগবানকে আশ্রয় করিয়া নানা পন্থার শাসন নানা রাজার জুলুম চাই এড়াইতে। অগণিত নানা ক্ষুদ্র নৃপতির শাসনে সদা শঙ্কা সদা ভয়, এগন চাই নির্ভয় নিঃশঙ্ক হইতে।

লোকেরা বলেন “ভগবানের কাছে হইতে আসিলাম”, “ভগবানের কাছে যাই।” এ সব আসা যাওয়া সবই মিছা। সেখানকার সেখানে থাকিয়াই অন্তরে তাঁহার সঙ্গে হইতে হইবে যুক্ত। সেখানেই মধ্য-লোক, তাহাই সহজ শূন্যধাম।

১১ পক্ষ ছাড়িয়া অন্য পন্থা :

দ্বৈ পথ রহিতা সহজ সো মুখ দুখ এক সমান ।

মঠের ন জীরে সহজ সো পুরা পদ নিররাগ ॥

সহজ রূপ মনকা ভয়া দ্বৈ দ্বৈ মিটী তরংগ ।

ভাতা সীতা সম ভয়া দাদু এক হী অংগ ॥

মুখ দুখ মনি মাতৈন নগী' রাম রংগি রাতা ।

দাদু দৃশ্য ছাড়ি সব প্রেম রসি মাতা ॥

কছু ন কহাটৈ আপ কৌ কাহু সংগি ন জাই ।
 দাদু নিহপখ হোই রহৈ সাহিব মৌ লর লাই ॥
 না হম ছাটৈড় না গঠৈঁ ঐসা জ্ঞান বিচার ।
 মধি ভাটৈ সেরৈঁ সদা দাদু মুক্তি দুয়ার ॥
 সহজ শূঁনি মন রাখিয়ে ইন দূগুঁ মাহিঁ ।
 লৈ সমাধি রস পীজিয়ে তহঁ কাল ভয় নাহিঁ ॥
 আপা মেটেট্ৰি ত্রিক্তিকা আপা ধরৈ অকাস ।
 দাদু জহঁ দোনেঁ নহঁ মধি নিরন্তর বাস ॥

“সেই সহজ হইল ছুই পক্ষ রহিত, সুখ দুঃখ তাহার এক সমান, ‘না মরে না জিয়ে’ সেই সহজ পদ, সেই তো পরিপূর্ণ নির্বাণপদ ।

মনের যখন হইল সহজরূপ, তখন সর্ববিধ দ্বৈতের তরঙ্গ গেল মিটিয়া, তখন তপ্ত শীতল হইয়া গেল সমান, হে দাদু, তখন সবট হইল এক-অঙ্গ ।

ভগবানের রঞ্জে রঞ্জিত মন না মানে সুখ, না মানে দুঃখ ; হে দাদু, সে সকল প্রকার দ্বৈত ছাড়িয়া মাতিয়া রহে তাঁহার প্রেমরসে ।

সে আপনাকে কোনো বিশেষ দলের কোনো নামেই অভিহিত করায় না, কারণ (দলেরই) সে যায় না সঞ্চে, সে স্বামীর সঙ্গে ধ্যানে-প্রেমে যুক্ত হইয়া “নিঃপক্ষ” হইয়া রহে ।

তখন, আমি না করি ত্যাগ না করি গ্রহণ, এমনই হয় আমার জ্ঞান-বিচার ; দাদু তখন সদা মধ্য-ভাবকেই করে সেবা, তাহাই মুক্তি-দ্বার ।

এই দুইয়ের (গ্রহণ বর্জন) মাঝখানে সহজ শূণ্যে (নিরাসক্ত) রাখ মনকে ; সেখানে লয়-সমাধি রস কর পান, কাল-ভয় সেখানে নাই ।

মুগ্ধ যন্ত্রে সাধকেরা চাহেন অহমিকাকে মিটাইতে, আকাশময় ক্লেবে চাহেন অহমিকাকে ধারণ করিতে । মৃত ও আকাশের অতীত যে মধ্যধাম সেইখানে, হে দাদু, কর তুই নিরন্তর বাস ।”

২ : সহজ শ্রাম, অসীম আনন্দ লোক :

দাদু ইস আকার তৈঁ দূজা সূখিম লোক ।

তাইঁ আগৈঁ ঠর হৈ তহঁ হরিধ ন সোক ॥

হৃদ ছাড়ি বেহৃদ মে' নিরভয় নিরপথ হোই ।
 লাগি রহৈ উস এক সৌ জহাঁ ন দূজা কোই ।
 মন চিত মনসা আতমা সহজ সুরতি তা ম'াহি' ।
 দাদু পাঁচো পুরি লে জহঁ ধরতী অংবর ন'াহি' ॥
 চলু দাদু তহঁ জাইয়ে জহঁ মঠৈ ন জীঠৈ কোই ।
 অঃরাগরন ভয় কো নহী' সদা এক রস হোই ॥
 চলু দাদু তহঁ জাইয়ে জহঁ চন্দ সুর নহি' জাই ।
 রাতি দিবস কী গমি নহী' সহজৈ' রহা সমাই ॥
 চলু দাদু তহঁ জাইয়ে মায়া মোহ তৈঁ দূর ।
 সুখ দুখ কো ব্যাটৈপে নহী' অবিনাসী ঘর পূর ॥
 নিরাধার মন রহি গয়া আতম কে আনন্দ ।
 দাদু পীঠৈ রাম রস ভেট্টৈ পরমানন্দ ॥

"হে দাদু, এই (স্থূল) আকার লোক হইতেও অতীত স্থূল (আকার) লোক, তার পরে আরও (স্থূল) লোক আছে, সেখানে না আছে হর্ষ না আছে শোক ।

সীমা ছাড়িয়া অসীমের মধ্যে নির্ভয় ও "নিরঃপক্ষ" হইয়া সেই একের সঙ্গে থাক লাগিয়া, সেখানে দ্বিতীয় আর কিছুই নাই ।

মন চিত্ত মানস আত্মা আর তাহার মাঝে সহজ সুরতি ; হে দাদু, ধরিত্রী অম্বর যেখানে নাই সেইখানে এই পাঁচকেই লও পূর্ণ করিয়া ।

চল দাদু চল সেখানে, যেখানে না কেহ মরে, না কেহ জিয়ে ; আসা যাওয়ার যেখানে নাই কোনো ভয়, সদা সেখানে বিরাজিত এক রস ।

চল দাদু সেখানে চল, যেখানে চক্র সৃষ্টিরও নাহি প্রবেশ, রাত দিবসেরও যেখানে নাই গমন, সহজের মধ্যে যেই ধাম আছে সমাধিত ।

চল দাদু চল সেখানে, যে স্থান মায়া মোহ হইতে অতীত, সুখ দুঃখের যেখানে নাই কোনো প্রভাব ও প্রসার, যেখানে অবিনাসী অমৃতের পূর্ণ নিবাস ।

আত্মার সেই আনন্দের মধ্যে নিরাধার মন গেল রহিয়া, দাদু সেখানে ভাগবত-রস করে পান আর পায় পরমানন্দের সাক্ষাৎকার ।"

৩: অপক্লপপ্রাম:

এক দেশ হম দেখিয়া রুতি নহিঁ পলটে কোই ।
 হম দাদু উস দেশকে সদা এক রস হোই ॥
 এক দেশ হম দেখিয়া নহিঁ নেড়ে নহিঁ দূর ।
 হম দাদু উস দেশকে রহে নিরন্তর পূর ॥
 এক দেশ হম দেখিয়া জহঁ নিস দিন নাহীঁ ঘাম ।
 হম দাদু উস দেশকে নিকটি নিরঞ্জন রাম ॥
 বারহ মাসী উপজৈ তহঁা কিয়া পরবেস ।
 দাদু সূখা না পড়ে হম আয়ে উস দেশ ॥
 বেদ কোরান কী গমি নহীঁ তহঁা কিয়া পরবেস ।
 তহঁ কিছু অচিরজ দেখিয়া যহু কিছু ঔরে দেশ ॥

“এক দেশ আমি দেখিয়াছি যেখানে কোনো ঋতুই পালটায় না; হে দাদু, আমি সেই দেশের, সদা হইয়া আছে যেথায় “এক-রস” ।

এক দেশ আমি দেখিয়াছি, সেথায় না আছে নিকট না আছে দূর; হে দাদু, আমি সেই দেশের, নিরন্তর সেখানে আমি হইয়া আছি পূর্ণ ।

এক দেশ আমি দেখিয়াছি, সেখানে নাই নিশি নাই দিন, আর নাই সেখানে রোদ্র; আমি, হে দাদু, সেই দেশের, সেখানে নিকটেই বিরাজমান নিরঞ্জন রাম ।

সেখানে প্রবেশ করিলে বারমাসই থাকে “উপজিতে” (বৃক্ষাদির স্তায় জীবন্ত বৃদ্ধি সরস নিত্য সফলতা পাইতে); হে দাদু, সেখানে কখনও আসিয়া পড়ে না শুষ্কতা, সেই দেশ হইতে আমি আসিয়াছি ।

বেদ কোরাণের যেথায় গমা নাই সেথায় করিয়াছি প্রবেশ, সেখানে কিছু আশ্চর্যই দেখিয়াছি, তাহার রকমই কিছু স্বতন্ত্র (আশ্চর্য) ।”

৪: সে প্রাম পাইবে অন্তরে, ঘনৈ না বনে নন্দ:

না ঘরি রহা না বন গয়া না কুছ কিয়া কলেস ।
 দাদু মনহীঁ মন মিল্যা সতগুরকে উপদেশ ॥

কাহে দাদু ঘরি রহৈ কাহে বন খঁডি জাই ।
 ঘর বন রহিতা রাম তৈ তাহী সোঁ লর লাই ॥
 জিন প্রাণী করি জানিয়া ঘর বন এক সমান ।
 ঘর মাঠেঁ বন জেঁওঁ রহৈ সোঁই সাধ সূজান ॥
 ঘর বন মাঠেঁ সূখ নহী সূখ হৈ সাঁই পাস ।
 দাদু তাসোঁ মন মিল্যা ইন থৈঁ ভয়া উদাস ॥
 না ঘর ভলা না বন ভলা জহঁ নহী নিজ নার ।
 দাদু উনমন মন রহৈ, ভলা ত সোউ ঠার ।
 বৈরাগী বন মেঁ রহৈ ঘরবারী ঘর মাঁহি ।
 রাম নিরালা রহি গয়া দাদু ইন মৈঁ নাঁহি ॥

“না রহিলাম ঘরে, না গেলাম বনে, না কিছু করিলাম ক্রেশ ; হে দাদু, সঙ্গুর উপদেশে মনের মধ্যেই মনের সঙ্গে মনেব হইল যোগ ।

কেন দাদু, ঘরে থাক। কেনই বা বনভূমিতে যাওয়া? ঘর ও বনের অতীত আমার রাম, তাঁর সঙ্গে প্রেমের ধ্যানে হও যুক্ত ।

যেই মানুষ কাজে করিয়া (সাধনার দ্বারা) ঘর বনকে জানিয়াছেন এক সমান, যিনি ঘরের মধ্যেই থাকেন বনের মত, তিনিই সাধু, তিনিই রসিক, “সূজান” (যিনি যথার্থ তত্ত্ব জানেন) ।

ঘরের মাঝেও আনন্দ নাই বনের মাঝেও আনন্দ নাই, আনন্দ আছে এক স্বামীর সঙ্গে ; তাহার সঙ্গে দাদুর মিলিয়াছে মন, তাই সে ঘর বন উভয় হইতেই হইয়া গিয়াছে উদাস ।

ঘরও নয় ভাল, বনও নয় ভাল, যেখানে নাই “নিজ” (পরমাঙ্গার) নাম ; হে দাদু, সেই ঠাইই তো ভাল যেখানে মন রহে উনমনা ।

বৈরাগী থাকে বনে, গৃহস্থ (সংসারী) থাকে ঘরে, ভগবান রহিয়া গেলেন একেবারে এই সব হইতে নিরালা ; হে দাদু, এই সবের মধ্যে (বনে বা ঘরে) তিনি নাই ।”

১ : সব ছাড়িয়া তাঁহাকে চাই :

• দীন ছনী সদিকে করুঁ টুক দেখন দে দীদার ।

তন মন ভী ছিন ছিন করুঁ ভিস্ত দোজগ ভী রার ॥

দাদু জীবন মরণ কা মুখ পছিতারা নাহি ।
 মুখ পছিতারা পীরকা রহা ন নৈনছ মঁাহি ॥
 সুরগ নরক সংসয় নহী জীবন মরণ ভয় নাহি ।
 রাম বিমুখ ছে দিন গয়ে সো সালৈ মন মঁাহি ॥
 সুরগ নরক সুখ দুখ তজে জীবন মরণ নসাই ।
 দাদু প্যাসা রামকা কো আঠৈ কো জাই ॥
 হিংদু তুরুক ন হোইবা সাহিব সেতী কাম ।
 ষট দরসন সংগি ন জাইবা নিরপখ কহিবা রাম ॥
 না হম হিংদু হোহিংগে না হম মুসলমান ।
 ষট দরসন মৈ হম নহী হম রাতে রহিমান ॥

“দীন ও দুনিয়া (ধর্ম ও সংসার) সব করিলাম উৎসর্গ, একটুকু তাঁর দরশন
 দাও দেখিতে ; সেজ্ঞা আমার তনু মনকে ছিন্ন বিচ্ছিন্ন করিয়া পারি ফেলিতে,
 স্বর্গ নরকও করিতে পারি সমানভাবে উৎসর্গ ।

হে দাদু, জীবন মরণের জ্ঞান আমার নাই কোনোই অশুভাপ, আমার
 অশুভাপ এই যে প্রিয়তম আমার নাই নয়নে নয়নে ।

স্বর্গ নরকের সংশয় আমার নাই, জীবন মরণের ভয় আমার নাই ; দিন যে
 যায় রাম বিমুখ, সেই বার্থ দিনের বেদনা মনের মধ্যে থাকে বিঁধিতে ।

স্বর্গ নরক সুখ দুঃখ সব ছাড়িয়াছি, জীবন মরণ উড়াইয়া দিয়াছি ফুঁকিয়া ;
 দাদু হইল রামেব জ্ঞান পিপাসিত ; কে আসে কে যায় (তার খবর বা কে রাখে) ?

না হইতে হইবে হিন্দু আর না হইতে হইবে মুসলমান, স্বামীকে দিয়াই
 হইল প্রয়োজন ; ষট দর্শনেব সঙ্গে ও হইবে না যাইতে, নিঃপক্ষ (সকল
 দলের বাহিরে থাকিয়া) হইয়া ঘোষণা করিতে হইবে—ভগবানের নাম ।

আমি হিন্দুও হইব না, মুসলমানও হইব না, ষটদর্শনের দলেও আমি নাই ;
 প্রেমরসে রহিয়া আমি অশুরক্ত হইয়া আছি এক দয়াময় ভগবানের সঙ্গে ।”

**৩ : দলাদলি ছাড়িয়া স্বামীর সঙ্গে
 থাক :**

দাদু অল্লহ রামকা দোনেঁ পখ তৈঁ গারা ।
 রহিতা গুণ আকার কা সো গুরু হমারা ॥

মেরা তেরা বাররে মৈঁ তৈঁ কৌ ভজ বাণী ।
 জিন যছ সব কুছ সিরজতা করি তাহৌ কা জানি ॥
 করণী হিংদু তুরককৌ অপনৌ অপনৌ ঠৌর ।
 দোনো বিচ মগ সাধকা সংতোঁ কৌ রহ ঔর ॥
 দাদু হিংদু তুরককা দৈ পথ পংথ নিরারি ।
 সংগতি সাচী সাধুকৌ সাঈঁ কৌ সংভারি ॥
 হিংদু লাগে দেরহরা মুসলমান মহজীতি ।
 হমলাগে এক অলখ সৌঁ সদা নিরন্তর প্রীতি ॥
 ন তহঁ। হিংদু দেরহরা নহৌঁ তুরক মহজীতি ।
 দাদু আপৈ আপ হৈঁ তহঁ। নহৌঁ রহ রীতি ॥
 দূজুঁ হাথেঁ। দৈ রহে মিলি রস পিয়া ন জাই ।
 দাদু আপা মেটি করি দূজুঁ রহে সমাই ॥

“আল্লা ও রামের দুই পক্ষ হইতে যিনি অতীত, যিনি গুণ ও আকার রহিত, তিনিই আমার গুরু ।

ওরে পাগল, “আমার তোমার”, “আমি তুমি”, ছাড়্ এই সব বাণী ; যিনি এই সব কিছু করিতেছেন সৃষ্টি, যুক্ত হইয়া সেই তাঁহাকে করু অনুভব ।

হিন্দু ও মুসলমানের কাছ কথ্য আপন আপন ঠাই ঠিকানায় থাকিয়া, সাধুর পথ হইল এই দুইয়েরই মাঝগান দিয়া ; সাধকদেব (মহাদেব) পথই হইল স্বতন্ত্র (অর্থাৎ উভয়কে আপনার মনো গ্রহণ করিয়া তাঁহাদের পথ) ।

হে দাদু, সাত্তা সাধুর সঙ্গতি হইল হিন্দু ও মুসলমানের দুই পক্ষ দুই পংথ সব ঠেলিয়া ফেলিয়া স্বামীকে স্থির-আশ্রয় করিয়া থাকা ।

হিন্দু লাগিয়া রহিল তাহার দেবালয়ে, মুসলমান লাগিয়া রহিল তাহার মসজিদে ; আমি গিয়া লাগিয়া রহিলাম এক অলখের সঙ্গে, সদা নিরন্তর প্রীতি (আমার সেই অলখেরই সঙ্গে) ।

সেখানে না আছে হিন্দুর দেবালয় না আছে মুসলমানের মসজিদ ; হে দাদু, এক অধিতীয় তিনিই সেখানে বিরাজমান, সেখানে না আছে বাধা পথ না আছে বাধা রীতি ।

তুই হাত যদি তুই দিক হইয়া থাকে তবে মিলিয়া (অঞ্জলি করিয়া) করা যায় না রস পান। তাই দাদু “অহংভাব” মিটাইয়া দিয়া তুইয়েতেই আছে অমুপ্রবিষ্ট হইয়া (যুক্ত করিয়া)।”

৭ : মুক্তির উপায় :

পথ কাহু কে না মিলৈ নিরপথ নিরমল নারি ।
সাজিঁ সৌঁ সনমুখ সদা মুক্তা সব হীঁ ঠারি ॥
জব থৈঁ হম নিরপথ তয়ে সনৈ রিসানে লোক ।
সতগুরকে পরসাদ থৈঁ মেরে হরষ ন সোক ॥
অপনে অপনে পংথকী সব সব কোই কহৈ বড়াই ।
তা থৈঁ দাদু এক সৌঁ অংতর গতি লর লাঠি ॥

“কাহারও পক্ষেতে (দলে) যাইয়া হইবে না মিলিতে, নিঃপক্ষ নির্মল তাঁহার নাম ; স্বামীর সাক্ষাতে সদা হইবে তামার থাকিতে, সকল ঠাইয়ে সদা থাকিতে হইবে মুক্ত ।

যখন হইতে আমি হইলাম নিঃপক্ষ (সব দলাদলি ছাড়িয়া দিলাম), সব লোকই গেল রুটে হইয়া ; সদগুরর প্রসাদে না হইল আমার হর্ষ না হইল আমার শোক ।

আপন আপন পক্ষের (দলের) সবাই করেন বড়াই, তাই দাদু সেট একের সঙ্গেই অস্তরে অস্তরে প্রেমে রহিল যুক্ত ।”

৮ : সংসারের ভাঙুত থানা :

জে বোলৌঁ তো চুপ কহৈঁ চুপ তো কহৈঁ পুকার ।
দাদু কোঁা করি ছুটিয়ে ঐসা হৈঁ সংসার ॥
পংথি চলৈঁ তে প্রাণিয়া তেতা কুল ব্যরহার ।
নিরপথ সাধু সো সহী জিন কৈ এক অধার ॥
জাগে কোঁ আয়া কহৈঁ স্মৃতে কোঁ কহৈঁ জাই ।
আরণ জারণ বৃঠ হৈঁ জহঁ কা তহঁা সমাই ॥

“(সংসারের এমনই ধারা) যদি আমি কিছু বলি তবে বলে “চুপ কর,”

যদি আমি থাকি চূপ করিয়া তবে বলে “ঘোষণা কর” ; হে দাদু, কেমন করিয়া (এই সব সমালোচনা হইতে) তবে পাবি ছুটি ? এমনই এই সংসারের ধারা !

যত মানুষ কোনো না কোনো পংখ অবলম্বন করিয়া চলে, ততই চলে কুল ব্যবহার। দলাদলির অতীত তিনিই সাক্ষা সাধু যাহার সেই একই আশ্রয়, তিনিই আছেন ঠিক।

ইহারা জাগ্রত অবস্থাকে বলেন “আসা”, সুপ্ত অবস্থাকে বলেন “যাওয়া” ; আসা যাওয়া সবই বুটা, যেগানকার সেগানেই হইতে হইবে সমাহিত।”

চতুর্থ প্রকরণ—সাধনা

একাদশ অঙ্ক - সান্নিধ্য

(চতুর্থ সহায়ক অঙ্ক)

বিশ্বজগতে সাক্ষার সঙ্গে বুটা আছে মিলিয়ন। সাধক তাহার মধ্য হইতে সার গ্রহণ করিবেন। আসলে নিখা কিছুই নাই, তবে সাধক আপনার লক্ষ্য মত সকল বস্তু লইবেন বাছিয়া। গরুর পুচ্ছ ও পা ও সিং সবই আসলে সত্য তবে বাছুরের পক্ষে স্তন ও স্তন্যই হইল সাক্ষা। সাক্ষা পাওয়ার অর্থ নিজকে সাক্ষা করা, তবেই সব হইয়া যায় সাক্ষা। এক সত্যে গিয়া পৌছান চাই, নানাভেদে মধ্য হইতে সত্য এককে লইতে হইবে বাছিয়া। তবেই “নানানথানার” দুঃখ আপনি ঘুচিবে। হৃদয় দার যেমন সে তেমনই পায়, হৃদয় শুদ্ধ করাই হইল আসল কথা।

১। হংস যেমন নীর হইতে ক্ষীর বাছিয়া লয় সাধক (পরমহংস) তেমনি তেমনি বিষ (বিষ) হইতে অমৃত লইবে বাছিয়া।

মনকে (মল হইতে) লও বাছিয়া, তাহা হইলে শরীরও হইবে নির্মল। তবেই হংসের মত করা হইবে সার গ্রহণ।

এই জগতে যার যেমন হৃদয় সে তেমন বস্তু যায় লইয়া। তুমি যদি নির্দোষ হও তবে নির্দোষ বস্তুই পাইবে। ভগবানের নাম লইয়া হও নির্দোষ।

২। মিথ্যাকে দূর করিবার উপায়ই হইল সত্যকে পাওয়া। পরম পদার্থ পাইলে কাঁকর সবাই দেয় ফেলিয়া। সাঁচকে পাইলে কাচ কে রাখে ?

জীবনপ্রদ মূল যদি মেলে তবে মরিতে চায় কে ? মানস সরোবর পাইয়া কে খানা ডোবাতে মরে জল ছিটাউয়া ? ভগবানকে যদি পাই তবে মিথ্যা আপনি পালাইবে।

৩। সত্য থাকিলে মিছা থাকিবে না ইহা নিশ্চয়। সূর্য্য যদি থাকে তবে রাত্রি নাই, রাত্রি থাকিলে সূর্য্য নাই। একই আছেন দুই নাই, একথা সব সাধুই বলেন। দুই ধোড়া থাকিলেও এক কালে একটির বেশী ঘোড়া চড়িয়া যাওয়া চলে না। দুই ধোড়ায় চড়িতে গিয়া প্রাণ হয় হারাইতে। সাধক ও সার্থক হয় এককে আশ্রয় করিয়া। নানাদিকে ছুটিতে গেলে সাধনা হইয়া যায় বৃথা।

১ : সাধক সান্নগ্রাহী :

হংসা জ্ঞানী সো ভলা অংতরি রাথে এক ।
 নিষ মৈ অত্রিত কাচি লে দাদু বড়া বমেক ॥
 পহিলে ঞ্জারা মন কঠৈ পীছে সহজ সরীর ।
 দাদু হংস বিচার সৌ ঞ্জারা কীয়া নীর ॥
 গউ বচ্ছকা জ্ঞান গতি ছুধ রঠৈ লর লাই ।
 সীগু পুঁছ পগ পরতঠৈ অস্তন লাগৈ খাঠি ॥
 কাম গায় কে ছুধ সৌঁ তাড় চাম সৌঁ নাহিঁ ।
 জেহি বিধি অত্রিত পাইয়ে সো হৈ অংতর মাহিঁ ॥
 হিরদৈ জৈসা হোইগা সো তৈসা লে জাই ।
 দাদু তুঁ নিরদোষ রজ্জু নার নিরংতর গাই ॥

“হংসের মত জ্ঞানীই ভাল যে (নানার গধা হইতে বাছিয়া) অস্তরে এককেই রাখে। বিষের মধ্য হইতেও অমৃত লও বাহির করিয়া, এই সাধনা করা বড়ই বিবেকের কথা।

প্রথমে স্বতন্ত্র করিতে হয় মনকে, তারপর সহজ হয় এই শরীর। দাদু হংস-বিচারের দ্বারা (কীর হইতে) নীরকে নিয়াছে স্বতন্ত্র করিয়া।

গো বৎসের জ্ঞান গ্রহণ করিয়া (সর্ব্বাঙ্গ বাদ দিয়া) প্রেমের ধ্যানের সহিত শুনেই থাক লাগিয়া। শিং লেজ ও পা পরিহার করিয়া শুনে গিয়া লাগ খাইয়া।

গন্ধর দুধের সঙ্গেই হইল প্রয়োজন, অস্থি চর্খের সঙ্গে তো নয়। যেই বিধিতে অমৃত করিবে লাভ তাহা আছে অস্তুরেরই মধ্যে।

যাহার হৃদয় যেমন সে (এই বিশ্বচরাচর হইতে) তেমনটিই যাইবে লইয়া।
হে দাদু, তুই নিরস্তুর নাম গাইয়া হইয়া থাক নিদোষ।”

২ : সাচ্চা আসে তো বুটা পলায়

জব পরম পদার্থ পাইয়ে তব কংকর দিয়া ডারি।

দাদু সাচা সো মিলে কুড়া কাচ নিরারি ॥

জব জীবনমুরী পাইয়ে তব মরনা কোন বিসাহি।

দাদু অত্রিত ছাড়ি করি কোন হলাহল খাহি ॥

জব মান সরোবর পাইয়ে তব ছিলর কোন ছিটকাই।

দাদু হংসা হরি মিলে কাগা গয়ে বিলাই ॥

“যখন পরম পদার্থ যায় পাওয়া তখন কাকর দেয় ফেলিয়া ; হে দাদু, “কুড়া” (বুটা, আবর্জনা, আস্তাকুড়) কাচ তখন দেয় ফেলিয়া যখন সাচ্চার সঙ্গে হয় মিলিত।

জীবনের মূল (অমৃতবল্লী) পাইলে মরণ আর কে চাহিবে কিনিতে ?
হে দাদু, অমৃত ছাড়িয়া দিয়া কে আর খায় হলাহল ?

মান সরোবর পাইলে অগভীর খানা ডোবার জল আর কে করে ছিটাছিটি !
হে দাদু, হরিরূপ হংস মিলিলে কাকের দল আপনিই হইয়া যাইবে বিলয়।”

৩ : একমেবাদ্বিতীয়ম্

জহঁ দিনকর তঁহ নিস নহীঁ নিস তহঁ দিনকর নাহিঁ ।

দাদু একহী ত্তে নহীঁ সাধন কে মত মাহিঁ ॥

একৈ ঘোড়া চড়ি চলে দুজা কোতিল হোই !

দোনেঁ ঘোড়ঁ বৈঠতা পারি ন পছঁচা কোই ॥

“যেখানে দিবাকর সেখানে নাই নিশা, যেখানে রাত্রি সেখানে নাই সূর্য্য ;
হে দাদু, একই আছেন, দুই নাই, সাধুদের সাধনার মতে এই একই কথা।

একই ঘোড়া চড়িয়া (লোক) চলে, বিত্তীয় ঘোড়া থাকিলেও তাহা সাথে সাথে বিনা-আরোহী চলিতে থাকে। দুই ঘোড়াতে বসিয়া এ পর্য্যন্ত কেহই গিয়া পৌছায় নাই (পথের) পারে।”

চতুর্থ প্রকরণ—সাধনা

দ্বাদশ অঙ্ক—স্মিরণ

(নামস্মরণ বা জপ)

(পঞ্চম সহায়ক অঙ্ক)

এই অঙ্কের অনেক স্থলে “নাম আছে। কোনো কোনো পাঠাস্তরে এইস্থলে “রাম” আছে। অনেকে মনে করেন “রাম-পত্নী” দের প্রভাবে দাদুর পরবর্ত্তী শিষ্যরা নামকে রাম করিয়া ফেলিয়াছেন। নহিলে “স্মিরণ” অঙ্কে নামই বেশী থাকার কথা। “রাম” শব্দ ভগবান অর্থে সচরাচরই দাদু ব্যবহার করিয়াছেন, আর সেই রাম যে সত্ত্ব মানব অবতার অযোধ্যার রাম নহেন ইহা বারবারই জানাইয়াছেন। তিনি সম্প্রদায়ের সঙ্কীর্ণতা মানেন নাই, তবে সম্প্রদায় প্রচলিত—রাম-হরি-আল্লা প্রভৃতি নাম, সাহিব-স্বামী-প্রভু প্রভৃতি প্রেমবাচক প্রচলিত পদ সর্বদাই ব্যবহার করিয়াছেন।

সব দেশে ও সব ধর্ম্মেই নাম-স্মরণকে সাধনার একটি প্রধান অঙ্ক বলিয়া স্বীকার করা হইয়াছে। ভারতবর্ষে বৈষ্ণবদিগের মধ্যে “নাম-তত্ত্ব”টি একটি স্বতন্ত্র ধর্ম্ম তত্ত্বই দাঁড়াইয়া গিয়াছে। মধ্য যুগের সাধকদের মধ্যেও নাম জপ খুব প্রচলিত ছিল। মুসলমানী সাধনা হইতেও নাম জপের অনেক ভাব তাঁহারা সংগ্রহ করিয়াছেন। খাসে খাসে নামজপ ভারতে প্রচলিত প্রাচীন অজপাজাপ, প্রতি খাসের সঙ্গে নাম করা, মুসলমান সাধকদের মধ্যেও অতিশয় প্রচলিত ছিল। করধৃত জপমালার বদলে মধ্য যুগের সাধকরা এই “খাসমালাতে” জপ করার বিশেষ পক্ষপাতী ছিলেন। এই খাসের মালা সদাই চলিতেছে, যদি ইহাকে জপমালা বলিয়া ধরিয়া লওয়া যায় তবে নিরন্তর নাম করিতে হয়। একটি গুটিও নাম বিনে বৃথা গেলে জপের “ব্যভিচার” হয়, তাই সাধকেরা সব খাসে “স্মিরণ” করিতেন, শয়নকালে এই জপের ভার দিতেন ভগবানের হাতে। কিন্তু কাজ করিতে গেলে “স্মিরণ” হয় কেমন করিয়া? তাই কাজকেও তাঁরা “সেবা”

করিয়া লইয়া তাহাকেও স্মিরণেরই অর্থাৎ “জপেরই” সমান, করিয়া লইয়াছেন (১৫শ বাণী দেখ)। যে বাক্য প্রেম হইতে উৎপন্ন বা যে কাজ প্রেম হইতে উৎপন্ন সে বাক্যও জপ, সেই সেবাও জপ। তাহাতে “স্মিরণের” ভঙ্গ হয় না।

কবীর এই জপের এত পক্ষপাতী ছিলেন যে তিনি বলিতেন, “খাস গুটিকায় পবনের চলিয়াছে জপমালা; এই মালায় না আছে কোনো গাঁঠ না আছে কোনো “মেরু” (যে বড় গুটিকাতে মালার আরম্ভ হয় তাহার নাম মেরু; জপ করিতে করিতে অচেতন মন “মেরু”-গুটি স্পর্শেই ওঠে সচেতন হইয়া)। এই মালাতে নাম জপ নিরন্তর অন্তরে চলুক। এ মালা দেখাইবার নহে, কাজেই ইহা লইয়া কেহ গর্ভা করিতে পারিবে না।”

মধ্য যুগের “নাম তত্ত্ব” এক বিস্তৃত বিষয়। অতি সংক্ষেপে বলিতে গেলে বলিতে হয় যেমন মানুষের দুইটি স্বরূপ আছে তেমনি ব্রহ্মের ও দুইটি স্বরূপ আছে। মানুষ এক দিকে আপনার মধ্যে নানা আকৃতি প্রকৃতি গুণ ও বিশেষণকে একত্র করিয়া একটি বিশেষ ব্যক্তিরূপে প্রকটিত। আর সেই মানুষই নানা জনের হৃদয়ে নানা ভাবে বিরাজমান। সেই সেই হৃদয়ে ঐ একই মানুষেরই ভিন্ন ভিন্ন ভাবে ভিন্ন ভিন্ন “নাম।” প্রত্যেকেই তাহার নিজের অন্তরের ভাব-নামে তাহার মানুষকে ডাকিলে সে সাড়া দেয়। মানুষ তার আপনার কাছে “স্বাধীন স্থিত”, পরের হৃদয়ে সে “ভাবাধীনস্থিত।” ভাবাধীন স্থিতিকে পরাধীন স্থিতিক্তি বলা যাইতে পারে। মানুষ পরিমিত ও সীমাবদ্ধ হইলেও তার গুণ ও বিশেষণের অন্ত নাই। কাজেই সেই সব একত্র করিয়া তাহাকে ডাকা অসম্ভব। তাই তাহার প্রেমী জনেরা তাহাদের অন্তরে অন্তরের ভাবাধীন স্বরূপ বা “নাম” লইয়া ডাক দিলেই তার সাড়া পায়। এই নাম যদি না থাকিত তবে না যাইত তাকে অন্তের কাছে বৃন্দান, না যাইত তাকে সোজাসুজি ডাকা।

ভগবান অপরিমিত। তাহার অনন্ত গুণ ও বিশেষণ। তাহাকে কেমন করিয়া মানুষ তবে পায়? যে তাঁকে ভালবাসে তার অন্তরে ভগবানের যে ভাবাধীনস্থিতি বা ভক্তাধীন স্বরূপ আছে সে-ই হইল তাঁর “নাম।” এই “নাম”ই সাধকের আয়ত্ত, অসীমের অনন্তত্ব তার আয়ত্ত হইবে কেমন করিয়া?

তাই সাধক তার “নাম” দিয়া তাঁকে ডাকিলেই সাড়া পায়। এই “নাম” ক্রমশঃ সাধনাতে এত বড় স্থান অধিকার করিল যে অনেক সাধক মনে করিলেন “ভগবান” হইতেও তাঁর “নাম” বড়। অস্তুতঃ তাঁর প্রেমী জনের কাছে বড়, আসলে তিনি যাহাই হউন না যত বড়ই হউন না কেন। বৈষ্ণবরা বলেন, “তুলান্দেও তাঁকে ও তাঁর নামকে তোল করিয়া নামই ভারী হইল দেখা গিয়াছে।” কারণ “নাম” দিয়াই তিনি আমার, স্ব-তবে তিনি তো আমার নহেন। সেখানে তিনি সর্কাতীত।

“নাম” হইল প্রেমীর কাছে। এ হইল “প্রেমাধীন স্বরূপ।” কাজেই “নাম” তব্দের সঙ্গে সঙ্গে প্রেম ও ভাবের সাধনাও চলিল অগ্রসর হইয়া। এই হইল আর এক পথ।

ব্রহ্মধ্যানপরায়ণ উপনিষদের ঋষিরা জ্ঞানে ধ্যানে মননে ও নিদিধ্যাসনে বিশ্বব্যাপ্ত চিন্ময় তাঁহাকেই খুঁজিতেন। তাহাও আবার আর এক পথ। এখানেও প্রেম আছে কিন্তু জ্ঞান ধ্যানেব চেয়ে বড় হইয়া নাই। প্রেমপথে প্রেমই হইল সব চেয়ে বড় কথা। এই দুই পথে গোলমাল করিলে চলবে না। উপনিষদের ঋষিদের পক্ষে নাম কীর্তন করিয়া প্রেমানন্দে আকুল হইয়া ওঠা অস্বাভাবিক। তাঁদের ধ্যান জ্ঞানের মহাযোগের আনন্দও অপরিমিত আনন্দ। কিন্তু সে ভিন্ন পথ।

মধ্যযুগের সাধকদের মধ্যে উভয় ভাবই দেখি। কিন্তু তাঁরা সাধারণতঃ এই দুইটিকে দুই ভিন্ন পন্থা বলিয়াই জানিতেন, কখনো একটার সঙ্গে আর একটার গোল করিতেন না। দুই-ই পথ, তবে দুইয়ের প্রকারের ভিন্নতা আছে। তাঁহারা কখনও এইভাবে কখনও এই ভাবে ভগবানকে সন্তোষ করিতে চাহিতেন।

কেহ কেহ মনে করেন নামপন্থীদের সুন্দর সুন্দর গান লইয়া তাঁদের কোনো প্রিয় নামের স্থলে জ্ঞানপন্থীদের অসীম অনন্তত্ব সূচক নাম বসাইয়া দিলেই তাহা উত্তম গানে পরিণত হয়। কিন্তু যাহারা এই সব বিভিন্ন পথের বৈচিত্র্যের রসজ্ঞ তাঁহাদের কাছে এমন ব্যাপার অতাস্তই বিসদৃশ মনে হয়। “সখিরে, কেবা শুনাইল শ্যাম নাম।” এখানে শ্যামের বদলে “ব্রহ্ম

বসান চলিবে না। এমন স্থলে গানটিকে হয় আগাগোড়া বদলাইতে হইবে অথবা যেমন আছে ঠিক তেমনই রাগিতে হইবে।

কবীর খুব বড় সাধক হইলেও তিনি সাধনার পথ বলিতে পারিতেন না। তিনি বলিতেন, “আমি কোনো পথ জানি না, ভগবান স্বয়ং আমাকে লইয়া তাঁর কাছে উপস্থিত করিয়াছেন।” বাস্তবিক তিনি অসামান্য প্রতিভাশালী; ভগবানের প্রেম ও দয়া তিনি অনায়াসেই লাভ করিয়াছেন। কাজেই পথের কথা তিনি বলিতেই পারিতেন না। পথের কথা হইলেই তিনি বলিতেন, “পথ জানেন রবিদাস”। “সংতন মে রবিদাস সংত হৈ”, “সাধকদের মধ্যে রবিদাসই শ্রেষ্ঠ সাধক।” রবিদাসের সর্বাক্ষসম্পূর্ণ “অষ্টাক্ষ সাধন” এখন দুর্লভ, কিন্তু তাহা পাওয়া গেলে সাধকদের অপরূপ সামগ্রী হইবে। তাহা গুরুপরম্পরাতে অতি গুহ্য ভাবে চলিয়া আসিতেছে।

রবিদাসের মতে অষ্ট অক্ষ এই—(১) গৃহ, (২) সেবা, (৩) সঙ্গ, এই তিনটি বাহ্য অক্ষ। (৪) নাম, (৫) ধ্যান, (৬) প্রণতি, এই তিনটি অন্তর অক্ষ। (৭) প্রেম, (৮) বিলয় বা সমাধি, অর্থাৎ ব্রহ্মে ডুবিয়া যাওয়া এই হইল চরম আনন্দ বা সর্বাঙ্গীভাব অবস্থা।

রবিদাসের চতুর্থ অক্ষ “নাম”ই হইল আসলে জপ। ইন্দ্রিয়াদিকে তো অনেক সাধক অনেক স্থলেই শত্রু মনে করিয়াছেন। কিন্তু মধ্য যুগের ভারতীয় সাধকরা দেখিলেন জপে আমরা এই সব শত্রুকেও মিত্র করিয়া তাহাদের সহায়তা পাই। পঞ্চ ইন্দ্রিয়কে ও মনকেও সাধনাতে ব্যবহার করিতে পারি। যুগে নাম বলি, কর্ণে নাম শুনি, নয়নে যে পবিত্র শোভা দেখি তাহাকেও জপের সহায় করি; স্পর্শেও সব পবিত্র ও পূজাসহায়ক বস্তু দিয়া স্পর্শকেও লই সহায় করিয়া, পবিত্র গন্ধ দিয়া ঘ্রাণকেও লই সহায় করিয়া, মনও সেই মননই করে। এমন করিয়াই প্রতি শক্তি পরম্পরকে সহায়তা করিয়া সাধনাকে আনে সহজ করিয়া।

অন্তরঙ্গ সাধনাতে সব চেয়ে সহজ পথ হইল এই জপ। আসলে গৃহধর্ম, সেবা, সঙ্গ, সবই বাহ্য জপ। প্রথমে প্রত্যেকটি ইন্দ্রিয়কে লইয়া গলদঘর্ম হইয়া জপ সাধনা আরম্ভ করিতে হয়। শেষে নিশ্বাস প্রশ্বাসের মত জপ সহজ হইয়া যায়, তখন নিরন্তর অন্তরের মধ্যে বিনা আয়াসে জপ চলে। তখন সদাই সহজে

নামে (শ্রবণে বা উচ্চারণে), স্পর্শে বা গন্ধে মন আপনিই নিরন্তর হইয়া উঠিতে থাকে ভরপুর।

এখন এই পথে বিপদও আছে, যদি ভুলিয়া যাই যে ইহা পথমাত্র, আর যদি পথটাকেই মনে করি আসল। অসীম অনন্তকে লাভ করিবার এই সমস্তই পথ। পথকেই কখনও তাঁর স্থান যেন না দেই। এরা সব তাঁর কাছে দিবে পৌছাইয়া। যে তাঁর কাছে পৌছাইয়া দিবে তার গলায়ই যদি বরমালা দেই তবে কত বড় ভয়ঙ্কর কথা! রবিদাস বলেন, “স্ববিধার জন্তু যাহাকে আশ্রয় করিলাম, শেষে সে-ই আমার সর্বস্ব দাবী করিয়া আমার সর্বনাশ করিল, এমন যেন না হয়। সাধনার পথে এর চেয়ে বিপদ আর নাই। আর সর্কাপেক্ষা ভয়ঙ্কর কথা এই, যে যার সর্বনাশ হইল সে মনে করে ইহাতেই ঘটিল তার চরম সিদ্ধি। কত বড় সর্বনাশ যে তাহার ঘটিল তাহা সে বুঝিতেই পারিল না।”

দাদু এখানে জপ সাধনার প্রবৃত্তির ক্রমটি লিখিয়াছেন। প্রথমে “নাম” শুনিয়া মনে রসের সঞ্চার হয়, তার পর হৃদয়ের মধ্যে নাম গান হইতে থাকে, তাতেই নামরসে ডুবিয়া গিয়া মন উঠে পূর্ণ হইয়া।

এই “নামে”র প্রেম আছে অস্তুরে, প্রতিশ্বাসে তাহা জপ করিয়া সমস্তে এই রসটিকে একভাবে রাপিতে হইবে ধরিয়া।

এই রস এই “নাম” যত্নে রাপ, সাধন কর। একদিন তিনি আসিয়া মিলিবেন। এই পথটাই সহজ পথ।

সাধনার জন্তু, প্রেমরস সাধনার জন্তু, আত্মা আশ্রয় ও সহায়তা খোঁজে। নাম জপের মত আশ্রয় ও সহায় আর তো দেপি না।

কর্ম করিয়া বা বিশেষ কোনো উপায় অবলম্বন করিয়া বন্ধননাশ করা কঠিন। নামরস যদি জন্মে, দেপিলে সব বন্ধন গিয়া গিয়াছে, ইহাই হইল মুক্তি। ইহা শুনিতে নাস্তিধর্মাত্মক হইলেও আসলে ইহা নাস্তিধর্মাত্মক নহে। কাজেই “নাস্তি”র পথে এই মুক্তি তো মিলিবে না। নাম নিরঞ্জনের সঙ্গলাভ করিলে সব বাধন সহজে যাইবে মুক্ত হইয়া। নিরঞ্জনের স্ব-নিষ্ঠ স্বরূপের কথা বলিতে পারি না, তাঁর ভক্তাধীনস্বরূপ হইল “নাম”। এই “নাম” নিরঞ্জনকে পাইলে হৃদয়ের প্রেমরসে সব বাধন আপনিই যাইবে গিয়া। জীবনের সর্ববিধ জালার হইবে অবসান।

বিশ্বময় অসীম যে ভগবৎতত্ত্ব তাহা অগাধ অপার। তাহা বর্ণনীয় কি অবর্ণনীয় তাহাও জ্ঞানের অবিষয়। অতএব নামকে আশ্রয় করাই একমাত্র উপায়, নাম হইল আমার অন্তরের ধন। প্রেমযোগে তাহারই সঙ্গে আমার পরিচয়।

সর্বাঙ্গীত অলখা অগাধ সেই ভগবৎতত্ত্ব; তাহাকে কেহ বা বলে সগুণ কেহ বা বলে নিগুণ, কাজেই অবিলম্বে নামকেই আশ্রয় করা প্রয়োজন।

অসীম অনন্ত ভগবৎতত্ত্ব জ্ঞানের অতীত, কিন্তু তাঁর নামের সঙ্গে তো নিরন্তর আমাদের গান দিয়া পারি যুক্ত থাকিতে, অসীম আকাশের সঙ্গেও তো পাখীর নিরন্তর সঙ্গীতেই যোগ।

সেই অগাধ এক-তত্ত্ব সবারই অগোচর; কাজেই সাধকরা বাব বার বলেন নামকেই অবলম্বন করিতে।

ধর্ম বা দেশভেদে, সাধকদের কাঁচিভেদে অসংখ্য তাঁর নাম। তোমার হৃদয় পরিপূর্ণ হয় যে নামের রসে, সেই নামটিই কর জপ।

৩। নাম ছাড়িয়া এমন কিছুই নাই যে করিবে আশ্রয়। বিশ্বজগতে এমন এক তিল স্থান নাই যেখানে নামকে ছাড়াইয়া পার থাকিতে।

শরীর সবল থাকিতেই নাম অভ্যাস কর। যখন দেহ শক্তিহীন হইবে, সাধন অভাস্ত হইয়া সহজ হইলে তখনও বিনা ক্রেশে চলিতে থাকিবে “নাম”। তখন নৃতন করিয়া আর নাম-স্মরণ আরম্ভ করিবার সময় থাকিবে না। তেমন শক্তি তেমন দৈর্ঘ্য কি বৃদ্ধকালে থাকে ?

দাদু নীচবংশের। তিনি মূর্খ নিরক্ষর। সংসারে এমন কোনো সার্থকতাই নাই যাহাতে নিজেকে তিনি সার্থক মনে করিতে পারেন। বড়দের ঘৃণায় তলে পড়িয়া থাকিতে থাকিতে মন হইয়া যায় দুঃখী অবসন্ন। তখনও “নাম” আশ্রয় করিলেই সব দুঃখ সব অপমান হইতে মেল মুক্তি।

আপনাকে বড় বলিয়া পরিচয় দিবার জন্য নাম জপ করিতে বলি না, অন্তরের সব দৈন্ত দুঃখ ঘুচিবে বলিয়াই নাম আশ্রয় করিতে বলি।

এই স্মরণ যেন বাহিরের দেপাইবার জন্য না হয়, স্মরণ চলুক অন্তরে। ইহা গর্ক করিবার নীচ উপায়মাত্র যেন না হইয়া ওঠে।

যেখানেই থাক যেমন ভাবেই থাক, অন্তরে “নাম”কেই রাখ। স্থানের ও ভাবের সব অপূর্ণতা নামেই উঠিবে পূর্ণ হইয়া।

৪। নাম বিনা জীবনের সব সার্থকতাই যায় চলিয়া, অতএব হও সচেতন, “নাম” কর আশ্রয়।

আবার সেবাবিমুখ নাম করায়ও সাধনা হয় না। পরোপকার ব্রতে প্রবেশ করাই এক মহা সাধনা। এমন কি দেহ দিয়াও যদি পশুপক্ষীকে তৃপ্ত করা যায় তবে মরিলেও দুঃখ নাই। হয়তো পারসীদের মৃতদেহ পক্ষীদের দেওয়ার কথা জানিয়া, মরিলে আত্মদেহ দ্বারা পশুপক্ষীর সেবার কথা তাঁর মনে জাগিয়াছে। পরে দাদুপক্ষীদের মধ্যে পশুপক্ষীদের সেবায় আপন মৃতদেহ উৎসর্গ করাই প্রথা হইয়া দাঁড়াইয়াছে।

৫। নাম লইয়া কাজ করাই আশ্রিততা। “নাম” যদি জীবনে না থাকে, প্রেমে ভাবে যদি মন পূর্ণ না থাকে, তবে কেবল কর্তব্য বুদ্ধিতে কাজ করিতে গেলে আমাদের কাজও হয় শুষ্ক কাজ, সেবাও হৃদয় না সরস। সেই “নাই”র উপর প্রতিষ্ঠিত নীরস কাজকেই আশ্রিতের কাজ বলিতে পার। এমন কাজ করায় জীবনের কোনো সার্থকতা নাই, ইহাতে কখনও ভগবানকে পাই না। কারণ তাঁর প্রেম হইতে এই কাজ উচ্ছ্বসিত হয় নাই, ইহা উৎপন্ন নিজের বুদ্ধি বা শক্তির বোধ হইতে।

নিত্যজীবনলাভ করিতে হইলে নামই করা দরকার। মৃত্যু সত্য নহে। যে “নাম”-আশ্রয় করে, মৃত্যু তাহাকে জীর্ণ করিতে পারে না। প্রেমের জীবন সৌন্দর্য ও মাদুরা দিয়া নিরন্তর মৃত্যুকে করিতেছে পরাজিত। ইহাই বিশ্বশোভার মূল।

মন দিয়া, পবনমালা (খাসে খাসে) প্রেম দিয়া কর তাঁহার নাম, তবেই তো নামামৃতের স্বাদ পাইবে। নহিলে বাহুমালা ফিরাইয়া, মন-প্রেম না দিয়া যে জপ, তাহাতে কোন্ সুখ?

প্রেম ভক্তিসহ নাম যদি কর তবে এমন কোনো দুঃখই নাই যাহা অনায়াসে বহিতে না পার। সকল-দুঃখ-জয়ী এই নামের স্মরণ। ভগবানের ভক্তেরা নামের রসে ভরপুর হইয়া যত দুঃখ সহিয়াছেন এত দুঃখ বীরেরা কখনও সহিতে পারেন নাই।

জলহীন সরোবরের শূন্য গহ্বরটা যেমন একান্ত শোচনীয়, তেমনি শোচনীয় “নাম” হীন এই জীবন। এই জীবন সরোবরের “নাম”ই জল। তাই ভক্তেরা প্রেম দিয়া চতুর্দিককে রাখেন জিয়াইয়া। তাঁহারা “শুচি-বায়ু” বা বাহুআচারের দ্বারা পবিত্র হইতে চাহেন না। “নামে”ই তাঁহারা সदा পবিত্র। কোনো অপবিত্রতা তাঁহাদের স্পর্শ করেনা বলিয়া কৃত্রিম কোনো উপায়ে তাঁহারা নিজেদের পবিত্র রাখিতে চাহেন না। এই প্রেমরস জীবনে না থাকিলে সহস্র কৃত্রিম আচারেও নিজেকে পবিত্র জীবন্ত রাখা অসম্ভব।

৬। মনের সহিত শ্বাস যোগে “নাম” বল, প্রাণ কমলের মুখ নামের স্পর্শে হটক বিকশিত। প্রেম-কমলের মুখ নামের গুণে বাউক খুলিয়া।* তবে নিজধামে শূন্যরূপ ব্রহ্মের হইবে অভুভব।

অস্তরের মধ্যে নামের যে স্থান, এমন নিচ্ছিন্ন স্থান আর নাই। এমন একান্ত স্থান ছাড়িয়া সাধক বাহিরের নিচ্ছিন্ন সাধন-স্থান খোজে কেন? আত্ম-কমলের মধ্যে “নাম”-রসে ডুবিয়া দেখুক, অনন্ত বিশ্রাম মিলিবে।

৭। “নাম” আনন্দের সমান আনন্দ আর নাই।

জাতি পংক্তি ও সম্প্রদায়ের সর্কারিতার মধ্যে থাকিয়া “নামের” তেমন আনন্দ মেলে না যেমন মেলে অসীম “নামের” রসাস্বাদে।

শাস্ত্র দিয়া কে তাঁহাকে পারিষাচ্ছে জানিতে? প্রেমের যোগে একটি নামকেও যদি সাধন কর অনন্ত শাস্ত্র জানার ফল হয়। যে একটি নামও সাধিয়াছে সে-ই প্রকৃত “হাফিজ”, সকল কোরাণ সে বুঝিয়াছে। তখন বুঝিব নাম-স্মিরণ হইয়াছে সার্থক, যখন ভগবানের প্রেমে থাকিব ডুবিয়া। আত্মমধ্য প্রেমে থাকিব সদাই পূর্ণ।

কবে এমন স্মিরণ হইবে? কবে ইচ্ছির সহায়তা বিনা অস্তরের মধ্যে নিরন্তর চলিতে থাকিবে নাম? কবে বিনা আঘাসে সর্ববিধ বিষয়-বিকার হইতে পাইব মুক্তি?

* দেহতত্ত্বের সাধনাতে ইহার অর্থ, শরীরের বিভিন্ন কমলস্থান, নামের গুণে খুলিয়া যাইবে।

৮। সচেতন হও, প্রেম রস পান কর, দেহ গুণ আপনি ভুলিবে ;
নিত্য জীবন লাভের ইহাই উপায় ।

“নামের” জন্মই নাম কর । ইহাই পরমাগতি । ভক্তির জন্ম, সেবার জন্ম,
নাম কর । সেবককে নামই নিত্য রাপে জীবন্ত, সেবা হয় সহজ ।

আমি যত হীনই হই না কেন, অন্তরে যদি “নাম” থাকে, তবে সব ঐশ্বর্যই
আমার দ্বারে, আমাকে হীন বলে কে ? বাহিরের সব ঐশ্বর্য, অন্তরের সব
আনন্দ, এই নামের সাথে সাথেই আছে । এই ঐশ্বর্য পাইলে দাদু সব অপমানকে
অগ্রাহ্য করিতে পারে, সে যে তখন মহানন্দে ভরপুর ।

৯। “নামের” জ্যোতিতে যে জীবন আলোকিত, তাহাকে কে আর
রাখে লুকাইয়া ? সকল কালের সকল স্থানের বাধা অতিক্রম করিয়া, এমন
জীবন, নিখিল মানবের সম্মুখে সদা দীপ্যমান । কালের হিসাবে অতীত
হইয়া গিয়াছেন বলিয়াও এমন সব সাধকেরা আজও ফুরাইয়া যান নাই, এখনও
তাঁহারা সাধনার পথে দেখাইতেছেন আলো । সকল লোকের উপরে সেই
সাধনার জ্যোতি দেখা যাইতেছে দীপ্যমান ।

১০। এই দুঃখ রহিল যে এমন নামরসও নিঃশেষে জীবন ভরিয়া পান
করি নাই । কি দুঃখ আমার হইতেছে তাহা বুঝাই কেমন করিয়া ? অন্তরে
হৃৎপিণ্ড বিদীর্ণ হইতেছে, দেহ যেন করাতে দ্বিগুণিত হইতেছে ।* বাহিরে
তো সেই দুঃখ দেখান যায় না । তাঁকে ভুলিয়া যাই, তাঁর আলিঙ্গন নিত্য
জীবনে পাই না, তাঁকে নিরন্তর নয়নের মাঝে দেখি না, এই সব বেদনা মনেই
গেল রহিয়া, ইহা বুঝাইবার উপায় নাই ।

১১। “নাম” যদি নিতে পারিতাম তবে তাহাতেই ভাব ভক্তি বিশ্বাস
প্রভৃতি সবই পাইতাম । মাতৃ বুদ্ধি জ্ঞান বিচার ও প্রেম প্রীতি স্নেহ সবই
নামে সহজে মিলিত । তাঁর “নামে” সব ঐশ্বর্য আছে ভরিয়া । এই “নামে” সবই

* কালীতে গিয়া তখন অনেকে মুক্তি হইবে এই বিশ্বাসে করাত দিয়া
দেহ দ্বিগুণিত করিয়া চিরাইয়া ফেলিতেন । এই সব বাহ্য উপায়ে যে মুক্তি
মেলে না ইহা দাদু বারবার বলিয়াছেন । তবে সাধনা বিহীন জীবনে করাত
কাটার চেয়ে বেশী দুঃখ হয় যখন মনে হয় এমন জীবন বৃথায় গেল ।

আছে। “নাম যদি যথাযথভাবে নিয়া থাক তবে সাথে সাথে সবই হইয়াছে। তাহা হইলে জীবন যে ধন হইয়াছে, তাহাতে আর সংশয় নাই।

১২ হইতে ১৫ পর্যন্ত বাণী অংগবন্ধু-সংগে সাধারণতই “পরচা” অঙ্কের মধ্যে পাওয়া যায়। যদিও এখানে ইহা “স্মিরণ” অঙ্কমধোই আছে।

১২। হৃদয়ের কোমল চিত্তকমলে প্রবেশ করিয়া মন স্থির করিলে, আপনিই “স্মিরণ” হইবে অর্থাৎ “নাম জপ” চলিতে থাকিবে।

জপকে যদি সহজ করিয়া নেওয়া যায় তবে পায়ের নখ হইতে মাথার শিখা পর্যন্ত সমগ্র শরীর ভরিয়া নিরন্তর জপই থাকিবে চলিতে। সকল ইন্দ্রিয় ভরিয়াই চলিবে জপ। অন্তরাত্মা হইবে বিকশিত, পরমাত্মা স্বয়ং হইবেন প্রকাশিত। শরীরের প্রতি অণু পরমাণু যখন নাম জপিবে, যখন আমার চিত্ত তাঁহার চিত্ত এক হইবে, তখন বুঝিব জপ জীবনের মধ্যে হইয়াছে প্রতিষ্ঠিত। এমন করিয়াই লইতে হইবে হরিনাম।

জপ যখন এমন সহজ হইবে তখন বিনা ঘাতে বিনা প্রযত্নে শুনিব চলিয়াছে অনাহত সেই “নাম”, আমার শরীরের নখ হইতে শিখা পর্যন্ত সকল শরীরময় শুনিব সেই নামেরই ধ্বনি। তখন দেখিব বিশ্বের সর্ব ঘটে, নিত্যকালে কেবল ধ্বনিত হইতেছে তাঁরই নাম।

তার পর এই জপে আর ইন্দ্রিয়েরও প্রয়োজন থাকিবে না। ইন্দ্রিয়ের সহায়তা বিনাই চলিবে তাঁহার দর্শন পরশন। ইন্দ্রিয় বিনাই হইবে শ্রবণ মনন ও সমাগম। এতই সহজ হইবে স্মিরণ।

১৩। ফকীরেরা নামজপের জন্ত কেন রূপা তম্বী (জপমালা) লইয়া চলেন? হে ভ্রাতৃ, শরীরকেই তো বহন করিতেছ, তবে আর কেন ব্যর্থ জপমালা বহিয়া বেড়াইবে? জপ যদি সত্য হয়, তবে সকল তত্ত্বই কহিবে “করীম” (দয়াময়), তিনিই হইবেন তখন জপের মন্ত্র, তোমাতে তাঁহাতে কোনো ভেদই তখন আর থাকিবে না। এমন সহজ হইুক সাধনা যেন দিবারাত্রি অষ্টপ্রহর চলিতে থাকে জীবন-মরণ পূর্ণ করা প্রণতি। প্রভুর কাছে অষ্টপ্রহরই চালাইতে হইবে এই প্রণতি। তখনই বুঝিব জীবনে জপ হইয়াছে সহজ ও সত্য।

১৪। সূক্ষ্ম শরীরের শক্তি ও আনন্দ থাকিতে থাকিতে শরীর দিয়া

“স্মিরণ” লও সহজ করিয়া। তার পর আত্মার প্রগতি অভ্যাস হইলে এই শরীরের প্রগতিও আর ভাল লাগিবে না।

আত্মা দিয়া স্মিরণ করিতে করিতে এক সময় ভোমাতে তাঁহাতে সব ভেদ যাইবে চলিয়া, উভয়ে হইবে “এক-রস”। সেই রসের তত্ত্ব বুঝান বড় কঠিন, বড় গভীর সেই তত্ত্ব।

“এক-রস” অবস্থা হইলে শরীরের ভাব ও রূপ সবই ব্রহ্মভাবে ও ব্রহ্মরূপে সহজেই ডুবিয়া হইবে ধন্ত। বদ্ধ সঙ্কীর্ণ সংসারের কথাও আর মনে থাকিবে না। সকল আশ্রয় ঘুচাইয়া দিয়া সাধক তখন ব্রহ্মের সঙ্গে থাকিবে এক হইয়া।

প্রিয়তমের সঙ্গে একাত্ম হইয়া সেবা কবাই তো ভাল, লোকে কেন চায় বৃথা স্বতন্ত্র থাকিয়া সেবা কবিতে ?

প্রিয়তম যদি প্রেমভাবে এটি দেহ পরশ করেন তবে এই দেহ আর অস্থি মাংসের দেহ থাকে না, এটি দেহ হইয়া যায় প্রেমময়। তিনি যে পরশমণি, পরশমণির পরশ তো বার্থ হইবার নহে। সাধক যখন তাঁহার মধ্যে ডুবিয়া আপনাকে দেয় লোপ করিয়া, কেবল তিনিই থাকেন বাকী, তখনই বুঝিব স্মিরণ হইয়াছে পূর্ণ।

১৫। তার পর আয়ত্ত করিতে হইবে বিশ্বের সব রূপের মালা। এই যে (স্থানে) গ্রহ চন্দ্র তারা আকাশের মধ্যে ঘূরিতেছে, এও কি জপ মালা নয় ? এই যে (কালে) একই স্থানে থাকিয়া বীজ হইতে বৃক্ষ, বৃক্ষ হইতে চলিয়াছে বীজ, ইহাও যেন চলিয়াছে কালের মধ্যে জপ মালার মত। কোনো বস্তু আজ আছে কাল নাই, পরশু আবার সে-ই হইল ভিন্নরূপ বস্তু, এও যেন চলিয়াছে কালের মধ্যে রূপেরই জপমালা। এটি সকল আকারের জপমালা কি বার্থ থাকিবে ফিরিতে ? ভগবান এই সব মালা ফিরাইয়া চলিয়াছেন জপ করিয়া (পরচা অঙ্ক, ১৭শ বাণী দেখ)। সাধনায় তুমি তাঁর শরীক (পরচা অঙ্ক, ১৪শ, ১৫শ, বাণী দেখ), তাঁর জপ চলিবে আব তোমার ধ্যান চলিবে না ? জপের সঙ্গে সঙ্গে ধ্যান চলুক সমানে সমান। নহিলে কিসের “শরীক”, কিসের সহ-সাধনা ?

এই যে কণ্ঠের পর কণ্ঠ করিতেছ এও কি মালা নয় ? এই সব “করণী”র মালা দিয়া করিবে না তাঁর নাম ? প্রত্যেকটি কণ্ঠ যেন জপমালার গুটি হইয়া তাঁর নাম স্মরণ করায়।

মালায় যেমন গুটি থাকে, তেমনি প্রত্যেকটি রূপের গুটি দিয়া করিতে হইবে ব্রহ্ম-জপমালা। এক একটি গুটি ফিরিলে যেমন এক একবার নাম করিতে হয়, তেমনি এক একটি আকার অনুভবের সঙ্গে সঙ্গে চলিবে নামজপ। পরব্রহ্ম স্বয়ং ফিরাইতেছেন বিশ্বরূপের মালা (পরচা অঙ্ক, ১৭শ বাণী)। তাঁর মনে মনে আশা আছে যে আমিও সাথে সাথে চালাইব আমার জপ-ধ্যান। আমিও যে তাঁর “সরীক”। তিনি ফিরাইতেছেন তাঁর মালা অথচ আমার জপ-ধ্যান চলিতেছে না, ইহা তো আমার অপরাধ, সাধনায় “ব্যভিচার”!

কি মধুর তাঁর নাম! তবে সকল কক্ষকে গুটি করিয়া কেন কক্ষমালাতেও এই নাম-জপ না করি? এমন করিলে আকার ও কক্ষের কোন বন্ধন তো আমাদের বাধে না। কক্ষমালা চলিবে অথচ জপ চলিবে না, এ যে জপাপরাধ। তাই দাদু বলিতেছেন, “করণী করতে ক্যা কিয়া?” অর্থাৎ কাজ করিয়া লাভ হইল কি, যদি সাথে সাথে নামই না জপিলাম?

সকল ঘট হইতে যেন দেখি তাঁহারই নাম হইতেছে উচ্চারিত। যখন চারিদিকে ঘানি চলে, তখন মধ্যস্থানে তেল পড়ে চুয়াইয়া। তেমনি সাধকের বাহিরে সর্ববিধ মালা থাকিবে চলিতে, আর আত্মার অগম্য অগোচর স্থানে ক্রমাগত রামরস থাকিবে বারিতে, সাধক তাহাই ক্রমাগত করিবেন পান।

আমি যেমন আমার অন্তরে তাঁতাকে চাই, তিনিও তেমনি তাঁহার অন্তরে আমাকে চাহেন। তাই এই স্মিরণ এত সহজ হইয়াছে। তিনিও আমার সহায়। নহিলে আমার একার সাধনাতেই যদি পাইতে হইত তবে কি আর আমার ছিল কোনো আশা? দৌহেই দৌহাকে এমন করিয়া চাহে বলিয়াই এই স্মিরণ হইয়াছে সহজ, স্মিরণ হইয়াছে মধুর, স্মিরণ হইয়াছে সুন্দর।

১। নাম-জপের ক্রম :

পহলী শ্রবন তৃতী রসন তৃতীয়ে হিরদৈ গাই ।

চৌথী মন মগন ভয়া রোম রোম লর লাই ॥

দাদু নীকা নাউ তৈ হরি হিরদৈ ন বিসারি ।

সুরতি মন মাইই বসৈ মাইসৈ মাস মভারি ॥

সার্টেসঁ সাঁস সঁভারতা এক দিন মিলিহৈ আই ।
 স্মিরণ পৈঁড়া সহজকা সতগুর দিয়া দিখাই ॥
 ছিন ছিন নাম সঁভারতা ছে জির জাই ত জাউ ।
 আতম কে আধার কৌ নাহীঁ আন উপাউ ॥
 এক মহুরত মন রহৈ নাউ নিরংজন পাস ।
 দাদু তব হীঁ দেখতা সকল করমকা নাস ॥
 এক রামকে নাউ বিন জীরকী জরনি ন জাউ ।
 দাদু কেতে পচি মুয়ে করি করি বহুত উপাউ ॥

“প্রথমে ঘটে শ্রবণ, দ্বিতীয়ে উপজে নামে রস, তৃতীয়ে চলে হৃদয়ের মধ্যে নাম গান, চতুর্থে যায় মন মগ্ন হইয়া, রোমে রোমে ভক্তি ও প্রেমরস উঠে ভরিয়া ।

হে দাদু, বড় উত্তম বড় সুন্দর এই নাম, হরিকে হৃদয় যেন কখনও না ভোলে ; মনের মধ্যে আছে যে প্রেম, প্রতি শ্বাসে শ্বাসে তাহাকে রাখ সামলাইয়া ।*

শ্বাসে শ্বাসে (এই নাম) অস্তরের মধ্যে যত্নে রক্ষা করিতে করিতে একদিন আসিয়া মিলিবেন তিনি “স্বয়ম্” । সঙ্গুক্রই দেখাইয়া দিয়াছেন যে স্মিরণই (নাম স্মরণ, নাম জপই) হইল সহজের পথ ।

প্রতি ক্ষণে ক্ষণে অস্তরের মধ্যে নাম যত্নে রক্ষা করিতে করিতে যদি জীবন যায় তো ঘাউক, আশ্রয়ার আশ্রয়ের ও আধারের অ'র অন্য উপায় তো নাই ।

এক মুহূর্ত যদি মন থাকে নাম নিবন্ধনের পাশে, তবেই দাদু, দেখিতে দেখিতেই সকল করমের হয় নাশ ।

এক ভগবানের নাম বিনা জীবনের জালা হয় না দূর । হে দাদু, কত শত জন বহু বহু উপায় করিয়াও (এই নাম বিনাই) মরিল পচিয়া পচিয়া ।”

২ : নামের মহিমা :

দাদু রাম অগাধ হৈ পরিমিতি নাহীঁ পার ।

অবরণ বরণ ন জানিয়ে দাদু নাউ আধার ॥

* “স্মরতি” স্থলে “স্মরতি” পাঠও আছে । তাহা হইলে অর্থ হইবে “মনের মধ্যে যে নাম-মূর্তি আছে, শ্বাসে শ্বাসে তাহাকে হইবে সামলাইতে ।”

দাদু রাম অগাধ হৈ অবিগত লখৈ ন কোট ।
 নিরঞ্জন সরঞ্জন কা কহৈ নাউ বিলম্ব ন হোই ॥
 দাদু রাম অগাধ হৈ বেহদ লখ্যা ন জাউ ।
 আদি অংত নহিঁ জানিয়ে নাউ নিরন্তর গাই ॥
 দাদু রাম অগাধ হৈ সকল অগোচর এক ।
 দাদু নাউ বিলংবিয়ে সাধু কহৈঁ অনেক ॥
 দাদু সিরজনহার কে কেতে নাম অনন্ত ।
 চিত আরৈ সো লীজিয়ে যৌঁ সাধু সুমিরৈঁ সংত ॥

“হে দাদু, অগাধ সেই ভগবান, তাঁর না আছে পরিমাণ না আছে পার ; “অবরণ” (অবর্ণনীয়, বর্ণশূন্য অর্থ হইয়) কি “বরণ” তিনি, নাই তো তাহা জানা ; হে দাদু, নামই আশ্রয় ও আধার ।

হে দাদু, অগাধ সেই ভগবৎতত্ত্ব, তাহা অনির্লচনীয়, তাহা কেহই পায় না দেখিতে ; “নির্গুণ সগুণ” কি বৃথা এ সব বল ? নামে (নাম লইতে) যেন না হয় বিলম্ব (অথবা নামই একমাত্র অবলম্বন) ।

হে দাদু, অগাধ সেই রাম, দেখাউ যায় না এমন অসীম তাঁহার স্বরূপ ; আদি-অন্ত অজ্ঞেয় তত্ত্ব তাঁর নাই-বা গেল জানা, নিবন্ধর গাওসেই নাম ।

হে দাদু, অগাধ সেই পরমেশ্বর, সকল ইন্দ্রিয়ের অর্ন্তীত তিনি এক অগোচর (ব্রহ্ম স্বরূপ) । হে দাদু, নাম অবলম্বন কর, সাধকগণ বার বার ইহাই বলেন ।

হে দাদু, সৃজনকর্তার কত কত অনন্ত নাম ; যে নাম তোমার মনে লাগে তাহাই তুমি লও, সাধু সন্ত সবাউ এমন করিয়াই স্মরণ করেন নাম ।”

৩ : নাম সর্বব্যাপী নাম সর্বপ্রাণী :

ঐসা কোন অভাগিয়া কছু দিটারে ঔর ।
 নাউ বিনা পগ ধরণ কঁ কহৌ কঠা হৈ ঠৌর ॥
 মেরা সংসা কো নহী জীবন মরণ কে রাম ।
 নিমিত্ত ন স্মারা কীজিয়ে অংতর থৈঁ উর নাম ॥
 দাদু নাম সংভারি লে জব লগ সুস্থ সরৌর ।
 ফিরি পিঠেঁ পছিতাতিগা তন মন ধরৈ ন ধীর ॥

দাদু ছুখিয়া তব লগৈ জব লগ নাউ ন লেহি ।
 তব হীঁ পারন পরম সুখ মেরী জীবন এহি ॥
 কিছু ন কহাৱৈ আপকৌ সাই কঁ সঁভাল ।
 দাদু পীৰকে নাউ লে তোঁ মিটে সির সাল ॥
 গুহ নিস সদা সরীৰ মৈ হরি চিংতত দিন জাই ।
 প্রেম মগন লয় লীন মন অংতর গতি লর লাঠি ॥
 জহাঁ রহঁ তহঁ রামমৌ ভাৱৈ কংদলি জাঠি ।
 ভাৱৈ গিরি পররত রহঁ ভাৱৈ গ্রেহ বসাই ॥
 ভাৱৈ জাই জলহিঁ রহঁ ভাৱৈ সীস নরাই ।
 জহাঁ তহাঁ হরি নাউ মৌ তিরদৈ হেত লগাই ॥

“এমন আছে কোন্ অঙ্গা যে : নাম ছাড়া) আর কিছুকে ধরে দৃঢ়
 করিয়া ? বল দেগি, নাম বিনা পা রাখিবার মত স্থানটুকুও বা সংসারে আছে
 কোথায় ?

আমার কোনো সংশয়ই নাই, জীবন মরণের আশ্রয় ও অবলম্বন আমার রাম,
 নিমিষের তরেও অন্তর হইতে হৃদয়ের সেই নামটি রাখিও না দূরে ।

হে দাদু, যে পঞ্চাশু শরীর সুস্থ থাকে, যত্নে নামটি রাখ সামলাইয়া (আশ্রয়
 কর), নহিলে শেষে মরিবে আপশোষ করিয়া, যখন তহু মনে আর
 থাকিবে না দৈবা (নাম করিবার শক্তি থাকিবে না) ।

যতক্ষণ এই নাম না লইতে পারি ততক্ষণ নিজেকে বড় দুঃখীই বোধ হয়, নাম
 নিলেই পরম সুখ যায় পাওয়া ; এই-ই যে আমার জীবন ।

আপনাকে কিছু (সাধু বা সন্ন্যাসী প্রভৃতি) বলিয়া পরিচয় দিবার নাই কোনই
 প্রয়োজন ; স্বামীকে কর অবলম্বন, ওরে দাদু, নে তোঁর প্রিয়তমের নাম ।
 তবেই তোঁর সকল ব্যথার উপরে ব্যথা (ব্যথা ব্যথা) খাইবে মিটিয়া ।

অহনিশি যেন অন্তরে হরির ধ্যানেই যায় দিন, প্রেমে মগ্ন ধ্যানে লীন মন
 যেন অন্তরের ভাবে-ধ্যানে-প্রেমে তাঁহার সঙ্গে রহে সদা যোগযুক্ত ।

যেখানে থাকি সেখানে যেন রামের সঙ্গেই থাকি, চাই পর্বত কন্দরেই যাই,
 চাই গিরি পর্বতেই থাকি, আর চাই গৃহেই করি বাস ।

চাই জলেই গিয়া করি বাস, চাই মাথা নীচে (হেঁটমুণ্ড) করিয়াই থাকি
ঝুলিয়া, যেখানই থাকি সেখানেই যেন হরিনামের সঙ্গে হৃদয় সদা প্রেমে রহে
যোগ-যুক্ত ।”

৪ : নাম বিনা সবই যায় :

নাম * কহে সব রহত হৈ লাগা মূল সহিত ।
নাম কহে বিন জাত হৈ মূর্থ মনর'। চেত ॥
নাম কহে সব রহত হৈ আদি অংত লৌ সোই ।
নাম কহে বিন জাত হৈ যত মন বছরি ন হোই ॥
নাম কহে সব রহত হৈ জীব ব্রহ্ম কী লার ।
নাম কহে বিন জাত হৈ রে মন তো হুসিয়ার ॥
হরি ভজি সাফল জীবনা পর উপগার সমাট ।
দাদু মরনা তই ভলা জই পশু পংখী খাই ॥

“নাম লইলে সবই তো যায় রহিয়া, মূল সমেত লাভ যায় থাকিয়া ; নাম না
লগায় (সবই) যে যায় চলিয়া, গুরে মূর্থ মন, হ' সচেতন ।

নাম লইলে সবই তো যায় রহিয়া, আদি অশু লইয়াই যে তিন, নাম না বলায়
(সবই) যে যায় চলিয়া ; আর তো ফিরিয়া হইবে না এই মন, এমন সুযোগ !

নাম লইলে সবই তো যায় রহিয়া, জীব যে ব্রহ্মের প্রমাঙ্গদ ; নাম না
লগায় (সবই) যে গেল চলিয়া, গুরে মন হ' সাবধান ।

পরোপকার ব্রতে ডুবিয়া গিয়া হরি ভজিয়া গুরে মন হ' সফল । হে দাদু,
মরণও সেখানে ভাল যেখানে পশু পংখী খায় তোর দেহ ।”

৫ : নামেই সব, নাম ছাড়া কিছুই নাই :

হৈ সো সুমিরণ তোতা নহী' নহী' সো কীজৈ কাম ।

দাদু যত তন যৌ গয়া ক্যু কর পইয়ে রাম ॥

* এখানে প্রত্যেকটি “নাম” শব্দে “রাম” পাঠও আছে । তখন অর্থ
হইবে “ভগবান” ।

নির্বিকার নিজ নাউ লে জীরন ইহে উপাই ।
 দাদু ক্রিতিম কাল হৈ তাঁকৈ নিকটি ন জাই ॥
 মন পরনা গতি সুরতি সৌ দাদু পারৈ স্বাদ ।
 সুমিরণ মাইই সুখ ঘণা ছাড়ি দেহ বকরাদ ॥
 নার সপীড়া লীজিয়ে প্রেম ভক্তি গুণ গাই ।
 দাদু সুমিরণ প্রীতি সৌ হেত সহিত লর লাই ॥
 সরীর সরোবর নাম জল মাইই সজীরন সার ।
 দাদু সহজৈঁ সব গয়ে মনকে মৈল বিকার ॥

“অস্তির পথে যদি নাম স্বরণ (জপ) (ঠিক মত) না হয়, তবে “নাহী”র (“নাস্তি”র) সঙ্গেই করিতে হয় কাজ । হে দাদু, এমন করিয়াই বুঝা গেল এই জীবন, কেমন করিয়া পাইবি তবে ভগবানকে ?

বিকার রহিত হইয়া লও পরমাত্মার নাম, ইহাই জীবনের উপায় ; হে দাদু, কাল হইল কৃত্রিম (তৈয়ারী করা মিথ্যা বস্তু), কাল তার নিকট যায় না (যে নির্বিকার হইয়া নাম নেয়) ।

মন ও পবনকে (মন দিয়া প্রতি শ্বাসযোগে) প্রেমের সহিত লইলে (জপ করিলে), হে দাদু পাইবে অমৃতের স্বাদ ; নাম স্বরণের মধ্যেই প্রভূত আনন্দ, বুঝা বাগ বিতণ্ডা দাও ছাড়িয়া ।

প্রেম ভক্তি গুণ গাহিয়া বেদনার সহিত গ্রহণ কর এই নাম : হে দাদু, প্রীতিতে, ব্যাকুলতায়, প্রেমধ্যানে কর এই নামের স্বরণ (জপ) ।

(সাধকের) শরীর হইল সরোবর, নামই তাহাতে হইল জল, তাহাতেই সার জীবন্ত ধন ; হে দাদু, মনের মলিন বিকার সহজেই গেল সব চলিয়া ।”

৬ : সব ভাবে কর নাম :

প্রাণ কমল মুখি নাম কহি মন পরনা মুখি নাম ।
 দাদু সুরতি মুখি নাম কহি ব্রহ্ম সুঁনি নিজ ধাম ॥
 কহতা সুনতা নাম কহি লেতা দেতা নাম ।
 খাটা পীতা নাম কহি আতম বহ্নল বিখাম ॥

জঁ জল পৈঠেঁ দূধ মৈঁ জঁ পানী মৈঁ লোণ ।
 ঐসৈঁ আতমরাম সৌঁ মন হঠ সাঠেঁ কোণ ॥
 রাম নাম মৈঁ পৈঠি করি রাম নাম লর লাই ।
 য়ছ ইকংত ত্রিয় লোক মৈঁ অনত কাহি কৌঁ জাই ॥

“প্রাণ কমলের মুখে নাম কহ, মন পবন মুখে বল নাম, হে দাদু, প্রেমের মুখে নাম বল, তবে নিজধামেই ব্রহ্ম-অনুভূতি । এই ব্রহ্ম (শাস্ত্র আনন্দঘন) শূণ্যরূপ ।

কহিতে কহিতে শুনিতে শুনিতে বল নাম, নিতে নিতে দিতে দিতে কহ নাম, খাইতে খাইতে পান করিতে করিতে জপ নাম, ইহাই আত্ম কমলের বিশ্রাম ।

জল যেমন হয় দুধের মধ্যে অল্পপ্রবিষ্ট, লবণ যেমন হয় জলের মধ্যে অল্পপ্রবিষ্ট, এমন যদি মন অল্পপ্রবিষ্ট হয় ভগবানে, তবে মন আর করিতে পারে কোন্ হঠকারিতা ?

রাম নামের মধ্যে ডুবিয়া মিলাইয়া গিয়া, রাম নামে প্রেমের ধ্যানের যোগ হও প্রাপ্ত ; ত্রিলোকের মধ্যে ইহাই অতিশয় একান্ত স্থান (নির্জন শাস্ত্র স্থান), অস্ত্র আর তবে কেন বৃথা যাও ?”

৭ : ভুলনা নাই নামের :

সব সুখ সরগ পাতাল কে তৌলি তরাডু বাহি ।
 হরি সুখ এক পলক কা তাসমি কছা ন জাতি ॥
 অপনী অপনী হৃদ মৈঁ সব কোই লেঠেঁ নাউ ।
 জে লাগে বেহৃদ সৌঁ তিন কী মৈঁ বলি জাউ ॥
 পড়ি পড়ি থাকে পংডিতা কিনহুঁ ন পায়। পার ।
 কথি কথি থাকে মুনি জনা দাদু নারঁ অধার ॥
 নিগমহি অগম বিচারিয়ে তউ পার নহিঁ আঠেঁ ।
 তাঁথেঁ সেবক ক্যা কঠেঁ সুমিরণ লর লাঠেঁ ॥

অলিফ এক অলাহকা জে পঢ়ি জানৈ কোঠি ।
 কুরান কতেবা ইলম সব পঢ়ি করি পুরা হোই ॥
 দাদু যহ তন পিঞ্জরা মাহী মন সুরা ।
 এক নাউ অলাহ কা পঢ়ি হাফিজ হুরা ॥
 নার্ব লিয়া তব জানিয়ে জে তন মন রহৈ সমাই ।
 আদি অংতি মধি এক রস কবহু ভুলি ন জাই ॥
 কা জানেী কব হোইগা হরি সুমিরণ ইকতার ।
 কা জানেী কব ছাড়িহৈ যহ মন বিষয় বিকার ॥

“স্বর্গ পাতালের সকল সুখ যদি তুলাদণ্ডে যায় তৌল করা, এক পলকের
 যে হরি-সুখ, তার সমান তো তবু ইহা যায় না বলা ।

আপন আপন সীমাতে থাকিয়াই সবাই নেয় নাম ; অসীমের সঙ্গে যুক্ত
 হইয়া নাম লইতে যে জন পারে, আমি বলিহারি ঘাই তার ।

পড়িয়া পড়িয়া ক্লাস্ত হইল পণ্ডিত, কেহই তো পাইল না পার ; কহিয়া
 কহিয়া ক্লাস্ত সব মুনিজন, হে দাদু, নামই দেখা গেল মূল আধার ।

নিগম কি আগম যাহাই কেন কর না বিচার, তবু তো কভু মিলিবে না
 পার ; তাই সেবক করে কি, নাম স্মরণ (জপ) দিয়া প্রেমযোগই করে সাধন ।

এক আল্লা নামের আত্ম-স্বর এক “অলিফ”ই যদি কেহ যথার্থভাবে জানিত
 পড়িতে, তবে কোরাণ কেতাব সকল শাস্ত্রের সকল জ্ঞান সে পড়িয়া হইত পূর্ণ ।

হে দাদু, এই তন্ত্র পিঞ্জরের মধো মন হইল শুক পাখী, আল্লার একটি
 নাম পড়িয়াই সে হইয়া গেল ‘হাফিজ’ (সমগ্র কোরাণ-বেত্তা) ।

নাম লইয়াছি জানিবে তখন, যখন তন্ত্র মন থাকে (তাঁহাতে) ডুবিয়া
 পূর্ণ হইয়া ; আদি-অন্ত-মধ্য মনের যখন সেই এক রস, যখন কখনও মন
 তাঁহার নাম যায় না ভুলিয়া ।

কি জানি কবে হইবে “একতার” (বরাবর সমানভাবে অবিচ্ছিন্ন-গতি)
 হরি-স্মরণ, কি জানি কবে এই মন ছাড়িবে সকল বিষয়বিকার ।”

৮ : সর্বসিদ্ধি তাঁর নাম :

আত্ম চেতন কীভাবে প্রেম রস পীরে ।

দাদু ভুলে দেহ গুণ ঐসেঁ জন জীরে ॥

মিলে তো সব সুখ পাইয়ে বিছুরে বহু দুঃখ হোই ।
 দাদু সুখ দুঃখ রাম কা দূজা নাহী কোই ॥
 দাদু হরিকা নাউ জল মৈ মৌন তা মাহি ।
 সংগি সদা আনন্দ করৈ বিছুরত হী মরি জাহি ॥
 নাউ নিমিত্ত হরি ভজৈ ভগতি* নিমিত্ত ভজি সোই ।
 সেবা নিমিত্ত সাই ভজৈ সদা সজীৱনি হোই ।
 হিরদৈ রাম রঠৈ জা জন কৈ তা কৌ উনা কোন কহৈ ।
 অঠ সিধি নর নিধি তা কৈ আগৈ সমুখ ঠাটী সদা রঠৈ ॥
 সংগ হী লাগা সব ফিরৈ রাম নাম কে সাথ ।
 চিংতামণি হিরদৈ বসৈ সকল পদারথ হাথ ॥
 দাদু আনন্দ আতমা অধিনাসী কে সাথ ।
 প্রাণনাথ হিরদৈ বসৈ সকল পদারথ হাথ ॥

“আত্ম-চেতনা কর, প্রেমরস পান কর ; হে দাদু, (নামরসে) দেহশুণ যে
 যায় ভুলিয়া এমন জনই তো (যপার্থ) জীবন্ত ।

(তাঁহার সহিত) মিলনেই পাইবে সব সুখ, বিচ্ছেদেই বহু দুঃখ ;
 হে দাদু, সব সুখ দুঃখ রামের (মিলনে বিচ্ছেদে), অণু আর কিছু
 (সুখ দুঃখ) নাই ।

হে দাদু, হরির নামই হল, আমি তার মধো নিমজ্জিত নান ; ডুবিয়া
 তাঁহাতে থাকিলেই সদা করি আনন্দ, বিচ্ছেদ গটিলেই ঘাই মরিয়া ।

নামের নিমিত্ত ভজনা করিতে হইবে হরিকে, ভক্তির নিমিত্তও তাঁকেই
 করিতে হইবে ভজন, সেবার নিমিত্ত স্বামীকেই করিতে হইবে ভজনা ;
 তিনিই যে সদা-সজীবন নিত্য জীবনের মূল আদার ও উৎস ।

যাহার হৃদয়ে রাম আছেন বিরাজমান তাকে কে বলিবে কোনো ভাবে
 উন ? অষ্টসিদ্ধি নবনিধি তার সম্মুখে সদা (আজ্ঞাবহের মত) আছে
 দাঁড়াইয়া ।

* “ভগতি” স্থলে “গতি” পাঠও আছে ।

রাম নামের সাথে যুক্ত হইয়াই সব কিছু সাথে সাথে বেড়ায় ফিরিয়া,
চিন্তামণি মাহার হৃদয়ে করে বাস সকল পদার্থই তাহার করতলে ।

হে দাদু, অনিনাশী ভগবানের সাথে সাথেই আত্মার সদা আনন্দ, প্রাণনাথ
যদি হৃদয়ে করেন বাস, তবে সকল পদার্থই করতল-গত ।”

৯ : বিশ্বময় দীপ্যমান এই নাম :

ভারি তঁহা ছিপাটয়ে সাঁচ ন ছানা হোই ।

সেস রসাতলি গগন ধু পরগট কহিয়ে সোই ॥

দাদু কই নারদ জনা কই ভক্ত প্রহলাদ ।

পরগট তিনু্য লোক মৈঁ সকল পূকারৈঁ সাধ ॥

কই সির বৈঠা ধ্যান ধরি কই কবীরা নাম ।

সো কোঁ ছানা হোইগা জো রে কইগা রাম ॥

কই লীন শুকদের থা কই পীপা রৈদাস ।

দাদু সাঁচা কোঁ ছিপৈঁ সকল লোক পরকাস ॥

কই থা গোরখ ভরথরী অন্ত সিধী কা মন্ত ।

পরগট গোপীচন্দ হৈ দত্ত কইঁ সব সন্ত ॥

অগম অগোচর রাখিয়ে করি করি কোটি জতন ।

দাদু ছানা কোঁ রহৈঁ জিস ঘটি রাম রতন ॥

দাদু সরগ পাতাল মৈঁ সাঁচা লেরৈঁ নাউ

সকল লোক সিরি দেখিয়ে পরগট সবহী ঠাউ ॥

“যেখানে ইচ্ছা রাপ লুকাইয়া, সত্য কিছুতেই যায় না লুকান, রসাতলের
অনন্ত (নাগ) হইতে গগনের প্রবতারা পযাশ্ব সবাই বলিদে ইহাই সর্বাপেক্ষা
প্রত্যক্ষ প্রকাশমান ।

হে দাদু, কোথায় সেই নারদ অব কোথায় ভক্ত প্রহলাদ ! তিন লোকেই
তাহারা দীপ্যমান, সকল সাধুই ইহা উচ্চকণ্ঠে করেন ঘোষণা ।

কোথায় শিব বসিয়া আছেন ধ্যানমগ্ন, কোথায় নামদেব ও কবীর ! সে
কেমন করিয়া থাকিবে লুকাইয়া, যে জন ভগবানের নাম করিবে উচ্চারণ !

কোথায় শুকদেব ছিলেন ধ্যানে লীন, কোথায় ছিলেন পীপা ও রইদাস !
হে দাদু, সত্য কেমনে রহিবে গোপন, সকল লোকে তাহা দীপ্যমান ।

কোথায় ছিলেন গোরক্ষনাথ ও ভূঁইহরি, আর কোথায় ছিল অনন্ত সিদ্ধ-
গণের মত ? গোপীচন্দ্র ও দত্তাত্রেয় তো সদাই আছেন জাজ্জল্যমান, সকল
সাধকেরাই বলিতেছেন এই একই কথা ।

কোটি কোটি যতন করিয়াও (সত্যকে ও সাধককে) যদি রাখ অগম্য
অগোচর, তবু হে দাদু, সে কেমন করিয়া রহিবে গোপন যে ঘটে দীপ্যমান
স্বয়ম্ রামরতন ।

হে দাদু, স্বর্গ পাতাল যেখানেই কেহ নেয় এই সত্যনাম, তাহাকেই দেখিবে
সকল লোকের উপরে বিরাজিত, সকল ঠাইই সেই জন ও তাহার সাধনাই
প্রত্যক্ষ ও জাজ্জল্যমান ।”

১০ : অন্তরের ব্যথা

সুমিরন কা সংসা রহা পছিতারা মন মঁাহি ।

দাদু মীঠা রাম রস সগলা পীয়া নাহি ॥

দাদু জৈসা নাউঁ থা তৈসা লীয়া নাহি ।

হৌস রহী য়হ জীর মেঁ পছিতারা মন মঁাহি ॥

দাদু সির কররত বহৈ বিসরৈ আতম রাম ।

মঁাহি কলেজা কাটিয়ে জীর নহীঁ বিশ্রাম ॥

দাদু সিরি কররত বহৈ অংগ পরস নহিঁ হোই ।

মঁাহি কঁলেজা কাটিয়ে বিথা ন জাঠৈ কোই ॥

দাদু সিরি কররত বহৈ নৈনছঁ নিরথৈ নাহিঁ ।

মঁাহিঁ কলেজা কাটিয়ে সাল রহা মন মঁাহিঁ ॥

“নাম স্মরণেই ছিল (আমার) সংশয়, এই অন্ততাপই রহিয়া গেল মনের
মধ্যে ; হে দাদু, এমন যে সুমিষ্ট রামরস, তাহাও ভরপুর করি নাই পান ।

হে দাদু, যেমন (অমৃতময়) তাঁর নাম তেমন করিয়া তো সেই নাম লই
নাই, এই জীবনে সেই আকাজকা (অতৃপ্তি) গেল রহিয়া, মনের মধ্যে রহিয়া
গেল জলন্ত আপশোষ ।

দাদু মাথায় বহিতেছে করাতে কাটার যন্ত্রণা, সে আত্মারামকে রহিয়াছে
কুলিয়া ! অন্তরে ক্রমপিও হইতেছে বিদীর্ণ, প্রাণে নাই বিশ্রাম (শান্তি) ।

দাদু মাথায় বহিতেছে করাত-কাটার অসহ্য বাতনা, (তাঁর অঙ্গে যে) আমার অঙ্গের হইতেছে না পরশ (আলিঙ্গন)! অস্তরে হৃৎপিণ্ড হইতেছে বিদীর্ণ। অথচ কেহই জানে না সেই বাথা।

দাদুর মাথায় করপত্র-বিদারণের চলিয়াছে বেদনা, নয়নে যে দেখিতেছি না তাঁহাকে! অস্তরে হৃৎপিণ্ড হইতেছে বিদীর্ণ। হায়রে, এই বেদনাই শুধু রহিয়া গেল মনের অস্তরে!”

১১: নামেই সব আছে

সাহিব জী কে নাউ'ম'। ভার ভক্তি বেসাস।
 লৈ সমাধি লাগা রহৈ দাদু সার্জ' পাস ॥
 সাহিব জী কে নাউ'ম'। মতি বুদ্ধি জ্ঞান বিচার।
 প্রেম প্রীতি সনেহ সুখ দাদু জ্যোতি অপার ॥
 সাহিব জী কা নাউ'ম'। সব কুছ ভরে ভংডার।
 নূর তেজ অনন্ত হৈ দাদু সিরজনহার ॥
 জিস মৈ' সব কুছ সো লিয়া নিরঞ্জন কা নাউ।
 দাদু হিরদৈ রাখিয়ে মৈ' বলিহারী জাউ' ॥

“প্রভুজীর নামের মধ্যেই ভাব ভক্তি ও বিশ্বাস, হে দাদু, প্রেম ধ্যানে যুক্ত হইয়া যে থাকে তাহাতে সমাহিত হইয়া সে-ই রহে স্বামীর পাশে।

প্রভুজীর নামের মধ্যেই মতি, বুদ্ধি, জ্ঞান বিচার; হে দাদু, প্রেম, প্রীতি, স্নেহ, সুখ, অপার জ্যোতি (সেই নামেরই) মধ্যে।

প্রভুজীর নামের মধ্যেই সব কিছুতে ভরা ভাণ্ডার; অনন্ত জ্যোতি, অনন্ত তেজ অসীম অনন্ত স্বয়ং বিধাতা, হে দাদু, (বিরাজমান এই নামে)।

যাহার মধ্যে সব কিছুই ভরপুর সেই নিরঞ্জনের আমি লইয়াছি নাম; হে দাদু, হৃদয়ে রাখ এই নাম, আমি বলিহারি যাই ও জয়জয়কার করি সেই নামের।”

১২: সহজ সুমিরণ

কোর'ল কর'লা পৈসি করি জহাঁ ন দেখৈ কোই।*
 মন থির সুমীরণ কীজিয়ে তৌ দাদু দরসন হোই ॥

নখ সিখ সব স্মিরণ কঠৈ ঐসা করিয়ে জাপ ।
 অংতিরি বিগঠৈ আতমা তৌ দাদু প্রগটে আপ ॥
 মন চিত অস্থির কীজিয়ে নখসিখ স্মিরণ হোই ।
 শ্রবণ নেত্র মুখ নাসিকা পাঁচৌ পুরে মোই ॥
 সহজৈ স্মিরণ হোত হৈ রোম রোম রট রাম ।
 চিত্ত চহুঁ ট্যা চিত্ত সৌ য়েঁ লীজে হরি নাম ॥
 সবদ অনাহদ হম স্মিয়া নখসিখ সকল সরীর ।
 সব ঘটি হরি হরি হোত হৈ সহজৈ হী মন খির ॥
 নৈন বিন দেখিবা অংগ বিন পেখিবা
 রসন বিন বোলিবা ব্রহ্ম সেনী ।
 শ্রবন বিন স্মিবা চরণ বিন চালিবা
 চিত্ত বিন চিত্যবা সহজ এতী ॥

“যেখানে কেহই দেখিতে পায় না সেই কোমল (জংপণ্ডে বা বিখকমলে) কমলে প্রবেশ করিয়া মন-স্থির কর “স্মিরণ”, তবেই হৈ দাদু, হইবে তোমার দরশন ।

এমন জাপ কর জপ যেন (পায়ের) নখ হইতে (মাথার) শিখা পর্যন্ত সব করে স্মিরণ (নাম জপ) ; তবে তো অন্তরে আত্মা হয় বিকশিত, হৈ দাদু, তবেই তো তিনি আপনাই হয় প্রকাশিত ।

মন চিত্ত কর স্থির, তবেই নখ হইতে শিখা পর্যন্ত সহজেই চলিবে সেই “স্মিরণ” (জাপ) ; শ্রবণ নেত্র মুখ নাসিকা ও পঞ্চ ইন্দ্রিয়কে পরিপূর্ণ করিয়া তিনিই বিরাজমান ।

এমন করিয়া লও হরি নাম যে সহজেই হয় “স্মিরণ”, প্রতি রোমে রোমে যেন ধ্বনিত হয় তাঁর নাম, (আমার) চিত্ত যেন (তাঁর) চিত্তের সঙ্গে আঁটিয়া যায় মিলিয়া ।

নখ হইতে শিখা পর্যন্ত সকল শরীরে আমি গুনিয়াছি সেই অনাহত শব্দ (বিশ্ব আকাশে ও অন্তরাকাশে বিনা আঘাতে বিনা প্রযত্নে সদা উচ্চারিত

• এই বানীগুলি লিখিত গ্রন্থে অনেক স্থলে “পরচা” আছে

জহঁ রাম তহঁ সুরতি হৈ সকল রহা ভরপুর ।
 অংতরগতি লর লাই রহু দাদু সেবগ সুর ॥
 দাদু গারৈ সুরতি সৌ বাণী বাজৈ তাল ।
 যহু মন নাটৈ প্রেম সৌ আর্গৈ দীন দয়াল ॥
 সব বাতনি কী এক হৈ পুণ্য থৈঁ দিল দুরি ।
 সার্গৈঁ সেতী সংগ করি সহজ সুরতি লৈ পুরি ॥

“(প্রেমের) ভাবরসে ড়বিয়া যে রহে (তাঁর) সন্মুখে, যুগে যুগে সে জন রহে ভরপুর ; দাদু সেই রসের পিয়ারসী, যে বীর সে-ই সেট রস করিতে পারে পান ।

যেখানে জগদ্গুরু বিরাজমান সেখানে যদি ভাব-রসকে ভরপুর করিয়া পার রাখিতে (ডুবাইতে পার আপনাকে সেই রসে), তবে এই নয়ন (দৃষ্টি) উন্টাইয়া অপরূপ খেলা দেখিবে আসিয়া ।

অবিকল্পিত প্রেম-ভাবকে পিছে ফিরাইয়া আন আত্মাব মাঝে, গুরুদেবের (পরমাত্মার) সঙ্গে যে থাকে সেখায় যুক্ত হইয়া, হে দাদু, সে-ই তো সূজ্ঞান । *

যেখানে ভগবান সেখানেই প্রেমভাব, সেখায় সকলই হইয়া রহে ভরপুর ; অন্তরের ভাবকে ধ্যানে থাক পূর্ণ করিয়া, হে দাদু, তবেই তো সেবক বীর !

দাদু ভাবরসে পূর্ণ হইয়া গাহিতেছে গান, তালে তালে বাজিতেছে বাণী, প্রেমভরে নাচিতেছে এই মন, সন্মুখে বিরাজমান দীনদয়াল ।

সকল বাণীর বাণী সকল কথার এক সার কথা এই, যে, পুণালাভ হইতে হৃদয়কে রাখ দূরে ; স্বামী'র সঙ্গে যোগানন্দ লাভ করিয়া সহজ ভাব-রসে ধ্যান-লয়ে, আপনাকে করিয়া লও পূর্ণ ।”

৪। ভানই সুরমিরণ, ভানই সাধনা ।

সুরতি সদা সনমুখ রহৈ জহঁ। তহঁ। লর লীন ।
 সহজ রূপ সুরমিরণ করৈ নিকরম দাদু দীন ॥
 দাদু সেবা সুরতি সৌ প্রেম শ্রীতি সৌ লাই ।
 জহঁ অবিলাসী দেব হৈ সুরতি বিনা কো জাই ॥

* জয়পুরী ভাষাতে “অপূঠী” অর্থে, পিছে, উন্টা দিকে ।

ষোগে সমাধিতে আনন্দে প্রেম সহজে সহজে আইস চলিয়া, ইহাই হইল মন্দিরের দ্বার মুক্ত হওয়া ; ভক্তিরও ইহাই ভাব, অর্থাৎ ভক্তির দ্বারাও দ্বার এমন ভাবেই হইয়া যায় মুক্ত ।

বিনা চরণের এই পথ, কেমন করিয়া পৌছিতে তবে প্রাণ ! পথের মাঝে যে সত্যই আছে বিকট সঙ্কীর্ণ দুর্গম গিরিপথ; গগন (-চূর্ণী) শিখর ।”

২ : চেতনাই ভাবের পথ ।

কিহিঁ মারগ হৈ আইয়া কিহিঁ মারগ হৈ জাই ।
দাদু কোন্ই না লৈখে কেতে কঠৈঁ উপায় ॥
সুনহিঁ মারগ আইয়া সুনহিঁ মারগ জাই ।
চেতন পৈঁড়া সুরতিকা দাদু রছ লর লাই ॥
পারব্রহ্ম পৈঁড়া দিয়া সহজ সুরতি লৈ সার ।
মনকা মারগ মাহিঁ ঘর সংগী সিরজনহার ॥

“কোন পথ হইয়া (দিয়া) বা আসিলে কোন পথে বা যাইবে ? হে দাদু, যত যত উপায়ই করুক না কেন, কেহই তাহা পায় না দেখিতে ।

শূন্যমার্গেই আসিলাম শূন্যমার্গেই যাইব, চেতনাই হইল প্রেম ধ্যানের পথ, হে দাদু, প্রেম-ধ্যানে থাক ডুবিয়া ।

পরব্রহ্ম দিয়াছেন পথ, সহজ প্রেমভাবই হইল সার, মনের ঘর হইল পথের মাঝে, সঙ্গী হইলেন সজনকর্তা ভগবান ।”

৩ : পরমাত্মার মধ্যে আত্ম-তান ডুবাইয়া দেখ লীলা ।

সুরতি সমাই সনমুখ রহৈ জুগি জুগি জন পুরা ।
দাদু প্যাসা প্রেমকা রস পীরে সুরা ॥
জহঁ। জগতগুর রহত তৈ তহঁ। জে সুরতি সমাই ।
তৌ ইন নৈনছঁ উলটি করি কোতিগ দেখে আই ॥
সুরতি অপূঠী ফেরী করি আতম মাইহঁ আন ।
লাগি রহৈ গুরদের সৌ দাদু সোই সয়ান ॥

অন্ধকারে অবসন্ন হইয়া হতাশ হইও না। দেখিবে তিনিই অগ্রসর হইয়া তোমাকে নিতে আসিয়াছেন। তাঁর সেই প্রেম-পরশখানি বুঝিতে পারিবার জ্ঞান থাক সদা সচেতন আর প্রেমের পথে যথাশক্তি চল অগ্রসর হইয়া। আশা হারাইও না, হইবেই হইবে।

প্রেমেই সব বৈতাত্তিক্যের অবসান। তিনিই আছেন, আমি কি তবে নাই? আমিও আছি, তিনিও আছেন, সেই বা কেমনতর? দুইয়ের স্থান হয় কেমন করিয়া? প্রেমে তাঁর মধো যাও ডুবিয়া। মিলনে “দুই” “এক” হইয়া হইবে সার্থক। দুটিকে এক করিবার জন্মই প্রেম; তাহাতেই প্রেম, তাহাতেই রস, তাহাতেই পরমানন্দ, পরম স্বাদ। সেই মহা সার্থকতা এই সব তুচ্ছ “বিরোধ-নির্বিরোধ” তত্ত্বের চেয়ে অনেক বেশী সত্য।

১। লয় লাগী তব জানিয়ে জৈ কবহুঁ ছুটি ন জাই।
 জীরত যৌ লাগী রহৈ মূরা মংঝি সমাই ॥
 সব তজি গুন আকার কা নিহচল মন লর লাই।
 আতম চেতন প্রেম রস দাদু রহৈ সমাই ॥
 অরথ অনুপম আপ হৈ ঔর অনরথ হৈ ভাই।
 দাদু সব আরংভ তজি জিনি কাহু সংগি জাই ॥
 ছোগ সমাধি মুখ সুরতি সৌ সহজৈ সহজৈ আর।
 মুকতা দ্বারা মহলকা হৈ ভগতি কা ভার ॥
 বিন পায়ন কা পংথ হৈ কোঁ করি পহুঁচৈ প্রাণ।
 বিকট ঘাট অরঘট খরে মাহিঁ সিখর অসমান ॥

“তখনই জানিবে লাগিয়াছে “লয়” (ধ্যানে ডুবিয়া যাওয়া), যখন সেই অবস্থা আর যাইবে না ছুটিয়া। যতদিন জীবন ততদিন এমনিই রহিবে যোগযুক্ত হইয়া, আর মরিলে তাঁরই মাঝে যাইবে ডুবিয়া।

সব গুণ ও আকারকে ত্যাগ করিয়া নিশ্চল মনকে লইয়া যাও “লয়ে”। আত্ম চেতনার প্রেম রসে দাদু থাক ডুবিয়া।

পরমাত্মা স্বয়ম্ভূত অনুপম অর্থ অর্থাৎ সার্থকতা, হে ভাই, আর সবই অনর্থ। হে দাদু, সকল আচার অনুষ্ঠান কর ত্যাগ, আর কাহারও করিও না বার্থ অনুসরণ।

২। প্রেম ভাবের প্রথম সোপানই হইল আত্ম-চেতনা জাগ্রত হওয়া। পরব্রহ্মের এই ব্যবস্থা যে প্রেমের পিপাসা জন্মিলে তবেই পথ হইয়া আসে সহজ। একাকী ঘাইবার ভয় যদি মনে উদ্ভিত হয় তবে মনে রাখিতে হইবে তিনি সকল সাধকেরই সাধনা-পথের সহযাত্রী। সাবধান! মনকে যেন পথের সাণী না করি, কারণ সে অল্প দূর পর্য্যন্তই পারে যাউতে। সেখানেই তার ঘর। তার বেশী ঘাইবার ভাণ যদিও সে করিবে, কিন্তু তাহার সামর্থ্য নাই যে বেশী দূর সে যায়।

৩। অস্তুরে আছেন জগদগুরু, ভাব যোগে লও তাঁর সঙ্গ। তাঁর দৃষ্টিতে তুমি দেখ, তোমার দৃষ্টিতে তিনি দেখুন; উভয়েরই নব নব লীলা হইবে প্রত্যক্ষ।

যে প্রেম মুকুণ কখন ফোটে নাই তাকে তাড়ার চোটে কৃত্রিম তাপ দিলে সে ফুটিবে না। তাকে ফিরাইয়া লইয়া আইস সঙ্গুর প্রেমে, সেখানে সে সহজেই হইবে বিকলিত।

তাঁর সঙ্গ লাভ করিলে নৃত্য, গীত, বাণী সকলেরই সহজ উৎস যায় খুলিয়া।

পুণ্যলোভী হইয়া তাঁর সঙ্গ প্রেমযোগের স্বযোগ হারাষ্টও না, এমন দুর্লভ জন্ম হাইবে অকৃতার্থ হইয়া।

৪। প্রেম যখন মেনে তখন সাধনা অতি সহজ। যার প্রেম হইয়াছে তার কি আর মালা ফিরাইয়া, ইন্দ্রিয়গণের প্রতিকূলতা দূর করিয়া, তাহাদিগকে অস্থূল করিয়া, “জপ” ও “স্মরণ” করিতে হয়। “স্মরণ” তখন এতই সহজ হয় যে তখন ভোলাই হয় কঠিন। যোগও তার পক্ষে হয় সহজ, সে ধ্যানেরই থাকে ডুবিয়া। সর্বত্র সে ঐ ভাবেই পারে ডুবিয়া থাকিতে।

প্রেমেরই সেবা সহজ। স্বামীকে সঙ্গ বে যোগ তাগাতেও দেখি প্রেমকে সেবাতে পরিণত করিতে পারিলেই সেই যোগ হইয়া যায় সহজ। প্রেম না থাকিলে স্বদ্ধ নীরস সেবা লইয়া তাঁর ভাবের মধ্যে কি পৌছান যায়? দাস্তুর স্থান আর প্রেমের স্থান কি এক?

৫। জল যেমন জলধিতে মিলিয়া পরমাশান্তি লাভ করে, তেমনি তাঁর মধ্যে তুমি ডুবিয়া গেলে তোমার কিছুই ক্ষয় ক্ষতি বা নাশ হইবে না; শুধু তুমি অসীম বিশ্রাম লাভ করিবে।

৬। ভয় নাই, বস্তুর শক্তি তোমার, ততটুকু লইয়াই তাঁহার দিকে চল অগ্রসর হইয়া। প্রেমের দায় উভয়েরই। তোমার সাধ্যমত তুমি হও অগ্রসর, রাত্রির

প্রশ্নোত্তর পুরাতন পুঁথিতে অনেক পাঠ। এইরূপ কয়েকটি প্রশ্নোত্তর গ্রন্থের শেষভাগে থাকিবে।

সঙ্গীতে সকল বিচ্ছিন্ন সুর ঐক্য ও সার্থকতা প্রাপ্ত হয় লয়ের মধ্যে আপনা-দিগকে সমাহিত করিয়া দিয়া। বিশ্বেরও সকল বৈচিত্র্যের ঘটে সার্থকতা যখন ব্রহ্মানন্দের মধ্যে ঘটে তাহাদের লয়।

জগদ্গুরু আছেন আমাদের অন্তরেই, তাঁর সঙ্গে আমার যদি ভাবের যোগ হয় তবে তিনিও আমার মধ্য দিয়া পান বিশ্বের স্বাদ, আর আমিও সব কিছু তবে দেখিতে পারি অসীমের দৃষ্টি দিয়া; তাহা হইলে এই বিশ্ব পরিচয়ের জন্ম আমাদের দৃষ্টির নূতন দ্বার যায় খুলিয়া। যে সব জিনিষ অভ্যস্ত বলিয়া দেখিতেই পাঠ না তাহাই আবার অপরূপ নূতন হইয়া, বিধাতার আর একলীলা হইয়া, আমাদের কাছে দেয় দেখা। এই একই বিশ্বকে নূতন নূতন দৃষ্টির দ্বারা দেখিতে জানিলে এই একই বিশ্বের মধ্যে পাই অনন্ত বিশ্ব-রস। অনন্ত বিশ্বের উপলক্ষিব জন্ম নূতন নূতন লোকে যাইবার প্রয়োজন নাই। দৃষ্টির অনন্তবৈচিত্র্যে এখানেই ঘটে উপলক্ষিব অনন্তত্ব।

বিশ্বের মধ্যে ভাবের যোগই সব চেয়ে বড় কথা। স্বামীর সঙ্গে লাভ করিয়া সহজ ভাবরসে আপনাকে হয় পূর্ণ করিতে। পুণালোভাতুরেরা প্রেমরাজ্যের এই সব মর্ম্ম জানে না। পুণোর লোভে হারা ধর্ম্মের ক্ষেত্রেও করে বৈষয়িকতা। তাদের দলে মিশিয়া এই প্রেমযোগের যেন অবোগ্য না হইয়া যাই।

১। লয় হইল এমন একটি যোগ যাহার আর নাই অবসান। অচেতন আত্মা যদি হয় সচেতন তবেই সে খুঁজিবে পরমাত্মার সঙ্গে, তাঁর প্রেমরসের জন্ম হইবে পিপাসিত। তার আগে তাকে উপদেশ দিয়া পিপাসিত করার চেষ্টা বৃথা।

পরমাত্মাকে পাওয়াই চরম সার্থকতা। আর সব অকুষ্ঠান যদি তাঁহা হইতে আমাকে দূরে যায় লইয়া, তবে সেই সব অকুষ্ঠানই হয় মহা অনর্থ। প্রেমই সাধনার সহজ পথ। ইহাতে সব বন্ধ দ্বার যায় খুলিয়া। হাজার চেষ্টায় যে দ্বার খুলিত না, প্রেমে অনায়াসে সে দ্বারও যায় খুলিয়া।

তীর্থে যাওয়া সহজ, কারণ পায়ে হাঁটিয়া সেখানে যায় পৌঁছান; অন্তরের প্রেম-কিলন-মন্দিরে যাওয়া তো পায়ে হাঁটিয়া চলিবে না, আর ভাব-দূরত্ব অতিক্রম করা অতিশয় কঠিন, পথে বাধার আর অন্ত নাই।

সর্ব আকার ও রূপকে (ঘটকে) কর মুখ ও রসনা, ভগবানের নাম কর (সর্ব ঘটে) জ্ঞা, হে দাদু, অগম অগোচর খামে উচ্ছ্বসিত যে রামরস, নিরন্তর তাহা কর পান।

আত্মাই রামের আসন, সেখানে বাস করেন ভগবান, হে দাদু, হরির ও আত্মার এই দুইয়ের স্থান পরস্পরে হইয়া যায় অদল বদল।” (অর্থাৎ কখনও এই আত্মাতে বিহার করেন পরমাত্মা শ্রীহরি, আবার কখনও পরমাত্মা শ্রীহরিতে বিহার করে এই জীবাত্মা)।

চতুর্থ প্রকরণ—সাধনা

অয়োদশ অঙ্ক—“লয়” “লৈ” বা “লৌ”
(ষষ্ঠ-সহস্রক অঙ্ক)

“লয়” “লৈ” বা “লৌ” কথাটির বাংলা অনুবাদ করা করা বড় কঠিন। “লয়” সেই অবস্থাকে বুঝায় যখন ব্রহ্মের মধ্যে সাধক আপনাকে ফেলে হারাইয়া। আবার “লৌ” বা “লয়” বলিতে বুঝায় ভক্তি, একাগ্রতা, ব্যাকুলতা, অনন্যচিত্ততা, প্রবল ইচ্ছা, অগ্নিশিখা ইত্যাদি। “লয়” ও “লৌ” বা “লয়” ক্রমাগতই দাদুর বাণীর মধ্যে গিয়াছে ওলট পালট হইয়া। প্রাচীন ভক্তদের ও লেখকদের কহার ও লেখার দোষেই এইরূপ হইয়াছে, না দাদুর নিজেও এই বিষয়ে একটু গোলমাল ছিল তাহা বলা কঠিন। মোট কথা “লয়” শব্দ থাকিলেও কোথাও অর্থ হয় ব্যাকুলতা, কোথাও প্রেমধ্যান, কোথাও একাগ্র অগ্নিশিখার মত দাহ আর কোথাও বা যোগের সমাহিত অবস্থা।

এই অঙ্কে একটি প্রশ্নোত্তর আছে যাহা তখনকার দিনের যোগপন্থী, শূন্যবাদী প্রকৃতিদের মধ্যে সর্বত্রই দেখা যাইত। বাংলাদেশেও এমন

“যতদিন এই সুন্দর কুশল তন্তুতে আছে আনন্দ ততদিন তন্তু দিয়াই কর “স্মিরণ” (নাম জপ), যখন আত্মার “স্মিরণ” উপজিবে তখন (এই তন্তু দিয়া জপও) লাগিবে নীরস ।

তন্তু দিয়াই করে সবাই স্মিরণ, আত্মা দিয়া স্মিরণ করে কচিং কেহ । আত্মারও আগে (সম্মুখে, পরে) এক রস, হে দাদু, সে বড় গভীর জ্ঞানের কথা ।

যখন আর নাই আশক্তি (রূপ অর্থও হয়) শরীরের, চিত্ত যখন সব সংসার যায় ভুলিয়া, যখন আপনিই আর আপনাকে জানে না, তখন বুঝিবে নিরাধার (নিরবলম্ব) সেই এক ব্রহ্ম হইয়াছে জীবনে প্রতিষ্ঠিত ।

জলের মধ্যে পাষণ ডুবিয়া থাকিলেও যেমন থাকে স্বতন্ত্র, তেমন ভাবেই সকল সংসার করে তাঁর সেবা । জলের মধ্যে যেমন বিগলিত হইয়া থাকে লবণ, তেমন করিয়া পূজা করিবার সাধক কচিং কেহ আছে ।

প্রিয়তম পরশ করিলে এই শরীরেরই হইয়া যায় প্রেমরূপ, (সাধক) আপনাকে করিল বিসর্জন আর হামই রহিলেন বাকি, হে দাদু, সে-ই তো হইল স্মিরণ ।” *

৩৯ : রূপমালা ও কর্ম-জাপ

মালা সব আকারকী কোই সাধু স্মিটের রাম ।

করণীগর তৈঁ ক্যা কিয়া ঐসা তেরা নাম ॥

সব ঘট মুখ রসনা করৈ রটে রামকা নাম ।

দাদু পীরৈ রামরস অগম অগোচর ঠাম ॥

আত্ম আসন রাম কা তহাঁ বসৈ ভগবান ।

দাদু দুন্য় পরসপর হরি আত্ম কা থান ॥

“অনন্ত-বৈচিত্র্যে সর্ব আকারের চলিয়াছে মালা ; কচিং কেই কোন সাধু তার সাথে সাথে ভগবানের নাম করিতেছে স্মিরণ । হে অপূর্ব শিল্পী, কি বিশ্বমালা করিলে তুমি রচনা, এই মালারই সমতুল্য অপূর্ব তোমার নাম !

* “আপ বিসরজি রাম রহা” স্থলে, “দাদু তন মন একরস” পাঠ হইলে অর্থ হইবে, “তন্তু মন যদি তাঁর সঙ্গে হয় একরস, তবে সে-ই তো স্মিরণ ।”

সহজধনি) সর্ব ঘণ্টে নিরন্তর হইতেছে ধনিত, সহজেই মন হইয়াছে শান্ত স্থির ।

বিনা নয়নে হইবে দেখিতে, বিনা-অঙ্গ হইবে পেখিতে, বিনা রসনায় বলিতে হইবে সেই ব্রহ্মনাম ; বিনা শ্রবণে হইবে শুনিতে, বিনা চরণে হইবে চলিতে, বিনা চিত্তে (শরীরস্থ চিত্তেন্দ্রিয়) হইতে হইবে সচেতন, ইহাই তো হইল সহজ ।”

১৩ : তনু-মালা :

সব তনু তসবী কহে করীম ঐসা করি লে জাপ ।

রোজা এক দূরি করি দুজা কলিমা আটপে আপ ॥

অঠে পহর ইবাদতী জীরন মরণ নিবাহি ।

সাহিব দরি সেরে খড়া দাদু ছাড়ি ন জাহি ॥

“এমন সহজ করিয়া লও তোমার জপ, যেন সব তনু জপমালা হইয়া সদা উচ্চারণ করিতে থাকে “করীম” (দয়াময়) ; সকল ঐহতকে দূর করিয়া যেন নিত্যই চলে এক রোজা, পরমায়া স্বয়ম্-ই যেন হ’ন নিত্য জপমন্ত্র ।

জীবন মরণকে পূর্ণ করিয়া অষ্টপ্রহর চলুক সেখানে প্রণতি । প্রভুর সম্মুখে দাঁড়াইয়া নিত্যই কর সেবা, হে দাদু, কোথাও যাইও না আর তাঁহাকে ছাড়িয়া ।”

১৪ : আত্মান্ন স্মিরণ

তনু সৌ স্মিরণ কৌজিয়ে জব লগ তনু নীকা ।

আত্ম স্মিরণ উপজৈ তব লাগৈ ফীকা ॥

তনু সৌ স্মিরণ সব কঠের আত্ম স্মিরণ এক ।

আত্ম আগৈ এক রস দাদু বড়া বমেক ॥

জব নাহী স্মরতি সরীর কী বিসরৈ সব সংসার ।

আত্ম ন জানৈ আপকৌ তব এক রহা নিরধার ॥

দাদু জল পাষণ জ্যু সেরৈ সব সংসার ।

দাদু পাণী লুণ জ্যু বিরলা পূজনহার ॥

স্মরতি রূপ সরীরকা পীরকে পরসৈ হোই ।

আপ বিসরজি রাম রহা দাদু স্মিরণ সোই ॥

“যেখানে সেখানে ভাবরণে মগ্ন থাকিয়া (তাঁর) সম্মুখে প্রেম-ভাবই সদা
রহে হাজির, হে দাদু, সে দীন নিষ্কর্ম হইয়া, সহজ রূপ করে “সুমিরণ” (স্মরণ) ।

হে দাদু, ভাবরণের সহিত, প্রেমের সহিত, প্রীতির সহিত, তোর সেবা
(তাঁর কাছে) করু উপস্থিত, যেখানে অবিনাশী দেবতা বিরাজমান, সেখানে
ভাব-রস বিনা কে পারে ঘাইতে ?”

১ : তাঁহার মধ্যে আপনাকে ডুবাও :

দাদু ঐসেঁ মিলি রহৈ জেঁয়া জল জলধি সমাই ।

জো কুছ থা সোঙ্গি ভয়া কছু ন ব্যাটৈ আই ॥

ছাটৈ সুরতি সরীর কৌ তেজ পুঞ্জ মৈ আই ।

দাদু ঐসেঁ মিলি রহৈ জেঁয়া জল জলধি সমাই ॥

তা সৌ মন লাগা রহৈ অংতি মিলৈগা সোই ।

দাদু জাকৈ মনি বসৈ তাকৌ দরসন হোই ॥

“হে দাদু, এমনভাবে থাক মিলিয়া, যেমন জল সমাহিত হইয়া জলধিতে
যায় মিশিয়া ; যাহাট কিছু ছিল সবই হইয়া গেল সেই জলধি, আর কিছুই
আসিয়া প্রসার ও প্রভাব করিতে পারিল না বিস্তার (“ব্যাটৈ” অর্থে হইল
ব্যাপ্ত হইয়া প্রবল হইয়া থাকা) ।

তেজঃপুঞ্জের মধ্যে আসিয়া সকল স্মৃতি এই স্থূল শরীরকে (শারীরভাব)
করে পরিহার । দাদু, এমন করিয়া হইবে মিলিয়া থাকিতে যেমন করিয়া
জলের মধ্যে গিয়া জল যায় মিশিয়া ।

তাঁর সঙ্গে যদি মন নিরন্তর থাকে লাগিয়া, তবে অস্তে পাইবে
তাঁহাকেই । হে দাদু, যার মনে যাহা করে নিরন্তর বাস, তাহারই তো
মেলে দরশন ।”

৩ : প্রৈর্ষ্য প্রলিনা চল, হইবেই হইবে :

দাদু নিবহৈ তুঁ চলৈ ধরি ধীরজ মন মাহিঁ ।

পরসৈগা পিয় একদিন দাদু থাকৈ নাহিঁ ॥

আদি অংতি মধি এক রস টুটে নহিঁ ধাগা ।
 দাদু একৈ রহি গয়া তব জানী জাগা ॥
 জব লগ সেরক তন ধরৈ তর লগ দূসর আহি ।
 একমেক হৈ মিলি রহৈ তৌ রস পীরত জাহি ॥
 যে দোন্নৌ ঐসী কহৈঁ কীজৈ কোন উপাই ।
 না মৈঁ এক ন দূসরা দাদু রহু লর লাই ॥

“হে দাদু, মনের মধ্যে ধৈষা ধরিয়া যেমন করিয়া পারিস, থাক চলিতে ; প্রিয়তম একদিন না একদিন (আসিয়া) করিবেনই পরশ, হরে দাদু, ইতিমধ্যে অবসন্ন হইয়া যেন না পড়িস্ ।”

আদি অস্ত্র মধ্য যেন থাকে এক রস, হস্ত কোথাও যেন না হয় ছিন্ন ; হে দাদু যখন “একই” রহিবে বাকী (হৈত ঘুচিয়া), তখনই (বুঝিয়া) চৈতন্য-ময় জাগিয়াছেন (অস্তুরে) ।

যতক্ষণ সেবক (ভিন্ন-) শরীর আছে ধরিয়া, ততক্ষণই সে স্বতন্ত্র (বিচ্ছিন্ন) ; যখন উভয়ে এক হইয়া রহে মিলিয়া, তখনই নিরন্তর রস পান থাকে চলিতে ।

এমনই সবাই বলে, “ইহারা দুইজন” ; এখন বলতো ইহার কি উপায় যাহ করা ? আমি একও নহি, ভিন্ন (দ্বিতীয়) ও নহি ; হে দাদু, প্রেম যোগে থাক সমাহিত হইয়া ।”

চতুর্থ প্রকরণ—সাধনা

চতুর্দিশ অঙ্ক—“সজীবন” (সপ্তম সহায়ক অঙ্ক)

সজীবন অর্থ যাহা স্বয়ম্ জীবন্ত এবং যাহা অন্তকেও জীবন দেয়, যত্নকে যাহা পরাশ্রিত করে। এই অর্থেই উক্তগণ সজীবন শব্দ ব্যবহার করিয়াছেন।

ভগবান এবং তাঁর প্রতি সাধকের যে প্রেম তাহাই সজীবন। তাঁর পরশ উক্তকে নিত্য নূতন জীবনে জীবন্ত করিয়া তোলে। বসন্তের স্পর্শে দেখি প্রকৃতি নবজীবন পায়; তাঁর পবনের সঙ্গে কি বসন্ত-পরশের তুলনা?

মানুষের বহিমুখ মন ও ইঞ্জিয়, ভোগ-লালসার চারিদিকে ছুটিয়াছে মরিতে; যাহাকে ভগবান দয়া করেন তাহাকেই দেন প্রেমের ব্যথা। সে প্রেমের এই উদ্ভিত পাইয়া অমৃতের দিকে ফিরিয়া আসে ও তাঁর পরশ পাইয়া নিত্য জীবন লাভ করে। কামনার ভোগে যে যত্ন তাহা হইতে তাঁর প্রেম ছাড়া রক্ষা কেহই আর করিতে পারে না। ভগবানের পরশ পাইলে আর ভয় নাই, তখন দুঃখ মরণ সবই দেয় নূতন ও গভীরতর জীবন। জীবন থাকিতেই তাঁর প্রেম পরশ লাভ করিয়া যাইতে হইবে; নহিলে জগতে আসিয়া বৃথাই গেলাম চলিয়া। (তুলনীয়, “প্রৈতি স রূপণঃ,” বৃহদা, উ, ৩, ৮, ১০)।”

তিন-কালই এক সূত্রে গ্রথিত। ভবিষ্যতের আশা করিয়া যে জন বর্তমানকে হারায় সে মূর্থ। বর্তমানকে যে জন সাধনা দিয়া আপন করিয়া লইয়াছে, সে নিত্য থাকে বর্তমান। অতীত তো আর আসিবে না, ভবিষ্যতের কথাই বা কে জানে! বর্তমানেই ভরপুর তাঁর সঙ্গ চাই।

তাঁর প্রেম পাইলে শাখা-মূল আদি-অস্ত সবই থাকে। কিন্তু সেই লোভেই কি সাধক তাঁকে চায়? কিছু হিসাব না করিয়া সব হিসাব উড়াইয়া দিয়াই উক্ত তাঁর মধ্যে আপনাকে ফেলে হারাইয়া। তার পর তিনি জানেন তাঁর উক্তকে তিনি পূর্ণ করিবেন কিনা। বসন্তের আগমনে প্রকৃতি তার সব পত্র পল্লব নিঃশেষে করে উৎসর্গ। প্রকৃতিকে আবার সর্ব আভরণে সাজান হইবে কি না তাহা বসন্তই জানে; সে হিসাব প্রকৃতির নয়, সে দায় বসন্তের।

ভগবান নিত্য সেবক। নিত্য সেবার দীক্ষাতেই ধরিত্রী রবি শশীকে তিনি লইয়াছেন আপন সহচর করিয়া। তাহাদের সেবা তাহাদের প্রেম সব তিনি আপন রক্ত দিয়া করিয়া লইয়াছেন পূর্ণ। সাধক তাঁর কাছে তেমনতর দীক্ষাই চায়।

১। ভগবানের সঙ্গে যোগই সকল সাধুর আকাঙ্ক্ষিত। তাঁর সেবা যে করিল, তাঁহাকে যে প্রেম করিল, তাহাকে ভগবান নেন নিজেই মত করিয়া। তাঁর সাহচর্য্য এমনই নিবিড়! তাই তো ভক্তের মন তাঁকে ছাড়া আর কিছুই জানে না। এমন যোগ সাধন করিতেই জগতে আসা, তাহাট যদি না হইল তবে বৃথাই আসা যাওয়া। তাঁকে যে পাইয়াছে সে অমৃতত্ব লাভ করিল; সে জগৎ হইতে চলিয়া গেল এমন কথা বলা যায় না। বরং বলিতে হয় সে নিত্য জীবন লাভ করিয়া রহিল বিশ্বের নিত্য সম্পদ হইয়া। বিধাতার যত ভক্ত ও সেবক, রবি-শশী-ধরিত্রী, পবন-জল, চিবদিন ইহারা বিশ্বের সম্পদ।

জীবন থাকিতেই এই সাধনা পূরা করিতে হইবে, এই প্রতিষ্ঠা যে না পাইয়া এখন হইতে গেল চলিয়া, সে অপ্রতিষ্ঠ হইয়া গেল; বিশ্বের সত্যে ও সাধনায় তার আর ঠাই নাট। সে বিলয়ের তলায় গেল তলাইয়া।

এই জীবনে তো সাধনা হইল না; মৃত্যুর পরে তাহা হইবে, এমন যদি মনে কর তবে তবে বিষম ভুল। কালের সঙ্গে কাল যুদ্ধ, তিন কালট এক ঐক্য-সূত্রে গ্রথিত। বর্তমানকে উপেক্ষা করিলেই যে ভবিষ্যৎ উজ্জল হইবে ইহা মূর্খ ছাড়া কেহই ভাবিতে পারে না। অতীতকেই প্রত্যক্ষ দেখিতেছি বর্তমানে, এবং বর্তমানই সফল হইবে ভবিষ্যতে। যিনি ত্রিকালের এই যোগ জানেন তিনিই তো যোগী। বর্তমানের স্থগ ভোগের জন্ত যে ভবিষ্যৎ ও অনন্ত জীবন হারায় তাহাকে বলিতে হয় যোগভ্রষ্ট। কবীর এই তত্ত্বটি নানা গল্পের মধ্যে নানা ভাবে নানা প্রসঙ্গে চমৎকার বুঝাইয়াছেন।

ভোগের জন্ত লুক মন দৌড়িয়াছে নানা দিকে, এমন সময় ভগবান যাহাকে প্রেমের ব্যথা দিয়া সচেতন করিয়া ঘরে আনেন ফিরাইয়া সে পরম সৌভাগ্য-শালী। সে সচেতন হইয়া আপনার অস্থির প্রবেশ করিয়া তাঁর সঙ্গ পাইবে ও অনন্ত জীবন লাভ করিবে।

২। যে তাঁর পরশ পাইয়া নিত্যজীবন না পাইয়াছে তার পক্ষে জীবনও কাল-স্বরূপ, মরণও কাল-স্বরূপ। সে জীবনের মধ্যে রহিয়াও দিন দিন থাকে ক্ষয়প্রাপ্ত

হইতে ; মরণে সে যায় নিঃশেষ হইয়া । জনম মরণের বিনাশ হইতে রক্ষা পাইতে হইলে ভক্তিতে প্রেমেতে ভগবানের সঙ্গে হও যুক্ত । তখন মরণ হইতে মরণ পলাইবে, দুঃখকেও আর তখন দুঃখ বলিয়া গ্রাহ্য করিবে না । সুখও আর তখন মারিবে না, ভয়ও আর তখন ভীত করিবে না ।

জীবনে মরণে যেখানে তাঁহাকে পাই সেখানেই আমি যাইতে প্রস্তুত । তাঁহাকে পাঠলে আর কোন্ সাধনা রহিল বাকী ? নিত্য জীবন তো তাহা হইলেই হইল করায়ত্ত ।

যোগীরা নাদ দিয়া বিন্দু দিয়া (ॐ, ২, এবং তৎসূচক ধ্বনি) জীবনকে চাহেন পূর্ণ করিতে । ওসব দিয়া ভক্তের হৃদয় পূর্ণ হয় না । ভক্ত চাহে ভগবানের প্রেম রস দিয়া নিজেকে অনন্ত কালের জন্ম ভরপুর করিয়া রাখিতে ।

৩ । তিনি “সদা-বর্তমান ।” যে সেই “সদা-বর্তমানের” সঙ্গ পাইয়াছে সে নিত্যকাল বর্তমান থাকিলে, কখনও সে মৃত বা “ভূত” হইবে না । তাঁর সঙ্গে যাহার বিচ্ছেদ হইল, কে আর তাহাকে নিত্য জীবন দিয়া অনন্তকাল রাখিবে জীবন্ত ?

সংসারে যখন ভক্তের দেহ কাজ করে তখনও তার হৃদয় থাকে ভগবানের কাছে । নারীবা যেমন সখীদের সঙ্গে গল্প করিবার সময়ও ঘটটি ঝরণার জলধারার নাচে ধরিয়া গল্প করে আর তাই ঘটটি ধীরে ধীরে থাকে ভরিয়া উঠিতে, তেমনি হৃদয়-ঘট তাঁর নিত্য করুণা ধারার তলে রাখিয়া চাই সংসারের কাজ করা ।

সকল জীবন লইয়া সাধনা না করিলে মৃত্যু জয় করা যায় না, জীবনের যে অংশে সাধনা হইল না সেই দিক দিয়াই মৃত্যুর পথ গেল রহিয়া ।

৪ । জীবন মৃত্যু উভয়কে পূর্ণ করিয়াই তিনিই বিরাজমান, কাজেই কোনো ভয় নাই ।

সর্বস্ব উড়াইয়া দিয়া প্রেগিক প্রেমের মধ্যে পড়ে ঝাঁপ দিয়া, কিন্তু তাতে কিছুই লোকসান হয় না । লোকসান হয় না বলিয়াই যে সে উড়াইয়া দিতে সাহস করে, তা নয় । প্রেমের মজাই এই যে সর্বস্ব না ফেলিয়া দিলে মনই পাতি মানেন না ।

“খেয়াতে”, “শুভক্ষণ” কবিতায় রবীন্দ্রনাথ দেখাইয়াছেন যে রাজার পুত্র যখন ছুয়ারে আসেন তখন কণ্ঠের হার তাঁর সম্মুখে না ফেলিলে মন মানেন না, যদিও

প্রবীণ বুদ্ধি মনে করে এই সব বাড়াবাড়ির মানে কি? প্রেমের এই সব মরমের কথা হিসাবী সংসারী লোকের বুদ্ধির অগম্য।

৫। জীবন থাকিতেই সাধনা লইতে হইবে পূরা করিয়া। তবেই হইল মুক্তি। যে তাহা না করিল সে ভবসাগরে মরিল ডুবিয়া, ইহাই বুঝিতে হইবে। শূন্যতার মধ্যে গণ্ডির মধ্যে, সে গেল বিলয় হইয়া।

৬। মরণের পর মুক্তি হইবে মনে করিতে করিতে মানুষ মরণের মধ্যেই আসিয়া পড়িয়াছে। এমন জীবনই তো মরণ যাতাতে প্রেমের মুক্তির ও যোগের সাধনার সম্ভাবনাই নাই। মরিবার পর অমৃতত্ব লাভ হইবে একথা মনে করাও পাগলামী। যত সব ধর্ম-ব্যবসায়ীরা মরিবার পর বৈকুণ্ঠ স্বর্গ ও মুক্তির লোভ দেখাইয়া মানুষকে দিয়াছেন পাগল করিয়া। এই সব উপদেশকেরা জীবন থাকিতে কিছুই পারেন না করিতে। তাই সর্বপ্রকারে তাঁহারা চাহেন মারিতে। আর মারিবার নৈপুণ্যও তাহাদের চমৎকার! এইখানেই তাঁদের রুতিহ! এমন করিয়াই ইহারা ধর্মের ব্যবসায়ী ঠিক মত চালাইতেছেন!

৭। ভক্ত চায় নিত্য সেবার দীক্ষা। বিধাতা যেই দীক্ষায় দীক্ষিত করিয়া, ধরিত্রী অথবা রবিশশীকে তাঁর নিত্য সেবায় নিত্য সাধনায় লইয়াছেন সঙ্গী বানাইয়া, সে চায় সেই দীক্ষা। আপনার প্রেম দিয়া লীলা দিয়া, তিনি এই সব সাধককে পূর্ণ করিয়া, নিত্য পাশে পাশে দিয়াছেন বাগিয়া; নহিলে এরা এত প্রেম এত ঐশ্বর্য্য এত অক্রান্ত সেবা ও সাধনা পাইত কোথায়? সেই দীক্ষায় দীক্ষিত হইয়া তাঁর সেবার সহচর হইয়া, নিত্য তাঁর সঙ্গী হইতেই ভক্ত চায়।

১। প্রেমেতে মুক্ত হও, জীবন লাভ কর

সাধু জনকী বাসনা সবদ রহৈ সংসার।

দাদু আত্ম লে মিলৈ অমর উপজারনচার ॥

জো কোই সেরৈ রামকৌ রাম সরীখা হোই।

দাদু নাম কবীর জ্যু সাখী বোলৈ সোই ॥

অরখি ন আয়া সো গয়া আয়া সো কৌ জাই।

দাদু তন মন জীরতা আপা ঠৌর লগাই ॥

পহিলে খা সো অব ভয়া অব সো আগৈঁ হোই ।

দাদু তীনাঁ ঠৌরকী বিরলা বৃঝে কোই ॥

জে জন বেধে প্রীতিসৌ তে জন সদা সজীর ।

উলটি সমানা আপ মৈঁ অংতর নাহীঁ পীর ॥

“হে দাদু, সাধক জনের মনের মধোও এই বাসনা, এই সংসারেও এই সঙ্গীতই হইতেছে ধ্বনিত, “এই আত্মা লইয়া অমৃতময় জীবনদাতার সঙ্গে হও মিলিত ।”

যে কেহ ভগবানকে সেবা করে, সে হইয়া ওঠে তাঁরই অনুরূপ, হে দাদু, সেও নামদেব বা কবীরের মত ‘সাখী’ (সত্যের সাক্ষ্য)-পদ থাকে বলিতে ।

যে কোনো ইষ্টসাধনে আসে নাই, সে (ব্যর্থসাধন, বৃথাই) গিয়াছে চলিয়া ; যে ইষ্টসাধনে আসিয়াছে (যে সিদ্ধসাধন, সার্থক) সে কেন ব্যর্থ যাইবে ? হে দাদু, তনু মন সহ নিজে জীবিত থাকিতে থাকিতে, আপনাকে আপন ঠিকানাঘ (প্রতিষ্ঠাভূমি ভগবানে) কর প্রতিষ্ঠিত ।

যাহা প্রথমে ছিল তাহাই হইল এখন, যাহা এখন আছে তাহাই হইবে ভবিষ্যতে ; হে দাদু, তিনকালের এই তিনটি প্রতিষ্ঠার এই যোগ-রহস্য কচিৎই কেহ বোঝে ।

যেজন প্রীতিতে বিদ্ধ হইয়াছে (যে প্রেমের আঘাত খাইয়াছে) সে সদা সজীব : সে যখন উলটিয়া আপনার মধো খায় ডুবিয়া, তখন প্রিয়তম আর তাহার দূরে নহেন (নিকটেই) ।” (প্রেমের আঘাতে সাধক অস্তমূর্খী হইলেই প্রিয়তমের সাহচর্য পান) ।

২ : মৃত্যুকৈ জন্ম :

জুরা কাল জনম মরণ জহাঁ জহাঁ জির জাই ।

ভগতি পরায়ণ লীন মন তাকৌ কাল ন খাই ॥

মরনা ভাগা মরণ তৈঁ ছুঁথৈঁ নাঠা ছুঁথ ।

দাদু ভয় সৌ ভয় গয়া সূঁথৈঁ ছুটা সূঁথ ॥

জীরত মিলৈ সো জীরতে মুয়েঁ মিলৈ মরি জাই ।

দাদু দুনাঁ দেখি করি জহঁ জানৈ তহঁ লাই ॥

দাদু সাধন সব কিয়া জব উন মনি লাগা ময় ।
 দাদু অস্থির আতমা যৌ জুগ জুগ জীরে জয় ॥
 নাদ বিন্দু সৌ ঘট ভরৈ সে। জোগী জীরে ।
 দাদু কাহে কৌ মরৈ রাম রস পীরে ॥

“যেখানে যেখানেই জীব যায় সেখানেই বিজ্ঞমান জরা কাল জীবন মরণ ;
 ভক্তি পরায়ণ এবং ভগবানে লীন যাহার মন, তাহাকে কাল কখনও পায় না।

(যখন ভগবানে মন প্রেমে লীন হইল তখন) মরণ হইতে পলাইল
 মরণ, দুঃখ হইতে পলাইল দুঃখ, হে দাদু, ভয় হইতে দূরে গেল ভয়,
 সুখ হইতে ছুটিল সুখ ।

জীবন থাকিতে জীবিত পরব্রহ্মের সহিত যে যুক্ত সে-ই যথার্থ জীবিত ;
 মরণের পরে বা মৃতের সহিত যাহার যোগ সে তো রহিয়াছে মরিয়াই । হে দাদু,
 এই দুইটিই দেখিয়া যেখানে ভাল বোঝা সেখানেই লইয়া ধাও আপনাকে ।

হে দাদু, যদি তাঁহাতে মনের-সহিত-মন থাকে লাগিয়া, তবে সব সাধনাই
 হইয়াছে পূর্ণ ; হে দাদু, (তাঁহাতে) যাহার আত্মা হইয়াছে স্থির, সে যুগ যুগ
 থাকে জীবন্ত ।*

নাদ বিন্দুতেক যদি এই ঘট ভরে তবেই যোগী থাকেন জীবন্ত । আর,
 হে দাদু, যে জন রামরস পান করে সে মরিতে যাইবে কোন দুঃখ ?”

৩ : তাঁহার সঙ্গই অমৃত :

রহতে সেতৌ লাগী রহ তৌ অজরামর হোই ।
 দাদু দেখ বিচার করি জুদা ন জীরে কোই ॥
 দেহ রহৈ সংসার মৈ জীর রামকে পাস ।
 দাদু কুছ ব্যাপৈ নহী কাল ঝাল দুখ ত্রাস ॥

* “তাঁহার মনের সহিত মন লাগিয়া থাকে”, এইস্থলে কেহ কেহ “উন্মানে
 যদি মন লাগিয়া থাকে” এরূপ ব্যাখ্যা করেন ।

† যোগশাস্ত্রের মতে “নাদবিন্দু” = “৩” ও “২” এবং সেই ধ্বনি । যোগীরা
 নাদ বিন্দুতেই নিজেকে পূর্ণ করেন । দাদুর তাহাতে স্বপ্ন পূর্ণ হয় না । সে
 চায় ভগবানের প্রেমরস ।

জাগতু লাগতু রাম সৌ রৈন বিহাই জাউ ।

হেরো সনেহী আপনা দাদু কাল ন খাই ॥

সাহিব মিলৈ তো জীরৈ নহিঁ তো জীরৈ নাহিঁ ।

সব জীবন সাধৈ নহীঁ তাঁঠৈ মরি মরি জাহিঁ ॥

“বর্তমানের (যিনি সদা-বর্তমান) সঙ্গে থাক লাগিয়া, তবে তো হইবে অক্ষর অমর, হে দাদু, বিচার করিয়া দেখ (বর্তমানের সঙ্গে) বিচ্ছিন্ন কেহই পারে না জীবিত থাকিতে ।

(যদি) দেহ থাকে সংসারে অত্র জীবন থাকে ভগবানের কাছে, তবে কাল জালা তুঃখ ত্রাস কিছুতেই কিছু পারে না করিতে ।

জাগ, ভগবানের সঙ্গে যুক্ত হও, রাত্রি যে যায় পোহাইয়া । প্রেমময় পরমাত্মাকে লও দেখিয়া, হে দাদু, কাল তবে তোমাকে পাইবে না ।

স্বামী যদি মেলেন তবেই “জিয়ে” (জীবন্ত থাকে) নয়তো জিয়ে (জীবন্ত থাকে) না, সমগ্র জীবন লইয়া সাধন করে না বলিয়াই যায় কেবল মরিয়া মরিয়া ।”

৪ : স্মৃত্যু তাঁর কাছে পলাজিত :

মঠৈ তো পারৈ পীরকৌ জীরত বংচৈ কাল ।

দাদু নিরভয় নার লে দুনৌ হাথি দয়াল ॥

দাদু মরণে কৌ চল্যা সব জীবন কে সাথি ।

দাদু লাহা মূল সৌ দুনৌ আয়ে হাথি ॥

দাদু জাতা দেখিয়ে লাহা মূল গঁরাই ।

প্রেম গতি অগম হৈ সো কুছ লখী ন জাই ॥

জো জন রাখে রামজী অপনে অঃগি লগাই ।

দাদু কুছ ব্যাপৈ নহিঁ কোটি কাল ঝাখি জাই ॥

“মরিলেই পাইবে প্রিয়তমকে, বাচিলেও কালকে করিবে বঞ্চিত ; হে দাদু, নিভয় নাম লও, উভয় দিকেই দয়াল (বিরাজমান) ।

দাদু সব জীবন সঙ্গে লইয়া মরিতেই তবে চলিল, হে দাদু, (মরিয়া দেখি) মূল এবং লাভ দুইই হইল করায়ত্ত ।

হে দাদু, দেখ, লাভ ও মূল দুইই উড়াইয়া দিয়া চলিয়াছে প্রেম ; প্রেমের মর্মই অগম্য, কেহই তাহা পারে না বুঝিতে ।

শ্রীভগবান যে জনকে (অথবা যে জন শ্রীভগবানকে) আপন অঙ্গে করিয়া রাখেন আনিজন, তাহাকে কেহই কিছুতেই কিছু পারে না করিতে ; কোটি কালও যদি (একত্র হইয়া) আসে, তবে (আপন ব্যর্থতার) দুঃখে মুহমান হইয়া যায় চলিয়া ।”

১: জীবন থাকিতেই সাধনা :

জীরত পায়৷ ভগত গুর জীরত মুকতা হোই ।
 জীরত কাটে করম সব মুকতি কহাৱৈ সোই ॥
 জীরত জগপতি কোঁ মিলে জীরত আতম রাম ।
 জীরত দরসন দেখিয়ে দাদু মন বিসরাম ॥
 জীরত পায়৷ প্রেমরস জীরত পিয়া অঘাই ।
 জীরত পায়৷ স্বাদ সুখ দাদু রহে সমাই ॥
 জীরত ভাগে ভরম সব ছুটে করম অনেক ।
 জীরত মুকতা সদগতী দাদু দরসন এক ॥
 জীরত মেলা না ভয়া জীরত পরস ন হোই ।
 জীরত জগপতি না মিলে দাদু বৃড়ে সোই ॥
 জীরত পরগট না ভয়া জীরত পরচা নাহি ।
 জীরত ন পায়৷ পৌর কোঁ বৃড়ে ভর জল মাহি ॥
 জীরত পদ পায়৷ নহী জীরত মিলে ন জাই ।
 জীরত জে ছুটে নহী দাদু গয়ে বিলাই ॥

“জীবন্তেই যদি (হিন্দী “জীবিত” অর্থে জীবন্ত, জীবন থাকিতে) পাইল জগৎগুরু, তবে জীবন্তেই হইল মুক্ত : জীবন্তেই যদি কাটিল সব করম, তবে তাকেই বলা যাইতে পারে মুক্ত ।

জীবন্তেই জগৎপতির সঙ্গে হইল মিলন, জীবন্তেই মিলিল আত্মারাম ; জীবন্তেই তাঁর দরশন গেল দেখা (মিলিল), হে দাদু, ইহাই মনের বিদ্যাম ।

জীবন্তেই পাইলাম প্রেমরস, জীবন্তেই ভরপুর করিলাম পান, জীবন্তেই পীঠলাম স্বাদ সুখ, দাদু রহিল তাহাতে ডুবিয়া সমাহিত হইয়া ।

জীবন্তেই পলাইল সব ভ্রম, অনেক কৰ্ম (বন্ধন) গেল ছুটিয়া ; হে দাদু, জীবন্তেই মুক্তি হইল সদগতি, সেই একের দরশন ।

জীবন্তেই যদি না হইল মিলন, জীবন্তেই যদি না হইল পরশ, জীবন্তেই যদি না মিলিল জগৎপতি, তবে হে দাদু, সে মরিল তলাইয়া ।

জীবন্তেই যদি না হইল প্রত্যক্ষ, জীবন্তেই যদি না হইল পরিচয়, জীবন্তেই যদি না পাইল প্রিয়তমকে, তবে সে জন ডুবিল ভব জলের মধ্যে ।

জীবন্তেই যদি না পাইল সে পদ, জীবন্তেই যদি যাইয়া না মিলিল (সাক্ষাৎ করিল), জীবন্তেই যদি না হইল মুক্ত, তবে, দাদু, সে হইয়া গেল বিলয় (বিনাশ) ।”

৬ স্বভূত্বের পরে যে হইবে, সে আশা রাখা :

দাদু ছুটে জীরতা মূর। ছুটে নাঁতি ।

মূর। পীঠেঁ ছুটিয়ে তৌ সব আয়ে উস মাহিঁ ॥

মূর। পীঠেঁ মুকুতি বতাইর মূর। পীঠেঁ মেলা ।

মূর। পীঠেঁ অমর অভয় পদ দাদু ভুলে গহিলা ॥

মূর। পীঠেঁ বৈকুণ্ঠ বাসা মূর। সুরগ পঠাইর ।

মূর। পীঠেঁ মুকুতি বতাইর দাদু জগ বোরাইর ॥

মূর। পীঠেঁ পদ পছঁচারেঁ মূর। পীঠেঁ তারেঁ ।

মূর। পীঠেঁ সতগতি হোরৈঁ দাদু জীরত মাইর ॥

মূর। পীঠেঁ ভগতি বতাইর মূর। পীঠেঁ সেরা ।

মূর। পীঠেঁ সংজম রাখেঁ দাদু দোজগ দেরা ॥

“হে দাদু, যে জন মুক্তিলাভ করে সে জীবন্তেই করে, মৃতের আবার কিসের মুক্তি ? মরিবার পর মুক্তি হইবে বলিয়া সবাই আসিয়া পড়িয়াছে তাহারই মধ্যে (মরণের মধ্যে) ।

(এই সব বুঠা উপদেশদাতারা) বলেন, মরিবার পরই মুক্তি, মরিবার

পরই (ভগবানের সঙ্গে) মিলন ! হে দাদু, মরিবার পরে হয় অস্তম অমরত্ব
পদ ! পাগলেরাই এই সব কথায় ভোলে ।

মরিবার পর (হইবে) বৈকুণ্ঠবাগ ! মরিলে পাঠাটবেন স্বর্গে ! মরিবার
পর (ইহারা) বানাইয়াছেন মুক্তি ! হে দাদু, (এমন করিয়া ইহারা)
জগৎ স্কন্ধ বানান পাগল ।

মরিবার পর (ইহারা) সেই পদে (ব্রহ্মপদে বা অমৃতপদে) দেন
পৌছাইয়া ! মরিবার পিছে (ইহারা) তারেন (ত্রাণ করেন) ! মরিবার
পর হইবে সদগতি ! হে দাদু, জীবন্তে (ইহারা) কেবল পারেন গারিতেই !

মরিবার পর (ইহারা) বলেন ভক্তি ! মরিবার পরে বলেন সেবা ।
মরিবার পর ইহারা রাখেন সংযম ! হে দাদু, ইহারা মৃত্যু লোকেরই উপাসক ।”

৭ : জীবন্ত থাকিয়াই বিশেষ সাধনা :

ধরতী ক্যা সাধন কিয়া অংবর কোন সন্ন্যাস ।

রবি সসি কিস আরম্ভ থৈ অমর ভয়ে নিজ দাস ॥

সব রংগ তেরে, তৈ রংগে, তুঁ হী সব রংগ মাহিঁ ।

সব রংগ তেরে, তৈঁ কিয়ে, দুজা কোঈ নাহিঁ ॥

“পরিচরী করিল কি সাধনা, অমর করিল কোন সন্ন্যাস ? রবি-শশী, কোন
আরম্ভ (দীক্ষা, উত্তম)-হইতে হইল তোমার দাস, হইল অমর ?

সকল রংগই তোমার, তুমিই রঞ্জিয়াছ, তুমিই আছ সব রংগের মধ্যে ।
সকল রংগই তোমার, তোমাবই কৃত, তোমা ছাড়া আব নাই কিছুই ।”

পঞ্চম প্রকরণ—পরিচয়

জাগরণের পর উপদেশ লাভ করিয়া সাধনার সময় আসে। সাধনাতেও প্রতিকূল যাহা কিছু তাহা পরিহার করিয়া, অক্ষুণ্ণকে গ্রহণ করিয়া, সাধক করেন পরিচয় লাভ। তার পর আসে প্রেমের পালা। অবশ্য গুছাইয়া সাজাইয়া বৈজ্ঞানিকভাবে অগ্র-পশ্চাৎ রক্ষা করিয়া বলিতে হইলেই এমনভাবে সাজাইয়া বলা চলে। নচেৎ জীবনে নানা ভাবেই ওলট পালট হইয়া এই সব ঘটনা আসে।

“পরিচয়,” প্রকরণে সাধকরা প্রথমেই উল্লেখ করেন “জরণা”র। অর্থাৎ, তখন অন্তরের দাক্ষণ বেগ, ভাবেব ভীষণ জ্বালা। অথচ বাহিরে প্রকাশ না করিয়া সে সব চাই অন্তরেই জ্বীর্ণ করা। কুস্তকারের অগ্নি যেমন পোয়ানের ভিতরে ধরিয়া না রাখিলে কলসী পাকা হয় না, তেমনি প্রেমের আগুন যদি বাহিরে প্রকাশ করিতে দেই, তবে সেই ভাব-বিলাসে অন্তরের পরিণতিটি পায় বাধা।

যখন সাধক অন্তরে আনন্দ পাউয়াছেন, আর সেই উপলক্ষের আনন্দ চাহিতেছে আপনার প্রকাশ, অথচ তখন প্রকাশের কোনো উপায় নাই; “জরণা” অর্থে এই ভাবটিই বিশেষ করিয়া বলা হইবে।

আত্ম-সমাহিত সংযমের দ্বারাট বৃষ্টি সাধনার প্রবীণতা। তাহার পরও অন্তরের ভাব যদি বাহিরে কিছু প্রকাশ পাইতে চায়, তবে তাহারও পথ সহজ নয়।

তার পরই হইল যথার্থ পরিচয়। অন্তরের সমাহিত আনন্দকে বাহিরে প্রকাশ করিতে গিয়া যে ছুঃখ, তাহা অন্তর্ভব করার পর, ভাবকে রূপে সৃষ্টি করার তীব্র ছুঃখ অন্তর্ভব করার পর, বলা যায় হইয়াছে যথার্থ পরিচয়।

পরিচয় হইলে দেখি সর্বকালে সর্বস্থানে তিনিই বিরাজমান, যেখানে চাহিয়া দেখি সেখানেই পাই তাঁহাকে। বিশ্বের মূলে ও আমার অন্তর্ভবের মূলে, সর্বত্রই তিনি। তাঁকে লইয়াই নিরন্তর আনন্দ-উৎসব। তাঁর জ্যোতিই আকাশে ঝরে অমৃতরূপে, অসীমস্বরূপ সেই জ্যোতি সর্বত্র দীপ্যমান। তাঁর সঙ্গে মিলনেতে সব বাহ্যার ঘটে পূর্ণতা, রূপ-উৎসবে নয়ন হইয়া যায় ভরপুর। অন্তর

ভরপুর হয় তাঁর স্বরণে, তাঁর ভাবে। তখন আমার নগ্ন হইতে শিখা পধ্যস্ত বিনা প্রয়াসে সহজে তাঁর নাম করিতে থাকে জপ, তখন চাহিয়া দেখি বিশ্বজগতের সব আকার চলিয়াছে তাঁরই জপমালার মত।

আমাকেও তিনি চাহেন, তাই তো। এই আনন্দ-অনুভব এত গভীর। হৃদয় কমলে দেখি চলিয়াছে তাঁরই স্বরণ। তাঁহার সঙ্গে একযোগে চলে সেবা ও সাধনা, আরতির জল বাহিরে হয় না যাউতে, আমার হৃদয়েই চলে আরতি।

আমি ছোট হইলেও আমার প্রেম ক্ষুদ্র নয়। আমার প্রেমের অসীমতা দিয়াই অসীমস্বরূপ তাঁহাকে পাই। এমন করিয়া যখন পরিচয় হয় পূর্ণ, তখন মূক্তি আপনিই আসিয়া হয় উপস্থিত।

পরিচয় হইলে দেখি সর্বত্র বিরাজমান তিনি অগুণ্ড অবিদ্যর, আমি আছি সূক্ষ্ম সাক্ষীভূত হইয়া। এই হইল “অবিহু” ও “সাক্ষীভূত” অঙ্গ। সাধকের মধ্যেই অমৃতবল্লী বিরাজমান (“বেলী” অঙ্গ); ব্রহ্মের সামর্থ্যের অন্ত নাই (“সমর্থাই” অঙ্গ), তখনই গিয়া যথার্থরূপে প্রিয়তমকে গেল চেনা (“প্রিয় পিছানন” অঙ্গ)।

তার পর আরম্ভ হইল শেষ প্রকরণ প্রেমের।

পরিচয় প্রকরণের “জরণা” অঙ্গটি তিনিই ঠিক বুঝিবেন যিনি নিজের জীবনে ইহা করিয়াছেন প্রত্যক্ষ। যিনি কখনও কোনো আনন্দকে অন্তরে ধারণ করিতে, সমাধিত করিতে, চেষ্টা করিয়াছেন ও সেই চেষ্টায় অতীত মহানন্দ হইতে কিছু সৃষ্টিও করিয়াছেন, তিনিই এই “জরণা” বা অন্তরের ভাবকে অন্তরের মধ্যে জীর্ণ করা বিষয়টি কি, তাহা বুঝিয়াছেন।

“জরণা” অঙ্গের আর একটি অর্থ আছে, দেহতত্ত্বের সাধনার দিক দিয়া। অন্তরের মধ্যে যে রস উপজে তার যেমন দীপ্তি তেমনি জ্বালা, অথচ তাহা করিতে দিলেই সাধকের সব গেল রসাতলে। যাক, দেহতত্ত্বের সাধনার কথাটি এখানে আর বলার প্রয়োজন নাই, এই অঙ্গের সাধারণভাবে বোধগম্য স্বরূপটিই এখানে করা যাউক আলোচনা।

দেহতত্ত্বের সাধনার দিক দিয়া যাহারা এই অঙ্গকে বুঝিতে চাহেন, তাঁহারা আবার এই “নিপিনায়ত” অর্থেতে ভুট নহেন। যাহা হউক তাহার আর

কোনো উপায় নাই। তাঁহারা বিশ্ব-গত এই অর্থ স্বীকার করিয়াও বলেন “ইহার দেহগত অর্থট আমাদের বেশী প্রয়োজন।” “নিখিলায়ত” সেই অর্থ স্বীকার না করিয়া যদিও তাঁহারা পারেন না, তবু সাধনার জন্য সেই দেহতত্ত্বগত অর্থই তাঁহারা সমধিক করেন আদর।

পঞ্চম প্রকরণ—পরিচয়

প্রথম অঙ্ক—“জরুণা” (জ্বালা) :

জরুণা অর্থ হইল জ্বীর্ণ করা। সাধনায় ভুক্তিতে ও প্রেমে আনন্দ আছে, দীপ্তি আছে, তাহা বাহিরে প্রকাশ চাহে; কিন্তু তাহা আবার প্রকাশ করিতে গেলেই সাধনার ক্ষতি। সেই আনন্দ অসীম, প্রকাশ মাত্রেরই আছে সীমা। কাজেই অসীমকে সীমার মধ্যে প্রকাশ করাও দায়; এই এক মগাজ্বালা।

“জরুণা” একদিকে হইল জ্বীর্ণ করা, আনন্দ রসকে অস্তরে শাস্ত সমাহিত রাখা। অন্যদিকে “জরুণা” হইল জ্বালা, দাহ। জরুণা কথাটিরও এই দুই অর্থই আছে। গুজরাতী ও রাজস্থানীতে “জরবু” ধাতুর ইহাই অর্থ। আবার সাধারণ হিন্দী অর্থ জলন, জালা। ভক্তেরা দুই অর্থেই “জরুণা”কে গ্রহণ করিয়া “জরুণা” অঙ্গের অর্থের পূর্ণ বৈচিত্র্য ও ঐশ্বৰ্য্য সন্ভোগ করেন। এই জরুণা অঙ্গের তাই এই দুই ভাবেই অর্থ করা চলে। দুই দিকেই তাহার ভাব-ঐশ্বৰ্য্য অপরিমেয়।

অস্তরে আনন্দের উপলব্ধি হইয়াছে, সেই উপলব্ধিকে প্রকাশ করিতে প্রাণ চাহে, অথচ প্রকাশ করা চলিবে না—এই এক বিষম জ্বালা। যদি

সেই সৃষ্টি সত্য হইয়া থাকে, অর্থাৎ যদি অস্তরের আনন্দই সৃষ্টিতে প্রকাশিত হইয়া থাকে তবে সকল সৃষ্টির মূলেই এই জালা আছে।

মনের মধ্যে আসিল এমন এক অনির্ক্বচনীয় আনন্দ বার না আছে সীমা না আছে অস্ত, না আছে তল না আছে মূর্তি ! এই অমূর্ত আনন্দকে মূর্তি দেওয়া চাই। অসীমকে সীমায়, অগাধকে প্রত্যক্ষের মধ্যে করিতে হইবে প্রকাশ। নিত্য যে আনন্দ, তাহার প্রকাশ হইবে এমন তরল রূপ ও রঞ্জের মধ্যে, যাহা প্রতিমূর্ত্তেই সঙ্ঘার মেঘের মত জীবন্ত অপরূপ ও পরিবর্তনশীল।

ইচ্ছা করিলে ইহাকে মায়া বলিয়া মিথ্যা বলিয়া উড়াইয়া দেওয়া যায়, কিন্তু ইহা মায়া বা মিথ্যা হয় আমাদেরই গ্রহণ করিবার দোষে। আসলে তাহা মিথ্যা নয়। অপার সৃষ্টির অপরূপ মাধুর্ষ্যই তাহার ক্ষণিকতায়, তার টলটলায়মান তরল স্বরূপে। বাংলায় বাউলেরা বলেন, “তপন দুঃখ হইল কমলের উপর শিশির বিন্দুর মত টলটলায়মান, তপনই তো অপূর্ব স্বরূপ হইল মধুর রূপ।”

এই অপারসীম ব্রহ্মানন্দকে অস্তরে শাস্ত্রভাবে রাপিতে হইবে ধরিয়া ; তবু ঘট ছাপাইয়া উৎকল যেই রস, সর্ব প্রয়োজনের অতীত যে রসপ্রবাহ, সব সৃষ্টির মূলে আনন্দরূপে তাহাই বিরাজিত।

আনন্দকে মূর্ত্তিতে প্রকাশ করিবার জালা জানেন গুণী, জানেন কবি। ব্রহ্মই হইলেন আদি কবি, আদি গুণী ; কাজেই তাঁহার এই জালাও অসীম। তাঁহার এই দুঃখ তাঁহার সৃষ্টি. ভরিয়াই রহিয়াছে, কাজেই বিশ্বচরাচর ব্যাপিয়া একটি অনির্ক্বচনীয় ব্যথা বিরাজমান।

কবির ভাব যখন সঙ্গীতে বাক্ত হইতে চাহে, তখন তাহার ভাষা ছন্দ ও সুর, কি কম দুঃখেই মেলে ? কবির ভাবের ভাবুক না হইলে, কবির “সরীখা” (সদৃশ) না হইলে তাঁর কাব্য বুঝাই যায় না।

বিশ্ব চরাচর হইল তাঁহার কাব্য। বিশ্ব জগৎকে বুঝিতে হইলেও ব্রহ্মের সরীখা হইতে হয়। সাধক তাই ব্রহ্মের সরীখা হইয়াই বিশ্বজগতের সকল আকারে সকল রূপে ব্রহ্মানন্দ করেন সন্তোষ। ব্রহ্মের সৃষ্টির এই আনন্দ যথার্থভাবে বুঝিতে হইলে তাঁহার সৃষ্টির মূলের জালাটিও হইবে বুঝিতে। “নাঞ্চিঃ কুরুতে কাব্যং নাক্রজোক্রমর্চতে”, পুরাণের এই মহাবাক্যটি এক অপরূপ মহাসত্য।

ভাব হইতে কবি আসেন রূপে, অসীম নিরাকার হইতে জ্বলিতে জ্বলিতে আসেন সীমায় ও আকারে। তাঁহাকে যিনি বুদ্ধিতে চাহেন তাঁহাকে আবার জ্বলিতে জ্বলিতে যাইতে হয় রূপ হইতে ভাবে, আকার ও সীমা হইতে নিরাকার ও অসীমে! তবেই তাঁহার সৃষ্টি হইতে তাঁহার আনন্দে পৌঁছিয়া তাঁহার সঙ্গে ভাব-যোগ করা যায় উপলক্ষি।

ব্রহ্মের সঙ্গে যোগ চাহিলেও এই একই ধারা। কত দুঃখে কত জ্বালায় আপন অস্তরের অসীম ভাবেকে নানা রূপে নানা আকারে তিনি গলাইয়া গলাইয়া করিয়াছেন প্রকাশ। তিনি যেমন অরূপ হইতে রূপের দিকে, “গাঁঠ বাধিতে বাধিতে”, করিয়াছেন যাত্রা; তেমনি তাঁহার সঙ্গে মিলিত হইলে আবার আনন্দকে “গাঁঠ খুলিতে খুলিতে”, সীমা হইতে অসীমে রূপ হইতে ভাবে পৌঁছিয়া, তাঁহার সঙ্গে যোগকে করিতে হইবে পূরা। সৃষ্টিতে ব্রহ্ম যে ধারাতে নামিয়াছেন তাহার ঠিক উল্টা ধারাতে গেলেই তো তাঁর সঙ্গে সাক্ষাৎ হইবে। নহিলে একই পথে একই দিকে উভয়েই চলিতে থাকিলে অনন্তকালই আমরা চলিব, অথচ দেখাই হইবে না। দেখা হইবার পদ্ধতিই হইল যার দেখা চাই তাঁর দিকে, অর্থাৎ তাঁর চলার উল্টা দিকে যাওয়া। দেহতত্ত্ব সাধনাতেও আছে যে “ধারা উলটাইয়া হয় দেখা”, কিহু সে হইল দেহের মধোর ধারার। *

ব্রহ্ম জ্বলিতে জ্বলিতে আসিতেছেন আকারের দিকে, রূপের দিকে। অরূপ অল্প অসীমকে সংহতরূপ সংলক্ষ্য ও সসীম করিতে করিতে, চলিয়াছে তাঁহার যাত্রা। সাধকও যদি আবার সীমা ও রূপ হইতে অসীম অরূপের দিকে “সরীথা” ভাবে জ্বলিতে জ্বলিতে যাত্রা না করেন, তবে কেমন করিয়া ব্রহ্মের সঙ্গে হইবে ভাবের যোগ, কেমন করিয়া শ্রুত হইবে ব্রহ্ম-সঙ্গীত, বিশ্বরস হইবে পান? এই যোগ না হইলে ব্রহ্মের সৃষ্টির সঙ্গীতও বৃথা, সাধকের রসগ্রাহী এই মানব-জনমও বৃথা, সবই বৃথা। মানুষের পক্ষে সীমা ও রূপ সহজ একথা বলিলে তো চলিবে

* রাধাস্বামী-সম্প্রদায়ীরা বলেন, কবীর যে বলিয়াছেন, “ধারা”-উল্টাইয়া “স্বামীর” দেখা পাইবে, তার অর্থ “ধারা”-উল্টাইলে “রাধা” হইবে। অতএব “রাধাস্বামী” মতের কথা কবীর পূর্ব হইতে জানিতেন। তাঁহারা তাই বলেন, কবীর বুঝিয়াছিলেন ভবিষ্যতে রাধাস্বামী মত আসিবে, তাই প্রচ্ছন্নভাবে এই ভবিষ্যদ্বাণী করিয়া গিয়াছেন।

না, ব্রহ্মের পক্ষেও তো অসীম অরূপ সহজ ; তিনি তবে কেন রূপ ও সীমার দিকে আপনার সৃষ্টি আপনার সঙ্গীতকে প্রকাশ কবিতার জন্য জ্বলিতে জ্বলিতে করিয়াছেন যাত্রা ? তাঁর প্রিয় সাধকের সঙ্গে মিলিত্বের জন্য যদি এত দুঃখ করিয়া তিনি আসিতে থাকেন, তবে সাধকের পক্ষেও কি কঠিন হইলেও অরূপ অসীমের দিকে যাত্রা করা উচিত নয় ?

ব্রহ্মের সঙ্গে যোগ, ব্রহ্মের প্রেমের সাধনার অনুরূপ প্রেম-সাধনা সাধকের যদি বাঞ্ছিত হয়, তবে সাধককেও সহজ পথ ছাড়িয়া জ্বলিতে জ্বলিতে, ব্রহ্মের দুঃখের দুঃখী হইয়া, “সরীপা” হইয়া, যাত্রা করিতেই হইবে। নহিলে তিনিও জ্বলিতে জ্বলিতে আসিবেন মূর্ছিত ও রূপের লোকে, আর সাধকও “অনামাসের” বলিয়া সেই দিকেই, অর্থাৎ সেই রূপ ও আয়তনেরই দিকেই থাকিবেন চলিতে ! তবে ব্রহ্মের প্রেম, ব্রহ্মের দুঃখ, ব্রহ্মের এই অসহ জ্বালা সার্থক হইবে কিসে ? অতএব তিনি যেমন তোমার প্রেম তোমার সঙ্গে মিলনের জন্য দুঃসহ জ্বালা বরণ করিয়া আসিতেছেন তোমার দিকে, তুমিও যেমনি তাহার প্রেমের দ্বারা অতি দুঃখ হইলেও তীব্র জ্বালা সহ্য করিয়া যাত্রা কর তা’র দিকে। তাঁর দুঃখের তাঁর প্রেমের তাঁর সাধনার, “সরীপা” হও ; তাহাকে ধৃত্য কর, নিজেরও ধন্য হও।

এই জ্বালা প্রেমিকের বড় আদরের ধন। ইহা দেখাইবার জন্য তো নয় ; যে এই জ্বালা লইয়া লোক দেখাইতে গেল, প্রেমের রাজ্যে তার আর স্থান নাই। কবি যদি অন্তরের এই জ্বালা লইয়া সৃষ্টি করিতে চাহেন তবে তিনি ইহা লইয়া লোকের মধ্যে দেখাইয়া বেড়াইলে চলিবে না। কারণ সেই ভাবে যদি অগ্নিময় ধারাকে ঝরিয়া নাইতে দেওয়া যায়, তবে সবই বৃথা, কোনো সৃষ্টিই তাহাতে সত্য হইয়া ওঠে না। কুণ্ডলার যে আগুন দিয়া তার কাঁচা ঘটকে পাকা করে, সে আগুনকে সে কাদা দিয়া লেপিয়া ভিতরে রাখে প্রচ্ছন্ন করিয়া। সাধকের এই অন্তরতম জ্বালা শিখা-রূপে যদি বাহিরে হইয়া ওঠে প্রত্যক্ষ, তবে তার কাঁচা সাধনা আর কিছুতেই হয় না পাকা। অতএব সাবধান, দেখাইবার লোভ পরিহার করিতেই হইবে। প্রেমের জ্বালা দেখাইতে গেলেই প্রেমের সাধনার সর্বনাশ, সবই তাহার হইয়া যায় বিলয়। সেবার ঘারাট প্রেমকে বাধ সदा সংবৃত্ত করিয়া।

১। অন্তরে ভগবানের প্রেমসঙ্গে রাগ, কারণ অন্তরের নির্জন ধামে

বাহিরের লোকের যাতায়াত নাহি। মনের মধ্যের রস মনেই রাখ পূর্ণ করিয়া, দেখাইবার চেষ্টা করিয়া প্রেমের আত্মঘাত ঘটিতে দিও না। “লোক দেখানো” প্রেম তো প্রেমই নয়। স্বামীকেও তাহা দেখাইবার দরকার নাই। তিনি নিজেই প্রেমিক, কাজেই প্রেমের জ্বালা তাঁর জানা আছে। অতএব নিঃশব্দে এই জ্বালায় জলিতে থাক ; সাধনা অগ্রসর হউক। যাহা বুঝিবার তাহা তিনি আপনাই লইবেন বুঝিয়া।

২। সেই রস যে পাইয়াছে সে-ই জলিয়াছে। অন্তরে এই রস যে গুঞ্জন করিয়া ওঠে, সেই গভীরের গুঞ্জনকে পরিপূর্ণ সঙ্গীতে প্রকাশ করা যায় কিম্বা ? অসীমকে যে দেখিয়াছে, সে জলিয়াই তার সেই দেখার মূল্য দিয়াছে। “অমৃতভবী” সাধকরা বলেন জ্বালা স্বীকার করিয়াছে বলিয়াই দীপ জ্যোতিকে পাইয়াছে। সাধক এই জ্বালা বন্ধ করিয়া অন্তরের মধ্যে রাখে গোপনে, কারণ ইহা দিয়াই তাহাকে আপন রচনা তুলিতে হইবে সৃষ্টি করিয়া। ইহা দেখাইতে গেলেই বা বারিষা বাইতে দিলেই, সর্বনাশ। অন্তরের নির্জন একান্ত ধামে ব্রহ্মের সঙ্গে প্রেম যোগের যে আনন্দ, তাহা কি বাক্যে বুঝান যায় ? তার জ্বালা অন্তরে লইয়া দাঁতের ধারে সাধনাকে নূতন সৃষ্টিতে তুলিতে হয় প্রকাশ করিয়া।

৩। এই প্রেমের খেলায় যেমন জলিতেছি আমি, তেমনই জলিতেছেন তিনি যিনি সকল করা মরণের মতীক। অসীম অক্ষর (অজল) বলিয়া প্রেমের ক্ষেত্রে তাঁরও নিস্তার নাই, কারণ প্রেমে সবাই সমান। প্রেমে যে উভয়ে জলিতেছি তাহাতেই সকল রসের উৎস গিয়াছে খুলিয়া ; কিন্তু সেই রসকে সাবধানে অন্তরের মধ্যেই রাখিতে হইবে সঞ্চার করিয়া। ঘট পূর্ণ করিয়া রাখিতে হইবে এই রস, জ্বালা যেন কিছুতেই বাহিরে না যায় জানা।

৪। ব্রহ্মের সঙ্গে যার হইয়াছে প্রেমের যোগ, তিনিই তো যোগী। সেই যোগেরও জ্বালা আছে। অথচ এই জ্বালা ও এই যোগকে স্বীকার না করিলে সাধক নিতা-জীবন পাইতেই পারে না। এই রসকে যে বাহিরে বারিষা বাইতে দিল, যে ইহা লইয়া পশ্চর কোনরূপ বাবসা ফাঁদিতে বসিল, বশ মান ও সংসারের উদ্দেশ্যে যে এই জ্বালায় অপ-প্রয়োগ (Exploitation) করিল, সে নিতা-জীবনে হইল বঞ্চিত। গুরুর রূপায় জ্ঞান হইলে, সাধক এই সহজ প্রেম-লোকে গিয়া ভগবানের সঙ্গে সমান জ্বালা নিঃশব্দে গ্রহণ করিতে শেখে। যে

এই রসকে বাহিরে ঝরিয়া যাইতে দেয়, তার এই কায়াও ফুটা ঘটের মত যায় বৃথা হইয়া, এই জন্ম তার হইয়া যায় বৃথা ও নিফল।

৫। বিশ্বের আদি অস্ত লইয়া এই জালা। ব্রহ্ম হইতে আরম্ভ করিয়া সাধক পযাস্ত সবারই এই জালা। এই জালাতে জলিয়াই তিনি সৃষ্টিকে সঙ্গীতের মত সুন্দর মধুর ও করুণ করিয়া পূর্ণ করিয়া তুলিতেছেন, আমার প্রাণও জলিতেছে তাহার সঙ্গে সঙ্গে। যেখানে তিনি প্রত্যক্ষ জ্যোতির লহরীতে প্রকাশমান, সেখানেও তিনি জলিতেছেন; আর যেখানে বিশ্বের মূলে তিনি সকল জ্যোতির সকল প্রকাশের অপ্রত্যক্ষ মূলাধার হইয়া “কারণ-সংহত” ও “পুঞ্জীভূত” হইয়া আছেন, সেখানেও তিনি জলিতেছেন।

তিনি যেখানে সৃষ্টিতে পরম প্রকাশরূপে লীপ্যমান, সেখানেও তিনি জলিতেছেন; আর যেখানে তিনি গভীরের গভীরে মূলাধার হইয়া সকল ইন্দ্রিয়ের বাকা-মনের ধ্যান-ধারণার অগোচর হইয়া বিশ্বের মূল আশ্রয় “পরম নিবাস” হইয়া আছেন, সেখানেও তিনি জলিতেছেন। তাঁর এই উভয়-বিধ স্বরূপকে এক করিয়া রাখিয়াছে যে পরমানন্দ, সেই পরমানন্দধামে তাঁর “পরম বিলাস লীলাভেদ” নিরন্তর চলিতেছে সেই অপার অনন্ত জালা।

৩। বিশ্বজগতের পেয়ালা ভরিয়া ভরিয়া তিনি যে প্রেম-রস আমাকে দিতেছেন ঢালিয়া ঢালিয়া, তাহাও দেখি জলন্ত! পবন, জল, আকাশ, পরিভ্রমী, চন্দ্র, সূর্য্য, পাবক সবই যে দেখিতেছি জলিতেছে আগুনের মত। জলিতেছে বলিয়াই কি আমি এই জালাকে দূবে করিব পরিহার! পেয়ালা ভরা বিধাতার এই দান আমি এক চুমুকে করিব পান। এই সব একত্র করিয়া মহা অগ্নিময় রস পান করিব এক গণ্ডয়ে। সবই আমি অন্তরে সমাহিত করিয়া শাস্ত করিমা রাখিব ধরিয়া। আমিও কি তাঁর যোগা “সরীপা” প্রেমিক নহি?

চতুর্দশ লোক, তিন ভুবন, সকল লোক, ভরপুর করিয়া চলিয়াছে নিরন্তর এই আগুনের প্রবাহ। তবু আমি কিছুমাত্র ভয় করি না, তাঁর প্রেমের ভরসাধ আমি সকল লোক সকল ভুবন বিগ্ন ব্রহ্মাণ্ডের জালা প্রতি খাসে খাসে করিয়া চলিব পান। আমি যে তাঁর প্রেমের “সরীপা”! বীর না হইলে বীরের সঙ্গে যোগ হইবে কেমন করিয়া?

১। জানন্দের জরণ, প্রকাশ করিবার নহে :

জিনি খোঁরে দাদু রামরস হৃদয় রাখি জিনি জাই ।
 জরণ জতন করি রাখিয়ে তই না কো আঁরে জাই ॥
 মনটী মাঠেঁ উপটৈজ মনটী মাঠিঁ সমাঠি ।
 মনটী মাঠেঁ রাখিয়ে বাহরি কহি ন জনাঠি ॥
 কহি কহি কা দিখলাইয়ে সার্জিঁ সর জানে ।
 দাদু পরগট কা কহে কছু সমঝ সয়ানে ॥
 লৈ বিচার লাগা রঠে দাদু জরণ জাই ।
 দাদু সমঝি সমাঠি রভ বাহর কহি ন জনাঠি ॥

“রামরস (ভগবানের সঙ্গে যোগের আনন্দ) যেন হারাইয়া না ফেলিস্, হৃদয়েই তাহা রাখ, তাহা যেন চলিয়া না যায় (“যদি হৃদয়ে রাখা নাও যায়”— এই অর্থও হয়) । এই (ভগবানের প্রেমযোগের) জাল, যতন করিয়া রাখ সেখানে, যেখানে না কেহ আসে, না কেহ যায় ।

মনের মধ্যেই ইহা । এই আনন্দ-জালা) হয উৎপন্ন, মনের মধ্যেই হইয়া থাকে ভরপুর ; মনের মধ্যেই ইহা রাখ, বাহিরে কোথাও কহিয়া জানাইও না ।

কহিয়া কহিয়া কি আর দেখাও ? স্বামী সবই জানেন । হে দাদু, প্রকাশ করিয়া কি কহিতে চাও ? তুমি বুদ্ধিমান, দেখ বুঝিয়া ।

এই লয় সমাধির অশুভব-রসে থাক লাগিয়া, হে দাদু, জলিতে জলিতে চল অগ্রসর হইয়া ।* হে দাদু, ভালরূপে বুঝিয়া (এই রসে) থাক ভরপুর হইয়া, থাক্যে তাহা জানাইও না প্রকাশ করিয়া ।”

২। ব্রহ্মানন্দ সন্তোগের জরণ :

সোন্নি সেরগ সব জরৈ জেতা রস পীয়া ।

দাদু গুঁজ † গংভীর কা পরকাস ন কীয়া ॥

* “হে দাদু, আপনার মধ্যে রাখ শাস্ত সমাহিত করিয়া” এই অর্থও হয় ।

† “গুঁজ” পাঠ হইলে অর্থ হইবে “গুহ্য, গোপন” ।

সোঈ সেরগ সব জরৈ জিন কঁ অলখ লখায়া ।

দাদু রাখে রামধন জেতা কুছ পায়। ॥

সোঈ সেরগ সব জরৈ প্রেমরস খেলা ।

দাদু সো সুখ কস কঠৈ জই আপ অকেলা ॥

সোঈ সেরগ সব জরৈ জেতা ঘটি পরকাস ।

দাদু সেরগ সব লখে কতি ন জনারৈ দাস ॥

“সেই সেবকেরা সবাই জলিত্তেছেন (অথবা জীর্ণ করিত্তেছেন) বাহারা সেই রস করিয়াছেন পান । গভীরের গুণকে, হে দাদু, কেহই করে নাই প্রকাশ ।

সেই সেবকেরা সবাই জলিত্তেছেন (বা জীর্ণ করিত্তেছেন) অলখ জগর বাহাদিগকে দেখাইয়াছেন (অ. অশ্বরূপ) : হে দাদু, বা কিছু তাহারা পাউয়াছেন রামধন, তাহাই রাখিয়াছেন (অমৃতের) । যদিও জালার অমৃত নাই) ।

সেই সেবকেরা সবাই জলিত্তেছেন (বা জীর্ণ করিত্তেছেন) বাহারা পেলিয়াছেন প্রেমরসে : হে দাদু, দেখানে তিনি একেলা বিরাজমান, সেই (স্ব'নেব) অনেক অর বলিবে কাহাকে ?

সেই সেবকেরা সবাই জলিত্তেছেন, (বা জীর্ণ করিত্তেছেন) যত ঘটেই হইয়াছে (তার) প্রকাশ । সেবক দাদু দেখে সবই, কিছু দাস আর তাহা কতিয়া (কাহাকেও) জানার না ।”

৩ : জরগ-রস :

অজর জরৈ রস না ঝরৈ ঘট মাতি' সমারৈ । *

দাদু সেরগ সো ভলা জো কতি ন জনারৈ ॥

অজর জরৈ রস না ঝরৈ ঘট অপনা ভরি নেই ।

দাদু সেরগ সো ভলা জারৈ জান ন দেই ॥

অজর জরৈ রস না ঝরৈ পীরত থাটক নাতি' ।

দাদু সেরগ সো ভলা ভরি রাখে ঘট মাতি' ॥

“বাহা অজর তাহা জরিত্তেছে, অথচ সাদক রস দিত্তেছে না ঝরিত্তে । অর

* দেখানে “জরনা” আছে, সেখানে জলন ও জীর্ণকরণ এই দুই অর্থ হইবে । তাই অন্তর্বাদেও “জরন” কথাই রাখা হইল । তাহার দুই অর্থ যুগপৎ বুঝিয়া লইতে হইবে ।

ঘটের মধ্যে সেই রস ভরিয়া রাখিতেছে সমাহিত করিয়া ; হে দাদু, সেই সেবকই ভাল যে করিয়া কিছু আর জানায় না বাহিরে ।

অজর করিতেছেন, আব সাধক রস দিতেছেন না করিতে, এবং (সাধক) আপন ঘট লইতেছে ভরিয়া ; হে দাদু, সেই সেবকই ভাল যে অস্তরের এই জরণ (কাহাকেও) দেয় না জানিতে ।

অজর করিতেছেন আর রস করিতেছে, পান করিয়া (সাধক) ক্লাস্তই হইতেছে না ; হে দাদু, সেই সেবকই ভাল যে (আপন) ঘটের মধ্যেই ভরিয়া রাখে (সেই রস) ।”

৪ : এই রস করিতে দিলেই বিনাশ :

জরনা জোগী জুগ জুগ রহে ঝরণা পরলৈ হোই

দাদু জোগী গুরুমুখী সহজ সমানা সোই ॥

জরনা জোগী থির রহে ঝরণা ঘট ফুটে ।

দাদু জোগী গুরুমুখী কাল তেঁ ছুটে ॥

জরনা জোগী জুগ জুগ জীরে ঝরণা মরি মরি জাই ।

দাদু জোগী গুরুমুখী সহজৈ রহে সমাই ॥

“জরস্থ যোগী জুগ জুগ রহে জীবস্থ, করিলেই হয় প্রলয় ; গুরুর উপদেশ প্রাপ্ত যে যোগী, সহজের মধ্যে রহে সেই ডুবিল ।

জবস্থ যোগী রহে স্থির, করিলেই বুঝিতে হইবে ঘট গিয়াছে ফুটিয়া ; হে দাদু, গুরুর উপদেশ প্রাপ্ত যোগীই কাল হইতে পায় রক্ষা ।

জরস্থ যোগী জুগ জুগ রহে জীবস্থ, করিলেই যায় সে মরিয়া । হে দাদু, গুরুর উপদেশ প্রাপ্ত যোগী সহজের মধ্যেই রহে সমাহিত হইয় ।”

৫ : বিশ্বব্যাপী “জরণা” :

জরৈ সো নাথ নিরংজন বাবা জরৈ সো অলখ অভের ।

জরৈ সো জোগী সবকা জীরনী জরৈ সো জগমেঁ দেব ॥

জরৈ সো আপ উপারনতারা জরৈ সো জগপতি সাঁই ।

জরৈ সো অলখ অনূপ হৈ জরৈ সো মরনা নাঁহী ॥

জঁরৈ সো অবিচল রাম হৈ জঁরৈ সো অমর আলখ ।
 জঁরৈ সো অরিগতি আপ হৈ জঁরৈ সো জগমে এক ॥
 জঁরৈ সো অরিগতি আপ হৈ জঁরৈ সো অপরংপার ।
 জঁরৈ সো অগম অগাধ হৈ জঁরৈ সো সিরজনহার ॥
 জঁরৈ সো পূরণ ব্রহ্ম হৈ জঁরৈ সো পূরণহার ।
 জঁরৈ সো পূরণ পরমগুরু জঁরৈ সো প্রাণ হমার ॥
 জঁরৈ সো জ্যোতি সরূপ হৈ জঁরৈ সো তেজ অনন্ত ।
 জঁরৈ সো ঝিলমিলি নূর হৈ জঁরৈ সো পুঞ্জ রহন্ত ॥
 জঁরৈ সো পরম প্রকাশ হৈ জঁরৈ সো পরম উজাস ।
 জঁরৈ সো পরম নিবাস হৈ জঁরৈ সো পরম বিলাস ॥

“জরস্তু তিনি নাথ নিরজন বাবা, জরস্তু তিনি অলগ ভেদাতীত এক ; জরস্তু সে যোগী সবাকার জীবন-স্বরূপ, জরস্তু তিনি জগতে জগদীশ্বর ।

জরস্তু যিনি আপনাকেই করিতেছেন নব নব রূপে প্রকাশ, জরস্তু সেই জগৎপতি স্বামী ; জরস্তু তিনি যিনি অলগ অমুপম, জরস্তু যার নাট মরণ ।

জরস্তু তিনি যিনি অবিচল ভগবান, জরস্তু তিনি অমর অবর্ণনীয় ; জরস্তু যিনি সকলের অতীত আত্মস্বরূপ, জরস্তু তিনি যিনি জগতে একমাত্র ।

জরস্তু আপনি সেই পরমাত্মা যিনি সকলের অতীত, জরস্তু যিনি অসীম-অপার ; জরস্তু যিনি অগম্য অগাধ, জরস্তু তিনি যিনি করিয়াছেন সৃষ্টি ।

জরস্তু তিনি যিনি পূরণ ব্রহ্ম, জরস্তু তিনি যিনি পূরণকর্তা ; জরস্তু তিনি যিনি পূর্ণ পরমগুরু, জরস্তু সে আমার প্রাণ ।

জরস্তু তিনি যিনি জ্যোতিস্বরূপ, জরস্তু তিনি যিনি অনন্ত তেজ ; জরস্তু তিনি যিনি কম্পমান আলোকরূপে (সর্ব দিকে) দীপ্যমান, জরস্তু তিনি যিনি সংসৃত জ্যোতিরূপে মূলাধার আদি হেতু হইয়া বর্তমান ।

জরস্তু তিনি যিনি পরমপ্রকাশ, জরস্তু তিনি যিনি পরমা দীপ্তি ; জরস্তু তিনি যিনি পরম নিবাস, জরস্তু তিনি যিনি পরম বিলাস ।”

৩ : বিশ্ব-রস ভরপুর পান করিলাম :

পরমা পানী সব পিয়া ধরতী অরু আকাশ ।

চন্দ নূর পারক মিলে পংচৌ এক গরাস ॥

চৌদহ তাঁন্য লোক সব ঠুংগে সাটৈস সাস ।

দাদু সাধু সব জরৈ সতগুরকে বিশ্বাস ॥

“পবন জল সব আমি করিলাম পান ; ধরিত্রী আকাশ, চন্দ্র, সূর্য্য, পাবক মিলিয়া পাঁচটাই হইল আমার একটি গ্রাস ।

চৌদ লোক তিন ভুবন সকল লোক প্রতি খাসে খাসে (আমার ভিতরে) আমি লইতেছি ভবিয়া ভরিয়া. হে দাদু, সাধকেরা সবাই যে জরন্ত ! ভরসা এক সদগুর ।”

পঞ্চম প্রকরণ—পরিচয়

(ত্রিতীয় অঙ্ক—“পরচা” (পরিচয়)

সাধনাব “স্মিরণ” অঙ্কব সঙ্ক এই অঙ্কের অনেক পরিমাণে যোগ আছে । “স্মিরণে” হইল প্রয়াস এবং “পরিচয়ে” হইল সেই প্রয়াসের ফল । “স্মিরণ” অঙ্কের ১২শ, ১৩শ, ১৪শ, ১৫শ বাণী অনেকে “পরচা” অঙ্কেরই বাণী মনে করেন । আবার এই অঙ্কের ২১শ বাণী অনেকে “স্মিরণ” অঙ্কের অন্তর্গত মনে করেন ।

এই অঙ্কটি অতিশয় বৃহৎ । অঙ্ক স্বরূপের পরিচয় অতিশয় গভীর তত্ত্ব, কাজেই এই অঙ্কটিকে একটু বিস্তৃত করিয়া বলিতে হইয়াছে ।

ব্রহ্মের দুই স্বরূপ । তিনি যেখানে আত্মস্বরূপে “তেজ পুংজ” অর্থাৎ সংহত জ্যোতি হইয়া বিরাজ করেন সেখানে তিনি বাক্য মন ইন্দ্রিয়ের অতীত । আবার যখন সেই পরিচয়ের অতীত “পুংজতেজ” প্রকাশের জন্ত বাহিরে “ঝিলমিল” হইয়া চঞ্চল জ্যোতি ধারারূপে পড়ে ঝরিয়া তখন তাহা হইতেই হয় নানা রূপ ও আকারের উৎপত্তি । ইহাই হইল ব্রহ্মের প্রকাশস্বরূপ । এই স্বরূপই হয় পরিচয় । আত্মস্বরূপ হইল সকল পরিচয়ের অতীত । সেখানে কেবল আপন আত্মাকে ডুবাইয়া দিয়া ব্রহ্মের মধ্যে সমাহিত হইয়া থাকি যার । সেই সমাহিত মিলনের রসই হইল “এক রস” । এক রসের স্বরূপ ও আনন্দ বর্ণনা করিয়া বুঝাইয়া দেওয়া কোনো মতেই সম্ভব নহে ।

অসীম যখন সীমার মধ্যে আপনাকে প্রকাশ করিতে চাহেন তখন তাঁর

অসীম স্বরূপের ভার সীমা আর ধারণ করিতে পারে না। তাই অসীম অরূপের প্রকাশের ভারে রূপের পর রূপ চলিয়াছে চূর্ণ চূর্ণ হইয়া।

আপন পরিচয় মিটাইয়া দিলে তবে তাঁর পরিচয় মিলিবে। দিবস আপনাকে আলোকে আলোকিত রাখে তাই সে অনন্তকে প্রকাশ করিতে পারে না। যেই রাত্রি আপনার আলোকটি নিবাইয়া দেয় তখনি আকাশ ভরিয়া গ্রহ তারকার অসীম লোক হয় প্রকাশিত।

সৃষ্টির মধ্যে তিনি আপনাকে দান করিয়া নিজেকে মিটাইয়া ফেলিয়া আছেন শূন্য হইয়া। সাধক যদি তাঁকে ধরিতে চায় তবে নিজেকে সেবায় নিঃশেষে দান করিতে হইবে। সাধককেও শূন্য হইয়াই সেই পরম শূন্যকে ধরিতে হইবে। শূন্য হইয়া শূন্যকে ধরাই সহজ। শূন্য সহজ তবে এই সব আলোচনা আছে। সেবায় পরিপূর্ণ বিসর্জন করিয়া নিজেকে ফুটাইয়া ফেলা যদি সহজ না মনে কর, তবে আর উপায় নাই। তাহাই আপনাকে মিটাইয়া ফেলিবার একমাত্র পথ। নিজেকে যদি নিজেকে শূন্য করিতে না পার, তবে হুড়া আসিয়া শূন্য করিবে, শেষ করিবে। তাহাই হইল “মহতী বিনষ্টিঃ”। “জীবন্ত মৃতক” অর্থে এই তত্ত্বটি ভাল করিয়া বুঝান হইয়াছে।

বাহিরের জ্যোতিটুকু নিবাইয়া দিলেই সেই পরম জ্যোতির রহস্যটি ধরা পড়ে। তাই রুক্মব বলিলেন, “বাহরা জ্যোত বুঝায়েকে ভেদী পাইবে ভেদ”। এই সংসার হইতে বিদায় লইবার পূর্বে তাঁহাকে উপলব্ধি করিয়া যাইতেই হইবে, নহিলে বুধা এই জীবন।

প্রত্যক্ষ-“অনুভব” যতদূর গভীর তত্ত্বের মধ্যে লইয়া যাইতে পারে ততখানি গভীরে বেদ কোরাণাদি শাস্ত্রের পৌঁছিবার সাধ্য নাই। “অনুভবই” গুরুর মত সেখানে সঙ্গ করিয়া লইয়া যায়, এবং অনুভবই হইল ব্রহ্মের বাণী। কাজেই ইহাই মন্ত্র ইহাই গুরু। এই “অনুভব” জীবনে উপজিলে সকল কর্ম-বন্ধন আপনি যায় ধসিয়া। “ভিষ্ণতে হৃদয়গ্রন্থিচ্ছিন্ত্তে সর্বসংশয়াঃ। কীর্ত্তে চাস্ত কৰ্ম্মাণি তস্মিন্ দৃষ্টে পরাবরে”। ইহা তো হইল নিষেধাত্মক ফলের কথা, কিন্তু অনুভবের ভাবাত্মক শক্তিও অপরিমিত। এই অনুভব হইলে সব রূপ সব আকার হইয়া যায় অমৃতে পরিণত।

যাহার আছে সেই পাইবে। যোগ্য না হইলে সে যোগ লাভ করিবে না।

রসের মধ্যেই রসের হয় বর্ণন (Parable of Talents)। জ্যোতির্ষ্ময় না হইলে পরম জ্যোতির্ষ্ময়ের সঙ্গে হয় না মিলন। যোগ দুইকে এক করে, কিন্তু দুইয়ের মধ্যেও একটি সমরূপতা থাকা চাই। তাহাই যোগ্যতা। যোগ্যতা দ্বৈতের মধ্যেও অদ্বৈত তত্ত্ব (১১শ বাণী দেখ)। একান্ত অনৈক্য যেখানে সেখানে কিছুতেই মিলন হয় না। ব্রহ্মের সঙ্গে মানবের এক রকম নিগূঢ় মিলও আছে, যদিও তাহারা বিভিন্ন। এই একটুকু না থাকিলে মিলন একেবারেই অসম্ভব হইত। প্রেমরও স্বরূপ কহিতে গিয়া তাই সাধকেরা বলিয়াছেন—
“দ্বৈতের মধ্যে যে অমুপম অদ্বৈত তাহাই প্রেম।”

বাণীর মূল হইল জ্ঞানে, সঙ্গীতের মূল হইল অন্তর্ভবে। তনু মনের মূলস্বরূপ ব্রহ্ম হইতে উঠিতেছে যে গুণকার, তাহাই প্রকাশ, তাহাই সৃষ্টি।

অমুপমের রসে যদি মাতাল হইতে পার তবে সব দ্বৈত আপনিই যাইবে মিটিয়া। আনন্দের এই অসীমতার মধ্যে ডুবিয়া যাওয়াই চাই। এই আনন্দে যে মাতাল হইয়াছে তাহার জ্ঞানি কুল সমাজের সব বাঁধন হইয়া যায় মুক্ত। আসলে মুক্তি একটা শূন্য অবস্থা নয়। কল থাকিলে রসে ভরিলে যেমন আপনিই গাছ হইতে মুক্তি হয় তেমনি সাধকের আনন্দরস পূর্ণ হইলে ব্রহ্মের তৃপ্তি হইবে ও সাধকের মুক্তি আপনিই হইবে।

১। সেই অসীমের প্রকাশ কি রকম? সেই অনন্তের প্রকাশের তো কোনো কুল কিনারা নাই, অমূল্য নিধি সেই ভগবান। যদিও বস্তুমাত্রের মধ্যেই সীমা ও খণ্ডতা আছে কিন্তু তাহার প্রকাশের মধ্যে কোনো খণ্ডতা বা জোড়াহাড়া নাই, তাহা অপার অখণ্ড “নিরসন্ধি” প্রকাশ। নিখিল খণ্ডতার মধ্যে তিনি অনন্ত “সংহত তেজ” হইয়া বিরাজমান। “তেজপুঞ্জ” রূপে তাঁর আর নাই আগে পিছে, নাই আদি অন্ত। এই অনন্ত “একমেবাধিতীক্ষ্ম” ভরপুর স্বরূপকে প্রকাশ করিতে গিয়া রূপের পর রূপ যাইতেছে চূর্ণ চূর্ণ হইয়া। অনন্তের অসীম আনন্দকে কোনো সসীম রূপই ধারণ করিয়া পারিতেছে না টিকিয়া থাকিতে। ইহাকে “মায়া কণিকতা” প্রভৃতি বলিয়া গালি দিলে চলিবে কেন? ইহাতেই প্রকাশপ্রার্থী অসীমের অপরিসীম লীলা রহস্য পড়িতেছে ধরা। কোনো রূপই সেই অরূপের ভার সহিতে পারিতেছে না। অসীম আনন্দে রূপের পর রূপ চলিয়াছে চূর্ণ হইয়া। রূপের তরঙ্গের পর তরঙ্গে উচ্ছ্বসিত

চইয়া উঠিতেছে এই অপরূপ আনন্দ-সাগর। এই আনন্দসাগরের তরঙ্গের উপরই দাদু হংস হইয়া করিতেছে খেলা।

২। তিনি সকল ঘটে সকল রূপ ও আকারে আপনাকে নিঃশেষে দান করিয়া নিরঞ্জন হইয়া শূন্য হইয়া আনন্দে করিতেছেন বিহার। আপনার ঐশ্বর্য, আপনার স্বরূপের ভার তিনি কোথাও জমাটয়া রাখেন নাই। সব ঠাই নিজেকে বিতরণ করিয়া তিনি আছেন সহজ হইয়া শূন্য হইয়া। তাই তিনি সদাই মুক্ত, কোনো গুণ তাঁহাকে বাধিতে পারে নাই।

তিনি প্রেম আপনাকে নিঃশেষে দান করিয়া শূন্য নিরঞ্জন হইয়া পেলিতেছেন প্রেমের সব লুটাইয়া দিবার খেলা। যদি ইহার এই প্রেম-পেলায় যোগ দিতে চাও, তবে আনন্দ সাংসারিকতায়, নিজ ঐশ্বর্য, নিজ সফলতার মধ্যে, পৃষ্ঠীভূত সংস্কারে আচারে বিচারে, দাও অ'গুন লাগ ইয়া। আপনাকে সকলের মধ্যে বিনর্জন দিয়া, "নাহি" হইয়া, আপনার সব পরিচয় ও অভিমান ফেলিয়া দিয়া হও শূন্য; শূন্য যদি হইতে পার তবেই শূন্যকে পারিবে ধরিতে, তাঁহার সঙ্গে পারিবে প্রেমের খেলা পেলিতে।

৩। আপনাকে নিঃশেষে বিলাইয়া দিয়া শূন্য হওয়া কঠিন। কিন্তু তাহা না হইলে তাঁহাকে দেখাও অসম্ভব। তাঁহাকে দেখিতেই হইবে। জাগরণে শয়নে সর্বতোভাবে তাঁহাকে দেখাই তো জীবনের পরমানন্দ। তিনিও আমার এই আনন্দের সহায়। আমার সাথী হইয়া তিনি সদা আমার আছেন সাথে, নয়নে বচনে হৃদয়ে সর্বত্র আছেন আমার মধ্যে, বিশ্বের সর্ব দিক আপন প্রকাশে আছেন ভরপুর করিয়া, ইহাই তো পরমানন্দ।

সেই ইন্দ্রিয়াতীত "বেজঃপুঞ্জ" স্বরূপই চঞ্চল জ্যোতির্ময় প্রকাশের ধারায় ঝিল ঝিল করিয়া পড়িতেছে ঝরিয়া। ইহাই তো অমৃতের নিষ্কার, এই রস পান কর। আকাশের অমৃত বল্লী হইতে নিরন্তর এই অমৃতের রস ঝরিতেছে। সেই প্রকাশের মধ্যে সেই রসের সাগরে আমার নয়ন ডুবিয়া গিয়াছে। নিশি দিন তাঁহার রূপ দেখিতেছি। নয়নেও দেখি তিনি অস্তরেও দেখি তিনি। অরূপ তেজঃপুর তিনি প্রকাশের অমৃত নিষ্কার হইয়া ঝিলঝিল ঝিলঝিল করিয়া ঝরিতেছেন। এই নিষ্কারে ডুবিয় ই আমি অরূপের রূপ-অমৃত পান করিয়াছি।*

* এই বাণীটির ও পরচা অংশের অ র ও ক য় ৫টি বাণীর দেহতত্ত্ব দিয়াও অর্থ হয়। এবং অনেক সাধক সেই অর্থ ছাড়া অল্প অর্থ করিতে চাহেন না।

৪। অসীম অগণ্ড তিনি আপনার স্বরূপকে প্রকাশের ঝরণায় দিয়াছেন ঝরাইয়া। সেই ঝরণা দিয়াই বিশ্বের সব প্রকাশ চলিয়াছে ঝরিয়া। ঝরণা এক স্থানে জমিয়া যেমন সরোবর হয়, তাঁর প্রকাশের ঝরণা তেমনি বিশ্ব চরাচরে জমিয়া হইয়াছে ব্রহ্মাণ্ড সরোবর। তিনি আপনাকে শূন্য সহজ করিয়া ঝরাইয়া দিয়াছেন বলিয়াই বিশ্ব সরোবর উঠিয়াছে ভরিয়া। ইহার অগাধ জলে হংস (সাধক) করেন বিহার। ভগবানও পরমহংস (পরম সাধক) হইয়া নাচিতেছেন ইহারই তরঙ্গের দোলায়। হংস ও পরমহংস দুইই তরঙ্গে তরঙ্গে নাচিতেছে, এই তো অন্তুপম রসের দোল লীলা।

৫। লোকের কথায় ভাবিয়াছিলাম না জানি কত খুঁজিয়া কত দূরে কোন দুর্লভ ধামে প্রিয়তমকে হইবে পাঠিতে। এখন দেখিতেছি তিনি ছাড়া কোথাও কিছুই নাই। সর্বত্রই তিনি। ভিতরেও তিনি বাহিরেও তিনি, কোনে দিকে তিনি ছাড়া আর কিছুই নাই। সব কিছুকে ভরপুর ঠাসিয়া ভরিয়া প্রত্যেক রূপেব মধোই দয়াময় করিতেছেন বিহার। সকল দিকে তিনিই সব স্থান দখল করিয়া আছেন ভরিয়া, আর কারও জন্ম এক তিলমাত্র স্থান নাই। তিনি ছাড়া আর কিছুই নাই। না আছে তনু, না আছে মন, না আছে মায়' না আছে জীব, না আছে আমি; একমাত্র তিনিই দশ দিক ঠাসিয়া পূর্ণ করিয়া বিরাজমান। এমন করিয়া যে তাঁহাকে দেখিয়াছি ইহাই যোগ। আর কোনে যোগ নাই।

৬। তিনি কামধেনু, আমি তাঁহার বংশ। তাঁর দুগ্ধ শ্রাব আমারই জন্ম। আমার দিকে চাহিয়া তাঁর জেহ দুগ্ধরূপে ঝরে। এই দুগ্ধ পান করিলেই আমি কৃতার্থ। তিনি কল্পবৃক্ষ, প্রাণের তরু; প্রেম তাহার মূল, ব্রহ্মানন্দ তার ফল। ইহার রস যে পান করে সে নিত্য জীবন পায়।

৭। ব্রহ্ম রস দিনে দিনে পান করি আর আনন্দ বাড়িতে থাকে আর দিনে দিনে আমি যেন বিকশিত হইতে থাকি। এই রস পানেরও অন্ত নাই (১৭, ২৩, ২৪ বাণী, পরচা অঙ্ক, দেখ), আর আমার বিকাশেরও অন্ত নাই। তাঁহাকে দেখিয়া দেখিয়াই জপ ধ্যান সমাধি করিব, তবে তো জীবন্ত সাধনা! তাঁহাকে দেখিয়া দেখিয়াই আনন্দ প্রত্যক্ষ অনুভব করিতে করিতে রস লাভ করিব, তাঁহার সঙ্গে যুক্ত হইব; তবেই জীবন হইবে আনন্দময়।

৮। তাঁহাকে সাক্ষাৎ অনুভব না করিলে আনন্দ কোথায়? তাঁহাকে অনুভব করিয়াই সব ভয় হইতে মুক্ত হইয়া নিশ্চল নিশ্চল নির্ঝাণ পদ লাভ করি।

অগম্য তিনি অনুভবের মধ্য দিয়াই তাঁর বাণী আমার মধ্যে প্রেরণ করেন। এই বাণীই আমাকে তাঁহার কাছে লইয়া যায়, অতএব ইহাই সিদ্ধ মন্ত্র। ইহাই গুরুর মত তাঁহার কাছে পৌঁছায়, শাস্ত্র যে অগম্য অনির্কচনীয় তত্ত্ব পারে না কহিতে, অনুভব তাহা অনায়াসে পাবে বলিতে। অনুভব হইলেই কণ্ঠের সর্ববিধ বন্ধন যায় দূর হইয়া। ভগবানের আনন্দ প্রত্যক্ষ হইলে সকল কায়াও হইয়া যায় অমৃতময়। কাজেই অনুভবই হইল মন্ত্র, শাস্ত্র, গুরু, সাধনা ও মুক্তি। এই ব্রহ্মানুভবই হইল সার সত্য।

৯। কেবল জড়তার জগৎ আমবা আমাদের অন্তরের ঐশ্বর্য প্রত্যক্ষ করিতে পারি না, জড়তা ত্যাগ করা মাত্রই দেখি অন্তরেই প্রিয়তম প্রেমময় আপন প্রেম মন্দিরে বিরাজমান, ভগবান তাঁহার সিংহাসনে অন্তরেই বিরাজিত। আত্মার জ্যোতির্ময় ধামে ভগবানকে দেখিতে পাঠি, যদি প্রাণ প্রেমে সিক্ত থাকে। সেইখানেই ভগবানের কাছে প্রণতি করিতে পারিলে জীবন হয় ধন্য।

১০। মনুষ্য ও চিন্ময় হৃদয়ের এই দুই স্বরূপ : মনুষ্য হৃদয় মাটির জগতে সংসারী লইয়াই আছে, তার দেখিদার শক্তি নাই। মনুষ্যে এমন আলো তাঁহার নাই যে সম্মুখে সে দেখিতে পারে। চিন্ময় জ্যোতির্ময় হৃদয়ই ভগবানকে পায় দেখিতে, তার অন্তরে ভগবান বিরাজমান। এত দৈত আরও অনেক ক্ষেত্র আছে। প্রাণ পাশবও হয় মানবও হয়; পাশবকে মানব করিতে হইবে ইহাই সাধনা। মিথ্যাকে সত্য করিলে, অনীতিকে নীতি করিলে মন্দকে ভালো করিলেই সাধনা হয় পূরা। আমাদের মধ্যেই এই সব দৈত আছে বলিয়াই জগতে সাধনার সম্ভাবনা বহিয়াছে।

১১। তিনি জ্যোতির্ময় স্বামী, জ্যোতির্ময় না হইলে স্বামীই সঙ্গ বধুর মিলন হইবে না। জ্যোতির্ময় ক্ষেত্রেই হইবে মিলন। পরব্রহ্ম হইতে যে জ্যোতির্ময় প্রকাশের নির্বন্ধারা ব্যক্তিতেছে তাহাই সাধকেরা করেন পান।

রসেই হয় রসের বর্ষণ। নীরস ক্ষেত্র রস বর্ষণের কোনো সম্ভাবনা নাই। রস ধারার নীচে মনকে নিশ্চল কুস্তুর মত রাখিয়া কাজ কর্ম কর, তোমার

কাজও চলিতে থাকবে আর ধীরে ধীরে তোমার মনও দিনে দিনে ভরিয়া উঠিতে থাকিবে ।

১২। অস্তরের মধ্যে তাঁহাকে প্রত্যক্ষ করিয়া যে কাজ করিবে তাহাই হইবে যথার্থ সেবা । নহিলে যন্ত্রের মত প্রাণহীন শত প্রযত্ন করিলেও সে সব ব্যর্থ । অস্তরে দেবতা থাকিতে কেন বাহ্য প্রয়াসে আপনাকে ব্যর্থ কর ? অস্তরেই সদগুরু বিরাজমান, তাঁর সেবা কর ? বিশ্বদেবতা নিত্যকাল নিখিল মানবের হৃদয় সিংহাসনে বিরাজিত, সকল দেশের সকল যুগের সকল সাধকের সাধনা অগণিত আরতি-প্রদীপের মত তাঁহার চারিদিকে ঘুরিয়া ঘুরিয়া তাঁহার বিশ্বারতিকে পূর্ণ করিতেছে ।

১৩। ভক্তি বাহিরে নহে, অস্তরে । অস্তরের মধ্যে শ্রবণ করিয়া পরমাশ্রয় সঙ্গীতের সুরে তোমার সুর লও বঁধিয়া । তাঁহার মন, চিত্ত, সহজ, জ্ঞান, দৃষ্টি, ধ্যান, ভক্তি, প্রেম প্রভৃতির সঙ্গে তোমারও সে সব এক সুরে লও বঁধিয়া ।

১৪। সেই সেবাই তো পরিপূর্ণ সেবা যাহাতে সেবাই দেখিতে পাই, সেবকে দেখি না । মূলই তো নিরন্তর সাধনা করিয়া বৃক্ষের ফল, পুষ্প, পল্লব, কাণ্ড, শাখাকে জীবন্ত করিয়া রাখিয়াছে, অথচ সেই মূলকেই যায় না দেখা ! মাটির নীচে নিভূতে নিরন্তর যে করিতেছে সে সাধনা ।

ভগবানও তেমনি এমন ভরপুর সেবা এই বিশ্বজগতে করিয়াছেন যে তাঁহাকে দেখাই যায় না, অথচ তাঁর সেবাই সর্বত্র প্রত্যক্ষ । তিনি এমন আশ্চর্য্য সেবক যে আমরা ইচ্ছা করিলে ইথাও বলিতে পারি যে তিনি নাই । নাশ্তিকতা যে সম্ভব হইয়াছে তাগাতেই তাঁহার সেবার পূর্ণতার পরিচয় । তাঁর এই পরিপূর্ণ সেবার সাধনাটি শিখিয়া লইবে কি ? তাঁর কাছে এমন সাধনার উপদেশই চাও । আমরা যে সেবাকে ফেলিয়া দিয়া নিজকেই জাহির করিতে চাই, এই দোষ দূর হইবে কবে ?

সেবা করিয়াই তাঁর আনন্দ । সেই সেবার অথও রসের আনন্দ আমরাও কবে লাভ করিব ? তাঁর সমান, তাঁর “সরীধা” হইয়াই সেবা করিব, তবে সেবানন্দ এবং তাঁর নিত্য সাহচর্যের মহানন্দ করিব লাভ ।

তুমি ক্ষুদ্র বলিয়া ভয় পাইও না । যেমন তোমার শক্তি, ঠিক তেমন সেবা কর । কোথাও ফাঁকি দিও না ; তবেই তোমার সেবা সত্য হইল ।

সেবা দ্বারাই সেই মহাসেবককে বশ করিবে। সর্বত্র দিয়া যদি সেবা করিতে পার তবে সেই দৈন্যই তোমার মহৈখ্য হইবে, কারণ চরাচরের অধীশ্বর তবে তোমারই দরবারে হাজির থাকিয়া তোমার সেবা করিবেন।

১৫। সাধক যেমন তাঁহাকে পাইয়া পূর্ণ হয়, তিনিও তেমন সাধককে পাইয়াই পূর্ণ। নহিলে প্রেমময় যে থাকেন অপূর্ণ। যদি আপনাকে বিসর্জন দিয়া তাঁহার হইয়া যাও তবে বিশ্বচরাচর ভগবানের সব কিছুই হইবে তোমার আপনার।

মানবের সব তুচ্ছতা সব দৈন্য তাঁর যোগে হইবে ঐখ্যাময়। মিত্রীর মধ্যে যে বাশের কাঠি থাকে সেও মিত্রীর সঙ্গে এক মূল্যই বিকায়।

১৬। আমি ক্ষুদ্র তিনি অসীম, তবে এমন অসমান ক্ষেত্রে মিলন হইবে কেমন করিয়া? অযোগ্য তো যোগ লাভ করে না, তবে ক্ষুদ্র আমি তাঁকে কেমন করিয়া পাই?

আমি ক্ষুদ্র হইলেও আমার প্রেম ক্ষুদ্র নয়। প্রেম ও ভক্তি যে অসীম। এই প্রেমে আমি সেই অসীমেরই সমান। তাই প্রেম দিয়াই তাঁহাকে পাইব। জ্ঞান ও কর্ম অসীম নহে বলিয়াই সেই পথে তাঁকে কখনো এমন করিয়া পাইতে পারি না।

১৭। এক। আমার সাধনাতেই যদি মিলন হইবার হইত তবে মিলন ছিল অসম্ভব। তিনিও যে আমাকে চাহেন। এই চরাচরই তো তাঁর সাধনা। এই সাধনা দিয়া তিনি চাহেন আমাকে পাইতে। তাই আমি যখনই সাধন করিতে যাউব অমনি নিগিল সাধনা আমার অক্ষুণ্ণ হইবে।

তিনিও আমাকে চাহেন বলিয়াই তিনি আমার অস্তরের এত প্রিয়। নহিলে যদি আমিই তাঁহাকে চাহিতাম আর তিনি না চাহিতেন তবে কি আমার সকল প্রাণ সকল ইন্দ্রিয় তাঁকে সর্বভাবে নিঃশেষে চাহিত লাভ করিতে? তাই তাঁহার প্রেমরস পানে কখনই হয় না অকুচি।

১৮। খুঁজিলেই অস্তরের মধ্যে তাঁকে পাইবে। একবার দয়াময়ের সঙ্গে মিলিলেই সব বাধা যায় হইয়া দূর, প্রেম যোগের পথে মুক্তি একেবারে অনায়াসেই হয় লাভ।

১৯। তাঁর সঙ্গে প্রেমের এমন খেলা খেলিব যে সে খেলার আর অবসান

হইবে না। যুগ যুগ চলিবে “বসন্ত”, যুগ যুগ মিলিবে তাঁর দরশন, এ কি কম ভাগ্যের কথা ?

২০। নিগম আগম বেদ যেই প্রেমধামে পৌঁছায় না সেই ধামে প্রিয়তমের পাইয়াছি নিত্য সঙ্গ। তিন লোক ভরণ করিয়া আছেন তিনি, লোকে কেন তাঁকে বলে দূরে ? সেবক ও স্বামী, সাধক ও মহাসাধক আজ মিলিয়াছে। এগন নিত্যকাল চলিবে আনন্দের মিলন।

২১। [এই বাণীটির দেহতত্ত্বের অর্থও আছে] যদি ভ্রমরকে খুঁজিয়া পাইতে হইত তবে কমলের ভাগ্যে আর ভ্রমরের সঙ্গে যোগ সম্ভবই হইত না। আমার হৃদয় কমলের রসের লোভে তিনিও যে ভ্রমর হইয়াছেন, তাই তো সহজেই তাঁহাকে পাইয়াছি। বাউলের গানে আছে—

“হৃদয় কমল চল্ছে গো ফুটে কত যুগ ধরি !
তাতে তুমিও বাঁধা আমিও বাঁধা, উপায় কি করি ?
ফোটে ফোটে ফোটে কমল, ফোটায় না হয় শেষ,
এই কমলের যে এক মধু, রস যে তার বিশেষ ;
তাই ছেড়ে যেতে লোভী ভ্রমর পার না যে তাই,
তুমিও বাঁধা আমিও বাঁধা মুক্তি কোথাও নাই।” ইত্যাদি

২২। বাণীর মূলে হইল জ্ঞান, আর সঙ্গীতের মূলে হইল অনুভব (feeling এবং আরও কিছু, কারণ অনুভবে সেই “রসানন্দে” তদ্ভাব প্রাপ্তিও বুঝায়)। তন্মূলের যেখানে মূল সেখানেই হইল গুণের উৎপত্তি।

২৩। পান করিতে করিতে সেই রসের আনন্দে আনন্দময় হইয়া ভুলিবে আপনাকে। তবেই সব ষ্ঠিত হইবে দূর। তিনিই এই সকল ভেদ-লোপ-করা রসের পেয়ালা ভরিয়া ভরিয়া সেই রস করাইতেছেন পান। এক মুহূর্ত এই রস না হইলে চলে না। মাছ যেমন জল ছাড়া বাঁচে না তেমনি এই রস ছাড়া সাধক বাঁচে না। এই রসে আপনাকে সহজে আনন্দে হারাইয়া ফেলাই হইল যে রসিকের মুক্তি। অন্য কোনো মুক্তি সে মনে করে বালাই।

২৪। প্রেমরস ঝর ঝর করিয়া বহিয়া চলিয়াছে, যে পান করিয়া মাতাল হইল সে কালের হাত এড়াইল। এই রস পান করিয়া এই রসে আপনাকে

বিসর্জন দিতে পারিলে তবেই যথার্থ সার্থকতা, এট রসের আশ্রয় পাইলে কেমন করিয়া নিজেকে বিসর্জন না দিয়া থাকা যায় ?

এই রসে যত্ন হইলে জ্ঞাতি কুল সমাজের সব বাঁধন, আচার, অশুষ্ঠান, শিক্ষা দীক্ষার সব বাঁধন আপনি যায় খসিয়া। সঙ্কীর্ণ “অহমের” চৈতন্য থাকিতে সহস্র চেষ্টার সাধনায়ও এই বাঁধন ঘোচে না। প্রেমরসে আপনাকে হারাইয়া ফেলাই দেখিতেছি মুক্তির সহজ পন্থা।

২৫। মুক্তি একটা অভাব বস্তু নয় যে আপনাকে শুকাইয়া বঞ্চিত করিয়া জীর্ণ করিয়া, নীরস নিরানন্দ একটা শূণ্যতার মধ্যে নিজেকে ফেলিলেই হইবে মুক্তি লাভ। রসে বর্ণে গন্ধে মাধুর্যে ফল যখন সহজ পরিণতি লাভ করে তখন সহজেই সে বৃক্ষ হইতে পায় মুক্তি। সাধকও তেমনি আনন্দে রসে সর্ব প্রকার সহজ স্বাভাবিক পরিণতির পথে যদি অগ্রসর হয় তবে এক দিন সে মাধুর্যে পূর্ণ হইয়া আপনিও ভরপুর হইবে ভগবানকেও তৃপ্ত করিবে। সে-ই হইল মুক্তি। এই মুক্তি নীরস নহে। রসে, আনন্দে অশেষবিধ পূর্ণতায় এই মুক্তি ভরপুর।

১। আসীম প্রকাশের স্বরূপ কি।

দাদু অলখ অলাতকা কল কৈসা হৈ নূর।

বেহদ রাকো হদ নহী রূপ রূপ সব চূর ॥*

বার পার নহি নূরকা দাদু তেজ অনন্ত।

কীমতি নহি করতারকী ঐসা হৈ ভগবন্ত ॥

নিরসন্ধি নূর অপার হৈ তেজপুঞ্জ সব মাহি।

দাদু জোতি অনন্ত হৈ আগে পীছে নাহি ॥

খংড খংড নিজ না ভয়া ইকলস একই নূর।

ভ্যাং থা ত্যা হি তেজ হৈ জোতি রহী ভরপুর ॥

পরম তেজ পরকাস হৈ পরম নূর নিবাস।

পরম জোতি অনিন্দ মে হংসা দাদু দাস ॥

* “সকল রহা ভরপুর” পাঠও আছে।

“বল দেখি দাদু সেই অলখ আলার প্রকাশ (প্রভা) কি প্রকার ? অসীম তাঁহার কোনো সীমা নাই, রূপের পর রূপ (সেই প্রকাশের ভাৱে) যায় সব চূর্ণ হইয়া ।

কুল কিনারা নাই সেই প্রকাশের, হে দাদু, অনন্ত সেই তেজ ; মূল্য হয় না সেই “করতারের” এমন তিনি ভগবান !

অপার “নিঃসন্ধি” (যার মধ্যে জোড়া তাড়া নাই) সেই প্রকাশ । সকলেরই মাঝে তাহা তেজপুত্র (সংহত তেজ) ; হে দাদু, অনন্ত সেই জ্যোতি, তাহার পূর্বে পরে কিছুই নাই ।

(এই প্রকাশে) তাঁহার স্বরূপ পণ্ড পণ্ড হয় নাই, বরাবর এক-ভাব এক-রস সেই এক প্রকাশ ; যেমন ছিল (সেই স্বরূপ) তেমনই এই প্রকাশ, ভরপুর সেই জ্যোতি বিরাজমান ।

পরম তেজ এই প্রকাশ, এখানেই পরম দীপ্তির নিবাস ; পরম জ্যোতির আনন্দের মধ্যে দাস দাদু আছে হংস হইয়া ।”

**২ : সেই পরিচয় চাও তো আপন
পরিচয় মিটাইয়া ফেল : শূন্য হইয়া
শূন্যকে মন :**

সহজ শূন্য সব ঠৌর হৈ সব ঘট সবহী মাহি' ।

তহঁা নিরঞ্জন রমি বহা কোই গুণ ব্যাপৈ নাহি' ॥

খেলা চাহৈ প্রেমরস আলম আগি লগাই ।

নাহী' হোই করি নাউ লে কুছ না আপ কহাই ॥

“সব ঠাইতেই, সর্বঘটে ও সব কিছুতেই, সেই সহজ শূন্য বিরাজমান ; সেখানেই নিরঞ্জন করেন বিহার, কোনো গুণেরই সেখানে নাই কোনো একাধিপত্য ।

পেলিতে যদি চাও সেই প্রেম রসে, তবে সংসারেতে লাগাও আগুন ; কিছু না হইয়া নেও তাঁহার নাম, আপনাকে (সন্ন্যাসী সাধু প্রভৃতি কোনো নামে) কোনো পরিচয়ের দ্বারা করাইও না অভিহিত ।”

৩ : তাঁহাকে দেখিয়া লভ :

জাগত জগপতি দেখিয়ে পূরণ পরমানন্দ ।
 সোরত ভী সার্ঙ্গ মিলৈ দাদু অতি আনন্দ ॥
 তই তহঁ সাথী সংগ হৈঁ মেরে সদা অনন্দ ।
 নৈন বৈন হিরদৈ রহৈ পূরণ পরমানন্দ ॥
 জ্যোঁৱি রবি এক আকাশ হৈঁ ঐসে সকল ভরপুর ।
 দহ দিসি সূরজ দেখিয়ে অল্লা আলৈ নূর ॥
 জ্যোতি চমকই ঝিলমিলৈ তেজ পুঞ্জ পরকাস ।
 অমৃত ঝরৈ রস পীজিয়ে অমর বেলি আকাশ ॥
 নৈন হমারৈ নূরমেঁ সদা রহৈ লবু লাঠি ।
 দাদু উস দৌদার কোঁ নিস দিন নিরখত জাঠি ॥
 নৈনছঁ আগে দেখিয়ে আতম অংতিরি সোঠি ।
 তেজ পুঞ্জ সব ভরি রহা ঝিলমিলি ঝিলমিলি হোঠি ॥

“জাগিয়া জাগিয়া দেখ জগৎপতিকে, ইহাট পূর্ণ পরম আনন্দ ; ঘুমাইয়া ঘুমাইয়াও স্বামীর সঙ্গে হও মিলিত, তাহাও হৈ দাদু, অতি আনন্দ ।

যেখানে-সেখানে সাথী সঙ্গী হইয়া তিনি আছেন, আমার সদাট এই আনন্দ নয়নে বচনে হৃদয়ে তিনি বিরাজিত, এই তো পূর্ণ আনন্দ ।

যেমন এক রবি (সঙ্গ) আকাশে বিরাজিত এমন সকলই (তাহাতে) ভরপুর, দশ দিকেই দেখ সেই সূর্য্যকে । পরম জ্যোতি সেই আল্লা ।

সেই তেজপুঞ্জের (সংহত জ্যোতির) প্রকাশই চমকাইতেছে কম্পমান ঝিলমিল জ্যোতিরূপে । আকাশই অমৃতবল্লী, অমৃত ঝরিতেছে, সেই রস কর পান ।

আমার নয়ন সেই জ্যোতিতে সদাই রহে প্রেমে ডুবিয়া, দাদু সেই প্রত্যক্ষরূপ নিশিদিন করিয়া চলিয়াছে দর্শন ।

নয়নের সন্মুখেও দেখ তিনিই, আত্মার অন্তরেও দেখ তিনিই, তিনিই তেজঃপুঞ্জ হইয়া সব আছেন পূর্ণ করিয়া, ঝিলমিলি ঝিলমিলি হইয়া তিনিই সবদিকে জাজ্জল্যমান ।”

৪: ষোণ সরোবর :

অখণ্ড সরোবর অখণ্ড জল হংসা সরবর ন্হাছি ।

শুন্ন সরোবর সহজকা হংসা কেলি করাছি ॥

দাদু দরিয়া প্রেমকা তাঁমৈ ঝুঁলৈঁ দোউ ।

এক আতম এক পরমাতমা অনুপম রস হোই ॥

“অখণ্ড সরোবর, অগাধ জল, হংসেরা সরোবরে করিতেছে স্নান ; শুণ্ড হইল সহজ (রসের) সরোবর, হংসেরা কবে সেথায় কেলি ।

হে দাদু, সেই সমুদ্র প্রেমের, তাহাতে দোল খাইতেছে দুই জনা । এক জনা আত্মা আর এক জনা পরমাত্মা, অনুপম রস (সেই খেলায়) ।”

৫: দৃষ্টি ষোণ দিয়া দেখ, তিনি ছাড়া কিছু নাই :

দাদু দেখেঁ নিজ পীর কৌ ঔর ন দেখেঁ কোই ।

পুরা দেখেঁ পীরকৌ বাহরি ভীতরি সোই ॥

দাদু দেখেঁ নিজ পীর কৌ দেখত হী তুখ জাই ।

হুঁ তো দেখেঁ নিজ পীরকৌ সবমেঁ রহা সমাই ॥

দাদু দেখেঁ নিজ পীর কৌ সোই দেখন জোগ ।

পরগট দেখেঁ পীরকৌ কহঁ। বতাইরে লোগ ॥

দাদু দেখু দয়াল কৌ সকল রহা ভরপুর ।

রূপ রূপ মৈঁ রমি রহা তুঁ জিনি জানৈ দুর ॥

দাদু দেখু দয়াল কৌ বাহর ভীতর সোই ।

সব দিসি দেখেঁ পীর কৌ দূসর নাহীঁ কোই ॥

দাদু দেখু দয়াল কৌ সনমুখ সাঙ্গঁ সার ।

জীধর দেখেঁ নৈন ভরি দীপৈ* সিরজনহার ॥

দাদু দেখু দয়াল কৌ রোকি রহা সব ঠৌর ।

ঘট ঘট মেরা সাইয়ঁ। তুঁ জিনি জানৈ ঔর ॥

* “তীধরি” পাঠও আছে ।

তন মন নাহী মৈ নহী নহী মায়া নহী জীব ।

দাদু একে দেখিয়ে দহ দিসি মেরা পীর ॥

“হে দাদু, আমি দেখিতেছি নিজ প্রিয়তমকে, আর তো দেখিতেছি না কাহাকেও ; ভরপুর দেখিতেছি প্রিয়তমকে, বাহিরে ভিতরে বিরাজিত তিনিই ।

হে দাদু, আমি দেখিতেছি নিজ প্রিয়তমকে, দেখা মাত্রই সব দুঃখ যায় দূরে ; আমি তো দেখিলাম প্রিয়তমকে, সব কিছু ও সকলের মধ্যে আছেন তিনি পূর্ণ সমাহিত হইয়া ।

হে দাদু, আমি দেখিতেছি নিজ প্রিয়তমকে, সেই দেখাটাই তো হইল যোগ , প্রত্যক্ষ দেখিতেছি প্রিয়তমকে, আর লোকেরা বলে কিনা তিন আছেন কোন ঠিকানায় ! (দূরে, অনুভবের বাহিরে, সকলের অতীত ঠিকানায় ইত্যাদিতে) ।

হে দাদু, চাহিয়া দেখ্ দয়ালকে, সকল ভরপুর করিয়া তিনিই বিরাজমান ; প্রতি রূপে রূপে তিনিই করিতেছেন বিহার, তুই মনে করিস্ না তিনি দূরে ।

হে দাদু, চাহিয়া দেখ্ দয়ালকে, বাহিরে ভিতরে তিনিই বিরাজিত, সকল দিকেই দেখি তছি প্রিয়তমকে, দ্বিতীয় আর তো কেউ নাই ।

হে দাদু, চাহিয়া দেখ্ দয়ালকে, সম্মুখেই প্রত্যক্ষ স্বামী (জীবনের) সার, যে দিকেই চাহি সে দিকেই নয়ন ভরিয়া দেখি সৃজনকর্তা বিধাতা দীপ্যমান ।

হে দাদু, চাহিয়া দেখ্ দয়ালকে সব ঠাই রহিয়াছেন তিনি ঠাসিমা অধিকার করিয়া (অবরুদ্ধ করিয়া) ; ঘটে ঘটেই আমার স্বামী, তুই যেন আবার অন্তরকম কিছু মনে না করিস্ !

তনু নাই, মন নাই, আমি নাই, নাই মায়া, নাই জীব ; হে দাদু দেখ একনাত্র তিনিই (আছেন) বিরাজিত, দশদিকেই রহিয়াছেন আমার প্রিয়তম।”

৩ : তিনি কাম ধেনু, তিনি কল্পবৃক্ষ :

কামধেনু করতার হৈ অম্লিত সররে সোই ।

দাদু বছরা দুধ কৌ পীরে তো সুখ হোই ॥

তরুর সাখা মূল বিন ধর অম্বর স্মারা ।
 অদিনাসী আনন্দ ফল দাদু কা প্যারা ॥
 প্রাণ তরোবর সুরতি জড় ব্রহ্ম ভোমী তা'মাহি' ।
 রস পীরে ফুলে ফলে দাদু সুরে নাহি' ॥

“করতার” (বিশ্বরচিতা) ই কামধেনু, অমৃত নির্ঝর ঝরিতেছে তাঁহা হইতে । দাদু তাঁর সেই ছুধের বৎস, সেই অমৃত পান করিলেই তো হয় আনন্দ ।

শাখা বিনা সেই তরুর, ধরিত্রী আকাশ হইতে সে স্বত ; অনন্ত আনন্দ তাহারই ফল, সেই ফলই তো দাদুর প্যারা (প্রিয়) ।

প্রাণ সেই তরুর, প্রেম তাহার মূল, ব্রহ্মই হইলেন তার মধ্যে আধারভূমি; হে দাদু সেই রস পান করলে (সাধক নিত্য) থাকে পুষ্পিত ও ফলন্ত হইতে, কখনও সে যায় না শুকাইয়া ।”

৭: দর্শনের উৎসব :

বিগসি বিগসি দরসন কঠৈ পুলকি পুলকি রস পান ।
 মগন গলিত মাতা রহৈ অরস পরস মিলি প্রাণ ॥
 দেখি দেখি স্মিরণ কঠৈ দেখি দেখি লর লীন ।
 দেখি দেখি তন মন বিলৈ দেখি দেখি চিত দীন ॥
 নিরখি নিরখি নিজ নাউ লৈ নিরখি নিরখি রস পীর ।
 নিরখি নিরখি পীর কো মিলৈ নিরখি নিরখি সুখ জীর ॥

“বিকশি’ বিকশি’ করিতেছে দরশন । পুলকে পুলকে চলিয়াছে রসপান । সেই রসে মগন হইয়া বিগলিত হইয়া রহিয়াছে মস্ত হইয়া, প্রাণের মাধ্যম চলিয়াছে নিবিড় দর্শন-স্পর্শন ।

তাঁহাকে দেখিয়া দেখিয়াই করিতেছি স্মিরণ (জপ), দেখিয়া দেখিয়াই হইতেছি ধোয়ান্দে লীন, দেখিয়া দেখিয়াই তনু মন হইতেছে বিলীন । দেখিয়া দেখিয়াই চিত্ত হইতেছে দীন ।

নিরখি’ নিরখি’ পরমাঙ্গার লও নাম, নিরখি নিরখি রস কর পান । নিরখি নিরখি গিয়া মেল প্রিয়তমের সঙ্গে, নিরখি’ নিরখি’ আনন্দে হও জীবন্ত ।”

৮ : অনুভবই জীবন্ত গুরু, শাস্ত্র, ও সাধনা :

অনুভব তৈঁ আনন্দ ভয়া পায়া নিরভয় নাউ ।
 নিহচল নিমল নিবান পদ অগম অগোচর ঠাউ ॥
 অনুভব বাণী অগম কৌ লে গই সংগি লগাই ।
 অগহ গহৈ অকহ কহৈ ভেদ অভেদ লহাই ॥
 ছো কুছ বেদ কেরণ তৈঁ অগম অগোচর বাত ।
 সো অনুভব সাচা কহৈ দাদু অকহ কহাত ॥
 দাদু বাণী ব্রহ্মকী অনুভব ঘটি পরকাস ।
 জব ঘটি অনুভব উপজৈ কিয়া করমকা নাস ॥
 জে কবুহুঁ সমঝৈ আতমা তো দৃঢ় গহি রাইখ মূল ।
 'দাদু সেঝা রামরস অমৃত কায়া কূল ॥

“অনুভব হইতেই হইল আনন্দ, নির্ভয় পাইলাম নাম ; অনুভবই অগম্য অগোচর ধাম ; অনুভবই নিশ্চল, নিশ্চল, নির্কারণ পদ ।

অনুভবই অগম্যের বাণী, (সে) লইয়া গেল (আমাকে) সঙ্গে যুক্ত করিয়া ; অনুভবই গ্রহণের অতীতকে করে গ্রহণ, বাক্যের অতীতকে করে (প্রকাশ করিয়া), ভেদকে দেয় অভেদ করিয়া ।

যাহা কিছু বেদ কোরণেরও অগম্য অগোচর কথা, অনুভবই তাহা বলে সত্য করিয়া ; হে দাদু, অনুভবই বাক্যের অতীতকে পারে কহিতে ।

হে দাদু, ব্রহ্মের যে বাণী, অনুভবের ঘটেই হয় তাহার প্রকাশ (অথবা অনুভবই হইল ঘটে প্রকাশিত ব্রহ্মবাণী) । যখনই ঘটে সেই অনুভব হইল উৎপন্ন অমনি সব কর্মের করিল বিনাশ ।

যদি কখনও কিছু সমঝিয়া থাক তবে দৃঢ় করিয়া মূলকে করিয়া থাক আশ্রয় । হে দাদু, রামরসের ঝরিতেছে ঝরণা, সকল কায়া হইয়া উঠিয়াছে অমৃতময় ।”

৯ : হৃদয়ের দীপ্ত কামলের মিলন :

দাদু গাফিল ছো রুঠৈ আহে মংখি অলাহ ।
 গিরী পাঁণ ছো পাণসৈ লহৈ সভোঈ সার ॥

দাদু পশু পিরঁনিকে পেহি মংষি কলুব ।
 বৈঠৌ আহে বিচমৈঁ পাণ জৌ মহবুব ॥*
 নুরী দিল অররাহ কা তহঁ। বসৈ মাবুদ ।
 তহঁ বংদে কী বংদগী জহঁ। রহৈ মোজুদ ॥
 নুরী দিল অররাহ কা তহঁ খালিক ভরপুর ।
 আলী নূর অলাহ কা খিদমদগার হজুর ॥
 নুরী দিল অররাহ কা তহঁ দেখ্যা করতার ।
 তহঁ সেরক সেরা করে অন্ত কলা রবি সার ॥
 তেজ কমল দিল নুরকা তহঁ। রাম রহিমান ।
 তহঁ কর সেরা বংদগী জে। তুঁ চতুর সয়ান ॥
 তহঁ হজুরী বংদগী তহঁ। নিরংজন সোই ।
 তহঁ। দাদু সিজদা করে জহঁ। ন দেখে কোই ॥
 হৌদ হজুরী দিলহী ভীতরি গুল হমারা সার ।
 উজু সাজি অল্লহকে আগৈ তহঁ। নিমাজ গুজার ॥

“হে দাদু, কেন অচেতন হইয়া বেড়াও ঘুরিয়া? আল্লা আছেন তোমারই
 অন্তরের মাঝে। আপনার স্বামী যে আছেন আপনারই মধ্যে, আপনিই
 তিনি লইতেছেন সর্ব স্বাদ।

চাহিয়া দেখ তোমার পরমেশ্বর, অন্তরের মাঝে হৃদয়-মন্দিরেই বিরাজিত
 প্রিয়তম! আপন প্রিয়তম যে অন্তরের মধ্যেই, সেখানেই আসিয়া বস।

অধ্যাত্ম হৃদয় হইল জ্যোতিষ্ময়, সেখানে পরিপূর্ণ জগন্নাথ বিরাজিত; সেই
 তো আল্লার পরমতম জ্যোতি; (সাধক) সেই মহাসত্তার সম্মুখে সেবার
 জন্ত সदा হাজির।

অধ্যাত্ম হৃদয় জ্যোতিষ্ময়, সেখানে দেখিলাম “করতার”; সেইখানে সেবক
 করে সেবা যেখানে অনন্তকলার সার রবি (প্রভা)।

* এই দুইটি বাণীর ভাষা সিদ্ধী

জ্যোতির অন্তরে দীপ্ত কমল, সেখানে দয়াময় ভগবান বিরাজিত, যদি তুই চতুর ও স্ববুদ্ধিমান হ'স, তবে সেখানেই কর সেবা প্রণতি ।

সেখানেই বিরাজমান প্রভু পরমেশ্বরের প্রতি প্রণতি, সেখানেই বিরাজিত স্বয়ং নিরঞ্জন, সেখানেই দাদু করে প্রণাম যেখানে কেহই পায় না দেখিতে ।

হৃদয়ের মধ্যেই ভাগবত ধারা-সরোবর, সেখানেই আমার আসল স্থান ।
সেখানেই “উজু” সারিয়া তাঁর কাছে নেমাজ করা চাই উপস্থিত ।”

১০ : মৃগায় চিন্ময় দুই হৃদয় :

দেহী মাহে দোই দিল এক খাকী এক নূর ।

খাকী দিল মূঝে নহী নূরী মংঝি হজুর ॥

পহলী প্রাণ পশু নর কীজৈ ঝঠ সাচ নিবের ।

অনীতি নীতি বুঝা ভলা অশুভ শুভমৈ ফের ॥

“এই দেহের মধ্যেই দুই হৃদয়, এক মৃগায় (ধূলিময়) আর এক জ্যোতির্ময় ;
মৃগায় হৃদয় দেখিতে পায় না (অন্ধ), জ্যোতির্ময়ের মধ্যে প্রভু বিরাজমান ।

প্রথমে পশুপ্রাণকে কর নরপ্রাণ, মিথ্যাকে করিয়া তোল সত্য । অনীতিকে
নীতিতে, মন্দকে ভালতে অশুভকে শুভতে কর পরিবর্তিত ।”

১১ : ষোগ্য হইলে তনে ষোগ হইয় : ষোগই উৎসব :

তেজ পুংজকী সুন্দরী তেজপুংজকা কংত ।

তেজপুংজকী মিলন হৈ দাদু বন্না বসংত ॥

পছপ প্রেম বরিসৈ সদা হরিজন খেলৈ ফাগ ।

ঐসা কোতিগ দেখিয়ে দাদু মোটে ভাগ ॥

অমিতধারা দেখিয়ে পার বন্ধ বরিসংত ।

তেজপুংজ ঝিলিমিলি ঝরৈ সাধু জন পীরংত ।

রসহী মৈ রস বরসিহৈ ধারা কোটি অনংত ॥

তই মন নিহচল রাখিয়ে দাদু সদা বংসত ॥

ঘন বাদল বিন বরসিহৈ নীঝর নিরমল ধার ।

তই চিত চাতিগ হ'রৈ রহা ধনি ধনি পীরনহার ॥

“তেজঃপুঞ্জেরই স্কন্দরী (এই জীবাশ্ম), তেজঃপুঞ্জেরই কাস্ত (পরমাশ্মা) ।
তেজঃপুঞ্জে তেজঃপুঞ্জে চলিয়াছে মিলন, হে দাদু, কি বসন্ত পাইতেছে শোভা !

প্রেমপুষ্পের সদা চলিয়াছে বরিষণ, হরিজন খেলিতেছেন ফাগের খেলা ;
এমন আনন্দলীলা যে দেখিতেছ, হে দাদু, তোমার ধন্য ভাগ্য ।

চাহিয়া দেখ পরব্রহ্ম বসিতেছেন অমৃতধারা । তেজঃপুঞ্জই চঞ্চল হইয়া
বসিতেছে ঝিলমিলি করিয়া, সাধকজন করিতেছেন তাহা পান ।

রসের মধোই হইবে রসের বর্ষণ, অনন্তকোটিধারায় চলিয়াছে সেই বর্ষণ ;
সেখানে মন রাখ নিশ্চল করিয়া, হে দাদু, সদাই তবে বসন্ত ।

মেঘ বাদল বিনাই বরষে নির্ঝর নির্ঝলধারা ; সেখানে চিত্ত বহিয়াছে
চাতক হইয়া, ধন্য ধন্য সে যে ইহা করিতে পারে পান ।”

**১২ : প্রত্যক্ষ আরাতি কর অন্তরে :
অনন্ত হউক সেই আরাতি :**

ঘট পরটে সেরা করে পরতথ দেখে দেব ।

অরিনাসী দরসন কবে দাদু পুরী সের ॥

পূজনহারে পাস হৈঁ দেহী মাঁহৈঁ দেব ।

দাদু তাকৌ ছাড়ি করি বাহর মাঁড়ী সের ॥

মাঁহৈঁ কীজৈ আরাতি মাঁহৈঁ সেরা হোই ।

মাঁহৈঁ সতগুরু সেঠয়ে বুঝে বিরলা কোই ॥

দাদু অবিচল আরাতি জুগ জুগ দেব অনন্ত ।

সদা অখণ্ডিত একরস সকল উতাইঁ সংত ॥

“এই ঘটের পরিচয় করিয়া যদি সেবা করে, যদি (ঘটের মধ্যে) দেবতাকে
প্রত্যক্ষ দেখে, অরিনাসী ব্রহ্মের যদি দরশন করে, তবে হে দাদু, পূর্ণ
হয় সেবা ।

ওরে পূজক, পাশেই তিনি আছেন, দেহের মধোই দেবতা বিরাজমান ; হে
দাদু, তাঁহাকে ছাড়িয়া কিনা বাহিরে করিতে গেল সেবা !

অন্তরের মধোই কর আরাতি, অন্তরেই হইবে সেবা, অন্তরের মধোই
শুদ্ধগুরুকে কর সেবা, কচিৎই কেহ বুঝে এই তত্ত্ব ।

হে দাদু, যুগে যুগে (চলিয়াছে) তাঁর অবিচল আরতি, যুগে যুগে বিরাজমান অনন্ত দেবতা। সদা অখণ্ডিত একরস সেই আরতির, (যুগে যুগে সকল জগতের) সকল সন্ত সাধক মিলিয়া ভগবানের চারিদিকে করিয়া চলিয়াছেন এই আরতি।”

১৩: ষথার্থ ভক্তি ও অন্তরে :

ভগতি ভগতি সব কোঠি কই ভগতি ন জানৈ কোঠি ।

দাদু ভগতি ভগবংতকী দেহ নিরংতর হোই ॥

সবদৈ সবদ সমাই লে পরমাতম সৌ প্রাণ ।

য়হু মন মন সৌ বাঁধি লে চিত্তেঁ চিত্ত সৃজাণ ॥

সহজৈঁ সহজ সমাই লে জ্ঞানৈঁ বাঁধা জ্ঞান ।

মর্মৈঁ মর্ম সমাই লে ধ্যানৈঁ বাঁধা ধ্যান ॥

দৃষ্টৈঁ দৃষ্টি সমাই লে সুরতৈঁ সুরতি সমাই

সমবৈঁ সমব সমাই লে লৈ সৌ লৈ লে লাই ॥

ভারৈঁ ভার সমাই লে ভগতৈঁ ভগতি সমান ।

প্রেমৈঁ প্রেম সমাই লে প্রীতৈঁ প্রীতি রস পান ॥

সুরতৈঁ সুরতি সমাই রহু অরু বৈনল সৌ বৈন ।

মনহী সৌ মন লাই রহু অরু নৈনল সৌ নৈন ॥

“ভক্তি ভক্তি বলে সবাই, অথচ ভক্তি (ভক্তির তত্ত্ব) জানে না কেহই ।
হে দাদু, ভগবানের প্রতি ভক্তি নিরন্তর হয় এই দেহের মধ্যেই ।

(তাঁহার) ‘সবদেই’ (সঙ্গীতেই) করিয়া নে তোর ‘সবদ’ সমাহিত, পরমাঙ্গাতেই সমাহিত কর তোর প্রাণ । এই মন (তাঁর) মনের সঙ্গেই নে (এক সুরের) বাঁধিয়া, এই চিত্ত বাঁধিয়া নে সেই চিত্তেরই, সঙ্গে তনে তো নৃসিং তুই রসিক সৃজান ।

(সেই) সহজেই করিয়া নে (তোর) সহজ সমাহিত, (সেই) জানেই সমাহিত কর (তোর) জ্ঞান ; (তাঁর) মর্মেই সমাহিত কর তোর মর্ম, (তাঁর) ধ্যানের সঙ্গেই (এক সুরের) বাঁধিয়া নে তোর ধ্যান ।

তাঁর দৃষ্টিতে সমাহিত করিয়া নে তোর দৃষ্টি, তাঁর প্রেমধানে সমাহিত করিয়া

নে তোর প্রেমখ্যান। তাঁর সমঝে সমাহিত কর তোর সমঝ, তাঁর লয়ে সমাহিত কর তোর লয়।

(তাঁহার) ভাবেই তোর ভাব করিয়া নে সমাহিত, (তাঁহার) ভক্তিতেই সমাহিত কর তোর ভক্তি, (তাঁর) প্রেমেই প্রেমকে তোর নে সমাহিত করিয়া, তাঁর প্রীতির সঙ্গে প্রীতি মিশাইয়া কর প্রীতি রস পান।

(তাঁর) প্রেমানন্দে থাক (তোমার) প্রেমানন্দ সমাহিত করিয়া, আর (তাঁর) বাণীতে থাক করিয়া (সমাহিত) (তোমার) বাণী; (তাঁর) মনের মধ্যে রহ (তোমার) মন আনিয়া ডুবাউয়া দিয়া, আর তাঁর নয়নে ডুবাউয়া রহ তোমার নয়নে।”

১৪: সেবান্ন রহস্য :

সেরক বিসরৈ আপকৌ সেবা বিসরি ন জাউ ।
দাদু পৃষ্ঠে রামকৌ মো তত কতি সমঝাউ ॥
দাদু জবলগ রাম হৈ তবলগ সেরক হোউ ।
অখণ্ডিত সেবা একরস দাদু সেরক সোউ ॥
সাজঁ সরীখা সুমিরণ কীজৈ সাজঁ সরীখা গারৈ ।
সাজঁ সরীখা সেবা কীজৈ তব সেরক সুখ পারৈ ॥
সেরক সেবা করি ডরৈ তমতৈঁ কছ ন হোউ ।
তুঁ হৈ তৈসী বঃদগী করি নহিঁ জানৈ কোউ ॥
জহঁ সেরক তহঁ সাতিব বৈঠা সেবক সেবা মাহিঁ ।
দাদু সাজঁ সব করৈ কোঈ জানৈ নাহিঁ ॥
সেরক সাজঁ বস কিয়া মৌপ্যা সব পরিবার ।
তব সাতিব সেবা করৈ সেরক কে দরবার ॥

“দাদু জিজ্ঞাসা করেন রামকে, “সেই তবুটি বল বুঝাইয়া যাহ’তে “সেবক আপনাকে ফেলে হারাউয়া অথচ সেবা কিছুতেই হারায় না।”

হে দাদু, বতঙ্গণ রাম আছেন ততঙ্গণ সেবক হইয়াই আছেন। অগণ্ডিত সেবার যাহার এক রস, তাহাকেই হে দাদু, বলা যায় সেবক।

স্বামীর সাথে সনানে সমান হইয়া (শরীক হইয়া) কর “সুমিরণ”, স্বামীর “শরীক” হইয়া কর গান, স্বামীর “শরীক” হইয়া কর সেবা, তবেই তো সেবক পাইবে আনন্দ ।

ওরে সেবক, “আমা হইতে কিছুই হইবে না”, মনে করিয়া সেবা করিতে তুই পাস্ ভয় ? তুই যে আছিস্ ঠিক তেমনতর প্রণতি । বংদগী-সেবা) টুকুই কর, (না হয়) আর কেহই না জাণুক. না হয় তুইও আর কিছু না-ই জানিলি ।

যেখানে সেবক সেখানেই স্বামী বিরাজমান, সেবার মধ্যেই সেবক সতা ; হে দাদু, স্বামীই তো করেন সব, কেহই তাহা পারে না বুঝিতে ।

সেবক যেই সব-পরিবার স্বামীকে সঁপিল অমনি করিল তাঁহাকে বশ ; তখন সেবকের দরবারে (হাজির থাকিরা) স্বামীই করিতে থাকেন সব সেবা ।”

**১৫ : জীবকে পাইয়া ভগবান প্রভু,
ভগবানকে পাইয়া জীব প্রভু :**

সাধ সমানা রামের রাম রহা ভরপুর ।

দাদু দুন্দু এক রস কোঁা করি কীজৈ দূর ॥

সেরক সান্তঁ কা ভয়া তব সেরককা সব কোই ।

সেরক সান্তঁ কো মিলে সান্তঁ সরীথা হোই ॥

মিসিরি মাইই মেলি করি মোলি বিকানা বংস ।

যৌ দাদু মইঁগা ভয়া পারব্রজ মিলি হংস ॥

“সাধক যেই ভরপুর ডুবিলেন রামের মধ্যে অমনি রামও উঠিলেন ভরপুর হইয়া, হে দাদু, দুইই যে এক-রস (“রসে দুই জনই এক”—এই অর্থও হয়), কেমন করিয়া তবে কর দূর ?

সেবক যেই হইল স্বামীর আপন, তখন সবাই হইল সেবকের আপনাত, স্বামীর সমদক্ষা (সরীথ) হইয়াই তো সেবক স্বামীর সঙ্গে পারিল মিলিতে ।

মিছরির মধ্যেই মিলিয়া বেক মূলো বিকটিল বাণ, এতক্রমেই পরব্রহ্মের সঙ্গে মিলিয়া হংস (সাধক) হইল মধ্যমলা !”

১৬ : ভক্তিতে তাঁর সন্ধে সমান :

জৈসা রাম অপার হৈ তৈসী ভগতি অগাধ ।

ইন দোনাঁকী মিত নহীঁ সকল পুকারৈঁ সাধ ॥

জৈসা অবিগত রাম হৈ তৈসৌ ভগতি অলেখ ।
 ইন দোনেঁকী মিত নহৌঁ সহসমুখী কহে সেখ ॥
 জৈসা নিরঞ্জন রাম হৈ ভগতি নিরঞ্জন জানি ।
 ইন দোনেঁকী মিত নহৌঁ সন্ত কহেঁ পররাণি ॥
 জৈসা পূরা রাম হৈ পূরণ ভগতি সমান ।
 ইন দোনেঁকী মিত নহৌঁ দাদু নাহৌঁ আন ॥

“যেমন অপার আমার রাম, তেমনই অগাধ আমার ভক্তি ; এই দুইয়ের মধ্যে (কোথাও) নাই টানাটানি (সীমা), সকল সাধুই ইহা উচ্চকণ্ঠে করেন ঘোষণা ।

যেমন অবর্ণনীয় আমার রাম, তেমনই “অলেখ” (অবর্ণনীয়) আমার ভক্তি ; এই দুইয়ের মধ্যে (কোথাও) নাই টানাটানি, সহস্রমুখে শেষ (অনন্ত) ইহা করেন ঘোষণা ।

শ্রুগাতীত যেমন আমার রাম, আমার ভক্তিকেও তেমনই জানিও নিরঞ্জন ; এই দুইয়ের মধ্যে (কোথাও) নাই কিছুই টানাটানি, সাধকেরাই কহিবেন ইহার প্রামাণ্যতা ।

পরিপূর্ণ যেমন আমার রাম, সমান পূর্ণ (আনার) ভক্তি ; এই দুইয়ের মধ্যে (কোথাও) নাই টানাটানি, হে দাদু, কোথাও ইহার আর নাই অণুখা ।”

**২৭। সাধুর রুচি নামের সুমিরণে,
 নামের রুচি সাধুর সুমিরণে :**

রাম জপৈ রুচি সাধুকো সাধু জপৈ রুচি রাম ।
 দাদু দোনেঁ। এক টগ সম আরংভ সম কাম ॥
 জৈসে স্রবঁনা দোই হৈঁ ঐসে হোহিঁ অপার ।
 রামকথারস পীজিয়ে দাদু বারংবার ॥
 জৈসে নৈঁনা দোই হৈঁ ঐসে হোহিঁ অনন্ত ।
 দাদু চন্দ চকোর জেঁয়া রস পীঠে ভগবন্ত ॥
 জেঁয়া রসনা মুখ এক হৈঁ ঐসে হোহিঁ অনেক ।
 তৌ রস পীঠে সেস জেঁয়া য়োঁ মুখ মীঠা এক ॥

জ্যোঁ ঘটি আতম এক হৈ এসে হোহিঁ অসংখ ।
 ভরি ভরি রাঁখে রামরস দাদু একৈ অংক ॥
 দাদু হরিরস পীরতা কবহুঁ অরুচি ন হোই ।
 পীরত প্যাসা নিত নরা পীরনহারা সোই ॥

“সাধুর কুচি রামরূপে, রামের কুচি সাধুরূপে : হে দাদু, এই দুইজনাই এক ভাবের ভাবুক । দুইএরই সম-আরম্ভ দুইজনেরই সম-কাম ।

যেমন শ্রবণ মাত্র দুইটিই আছে এমন যদি শ্রবণ হয় অপার, তবে, হে দাদু, বারম্বার (সর্বশ্রবণে) কেবল রাম-কথা-রসই কর পান ।

যেমন নয়ন দুইটিই আছে এখন যদি হয় অনন্ত নয়ন, হে দাদু, চকোর যেমন চক্রে (রূপ) পান করে, তেমন ভগবানের (রূপ) রস পার পান করিতে ।

যেমন একটিমাত্র মুখ একটিমাত্র রসনা । এমন যদি অনেক হয় মুখ রসনা তবে হয়তো অনন্ত নাগের মত করা যাউত সেই রস পান, এখন এমনি তো একটিমাত্র মুখই হয় মিঠা ।

যেমন একটিমাত্র আত্মার দৃষ্টি এমন যদি অসংখ্য হইত আত্মার ঘটি । তবে ভরিয়া ভরিয়া রাখা যাউত বামরস, হে দাদু, একথা নিশ্চয় (এই কথা এক আঁচড়ে লিখিয়া দেওয়া যায়) ।

হে দাদু, হরি রস পান করিতে করিতে কখনই হয় না অরুচি । পান করিতে করিতে নিত্য নূতন হয় যার পিপাসা সে-ই তো হইল পান-রসিক ।”

১৮ : খুঁজিলেই পাইবে :

খোজি তহাঁ পির পাঠয়ে সবদ উপনৈ পাস ।
 তহাঁ এক একাংত হৈ তহাঁ জোতি পরকাস ॥
 খোজি তহাঁ পির পাঠয়ে চন্দ ন উগৈ সুর ।
 নীরংতর নিরধার হৈ তেজ রহা ভরপুর ॥
 খোজি তহাঁ পির পাঠয়ে অজরা অমর উমংগ ।
 জরা মরণ ভও ভাঙ্গসী রাঁখে অপনে সংগ ॥

জব দিল মিলিা দয়াল সৌ তব সব পরদা দূর ।

ঐসে মিলি একৈ ভয়া অংতর বাহর পূর ॥

“(অস্তরের মধ্যে) খুঁজিলেই পাইবে প্রিয়তমকে, তার পাশেই সবদ (সঙ্গীত) হয় উৎসারিত, একমাত্র সেখানেই একেবারে নিভৃত, সেখানেই জ্যোতির প্রকাশ ।

খুঁজিলেই সেখানে পাইবে প্রিয়তমকে সেখানে না চন্দের না সূর্যের হয় উৎস, সেখানে নিরস্তর নিরাধার ভরপুর হইয়া বিরাজমান সেই জ্যোতি ।

খুঁজিলেই সেখানে প্রিয়তমকে পাইবে, সেখানে অজর অমর আনন্দ-উচ্ছ্বাস । যদি আপন সঙ্গ তঁাহাকে রাখিতে পার তবে জরা মরণের ভয় করিবে পলায়ন ।

যখন দয়াময়ের (হৃদয়ের) সঙ্গ মিলিল হৃদয় তখন সব পরদা হইয়া গেল দূর, এমন করিয়া (হৃদয়ে হৃদয়ে) মিলিয়া দুই হইয়া গেল এক, অস্তর বাহির হইল পূর্ণ ।”*

১৯ : প্রিয়তমের সঙ্গ নিত্য খেলা :

রংগ ভরি খেলৌ পীর সৌ তই বাইছে বেন রসাল ।

অকল পাট পরি বৈঠা স্বামী প্রেম পিলাটের লাল ॥†

রংগ ভরি খেলৌ পীর সৌ কবছ' ন হোই বিয়োগ ।

আদি পুরুষ অংতির মিল্যা কছু পূরবলে সংজোগ ॥

রংগ ভরি খেলৌ পীর সৌ বারহ মাস বসংত ।

সেবগ সদা আনন্দ হৈ জুগি জুগি দেখৌ কংত ॥

“রংগ ভরি খেলিতেছি প্রিয়তমের সঙ্গ, বাজিতেছে রসাল বেণু ; অখণ্ড সিংহাসনে উপবিষ্ট প্রেমবাকুল স্বামী, প্রিয়তম পান করাইতেছেন প্রেম ।

রংগভরি খেলিতেছি প্রিয়তমের সঙ্গ, সে মিলনে কখনও হইবার নহে

* “অস্তর বাহর পূর” স্থানে—“বহু দীপক পাবক পূর” পাঠও আছে ।
তাহার অর্থ হইবে “বহু দীপ যেমন অগ্নিতে দেয় আপনাকে ভরপুর মিশাইয়া ।”

† এখানে “লাল” অর্থে প্রিয়তম ও রক্তবর্ণ প্রেম-সুরা উভয় অর্থই প্রদানিত হয় ।

বিয়োগ ; আদি পুরুষ মিলিলেন আসিয়া অন্তরে, ইহা কিছু প্রাক্তন সৌভাগ্যের সংযোগ ।

রজ্জু ভরি খেলিতেছি প্রিয়তমের সঙ্গে, বারমাসই (সেই লীগারসের) বসন্ত, সেবকের সদাই এই আনন্দ যে যুগ যুগ দেখিতেছি কাস্তকে ।”

২০ : নিরন্তর খেলা :

নীরন্তর পির পাইয়া জহঁ নিগম ন পছঁটে বেদ ।

তেজ্জ সক্রুপী পির বসৈ বিরলা জ্ঞানৈ ভেদ ॥

নীরন্তর পির পাইয়া তীনি লোক ভরপুরী ।

সব সৌ জো সাজঁ বসৈ* লোক বতাইরে দূরি ॥

নীরন্তর পির পাইয়া জহঁ আনন্দ বারহ মাস ।

হংস সৌ প্রমহঁস খেলৈ তহঁ সেরগ স্বামী পাস ॥

“নিরন্তর পাইতেছি প্রিয়তমকে, যেখানে না নিগম না বেদ পারে পৌছিতে ; তেজ্জস্বরূপ প্রিয় যেখানে করেন বাস, সেখানকার মন্ব ক্ৰুচিৎই কেহ জানে ।

নিরন্তর পাইতেছি প্রিয়তমকে, তিন লোক ভরপুর করিয়া তিনি বিরাজমান । সবার সঙ্গে সঙ্গে যে স্বামী করেন বাস, লোকে কিনা বলে তাঁকে দূরে !

নিরন্তর পাইতেছি প্রিয়তমকে । যেখানে বার মাসই আনন্দ । হংসের (সাধকের) সঙ্গে পরমহংসের চলিয়াছে খেলা ; সেখানে সেবক আছে স্বামীরই পাশে ।”

২১ : জমর মজিয়াছে এই কমল-রসে :

ভরঁর করঁল রস বেধিয়া সুখ সরসর রস পীর ।

সহজঁ আপ লখাইয়া পির দেখে সুখ জীর ॥

ভরঁব করঁল রস বেধিয়া গহে চরণ কর হেত ।

পির জী পরসত হী ভয়া রোম রোম সব সেত ॥

ভরঁর করঁল রস বেধিয়া অনত ন ভরঁমৈ জাই ।

তহঁ বাস বিলথিয়া মগন ভয়া রস খাই ॥

*সব সৌজো সাজঁ বসৈ” পাঠও আছে ।

“ভ্রমর হইল কমল রসে বিদ্ধ, আনন্দ-সরোবরের রস কর পান ; সহজেই তিনি দেখাইলেন আপনাকে, প্রিয়তমকে দেখিয়া থাক আনন্দে ।

ভ্রমর হইল বিদ্ধ কমলরসে, চরণ ধরিয়া জানাও ব্যাকুলতা ; প্রিয়তম এই জীবন পরণ করিবামাত্রই (এ দেহের) অণু পরমাণু (রোম রোম) সব হইয়া গেল শুভ্র নির্মল ।

কমলরসে বিদ্ধ হইল ভ্রমর, অন্মত্ৰ যাইয়া আর সে বেড়ায় না ভ্রমিয়া ; সেখানেই বাস অবলম্বন করিয়া মগ্ন হইয়া সেই রস করে চির সন্তোগ ।”

২২ : বাণী সঙ্গীত ও ঔঁকারের মূল :

জ্ঞান লহরী জহঁ তেঁ উঠে বাণী কা পরকাস ।

অনভর জহঁ তেঁ উপজৈ সবদ কিয়া নিবাস ॥

জহঁ তন মনকা মূল হৈ উপজৈ ঔঁকার ।

তহঁ দাদু নিধি পাইয়ে নিরন্তর নিরাধার ॥

“জ্ঞান লহরী যেখান হইতে উঠে সেখানেই বাণীর প্রকাশ ; অম্ভব যেখান হইতে উপজিতেছে সেখানে “সবদের” (সঙ্গীত) হইল নিবাস ।

যেখানে তহু মনের মূল সেখানেই উপজিতেছে ঔঁকার ; সেখানেই, হে দাদু, পাইবে নিরন্তর নিরাধার সেই নিধি ।”

২৩ : রসের মাতাল রস ছাড়া কিছুই জানেন না :

জ্যেঁ রসিয়া রস পীরতা আপা ভুলে ঔর ।

য়েঁ দাদু রহি গয়া এক রস পীরত পীরত ঠৌর ॥

মহারস মীঠা পৌজিয়ে অরিগত অলখ অনন্ত ।

দাদু নিরমল দেখিয়ে সহজৈ সদা ঝরন্ত ॥

প্রেম পিয়লা নুরকা আসিক ভরি দীয়া ।

দাদু দর দিদার মৈঁ মত্তরালা কীয়া ॥

দাদু অমলী রামকা রস বিন রহা ন জাই ।

পলক এক পীরে নহীঁ তলফি তলফি মরি জাই ॥

দাদু মাতা রামকা পীরে প্রেম অঘাই ।

মতরালা দীদারকা মাইগে মুকুতি বলাই ॥

“রসের রসিক যেমন রস পান করিতে করিতে আত্ম-পর সব যায় ভুলিয়া ;
তেমনি, হে দাদু, পান করিতে করিতেই এক-রস যায় রহিয়া, পান করিতে
করিতেই মিলিয়া যায় সেই ঠিকানায় ।

মিষ্ট মহারস কর পান, অনির্কচনীয় অলপ অনন্ত সেই রস । হে দাদু,
দেখ নির্ঝল সেই রস সহজেই নিরন্তর চলিয়াছে ঝরিয়া ।

আলোকের পেয়ালায় প্রেমময় দিলেন প্রেম ভরিয়া • হে দাদু, সাক্ষাৎরূপ
দেখাইয়া রূপ-রসে তিনি করিয়া দিলেন মাতাল ।

দাদু হইল রামের মাতাল, রস বিনা সে (কণমাত্র) পারে না থাকিতে,
এক পলক যদি সেই রস সে না পান করে তো ছটফট করিয়া করিয়া যায় মরিয়া ।

রামের সঙ্গে দাদু হইয়াছে অতুরক, সে ভরপুর করিতেছে প্রেমরস পান ;
যে তাঁর প্রত্যক্ষরূপে হইয়াছে মাতাল, সে কি আর কখনো মুক্তির বালাই
বেড়ায় মাগিয়া ?”

২৪ : প্রেমের মাতাল রসে ডুবিলা :

পরটে কা পয় প্রেমরস পীরে হিত চিত লাই ।

মতরালা মাতা রহৈ দাদু কাল ন খাই ॥

দাদু দরিয়ার প্রেমরস তামৈ মিলন তরংগ ।

ভরপুর খেলৈ রৈন দিন অপনে পীতম সংগ ॥

চিড়ী চ'চ ভরি লে গঙ্গ নীর নিঘটি নহিঁ জাই ।

ঐসা বাসন না কিয়া সব দরিয়া মাহিঁ সমাই ॥

দাদু মাতা প্রেমকা রস মৈঁ রহা সমাই ।

অংত ন আঁরৈ জব লগি তব লগি পীরত জাই ।

সংগত পংগত ধরম ছাটৈ জব রসি মাতা হোই ।

জব লগি দাদু সাবধাঁ কধাঁ ন ছাটৈ কোই ॥

অথবা “প্রেম হইল জ্যোতির পেয়ালা ।”

“প্রিয়তমের সঙ্গে প্রত্যক্ষ মিলনের রস হইল প্রেমরস, প্রেম ও হৃদয় দিয়া কর এই রস পান; এই রসেই মাতাল হইয়া থাক নিরন্তর যত্ন, তবে তোমাকে কখনো কাল পারিবে না ধাইতে।

হে দাদু, প্রেমের রসের সেই সাগর, তাহাতে চলিয়াছে মিলনের তরঙ্গ। আপন প্রিয়তমের সঙ্গে সেখানে দিবানিশি খেল ভরপুর খেলা।

ক্ষুদ্র পক্ষী চঞ্চু ভরিয়া (সেই রস) লইয়া গেলে তো আর (সমুদ্রের) জল কিছু যাইবে না কমিয়া; এমন কোনো বাসন করাই অসম্ভব যাহাতে সেই অসীম সাগর পারে আঁটিতে।

দাদু প্রেমের মাতাল, সেই রসেই সে আছে ভরপুর ডুবিয়া; যতক্ষণ পর্যাস্ত অস্ত আসিয়া না উপস্থিত ততক্ষণ পর্যাস্ত করিয়া চল পান।

যখন কেহ রসে হইয়া যায় যত্ন তখন, সমাজ (সঙ্গতি), জাতি কুল (পংক্তি), ধর্ম সবই নেয় সে ছাড়িয়া; হে দাদু, যতক্ষণ পর্যাস্ত কেহ সাবধান (সচেতন) থাকে ততক্ষণ কিছুতেই কেহই কিছু দেয় না ছাড়িয়া। (তাহাকেও কেহ ছাড়ে না। মুক্তির একমাত্র উপায়ই হইল ব্রহ্মরসে যত্ন হওয়া)।

২৯: মুক্তি:

ফল পাকা বেলী তক্তী ছিটকায়া মুখে মাছি*।

সার্ঙ্গ* আপনা করি লিয়া সো ফিরি উঠৈ নাহি ॥

ফল পাকিল, শাখা ভাগ করিয়া আনন্দের মাঝে পড়িল ঝাঁপ দিয়া, স্বামী সেই ফল করিয়া লইলেন স্বীকার, সে ফল তো আর কখনও হইবে না অঙ্কুরিত।”

* “ছিটকায়া মুখ মাছি” পাঠও আছে। অর্থ—“তাঁহার মুখে পড়িল ছিটকাইয়া।”

পঞ্চম প্রকরণ—পরিচয়

তৃতীয় অঙ্ক—“অবিহড়”

(অশ্বথু, অনশ্বর, যাহার সঙ্গে কখনো
ঘটে না বিচ্ছেদ)

যিনি জীবন মরণের সাথী, যার গুণতা ও বিনাশ নাই, যার পরিবর্তন নাই
যিনি অমৃত-উৎস, যিনি সত্য-বিধাতা, যিনি অবিচল সর্বব্যাপী তাঁহারই উপর
নির্ভর কর। আর যাহা কিছুর উপর নির্ভর কবিত্তে ঘাইবে দেখিবে
কোনোটাই নির্ভরের যোগা নহে, কারণ সবই নশ্বর ও গুণিত।

সংগী সোঈ কীজিয়ে সুখ দুখকা সাথী।

দাদু জীবন মরণকা সো সদা মংঘাতী ॥

সংগী সোঈ কীজিয়ে কবহুঁ পলটি ন জাই।

আদি অংতি বিহড়ৈ নহীঁ তা মন য়ছ মন লাই ॥

দাদু অবিহড় আপ হৈ অমর উপারনহার।

অবিনাসী আপৈ রহৈ বিনসৈ সব সংসার ॥

দাদু অবিহড় আপ হৈ মাচা সিরজনহার।

আদি অংত বিহড়ৈ নহীঁ বিনসৈ সব আকার ॥

দাদু অবিহড় আপ হৈ অবিচল রহা সমাটী।

নিহচল রমিতা রাম হৈ জো দৌসৈ সো জাই ॥

“সঙ্গী কর তাঁহাকেই যিনি সুখ দুঃখের সাথী : হে দাদু, তিনিই জীবনের
মরণের নিত্য সঙ্গী :

সঙ্গী কর অটল অবিকার তাঁহাকেই যাহার সাথে কখনও হয় না বিচ্ছেদ।
আদি অমৃত যার সঙ্গে ঘটে না বিচ্ছেদ তাঁর সঙ্গেই এই মন কর ধ্যান-যুক্ত।

হে দাদু, পরমাত্মাই অবিচ্ছিন্ন অবিনশ্বর, তিনিই অমৃত-উৎস সৃষ্টির
মুগ্ধাধার ; সব সংসারই হইবে বিনষ্ট, কেবল থাকিবেন শুধু অবিনাশী স্বয়ম্।

হে দাদু, তিনিই নিত্যযুক্ত অবিচ্ছিন্ন তিনিই মাচা সৃষ্টিকর্তা বিধাতা।

তিনি অটল অবিকার, আদি অস্ত কোথাও তাঁর সঙ্গে ঘটে না বিচ্ছেদ ; সকল আকারের হয় বিনাশ ও বিলয় ।

হে দাদু, তিনিই বিচ্ছেদহীন নিত্যযুক্ত তিনি অবিচল, তিনি আছেন (সব কিছু) ভরপূর করিয়া ; তিনি নিশ্চল, তিনিই পরমানন্দবিহারী ভগবান, (আর) যাহা কিছু বাহ্য দৃশ্য সবই যায় চলিয়া ।”

পঞ্চম প্রকরণ—পরিচয়

চতুর্থ অঙ্ক—সাম্বীভূত (সাক্ষীভূত)

আমাদের মধ্য দিয়া ভগবানই সব করিতেছেন । আমরা যে কাজ করি, আমাদেরও তো অস্তরাত্মা তিনিই । কাজেই তিনিই যন্ত্ররূপে আসল কর্তা, আমরা কেবল যন্ত্রমাত্র । লোকে তো বলে না যে হাত বা পা ইহা করিয়াছে, মালিকেরই সব কর্তৃত্ব । আমরা সেই পরম মালিকের যন্ত্র-স্বরূপ । তিনিও অস্তরে থাকিয়া এই উপদেশ দিতেছেন যে, “আমাকেই কর্তা জানিয়া সদা স্মরণ কর, তবেই তোমার মাথায় আর কোনো ভার থাকবে না ।”

আমরা ঈশ্বরকে এতদূর ছোট করিয়া ফেলিয়াছি যে আমরা তাঁহাকে নাওয়াই, খাওয়াই, পান করাই । যিনি বিশ্বের ও আমাদের সত্তা প্রতিমূর্ত্তে দান করিতেছেন তাঁকে কিনা আমরা দেই খাওয়াইয়া ! আমাদের ক্ষুদ্র পূজার এই খেলায় তাঁর যে কত বড় অপমান তাহা সাধারণ বুদ্ধিতেই বোঝা যায় ।

রাজা যেমন মহলে (প্রাসাদে) সবার অলক্ষ্যে বসিয়া সব কাজ চালান এই বিধে তেমনি তাঁর কাজ । মহলের ভিতরে বাহিরে ক্ষুদ্র দাসদের বিষয় হাঁকাহাঁকিতে মোহগ্রস্থ হইয়া যে তাহাদিগকেই স্বামী বলিয়া স্বীকার করিল সে নিজের জীবনটাকেই গেল করিয়া ব্যর্থ । প্রভুকে হাঁকাহাঁকি করিতে দেখি না বলিয়া যে তাঁহাকে স্বীকারই করিব না আর শুধু হাঁকাহাঁকির চোটে দাসদেরই করিব স্বীকার, ইহা অতি অঘণ্ট নাস্তিকতা ।

খেলার একটা বয়স আছে । বৃদ্ধেরা যখন শিশু হইয়া খেলে তখন তাহা

হইয়া ওঠে প্রহসন। তারপর ভগবানকেই যখন পুতুল বানাইয়া খাওয়াই পরাই ও চালাই তখন সেই বাগমূলভ প্রহসন হইয়া ওঠে মারাত্মক খেলা। এমন জীবন-দাতাকে যাহারা বানায় নিজীব পুতুল তাহারা আর জীবন পাইবে কোথায় ?

এই সব নির্বোধের দল আবার নানারূপ সূক্ষ্ম বুদ্ধির চাতুরীকে করিতে চায় আপন সহায়। এইরূপ নির্বোধ অথচ চতুরের দলের কি আর কোনো উপায় আছে ? এইরূপ চাতুরীর মধ্যে যে কত বড় নাস্তিকতা প্রচ্ছন্ন রহিয়াছে তাহা কি কেহ ইহাদের বুঝাইয়া দিতে পারে ? এই সব নির্বোধ-চতুর নাস্তিকদের কে দিতে পারে মনুষ্যত্ব ?

১। কর্তা তিনিই, জীব সাক্ষীভূত- মাত্র।

আপ অকেলা সব করৈ ঘটমৈ লহর উঠাই ।

দাদু সির দে জীরকে যুঁ শ্বারা হরৈ জাই ॥

আপ অকেলা সব করৈ ঔরোঁ কে সিরি দেই ।

দাদু সোভা দাস কুঁ অপনা নার ন লেই ॥

ব্রহ্ম জীর হরি আতমা খেলৈঁ গোপী কান ।

সকল নিরন্তরি ভরি রহা সাধীভূত সূজাগ ॥

“আপনি একাই সব করেন, ঘটের মধ্যে তোলেন লহর, হে দাদু, জীবের মাথায় (জীবের নামে) সব (কর্তৃদের নাম) দিয়া এমনই হইয়া যান স্বতন্ত্র।

আপনি একাই করেন সব, অথচ অপর সকলের মাথায় তাহার কর্তৃদের ভাগ (অন্তের নামে) দেন সব চালাইয়া ; হে দাদু, সব শোভা (মহাত্ম্য) দাসকে দিয়া আপন নামটিও তিনি দেন না লইতে।

(প্রতি) জীবের সঙ্গে ব্রহ্মের, (প্রতি) আত্মার সঙ্গে হরির চলিয়াছে খেলা, গোপীর সঙ্গে কৃষ্ণের (প্রেমের) খেলার মত সকল (সংসার) তিনিই নিরন্তর আছেন ভরিয়া, যে জন রসিকসুজান (সে জানে যে সে নিজে) সাক্ষীভূতমাত্র ।”

২ : অন্তরের সাক্ষ্য :

জনম মরণ সানি করি যত পিণ্ড উপজায়া ।

সাজিঁ দীয়া জীর কুঁ লে জগমেঁ আয়া ॥

মাহীঁ তেঁ মুখকৌ কঠেঁ অংতরজামী আপ ।

দাদু দুজা ধুংধ হৈ সাচা মেরা জাপ ॥

“জনম মরণ ছানিয়া এই দেহ করিলেন তিনি উৎপন্ন, তাহার মধ্যে প্রভু
দিলেন জীবন, * তার পর তাহাকে লইয়া আসিলেন এই জগতে ।

অন্তর্যামী পরমাত্মা আমার অন্তরের মধ্যে থাকিয়া নিজেই বলিতেছেন
আমাকে, “আমি ছাড়া আর যত কিছু সবই ধুকুকার অঙ্ককার, সাচা কেবল
আমার জাপ ।”

৩ : মিথ্যা পূজার নামে খেলা করিতে পান্নিব না :

কেঈ আই পূজা করৈঁ কেঈ খিলারৈঁ খাতিঁ ।

কেঈ আই দরসন করৈঁ হম তেঁ হোতা নাহিঁ ॥

না হম করৈঁ করারৈঁ আরতী না হম পিঠেঁ পিলাঠেঁ নীর ।

করৈঁ করারৈঁ সাইয়ঁ দাদু সকল সরীর ॥

করৈঁ করারৈঁ সাইয়ঁ জিন্হ দীয়া ঔজুদ ।

দাদু বংদা বীচিমেঁ সোভা কুঁ মৌজুদ ॥

দেঠেঁ লেঠেঁ সব করৈঁ জিন্হ সিরজে সব লোই ।

দাদু বংদা মহলমেঁ সোর করৈঁ সব কোই ॥ †

“কত বা লোক আসিয়া করেন পূজা, কত না জন (তাঁহাকে) খাওয়ান,
খান ; কত না লোক আসিয়া করেন দর্শন, এসব তো আমার দ্বারা হইবে না ।

না আমি করি করাই কোন আরতি, না করি আমি নীর পান না
করাই (তাঁহাকে) নীর পান ; হে দাদু, সকল শরীরকে (ঘট ও রূপ) সৃষ্টি
করেনও স্বামী এবং সকল শরীরের দ্বারা কাজ করানও স্বামী ।

* অথবা “দিলেন জীবকে” ।

† “সোভা করৈঁ সব কোই” পাঠও আছে ।

সবই করেন করান সেই স্বামী যিনি দিয়াছেন আমাদের সস্তা, হে দাদু, এই দাস কেবল মাঝখানে শোভার জন্তু মাত্র আছে হাজির।

যিনি সকল লোক করিতেছেন সৃষ্টি তিনিই (মহলের মধ্যে প্রচ্ছন্ন রহিয়া) সব দেন ও নেন, তিনিই সব করেন ; এই (বিশ্ব) মহলে (মন্দিরে) দাদু দাস মাত্র, এবং সব দাসের দলই যত করিতেছে শোর গোল।”

পঞ্চম প্রকরণ—পরিচয়

পঞ্চম অঙ্ক—বেলী (অমৃতবল্লী)

বিশ্বাত্মার সঙ্গে যদি জীবাশ্মার যোগ থাকে তবেই চরাচরব্যাপী যে ভগবদ্-রসের বর্ষণ হইতেছে প্রেমের প্রবাহ চলিয়াছে তাহার সঙ্গে আমাদের যোগ হয় সহজ ও অবিচ্ছিন্ন। এই সহজ যোগ থাকিলেই জীবন সহজ আনন্দে ভরপুর হয়, কালের গতির সঙ্গে ফুলে ফলে জীবন্ত হইয়া সহজ পূর্ণতার দিকে জীবন অগ্রসর হইয়া চলে। আর এই যোগ না থাকিলে জীবনলতা কালের সঙ্গে সঙ্গে শুকাইতে থাকে, মরিতে থাকে। কাল জয় করিবার উপায়ই হইল বিশ্বের যোগে জীবনকে লাভ করা। বীজ যদি রস পায় তবে অঙ্কুর হইয়া বৃক্ষ হইয়া পল্লব ফুল ফল হইয়া ক্রমাগতই কালকে অতিক্রম করিয়া চলে। সদগুরু বিশ্বের সঙ্গে যোগ বা “সঙ্গতি” দিয়া জীবন্ত প্রেমরসে জীবনবীজকে অঙ্কুরিত করেন ও সেই অঙ্কুরকে নিত্য ভবিষ্যতের দিকে অক্ষুণ্ণভাবে অগ্রসর করিয়া দিয়া তাহার দ্বারা কালকে জয় করান। এই যে সহজে বিশ্ব-জীবনের সঙ্গে যুক্ত হইয়া জীবনের পথে অগ্রসর হইয়া কালকে জয় করা, ইহাই হইল “সহজপংথ”।

সদা জীবন্ত ফলন্ত ফলন্ত হইয়া এই দানে বিশ্বের সঙ্গে যুক্ত হইয়া চলাই যে সহজ, সেইকথা মানুষকে কিছুতেই বুঝান যায় না। তাহার কৃত্রিম কথা বুঝিবে কিন্তু নেহাৎ সহজ সত্যও বুঝিতে পারিবে না। সদগুরু যদি দয়া করিয়া বিশ্বের সঙ্গে এই যোগ এই “সঙ্গতি” করাইয়া দেন তবে বিশ্বসত্তা বিশ্বপ্রেমের যোগে এই জীবনলতায় অমৃত ফল ফলে, জীবন ধন্য হয়।

১। বিশ্বব্যাপী সহজ সত্যের যোগে যে জীবনলতা ফুলে ফলে পূর্ণ হইয়া ওঠে এই কথাই সঙ্গুল কহিতেছেন, কিন্তু একথা বুঝিবার মত লোক যে দেখা যায় না ইহাই বড় দুঃখ।

এই সহজ যোগ হইতে ভ্রষ্ট হইলে ভগবদ্‌রসপ্রবাহ হইতে ভ্রষ্ট হইয়া জীবনলতা যায় শুকাইয়া, এই যোগ থাকিলে জীবন দিনে দিনে পূর্ণ হইতে থাকে, কাল তবে তাহাকে ক্ষয় না করিয়া দিনে দিনে জীবনকে ক্রমাগত সকলভাবে পূর্ণ করিয়াই চলিতে থাকে।

যে তাপে জীবন্ত গাছ বৃদ্ধি পায় সেই তাপেই ছিন্নমূল জীবন-হীন গাছ যায় শুকাইয়া জীর্ণ হইয়া। মূলে যুক্ত থাকিয়া তাঁহার অমৃত ধারা যদি গ্রহণ কর তবে এই জীবনবৃক্ষ কখনই শুকাইবে না, তবে শুষ্ক না হইয়া সদাই তাজা সবুজ রহিবে এবং কোনো তাপেই তোমার কোনো ক্ষতি হইবে না। সকল তাপেই সকল দুঃখ আঘাতেই জীবন তোমার চলিবে অগ্রসর হইয়া।

এই কায়া (ঘট) বৃক্ষ তাঁহার আপন হাতে রোপণ করা, প্রেমবশতঃ ভরপুর করিয়া ইহাতে তিনিই অমৃত রস নিত্য সেচন করিতেছেন। সেই অমৃত ধারার সঙ্গে যদি যোগ না হারাষ্ট তবে জীবন নিত্যই থাকে তাজা, তবে জীবনে অমৃতের ফল ফলে।

২। ভগবদ্‌-রস চলিয়া যাউতেছে বহিয়া, অন্তর তাহা পারিতেছে না গ্রহণ করিতে। বিশ্বের সঙ্গে যোগ হারাইয়াছি, কাজেই বিশ্বের সহজ রস জীবনের বাহিরেই যাউতেছে রহিয়া, বাহিরেই যাউতেছে বহিয়া। যদি এই রস জীবনে গ্রহণ করিতে পারি তবে জীবন হইয়া যাইবে তাজা। কারণ যিনি এই রস বর্ষণ করিতেছেন তিনি সদা সচেতন সদা জীবন্ত।

এই যোগ নষ্ট হওয়াতেই বিশ্ব গিয়াছে নীরস হইয়া। “অহং রস” হইল ক্ষার রস। বিশ্বরস প্রাণ দেয়; “স্বার্থরস” “অহংরস”, ক্ষার জলের মত প্রাণ নেব। যোগভ্রষ্টজীবনে কেবল “অহংরস” “স্বার্থরস” লাগিতেছে, তাই জীবন ক্রমাগতই যাউতেছে শুকাইয়া, কিছুতেই ফল ধরিতেছে না।

৩। সঙ্গুল যদি জীবনে মেলে তবেই এই যোগহীন জীবনকে বিশ্বের সঙ্গে করিতে পারেন যুক্ত। সকলের সঙ্গে যথার্থ যোগই হইল “সঙ্গতি”। সঙ্গুল এই “সঙ্গতি” যদি জীবনে দেন তবেই ভগবানের রস বর্ষণ এই জীবনে

পাই, তবেই প্রাণবৃক্ষ সেই অমৃতধারা পান করিয়া অপর অনন্ত ফলে ওঠে ফলবান হইয়া ।

শ্রেয় অর্থই হইল সবার সঙ্গে যোগ । এই জীবন বৃক্ষকে সকলের সঙ্গে যোগ হইতে বিচ্ছিন্ন স্বতন্ত্র বলিয়া যেন মনে না করি । এই জীবন আসলে শ্রেয় যোগেরই বৃক্ষ, সহজ সত্য যোগেই ইহার বৃদ্ধি । “সঙ্গতি”র প্রসাদেই ইহাতে ফুল ফল ধরে, কাজেই “সঙ্গতি” বা সবার সঙ্গে যোগ হইলেই অমৃত ফল করা যায় সম্ভোগ ।

১ : আত্মা অমৃতবল্লী, ভগবদ্ভসেই
বাঁচে :

দাদু বেলী আত্মা সহজ ফুল ফল হোই ।

সহজি সহজি সত গুর কঠৈ বৃষে বিরলা কোই ॥

জে সাহিব সীঁচৈ নহীঁ তো বেলী কুম্হিলাই ।

দাদু সীঁচৈ সাইয়ঁ। তো বেলী বধতী জাউ ॥

হরি তরবর তত আত্মা বেলী করি বিস্তার ।

দাদু লাগৈ অমর ফল সাধু সীঁচনহার ॥

কদে ন সূথে রুখড়া জে অত্রিত সীঁচ্যা আপ ।

দাদু হরিয়্য। সো ফলৈ কছ ন ব্যাপৈ তাপ ॥

জে ঘট রোপৈ রামজী সীঁচৈ অমী অঘাই ।

দাদু লাগৈ অমর ফল কবহুঁ সুখি ন জাই ॥

“হে দাদু, আত্মাই বল্লী, সহজ ফুল ফল তাহাতে ধরে, সহজে সহজেই কহেন সঙ্গুর, কিছু ক্ৰটিতই কেহ (সেই সহজবাণী) বোঝে ।

যদি স্বামী না করেন সেচন তো এই বল্লী যায় শুকাইয়া, আর স্বামী যদি করেন সেচন, তবে সে বল্লী দিনে দিনে চলে বাড়িয়া ।

যথার্থ-অধ্যাত্ম-তত্ত্ব হরি তরবরে যদি কেহ এই বল্লী করিয়া দিতে পাবে বিস্তার, হে দাদু, তবেই তাহাতে ধরে অমৃত ফল : ক্ৰটিৎ কোন সাধকই জানে তাহা সেচন করিয়া সরস রাখিতে ।

পরমাত্মা স্বয়ং যখন সে বল্লীতে করেন অমৃত রস সেচন তখন সে তরু

কখনই যায় না শুকাইয়া, হে দাদু, সেই জীবন্ত তাজা সবুজ তরু নিত্যই রহে
ফলন্ত, ও কোন তাপই তাহাকে কিছুই করিতে পারে না শুক সন্তপ্ত ।

যে ঘট (শরীররূপী তরু) ভগবান স্বয়ং করিলেন রোপণ তাহাতে ভরপুর
করিয়া করেন তিনি অমৃতসেচন, হে দাদু, তাহাতে যে অমৃতফল ধরে, তাহা
কখনও যায় না শুকাইয়া ।”

২ : ব্যর্থ বর্ষণ :

হরিজল বরষে বাহিরা স্মুখে কায়া খেত ।
দাদু হরিয়া হোইগা সৌচনহার সচেত ॥
অমর বেলী হৈ আতমা খার সমুদর মাছিঁ ।
স্মুখে খারে নীর সৌ অমর ফল লাগৈ নাছিঁ ॥

“বৃথা বাহিরে যায় বরষিয়া হরিজল (অন্তরের মধ্যে প্রবেশ করে না), তাই
দিনে দিনে শুকাইয়া যায় কায়া ক্ষেত্র । (অন্তরে যদি সেই বর্ষণ নিতে পার)
তবেই হইবে সবুজ তাজা, সেচনকর্তা যে “সচেত” (সদা সচেতন) ।

ক্ষার সমুদ্রের মাঝে আত্মাই হইল অমৃত বন্বী, ক্ষার জলেই সে যাইতেছে
শুকাইয়া, তাই তো তাহাতে ধরিতেছে না অমৃত ফল ।”

৩ : বিশ্বের সঙ্গে যোগের রসে জীবনলতায় অমৃত ফল ফলে :

সতগুরু সংগতি উপজৈ সাহিব সৌচনহার ।
প্রাণ বিরিক পীরৈ সদা দাদু ফলৈ অপার ॥
জোগ প্রেম কা রুখড়া সত সৌ বধতা জাই ।
সংগতি সৌ ফুলৈ ফলৈ দাদু অমর ফল খাই ॥

“প্রভু স্বামী তো আছেনই সেচনকর্তা তার পর সৎগুরুর “সঙ্গতি”
বিশ্বের সঙ্গে যোগ) যদি জীবনে হয় উৎপন্ন তবে প্রাণ বৃক্ষ সদাই পান করিতে
পারে সেই ভাগবত রস ; হে দাদু, তবে এই জীবনলতায় ফলে অপার ফল ।

* কোনো কোনো মতে “সংগতি” স্থানে (দ্বিতীয় শ্লোকের) “সংতোখ”
পাঠ আছে । প্রথম শ্লোকের “সংগতি” সব পাঠেই আছে ।

যোগ ও প্রেমের এই বৃক্ষ, সত্যের দ্বারা তাহা চলে বাড়িয়া ; “সদতির” দ্বারা সেই বৃক্ষ ফুলে’ ফলে’, তবেই দাদু সেই অমৃত ফল করা যায় সম্ভোগ ।”

পঞ্চম প্রকরণ—পরিচয়

ষষ্ঠ অঙ্ক—সমর্থ্যই (ভগবানের সামর্থ্য)

তিনি সর্বশক্তিমান, তাঁহাকে পাঠলে জীবনে আর কিছু প্রার্থনীয় থাকিতে পারে না । মানুষের কোনো শক্তি নাই, সবই তাঁরই মহিমা । তিনি দয়া করিয়া মানবের সখী হইয়াছেন, তাঁর শক্তি ছাড়া কে জীবন পায় ? এক দিকে তিনিই শত্রুরূপে প্রত্যক্ষ, অথচ প্রতিরূপেই তিনি পরিপূর্ণ মহিমায় বিরাজমান । তিনিই পারেন তাঁর মহিমা বুঝাইতে, আর কে তাহা পারে ? কর্তা হইয়াও তিনি অকর্তার মত শাস্ত স্থির । সব কিছু সদা পূর্ণ করিয়া তিনিই বিরাজিত, এমন মহিমা আর কাহার ?

তিনি পুণ্য পাপ প্রভৃতির অতীত হইয়া এই সৃষ্টির মধো করিতেছেন প্রেমের পেলা । এই সৃষ্টিতে তাঁর কোনো প্রয়াসই নাই, এ যেন তাঁর সহজ লীলা, এমনই তাঁর সামর্থ্য ! দিয়াই যথার্থ আনন্দ, নিয়া নহে ; আপনাকে নিঃশেষে দিবার এই আনন্দের পেলাই তিনি পেলিতেছেন তাঁর বিশ্বরচনায় । আপনাকে এই পেলায় তিনি ভরপুর করিয়া দিয়াছেন বিলাইয়া ।

বিশ্ব যেন তাঁর বীণা, পঞ্চ তন্তুর পঞ্চ তন্ত্রীতে সুর বাধিয়া নিরন্তর তিনি বাজাইতেছেন তাঁর সুর । তিনি যে গুণী ! মানবও পঞ্চ ইন্দ্রিয় রসে সাথে সাথে চাহিতেছে বাজিতে । সঙ্গীত হইতেই উৎপন্ন এই বিশ্বতত্ত্ব এবং বিশ্বতত্ত্ব দিয়াই আবার এই সঙ্গীতই তিনি তুলিতেছেন বাজাইয়া ।

এই বিশ্ব জগৎ তাঁহার খেলায়াত্র । তাঁহার সুরের সঙ্গীতই এই চরাচর বিশ্বজগৎ । তাঁর মহিমা কে করিতে পারে বর্ণনা ? কেবল তাঁর পেলায় যোগ দিয়া তাঁর সঙ্গীতের সুরে মন প্রাণ হৃদয় দিয়া বাজিয়া উঠিতে পারিলেই মানব হইয়া যায় ধন্য ।

১। তিনি ইচ্ছা মত সব কখনও করেন পূর্ণ, কখনও করেন শূন্য। তাঁহাকে পাইলে আর কিছুই পাইতে বাকী থাকে না। তিনি যাহাকে ইচ্ছা রাখেন যাহাকে ইচ্ছা না রাখেন, অপার তাঁহার মহিমা! তাঁহার ইচ্ছাতেই আছি, তাঁহাকে এড়াইয়া যাইবার আর ঠাই কোথায়?

২। তিনি দয়া করিয়া, আমাকে স্পর্শ করিয়া, আছেন আমার সাথে সাথে। শূন্য হইতে আপন ইচ্ছায় তিনি গড়েন, আবার আপন ইচ্ছা মতই ভাঙেন; এই তো তাঁর খেলা।

৩। তিনিই খণ্ড সীমাবদ্ধ হইয়া প্রকাশিত, আবার তাঁর প্রতি খণ্ডতার মধ্যে তাঁর অসীম অখণ্ড ভরপুর সত্তা বিরাজমান। আমি কি-ই বা পারি করিতে? অথচ লোকে আমার কাছেই চাহে কিনা তাঁর শক্তির পরিচয়! ইচ্ছা হইলে তাঁহার পরিচয় তিনিই দিবেন। কর্তা হইয়াও যে তিনি অকর্তা হইয়া আছেন এই তো তাঁর মহিমার পরিচয়। প্রতি খণ্ডরূপে যে তাঁহার অসীম অখণ্ড সত্তা বিরাজিত ইহাই তাঁহার মহিমা।

৪। গুণাতীত তিনি, রসের খেলা খেলিতে খেলিতে এই সৃষ্টি করিয়াছেন রচনা, এই তো তাঁর সহজ লীলা। পুণা পাপের তিনি অতীত। আপনাকে দিয়াই তাঁর আনন্দ, নিয়া আনন্দ নহে। তাই এই বিশ্ব রচনার মধ্যে তিনি পরিপূর্ণ ভাবে আপনাকে দান করিবার লীলাই করিতেছেন খেলা। খেলায় যার সৃষ্টি, বিশ্ব যার লীলামাত্র, কে করিবে তাঁর মহিমা?

৫। পঞ্চ তন্ত্রের পঞ্চ তন্ত্রী দিয়া বিশ্ব বীণা বাজাইতেছেন সেই গুণী, পঞ্চ-ইন্দ্রিয় রসে যদি আমরা ও সঙ্গ সঙ্গ বাজিতে পারি তবেই আমরা ধন্য। বিশ্ব তাঁর সঙ্গীত হইতে উৎপন্ন, বিশ্ব দিয়াই তাঁর সঙ্গীত। এই রহস্য কে বুঝিবে? সঙ্গীতে যার বিশ্ব রচনা, কে করিবে তাঁর মহিমা-বর্ণনা?

১। তাঁহার শক্তিতেই সব:

করতা করৈ ত নিমেষ মৈ ঠালী ভরৈ ভংডার।

ভরিয়া গহি ঠালী করৈ ঐসা সিরজনহার ॥

সমরথ সব বিধি সাইয়া তাকী মৈ বলি জার।

অন্তর এক জো সো বসৈ ওরা চিত্ত ন লার ॥

দাদু কে হম চিতরৈঁ সো কছু ন হোরৈ আই ।
 সোঙ্গি করতা সতি হৈ কুছ ঔরৈ করি জাই ॥
 কাছক লেই বুলাই করি কাছক দেই পঠাই ।
 দাদু অদ্ভুত সাহিবী কোঁ হী লখী ন জাই ॥
 জঁয় রাথৈঁ তুঁ রহৈঁগে অপণৈঁ বলি নাহঁী ।
 সবই তুম্হারৈঁ হাথি হৈ ভাজি কত জাইঁী ॥

“করিতে যদি চান তবে কর্তা (সব) করেন নিমিষের মধ্যে ; খালি ভাণ্ডার
 দেন ভরিয়া, ভরিয়া নিয়া করেন আবার খালি, এমনই তিনি (সমর্থ) বিধাতা
 (সৃষ্টিকর্তা) !

সব বিধিতেই সমর্থ আমার স্বামী, আমি তাঁহার যাই বলিহারী ! (আমার)
 অন্তরে এক তিনি যদি বাস করেন, তবে অপর কাহাকেও বা অপর কিছুই
 আনিব না (আমার) চিন্তে ।

হে দাদু, আমি যাহা ভাবিতেছি চিন্তে তাহার কিছুই নহে সফল হইবার,
 সেই কর্তাই হইলেন সত্য, তিনি হয়তো করিয়া যাউবেন একেবারে আর এক
 রকম কিছু ।

কাহাকেও তিনি নেন ডাকিয়া, কাহাকেও দেন পাঠাইয়া, হে দাদু, অদ্ভুত
 তাঁহার প্রভুত্ব (মহিমা), কোনো মতেই তাহা যায় না বুঝা !

যেমন তিনি রাখেন তেমনই আমি রহিব, আপন শক্তিতে তো কিছুই
 নহে হইবার ; হে প্রভু, সবই তোমার হাতে, পলাইয়া আর যাইব কোথায় ?”

২। সর্বক্ষেত্রেই তাঁর শক্তি

মীরী মুঝ সৌ মিহর করি সির পর দীয়া হাথ ।
 সবহী মারগ সাইয়ঁ। সদা হমারে সাথ ॥
 গুপ্ত গুপ্ত পরগট করৈ পরগট গুপ্ত সমাই ।
 পলক মাহিঁ ভানৈ ঘড়ৈ তাকী লখী ন জাই ॥
 নহাঁঁ তহাঁঁ থৈঁ সব কিয়া আঁপৈ আপ উপাই ।
 নিজ তত স্মারা না কিয়া ছুজা আঁরৈ জাই ॥

জে সাহিব সিরজৈ নহী আঁপৈ কেঁয়া করি হোই ।

জে আঁপৈ হী উপজৈ তো মরি করি জীরৈ কোই ॥

“প্রভু আমাকে দয়া করিয়া আমার মাথায় রাখিয়াছেন তাঁর প্রসন্ন হাতখানি; সব পথেই আমার স্বামী, সদাই তিনি আমার সাথে সাথে ।

অপ্রকটকে তিনিই করেন প্রকট, প্রকটকে আবার তিনিই অপ্রকটের মধ্যে দেন ডুবাইয়া ; পলকের মধ্যেই তিনি ভাঙেন ও পলকের মধ্যেই তিনি গড়েন, তাঁর মর্মেই কিছু যায় না বুঝা ।

নিজে নিজেই আপনা হইতেই নিখিল উৎপন্ন করিয়া তিনি “নাই কিছু” হইতেই “সব কিছু” করিলেন সৃষ্টি, অথচ নিজের তত্ত্বরূপ সব কিছু হইতে করিলেন না স্বতন্ত্র ; তাঁহা ছাড়া আর যাহা কিছু তাহা সবই আসে ও যায় (ঋণ স্বায়ী) ।

যদি প্রভুই না করিয়া থাকেন সৃষ্টি তবে কেমন করিয়া (কেহ বা কিছু) নিজেই হইতে পারে উৎপন্ন ? যদি আপনা হইতেই উৎপন্ন হওয়া হইত সম্ভব, তবে মরিয়া গিয়া কেহ কেন আবার উঠে না বাঁচিয়া (হয়না উৎপন্ন) ?”

৩। তাঁর পরিচয় তিনিই দিতে পারেন :

খণ্ড খণ্ড পরকাস হৈ জহঁ। তহঁ। ভরপুর ।

দাদু করতা করি রহা অনহদ বাঁজৈ তুর ॥

হম তৈঁ ছরা ন হোইগা না হম করনে জোগ ।

জ্যঁ হরি ভারৈ তুঁ করৈ দাদু কহৈঁ সব লোগ ॥

পরচা মাগৈঁ লোগ সব হমকো কুছ দিখলাই ।

সমরথ মেরা সাইঁয়ঁ। সমঝৈঁ তুঁ সমঝাই ॥

সম্রথ সো সেরী সমঝাইঁনৈঁ করি অণকরতা হোই ।

ঘটি ঘটি ব্যাপক পুরি সব রহৈঁ নিরন্তর সোই ॥

“খণ্ড খণ্ড তাঁর প্রকাশ অথচ যেখানে সেখানে তিনি ভরপুর, হে দাদু, কর্তাই (সব) চলিয়াছেন করিয়া। অনাহত অসীম বাজিতেছে তুরী।

আমা হইতে না কিছু হইয়াছে না কিছু হওয়া সম্ভব, না আমি কিছু করিবার যোগ্য। যেমন হরির ইচ্ছা তেমনই তিনি করেন। সকল লোকে শুধু বলে “দাদু-দাদু” (অর্থাৎ তিনি ছাড়া দাদুরও যেন কিছু শক্তি আছে)।

লোকেরা সব (তাঁর সামর্থ্যের) চাহে পরিচয়, বলে “আমাকে কিছু প্রত্যক্ষ দেখাও”; সমর্থ আমার স্বামী, যেমন করিয়া লোকে বুঝিতে পারে তেমন করিয়াই তিনি দিবেন বুঝাইয়া।

“সব কিছু করিয়াও যে অকর্তা হইয়া থাকিতে পার” হে সমর্থ আমার প্রভু, সেই রহস্যটি (পথ) দাও বুঝাইয়া।” ঘটে ঘটে ব্যাপিয়া সব কিছু পূর্ণ করিয়া নিরন্তর তিনিই বিরাজমান।”

৪ : ভরপুর-নিরাকর-খেলার পরিচয় :

লিপৈ ছিপৈ নহী সব কঠৈ গুণ নহিঁ ব্যাপৈ কোই ।

দাদু নিহচল একরস সহজৈ সব কুছ হোই ॥

বিন গুণ ব্যাপে সব কিয়া সমর্থ আপৈ আপ ।

নিরাকার জ্বারা রহৈ দাদু পুন্য ন পাপ ॥

খালিক খেলৈ খেল করি বৃকৈ বিরলা কোই ।

লে করি সুখিয়া না ভয়া দে করি সুখিয়া হোই ॥

“লিপুও তিনি হন না প্রচ্ছন্নও তিনি রাগেন না অথচ সব কিছুই তিনি করেন সম্পন্ন, তাঁহাতে কোনো গুণই করিতে পারে না প্রভাব; হে দাদু, তিনি নিশ্চল এক রস; (তাঁর সৃষ্টিলায়ায়) সহজেই সব কিছু হয় সম্পন্ন।

নিজে নিজেই যে সমর্থ তিনি, কোনো গুণের প্রভাব ছাড়াই তিনি সব করিলেন সৃষ্টি; নিরাকাররূপে তিনি রহেন স্বতন্ত্র; হে দাদু, না পুণ্য না পাপ করে (তাঁহাকে) স্পর্শ।

এই খেলা রচনা করিয়াই খেলার সৃষ্টিকর্তা করিতেছেন তাঁহার খেলা, কচিতিই কেচ বুঝিতে পারে ইতার মর্ম্ম; (এই খেলার মর্ম্ম এই) “নিয়া কেহই হয় নাই সুখী, দিয়াই সবাই হয় সুখী।”

১১ সৃষ্টিবীণা

জংত্র বজায়া সাজি করি কারীগর করতার ।
 পংচৌ কা রস নাদ হৈ দাদু বোলণহার ॥
 পংচ উপনা সবদ থৈ সবদ পংচ সৌ হোই ।
 সাজি মেরা সব কিয়া বুঝে বিরলা কোই ॥

“যত্নকে সুরে বাঁধিয়া গুণী বিশ্বকর্তা বাজাইতেছেন (তাঁর সুর), পঞ্চেরই (পঞ্চ ইন্দ্রিয় ও তত্ত্ব) রস হইল সঙ্গীত, দাদুও তাহাতে বাজিতেছে সাথে সাথে ।

পঞ্চ (তত্ত্ব ও ইন্দ্রিয়) সঙ্গীত হইতেই হইল উৎপন্ন, আবার সেই পাঁচ হইতেই বাজিতেছে তাঁর সঙ্গীত । স্বামী আমার (সঙ্গীত দিয়াই) সব করিয়াছেন রচনা, কচিৎই কেহ বুঝিতে পারে এই রহস্য ।”

পঞ্চম প্রকরণ—পরিচয়

সপ্তম অঙ্ক—শীল পিছান

(প্রিয়তমকে চেনা)

এই জগতে আসিয়া জনম মরণের সাথী প্রিয়তম নিত্য কালের স্বামীকে চিনিয়া লইয়া তাঁর গলায় এই জগতের সব ঐশ্বর্য্য সৌন্দর্য্য ও মাধুর্য্যের মালা দিতে হইবে, তাঁহাকে বরণ করিয়া যাইতে হইবে । যে ইহা করিতে পারিল সে ধন্য, আর এই বরণ যে পূরা করিতে না পারিল সে হতভাগ্য ।

প্রিয়তম স্বামীকে চিনিয়া লইয়া বরণ করিতে হইবে । এই চিনিয়া লওয়ার মধ্যে, বরণ করার মধ্যে একটুও ভুল থাকিলে লজ্জা ও ক্রোধের আর সাঁমা নাই । এমন স্থলে ভুল হইলে কি লজ্জা কি ভীষণ ভুল ! তখন সকল

জীবন দখল করিয়া ফেলিলেও এই গানি এই অপমান আর কিছুতেই যায় না।

১। সত্য স্বামীকে বরণ করিতে হইবে, অথচ তিনি নিরঞ্জন নিরাকার। পবিত্রিত সাকার দেবতাকে বরণ করিতে গিয়া দেপি তাহার বিনাশ আছে, সে ঝুটা। যাহারা এই উপমা দেন যেমন রাজার কাছে যাইতে হইলে তাঁর ভৃত্যের পরম্পরাকে সেবা করিতে করিতে তবে পৌঁছিতে হয়, তেমনি দেবতার পর দেবতা পার হইয়া পরমেশ্বরের কাছে পৌঁছিতে হয়, তাঁদের উপদেশ যদি গ্রহণ করি তবে তো অপমানের ও অকৃতার্থতার আর অস্ত নাহি।

এ হইল স্বামীর কাছে যাওয়া। প্রেমের ক্ষেত্রে সেই দাসজনাচিত বিধি চলিবে কেন? তাঁর ভৃত্যের পরম্পরাকে বরণ করিয়া স্বামী পাউব না স্বামী হারাইব? এই যদি পাওয়ার পথ হইত তবে না হয় স্বামী না-ই পাউলাম তবু আত্মার অমূল্য সত্য কিছুতেই নষ্ট করিতে পারি না।

২। জগৎগুরু তিনি, জন্ম মরণাদি বিকাবের তিনি অতীত, এই তাঁর পরিচয়। তিনিই আমার স্বামী, অণু কেহ নয়।

৩। সত্য ব্রহ্ম অকৃত্রিম, হ্রাসবৃদ্ধিহীন, পূর্ণ, নিশ্চল, একরস। জগতে যাহা চঞ্চলতার অধীন, যাহা জন্মে মরে তাহা নায়। অবতার তো কখনও ব্রহ্ম নহেন; চঞ্চল ও অনিত্যরূপ অবতারকে বরণ করিব তবে কেমনে?

৪। সকলের শিরোমণি তিনি, সব দিক দিয়াই তিনি শ্রেষ্ঠ। লোহা যেমন পরশমণির পরশ বিনা মাটি হইয়া যায় তেমনি দিনে দিনে চলিয়াছি মাটি হইতে, তাঁর পরশ পাওয়া চাই বাঁচিয়া যাইতে। তাঁর প্রেম এই জীবনে চাই, তাঁর সঙ্গে নিখিলকে সেবা করার কঠিন অধিকার চাই। সহজ সোহাগ ক্ষুদ্র সুখ তাঁর কাছে চাহি না। তাঁর সাথে সাথে আমি নিতা সেবা করিব ও তাঁর সাহচর্য লাভ করিব ইহাই আমার জীবনের সর্বস্ব। এ ছাড়া জীবনে আর যত সুখ যত সৌভাগ্য সবই আমি তুচ্ছ করিতে পারি। ইচ্ছা হয়তো তিনি সে সব হইতে আনাকে বঞ্চিত করুন তবু সেবায় সদাই তাঁর পাশে পাশে চাই থাকিতে। তাঁর হাতে হাত মিলাইয়া একত্র করিতে চাই সেবা। একত্র সেবাই হইল সর্বশ্রেষ্ঠ বরণ। সেই বরণ দিয়াই স্বামীকে পাওয়া যাইতে চাই এই জীবনে।

১ : সত্য স্বামীকেই বরণ করিব :

সাচা সাজ্জিঁ সোধি করি সাচা রাখী ভার ।
 দাদু সাচা নাঁর লে সাচে মারগ আর ॥
 সাচা সতগুরু সোধি লে সাচে লীজৈ সাধ ।
 সাচা সাহিব সোধি করি দাদু ভগতি অগাধ ॥
 সাজ্জিঁ মেরা সত্য হৈ নিরংজন নিরকার ।
 দাদু বিনসৈ দেবতা* ঝুঠা সব আকার ॥
 জে থা কংত কবীরকা সোজ্জিঁ বর বরিহুঁ ।
 মনসা বাচা করমনা মৈঁ ঔর ন করিহুঁ ॥

“সত্য স্বামীকে অন্বেষণ করিয়া ও (অস্তরে) ভাব সত্য রাখিয়া, হে দাদু, লও সত্য নাম, আইস সত্য পথে ।

সত্য সদ্গুরুকে লও খুঁজিয়া, সত্যকে লও সাধন করিয়া ; হে দাদু, সত্য প্রভুকে খুঁজিয়া পাইলেই ভক্তি হয় অগাধ ।

স্বামী আমাব সত্য, তিনি নিরঞ্জন নিরাকার ; হে দাদু, আকার সব ঝুঠা, দেবতা সব ঝুঠা, তাহাদের বিনাশ আছে ।

কবীরের যিনি ছিলেন কাস্ত সেই বরকেই করিব বরণ ; মন বচন ও কর্মে অন্তের সঙ্গে আমার নাই কোনো কাজ ।”

২ : সত্যগুরু জনম মরণের অতীত :

উঠে ন বৈঠে এক রস জাগৈ সোরৈ নাহিঁ ।
 মরৈ ন জীরৈ জগতগুরু সব উপজি খপৈ উস মাহিঁ ॥
 জামৈঁ মরৈ সো জীর হৈ রমিতা রাম ন হোই ।
 জনম মরণ তৈঁ রহিত হৈ মেরা সাহিব সোই ॥

* “দেখতা” পাঠও আছে । তবে অর্থ হইবে “মিথ্যা সব আকার দেখিতে দেখিতে যায় বিনষ্ট হইয়া ।”

“যিনি জগদ্গুরু তাঁর নাই উঠা বসা, তিনি না করেন শয়ন না তিনি জাগেন, না তিনি মরেন না বাঁচেন ; তিনি এক রস, তাঁহারই গুণ হইতেই সব কিছু উপজে এবং তাঁহাতেই সব কিছু পায় বিনাশ ।

জন্মে মরে সে তো জীব, লীলাময় রাম তো সে নয় । জনম মরণ হইতে রহিত যিনি তিনিই আমার স্বামী ।”

৩ : অবতার ব্রহ্ম নহেন :

ক্রিয়ম নহীঁ সো ব্রহ্ম হৈ ঘটে বধৈ নহিঁ জাতি ।

পূরণ নিহচল একরস জগতি ন নাটে আই ॥

উপজৈ বিনসৈ গুণ ধরৈ যজ্ মায়া কা রূপ ।

দাদু দেখত খির নহীঁ ছিন ছাঠীঁ ছিন ধূপ ॥

জে নাহীঁ সো উপজৈ হৈ সো উপজৈ নাহীঁ ।

অলখ আদি অনাদি হৈ উপজৈ মায়া মাহিঁ ॥

জে যজ্ করতা জীর থা সঁপুটি কুঁ আয়া ।

করামী কে বসি কুঁ ভয়া কুঁ আপ বঁধায়া ॥

কুঁ সব জোনী জগত মেঁ ঘর বার নচায়া ।

কুঁ যজ্ করতা জীর হুঁ বৈ পর হাথ বিকায়া ॥

দাদু ক্রিয়ম কাল বস জো বঃধ্যা গুণ মাহিঁ ।

উপজৈ বিনসৈ দেখতা সো যজ্ করতা নাহীঁ ॥

“যিনি ক্রিয়ম নহেন, যাহার হ্রাস বৃদ্ধি হইতে পারে না তিনিই তো ব্রহ্ম । তিনি পূর্ণ নিশ্চল একরস, তিনি জগতে আসিয়া নাচিয়া বেড়ান না ।

উৎপন্ন হয়, বিনষ্ট হয়, গুণাধীন হয় এ সব তো মায়ারই রূপ ; দাদু দেখিতেছে এই মায়া কখনও স্থির নহে, ইহা ক্রমে ছায়া ক্রমে রোদ্ৰ ।

যে নাই সে-ই আসিয়া হয় উৎপন্ন, যে নিত্য-বিরাজমান সে তো কখনও উৎপন্ন হইতেই পারে না । তিনি অলখ আদি-অনাদি, উৎপন্ন যাহা হয় তাহা তো মায়ারই অধীন ।

যদি এই জীব (অবতার) কষ্টাট ছিলেন তবে কেন তিনি আসিলেন

গর্ভবন্ধনের মধ্যে ? কেন তবে তিনি কন্ঠের হইলেন বশ, কেন তিনি তবে আপনাকে করিলেন বন্ধ ?

কেন জগতে সব যোনিতে তিনি আসিলেন ? কেন বৃথা সংসারীর মত সংসারের সব নাচ তিনি গেলেন নাচিয়া ? কেন সেই জীব কর্তা হইয়াও পরের হাতে বৃথা বিকাইলেন আপনাকে ?

হে দাদু, যে কৃত্রিম, কালবশ, যে গুণের দ্বারা বন্ধ, যে দেখিতে দেখিতে উৎপন্ন ও বিনষ্ট হয়, সে তো কখনও কর্তা নহে ।”

৪ : তুমি ও তোমার সেনাই আমার সব :

সারোঁ কে সিরি দেখিয়ে উস পরি কোই নাহি ।

দাদু জ্ঞান বিচার করি সো রাখ্যা মন মাহি ॥

সব লালোঁ সিরি লাল হৈ সব খুবোঁ সিরি খুব ।

সব পাকোঁ সিরি পাক হৈ দাদু কা মহবুব ॥

আনছ পুরুষ রহ নহীঁ পরম পুরুষ ভরতার ।

তুঁ অবলা সমঝোঁ নহীঁ তুঁ জানৈ করতার ॥

লোহা মাটি মিলি রহ্যা দিন দিন কাঙ্গি খাই ।

দাদু পারস রাম বিন কতহুঁ গয়া বিলাই ॥

সেবা সুখ প্রেমরস সহজ সোহাগ নতি দেছ ।

বাঁহ বল দে দাস কোঁ দাদু ছুজা সব লেছ ॥

“চাহিয়া দেখ, তিনি সকল সারেরও শির (সার), তাঁহার উপর আর কেহ নাই । দাদু জ্ঞান বিচার করিয়া তাঁহাকেই রাখিয়াছে মনের মধ্যে ।

সকল প্রিয় হইতে তিনি প্রিয়, সকল শ্রেয়ঃ হইতে তিনি শ্রেয়ঃ, সকল পবিত্র হইতে তিনি পবিত্র, তিনিই তো দাদুর প্রেমাম্পদ ।

অন্য পুরুষ তো তিনি নহেন, তিনি পরমপুরুষ স্বামী । আমি অবলা কিছুই তো বুঝি না, হে কর্তা, যাহা জানিবার তুমিই জান ।

লোহা রহিল মাটিতে মিশাইয়া, দিন দিন মরিচাই খাইয়া ফেলিল যে তাহাকে, পরশমণি রাম বিনা কোথায় যে গেল দাদু বৃথা বিলয় হইয়া !

সেবার আনন্দ প্রেমরস সহজ সৌভাগ্য ও প্রপতি আমাকে দাও ; দাসকে দাও আপন বাহুতে শক্তি । দাদু বলেন, বাকি আর যা কিছু, সে সব তুমিই ষাও লইয়া অর্থাৎ তাহা তোমারই থাকুক ।”

ষষ্ঠ প্রকরণ—প্রেম

প্রথম অঙ্ক—“বিরহ”

ভগবানের সঙ্গে মানবের যেমন সখ্যক এমন সখ্যক আর কিছুই নয়। তাঁকে দেখিতে তাঁকে পাইতে তাঁর প্রেম অমুভব করিতেই এই জগতে আসা। জীবনে যদি তাঁর সখ্য না লাভ হইল তবে বুধাই এই জীবন। এই ব্যর্থতার দুঃখের চেয়ে বেশী দুঃখ ও অকৃতার্থতা মানবজীবনে আর নাই। তাঁর বিরহের অমুভব যার অন্তরে হইয়াছে তার আর দিনে সখ্য নাই রাতে “সোয়াস্তি” নাই। কিন্তু এই ব্যথা এই বিরহ যার হয় নাই সে আরও হতভাগা। জগতে আসিয়া সে যে কি অকৃতার্থ হইয়া গেল কি বঞ্চিতই রহিয়া গেল, তাহা সে বুঝিলই না।

তাঁহার বিরহে যে ব্যাকুল হইয়াছে সে তাঁকে পাইবার জন্য সবই ছাড়িতে পারে কাজেই এই বৈরাগ্য হইল প্রেমের। এই বৈরাগ্য নাস্তি-ধর্মান্বক (negative) নয় ইহা অস্তি-ধর্মান্বক (Positive)।

এই বেদনার মধ্য দিয়া ছাড়া তাঁহাকে পাইবারও কোন পথ নাই। এই দুঃখের মধ্য দিয়াই সেই দরদীকে যায় পাওয়া। তবে দুঃখ যেন লোক-দেখান ঝুঁটা দুঃখ না হয়, সাক্ষা দুঃখ হওয়া চাই। তাঁহাকে পাইলে তখন সব আবরণ যায় দূর হইয়া। তাঁহাকে পাইবার জন্য বিরহ ভাব জন্মিলে মানুষ আর সব উপায় আর সব পথকে দেয় দূরে ফেলিয়া।

তাঁহাকে না পাইলে আর কোনো উপায়ে বা আর কিছু দিয়া এই বিরহ বেদনার অবসান হয় না। কাজেই এই বিরহ যাহার হইয়াছে তাহার আর দুঃখের অবধি নাই। সবাই যখন সুখী তখনও বিরহীর কোনো আনন্দ নাই। বাহিরেও সে এই দুঃখ প্রকাশ করিয়া জানাইতে পারে না, কারণ অন্তরের এই পবিত্র মহাভাবকে লোক-দেখান বস্ত করিতে গেলে প্রেমের অপমান ঘটে। প্রেমের যে অপমান করে সে কেমন করিয়া প্রেমাস্পদকে পায় ?

অন্তরের সব সঙ্কীর্ণতা কুত্রতা ও মলিনতা মুহূর্তে সহজে দূর করিয়া দেয় এক এই বিরহ। কিন্তু সেই বিরহ সাক্ষা হওয়া চাই। কথার কথা যে বিরহ

তাহাতে কোনো ফলই নাই। এই বিরহ এই ঝুঁটা জীবনকে মারিয়া সাজা নবজীবন দেয়। মানব অনায়াসে এই যত্নকে স্বীকার করে। কারণ নবজীবন না পাইলে ভগবানকে পাওয়া যায় না।

বিরহ হইল তাঁহাকে পাওয়ার ইচ্ছা। আকাজকা ও ব্যাকুলতা না হইলে কিছুই পাওয়া যায় না এবং পাইলেও সেই পাওয়ার আনন্দটি মেলে না। এই বিরহ জন্মিলে তাঁহাকে ছাড়া জীবনধারণ করাই হয় আশ্চর্য্য বাপার। বিরহ হইলে মানুষ সকল অঙ্গ দিয়া নিঃশেষে তাঁহার মাধুর্য্য অনুভব করিতে ও তাঁহাকে পাইতে চায়।

স্বধার দুঃখ অতি দারুণ দুঃখ। অথচ এই দুঃখ-বিনা ভোক্তার কোনো সুখই নাই। স্বধার দুঃখের মধ্য দিয়াই মেলে ভোক্তার আনন্দ।

বিরহ বিনা প্রেম-স্বরূপের কাছে পৌঁছবার কোনোই পথ নাই। প্রেম-স্বরূপকে পাইতে হইলে আপনাকে নিঃশেষে তাঁর চরণে বিসর্জন দেওয়া চাই, সব পথ ছাড়িয়া প্রেমপথই গ্রহণ করিতে হয়। এই প্রেমে এককে আর করে। প্রেমের পরশমণিতে প্রেমিক হইয়া যায় প্রেমাম্পদ, প্রেমাম্পদ হইয়া যায় প্রেমিক। এই তত্ত্বটি সূফীদের মধ্যে খুবই প্রচলিত। বাংলার মহাপ্রভু চৈতন্তের মধ্যে যে শ্রীমতীর ভাবগ্রহণ করিয়া শ্রীকৃষ্ণের অবতরণ, তাহার মধ্যেও প্রেমের এমনই একটি রহস্য নিহিত ছিল। কবিরাজ গোস্বামীর চৈতন্ত-চরিতামৃত গ্রন্থের “শ্রীরাধায়াঃ প্রণয়মহিমা” প্রভৃতি শ্লোক পড়িলে তাহা বেশ বোঝা যায়। বাউলদের মধ্যে তো এই ভাব অতিশয় প্রবল।

প্রেমযোগে ভক্ত তাঁহাতে যায় বিলীন হইয়া। প্রেমে আত্ম বিসর্জন দিয়া ভক্ত সেই প্রেমাম্পদের মহাসন্তায় ফেলে আপনা হারাইয়া। ইহাই প্রেমযোগ, প্রেম-সমাধি, প্রেম-মুক্তি ও প্রেম-নির্বাণ। প্রেমের সাধনা বড় কঠিন সাধনা। এই সাধনা একেলা যদি সাধকেই করিতে হইত তবে সিদ্ধকাম হইবার কোনো উপায়ই ছিল না, কিন্তু ভগবানই ইহার প্রধান সহায়।

না বুঝিয়াও এই যে প্রেমেতে আপনাকে প্রেমময়ের রসে মজাইয়া দেওয়া তাহাই অনন্ত ও অপার সৌন্দর্য্যের মূল। প্রেমেরই প্রকাশ সৌন্দর্য্য। যে সহজ প্রেম নিঃশেষে না জানিয়াও আপনাকে পরিপূর্ণ ভাবে সমর্পণ করিতে পারে সে-ই অনন্ত সৌন্দর্য্যের অধিকারী হয়। এই বিশ্বপ্রকৃতি তাঁহাকে

ভাল করিয়া না বুঝিয়াও তাঁর প্রেমে মজিয়াছে, তাই সকল আকাশবাণী স্বামীর জন্ত তাঁর হরিত পট্টাধরের অনন্ত শোভা। তাঁর ফলফুলের অস্ত নাই, তাঁর রসের ও বর্ষণের ভরপুর ভাণ্ডার সদাই উচ্ছ্বসিত।

বিরহেতেই প্রেম মেলে, প্রেমে সৌন্দর্য্য মেলে, আবার বিরহে আপনায় সকল ক্ষুদ্রতার ও সঙ্কীর্ণতার অবসান হইয়া প্রেমময়ের সঙ্গে নিত্য যোগ ও তাঁহাতে সদা আনন্দময় বিলয় মেলে, কাজেই ধন্য ধন্য এই বিরহ।

১। প্রেমিকের জন্ত প্রেমিকার সদাই কাতরতা, সদাই তাঁর দর্শনের জন্ত অবসর করিয়া প্রেমিকা আছে প্রতীক্ষা করিয়া।

তাঁর বিরহে যে কত দুঃখ তাহা তাঁহাকে জানাইবার উপায় কোথায়? তিনি যদি দেখা না দেন তবে কে তাঁকে খবর দেয়? আর তিনি যদি আসেন তবে আর দুঃখ থাকে কোথায়? তাঁহার বাণী শোনে নাই বলিয়া বিরহী তাঁহার ফিরিতেছে ব্যাকুল হইয়া। যথার্থ মিলনের আশা কোথায়?

২। দাদু বড় দুঃখী। তাঁর বিরহে যে বেদনা, তাঁহাকে না পাইলে তাহার তো কোনো প্রতীকার নাই! মন তাঁর জন্ত ব্যাকুল, কেবল তাঁর পথ চাহিয়া আছে। তাঁহাকে ভুলিতে পারিলে দুঃখ হয়তো যায়। কিন্তু তাহাও প্রাণে সহে না; আবার তিনি দেখাও দেন না। দাদুর বড়ই বিপদ হইয়াছে।

৩। তাঁহাকে পাইবার জন্ত যে আকাঙ্ক্ষা তাহার অপেক্ষা বড় আকাঙ্ক্ষা জগতে কাহারও কোনো কিছুই নাই। নেশাখোর চায় নেশা, বীর চায় বীরত্বের পরীক্ষার জন্ত যুদ্ধ, দরিদ্র চায় ধন, চাতক চায় ধারার জল, মীন চায় জলাশয়, চকোর চায় চক্র। কিন্তু দাদুর ভগবদাকাঙ্ক্ষার মত কি এইগুলি এত তীব্র?

ভ্রমর স্বগন্ধের জন্ত, হরিণ মধুর ধ্বনির জন্ত, পতঙ্গ শিখার জন্ত প্রাণ পারে দিতে। দাদু পারে না? প্রতি ইন্দ্রিয় যেমন তাহার বিষয় ছাড়া আর কিছুই চেনে না, তাহাতেই থাকে মজিয়া, দাদুর অন্তরাখ্যা তেমনি মজিয়াছে তাঁহাতে।

দেহ যেমন আত্মার প্রিয়, আত্মাকে দেহ যেমন নিত্য সেবা করে, তেমনি

কবে পরমাত্মার প্রেম পাইয়া দাদু তাঁহার সঙ্গে নিত্য সেবার প্রেমযোগ লাভ করিবে ?

৪। দাদুকে একটুকু দর্শন দিলে কতি কি ছিল ? তাঁহাকে না পাইয়া দাদু আছে বেহাল হইয়া ? তাঁর সঙ্গে যোগ নাই এমন জীবনকে কি জীবন বলা চলে ?

হৃদয়ে বিরহের ব্যথা, দর্শন না পাইলে যাইবে না। দেখা পাইলে সে সুখ রাখিবার স্থান নাই।

তাঁহার রূপ তিনি ছাড়া কেহই দেখাইতে পারে না। একবার সেই অনন্ত অসীম রূপ দেখিলে তাহাতে আমাকে “লয়” করিয়া পরমানন্দ করিব লাভ।

৫। তাঁর দর্শন চাই, আর কিছুই চাই না। “হে প্রভু, আর সব যাহা দিয়াছ, তুমি ফিরাইয়া নিতে পার। তুমি যদি নিকটে থাক তবে তোমার দর্শনের মহানন্দ ছাড়া আর কিছুই চাহিব না। যেই ভাবের মধ্যে আছি সেইভাবেই মধোই আসিয়া দেখা দাও। আমি যে আর প্রতীক্ষা করিতে পারিতেছি না। তোমাকে না পাইলে আর সব বস্তুতে লাভ কি ? আর তোমাকে পাইলে আর সব বস্তুতে প্রয়োজন কি ?

৬। প্রেমের দুঃপবেদনাকেও ভয় করি না যদি বুঝি তোমাকে পাইব। এই বেদনা না হইলে তো কোনো আশাই নাই। পিপাসা নাই অথচ অস্থিরতা জানাইতেছি তাহাতে কি ভগবদ্রস সন্তোষ হয় ? আমাকে প্রেমের বেদনা দাও, সংকল্প প্রেম দাও, সব পরদা জলিয়া যাউক। মন যদি প্রেমে সদ ব্যাকুল থাকে তবেই তো তোমাকে পাওয়া যাইবে।”

৭। সব সাধনা সব ভোগ ছাড়িয়া তাঁহার বিরহই সার কারিয়া থাকিতে হইবে। বিরহীর কি বুদ্ধিবুদ্ধি জ্ঞান, সমাজ শাস্ত্র সম্প্রদায় প্রভৃতি কিছু থাকিতে পারে ? শাস্ত্রের লেগা দেগিয়া প্রেম করিয়াছি এমন কথা যেন কেহ না বলিতে পারে ? প্রেমের এত বড় অপমান আর নাই। সত্য প্রেম যদি পাই তবে এই সব মিথ্যা আবরণ জলিয়া শেষ হইয়া যাইবে। শুধু এই সব কেন, আপনাকেও স্বল্প প্রেমের কাছে বলি দিতে হইবে। মরিয়াও যেদিন মরিব না সেদিন বুঝিব প্রেমরসের পেয়াল। সত্যই হইয়াছে পান করা।

৮। বিরহ আগুনে যদি জলি তবে এই আশাতেই সুখ দে। তিনি কোন-

দিন আসিয়া স্বয়ং এই দাহ নিবাইবেন। আর কাহাকেও বা আর কিছুকে দিয়া এই আগুন নিবাইবার চেষ্টা করিয়া যেন প্রেমকে অপমান না করি। কাজেই বিরহী প্রাণ গেলেও বিরহকে ছাড়িতে চাহে না, তাঁর নামই সদা থাকে জপিতে। অন্তরের ব্যথাই যেন তাঁহাকে ডাকিয়া আনে, পরকে দিয়া তাঁহাকে ডাকিয়া পাঠান কোনো কাজের কথা নয়। আমার ব্যথা ছাড়া কে তাঁহাকে বলিবে যে তাঁর জন্ম সদাই আছি ব্যাকুল হইয়া, এক পলকের জন্মও শাস্তি নাই ?

৯। তিনি ছাড়া এ জালা অন্য আর কিছুতে যাইবার নয়। অথচ এই জালা ছাড়া প্রেমেরও সম্ভাবনা নাই। এই ব্যথা না হইলে জীবনটাই ব্যর্থ গেল। ব্যথাও আবার সাক্ষা অন্তরের ব্যথা হওয়া চাই, ভাগ-ভাগি প্রেমের জগতে চলে না। কাজেই বাহিরে যেন এই জালা কেহ না দেখায়। সব দুঃখ অন্তরে রাখিবে তবেই পাইবে প্রেমময়কে। এই দুঃখের আগুনেই সব মলিনতা দূর হইয়া অন্তর হইবে নিশ্চল। তখন সেই নির্মল আদর্শে তাঁহার রূপ দেখা দিবে। ইগাতি হইল এই বিরহ দহনের সার্থকতা। এই দাহ যদি বাহিরে প্রকাশ কর, তবে অন্তরের “কণ্ঠমল” (পাপ বন্ধন) কেমন করিয়া দূর হইবে ? সব অগ্নি যে বাহিরেই যাইবে চলিয়া। অন্তরের মধ্যেই যদি ব্যথা রূপ তিনিও অন্তর দিয়া বুঝিয়া ব্যথা দূর করিবেন। “জরগা অঙ্গে” আগা-গোড়াই এই তত্ত্বটি বলা হইয়াছে।

১০। সবাই সুখে দিন কাটায়। যাহাদের বিরহ হয় নাই, মনে হয় তাহারা সুখে আছে। কিন্তু আসলে তাহারা হতভাগা, তাহাদের জীবনে কোনো আশা কোনো সম্ভাবনা নাই। প্রেম যাহার হইয়াছে তাহার দুঃখের অবধি নাই, কিন্তু তবু তার ভরসা আছে। সে সার্থক হইবে।

১১। বাক্যে কিছু হইবে না। প্রেমের উপযুক্ত সেবা কর, সাধনা কর। এই প্রেমের ক্ষেত্রে ব্যথাই একমাত্র সাধনা। দরদ দিয়াই দরদী তোমাকে লইবেন চিনিয়া।

১২। ব্যথাই সাক্ষা সাধনা। ব্যথা হইতে উপজে প্রেম-ব্যাকুলতা, তবেই মিলনের আশা। নিকটে জল থাকিলে কি হয় ? তৃষ্ণা ছাড়া জল গ্রহণ করা যায় কি ? ক্ষুধা হইলে তবেই পাককে যথার্থ লাভ করি। সম্মুখে পাণ্ডা থাকিলেও ক্ষুধা না থাকিলে তাহা না থাকারই সমান। দেহ সন্তপ্ত না হইলে

নিকটস্থ ছায়াকে লাভ করা যায় না। ব্রহ্মকে পাইতে হইলেও ব্রহ্মতৃষ্ণা চাই। বিরহই এই ব্রহ্মতৃষ্ণা। বিশ্বচরাচর তিনি আছেন ভরিয়া। বিরহ যোগেই তাঁহাকে যথার্থভাবে পাইব।

১৩। এই তত্ত্ব বেদে কোরাণে নাই, আছে প্রেমের শাস্ত্রে। তাহা পড়িতে জানে না বলিয়াই লোকে বিরহকে ভয় পায় এবং প্রেমের জন্ত সব ছাড়িতে হইলে করে হাহাকার। প্রেমের শাস্ত্র না জানিলে, প্রেমের রহস্য না বুঝিলে, অশ্রু শাস্ত্রের তত্ত্ব জানিয়া প্রেমের পথে চলিতে পারিবে না। প্রেম-জগতের রহস্য অতুলনীয়; প্রেমের সেই শাস্ত্র জানিতে হইবে।

১৪। প্রেমের আঘাত যার লাগিয়াছে সে-ই ইহার মর্ম্ম জানে। মর্ম্ম দারুণ আঘাত লাগিয়াছে, জানে সে মরিবে, তবু রণক্ষেত্রের মুম্বু' বীরের মত একটু মুচকিয়া সে হাস্য করে।

বিরহ অর্থই বেদনা। বেদনাতে জীবন জাগে, জীবন জাগিলে প্রেম জাগে, প্রেম হইলে সর্ব্ব ইন্দ্রিয় প্রেমের সাধনাকে ভয় প্রবৃত্ত। তখন মন পবন ইন্দ্রিয় সবটাই সহজে হয় স্থির। তাই প্রেমকে বলে সহজ সাধনা।

কি পরিমাণ দিলাম তাহা দিয়া প্রেমের জগতের হিসাব নয়। সর্ব্ব দিলাম কিনা তাহাটাই দেখিবার। সূর্য্যকে দেখিয়া এক বিন্দু ফুল যে তার সকল জীবন বিকশিত করিয়া দিল তাই তো তাহার পূজা পরিপূর্ণ। প্রেমে, অকুরাগে, ভক্তিতে কল্যাণে সর্ব্ব দিতে হইবে, তা সে যতটুকুই হউক। বঞ্চনা না করিয়া সব দিলেই প্রেম-সাধনা হইবে সাক্ষাৎ।

১৫। তাঁহাকে না দেখিলে দারুণ দুঃখ। এত দুঃখেও জীবন যে থাকে তাই আশ্চর্য্য। “আমার জীবন ভরা পিপাসা, প্রভু, ভগবদ্‌রসের মেঘ বর্ষণ কর।” এই জপট নিরন্তর চলিয়াছে জীবনের মধ্যে। পাক্করের মধ্যে প্রবেশ করিয়া সকল জীবন ভরিয়া পৌত্তি “প্রিয় প্রিয়” জপ করিতেছে। সকল জীবন প্রেমে যখন শ্রবণ-ইন্দ্রিয় হইয়া তাঁর ধ্বনি শুনিতে চায়, যখন রসনা হইয়া তাঁর রস পাইতে চায়, যখন বাণী হইয়া তাঁহার মহিমা প্রকাশ করিতে চায়, যখন নয়ন হইয়া তাঁহার রূপ দেখিতে চায়, তখনই বৃষ্টিব যথার্থ প্রেম হইয়াছে।

১৬। রাজি দিনেব এই কার্য্য। কাঁদিতে কাঁদিতে তাঁর মধ্যে হইবে ডুবিয়া যাইতে। তাঁহাতে লীন হইয়া যাইতে হইবে। ইহাট প্রেমের ব্রহ্ম-বিলয়

৭ ব্রহ্ম-নির্বাণ। এই অগ্নিতে সব মলিনতা দূর হইলে মন হইবে নিখল।
নিখল মনে তাঁর রূপ হইবে উদ্ভাসিত। তাঁর রূপ-যোগের যোগ্যতা না
হইলে দেখাও হইবে না, বাঁচিবও না।

১৭। এক ভরসা, আমার সাধনাতে তিনিও আছেন সহায়। সকলে
যখন স্নেহে ঘুমায় তখন ব্যথিতের সঙ্গে জাগেন একমাত্র দরদী জগদগুরু।

১৮। প্রেমই তাঁর স্বরূপ, প্রেমই তাঁর পরিচয়। তাঁর চরণ ধরিয়া প্রেমের
জীবনকে করিতে হইবে নত। প্রেমের পথ আশ্রয় করিলে শাস্ত্র-ধর্ম সমাজ-ধর্ম
প্রভৃতি আর সব পথ হয় বৃথা; সে সব ছাড়িতে হইবে।

১৯। বিরহ ছাড়া আর কেহ তাঁর কাছে পৌছাইয়া দিতে পারে না।
তিনি প্রেমময়। প্রেমের চোটে প্রেমিক হইয়া যায় প্রেমাম্পদ প্রেমাম্পদ হয়
প্রেমিক। স্বরূপের হয় অনল বদল। তার পর তাঁর মধ্যে প্রেমিক আপনাকে
করিয়া দেয় প্রেমে বিলীন। একমাত্র পরিপূর্ণ তিনিই থাকেন।

২০। না জানিয়াও প্রেম যে আপনাকে সহজে সঁপিয়া দেয় তাহাতেই
সব সৌন্দর্য সব রস। বিশ্বপ্রকৃতি তাঁহার প্রেমে মজিয়া আপনাকে
ভরপুর সঁপিয়াছে, তাই তাহার হরিত পট্টাঘরের শোভার আর অবসান নাই।
ফুলে ফলে তাই প্রকৃতি ভরপুর। গগনভরা রসে জগতের ভাঙার ভরপুর।
তাই এই প্রেমের সদাই জয়জয়কার।

কালের হস্তে সব কিছুই ক্ষয়। কিন্তু প্রেম পাইয়াছে বলিয়া বিশ্ব-
প্রকৃতির সৌন্দর্য কালজয়ী। কালের মুখ কালা করিয়া জগৎপতি জগতে
বচনা করিয়াছেন মহোৎসব। তাঁর প্রেম-মেঘে নিরন্তর হইতেছে সৌন্দর্য
গুটি। ইহাই প্রেমের সৃষ্টি। প্রেমে এই সৃষ্টি নিরন্তর চলিয়াছে, এই
সৃষ্টিতে প্রয়াস নাই ক্লান্তি নাই। তাই নিরবসান এই আনন্দের সৃষ্টি লীলা।

১। বিরহিণীর বেদনা:

রতিবন্তী আরতী করৈ রাম সনেহী আর।

দাদু অরসর অব মিলৈ যহ বিরহিনী কা ভার ॥

বিরহিনী ছুখ কা সনি কহৈ কা সনি দেই সঁদেশ।

পংখ নিহারত পীরকা চিত নাহিঁ সুখ লেস ॥

বিরহিনী ছুখ কা সনি কঠৈ জানত হৈ জগদীস ।
 দাদু নিসদিন বিরহী হৈ বিরহা কররত সীস ॥
 সাহিব মুখি বোলৈ নহীঁ সেবক ফিটৈ উদাস ।
 য়ছ বেদন জির মৈঁ রঠৈ ঐন পরস নহিঁ আস ॥

“প্রেমে ব্যাকুল। (“রতিবন্তী” – “আর্তিবন্তী”) আর্তি (মনের বেদনা) জানাইতেছে. “হে প্রেমিক রাম তুমি আইস, এই তো উপযুক্ত অবসর, এখন আসিয়া হও মিলিত”, এই হটল বিরহিনীর ভাব ।

বিরহিনী দুঃখ কহে বা কাহার কাছে, কাহার সনে বা দেয় সে সন্দেশ ? বিরহিনী আছে প্রিয়তমের পথ চাহিয়া, চিন্তে নাট তার সুখলেশ ।

বিরহিনী দুঃখ কহে আর কাহার কাছে ? জগদীশই তাহা জানেন, নিশিদিন দাদু বিরহেই আছে ডুবিয়া, করাতের মত বিরহ কাটিতেছে মাথা ।

মুখে কথাটিও বলিলেন না স্বামী, সেবক তাই ফিরিতেছে উদাস হটয়া, এই বেদনাট অস্তুরে গেল রহিয়া যে ষথার্থভাবে মিলনের (পরশের) আর আশাও নাট ।”

২ : দাদুর দুঃখের অন্ত্রি নাই :

দাদু ঠেস সংসার মৈঁ মুকসা ছুখী ন কোই ।
 পীর মিলন কে কারনৈ মৈঁ জল ভরিয়া রোই ॥
 না রহ মিলৈ না মৈঁ সুখী কহ কোঁ জীৱন হোই ।
 জিন মুককৌ ঘায়ল কিয়া মেরী দারু সোই ॥
 জব লগি সুরতি মিটে* নহীঁ মন নিচল নহিঁ হোই ।
 তব লগি পিয় পরসৈ নহীঁ বড়ী বিপতি য়ছ মোই ॥
 দরসন কারনি বিরহিনী বৈরাগিন হোই ।
 দাদু বিরহ বিয়োগিনী হরি মারগ জোই ॥

* “জবলগি সুরতি মিটে নহীঁ” পাঠ হইলে অর্থ হইবে “যতদিন ধ্যান হয় ঘনীভূত ও পরিপূর্ণ ।”

হে দাদু, এই সংসারে আমার মত দুঃখী আর কেহই নাই ; প্রিয়তমের সঙ্গে মিলনের জন্য আমি কাঁদিয়া জল ভরিয়াছি (ধারা বহাইয়াছি) ।

না তাঁকে পাইলে না হই আমি সুখী, বল, এই জীবন আছে কি লাগিয়া ? যিনি আমাকে করিয়াছেন “ঘায়েল” (আহত) তিনিই তো আমার ঔষধ ।

যে পর্য্যন্ত স্মৃতিটুকু না যায় মুছিয়া তাবৎ মন তো হয় না স্থির । সে পর্য্যন্ত প্রিয়তমও করেন না পরশ (যে পর্য্যন্ত মন স্থির না হয়), এট তো আমার বড় বিপদ । দরশনের জন্যই বিরহিণী হইয়াছে বৈরাগিণী, বিরহ-বিরোগিণী দাদু হরির “পংখ” আছে চাহিয়া ।”

৩ : তাঁহাতেই সকল আকাঙ্ক্ষা :

জুঁ অমলীকৈ চিত্ত অমল তৈ সুর কৈ সংগ্রাম ।
 নিরধন কৈ চিত্ত ধন বসৈ য়েঁ। দাদু মন রাম ॥
 জুঁ চাতৃগ চিত্তি জল বসৈ জুঁ পানী চিত্ত মীন ।
 জৈসৈ চন্দ চকোর তৈ ঐসৈ হরি সৌ কীন ॥
 ভরঁরা লুবধী বাসকা মোহা নাদ কুরংগ ।
 যৌ দাদু কা মন রাম সৌ জেঁয়া দীপক জ্যোতি পতংগ ॥
 শ্রবনা রাতে নাদ সৌ নৈনা রাতে রূপ ।
 জিভ্যা রাতী স্বাদ সৌ তৌ দাদু এক অনূপ ॥
 দেহ পিয়ারী জীর কৌ নিসদিন সেরা মাহিঁ ।
 দাদু জীরন মরণ লৌ কবহুঁ ছাড়ী নাহিঁ ॥
 দেহ পিয়ারী জীর কৌ জীর পিয়ারা দেহ ।
 দাদু হরিরস পাঠয়ে জৈ ঐসা হোই সনেহ ॥

“পানাসক্তের চিত্তে যেমন সদা রহিয়াছে পানের আকাঙ্ক্ষা, শুরের চিত্তে যেমন সদাই আছে সংগ্রামের জন্য ব্যাকুলতা, নির্ধনের চিত্তে যেমন সদাই পানের বাসনা আছে (ভরিয়া), তেমনই দাদুর মনে (ভরিয়া আছে) ভগবানের জন্য ব্যাকুলতা ।

যেমন চাতকের চিত্তে বসিয়া আছে জলের বিরহ, মীনের চিত্তে যেমন

জলের জন্তু ব্যাকুলতা, চন্দ্রের জন্তু যেমন চকোরের আকাজক্ষা, এমনই (প্রেম
করিয়াছে দাদু) হরির সঙ্গে ।”

ভ্রমর যেমন গন্ধে লুক, কুরঙ্গ যেমন নাচে মুগ্ধ, পতঙ্গ যেমন দীপশিখায়
(আকৃষ্ট), তেমনি দাদুর মন ভগবানের জন্তু (লুক মুগ্ধ ও আকৃষ্ট) ।

শ্রবণ অনুরক্ত নাচে, নয়ন অনুরক্ত রূপে, জিহ্বা অনুরক্ত স্বাদে, তেমনি
দাদু অনুরক্ত এক অনুপমে ।

নিশিদিন সেবার মধ্যে যুক্ত দেহই আত্মার প্রিয়, জীবনে মরণে দাদু কখনও
তাঁহাকে পারে না পরিত্যাগ করিতে ।

দেহও আত্মার প্রিয়, আত্মাও দেহের প্রিয়, যদি এইরূপ স্নেহ তোমার হৃদয়
তবেই দাদু পাইলে হরিরস ।”

৪ : তোমা বিনা ব্যর্থ জীবন :

হম ছুখিয়া দীদারকে মিহরবান দিখলাই ।

দাদু খোড়ী বাত খী জে টুক দরস দিখাই ॥

ক্যা জীরে মৈঁ জীরণা বিন দরসন বেহাল ।

দাদু সোই জীরণা পরগট দরসন লাল ॥

বিধা তুমহারে দরসকী মোহি ব্যাপৈ দিন রাত ।

তুখী ন কীজৈ দীন কৌ দরসন দীজে তাত ॥

ইস ত্রিয়ড়ে যে সাল পিয় বিন কোঁহি ন জাইসী ।

জব দেখৌ মেরা লাল তব রোম রোম সুখ আইসী ॥

তুঁ হৈ তৈসা প্রকাস করি অপনঁ আপ দিখাই ।

হৌ দেখৌ দেখত মিলৌঁ তৌ জীর সুখ পাই ॥

“আমি ঐ রূপের কাঙ্ক্ষাল, হে দয়াময়, (ঐ রূপ) দেখাও, হে দাদু, এটো তো
ছিল সামান্ত কথা (প্রার্থনা) যে একটু দরশন দেখাও ।

কি জীবন লইয়াই থাকি বাঁচিয়া ! বিনা দরশনে যে (আমি) “বেহাল”
(অতিশয় দুর্দশাগ্রস্ত) ; হে দাদু, সেই তো জীবন যাহাতে বলভের সঙ্গে হৃদয়
প্রত্যক্ষ দরশন ।

তোমাকে দরশনের জগ্ন বেদনা দিন রাত আছে আমাতে প্রবল হইয়া ;
দীনকে আর করিও না ছুঃখী, হে তাত, দরশন দাও ।

এই হৃদয়ের মাঝে এই তো শাল (বিক্রমলোর যাতনা), প্রিয়তম বিনা
কিছুতেই তো তাহা বাইবে না । যখন দেখিব আমার বল্লভকে, তখনই
শরীরের প্রতি অণু পরমাণুতে (রোমে রোমে) আসিবে আনন্দ ।

তুমি যে আছ সেই অনুরূপ (সত্তার অনুরূপ) প্রকাশ করিয়া আপনাকে
আপনি দেখাও ; আমি দেখি, আর দেখিতে দেখিতে তোমার মধ্যে ষাই
মিলিয়া, তবেই জীবন পায় তার পরমানন্দ ।”

১ : তোমা ছাড়া কিছুই চাই না :

জে কিছু দিয়া হমকৌ সো সব তুম হী লেছ ।
ভারৈ হমকৌ জালি দে দরস আপনা দেছ ॥
দীন ছনৌ সদকৈ করৌ টুক দেখণ দে দীদার ।
তন মন ভী ছিন ছিন করে । ভিস্ত দোজগ ভী রার ॥
দুজা কিছু মাগৈ নহী হমকৌ দে দীদার ।
তুঁ তৈ তব লগ এক টগ দাদুকে দিলদার ॥
দাদু দরসন কী রলী হমকৌ বহুত অপার ।
ক্যা জানৌ কবহী মিলৈ মেরা প্রাণ অধার ॥
দাদু কারণি কংতকে খরা ছুখী বেহাল ।
মীর । মেরা মিহর করি দে দরসন দরহাল ॥

“দাদু কহিতেছে, যাহা কিছু (আমাকে) দিছাত সব তুমিই লও ফিরাইয়া,
চাও তো আমাকে ফেল দক্ষ করিয়া, শুধু দাও তোমার দরশন ।

আমার দীন-ছুনিয়া (ইহলোক-পরলোক) সব করিব আমি উৎসর্গ,
একটুকু দর্শন দিও আমায় প্রেমময়ের । তন্ত মন ও আমার করিব ছিন্নভিন্ন,
স্বর্গ নরকও আমি দিব উৎসর্গ করিয়া ।

আর কিছুই আমি চাই না, আমাকে দাও শুধু দরশন, তুমি যতদিন (নয়নের
কাছে) আছ, ততদিন অনিমেঘ থাকিব চাইয়া, তুমি যে দাদুর প্রেমের ধন !

দাদু দরশনের জগু ব্যাকুল, অপার প্রভুত আমার ব্যাকুলতা ; কেমন করিয়া জানিব কবে আসিয়া মিলিবেন আমার প্রাণাধার ?

কান্তের জগু দাদু সত্য সত্যই বিষম বেহাল দুঃখী, প্রভু আমার দয়। কবিয়া এই অবস্থাতেই আসিয়া দাও দরশন ।”

৬: প্রেমের ব্যথা প্রভু :

তাল। বেলী প্যাস বিন কৌ রস পীয়া জাতি ।
 বিরহ। দরসন দরদ সৌ হম কৌ দেহু খুদাতি ॥
 তাল। বেলী পীড়সৌ বিরহ। প্রেম পিয়াস ।
 দরসন সেতী দৌজিয়ে বিলসৈ দাদু দাস ॥
 হমকৌ অপনা আপ দে ইস্ক মুহবত দর্দ ।
 সহজ সুহাগ সুখ প্রেম রস মিলি খেলৈ লা-পর্দ ॥
 প্রেম ভগতি মাতা রঠৈ তাল। বেলী অংগ ।
 সদা সপীড়া মন রঠৈ রাম রঠৈ উন সংগ ॥

“পিপাস। নাই বলিয়াই তো এই ব্যাকুলতা অস্তিরতা, কেমন করিয়া (প্রেম। রস তবে করা যায় পান ? বিরহ ব্যথার মধা দিয়াই তো দরশন, হে গোদা, সুধু সেই (মহা) বস্তুটি আমাকে দাও ।

ব্যথাতেই তো ব্যাকুলতা, প্রেমের পিপাসাই হইল বিরহ ; নিজের সঙ্গে দাও দরশন, তবেই দাস দাদুর পরমানন্দ ।

নিজেই নিজেকে তুমি দাও আমাকে, দাও অনুরাগ প্রেম ও (বিরহের। বেদনা, দাও সহজ সোভাগ্য সহজ সুখ, দাও প্রেমরস ; সকল ব্যথা (পর্দা) দূর করিয়া পেলিব তোমার সঙ্গে ।

সদা প্রেম ভক্তিতে যে জন থাকে মত্ত, বাহার শরীর সদা ব্যাকুল, যার মন প্রেমের বেদনায় সদাই ব্যথিত, তার সঙ্গেই রাম করেন বিহার ।”

৭: সব ছাড়িলে তনে মিলিলে :

জ্ঞান ধ্যান সব ছাড়ি দে জপ তপ সাধন জোগ ।
 দাদু বিরহ। লে রঠৈ ছাড়ি সকল রস ভোগ ॥

জহঁ। বিরহ তহঁ ঔর কা। স্মৃধি বৃধি নাঠে জ্ঞান ।
 লোক বেদ মারগ তজে দাদু একৈ ধ্যান ॥
 দাদু ইশ্ক অরাজসেঁ। ঐসেঁ কঠৈ ন কোই ।
 দর্দ মোতক্বতি পাঠয়ে সাচিন হামিল হোই ॥
 দাদু ইশ্ক অলাতকা কবহুঁ প্রগটে আউ ।
 তন মন দিল অররাজকা সন পরদা জলি জাউ ॥
 জব লগ সী'স ন মৌপিয়ে তব লগ ইশ্ক ন হোই ।
 আসিক মরণে না উরৈ পিয়া পিয়াল। সোই ॥

“জ্ঞান ধ্যান জপ তপ সাধন যোগ সব দাপ্ত কেলিয়া, হে দাদু, সকল রস ভোগ ছাড়িয়া দিয়া এক বিরহ লইয়াই থাক ।

যেখানে বিরহ সেখানে আর কিছু কি থাকে ? বুদ্ধিবুদ্ধি জ্ঞান সবই (বিরহ) ফেলে নষ্ট করিয়া ; লোক (লোকাচার সম্প্রদায়-ধর্ম প্রভৃতি) বেদ (শাস্ত্র উপদেশাদি) মার্গ (ধর্ম সাধন। প্রভৃতি) সব ছাড়িয়া দিয়া, হে দাদু, সে রহে এক বিরহেরই ধামে ।

সেই ধ্বনিত্তেই নিতায়ুক্ত প্রেম, প্রেম কথাটি হে। এমন করিয়া কেহ বলে না। (যদি বলিত), তবে প্রেম ও বিরহ-বেদন। প্রাপ্ত হইয়া পরমাআ্মাকে জীবনেই করিত উপলক্ষি ।

হে দাদু, আল্লাহ প্রতি প্রেম যদি কোনো দিন আসিত। এমন করিয়া জীবনে ইয় প্রকটিত, তবে তন মন জদয় প্রভৃতি আধারাত্মক সকল পবন। যায় জলিয়া ।

যে পর্য্যন্ত মাথা (জীবন) না ম'পিরে ততদিন প্রেম হয় নাই (উহাট হইবে বুদ্ধিতে ।। প্রেমের পেয়াল। পান যে করিয়াছে সেই প্রেমিক মরণেও আর ডরায় না ।”

৮। ভগবানের বিরহ দক্ষ করে :

বিরহ অগ্নি তন জালিয়ে জ্ঞান অগ্নি দৌ লাউ ।
 দাদু নখ সিখ পরজলে রাম বুঝারৈ আই ॥
 জে কবহুঁ বিরহিনি মরৈ তো ভী বিরহী হোই ।
 দাদু পিউ পিউ জীবর্ত। মুয়ে ভী টেরৈ সোই ॥

अपनी पीड़ पुकारिये पीड़ पराई नाहिं ।
 पीड़ पुकारै सो भला करक कलेजे माहिं ॥
 विरह विरोग न सहि सकौ निसदिन साँलें मोहि ।
 कोई कहो मेरे पीर कौ कब मुख देखी तोहि ॥
 विरह विरोग न सहि सकौ तन मन धरै न धीर ।
 कोई कहो मेरे पीर कौ मेटै मेरी पीर ॥
 दादू छुंखी संसार में तूमू वन रहा न जाई ।
 औरौ के आनंद है सुख सो रैनि बिहाई ॥
 जिस घटि विरहा रामका उसे नींद न आरै ।
 दादू तलफै विरहिनी उस पीड़ जगारै ॥

“বিরহ অগ্নিতে তনু (জীবন) দেও জালাইয়া, জ্ঞানের অগ্নির জলকৃশিকা
 আন জীবনে। হে দাদু, নখ হইতে শিখা পর্যন্ত বখন হইবে প্রজলিত
 তখন ভগবান আপনি আসিয়া তাহা দিবেন নিবাইয়া।

বিরহিণী যদি কখনও মরে তবে আবারও সে বিরহীই হয়। হে দাদু,
 বাচিয়া থাকিতেও (পাপিয়ার মত) সে “পিউ পিউ” (প্রিয়তম, প্রিয়তম)
 করে, মরিলেও সে সেই ধ্বনিই করে।

আপনার ব্যথাতেই ডাক’ : পুকার’ : পরের (কাছে শোনা) ব্যথায় নয় :
 ব্যথাই (“ব্যথায়” ও অর্প হয়) যে ডাকে সে-ই ভাল, অন্যের মতো যে আছে
 দারুণ বেদনা।

বিরহ বিরোগ আর তো সহিতে পারি না, নিশিদিন খে আমায় করে শেল
 বিদ্ধ। কেহ গিয়া বল আমার প্রিয়তমকে—“কবে দেখিব তোমার মুখ?”

বিরহ ব্যথা আর তো পারিতেছি না সহিতে, তনু মনে আর থাকিতেছে না
 ধৈর্য; কেহ গিয়া কহিলে আমার প্রিয়তমকে যে তিনি যেন আমার বেদনা
 দেন মিটাইয়া।

সংসারে দাদু বড় ছুঃখী, তোমা বিদ্যা যে যাছ না বচা। অন্তদেব কে
 দেখি বেশ আনন্দ, তারা বেশ সুপেট পোহায় রজনী।

অস্তরে ষার ভগবানের বিরহ তার নধনে আর আসে না নিদ্রা । হে দাদু, বিরহী করে ছটফট, সেই ব্যথাই তাহাকে রাগে জাগাইয়া ।”

**৯ : তাঁহাকে না পাইলে শান্তি নাই,
বিরহ ছাড়া তিনি মেলে ন৷ :**

দাদু সুখ হৈ সাজে সৌ ঔর সবে হী দুঃখ ।
দেখৌ দরসন পীরকা তিসতী লাগে সুকুখ ॥
চন্দন সীতল চন্দ্রমা জল সীতল সব কোই ।
দাদু বিরহী রামকা ইন সৌ কদে ন হোই ॥
প্রীতি ন উপজৈ বিরহ বিন প্রেম ভগতি কোঁ হোই ।
সব কুঠে দাদু ভার বিন কোটি কঠৈ জে কোই ॥
চোট ন লাগী বিরহকৌ পীড় ন উপজী আই ।
জাগি ন রোরৈ ধাহ দে সোরত গঙ্গ বিহাই ॥
অন্দরি পীড় ন উভরৈ বাহরি কঠৈ পুকার ।
দাদু সো কোঁয়া করি লহৈ সাহিব কা দীদার ॥
মনহীঁ মাইঁ বুরনা রোরৈ মনহীঁ মাহিঁ ।
মনহীঁ মাইঁ ধাহ দে দাদু বাহরি নাহীঁ ॥
দাদু তৌ পির পাইয়ে কসমল হৈ সো জাউ ।
নির্মল মন করি আরসী মুরতি মাহিঁ লখাই ॥
দাদু তৌ পিয় পাইয়ে করি মংখে বীলাপ ।
সুনিহঁ কবহুঁ চিত্ত ধরি পরগট হোরৈ আপ ॥

“হে দাদু, সুখ হইল একমাত্র স্বামীর সঙ্গে, আর সবই দুঃখ ; প্রিয়তমের রূপ যখন দেখি তখনই তাহাতে লাগে আনন্দ ।

সবাই বলেন চন্দন শীতল, চন্দ্রমা শীতল, জল শীতল . হে দাদু, ভগবানের বিরহী যে জন, তার এসবে কখনই কিছু হয় না ।

বিরহ বিনা প্রীতিই (মানবে) হয় না উপন্ন, প্রেম ভক্তি (ভগবানে) আর হইবে তবে কেমন করিয়া ? হে দাদু, কোটি চেষ্টাই কেন কেহ না করুক, তাব বিনা সবই বুঠা ।

বিরহের আঘাত যদি না লাগিয়া থাকে, যদি বেদনা না উপজিয়া থাকে, যদি রাত্রি জাগিয়া জাগিয়া হাহাকার করিয়া না কাঁদিয়া থাকে, তবে শুইয়া শুইয়াই সে (জীবন বৃথায়) দিন কাটাইয়া ।

অস্তুরে যদি ব্যথা উচ্ছ্বসিত হইয়া উঠিয়া না থাকে, বাহিরেই যদি শুধু করে সে চীৎকার, হে দাদু, তবে সে কেমন করিয়া স্বামীর দরশন করিবে লাভ ?

মনের মধোই চলিবে “বুরণ” (অশ্রু ঝরিয়া শুষ্ক হওয়া), মনের মধোই চলিবে কান্না, মনের মধোই করিবে হাহাকার, হে দাদু বাহিরে তো সে সব নহে ।

হে দাদু, তবেই পাইবে প্রিয়তমকে, যদি অস্তুরের সব কশ্মল (মলিনতা মোহ-পাপ) বাহা আছে তাহা যায় চলিয়া ; মনকে নির্মল করিয়া স্বচ্ছ দর্পণের মত করিতে পারিলে তাহার মাঝেই তাঁর মূর্তি যাইবে দেখা ।

হে দাদু, যদি অস্তুরের মাঝে কর বিলাপ তবেই পাইবে প্রিয়তমকে, কখনও না কখনও চিত্ত ধরিয়ঃ (মন লাগাইয়া) তিনি শুনিবেন ও আসিবে স্বপ্ন হইবেন প্রত্যক্ষ ।”

১০ : বিরহ ব্যথার প্রতিকার নাই :

সারা সূরা নীঁদ ভরি সব কোঠ সোঁরে ।

দাদু ঘাইল দরদরুংদ জাগৈ অরু রোঁরে ॥

পৌড় পুরাণী না পড়ৈ জে অংতর বেখ্যা হোঁঠ ।

দাদু জীবন মরণ লৌঁ পড়্যা পুকারৈ সোঁই ॥

ভিস ঘটি ইশ্ক অলাতকা তিস ঘটি লোঠী ন মাস ।

দাদু জিয়রে জক নহীঁ সসকৈ মাসৈ মাস ॥

“সারিয়া সুরিয়া গভীর নিদ্রায় আছে সবাই শুইয়া, হে দাদু, যে “ঘায়েল” বা ব্যথা-পীড়িত, সে আগে আর করে শুধু রোদন ।

অস্তুর যদি (প্রেমে) বিদ্ধ হইয়া থাকে তবে ব্যথা আর হয় না পুরাতন, হে দাদু, জীবন হঠতে মরণ পর্য্যন্ত সে পড়িয়া পড়িয়া (প্রেমাম্পদের জন্ত) শুধু করে আর্তনাদ ।

যেই ঘটে (দেহে) থাকে আল্লাহ প্রেম সেই ঘটে না থাকে রক্ত না থাকে মাংস ; হে দাদু, তার জীবনে না থাকে সোয়াস্তি না থাকে আরাম, সে শ্বাসে শ্বাসে ভিতরে ভিতরে (রক্তপ্রকাশ ছুঃখে) থাকে কাঁদিতে ও বুরিতে ।”

১১ : বাক্যে হইবে না :

বার্ত্তী বিরহ ন উপজৈ বার্ত্তী প্রীতি ন হোই ।
 বার্ত্তী প্রেম ন পাইয়ে জিন রু পতীজৈ কোই ॥
 দাদু তো পির পাইয়ে করি সান্ধী কী সের ।
 কায়া মাহিঁ লখায়সী ঘটতি ভীতরি দেৱ ॥
 দরদ তি বৃষ্ণ দরদরংদ জাকে দিল হোরৈ ।
 ক্যা জানৈ দাদু দরদকী নীর্দ ভরি সোরৈ ॥

“বাক্যে বিরহ ভাবও হয় না উপজন্ম বাক্যে প্রীতিও হয় না উপজিত ; বাক্যে প্রেমও মেলে না, কেহ বিশ্বাস করিও না যে বাক্যে এসব হয় ।

হে দাদু, স্বামীৰ সেবা কব, তবেই প্রিয়তমকে পাইবে ; কায়াৰ মধ্যেই নিজেৰে) তিনি দেখাইবেন, ঘাটেরই ভিতরে যে দেবতা বিরাজমান ।

যাহাৰ হৃদয় আছে এমন দরদীই বোঝে দরদ । হে দাদু, দরদের তুই কি জানিস্ ? ভরপুর নিদ্রায় থাকিস্ তুই শুইয়া !”

১২ : বিনা বিরহে প্রেম হয় না :

পত্নীলা আগম বিরহকা পীঠে প্রীতি প্রকাশ ।
 প্রেম মগন লর লীন মন তহঁ মিলন কী আস ॥
 ত্রিখা বিনা তনি প্রীতি ন উপজৈ সীতল নিকটি জল ধরিয়া ।
 জনম লগৈঁ জীৱ পুণগ ন পীরৈ নিমল দহদিসি ভরিয়া ॥
 ক্ষুধ্যা বিনা তনি প্রীতি ন উপজৈ বহুবিধি ভোজন নেৱা ।
 জনম লগৈঁ জীৱ রতী ন চাথে পাক পুরি বহু তেৱা ॥
 তপতি বিনা তন প্রীতি ন উপজৈ সংগ হী সীতল ছায়া ।
 জনম লগৈঁ জিৱ জানৈ নাহীঁ তরৱর ত্রিভুৱন ৱায়া ॥

“প্রথমে হয় বিরহের আগম পরে হয় প্রীতির প্রকাশ ; প্রেমে মগন ধ্যানে লীন যেখানে মন, সেইখানে মিলনের আশা ।

তৃষ্ণা বিনা একটুও উপজে না প্রীতি যদিও শীতল জল নিকটেই থাকে রক্ষিত ; নিশ্চল জল দশদিশি ভরিয়া থাকিলেও, জনমেও জীবন তাহা একবিন্দু করে না পান (যদি তৃষ্ণা না থাকে) ।

বহুবিধ ভোজন নিকটে থাকিলেও ক্ষুধা বিনা একটুও উপজে না প্রীতি । পাক ও পূর (ভাজা ও ভিতরে ভরা পিঠা প্রভৃতি) বহুবিধ থাকিলে ও জনম ভরিয়া জীব এক রতিও তাহা চাখে না (যদি ক্ষুধা না থাকে) ।

সঙ্গেই যদি শীতল ছায়া থাকে তবু (দেহের) সন্তাপ বিনা তাহাতে একটুও উপজে না প্রীতি ; জনম ভরিয়া জীবন জানেও না যে ত্রিভুবনপতিই সেই তরুণ (যাহার শীতল ছায়ায় অঙ্গ জুড়ায়) ।”

১৩ : প্রেমের শাস্ত্র, প্রেমের পত্র :

দাদু অখ্যর প্রেমকা কোঈ পটেগা এক ।

দাদু পুস্তক প্রেম বিন কেতে পটে^৩ অনেক ॥

দাদু পাতী প্রেমকী বিরলা বাঁচৈ কোই ।

বেদ পুরান পুস্তক পটে^৩ প্রেম বিনা কেঁয়া হোই ॥

“হে দাদু, প্রেমের অক্ষর ক্চিহই কেহ পারে পড়িতে, হে দাদু, প্রেম বিন বহু পুস্তকই পড়িল কত শত জনে ।

হে দাদু, প্রেমের পত্র ক্চিহই কেহ পারে পড়িতে । বেদ পুরাণ পুস্তক পড়িয়াও যদি প্রেম না জীবনে থাকে তবে কেমন করিয়া তাহা হইবে সিদ্ধ (বুদ্ধির অধিগম্য) ?”

১৪ : বিরহ দিয়াই সব সাধনা :

জিহি লাগী সো জানিহৈ বেধ্যা কঁরৈ পুকার ।

দাদু পাঁজর পীড় হৈ সালৈ বারংবার ॥

বিরহী মুসকৈ * পীর সৌ জেঁয়া ঘায়ল রণ মাতি^৩ ।

প্রীতিম মারে বান ভরি দাদু জীরৈ নাতি^৩ ॥

* “মুসকই” পাঠও আছে । অর্থ, “ভিতরে ভিতরে চাপা কান্না কান্দে !”

বিরহ জগারৈ দরদ কৌ দরদ জগারৈ জীর ।
 জীর জগারৈ সুরতি কৌ পংচ পুকারৈ পীর ॥
 সহজৈ মনসা মন সধৈ সহজৈ পরন'। সোই ।
 সহজৈ পংচৌ থির ভয়ে ছে চোট বিরহকী হোই ॥
 তুঁ হৈ তৈসী ভগতি দে তুঁ হৈ তৈসা প্রেম ।
 তুঁ হৈ তৈসী সুরতি দে তুঁ হৈ তৈসা খেম ॥

“যাহার লাগিয়াছে সেই তো বুঝে । বিদ্ধ হইয়া মরে সে ডাকিয়া ডাকিয়া ।
 হে দাদু, পাঁজরের মধ্যেই বাথা, বারম্বারই বিধিতেছে সেই শল্য ।

“ধায়েল” (অশ্রাহত) যেমন যুদ্ধক্ষেত্রে (মারাত্মক) ব্যথায় একটু
 মুচকিয়া হাসে, তেমনি বিরহীও মুচকিয়া একটু হাসে প্রাণান্তক ব্যথায় ।
 প্রিয়তম যাহাকে বাণ ভরিয়া মাবেন, হে দাদু, সে আর তো বাঁচে না ।

বিরহ জাগায় দরদকে, দরদ জাগায় জীবনকে, জীবন জাগায় প্রেমকে,
 পঞ্চ (ইন্দ্রিয় ও তত্ত্ব) তখন পুকারে (কাতরভাবে ডাকে) প্রিয়তমকে ।

আঘাতটা যদি বিরহেরই হয় তবে সহজেই মন দিয়াই মন করে সাধনা,
 সহজেই পবন দিয়া করে পবন সাধনা (শ্বাসরূপ জপ), সহজেই পঞ্চ (ইন্দ্রিয়)
 হঠয়া যায় স্থির ।

তুমি যে আছ তাহার উপযুক্ত দাও ভক্তি, তুমি যে আছ তাহার
 উপযুক্ত কর প্রেম, তুমি যে আছ তাহার উপযুক্ত দাও অনুরাগ, তুমি যে আছ
 তাহার উপযুক্ত দাও ক্ষেম ।”

১৫ : ষথার্থ বিরহ :

কায়া মাইহঁ কৌ রহা বিন দেখে দৌদার ।
 দাদু বিরহী বাররা মরৈ নহীঁ তিহি বার ॥
 রোম রোম রস প্যাস হৈ দাদু করৈ পুকার ।
 রাম ঘটী দিল উমংগি করি বরসছ সিরজনহার ॥
 প্রীতি জো মেরে পীরকী পৈঠী পংজর মাহিঁ ।
 রোম রোম পির পির করৈ দাদু দুসর নাহিঁ ॥

সব ঘট শ্রবণা সুরতি সৌ সব ঘট রসনা নৈন ।

সব ঘট নৈনা হুঁরৈ রঠৈ দাদু বিরহা ঐন ॥

“(এই প্রাণ) তাঁহার রূপ না দেখিয়া কেমন করিয়া রহিল কাহার মধ্যে ?
বিরহী পাগল দাদু তখনই কেন গেল না মরিয়া ?

(আমার অঙ্কের) অণুতে অণুতে (রোমে রোমে) রসের পিপাসা, তাই
দাদু ডাকিতেছে কাতরে । হে সৃজনকর্তা, আমার চিত্তে রাম-ঘটা (ভাগবত-
বসের মেঘ) উদয় করিয়া তুমি কর বরষণ ।

আমার প্রিয়তমের প্রীতি যখন আমার পঙ্করেব মধ্যে কবিল প্রবেশ, তখন
অঙ্কের “রোম রোম” (অণু-পরমাণু) প্রিয় প্রিয় লাগিল জপিতে, হে দাদু, অণু
আর কিছুই রহিল না তাহার (জপনীর) ।

তাঁহার অনুরাগে সকল ঘট (দেহ) হউল শ্রবণ (তাঁহার ধ্বনি শুনিত্তে),
সকল ঘট হউল রসনা ও বাণী (তাঁর স্বাদ পাট্টিতে ও তাঁর কথা কহিতে),
সকল ঘট হইয়া রহিল নয়ন (তাঁহার রূপ দেখিতে) । এই তো যথার্থ বিবহ
(“বিরহেই তো মিলিল এই দর্শন” এই অর্থের কেষ্ট কেষ্ট করেন) ।”

১৬ : বিরহ যোগ, বিরহ পানক :

রাতি দিবসকা রোরণা পহর পলককা নাতি ।

রোরত রোরত মিলি গয়া দাদু সাতিব মাতি ॥

বিরহ অগিনি মেঁ জরি গয়ে মনকে নৈল বিকার ।

দাদু বিরহী পীরকা দৈখৈগা দৌদার ॥

দাদু লাইক হম নঠী হরিকে দরসন জোগ ।

বিন দেখে মরি জাঁতিংগে পিরকে বিরহ বিরোগ ॥

“রাতি দিনের এই কারা, পহর পলকেব তো নয়, হে দাদু, কাঁদিত্তে
কাঁদিত্তে (বিরহী) মিলিয়া গেল স্বামীরই মধ্যে ।

বিরহ-অগ্নিতে যখন জলিয়া গেল মনের মালিন্য বিকার, হে দাদু, তখনই
তো প্রিয়তমের বিরহী দেখিলে তাঁহার রূপ ।

হে দাদু, আমি উপযুক্ত অধিকারী নই, হরি দর্শনের নই আমি যোগা ।
আমি প্রিয়তমের বিরহে ও বিয়োগে দর্শন বিনাই যে যাউব মরিয়া ।”

১৭: এক ভরসা তিনি:

জে হম ছাড়েঁ রাম কোঁ তোঁ রাম ন ছাড়েঁ ।
দাদু অমলী অমল থেঁ মন কুঁয় করি কাটে ॥
বিরহী জাগৈ পীড় সোঁ জে ঘায়ল হোরৈ ।
দাদু জাগৈ জগতগুর জগ সগলা সোরৈ ॥

“আমি যদিও রামকে ছাড়ি তবু রাম ছাড়েন না (আমাকে) । হে দাদু, যাহার মন (যাতাতে) আসক্ত (নেশা লাগিয়াছে), সে সেই আসক্তির পাত্ত হইতে মনকে কেমন করিয়া আনিবে বাহির করিয়া ?

হে দাদু, যে ঘায়েল (প্রেমের আঘাতে আতত) হইয়াছে সেই বিরহীই জাগে বাথার চোঁটে. ‘আব জাগেন জগদগুরু, সকল জগৎ থাকে ঘুমাউয়া ।’

১৮: বিরহই প্রেম-স্বরূপের নাম:

ইশ্ক অলহকী জাতি হৈ ইশ্ক অলহকা অংগ ।
ইশ্ক অলহ শুজুদ হৈ ইশ্ক অলহকা রংগ ॥
প্রীতমকে পগ পরসিয়ে মুখ দেখণ কা চার ।
তহঁ। লে সীস নরাইয়ে জহঁ। ধবে থে পার ॥
বাট বিরহ কী সোধি করি পংথ প্রেমকা লেছ ।
লর কে মারগ জাইয়ে দূসর পার ন দেছ ॥

“প্রেমই আল্লার জাতি, প্রেমই আল্লার দেহ, প্রেমই আল্লার সত্তা, প্রেমই আল্লার রস ।

মুখ দেগিবার আকাঙ্ক্ষা যদি থাকে তে: প্রিয়তমের চরণ কর পরশ, যেখানে ছিল তাঁর চরণখানি সেখানে গিয়া নোয়াও তে:মার মাথাটি ।

বিরহের পথে খুঁজিতে খুঁজিতে বাহিব করিয়া ধর প্রেমের পথ, প্রেম-দানের পথেই হও অগ্রসর, অন্য পথ করিও না একটিবারও পদক্ষেপ ।”

১৯: প্রেমে স্বরূপ বদল:

বিরহ বিচার! লে গয়া দাদু হমকোঁ আউ ।
জহঁ অগম অগোচর রাম থা তহঁ বিরহ বিনা কোঁ জাই ॥

আসিক মানুষক হোই গয়া ইস্কু কহারে সোই ।

দাদু উস মানুষককা অল্লহি আসিক হোই ॥

মারণহারা রহি গয়া জিহি লাগী সো নাহি ।

কবহুঁ সো দিন হোইগা য়হু মেরে মন মাহি ॥

“হে দাদু, বিরহ বেচারাই আমাকে আসিয়া গেল লইয়া ; অগম অগোচর ছিলেন যে রাম তাঁর কাছে বিরহ-বিনা কে পারে যাইতে ?

তাহাকেই তো বলি প্রেম যাহাতে প্রেমিক হইয়া গেল প্রেমাম্পদ ।
হে দাদু, সেই (এমন) প্রেমাম্পদের আল্লাও হইতে চাহেন প্রেমিক ।

“যিনি (প্রেমের) মার মারিলেন তিনিই গেলেন রহিয়া, যাহাকে লাগিল সেই মার, সে আর নাই (আঘাতকারী ভগবানেই গেল মিলাইয়া)” কবে (আমার) সেই দিন হইবে ? এই কথাই তো চলিতেছে আমার মনের মধ্যে ।”

২০ : শ্রিত্তীর প্রেম সজ্জা :

অজ্ঞা* অপরংপারকী বসি অংবর ভরতার ।

হরে পটংবর পহিরি করি ধরতী কঠৈ সিংগার ॥

বসুধা সব ফুলে ফুলে পিরখি অনন্ত অপার ।

গগন গরজি জল ধল ভঠৈ দাদু জয়জয়কার ॥

কালী মুঁহ করি কালকা সাজি সদা সুকাল ।

মেঘ তুম্হারে ঘরি ঘণা বরিষহু দীনদয়াল ॥

অজ্ঞের বসিয়া আছেন স্বামী, আর অসীম অপারের তবু (জানে) না
বুঝিয়াও হরিত পট্টাবর পরিধান করিয়া (প্রেমে) ধরিত্রী করিতেছে
প্রেমের প্রসাধন ও সাজসজ্জা (শৃঙ্গার) ।

অপার অনন্ত পৃথিবী, সকল বসুধা, ফুলে ফুলে উঠিতেছে ভরিয়া ভরিয়া,
গগন গরজিয়া ভরিতেছে জলধল ; হে দাদু, জয়জয়কার (এই জানে-না-
বুঝিয়া প্রেমে-মজিয়া এই শোভার) ।

কালের মুখে কালি দিয়া স্বামী আমার সদাই সুকাল (পরিপূর্ণ উৎসব কাল),
তোমার দরে (প্রেমের) মেঘ রহিয়াছে খনাইয়া, ভরপুর হইয়া, হে দীনদয়াল,
কর বর্ষণ ।”

* “অজ্ঞা” পাঠও আছে ।

ষষ্ঠ প্রকরণ—প্রেম

দ্বিতীয় অঙ্ক—“সুন্দরী”

মানব ভগবানের প্রিয়তমা, সুন্দরী। ভগবানকে না পাঠলে মানবের জনমই বৃথা। এই সম্বন্ধ প্রেমের। কাজেই ভগবানের আসন যদি আর কাহাকেও দেওয়া যায় তবে মানব-আত্মার লজ্জার ও অপমানের আর সীমা নাই। না বুঝিয়া মানুষ শাস্ত্র, আচার, সম্প্রদায়, পদ্ধতি, Creed, গুরু প্রভৃতিকে ভগবানের আসন দিয়া আপন আত্মাকে নিদারুণ অপমানিত করিয়াছে। লোভে, চেতনার অভাবে, স্বখ্যাতির জগ্নু, শিশুজনোচিত খেলার ভাবের বশেও মানুষ জীবনস্বামীকে হারায়। অথচ তাঁহাকে যে হারাইয়াছে ইহা সে বুঝিতেও পারে না।

তিনি আসিয়া তাঁর পরশেও আমার নিদ্রা যে ভাঙিতে পারেন না ইহাই দুঃখ। যখন জাগিয়া দেখি তিনি চলিয়া গিয়াছেন তখন দুঃখের আর সীমা থাকে না। যৌবনের অন্তর্ভব যে পর্য্যন্ত মনে না জাগে সে পর্য্যন্ত তাঁর জগ্নু মনে ব্যাকুলতা জাগানই অসম্ভব। কিন্তু যৌবন আসিলেও যে আমরা বাল্যের “সখী-খেলা” লইয়া দিন কাটাই এবং “সখী-সোহাগিনী” নামের গৌরবে তাঁকে ভুলিয়া থাকি সে দুঃখ আর রাখিবার ঠাই নাই। খেলা শিশুকেই সাজে।

সুধু মুগের কথায় তাঁহাকে স্বীকার করিলে চলিবে না, আপনাকে নিঃশেষে বিসজ্জন দিয়া তাঁহাকে করিতে হইবে আপনার। সেবায় সৌন্দর্যো অনন্ত কলায় তাঁহাকে করা চাই তৃপ্ত। তিনি মহা সেবক, পরম সুন্দর, অনন্ত কলাবান্, তাঁহার যোগ্য হও, তিনি তোমার গুণের কদর করিবেন।

সব বাধা অতিক্রম করিয়া সব মলিনতা দূর করিয়া, সেবায় যে তাঁকে তৃপ্ত করে, সে-ই ধন্য। কুলশীলের ধারা কেহ ধন্য হয় না। (দাদু প্রভৃতি) ভক্তেরা নীচকুলের ছিলেন বলিয়া ক্রমাগত যে অপমান পাইয়াছেন সে দুঃখ ঘুচাইবার চেষ্টা করিয়াছেন ভগবানের প্রেমে। যে সব বাধার তরঙ্গ অতিক্রম করিয়া সুন্দরী তাঁর সঙ্গে মিলিতে যায়, প্রেমের স্পর্শে তাহাই হইয়া যায় প্রেম-তরঙ্গ

আনন্দলহরী। ভগবানের কাছে সেই প্রেমতরঙ্গের দোল-লীলা উপহার দিলে তিনি তাহা পাইয়াই হন তৃপ্ত।

তাঁহাকে না পাইয়া ভুলিয়া সুখে দিন কাটাইবার উপায় নাই। প্রত্যেকটি আকার যে রূপ-পরিগ্রহ করিয়া অরূপের দিকে যাত্রা করিয়া চলিয়াছে ইহাকেই লোকে বলে ক্ষয় ও বিনাশ। প্রেমের মন্মজ্জ বলেন ইহাই আমার প্রিয়তমকে স্মরণ করাইয়া দিবার জপমালা। রূপ যখন অরূপে যায় তখন আমাকেও যায় ডাক দিয়া। বলিয়া যায়, “অসীম রস সাগরে পূর্ণ হইতে চলিলাম। সেখান হইতে পূর্ণ হইয়া রূপ হইয়া জগতে আসিয়া সেবা করিয়া এখন রিক্ত হইয়াছি এখন শূন্য ঘণ্টের মত আবার তাঁরই রসের অতলে, মূল উৎসে, যাইব নাবিয়া। আবার পূর্ণ হইয়া নব রূপ লাভ করিয়া, নূতনভাবে আসিব সেবা করিতে।”

পশ্চিমে পাঞ্জাব প্রভৃতি প্রদেশে যাহা কৃপ ও জলাশয়াদি হইতে ঘটা-চক্রের (Persian wheel) দ্বারা জলসেচনের ব্যবস্থা দেখিয়াছেন তাহার বৃষ্টিবন দাদু এখানে কি বলিতে চাহেন। ঘটাচক্রের ঘটাগুলি উপরে উঠিতেই তাহাদের সব জল দেয় ঢালিয়া, এবং তখনই আবার পূর্ণ হইবার জন্ত ও আবার উঠিয়া জল ঢালিবার জন্ত নামিতে থাকে নীচে। এইরূপেই ক্রমাগত চলিতে থাকে ঘটার মাল। অরূপসাগর হইতেও রূপের ঘটমালা ক্রমাগত উঠিতেছে, তাহার যাহা দিবার তাহা দিয়া আবার নামিয়া যাউতেছে অরূপে আবার পূর্ণ হইয়া আসিতে। যাহারা রূপের মরম না জানেন তাহারা বলেন রূপ চলিয়াছে বিনাশের দিকে। কিন্তু সাধক জানেন ইহা নিত্য রসের সাধনায় সদা-চলন্ত মালা। স্থির হইতে গেলেই রূপ হয় মিথ্যা। সদা-সচল থাকিয়া সে চিন্তার রসের জপমালার চালায় কাজ। তাই সাধকের কাছে চলন্ত রূপের মালা হইল সদা সচল রসের মালা।

নব নব রূপের আসা-যাওয়াতে ক্ষণস্থায়িত্বের জন্ত দুঃখ করিবার কোনে হেতু নাই। অতল অসীম রসের প্রবাহ এমন করিয়াই বিশ্বচরাচরকে রাখিয়াছে নিত্য সুন্দর শোভন ও প্রাণময় করিয়া। এই রূপ হইতে অরূপে যাত্রার মর্ম যে হৃদয় বৃষ্টিয়াছে সে প্রত্যেকটি রূপের সঙ্গে সঙ্গে ব্যাকুল হইয়া অরূপে অসীমে অতল-রস সাগরে চায় ঝাপাইয়া পড়িতে। রূপের সেই হৃদয়-হরা ডাক শুনিলে প্রেমে-আত্মহারা সুন্দরীর হৃদয়ও সঙ্গে সঙ্গে ধাইতে চায় ব্যাকুল হইয়া।

১। সব চেয়ে সুন্দর আসন স্বামীৱ জন্ম রচনা করিয়া রাখিল নারী ; তাহাতে দেখি পর-পুরুষেরা সব আছে বসিয়া, সুন্দরী জাগিলেই এই দুর্গতি পড়িবে ধরা। প্রিয়তমের সঙ্গে সদাই যদি সে থাকে সচেতন তবে আর এমন দুর্গতির থাকিবে না সম্ভাবনা।

নিত্যকালের স্বামীকে ছাড়িয়া যে জীবন করিতেছ ব্যর্থ, আর কে হইবে তোমার নিত্য সাথী ? অমূল্য জীবন যে ব্যর্থই ঘাইতেছে চলিয়া।

২। প্রিয়তম, তুমি কি এষ্ট অপরাধেই রহিয়াছ দূরে ? তাই কি খাসিতে চাও না আমার কাছে ? আমার অন্তরাগ্না তো তোমারই আসন। তোমার আসন তুমিই কর অধিকার।

৩। তুমি আসিলেও যে আমার ঘুম ভাঙিল না তাই তো হইল না মিলন। তুমি পাশে বসিয়া পরশ করিয়াও যে আমার ঘুম ভাঙাইতে পারিলে না, এই দুঃখ আব রাখি কোথায় ? শিশুর মত খেলা করিবার ও শিশুর মত ঘুমাইয়া থাকিবার সময় কি আর আছে ? যৌবন আসিয়াছে, এখন প্রিয়তমের সঙ্গে মিলনের জন্ম নিদ্রা, জড়তা, অচেতন্য সব করিতে হইবে জয়।

৪। “সখী-সোহাগিনী” নামের জন্ম তো তাঁহাকে হারাইতে পারি না। সখীদের সঙ্গে খেলিয়া কাটাইবার সময় আর নাই। যৌবন আসিল, তবু স্বামীর সঙ্গে মিলিলাম না ! তাহার কথা বুঝিলাম না ! তাঁর পরশ অনুভব করিলাম না ! এই ব্যথা আর কিছুতেই যায় না। মোহে মূর্ছিয়া তাই বহিয়া যাইতেছে ব্যর্থ জীবন।

৫। নাম লওয়াটাই কি স্বীকার করার প্রকৃষ্ট পদ্য ? জ্ঞী কি কখনও স্বামীর নাম নেয় ? সেবার দ্বারা আপন সর্বস্ব সমর্পণ করিয়াই সে তাঁহাকে করে স্বীকার। সে স্বামীকে সব দিয়াই স্বামীকে পায়। কথাতে স্বীকার স্বীকারই নহে।

৬। কুলের আবার সমাদর কিসের ? সেবাই হইল আসল কথা। অনন্ত কলার কণ্ঠাকে অনন্তকলাতেই কর তৃপ্ত। সব বাধা অতিক্রম করিয়া সেই বাধা অতিক্রমের আনন্দ লইয়াই তাঁহার সঙ্গে হও মিলিত। নিশ্চল হইয়াই পরম নিশ্চলের সঙ্গে হও যুক্ত। সুন্দরী এমন করিয়াই পরমসুন্দরকে করে তৃপ্ত।

৭। প্রত্যেক মূর্তি অরূপে যাইবার সময় যায় ডাক দিয়া। কবে অন্তরাগ্না

এই মন-প্রাণ-চিত্ত-হরণ ডাক শুনিয়া প্রত্যেক রূপের সঙ্গে ধাবিত হইয়া সহজে
অরূপ অনন্ত স্বামীর সঙ্গে গিয়া বারবার মিলিবে ? সুন্দরী কবে হইবে ধন্য ?

১ : জাগিয়া স্বামীকে লও চিনিয়া :

সাজি কারণ সেজ সরারী সব থৈ সুদংর ঠৌর ।

দাদু নারী নৌদ ভরী আউ বৈঠা হৈ ঔর ॥

পরপুরুষা সব পরম হৈ* সুন্দরি দেথে জাগি ।

আপনা পীর পিছাণি করি দাদু রহিয়ে লাগি ॥

পুরুষ সনাতন ছাড়ি করি চলী আন কে সাথ ।

পরম সংগ থৈ বিছট্যা জনম অমোলিক জাত ॥

“স্বামীর জন্ত সব চেয়ে সুন্দর ঠাট্টয়ে সাজাউল শয়া । হে দাদু, নারী তো
নিদ্র'য় অচেতন, এদিকে অন্য (পুরুষ) সেখানে বসিয়াছে আসিয়া ।

হে সুন্দরী, জাগিয়া দেখ পরপুরুষেবাই সব পবন স্থান করিয়া আছে অধিকার ।
হে দাদু, আপন প্রিয়তমকে চিনিয়া লইয়া তাঁহার সঙ্গে থাক যুক্ত হইয়া ।

হায়, সনাতন স্বামীকে (পুরুষকে) ছাড়িয়া চলিয়াছ অন্তর সঙ্গে ! পবন
সঙ্গ হইতে হইলে পরিভ্রষ্ট ! অমূল্য জনম যে (বৃথা) যায় ।”

২ : তুমি এস :

কাহে ন আরছ কংত ঘরি কোঁ তুম রাহে রিসাই ।

পীর ন দেখা নৈন তরি জনম অমোলিক জাত ।

আতম অংতরি আর তুঁ যাতী তেরী ঠৌর ।

দাদু সুন্দর'ণ পীর তুঁ দৃজা নাহী ঔর ॥

* “পরহরৈ” পাঠও আছে । তাহা হইলে অর্থ হইবে “পরপুরুষ সব
পরিহার কর ।”

† দাদু অনেক সময় তাঁর গুরুকে “সুন্দর” নামে অভিহিত করিতেন ।
যদিও সুন্দর নামে তাঁর প্রপাত্ত এক শিষ্যও ছিলেন । তাহার রচিত “সুন্দর
বিলাস” বিখ্যাত রচনা । এই স্থলে ভক্তদের কেহ কেহ মনে করেন তিনি
ব্যক্তি-গুরুকেই সম্বোধন করিয়াছেন । তিনি এখানে সনাতন পরমপ্রণ
ভগবানকেই ডাকিয়াছেন, ইহাই মনে করা বেশী সঙ্গত ।

“হে কাশ্ব, কেন এই ঘরে এস না, কেন রহিলে বিরূপ (রুষ্ট) হইয়া ?”
হায় নয়ন ভরিয়া দেগিলাম না প্রিয়তমকে, অমূল্য জনম যে বৃথায় যায় চলিয়া !

আস্থার অন্তরে তুমি এস, ইহাই তো তোমার আপন ঠাই । দাদুর তুমি
সুন্দর প্রিয়তম, তাহার আর তো কেহই নাই ।”

**৩। তাঁহার পরশেও কেন জাগি
নাই ?**

হুঁ সুখ স্মৃতি নীদ ভরি জাগৈ মেরা পীর ।
কৌঁ করি মেলা হোইগা পরস জাগা ন জীর ॥
সখী ন খেলৈ সুন্দরী অপনে পির সৌঁ জাগ ।
স্বাদ ন পায়। প্রেমকা রহী নহীঁ উর লাগ ॥

“আমি সুখে শুইয়াছিলাম গভীর নিদ্রায়, আর জাগিয়া বসিয়া ছিলেন
আমার প্রিয়তম ! কেমন করিয়া হইবে তবে মিলন, তাঁর পরশেও জীবন যে
আমার জাগিল না ?

“সখী-সখী” খেলা আর সুন্দরীর পক্ষে তো সাজে না ; জাগ আপন প্রিয়-
তমের সঙ্গে । প্রেমের স্বাদও পাইলে না তাঁহার বক্ষণেও রহিলে না লাগিয়া ?”

**৪। তাঁহাকে ছাড়িয়া কিসে জীবন
হয় সার্থক ?**

সখী সুচাগনি সব কঠৈ ঔর দুর্ভর জোবন আই ।
পির কা মহল ন পাইয়ে কহাঁ পুকারেঁ জাই ॥
সখী সোহাগিন সব কঠেঁ বৃঝে ন পির দাত ।
মনসা বাচা করমণা মুকুছি মুকুছি জির জাত ॥
সখী সুচাগনি সব কঠেঁ পির সৌঁ পরস ন হোই ।
নিস বাসর দুখ পাইয়ে বিখা ন জািনে কোই ॥

“সবাই তো বলে সখী-সোহাগিনী আর দুর্ভর যৌবন আসিয়া হইল
উপস্থিত ; প্রিয়তমের মন্দিরের দেখাও তো পাইলাম না, কোথায় গিয়া করি
তবে ডাকাডাকি ?

সবাই তো তোমাকে বলে সখী-সোহাগিনী! কিন্তু কথাটুকুও তো বুঝিলে না প্রিয়তমের? মনে বচনে ও কর্ণে মুরছিয়া মুরছিয়া ঘাইতেছে এই জীবন।

সখী-সোহাগিনী তো বলে সবাই, প্রিয়তমের পবণও তো হইল না! (এই জীবনে)! নিশিবাসর পাও দুঃখ পাও ব্যথা, কেহই তো জানে না এই ব্যথার কথা।”

১: প্রিয়তমকে বলণ:

সুন্দরী কবছুঁ কংতকা মুখ সৌ নার' ন লেই ।
 অপনে পির কে কারণে' দাদু তন মন দেই ॥
 নৈন বৈন করি বারণে' তন মন পিংড পরান ।
 দাদু সুন্দরি বলি* গঙ্গি তুম পরি কংত সুজান ॥
 তনভী তেরা মনভী তেরা তেরা পিংড পরান ।
 সব কুছ তেরা তু' হৈ মেরা যছ দাদু কা জ্ঞান ॥

“সুন্দরী কখনও কাস্তুর নামটিও নেয় না মুখে, অন্যসে আপন প্রিয়তমের কারণে, হে দাদু, তনু মন সব দেয় সে সমর্পণ করিয়া।

নয়ন, বচন, তনু, মন, দেহ, প্রাণ সব তোমার উৎসর্গ করিয়া দিয়া করিতেছে বরণ। দাদু কহেন, “হে কাস্তু সুজান (সুজ্ঞান, সহৃদয়), সুন্দরী তাহার সর্বস্ব সঁপিয়া তোমাতেই (এখন), হইয়া গেল বৃত্তা উৎসর্গীকৃত।

(এখন) এ তনুও তোমার, মনও তোমার, তোমারই এই শরীর ও প্রাণ, (আমার) সব-কিছুই তোমার, কিন্তু তুমি হইলে আমার, ইহাই তো দাদুর মনের কথা।”

৩: অনন্তকলার সামীর সেনা:

সুন্দরী মোদৈ পীর কৌ বহুত ভাঁতি ভরতার ।
 তৌ দাদু রিঝরৈ রানকৌ অনন্ত কলা করতার ॥
 নাঁচ উচ কুল সুন্দরী সেরা সারী হোই ।
 সোঙ্গি সুহাগনি কীজিয়ে রূপ ন পীরে ধোই ॥

“বরি” পাঠও আছে।

নদী নীর উলংঘি করি দরিয়া পৈলী পার ।
 দাদু সুন্দরী সো ভলী জাই মিলৈ ভরতার ॥
 প্রেমলহর গহি লে গঙ্গৈ অপনে শ্রীতম পাস ।
 আতম সুন্দরি পীর কৌ বিলসৈ দাদু দাস ॥
 দাদু নিরমল সুন্দরী নিরমল মেরা নাহ ।
 দুঃখী নিরমল মিলি রহে নিরমল প্রেম প্রবাহ ॥

“সুন্দরী বহু বহু প্রকারে বিবিধ বিধানে প্রিয়তম ভর্তাকে আনন্দ দিয়া করে
 পরিতৃপ্ত, হে দাদু, ভগবানকেও সেই রকমে কর আনন্দ-পরিতৃপ্ত, কর্তাও যে
 অনন্তকলায় কলাবান্ (তিনি গুণী, তোমার গুণের সমাদর বুঝিবেন) ।

নীচকুলেরই হউক, উচ্চকুলেরই হউক, সেবাই হইল সুন্দরীর আসল শ্রেষ্ঠতা ;
 হে মোহাগিনী, (নিজেকে) সেবায় কর সৌভাগ্যবতী, রূপ তো আর কেহ
 পুইয়া করে না পান !

নদীর নীর উল্লেখ্যন করিয়া, সাগর সাঁতারিয়া, পাব হইয়া যে যাইয়া মিলে
 স্বামীর সঙ্গে, হে দাদু, সেই সুন্দরীই তো ধন্য ।

প্রেমলহরই ধরিয়া লইয়া গেল আপন প্রিয়তমের কাছে, আত্মা-সুন্দরীকে
 লইয়া গেল প্রিয়তম পবনায়ার কাছে ; তাই তো দাস দাদু বিলসে
 পরমানন্দে ।

দাদু, নির্মল এই সুন্দরী, নির্মল আমার নাথ ; দুই নির্মলে যদি রহে যুক্ত
 হইয়া, তবেই নির্মল চলিতে থাকে প্রেমপ্রবাহ ।”

৭ : মূর্তির ঘোষণা :

মূর্তি* পুকারে সুন্দরী অগম অগোচর জাই ।

দাদু বিরহণী আতমা উঠি উঠি আতুর ধাই ॥ †

“মূর্তি ডাকিয়া বলে, “সুন্দরী, অগম অগোচরে করিয়াছি যাত্রা” । হে দাদু,
 বিবহিণী আত্মা (তাই) উঠিয়া উঠিয়া (সাথে সাথে) ধায় আতুর হইয়া ।”

* “মূর্তি” পাঠও আছে । তবে অর্থ হইবে “প্রেম-স্মরণ ।”

† কেহ কেহ এই বাণীটি স্মরণ-অঙ্কের “মালা সব আকারকী” বাণীর
 পর ব্যবহার করেন ।

ষষ্ঠ প্রকরণ—প্রেম

তৃতীয় অঙ্ক—“নিহকরমী পতিব্রতা”

প্রেমের আসল কথাই হইল সেবা ও কল্যাণরত। স্বার্থতাগ ও আত্মবিলয়ই হইল প্রেমের বথার্থ পরিচয়। কাজেই, ভোগ আকাঙ্ক্ষা স্বার্থ প্রভৃতির স্থান প্রেমের জগতে নাই। “সুন্দরী” যখন পতিব্রতা” হইল, তাহার সকল কামনা যখন ঘুচিয়া গিয়া সে নিষ্কামকর্মী বা “নিহকরমী” হইল, তখনই প্রেমের সাধনা হইল পূরা। নিষ্কামকর্মী অর্থেই দাদু “নিহকরমী” শব্দ ব্যবহার করিয়াছেন।

প্রেমে দেখি সকলে আপনার পরিচয় লোপ করিয়া প্রিয়তমের পরিচয়ই গ্রহণ করে। দাদু প্রভৃতি সাধকেরা ছিলেন দীনশূন্য বংশের। প্রেমময়ের পরিচয় ছাড়া দিবার মত আব কোনো নিজের বংশাদিগত পরিচয় তাঁহাদের তে ছিল না। কাজেই এই প্রেমের পথে তাঁহাদের পক্ষে অপেক্ষাকৃত ছিল সহজ।

এক ভগবানে নির্ভর করিয়া সব কামনা হইবে ছাড়িতে, এমন কি সাধনার অভিমানও হইবে ছাড়িতে। কারণ সব দিক দিয়া অংকারকে ছাড়িলেও দেখা যায় সাধনা ও ধর্মকে আশ্রয় করিয়াও নানা ছন্দবেশে অবশেষে অহংকার আসিয়া হয় উপস্থিত। সে বড় কঠিন অবস্থা।

ভগবান ছাড়া অন্য কাম্য থাকিলেই বিপদ। কারণ, সেই কাম্যকে পাউয়াই ভগবানকে হয় হারাইতে। এই জগৎ বিশেষ সাবধান হইতে হইবে যেন তাঁর কাছেও তাঁহাকে ছাড়া আর কিছুই জগৎ না করা হয় প্রার্থনা।

সকল বিশ্বকেই হইবে প্রেম করিতে ও হইবে সেবা করিতে। কিন্তু অনন্ত রূপে ও নামে যে বিশ্বের বিস্তার। কি করিয়া অনন্ত এই সর্ল বিস্তারকে করা যায় সেবা? মূলকে সেচন করিলে যেমন ফল ফুল পাতা সবই হয় সিং তেমনই মূলদার ভগবানকে প্রেম ও সেবা করিলে সকলকেই করা হয় সেবা।*

* তবো মূলাভিষেকেন যথা তদ্ভূজপল্লবাঃ ।

তু্যাম্বি তদমৃষ্টানাং তথা সর্কৌতমরাদয়ঃ ॥

মহানিবাণ তন্ত্র, ২য় উল্লাস, ৪৮ শ্লোক ।

“বৃক্ষের মূলে জল অভিষেক করিলে যেমন তাহার শাখা পল্লব সবই অভিবিক্ত হয়, তেমনি পরব্রক্ষের আরাধনা দ্বারা দেবগণ হইতে আরম্ভ করিঃ সকল চরাচরই তৃপ্ত হয়।”

প্রত্যেকটি পাতাতে সেচন করার উদ্যোগ যে করে সে অসম্ভব প্রয়াস করে। ভগবানকে ছাড়িয়া যে নানা স্থানে সেবা চায় পৌঁছাইতে, তাহার প্রয়াস আরও অসম্ভব। তাঁহাকে গ্রহণ করার অর্থ তো আর সকলকে পরিহার করা নহে। আর সকলকে গভীরতমভাবে যথার্থভাবে গ্রহণ করিতে হইবে বলিয়াই মূলাধারকে এত গভীরভাবে ও একান্তভাবে গ্রহণ করা।

তাঁহাকে প্রেম করিতে পারিলেই যথার্থ মুক্তি। নহিলে কন্ম দিয়াই কন্ম-বন্ধন হইতে কেমন করিয়া হয় উদ্ধার? প্রেমেই সব কন্মের ও ফলের বিসর্জন, এমন কি প্রেমে আপনাকেও করা যায় বিসর্জন। কাজেই প্রেমেই হইল সাধনার সার, প্রেমই যথার্থ বৈরাগ্যের মূল, প্রেমই যথার্থ মুক্তি। প্রেম আপনাকে দিয়াই তৃপ্ত, সে তাহার বিনিময়ে তো কিছুই চাহে না। এমন প্রেমকে পাইলে সব বিসর্জন দিয়া সব বোঝা মাথা হইতে নাবাইয়া হওয়া যায় হাল্কা। একটু অগ্নি শুল্কি যেমন পুরুতপ্রমাণ কাঠকে নিঃশেষ করিতে পারে তেমনি জীবন্ত সত্য প্রেমের এক কণা জীবনে আসিলে সব বন্ধনের ও সব ভার রাশির মধ্যে যায় অগ্নি লাগিয়া। প্রেমেতে মানুষ আপন ইচ্ছা পুষ্যন্ত দেয় বিসর্জন। যখন স্বামী'র ইচ্ছার মধ্যে নাবী আপন ইচ্ছাকে বিলয় করিয়া স্বামী'র ভাবে আপন ভাব বিলয় করে তখনই তো তাহার পাতিব্রতা হয় সত্য। কাজেই “অহম্” হইতে মুক্তির পথ একমাত্র প্রেমের কাছেই পূরে মিলিতে।

বিধাতাকে পুরুষ মনে করিলে নিজেকে নারী ভাবিয়া প্রেম করা হয় সহজ। তাঁহাকে নারী ভাবিলে নিজেকে মনে করিতে হইবে পুরুষ। আসল কথা, প্রেম চাই জীবনে। তিনিই জগৎপতি ও প্রাণকান্ত, তাঁহার কাছেই আপনাকে করিতে হইবে উৎসর্গ।

নারীর বহুমুখী নারীভাব ও মাধুর্য্য আছে। পতির কাছে তার আপন সার ধন পাতিব্রতা দিয়া আর নানাভাবে নানা জনের সঙ্গে চলে তাহার মেলা। নানাজনকে নানাভাবেই যায় সেবা করা। প্রেমের মধুর ভাবের সাধনাতে ভগবানকে পতিরূপে মনে করিয়া তাঁহাকে দিতে হয় পাতিব্রতা, তার পর আর নানাবিধ মাধুর্য্য ও কল্যাণে নানাদিকে পতির সকল পরিজনকেই সেবা ও কল্যাণ করিতে হয় বিতরণ।

সহজ সাধনাতেও এমন অনেক কথা আছে যাহার ঠিক অর্থ লোকে গ্রহণ না করিতে পারিয়া নানা বিকৃত ভাবে তাহাকে গ্রহণ করিয়াছে ও তাই সেই সাধনাকে নানা অযোগ্য নিন্দার ভাজন করিয়া তুলিয়াছে।

মানুষকে যখন ভগবানের অর্থাৎ স্বামীর স্থান দেওয়া যায় তখন পতির প্রাপ্য নারীর যাহা সর্বস্ব তাহাও যদি তাহাকে দেওয়া যায় তবেই তো সর্বনাশ! তখনকার দিনে নানা রেশে এই বিপদের বণ্ডা গিয়াছে, সাধনার জগৎ হইতে এখনও সেই বিপদ কাটিয়া যায় নাই। যাহারা বোম্বাইর বিখ্যাত ভাটিয়া মোকদ্দমার বিবরণ জানেন তাঁহারা এই কথাটি ঠিক বুঝিবেন। চেষ্টা করিলে অন্যান্য অনেক স্থানেও এই বিপদের পরিচয় পাইতে পারা যায়।

দাদু তাঁহার আপন যুগে এই বিপদের কথা অতিশয় জোরের সহিত স্মরণ করাইয়া দিয়াছেন। দাদু প্রেমের অনুরাগী ছিলেন বলিয়াই ছিলেন অতিশয় বিস্তৃত নীতির পক্ষপাতী। তাঁহার চরিত্রও ছিল স্ফটিকের মত স্বচ্ছ।

ধর্মের জগতেও বিষয়-লোভীর মত একান্ত অসঙ্গত কামনাই হইল এই সব বিপদের মূল। সেই কামনাকে যে জন জয় না করিল প্রেমের জগতে তাহার আর স্থান নাই। দেহের কামনা হইতে আরম্ভ করিয়া ঋদ্ধি সিদ্ধি অমরত্ব মুক্তি প্রভৃতি সব কামনাই বিস্তৃত প্রেমের সাধনায় করিতে হইবে ত্যাগ। সন্তান নিস্তার সর্ববিধ কামনা ছাড়িলেই মানব তাহার জীবনভাব পরিহার করিয়া ব্রহ্মভাব হয় প্রাপ্ত। ব্রহ্মভাব হইলেই সাধক তখন যথার্থ প্রেমের হয় অধিকারী। তখন প্রেম-পেয়ালাতে ব্রহ্ম-রস পান করিয়া সাধক সাধনার পরম ও চরম সার্থকতা করে লাভ। তখনই সে পরম পুরুষকে এই কথা বলিতে পারে, “তুমিই আমার সব, আমার সর্বস্ব, আমার জ্ঞান ধ্যান পূজা, আমার বেদ পুরাণ রহস্য, যোগ বৈরাগ্য সাধনা, আমার শীল সম্ভোগ মুক্তি। তুমিই শিবশক্তি আগম-উক্তি, তুমিই নিত্য সত্য অপার অনন্ত নিরাকার-নাম, তুমিই দাদু আত্মার পরম বিশ্বাস।”

১। হে সৃজনকর্তা তুমিই আমার জ্ঞানি কুল, তুমিই আমার ঋদ্ধি সিদ্ধি, তুমিই আমার সকল শক্তি, অন্য পরিচয় আমার কিছুই নাই।

২। জীবন মরণ সবই আমার তোমারই সম্মুখে, তুমি ঘিলাইলেই সব নিলে, তুমি রাগিলেই সব থাকে।”

নানা জাতি ও নানা ধর্মের মিলনের চেষ্টা করিয়া দাদু বুঝিয়াছেন যে মানুষের শক্তি বড় কম। ভগবান যখন মিলন করান তখনই হয় মিলন। মিলন হইলে হইবেও তাঁহারই কাছে, যদিও তাঁর নামেই এখন চলিয়াছে যত ঝগড়া।

ভগবান হইলেন যোগেশ্বর, অথচ তাঁর নামেই মানবে মানবে নিত্য বিরোধ নিত্য কলহ! সকল দুঃখের উপর এই দুঃখই নিদারুণ।

দাদু বলেন, “আমার জীবনে তুমি ছাড়া এতটুকু স্থান নাই যাহাতে আর কেহ বা আর কোনো কিছু পারে বসিতে।” ঐশ্বর্য ও ভেদের আর স্থান কোথায়?

৩। এদিকে ওদিকে লক্ষ্যকে চঞ্চল না করিয়া নিত্যধনকে করিতে হইবে আশ্রয়। সকল ঐশ্বর্য অবমান খেপানে সেই ব্রহ্মের মধ্যেই মনকে নিরন্তর হইবে রাখিতে। নহিলে মন হইয়া য়ে ছন্ন-ছাড়া।

৪। (প্রেমহীন) কার্য-করণে হয় অহঙ্কার, আচারে প্রথায় হয় রাজসভাবের চাকলা। ভগবানের-প্রেম-সমুদ্ভূত সেবা-রূপ স্বরণই সর্বদোষ হইতে বিমুক্ত। তাহাতে সব লয়-লীন করিয়া দিয়া সেই সহজ নির্মলতার মধ্যে অহঙ্কারকে করিতে হইবে ক্ষয়। এক পলকও স্বামীর নিকট হইতে দূরে না থাকিয়া নিষ্কামভাবে নিরন্তর সেই জীবনস্বরূপকে হইবে দেখিতে।

৫। সেবা করিতে গিয়া বহুধা বিভক্ত সৃষ্টিকে স্বীকার করাবড় কঠিন, গাছের প্রতি পল্লবে ফুলে ফলে শাখাতে সেবা পৌছান তো সম্ভব নহে, অতএব সাধক মূলকে স্বীকার করিয়াই সমগ্রকে করেন গ্রহণ। অনেককে নানারূপে গ্রহণ করার চাতুরী পরিত্যাগ করিয়া আপনাকেও সেই ম্লাধারে কর সমর্পণ। “গতি, মুক্তি, অমরতা প্রভৃতি সম্পদ চাই না, সেই এককেই চাই।” নানাকে নানাভাবে চিনিতে গিয়া চাতুরী যখন হার গানে তখনই আমরা তাঁহার চরণে সব বুদ্ধির অভিমান দিতে পারি বিসজ্জন।

৬। দীপ বিনা আধার যায় না, যত প্রয়াসই কেন না করি। সকল ভ্রম অন্ধকারের প্রতিকার হইল ব্রহ্ম-দীপ। অস্তরে এই প্রদীপ জালিলে সব অন্ধকার আপনিই যায় দূর হইয়া।

হৃদয়ের বেদনার তিনিই একমাত্র ঔষধ। শাস্ত্রে, আচারে, সম্প্রদায়-ধর্মে যায় না এই বেদনা। এই সব ব্যর্থ প্রয়াস হইবে ছাড়িতে।

ডালে ডালে ফিরিয়া হয়রান না হইয়া তোমার কাছে বসিব, তবেই সকল দুঃখ হইবে দূর, অন্তরের ও বাহিরের সব অন্ধকার যাইবে ঘুচিয়া ।

৭। বৃক্ষের মূলে সেচন করিলেই বৃক্ষের সর্বত্র সেই রস জীবন সঞ্চার করে। বিশ্বের মূলে সেচন কর প্রেমরস। ব্রহ্মই সেই বিশ্বের ধূলাধার। তবেই তাঁহা হইতে বিশ্বচরাচরে যত কিছু হইয়াছে বিস্তার সবই তোমার কাছে হইবে জীবন্ত ও তোমার কাছে হইবে সত্য। তাঁকে গ্রহণ করিলে সকলকেই হইবে গ্রহণ করা। তাঁহাকে গ্রহণ করার অর্থ সকলকে পরিহার করা নহে। সকলকে আরও গভীরভাবে যথার্থভাবে গ্রহণ করা হয়, যদি তাঁহাকে গ্রহণ করিতে পারি। প্রেমের বৈরাগ্যে ও শুষ্ক বৈরাগ্যে এতখানেক পার্থক্য।

৮। তাঁহাকে পাইলেই সব দুঃখ হয় দূর। তাঁহাকে পাইলেই ঘোচে সব বন্ধন। ক'ম্ব দিয়া কি কখনো ক'ম্ব ক্ষয় হয়? ক'ম্ববন্ধন মোচন হয় একমাত্র তাঁর প্রেমে, তাঁর দয়ায়। অনেক চেষ্টা করিয়া অনেকে দেখিয়াছে, তিনি ছাড়া আর কোনো গতি নাই।

৯। ভগবানকে সেবাই হইল মুক্তির উপায়। কিন্তু স্বার্থের জন্য যদি তাঁহাকে সেবা করি, তবে তো নিজেকেই করা হইল সেবা। স্বার্থ ও অহঙ্কার হইল মক্ভূমির মত। ইহাতে ফুল ফোটে না, ফল ফলে না। এই মক্ভূমিতে বীজ বপন করিয়া কোনোদিন ভাগ্যের ভরে না। স্বার্থের সাধনায় কোন লাভই নাই। তাঁহার সঙ্গ পাইয়া লোকে কেমন করিয়া আবার তুচ্ছ ধন জন চায়? এরূপ স্বার্থ সাধনও কি আবার ভগবানের সেবা? সে তো হইল সংসার-চতুরের মত দাঁও বুঝিয়া দাঁও মারা!

এই সব কামনা হইতে মুক্ত, সাক্ষা প্রেমের একটি কণাও জীবনে যদি লাভ কর, তবে সব বন্ধন যাইবে জলিয়া। অগ্নির কণা যেমন কাঠের পর্বতও করিতে পারে নিঃশেষ তেমনি সাক্ষা প্রেমের একটি কণারও শক্তি অসীম।

নিকাম সঙ্গতিই সত্য সঙ্গতি। তাঁহার ও আমার মাঝখানে যদি স্বার্থ ও কামনা থাকে তবে যোগ ও সঙ্গতি হয় কেমন করিয়া?

নিকাম যোগ হইলেই সাধক হয় ব্রহ্মের সরূপ ও সমদর্শী, তবেই সে তাঁহাব সঙ্গে সব রসভোগের সমান অধিকারী হইয়া যথার্থ প্রেমযোগে হয় যোগী।

১০। প্রিয়তমের শোভায় ও কল্যাণে দু'বিয়া নিজে কেরিতে হইবে সুন্দর
ও কলাগমর, তাঁহার ইচ্ছায় নিজ ইচ্ছা হইবে ডুবাইতে। এমন করিয়াই
সুন্দরী নিদাম পতিব্রতার সাধনা ও সার্থকতা লাভ করে।

১১। তাঁহাকে পুরুষভাবে গ্রহণ করিয়াছি, তাই আমি নারীভাবেই
তাঁর সেবা করি, তাঁহাকে নারীভাবে গ্রহণ করিলে পুরুষভাবেই তাঁহার সেবা
করিতাম। তিনি স্বামী, তাঁকে ছাড়া আর কাহাকেও তো আমার পাতিব্রত্যাটি
দিত্তে পারি না। তিনি এক অসীম, পুরুষ, অরূপ; আমি নারী, সীমার
বিচিত্র ঐশ্বর্যে আমি ঐশ্বর্যাবতী। আমার নানা ঐশ্বর্যে দিয়া নিরন্তর তাঁর
অপার অরূপকে আমি দেই ভরিয়া ভরিয়া।

অনন্ত ঐশ্বর্যে আমি ঐশ্বর্যাবতী। সেই সব নানাবিধ ঐশ্বর্যের দ্বারা
জগতে আমি নানাভাবে সকলের সঙ্গে মিশিব, সকলকে স্মৃথী করিব।
সংসারের সকলকে নানাভাবে সেবা করিয়া নদী আপনাকে উৎসর্গ করে
অপার সাগরে। সাগরের সঙ্গে নদীর যে সঙ্ক, তাহার আর তুলনা নাই।

স্বামীর সেই স্থান একমাত্র তাঁরই। সেইখানে যদি আমি অন্যকে লইয়া
আসি, তবে আপনাকে নানাখানা করিয়া টুকরা টুকরা করিয়া জগতে ছিন্ন
বিচ্ছিন্ন করিয়া দিলে, কি নিদারুণ আধ্যাত্মিক আত্মঘাত!

১২। তখনকার দিনে মধুরভাবে সেবা করিতে গিয়া লোকের নানাভাবের
ঘটিত বাঁভিচার। সব দেশে সব কালেই এই সব ক্রটি ঘটে। তাহা যে ধর্ম
নহে, তাহা যে নিদারুণ আধ্যাত্মিক আত্মঘাত, দাদু উচ্চকণ্ঠে তাহা ঘোষণা
করিয়া সকলকে করিয়াছেন সাবধান। মধুর ভাবের সাধনা সহজ ও স্বাভাবিক
বটে; কিন্তু মধুরভাবের সাধনায় এই বিপদ আছে বলিয়াই বিশেষভাবে
সেই ক্ষেত্রে হইতে হইবে সাবধান।

১৩। জীব ও ব্রহ্মের মধ্যে কামনাই বাধা। সন্তান নিগুণ সব কামনা
বিসঙ্গন দিয়া স্বামীর মধ্যে আপনাকে দাও ডুবাইয়া।

অমরতা, ঋদ্ধি, সিদ্ধি, এই সব কিছুই নয়, তিনিই সব। প্রেম পেয়ালায়
ভগবদ্রস অমৃতরস পাটলেই জীবন হইল সফল।

১৪। তখনই এই কথা বলিয়া শুভ করা চলে যে “তুমিই আমার সব,
তোমা-বিনা আমার কিছুই নাই।”

১ : ভুমিই আমার পরিচয় :

কুল হমারে কেসরা সগা ত সিরজনহার ।
 জাতি হমারী জগতগুর পরমেশুর পরিবার ॥
 এক সংগ সংসার মেঁ মোহিঁ জে সিরজে সোই ।
 মনসা বাচা করমনা ঔর ন দূজা কোই ॥
 সিধি হমারে সাইয়ঁ। করামতি করতার ।
 রিধি হমারে রাম হৈঁ অগম অলখ অপার ॥

“কেশব আমার কুল, সৃজনকর্তা বিধাতা আমার আপন জন (অথবা মহোদর ভাই), জগদগুরু আমার জাতি, পরমেশ্বর আমার পরিবার ।

সংসারে যিনি আমাকে সৃষ্টি করিরাছেন, তিনিই আমার একমাত্র সাথী ; মনে বচনে ও কর্মে আমার দ্বিতীয় আর কেহই নাই ।

স্বামীই আমার সিদ্ধি, “করতার”ই (প্রভুই) আমার “করামাত”*, অগমা, অলপ, অপার সেই রামই আমার ঋদ্ধি ।”

২ : তিনি একাই আমার সব :

সার্টঁ সনমুখ জীবর্তা মরর্তা সনমুখ হোই ।
 দাদু জীবরণ মরণকা সোচ কটৈ জিনি কোই ॥
 সাহিব মিল্যা ত সব মিলে ভেঁটে ভেটা হোই ।
 সাহিব রহা তৌ সব রহে নহীঁ তো নাহীঁ কোই ॥
 সব সুখ মেরে সাইয়ঁ। মংগল সোঈ জন্ন ।
 দাদু রীকৈ রাম পরি অনত ন রীকৈ মন্ন ॥
 মেরে হিরদৈ হরি বসৈ দূজা নাহীঁ ঔব ।
 কতৌ কহীঁ ধৌ রাগিয়ে নহীঁ আন কৌ ঠৌর ॥
 এক হমারে উরি বসৈ দূজা করি সব দূরি ।
 দূজা দেখত জাঈগা এক রহা ভরপুরি ॥

* আশ্চর্যশক্তিসম্পন্ন লোকেরা যে সব অসম্ভবকাণ্ড করেন তাহাকে বলে “করামাত” (Miracle) ।

“স্বামীর সন্মুখেই বাঁচন, মরণও তাঁহারই সন্মুখে ; হে দাদু, জীবন মরণের
জন্ত যেন কেহ ছুশ্চিন্তায় না হয় ব্যাকুল ।

স্বামীর মিলনেই সকলের সঙ্গে হয় মিলন । স্বামীর সাক্ষাৎকারেই সকলের
সাক্ষাৎ হয় করা, স্বামী রহিলেই সব রহে, (তিনি) না রহিলে নাই আর
কেহই ।

সব সুখ আমার স্বামী, সেই জনই (তিনিই) আমার সব মঙ্গল, ভগবানেই
মজিয়াছে আমার মন, অগ্নিত্র আর কোথাও তো মন আমার মজে না ।

আমার হৃদয়ে আছেন হরি, তাঁহা ছাড়া আর তো সেখানে কেহই নাই ;
বল তো, (অপর কাহাকেও) রাখিই বা কোথায় ? অগ্নের তো ঠাই-ই
সেখানে নাই ।

সব বৈত দূর করিয়া সেই একই আমার হৃদয়ে করেন বাস । (তাঁহাকে)
দেখিলেই (তাঁহা ছাড়া আর সব) বৈত আপনিই ঘাইবে চলিয়া, একই
রহিয়াছেন যে আমার অস্তুর ভরপুর হইয়া ।”

৩। এক তাঁহাকেই নির্ভর :

দাদু রহতা রাখিয়ে বহতা দেই বহাই ।

বহতে সংগি ন জাইয়ে রহতে মৌ লর লাউ ॥

বারেঁ দেখি ন দাহিনৈঁ তন মন সনমুখ রাখি ।

দাদু নিরমল তন্তু গহি সংত# সবদ য়হ সাখি ॥

দৃজা নৈন ন দেখিয়ে সবগছঁ সুনৈঁ ন জাউ ।

জিভ্যা আন ন বোলিয়ে অংগি ন ঔর সুহাই ॥

দূকৈ অংতর হোত হৈ জিনি আনৈ মন মাহিঁ ॥

তহঁ লে মন কৌ রাখিয়ে জহঁ কুছ দূজা নাহিঁ ॥

“বাহা স্থায়ী (রহন্ত) তাহাই রাখ, বাহা অস্থায়ী (বহন্ত) তাহা দেও
ভাসাইয়া, “বহন্তের” সঙ্গে ঘাইও না বহিয়া, রহন্তের সঙ্গেই ধ্যানে প্রেমে থাক
যুক্ত ।

“সত্য” পাঠও আছে

তনু মন (তাঁর) সম্মুখে রাখিয়া না দেখিও দাহিনে না দেখিও বায়ে ।
হে দাদু নির্মল তব্ব কর গ্রহণ, ইহাট সাধকদের “শব্দ” (সঙ্গীত) ও “সাধি”
(সাক্ষ্য) ।

(তাঁহা ছাড়া) অপর আর কাহাকে নয়নেও দেখিবে না, শ্রবণেও
শ্রুনিবে না, রসনায় ও বলিবে না । (এই) অন্ধে অপর (কিছুই বা
অপর কাহারও সংস্পর্শ) পায় না শোভা ।

অপর কিছু থাকিলেই যায় বাবধান হইয়া, তাই মনেও আনিও না অপর
কিছু । যেখানে অপর আর কিছুই (দৈত) নাই, সেখানেই নিয়া রাখ এই
মনকে ।”

৪ : নিষ্কাম হইয়া তাঁহাতে থাক যুক্ত :

করণী আপা উপজৈ রহনী রাজস হোই ।

সব থৈঁ দাদু নির্মলা সেবা স্মিরণ সোই ॥

মন অপনা লর লীন করি করণী সব জঞ্জাল ।

দাদু সহজৈঁ নির্মলা আপা মেটি সঁভাল ॥

নিহচল তো নিহচল বহৈ চংচল তো চলি জাই ।

দাদু চংচল ছাড়ি সব নিহচল মৌ লর লাই ॥

সাধিব রহতাঁ সব রহা সাধিব জাতি জাতি ।

দাদু সাধিব রাখিয়ে দূজা সংগ ন সমাই ॥

মন চিত মনসা পলক মৈঁ সার্তৈঁ দূরি ন হোই ।

নিহকামৌ নিরথৈঁ সদা দাদু জীবন সোই ॥

“(প্রেমহীন) ক্রিয়াকর্মে অহকার ভয় উৎপন্ন, রীতিতে আচারে রজোগুণ
হয় সঙ্গাত, হে দাদু, সব হইতে নির্মল হইল (প্রেমযুক্ত) সেবারদ্বারা তাঁহাও
“স্মিরণ” (নাম স্মরণ) ।

আপন মনকে প্রেমে ধ্যানে কর মগ্ন, বাহ্য ক্রিয়া-কর্ম সব জঞ্জাল । হে দাদু,
“অহম্”কে মিটাউয়া (কর করিয়া) সহজেই যত্নে সামলাও নিজ নির্মলতা ।

নিশ্চল তো নিশ্চলই থাকে, চঞ্চল তো চলিয়াই যায়, হে দাদু, সব চঞ্চলতা
ছাড়িয়া নিশ্চলের সঙ্গে প্রেমধ্যানে রহ যুক্ত ।

স্বামী রহিলে সবই রঙে, স্বামী গেলেই সবই যায়, হে দাদু, স্বামীকেই রাখ, অপরের সঙ্গে মধ্য যেন করিও না প্রবেশ ।

এক পলকের জ্ঞানও যেন মন চিত্ত মানস হইতে স্বামী না রহেন দূরে । হে দাদু, নিষ্কাম হইয়া সদাই দেখ (নিষ্কাম সদাই দেখে), তিনিই জীবনস্বরূপ ।”

১ : তিনি ছাড়া সবই মিথ্যা :

সাধু রাখে রামকৌ সংসারী মায়া ।

সংসারী পালর গঠে মূল সাধু পায় ।

সব চতুরাঙ্গ দেখিয়ে জো কুছ কীজৈ আন ।

দাদু আপা সৌপি সব পৌর কৌ লেছ পিছান ॥

দাদু দূজা কুছ নহৌ এক সওি করি জান ।

দাদু দূজা ক্যা কঠৈ জিন এক লিয়া পহিচান ॥

কোঈ বাংছৈ মুক্তি ফল কোই অমরাপুরি বাস ।

কোঈ বাংছৈ পরমা গতি দাদু রাম মিলনকী প্যাস ॥

তুম হরি তিরদৈ হেত সৌ প্রগটছ পরমানন্দ ।

দাদু দেখৈ নৈন ভরি তন কেতা হৌই অনন্দ ॥

“সাধু জন হৃদয়ে রাখে রামকে, সংসারী জন রাখে মায়াকে । সংসারী জন গ্রহণ করে পল্লব, সাধু জন গ্রহণ করে মূল ।

(মূল-গ্রহণ ছাড়া) অণ্ড যাহা কিছু কর, ভাবিয়া দেখ সেই সবই চতুরতা ; হে দাদু, সব অহমিকা উৎসর্গ করিয়া প্রিয়তমকেই লও চিনিয়া ।

হে দাদু, “দ্বিতীয়”* আর কিছুই নাই, এককেই তুমি জান সত্য বলিয়া ; যে এককে চিনিয়াছে, “দ্বিতীয়” (তাহার) আর করিবে কি ?

কেহ বাঞ্ছা করে মুক্তিফল, কেহ চায় অমরাপুরে বাস, কেহ বাঞ্ছে পরমাগতি, দাদুর শুধু ভগবানের সঙ্গে মিলনেরই ব্যাকুল পিপাসা ।

* দূজা অর্থ দ্বিতীয় । অর্থাৎ তিনি ছাড়া আর যাহা কিছু । এই অঙ্গে গরবার “দূজা” কথাটি ব্যবহার করা হইয়াছে ।

পরমানন্দ তুমি হে হরি, আমার হৃদয়ে প্রেমভরে হও প্রকাশিত প্রকটিত ;
দাদু যদি তোমাকে দেখে নয়ন ভরিয়া, তবে কতই না হয় তার আনন্দ !”

৬ : সকল ব্যথার তিনিই প্রতিকার :

ভরম তিমির ভাঙে নহী' রে জিয় আন উপাই ।
দাদু দীপক সাজি লে সহজেই হী' মিটি জাই ॥
সো বেদন নহি' বারের আন কিয় জে জাই ।
সব দুখ ভংজন সাইয়ী' তাহী সৌ লর লাই ॥
ঔষধি মূলী কুছ নহী' য়ে সব কৃষ্টি বাত ।
জো ঔষধি হী জীরিয়ে তো কাহে কৌ মরি জাত ॥
সাহিব কা দর ছাড়ি করি সেবগ কহী' ন জাই ।
দাদু বৈঠা মূল গতি ডালৌ ফিরে বলাই ॥

“ওরে জীব, ওরে জীবন, আর কোনও উপায়েই তো ভ্রম-তিমির যায় না
দূরে । হে দাদু, (ব্রহ্ম) প্রদীপ লও সাজাইয়া, সহজেই অন্ধকার ঘাইবে
মিটিয়া ।

এ সেই বেদনা নয়, ওরে পাগল, যে ঘাইবে আর কোনো উপায়ে ! সকল-
দুঃখ-ভঞ্জন (আমার) স্বামী, তাঁহার সহজেই ধ্যানযুক্ত থাক প্রেমযোগে ।

ঔষধ মূল ওসব কিছুই নয় ; এ সবই মিথ্যা কথা । ঔষধেই যদি বাঁচিত
তবে আর লোক যায় কেন মরিয়া ?

স্বামীর দ্বার ছাড়িয়া সেবক আর তো কোথাও যায় না । দাদু এই বসিধাঃ
মূল গ্রহণ করিয়া, যত বালাই এখন ফিরিয়া বেড়ায় ডালে ডালে ।”

৭ : মূলোপ্ধারকে আশ্রয় কর :

জব লগ মূল ন সী'চিয়ে তব লগ হর্যা ন হোই ।
সেরা নিহফল সব গঙ্গি ফিরি পছিতারা সোই ॥
দাদু সী'চৈ মূল কৌ সব সাঁচা* বিস্তার ।
সব আয়া উস এক মেঁ পাত ফল ফল ডার ॥

* “সীচ্যা বিস্তার” পাঠ হইলে অর্থ হইবে “সব বিস্তার হইবে সিক্ত

দেব নিরঞ্জন পূজিয়ে সব আয়া উস মাছি' ।

ডাল পাত ফল ফুল সব দাদু জ্বারে নাছি' ॥

“যে পর্য্যন্ত মূলে না কর সেচন সে পর্য্যন্ত কিছুই হয় না তাজা ও সবুজ ;
(মূল সেবা বিনা) সব সেবাই হইয়া গেল নিফল ; পরে হইল সেই অমুতাপ ।

হে দাদু, মূলকে কর সেচন, (মূলকে সেবা করিলেই) সব বিস্তার
হইবে সত্য (তোমার কাছে), পাতা ফুল ফল ডাল সবই আসিল সেই একেরই
মধ্যে ।

দেব নিরঞ্জনকেই কর পূজা, সবই তবে আসিল তার মধ্যে । ডাল পাতা
ফল ফুল সবই (বিরাজিত সেই মূলে), হে দাদু, সে সব তো কিছুই মূল হইতে
নহে বিভিন্ন ।”

**৮ : কৰ্ম দিয়া হয় না কৰ্ম ক্ষয়,
মুক্তি তাঁহারই কৃপায় :**

মনসা বাচা করমনা অংতিরি আরৈ এক ।

তাকৌ পতখি রামজী বাঠে ঔর অনেক ॥

মনসা বাচা করমনা হিরদৈ হরি কা ভার ।

অলখ পুরিষ আগৈ খড়া তাকৈ ত্রিভুরন রার ॥

মনসা বাচা করমনা হরিহী সৌ হিত হোই ।

সাহিব সনমুখ সংগি হৈ আদি নিরঞ্জন সোই ॥

মনসা বাচা করমনা আতুর কারণি রাম ।

সত্রথ সাজে' সব কৈর পরগট পুরৈ কাম ॥

এক রামকে নাম বিন জীরকী জরনী ন জাই ।

দাদু কেতে পচি মুয়ে করি করি বহুত উপাই ॥

করমৈ করম কাটে নহী' করমৈ করম ন জাই ।

করমৈ করম ছুটে নহী' করমৈ করম বঁধাই ॥

“মনসা বাচা কখনা অন্তরে যাহার এক (স্বামী) আসিয়া হন বিরাজিত,

তাহার কাছেই ভগবান প্রত্যক্ষ, কথাতে বলিতে গেলে আর কত কিছুই যায় বলা ।

মনসা বাচা কৰ্মণা হৃদয়ে যদি থাকে হরির ভাব, তবে অলপ পুরুষ তাহার (সেই সাধকের) সম্মুখেই বিরাজিত, ত্রিভুবনপতি তবে তাহারই ।

মনসা বাচা কৰ্মণা হরির সঙ্গেই যদি হয় প্রেম, তবে স্বামী সম্মুখেই আছেন সাথে সাথে; তিনিই তো আদি নিরঞ্জন ।

মনসা বাচা কৰ্মণা রামের জন্ত যদি (মন) হয় ব্যাকুল আতুর, সমর্থ স্বামীই তবে সবই করেন পরিপূর্ণ, প্রত্যক্ষই সব কামনা হয় পূর্ণ ।

এক রামের নাম বিনা জীবের জ্বালায় হয় না শাস্তি, হে দাদু, কত কত জন কত কত না উপায় করিয়া মরিয়াছেন পচিয়া পচিয়া ।

কর্ম কখনও কর্মকে পারে না কাটিতে, কর্মে কখনো যায় না কর্ম চলিয়া, কর্মে কখনো ছুটে না কর্ম, কর্মেই বদ্ধ হয় কর্মবন্ধনে ।”

৯ : নিষ্কাম যোগই সত্য যোগ :

স্বার্থ সেবা কীজিয়ে তাই ভলা ন হোই ।

দাদু উসর বাহি করি কোঠা ভরৈ ন কোই ॥

শুত বিত মাংগৈ বাররে সাহিব সৌ নিধি মেলি ।

দাদু রৈ নিহফল গয়ে কৈসৈ নাগর বেলি ॥

ফল কারণি সেবা কৈর জাটৈ ত্রিভুরন বার ।

দাদু সো সেবগ নহাঁ খেলৈ অপনা দার ॥

তন মন লে লাগা রঠৈ রাতা সিরজনহার ।

দাদু কুছ মাংগৈ নহাঁ তে বিরলা সংসার ॥

সাহঁ কৌ সঁভালতা কোটি বিঘন টলি জাতি ।

রাই সমান বসংদরা কেতে কাঠ জরাহি ॥

নিহকাম সনমুখ রহৈ সত্য* সংগতি সোই ।

সোহী জুক্র অর মুক্র সদা প্রেমী সোহী হোই ॥

“সাহঁ” পাঠও আছে, অর্থ স্বামীর সঙ্গতি

“স্বার্থে সেবা যে কর তাহাতে কোনোই শ্রেয়ঃ নাই, হে দাদু, মক্ৰভূমিতে বীজ বপন করিয়া কেহ কখনো ভরে নাই আপন গোলা।

স্বামীর মত নিধিকে পাইয়াও পাগলেরা করে কিনা স্মৃত-বিশ্বের প্রার্থনা !
হে দাদু, তাঁহার! পানের লতার মতই রহিয়া গেলেন নিফল।

ফলের কারণ যে করে সেবা, আর ত্রিভুবনপতির কাছে যে করে যাচনা, হে দাদু, সে তো সেবক নহে ; সে আপন দাঁও-মত (অবসর বুঝিয়া) খেলে (দাঁও মারে) আপন খেলা !

স্বজনকর্তা বিধাতার অনুরাগে অনুরক্ত হইয়া তনু মন লইয়া থাকে তাঁরই সন্ধে লাগিয়া এবং আর কিছুই চাহে না, হে দাদু, তেমন সেবক সংসারে বিরল।

স্বামীকে যদি আশ্রয় ও অবলম্বন কর তবে (সহজেই) কোটি বিঘ্ন ঘাইবে দূবে চলিয়া, সর্ষপের মত অগ্নি স্কুলিক কত কাঠই করিয়া ফেলে দগ্ধ !

নিষ্কাম হইয়া তাঁর সম্মুখে থাকাই হইল বথার্থ সত্য সঙ্গতি। সে-ই হইল সদা যুক্ত আর সে-ই হইল সদা মুক্ত, সে-ই তো হইল প্রেমী !”

২০ : পতিপ্রাণা সুন্দরীর এই ব্রত :

জিসকী খুবী খুব সব সোই খুব সঁভারি।

দাদু সুন্দর খুব সৌ নখ সিখ সাজ সরাঁরি ॥

আজ্ঞা মাঠেঁ উঠে বৈসে আজ্ঞা আঠের জাই।

আজ্ঞা মাঠেঁ লেঠের দেঠের আজ্ঞা পহিঠের খাই ॥

আজ্ঞা মাঠেঁ বাহরি ভিতরি আজ্ঞা রহে সমাই।

আজ্ঞা মাঠেঁ তন মন রাঠে দাদু রহ লর লাই ॥

পতিব্রতা গ্রিহ আপনৈ কঠের খসমকী সের।

জ্যেঁ রাঠে ত্যোঁ হুঁ রহে আজ্ঞাকারী টের ॥

“স্বাহার সৌন্দর্যো ও বিশিষ্ট শ্রেষ্ঠতায় সবই সুন্দর বিশিষ্ট ও শ্রেষ্ঠ, সেই

পরম সুন্দরকে কর আশ্রয়। হে দাদু, সেই সুন্দরের বিশিষ্ট শ্রেষ্ঠতার সৌন্দর্য্যে আপন আপাদ মস্তক কর সুশোভিত।*

(তাঁহার) আজ্ঞাতেই (পতিব্রতা) সে উঠে বসে, তাঁর আজ্ঞাতেই আসে যায়, তাঁহার আজ্ঞাতেই নেয় দেয়, তাঁহার আজ্ঞাতেই সে খায় পরে।

তাঁহার আজ্ঞাতেই (পরিপূর্ণ তাহার) বাহির ও ভিতর, তাঁহার আজ্ঞাতেই রহে সে ডুবিয়া, তাঁহার আজ্ঞার মধ্যেই সে রাখে আপন মনকে, হে দাদু, প্রেম ধ্যানসহ তাঁহার আজ্ঞাতেই সে সদা থাকে অধিষ্ঠিত।

পতিব্রতা আপন গৃহে স্বামীর করে সেবা, যেমন তিনি রাখেন তেমনই সে রহে, তাহার স্বভাবই যে আজ্ঞাকারী। [তেমনি জগতে জগৎপতিব সহজ অন্তবর্তিতা করিয়াই নিকাম পতিব্রতার সাধনা হয় সম্পূর্ণ]।”

১১: সহজ সাধন, মধুর সাধন:

নারী পুরিষা দেখি করি পুরিষা নারী হোই ।

দাদু সেরগ রামকা সীলবন্ত হৈ মোই ॥

পুরিষ হমারা এক হৈ হম নারী বহু অংগ ।

সো জৈসা হৈ তাহি সৌ খেলৈ তিসহী সংগ ॥*

দাদু নখ সিখ সৌপি সব জিনি বাঁধ জাই পরাণ ।

জো দিল বংটৈ আপনী নাসৈ জন্ম অজান ॥

“(ভগবানকে) নারী দেখিয়া যে হয় পুরুষ, পুরুষ দেখিয়া যে হয় নারী, হে দাদু, সে-ই তো ভগবানের সেবক, সে-ই তো স্বার্থ শীলবন্ত ।

পুরুষ (স্বামী) আমার এক, বহু-অঙ্গ (বহু উপকরণ ভাব ও ঐশ্বর্য্যে ঐশ্বর্য্যবতী) আমি নারী। তিনি যেমন তাঁর সঙ্গে আমি তেমন সঙ্গী

* এই “খুব ও খুবী” কথাই বাংলা করা কঠিন। ইহাতে সৌন্দর্য্য মনোহারিত্ব বিশিষ্টতা শ্রেষ্ঠতা প্রভৃতি অনেক কিছুই বুঝায়।

† “ছে ছে জৈসী তাহি সৌ খেলৈ তিসহী রংগ” পাঠ্য আছে। তাছাতে অর্থ হইবে “তিনি এক পুরুষ, আমি নারী বহুমাণ্ডি। আমরা যে যেমন, তার সঙ্গে তিনি তেমনই কবেন লীলা।”

হইয়াই করি লীলা। (অন্য সবার সঙ্গেও তাঁহাদের অনুরূপই করি আমি সেবা ও পরিচারণা)।

(সাবধান), হে দাদু, নথ শিগ (আপাদ মস্তক) সব (যা'কে তা'কে) সঁপিয়া এই প্রাণ যেন না হইয়া যায় বক্ষ্য ও নিফল; যে আপন চিত্তকে (নানানগানা) করিয়া দেয় ভাগ করিধা (বাটিয়া) সে অজ্ঞান, না জানিয়া সে (আপন) জনমকেই করে বিনাশ।”

১২: মধুর সাধনা ভগবানেরই
সঙ্গে: মানুষের সঙ্গে হইলেই
সর্বনাশ:

পর পুরিষা রতি বাঁধণী জানৈ জো ফল হোই ।
জনম বিগোরৈ আপনা ভীত ভয়ানক সোই ॥
দাদু তজি ভরতার কৌ পর পুরিষা রতি হোই ।
এসী সেরা সব করৈ রাম ন জানৈ সোই ॥
নারী সেরক তব লগৈঁ জব লগ সাজঁ পাস ।
দাদু পরসৈ আন কৌ তাকী কৈসী আস ॥
কাম ভর সেরা করৈ কামিনী নারী সোই ।
পরম পুরুষ কো মিলিহৈ জানে ন কেতিগ রোই ॥

“পর পুরুষের আসক্তি বক্ষ্য (নিফল), জানাই তো আছে তাহাতে যে ফল হয়। এমন করিয়াই জনম দেয় উচ্ছন্ন করিয়া; আর একি ভয়ঙ্কর সর্বনাশের কথা!

হে দাদু, স্বামীকে ছাড়িয়া পরপুরুষে হয় আবার রতি! এমন সেবাই দেখি সবাই করে, ভগবানকে তো সে জানিলই না (ভগবানও তাহাকে করিতে পারিলেন না স্বীকার)!

তহকণই নারী হয় সেবক যতক্ষণ সে থাকে স্বামীর পাশে, হে দাদু, যদি অন্য পুরুষকেই সে করিল স্পর্শ তবে তাহার আবার কিসের ভরসা?

কামনা করিয়া (স্বার্থ বুদ্ধিতে) যে করিল সেবা সে তো হইল কামিনী

নারী। হে দাদু, জানে না তো* কত কালা কাঁদিয়াই পরম পুরুষের সঙ্গে তাহাকে আবার হইবে মিলিতে।”

১৩: কামনা নহে প্রেমরসই চাই:

কছু ন কীর্জ কামনা সরগুণ নিরগুণ হোই ।
 পলটি জীৱতৈঁ ব্রহ্ম গতি সব বিধি মানী সোই ॥
 কোটি বরস ক্যা জীৱনা অমর ভয়ে ক্যা হোই ।
 প্রেম ভগতি রস রাম বিন ক্যা দাদু জীৱন সোই ॥
 প্রেম পিয়লা রামরস হম কৌ ভারৈ এত ।
 বিধি সিধি মাংগৈঁ মুক্তি ফল চাইঁ তিন্ কৌ দেহ ॥

“সগুণ নিগুণ ঘাহাই হোক না কেন, কোনো কামনাই করিও না; তবেই জীবগতি হইতে পালটিয়া হইবে ব্রহ্মগতি, সৰ্বভাবে তাঁহাকেই মান ।

প্রেম ভক্তি রস বিনা, রাম বিনা, কোটি বৎসর আয়ুতেই বা কি ফল? অমর হইয়াই বা কি ফল? হে দাদু, এইরূপ জীবন কি আবার একটা জীবন !

প্রেম পিয়লা, রামরস, ইহাই তো আমার লাগে ভাল, ইহাই তো আমি চাই । ঋদ্ধি সিদ্ধি ষাহারা মাংগেন, মুক্তিফল ষাহারা চান, তাঁহাদিগকেই না হয় সে সব দাও ।”

২৪: পরমপুরুষের গুণ:

তুমহী গুরু তুমহী জ্ঞান ।
 তুমহী দেৱ সব তুমহী ধ্যান ॥
 তুমহী পূজা তুমহী পাতী ।
 তুমহী তীরথ তুমহী জাতী ॥
 তুমহী গাথা তুমহী ভেদ ।
 তুমহী পুরাণ তুমহী বেদ ॥

* (“না জানি” অর্থও হয়) ।

তুমহী জুগুতি তুমহী জোগ ।
 তুমহী বৈরাগ তুমহী ভোগ ॥
 তুমহী জীরনী তুমহী জপ্প ।
 তুমহী সাধন তুমহী তপ্প ॥
 তুমহী শীল তুমহী সংতোখ ।
 তুমহী মুকুতি তুমহী মোখ ॥
 তুমহী সির তুমহী সক্রতি ।
 তুমহী আগম তুমহী উকতি ॥
 তুঁ সত অরিগত তুঁ অপরংপার ।
 তুঁ নাম, দাদু কা বিশ্রাম, তুঁ নিরাকার ॥*

“তুমিই গুরু তুমিই জ্ঞান ; তুমিই সর্বদেবতা তুমিই ধ্যান । তুমিই পূজা
 তুমিই পাতি ; তুমিই তীর্থ তুমিই জাতি । তুমিই গাথা তুমিই ভেদ (দুজ্জয় রহস্য) ;
 তুমিই পুরাণ তুমিই বেদ । তুমিই যুক্তি তুমিই যোগ ; তুমিই বৈরাগ্য তুমিই
 ভোগ । তুমিই জীবন তুমিই জপ ; তুমিই সাধন তুমিই তপ । তুমিই
 শীল তুমিই সন্তোষ ; তুমিই মুক্তি তুমিই মোষ (মোক) । তুমিই শিব তুমিই
 শক্তি ; তুমিই আগম তুমিই উক্তি ।*

তুমি সত্য, তুমি নিত্য (অনির্বচনীয়), তুমি অনন্ত অপার ; তুমি নাম,
 তুমি দাদুর বিশ্রাম, তুমি নিরাকার ।”

* এই স্তবটির একটি মহারাষ্ট্রী রূপও আছে ।

“তুম্হেঁ অম্হঁচা হে গুরু তুম্হেঁ অম্হঁচা জ্ঞান ।

তুম্হেঁ অম্হঁচা দেব সব তুম্হেঁ অম্হঁচা ধ্যান ॥ ইত্যাদি

“তুমিই আমার হে গুরু, তুমিই আমার জ্ঞান । তুমিই আমার সর্বদেবতা,
 তুমিই আমার ধ্যান” এইভাবে “অম্হঁচা” অর্থাৎ “আমার” সর্বত্র এই কথাটি
 যোগ করিয়া আগাগোড়া এই একই ভাবে মহারাষ্ট্রীতে স্তব রচিত হইয়াছে ।

দাদু সবদ

(শব্দ, সঙ্গীত)

রাজবজীকৃত “অংগবধু” সংগ্রহে প্রাপ্ত সঙ্গীত সংগ্রহের কথা উপক্রমণিকাতেই লেখা হইয়াছে। তাহাতে যতগুলি সুরের উল্লেখ আছে তাহাও দেওয়া হইয়াছে। ইহা ছাড়াও দাদুর খুব ভাল সঙ্গীত মাঝে মাঝে পাওয়া যায়। দাদুর খুব ভাল সঙ্গীতের একটি সংগ্রহ আমার কাছে ছিল তাহার অনেক গানই জোনপুরে, বুদ্ধলগণ্ডে, আজমীরের নিকটস্থ প্রদেশে রোহতক নারনোল প্রভৃতি স্থানে, আবু পর্বতে, কাঠিয়াওয়াড়ে, গুজরাতে, কচ্ছ ও সিন্ধুপ্রদেশে সংগ্রহ করা। তাহার মধ্যে সব চেয়ে মধুর সঙ্গীত পাওয়া গিয়াছিল জোনপুরের ও কচ্ছ এবং সিন্ধু প্রদেশের কাছাকাছি কোনো কোনো স্থানে। এই সব সিন্ধুদেশের সমীপস্থ স্থানে লাড়কানায় সাধু ধরমদাসের অমুরাগী, সিন্ধুর দরাজের সচল শাহের অমুরাগী, কুতুব ও দলপত সাত্তেবের অমুরাগী কয়েকটি সুরী সাধুর দেখা পাই যাহারা চিকারা নামক যন্ত্র বাজাইয়া অতি মনোহর ভাবে দাদুর গান করেন। সীঁধড়া, সৌরঠ, কাফী, সুরহৌ, মালীগৌড় প্রভৃতি রাগই তাঁহারা বেশি গাহিয়া থাকেন। জোনপুরে দাদুর উৎকৃষ্ট রামকেলী টোড়ী ও আসাবরী শুনা যায়। সেই গানগুলি আমার ও আমার দুইটি সাধু বন্ধুর সংগ্রহ করা। সেই সংগ্রহের সঙ্গে দাদুর জীবনীর উপকরণও কিছু কিছু ছিল। দুর্ভাগ্যক্রমে আমার সাধু বন্ধু দুইটির হাত হইতে একদল ভক্তের হাতে ঐ সংগ্রহটি যায়। এখনও তাহা ফিরিয়া পাই নাই। পাইলে ভবিষ্যতে প্রকাশ করা যাইবে। কিন্তু সেই কারণে “বাণী”গুলি প্রকাশ করাতে বিলম্ব করা অন্তায় হইবে মনে করাতে এখন অন্ততঃ বাণীর অংশটাই প্রকাশ করা গেল। আর সাদাসিধা রকমের কিছু “সবদ” বা গানও এখানে প্রকাশ করা গেল।

বাণী অপেক্ষা গান হাতে হাতে ঘুরিয়া বেড়ায় বেশি। কাজেই বাণী অপেক্ষা গানে আরও অদল বদল ঘটে। তবু তাই বলিয়া ভক্তপরাতে

প্রাপ্ত সব উত্তম গান তো উপেক্ষা করা চলে না। অনেক গানে আমার পুঁথিতে লেখা সুরের সঙ্গে ভক্তদের গীত সুরে মেলে না। “অংগবন্ধু”তে লেখাও অনেক গান আছে। তবে আমরা ভক্তদের কাছে গান যে ভাবে শুনিয়াছি সেইভাবেই এখানে আজ প্রকাশ করিতেছি। এইরূপ গান “অংগবন্ধু” সংগ্রহের মধ্যেও আংশিকভাবে আছে। “অংগবন্ধু”তে যাহার একটু অংশও নাই এমন গান এখন প্রকাশ করা সম্ভব হইল না। সম্ভব হইলে ও সব উপকরণ পাওয়া গেলে অল্প কোনো সময়ে দাদুর গানের একটি বিস্তৃত সংগ্রহ প্রকাশের চেষ্টা করা যাইবে।

রাগ গৌড়ী

(১)

তুম বিন ব্যাকুল কেসরা নৈন রহে জল পুরি ।
 অন্তরঙ্গামী ছিপ রহে হম কোঁ জীরে দুরি ॥
 আপ অপরছন হোই রহে হম কোঁ রৈন নিশাঠি ।
 দাদু দরসন কারণে তলফি তলফি জির জাই ॥

“হে কেশব, তুমি বিনা আমি ব্যাকুল, নয়ন আছে জলে ভরিয়া। হে অন্তরঙ্গামী, তুমি প্রচ্ছন্ন থাকিলে আমি কেমন করিয়া বাঁচি দূরে? নিজে রহিলে প্রচ্ছন্ন হইয়া, আমি কেমন করিয়া কাটাই রজনী? দরশনের কারণে ছটফট করিয়া যায় দাদুর প্রাণ।”

(২)

অজহুঁ ন নিকসৈঁ প্রাণ কঠোর ।
 দরসন বিনা বহুত দিন বীতে সুন্দর প্রীতম মোর ।
 চার পহর চারোঁ জুগ বীতে রৈন গরাঁঈ ভোর ।
 অরখি গঈ অজহুঁ নহি আয়ে কতহুঁ রহে চিতচোর ।
 কবহুঁ নৈন নিরখি নহিঁ দেখে মারগ চিতরত ভোর ।
 দাদু ঐসৈঁ আতুর বিরহিণী জৈসৈঁ চন্দ চকোর ।

“কঠোর প্রাণ আজিও তো হয় না বাহির ! হে মোর স্নন্দর প্রিয়তম, দরশন বিনা বহুত দিন তো গেল অতীত হইয়া ; রাত্রি যে ভোর করিলাম, চারিটি প্রহর গেল যেন চারিটি যুগ। ফিরিয়া আসিবার নির্দিষ্ট কাল তো হইল অতীত, আজও তো আসিলে না, কোথায় রহিলে, হে মোর চিতচোর ? নয়ন তো কখনও তোমায় দেখিল না নিরখিয়া, তাই তোমার পথপানেই আছে চাহিয়া। দাদু এমনই হইয়াছে ব্যাকুলা বিরহিণী, যেমন চক্রেয় জুনা ক্যাকুল চকোর।”

(৩)

ঐসা জনম অমোলিক ভাঙ্গি ।
 জা মৈ আই মিলৈ রাম রাঙ্গি ॥
 জা মৈ প্রাণ প্রেম রস পীরৈ ।
 সদা সুহাগ সহজ সুখ জীরৈ ॥
 আতম আই রাম সৌ রাতী ।
 অখিল অমর ধন পারৈ খাতী ॥
 পরগট দরসন পরসন পারৈ ।
 পরম পুরুষ মিলি মাহি সমারৈ ॥
 ঐসা জন্ম নহী নর আটৈ ।
 সো কুঁ দাদু রতন গঁরাটৈ ॥ *

“এমন অমূল্য এই জীবন রে ভাই, যাহাতে আসিয়া মেলেন প্রভু ভগবান । যাহাতে প্রাণ প্রেমরস করে পান ; সদাই সৌভাগ্য সহজ আনন্দে রহে জীবন্ত । আত্মা আসিয়া ভগবানের সহিত হয় প্রেম-বত । অখিল অমর ঐশ্বর্যে পাঠ স্থিতি । পরমপুরুষের পায় প্রত্যক্ষ দর্শন স্পর্শন, তাঁহার সঙ্গে মিলিত হইয়া অন্তরে রহে সমাহিত হইয়া ।

• এই গান শুনিয়াই নাকি রক্তবর্জী তাঁর পূর্ব জীবন ছাড়িয়া ধর্মজীবনে চলিয়া আসেন ।

এমন মানবজন্ম আর কি হইবে? হে দাদু, এমন রতন কেন বুধা হারাইলে হেলায়?"

(৪)

মন অরসক* তৈঁ ক্যা কীয়া ॥

রে তৈঁ জপ-তপ সাধী ক্যা দীয়া ।

কুছ পীর কারনি বৈরাগ ন লীয়া ॥

রে তুঁ পালৈ পর্ত না গল্যা ।

রে তৈঁ আপৈ আপহী না দহা

রে তৈঁ বিরহিণী জ্যৌ ছুঃখ না সহা ॥

হোই প্যাসে হরি জল না পীয়া ।

রে তুঁ বজর, ন ফাটৌ রে হীয়া ।

ধিগ জীরন দাদু যে জীয়া ॥

"অলস অরসিক মন তুই এই জীবনে করিনি কি? ওরে তুই জপ তপ সাধনাতেই বা দিনি কতটুকু? প্রিয়তমের কারণেও তুই কিছু নিস্ নাই বৈরাগ্য !

ওরে তুই পর্তের তুষারের মতও তো যাস্ নাই গলিয়া! তুই আপনাতে আপনি ও যাস্ নাই দক্ষ হইয়া! ওরে বিরহিণীর উপযুক্ত ছুঃখও সহিস্ নাই (এই জীবনে)!

ওরে তুই পিপাসিত হইয়া হরি-জলও করিস্ নাই পান; ওরে তুই বজ্র-কঠোর, তোার হৃদয়ও যায় নাই ফাটিয়া! ওরে ধিক তোার জীবন যে এমন জীবনেও রহিলি বাঁচিয়া!"

(৫)

তুঁ হৈ তুঁ হৈ তুঁ হৈ তেরা ।

মৈ নহিঁ মৈ নহিঁ মৈ নহিঁ মেরা ॥

তুঁ হৈ তেরা জগত উপায়া ।

মৈঁ মৈঁ মেরা ধঃধৈ লায়া ॥

* "মুরখ" ও কেহ কেহ গান করেন ।

তুঁ হৈঁ তেরা খেল পসারা ।
 মৈঁ মৈঁ মেৱা কহৈঁ গঁৱাৱা ॥
 তুঁ হৈঁ তেরা ৱহা সমাটৈ ।
 মৈঁ মৈঁ মেৱা গয়া বিলাই ॥

“তুমিই আছ, তুমিই আছ, তোমারই সব আছে । আমি নই, আমি
 নই, আমি নই ; কিছুই নাই আমার ।

তুমি আছ, তোমার জগৎ করিলে প্রকাশ, “আমি আমি, আমার আমার”
 করিয়া আমি শুধু ধক্কই আসিলাম লইয়া ।

তুমি আছ, তাই প্রসারিত করিলে তোমার সৃষ্টিলালা, “আমি আমি”
 “আমার আমার” বলে শুধু মূর্খ গ্রামা ।

তুমি আছ তোমার সত্তা আছে সর্বত্র ভরপুর প্রসাবিত, “আমি আমি”
 “আমার আমার” গেল বিলয় হইয়া ।”

(৬)

ভেখ ন রীতৈ মেৱা নিজ ভৰ্ত্তাৱ ।
 তা থৈঁ কীটৈ শ্রীতি বিচাৱ ॥
 ছুৱাচাৱণী ৱচি ভেখ বনাৱৈ ।
 সীল সাঁচ নহিঁ পিৱ কৌ ভাৱৈ ॥
 কংত ন ভাৱৈ কৱৈ সিংগাৱ ।
 ডিংভপণৈ ৱীতৈ সংসাৱ ॥
 পীৱ পতিটানৈ জ্ঞান নহিঁ কোটৈ ।
 দাদু সোই সুহাগণি হোই ॥

“স্বামী আমার তো ভোলেন না ভেপে (সাজ সজ্জায়), তাই সাবধানে
 বিচার করিয়া প্রেমকেই কর আশ্রয় ।

ছুৱাচাৱণী, মিচা ভেপ করে রচনা ! নাট শীল নাট সত্য, অথচ প্রিয়তমকে
 চায় পাইতে !

কাস্তুর তো লাগে না ভাল, অথচ সে করে শৃঙ্খার (সাজসজ্জা ভূষণাদি রচনা) ! এই সব ছেলেমানুষী আড়ম্বরেই ভোলে সংসার !

দাদু বলেন, সেই তো সৌভাগ্যবতী যে স্বামীকেই জানে, আর কিছুই যে জানে না ।”

(৭)

সো ধনি পিরুজী সহজ# সঁরারী ।
 অব বেগ মিলুছ তন জাই বনরারী ॥
 জতন জতন করি পংথ নিহারৌ ।
 পিয় ভারৈ ত্যা আপ সঁরারৌ ॥
 ইব মোহিঁ লৌজৈ জাউ বলিহারী ।
 কই দাদু সুনী বিপতি হমারী ॥

“সে-ই ধন্য যে প্রিয়তমের জন্ত সহজ শোভায় সাজাইল আপনাকে ; এখন শীঘ্র আসিয়া হও মিলিত, হে বনোয়ারী (বনমালী), জীবন যে যার ।

কত ভাবে কত যতন করিয়া, আছি তোমার পথ পানে চাহিয়া, প্রিয়তম যেমনটি চাহেন তেমন ভাবেই সাজাইতেছি নিজেকে ।

এখন তুমি লহ আমার লহ, তোমার মধ্যে আমি আপনাকে করিতেছি উৎসর্গ । দাদু কহেন, আমার এই সঙ্কটকালের প্রার্থনা শোনো ।”

(৮)

ইব তো মোহিঁ লাগী বাই ।
 ব্যাকুল চিত লিয়ো চুরাই ॥
 আন ন কুচৈ ঔর নহিঁ ভারৈ
 অগম অগোচর তইঁ মন জাই ।
 রূপ ন রেখ বরন কহৌ কৈসা
 তিনহ চরনৌ চিত রহা সমাই ॥

“সেজ” ও “সাজি” পাঠও আছে

পল এক দাদু দেখন পারৈ

জনম জনম কী ত্রিখা বুঝাই ॥

“এখন তো আমি হইয়াছি পাগল (আমাতে বাবু লাগিয়াছে), ব্যাকুল চিত্ত তিনি লইয়াছেন চুরি করিয়া ।

অন্য কিছু (“অন্ন” ও হয়) আর কচে না, আর কিছু লাগেও না ভাল ; অগম্য অগোচরের কাছেই মন চায় বাইতে ।

না জানি কেমন তার রূপ, না জানি কেমন তার রেখা, কি জানি কেমন তার বরণ । তবু তাঁহার চরণেই যে চিত্ত রহিল ডুবিয়া ।

একটি পলের জন্মও যদি দাদু পায় দেখিতে তবে জনম জনমের তৃষ্ণা তাহার বায় পরিতপ্ত হইয়া ।”

(৯)

পৈরত থাকে কেসরা সূঁথে বার ন পার ॥

বিষম ভয়ানক ভরু ছলা রে তুম্হ বিন ভারী হোই :

তুঁ হরি তারন কেসরা দূজা নাহিঁ কোই ॥

তুম্হ বিন খেরট কোই নহীঁ রে অতির তির্যো নহীঁ জাউ ।

অরঘট বেড়া ডুবি হৈ নহীঁ আন উপাউ ॥

যহু দট অরঘট বিষম হৈ রে ডুবত মাহিঁ সরীর ।

দাদু কায়র রাম বিন মন নহীঁ বাঁধে ধীর ।

“হে কেশব, ভাসিতে ভাসিতে গেলাম হয়রান হইয়া । কুল কিনারা কোন দিকেই তো যায় না দেখা ।

বিষম ভয়ানক এই ভবজল, তুমি বিনা হইতেছে আরও যেন প্রবল । হে হরি, হে কেশব, তুমিই তো তারণ কর্তা, আর তো আমার কেহই নাই ।

তুমি বিনা পেয়ার মাঝী আর তো কেহই নাই, অপার অলজ্বা সাগর তো; যায় না পার হওয়া । আ-ঘাটাতেই ডুবিতেছে এই ভেলা, নাই আর অন্য উপায় ।

এই আঘাটার ঘাট (ঘাটের মাঝে) বড় বিষম, তার মাঝে ডুবিতেছে শরীর, রাম বিনা দাদু হইয়াছে শক্তিহীন, মন আর মানিতেছে না ধৈর্য্য ।”

(১০)

জ্ঞো রে রাম দয়া নহিঁ করতে ॥

নার কেবট কুল হরি আঁপৈ,

সো বিন কেঁয়া নিসতরতে ।

পিতা কেঁয়া পুত কঁ, মারৈ দাদু য়েঁ। জন তরতে ॥

“যদি রে রাম নাহিঁ করিতেন দয়া ! নিজেই তিনি নৌকা, নিজেই তিনি মাঝি ও নিজেই তিনি কুল, তিনি বিনা কেমন করিয়া হয় নিস্তার ? পিতা কেমন করিয়া আর পুত্রকে মারে ? তাই হে দাদু, মাহুম পারে তরিতে ।”

(১১)

তর লগ তুঁ জিনি মারৈ মোহিঁ ।

জর লগ মৈ দেখছঁ নহিঁ তোহিঁ ॥

দীন দয়াল দয়া করি জোই ।

সব সুখ আনন্দ তুম্হ তৈ হোই ॥

জনম জনম কে বন্ধন খোই ।

দেখন দাদু অহ নিস রোই ॥

“যে পর্যাস্ত তোমায় আমি দেখিতে নাহিঁ পাই নে পর্যাস্ত আমায় তুমি মারিও না (ততদিন যেন আমার মরণ না হয়) ।

হে দীন দয়াল, দয়া করিয়া লও আমার খবর (“দেখ” অর্থও হয়) ।
তোমা হইতেই হইবে সব সুখ ও আনন্দ ।

জনম জনমের বন্ধন যাউক ঘুচিয়া । তোমাকে দেখিবার জগুই দাদু
কাদিতেছে অহনিশি ।”

রাগ মালী গৌড় (মালন গৌড়)

(১২)

যে সব চরিত তুম্হারে মোহনা

মোহে সব ব্রহ্মাণ্ড খণ্ডা ।

মোহে পরন পানী পরমেশ্বর

সব মন মোহে ররি চংড়া ॥

সায়র সপ্ত মোহে ধরণী ধরা
 অষ্টকুলা পররত মের মোহে ।
 তিন লোক মোহে জগ জীবন
 সকল ভুবন তেরী সের মোহে ॥
 অগম অগোচর অপার অপরংপার
 কো যছ তেরে চরিত ন জানৈঁ ।
 যে সোভা তুম্হকে। সৌহৈ সুন্দর
 বলি বলি জাউঁ দাদু ন জানৈঁ ॥

“হে মোহন, এই সব তোমারই লীলা, যে সকল ব্রহ্মাণ্ড-খণ্ড মন করিতেছে মোহিত । হে পরমেশ্বর, পবন জ্বল করিতেছে সকলকে মোহিত, রবি চন্দ্র মোহিত করিতেছে সবার মন ।

সপ্তমাগর, ধরিত্রী বসুন্ধরা, অষ্ট কুলপর্বত মেরু সবই মুগ্ধ করে মন । হে জগজীবন, তিন লোকই সকল জীবনকে করিতেছে মুগ্ধ, সকল ভুবনে শোভা পায় তোমারই সেবা ।

অগম্য অগোচর অপার অসীম অনন্ত তোমার লীলা, কেহই ইহা (জ্ঞানের দ্বারা) পারে না জানিতে । হে সুন্দর, এইসব সৌন্দর্য্য তোমাকেই পায় শোভা ; দাদু ইহার বোঝে না কিছুই, (আমি কেবল) ধন্ত ধন্ত যাই তোমার এই লীলায় ।”

(১৩)

গোবিন্দ কৈসেঁ তিরিয়ে ।
 নার নাহীঁ খের নাহীঁ রাম বিমুখ মরিয়ে ॥
 গ্যান নাহীঁ ধ্যান নাহীঁ লয় সমাধি নাহীঁ ।
 বৈরহা বৈরাগ নাহীঁ পংচৌ গুণ মাহীঁ ॥
 প্রেম নাহীঁ শ্রীতি নাহীঁ নার নাহীঁ তেরা ।
 ভার নাহীঁ ভগতি নাহীঁ কাঠর জীব মেরা ॥
 ঘাট নাহীঁ পাট নাহীঁ কৈসে পগ ধরিয়ে ॥
 বার নাহীঁ পার নাহীঁ দাদু বহু ডরিয়ে ॥

“হে গোবিন্দ, কেমন করিয়া তব আমি তরি ? নাই নৌকা নাই খেয়া
মাঝি, রাম-বিমুখ আমাকে দেখিতেছি মরিতেই হইবে ।

জ্ঞান নাই, ধ্যান নাই, নাই লয় সমাধি ; বিরহও নাই বৈরাগ্যও নাই,
পঞ্চেরই (পঞ্চইন্দ্রিয় ও পঞ্চতত্ত্ব) প্রভাব ও বন্ধন রহিয়াছে অন্তরে ।

প্রেম নাই, প্রীতি নাই, তোমার নামও নাই আমার অন্তরে ; ভাবও নাই
ভক্তিও নাই তাই ভয়-ভীত আমার জীবন ।

ঘাটও নাই বাটও নাই কেমনে কোথায় বা রাখি চরণ (চলি) ? না
আছে পার ও কুল, না আছে সীমা ; মনে বড়ই ভয় পাইতেছে দাদু ।”

জাগ কান্ধড়া

: ৯

তুঁ হী তুঁ গুরুদেব হমারা ।

সব কুছ মেরে নাউ তুম্হারা ॥

তুঁ হী পূজা তুঁ হী সেবা ।

তুঁ হী পাভী তুঁ হী দেবা ॥

যোগ যজ্ঞ তুঁ সাধন জাপ ।

তুঁ হী মেরে আটৈপ আপ ॥

তপ তীরথ তুঁ ব্রত অসনানাঁ ।

তুঁ হী জ্ঞানাঁ তুঁ হী ধ্যানাঁ ॥

বেদ ভেদ তুঁ পাঠ পুরানাঁ ।

দাদুকে তুঁ পিঙ পরানাঁ ॥

“তুমিই আমার সর্বময়, তুমিই আমার গুরুদেব, তোমার নামই আমার
সব কিছু ।

তুমিই পূজা তুমিই সেবা, তুমিই পত্র (-পুষ্প) তুমিই দেব ; তুমিই
যোগ যজ্ঞ সাধন জাপ, তুমিই আমার আপন হইতে আপন ।

তুমিই তপ তুমিই তীর্থ তুমিই ব্রত, তুমিই জ্ঞান তুমিই জ্ঞান তুমিই ধ্যান ।

তুমিই বেদ তুমিই ভেদ (রহস্য) তুমিই পাঠ ও পুরাণ, তুমিই দাদুর কাণ্ড
ও প্রাণ ।”

১৫

তুঁ হী তুঁ আধার হমারে ।
সেবগ স্মৃত হম রাম তুম্হারে ॥
মাই বাপ তুঁ সাহিব মেরা ।
ভগতি হীন মৈঁ সেবগ তেরা ॥
মাত পিতা তুঁ বংধর ভাই ।
তুম্হ হীঁ মেরে সজন সহাই ॥
তুম্হ হীঁ তাত তুম্হ হীঁ মাত ।
তুম্হ হীঁ জাত তুম্হ হীঁ স্মাত ॥
কুল কুটুংব তুঁ সব পরিবারা ।
দাদু কা তুঁ তারণহারা ॥

“তুমিই আমার একমাত্র সর্বস্ব, তুমিই আমার আধার । হে রাম, আমি
তোমারই সেবক আমি তোমারই স্মৃত ।

তুমি আমার মাতা তুমি আমার পিতা তুমিই আমার স্বামী ; আমি তোমার
ভক্তি-হীন সেবক ।

তুমিই আমার মাতা-পিতা তুমিই আমার ভাই বান্ধব, তুমিই আমার
সজন সহায় ।

তুমি আমার তাত তুমিই আমার মাতা, তুমিই আমার জাতি তুমিই
আমার স্মাতি ।

তুমিই আমার কুল কুটুংব তুমিই আমার সব পরিবার ; দাদুর তো তুমিই
তারণকর্তা ।”

স্নান কেদান্না

১৬

স্নান ঘরি আঁরে রে বেদন মারী জানী রে ।

বিরহ সন্তাপ কোণ পর কাঁজে কহুঁ ছুঁ ছুঁ নী কহাণী রে ॥

অন্তরঙ্গামী নাথ ম্হারো তুঝ বিন্ হুঁ সীদাণী রে ।

মংদির ম্হারে কেম ন আঠৈ

রজনী জাই বিহাণী রে ।

থারী বাট হুঁ জোই জোই থাকী

নৈণ নিখুট্যা পাণী রে ।

দাদু তুঝ বিণ দীন ছুখী রে

তুঁ সাথী রছৌ ছে তাণী রে ॥

“প্রিয়তম, আমার অন্তরের বেদনা বুঝিয়া এস আমার ঘরে। বিরহ সস্তাপ আমার প্রকাশ করি বা কাহার কাছে? তাই কহিতেছি আমার ছুঃখের কাহিনী।

হে অন্তরঙ্গামী আমার নাথ, তোমা বিনা যাইতেছি মুরঝিয়া। মন্দিরে আমার আসিতেছ না কেন, রজনী যে যায় পোহাইয়া।

তোমার পথ প্রতীক্ষা করিতে করিতে হইয়া গেলাম অবসন্ন, নয়নের জলও গেল শুগাইয়া। তোমা বিনা দাদু বড় দীন ও ছুঃখী, হে বন্ধু তুমি যে আমার সাথী, তুমি যে সদাই টানিতেছ আমার মন।”

১৭

সজনী রজনী ঘটতী জাঈ ॥

পল পল ছীটৈ অরুধি দিন আঠৈ

অপনৌ লাল মনাঈ ॥

প্রাণ পতি জাগৈ সুন্দরী কোঁ সোঠৈ

য়হ অউসর চলি জাই ॥

দাদু ভাগ বড়ে পিয় পাঠৈ

সকল সিরোমণি রাঈ ॥

“হে সখি, রজনী আসিতেছে অবসান হইয়া, পলে পলে কাল হইতেছে অন্ন, নির্দিষ্ট (চরম) দিন আসিল ঘনাইয়া, নিজ বস্তুকে এখন কর প্রসন্ন।

“প্রাণপতি আগেন, স্তম্ভরী কেন থাকে তবে শুইয়া ? এই স্তম্ভরী যে বায় চলিয়া ! হে দাদু, বড় ভাগা যে সকল পিরোমণি প্রভুকে পাইয়াছে তোমার প্রিয়তম ।”

১৮

মন বৈরাগী রামকৌ সংগ রহে সুখ হোই হো ॥

হরি কারনি মন জোগিয়া কোঁ। হী মিলে মুখ সোই হো ॥

নিরখন কা মোহি চার হৈ এ দুখ মেরা খোই হো ॥

দাদু তুম্হারা দাস হৈ নৈন দেখন কোঁ রোই হো ॥

“রামের জন্ত মন বৈরাগী, সঙ্গে তিনি থাকিলে তবে হয় সুখ । হরির কারণে মন হইয়াছে যোগী, কেমনে আমার সঙ্গে তাঁর হয় মিলন ?

নিরখিতে আমার বড় সাধ, এই বিচ্ছেদ-দুঃখ আমার কর দূর । দাদু তোমার দাস, দেখিবার জন্ত কারিতেছে আমার নয়ন ।”

রাগ মানস

১৯

কোঁ। বিসঠৈ মেরা পৌর প্যারা

জীর কা জীরনি প্রাণ হমারা ॥

বরসহ রাম সদা সুখ অম্রিত

নীষর নিরমল ধারা ।

প্রেম পিয়ালা ভরি ভরি দৌজ

দাদু দাস তুম্হারা ॥

“হে জীবনের জীবন, আমার প্রাণ, হে প্রিয়তম প্রেমাম্পদ, কেন আছ তুমি কুলিয়া ? হে রাম, সদা-সুখ (নিত্যানন্দ) অমৃতের নির্ঝর নির্মল ধারা কর বর্ষণ, প্রেম প্যালা হাও ভরিয়া, দাদু যে তোমারই দাস ।”

২০

অম্হা ঘরি পাহ্নাঁ য়ে

আর্যা আতম রাম ।

চহঁ দিসি মংগলচার

আনন্দ অতি ঘণাঁ য়ে ।

বরত্যা জয়জয়কার

বিরধ বধাৰ্ণাঁ য়ে ।

কনক কলস রস মাঁহি

সখী ভরি ল্যারজ্যোঁ য়ে ॥

গারহ মংগলচার

মংগল বধ'র্ণাঁ য়ে ॥

“আমার ঘরে আশ্বারাম আসিয়াছেন অভ্যাগত অতিথি । চারিদিকে মঙ্গলাচার, অতি আনন্দ আসিল ঘনাইয়া । জয়জয়কার বিরাজিত, ঋদ্ধির মহোৎসব উপস্থিত । কনক কলসে ভরিয়া সখীগণ আজ আনহ আনন্দ-রস ধারা । মঙ্গলাচার কর গান, আজ যে ঋদ্ধি ও মঙ্গলের মহোৎসব !”

২১

পংখীড়া, পংখ পিছাণীঁ রে পীরকা,

গহি বিরহে কী বাট ।

জীরত মৃতক হ্'রৈ চলৈ, লংঘৈ ঔঘট ঘাট, পংখীড়া ॥

ভালাবেলী উপজৈ, আতুর পীড় পুকার ।

সুমিরি সনেহী আপণাঁ, নিসদিন বারংবার, পংখীড়া ॥

দেখি দেখি পগ রাখিয়ে, মারগ খাংডে ধার ।

মনসা বাচা করমণাঁ, দাদু লংঘৈ পার, পংখীড়া! ॥

“ওরে পরবাসী পথিক, বিরহের বাট ধরিয়া শ্রিয়তমের পথ লও চিনিয়া । “অ্যাঙ্কেমড়া” ঔটয়া চল এই পথে, আঘাট-ঘাটা চল পার হইয়া, হে পরবাসী পথিক ।

অস্থির ব্যাকুলতা উপজুক অস্তুরে, বেদন'য় আতুর হইয়া কাতরে তাঁহাকে ডাক ; আপন প্রেমময়কে নিশিদিন বারংবার কর স্বরণ, হে পরবাসী পথিক ।

দেখিয়া দেখিয়া রাগ পা, পথ যে তীক্ল অসিধার । মনসা বাচা কৰ্ম্মণা, হে দাদু, পারে হও উত্তীর্ণ, হে পরবাসী পথিক ।”

১২

সাধ কঠেই উপদেশ, বিরহিণী ।

তন ভুলে তব পাইয়ে, নিকটি ভয়া পরদেশ, বিরহিণী ॥

তুমহী মাঠেই তে বসে, তহী রাহে করি বাস ।

তহী চুটেই পির পাইয়ে, জীৱনি জীৱকে পাস, বিরহিণী ॥

পরম দেশ তহী জাইয়ে আতম লীন উপাই ।

এক অংগ ঐসেই রহে, জেঁয়া জল জলহি সমাই, বিরহিণী ॥

সদা সংগাতী আপণা, কবহুঁ দূরি ন জাউ ।

প্রাণ সনেহী পাইয়ে, তন মন লেছ লগাই, বিরহিণী ॥

জাগে জগপতি দেখিয়ে, পরগট মিলি হৈ আই ।

দাদু সনমুখ হ'রে রহে, আনন্দ অংগি ন মাউ, বিরহিণী ॥

“সাধু কহে উপদেশ, হে বিরহিণী । নিকটই হইয়াছে তোমার পরদেশ, তনু ভুলিতে পারিলে তবেই তাহা পাইবে, হে বিরহিণী ।

তোমার মাঝেই তিনি করেন বাস, সেখানেই রহেন তিনি করিয়া বসতি ; সেখানেই খুঁজিলেই পাইবে তাঁহাকে, জীবনের পাশেই পাইবে জীবনময়কে, হে বিরহিণী ।

আত্মার মধ্যে লীন হইয়া যে পরম দেশ, সেখানে যাও ; জলের মধ্যে যেমন জন যায় মিশিয়া, তেমন অঙ্গে অঙ্গে একাজ হইয়া থাক উভয়ে মিলিয়া, হে বিরহিণী ।

সদাই আপন প্রেমময় সাধা তিনি, কখনও যান না তিনি দূরে ; প্রাণের প্রেমিক তাঁহাকে পাইয়া তনু মন লও যুক্ত করিয়া, হে বিরহিণী ।

জাগিয়া দেখ জগপতি, প্রত্যক্ষ আসিয়া তিনি মিলিয়াছেন ; হে দাদু, তিনি সম্মুখেই আছেন বিরাজমান, আনন্দ আর অন্ধে ধরে না, হে বিরহিনী ।”

২৫

আদি কাল অংতি কাল মধি কাল ভাঙ্গি ।
 জন্ম কাল জুরা কাল কাল সংগি সদাঙ্গি ॥
 জাগত কাল সোরত কাল কাল ঝংপৈ আঙ্গি ।
 কাল চলত কাল ফিরত, কবহুঁ লে জাঙ্গি ॥
 আরত কাল, জাত কাল, কাল কঠিন খাঙ্গি ।
 লেত কাল দেত কাল, কাল গ্রসৈ ধাঙ্গি ॥
 কহত কাল সুনত কাল করত কাল সগাঙ্গি ।
 কাম কাল ক্রোধ কাল কাল জাল ছাঙ্গি ॥
 কাল আগৈঁ কাল পৌঁছেঁ কাল সংগি সমাঙ্গি ।
 কাল রহিত রাম গহিত দাদু লোয়া লাঙ্গি ॥

“আদিত্তেও কাল অন্তেও কাল, মদ্যেও হে ভাই কালই বিরাজমান ।
 জন্মেও কাল, জুরাতেও কাল, সদাই কালই সঙ্গী ।

জাগিতেও কাল, শুইতেও কাল, কালই আসিয়া পড়ে ঝাঁপাইয়া । চলিতেও
 কাল, ফিরিতেও কাল, কি জানি কখন লইয়া যায় কাল ।

আসিতেও কাল যাইতেও কাল, নিশ্চয় কালই তো খায় । নিতেও কাল
 দিতেও কাল, কালই ধাইয়া করে গ্রাস ।

কহিতেও কাল, শুনিতেও কাল, কালের সাথেই প্রেমের বিবাহ-বন্ধন ।
 কামও কাল ক্রোধও কাল, কাল জালই সব ছাইয়া ।

আগেও কাল পাছেও কাল, কালই সন্ধে সন্ধে আছে সব ভরপুর করিয়া ।
 কাল-রহিত শুধু সেই জন যে রামকে করিয়াছে আশ্রয়, হে দাদু, যে তাঁহাতে
 হইয়াছে লয়-লীন ।”

ভার কলস জল প্রেমকা

সব সখিয়নকে সীস ।

গারত চলিঁ বধারণা

জয় জয় জয় জগদীশ ॥

পদম কোটি রবি ঝিলমিলে

অংগি অংগি তেজ অনন্ত ।

বিগসি বদন বিরহনি মিলি

ধরি আয়ে হরি কংত ॥

সুন্দরি সুরতি সিংগার করি

সনমুখ পরসে পীর ।

মো মন্দির মোহন আবিয়া

রাক্ত তন মন জীব ॥

বর আয়ে বিরহনি মিলি

অরস পরস সব অংগ ।

দাদু সুন্দরি সুখ ভয়া

জুগ জুগ হু হু রস রংগ ॥

“সকল সখীগণের মাথায় ভাব-কলসে প্রেমের জল, সবাই গাহিয়া চলিয়াছে উৎসব-সঙ্গীত, “জয় জয় জয় জগদীশ” ।

পদম কোটি রবি ঝিলতেছে ঝিলমিল করিয়া, অঙ্গে অঙ্গে অনন্ত তেজ । কান্ত হরি আসিয়াছেন ঘরে, প্রসন্ন বদনে বিরহিণী গিয়া মিলিল তাঁহার সাথে ।

সুন্দরী প্রেমের সজ্জায় সাজিয়া প্রিয়তমের পাইল প্রত্যক্ষ পরশ (আলিঙ্গন) । আমার মন্দিরে আসিয়াছেন মোহন, তহু মন জীবন করিলাম তাঁহাকে উৎসর্গ ।

বর আসিয়াছেন, বিরহিণী (তাঁর সঙ্গে) মিলিয়াছে, সকল অঙ্গে অঙ্গে
(চলিতেছে) “অরস-পরস” আলিঙ্গন । হে দাদু, সুন্দরীর হউল মহানন্দ,
উভয়ের মধ্যে নিতাকাল চলিয়াছে এই রস রঙ্গ ।”

রাগ নামকলী

২৫

সরনি তুম্বাহারে কেসরা

মৈঁ অনন্ত সুখ পায়া ।

ভাগ বড়ে তুঁ ভেটিয়া হৌঁ চরনৌঁ আয়া ।

মেরৌ তপতী মিটী তুম দেখতাঁ

সীতল ভয়ো ভারী ।

ভরবংধন মুক্তা ভয়া

জব মিল্যা মুরারী ॥

ভরম ভেদ সব ভুলিয়া

চেতনি চিত লায়া ।

পারস স্মুঁ পরচৈ ভয়া

উরি সহজ লখায়া ॥

চংচল চিত নিহচল ভয়া

ইব অনন্ত ন জাঈ ।

মগন ভয়া সর বেধিয়া

রস পীয়া অঘাঈ ॥

“হে কেশব, তোমারই শরণে আসিয়া আমি পাইলাম অনন্ত আনন্দ ।
বড় ভাগ্য পাইলাম তোমার দেখা, আমি আসিলাম তোমার চরণে ।
তোমাকে দেখিতেই আমার সব দুঃখ সন্ধ্যাপ গেল মিটিয়া, একেবারে

জুড়াইয়া গেল সকল জালা। হে মুরারি, যেই তুমি মিলিলে, অমনি ভববন্ধন
গেল মুক্ত হইয়া।

ভরম ভেদ সকলি গেলাম ভুলিয়া, চৈতন্যময়ের মধ্যে আনিতাম আমার
চিত্ত। পরশমণির সঙ্গে হইল পরিচয়, হৃদয়ের মধ্যে সহজের পাইলাম দেখা।

চঞ্চল চিত্ত হইল নিশ্চল, এখন অন্তর আর কোথাও সে যাইবে না। (তাঁর
প্রেম)-বাণে বিদ্ধ হইয়া চিত্ত আমার হইল সেই রসে মগ্ন। পরিপূর্ণ
প্রেমরস ভরপুর করিয়া করিলাম পান।”

২৬

জৈ জৈ জৈ জগদীশ তুঁ

তুঁ সমরথ সাঁই ।

জুরা মরণ তুমুঁ থৈ ডরৈ

সোঁই হম মাহী ॥

সব কংটৈ করতার থী

ভর বংধন পাসা ।

নিরভয় সেরক রামকা

সব বিঘন বিনাসা ॥

“জয় জয় জয় জগদীশ তুমি, তুমি সর্বশক্তিমান স্বামী। জুরা মরণ তোমার
ভয়ে ভীত, সেই তুমি বিরাজিত আমারই মধ্যে।

প্রভু, তোমার নামে (তোমা হইতে) সবাই কল্পমান, ভব-বন্ধন পাশ
(তোমার ভয়ে কল্পমান)। সকল বিঘ্ন বিনাশন রামের যে সেবক, সে সকল
ভয়ের অতীত।”

২৭

দাদু মোহিঁ ভরোসা মোটা ।

তারণ তিরণ সোঁই সংগী মেরে

কহা কঠৈ ভয় খোটা ॥

দৌ লাগী দরিয়ৱা থৈঁ ঞ্চারী
 দরিয়ৱা মংখি ন জাহীঁ ।
 জিনকা সত্রথ রাখনহারৱা
 তিন্‌কুঁ কো ডর নাহীঁ ॥

“হে দাদু, আমার তো বিরাট ভরসা । সকল তারণেরও যিনি তারণকর্তা
 তিনিই আমার সদা সঙ্গী, হতভাগা ভয় আর আমার করিবে কি ?

তাহাদেরই লাগে দাবানলের দাহ যাহারা সেই সাগর হইতে দূরে, যাহারা
 ঘাইতে চায় না সেই সাগরের মাঝে । সমর্থ (সর্বশক্তিমান) রক্ষাকর্তা
 যাহাদের রক্ষক, তাহাদের কিছুতেই নাই ভয় ।”

২৮

ভগতি মাংগৌ বাপ ভগতি মাংগৌ,
 মুনৈঁ তাহরা নাউ নৌঁ শ্রেম লাংগৌ ।
 সিবপুর ব্রহ্মপুর সর্ব শৌঁ কৌজিয়ে,
 অমর ধরা নহীঁ লোক মাংগৌ ॥
 আপি অবলংবন তাহরা অংগনৌঁ
 ভগতি সজীৱনী রংগি রাচৌ ।
 দেহ নৌঁ গ্রেহ নৌঁ বাস বৈকুণ্ঠ তনৌঁ,
 ইংজ্রআসন নহীঁ মুকতি জাচৌ ॥
 ভগতি রাহলী খরী আপি অবিচল হরী,
 নির্মলৌ নাউ রস পান ভারৈ ।
 সিধি নৈঁ রিধি নৈঁ রাজ রূড়ৌ নহীঁ,
 দেৱপদ মাহ্‌রৈ কাঞ্জি ন আৰৈ ॥

আতমা অংতিরি সদা নিরংতিরি,
 তাহরী বাপজী ভগতি দীজৈ ।
 কঠৈ দাদু হীরৈ কোড়ী দন্তু আটৈপ,
 তুম্হ বিনা তে অম্হে নহী লীজৈ ॥*

“ভক্তি যাগি বাপ, ভক্তিই যাগি । তোমার নামের প্রেমই আমাকে লাগিরাছে । শিবপুর ব্রহ্মপুর এই সব দিগা আমি করিব কি ? অমরত্ব লাভ করিবার লোকও আমি চাহিনা ।

তোমার (আপন স্বরূপের) অবলম্বন আমাকে অপিয়া জীবন্ত ও সঞ্জীবন ভক্তির রহেই আমাকে কর নৃতন করিয়া বচনা । দেহবাসও নয়, গেহবাসও নয়, বৈকুণ্ঠবাসও নয়, ইহু আপন এমন কি মুক্তিও আমি যাচি না ।

হে হরি, মাচ্চা অবিচল প্রিয়তম ভক্তিই আমাকে দাও ; নির্মল নাম রস পানই আমার লাগে ভাল । সিদ্ধিও নয় ঋদ্ধিও নয় রাজ্য ঐশ্বর্যও প্রার্থনীয় নয়, দেবপদেও আমার কোনো কাজ নাট ।

আমার অন্তরে সদা নিরন্তর তোমার প্রতি ভক্তিই দাও, হে পিতা । দাদু কহেন, এখন যদি আমাকে কোটি ঐশ্বর্যও দান কর, তবু তোমা বিনা সে সব আর চাই না লইতে ।”

১৯

নিরংজন নাউকে রসি মাতে,
 কোই পুরে শ্রাণী রাতে ॥
 সদা সনেহী রামকে, সোঈ জন সাচে ।
 তুম্হ বিন ঔর ন জানুহী, রংগি তেরে হী রাচে ॥
 আন ন ভারৈ যেক তুঁ, সতি সাধু সোঈ ।
 প্রেম পিয়াসে পীরকে, ঐসা জন কোঈ ॥

* এই ভঙ্গনটি শুভগাতী ভাষায় রচিত । ভক্ত নরসী নেহতাব “প্রভাতী” স্তব ও এই স্তব একট ।

তুমহী জীবনি উরি রচে, আনন্দ অনুরাগী ।
 প্রেম মগন পির প্রীতড়ী, লৌ তুমহ সূঁ লাগী ॥
 জে জন ভেরে রংগি রংগে, দুজা রংগ নাহী ।
 জনম সুফল করি লীজিয়ে, দাদু উন মাহী ॥

“নিরঞ্নের নামের রসে মত্ত তাহাতেই রত অনুরক্ত, কচিভই কেহ
 (মেল) এমন পূর্ণ মানব !

ভগবানের সঙ্গে নিতা প্রেমে বন্ধ, সেই জনই তো দাচ্চা । তোমা
 বিনা আর তো কিছু সে জানে না, তোমার রঞ্জেই সে অনুরক্ত ও তন্ময় ।

একমাত্র তুমি, আর কেহই যাহার মনে ধরে না, সে-ই তো সত্য সাধু ।
 প্রিয়তমের প্রেমেরই পিয়ামী এমন জন তো কচিভই কখনো মেল ।

তুমিই আছ যার জীবনে ও হৃদয়ে, তোমার আনন্দেরই যে অনুরাগী,
 প্রিয়তমের প্রীতিরসেই যে প্রেমমগ্ন, তোমার সঙ্গেই লাগিয়াছে যাহার প্রেমের
 দীপ্ত ধ্যান, এমন জন তো দুর্লভ ।

তোমারই সঙ্গে বন্ধিয়াছে যে জন, অন্য রক্ণ যার জীবনে আর নাই ; হে
 দাদু, তাহাদের মধ্যে থাকিয়া আপন জনম করিয়া লও সফল ।”

৩০

পীরী তুঁ পাণ পসাইড়ে,
 মূঁ তনি লাগী ভাহিড়ে ॥
 পাংধী বীংদো নিকরিলা,
 অসী সাণ গল্‌হাইড়ে ।
 সার্জঁ সিকঁ সড়কেলা
 শুধী গালি সুনাইড়ে ॥
 পসাঁ পাক দীদার কেলা
 সিক অসাঁ জী লাইড়ে ।
 দাদু মংখি কলুন মৈলা,
 তোড়ে বীয়ঁ ন কাইড়ে ॥

“হে প্রভু, আপনার রূপ তুমি দেখাও, আমার তনুতে লাগিযাচ্ছে অগ্নির দাহ।

তোমার দাস বাহির হইয়াছে পথে, আমার মনে কণ্ড কথা। হে স্বামী, বড় ব্যাকুল বাসনা তোমার বাণী শুনিতে, তোমার অন্তরের গোপন কথা দাও আমায় শুনাইয়া।

তোমার পবিত্র রূপ চাই দর্শন করিতে, মনেব বাসনা আমার কর পূর্ণ। অন্তরের মধ্যে আসিয়া হও মিলিত, তোমা ছাড়া আর কাহাকেও চায় না আমার চিত্ত।” *

নাগ আসানবনী

৩১

হাঁ মাদু,

মহারো লাগি রাম বৈরাগী

তজা নঠী জাদু।

প্রেম বিধা করত উর অন্তর

বিসুরি সুখ নহী পাদু ॥

জোগিনী হুঁরৈ ফিরুংগী বিদেসা

জীরকী তপনী মিটাদু।

দাদু কো স্বামী হৈ রে উদাসী

দর সুখ রতা কিমি জাদু ॥

“ওগো হায়, আমারই লাগিয়া রাম বৈরাগী, তাঁহাকে তো যায না ছাড়া। অন্তরের মধ্যে চলিয়াছে প্রেমের বেদনা, তাঁহাকে পারিয়া সুখ তো নাহি পাই।

যোগিনী হইয়া, দেশে দেশে ফিরিব জীবনের জালা দূর করিতে। ওরে দাদুর স্বামী যে উদাসী, ঘরের স্নেহে তবে আর কেমন করিয়া যায থাকা?”

* এই গানটির ভাষা সিদ্ধী।

৩২

মেরা গুরু আপ অকেলা খেলৈ ।
 আঁপৈ দেঁরৈ আঁপৈ লেঁরৈ আঁপৈ দোই কর মেঁলৈ ॥
 চন্দ সুর দোই দীপক কীন্হা, রাতি দীরস করি লীনহা ।
 রাজিক রিজক সবনি কুঁ দীনহাঁ, দীনহাঁ লীনহাঁ কীনহাঁ ॥
 পরমগুরু সো প্রাণ হমারা, সব সুখ দেঁরৈ সারা ।
 দাদু খেলৈ অনত অপারা, অপারা সারা হমারা ॥*

“আমার গুরু আপনি একলা করেন খেলা । আপনি তিনি দেন আপনি তিনি নেন, আপনি তিনি মিলান দুই হাত ।

চন্দ্র সূর্য্য রচনা করিলেন তিনি দুই দীপক, রাতি দিবস তাই করিয়া লইলেন রচনা । প্রতিপালক তিনি সকলেরই করিয়াছেন বৃত্তি-বিধান ; দেন নেন ও করেন তিনি রচনা ।

পরমগুরু আমার প্রাণ, তিনি দেন পরিপূর্ণ অখিল আনন্দ । দাদু বলেন, তিনি খেলেন অনন্ত অপার খেলা ; অপার আমার সর্ব্বশ্ব ও সর্ব্ব পরিপূর্ণতা ।”

ভাগ গুরুত্বী (দেনগুরুত্ব)

৩৩

সরনি তুম্হারী আই পরে । **
 জহাঁ ওহাঁ হম সব ফিরি আয়ে,
 রাখি রাখি হম ছুখিত খরে ॥
 কসি কসি কায়া তপত্রত করি করি
 ভর্মত ভর্মত হম ভুলি পরে ।

* উপক্রমণিকা, ১২১ পৃষ্ঠায় ইহার অস্তিম দুই পংক্তি উদ্ধৃত হইয়াছে ।

** ইহার প্রথম দুই পংক্তি উপক্রমণিকা ২১১ পৃষ্ঠায় উদ্ধৃত হইয়াছে ।

কহুঁ সীতল কহুঁ তপতি দহে তন
 কহুঁ হম করবত সীস ধরে ॥
 কহুঁ বন তীরথ ফিরি ফিরি থাকে
 কহুঁ গিরি পর্বত জাই চড়ে ।
 কহুঁ সিখির চটি পরে ধরণি পর,
 কহুঁ হতি আপা প্রাণ হরে ॥
 অংধ ভয়ে হম নিকটি ন সূঁঝে
 তাথৈঁ তুম্হ তজি জাই জরে ।
 হা হা হরি অব দীন লীন করি,
 দাদু বহু অপরাধ ভরে ॥

“তোমার শরণে এখন পড়িলাম আসিয়া। যেখানে সেখানে গিয়া গিয়া আমি ব্যর্থ কেবল আসিলাম ফিরিয়া ফিরিয়া, সত্যকার দুঃখ মনের মধ্যেই দিলাম রাখিয়া (কেহ অর্থ করেন, “আমি অতি দুঃখী, আমাকে রক্ষা কর রক্ষা কর)।”

কায়া-কর্ষণ করিয়া করিয়া তপত্রত করিছা করিয়া, ভ্রমিতে ভ্রমিতে আমি ভুলের মধ্যেই গেলাম পড়িয়া। কোথাও শীতে তনু করিলাম জর্জর, কোথাও তাপে তনু করিলাম দগ্ধ, কোথাও বা আমি মাথায় করপত্র করিলাম ধারণ ॥

কোথাও বা আমি তীর্থে বনে ফিরিয়া ফিরিয়া হইলাম হয়রান। কোথাও বা গিরি পর্বতে গিয়া করিলাম আরোহণ। কোথাও বা পর্বত-শিখরে উঠিয়া ধরণীর উপর পড়িলাম ঝাঁপাইয়া। ॥ ১ ১ কোথাও বা আত্মঘাত করিয়া মারিলাম প্রাণকে ।

অন্ধ হইলাম আমি, নিকটেই বস্তু, একবার দেখিলাম না চাহিয়া। তাই তোমাকে ত্যজিয়া মরিলাম দগ্ধ হইয়া। বহু বহু অপরাধে ভরিয়া উঠিয়াছে দাদু, হা হা হরি, এখন আমাকে করিয়া লও তোমাতে দীন লীন (অকিঞ্চন তন্নয়)।”

† তখনকার দিনে, মুক্তির আশায় ধর্মের তীব্র ব্যাকুলতায়, কান্দী প্রভৃতি তীর্থে যাইয়া কেহ কেহ করাত দিয়া আপনাকে বিধিগুণ্ড করাইয়া ফেলিতেন ।

১ ১ মুক্তির আশাতে কেহ কেহ এইভাবে “ভৃগুপাতে” প্রাণ দিতেন ।

রাগ ভাঁগমলী

৩৪

তে কেম পামিয়ে রে দুর্লভ জে আধার ।
 তে বিনা তারণ কেং নহী, কেম উতরিয়ে পার ॥
 কেবী পেরেঁ কীজৈ আপণো রে, তহু তে ছে সার ।
 মন মনোরথ পূবে মারা, তন নো তাপ নিবার ॥
 সংভারো। আরে রে রাতলা, বেলায়ে অরার ।
 বিবচনী বিলাপ করে, জেম দাদু মন বিচার ॥

“কেমন করিয়া পাইব রে তাঁহাকে, দুর্লভ যিনি আধার ? তিনি বিনা
 তারণ আর তো নাহি কেহ, কেমন করিয়া পারে হইব উত্তীর্ণ ?

যেমন করিয়া হউক, যে কোনে মতে আমাকে করিয়া লও আপন, সেই
 তো সার তহু ; তবেই আমার মন মনোরথ হয় পূর্ণ, আমার তহুর তাপ কর
 নিবারণ ।

স্ববণ করা মাত্রেই সময়ে হোক অসময়ে হোক অবিলম্বে যথাকালে আসিয়া
 উপস্থিত হন প্রিয়তম । বিরহিনী করিতেছে বিলাপ, হে দাদু, সেই ভাবে
 আপন মন লও বুঝিয়া ।”

৩৫

এ চরি মলুঁ ম্হারো নাথ
 জোরো নে মারো তন তপৈ,
 কেবী পেরেঁ পামুঁ সাথ ॥
 তে কারনি হুঁ আকুল বাকুল
 উভী করুঁ বিলাপ ।
 স্বামী মারো নৈণেঁ নিরখুঁ
 তে তণো মনে তাপ ॥

এক বার ঘর আঁঠে রাহলা

নর মেলুঁ কর হাথ ।

যে বিনংতী সাঁভল স্বামী

দাদু তারো দাস ॥

“হে হরি আমার নাথ, তোমার সাথে চাই মিলিত হইতে ; তোমাকে দেখিতে দহিতেছে আমার তনু, কোন পথে পাই তোমার সঙ্গ ?

সেই জগুই তো আমি আকুল ব্যাকুল, দাঁড়াইয়া দাঁড়াইয়া করিতেছি বিলাপ । স্বামী আমার, নিরখিব তোমায় নয়নে, সেই তাপই আমাকে করিতেছে সন্তপ ।

একবার যদি আমার ঘরে আসেন বল্লভ, তবে (তাঁর) হাত হইতে (আমার) হাত আঁর করিব না বিচ্ছিন্ন । হে স্বামী, এই প্রার্থনা আমার শোন, দাদু যে তোমারই দাস ।”

রাগ নটিনারায়ণ

৩৬

নীকে মোহন সৌ প্রীতি লাগে ॥

তন মন প্রাণ দেত বজাঙ্গ ।

রংগ রস কে বনাঙ্গ ॥

য়ে হাঁ জীয়ে রে রে হাঁ পীর রে,

ছোড়োঁ ন জাঙ্গ মাঙ্গ ।

নির্মল নেত্র পিয়সৌ লাগৌ

বিন দেখত মুরঝাঙ্গ ॥

“মনোহর স্বন্দর মোহনের সঙ্গে লাগিল প্রীতি । তাঁর সঙ্গে প্রীতি যদি হা, তবে রঙ্গ রসে মধুর করিয়া (সাজাইয়া) তনু মন প্রাণ আমার দেন তাঁর বাজাইয়া ।

এই জীবনের তিনিই তো প্রিয়তম, তিনিই তো জীবন-স্বরূপ, তাই তো তাঁহাকে ষায় না ছাড়া। নিখিল প্রেমভরে প্রিয়তমের সঙ্গে হইব যুক্ত, তাঁহাকে না দেখিলে যে এই জীবন যায় মুরঝিয়া।”

৩৭

নমো নমো হরি নমো নমো ॥

তাহি গোসাই নমো নমো ।

অকল নিরঞ্জন নমো নমো ॥

সকল বিয়াপী জিহি জগ কীন্হা

নারাইণ নিজ নমো নমো ॥

জিন সিরজে উর সীস চরণ কর

অরিগত জীর দিয়ৌ ।

স্রবন সরাঁরি নৈন রসনা মুখ

এসৌ চিত্র কিয়ৌ ॥

ধরতী অংবর চংদ পুর জিন

পানী পরন কিয়ৈ ।

ভানণ ঘড়ণ পলক মৈ কেতে

সকল সরাঁরি লিয়ে ॥

আপ অখংডিত খংডিত নাহৌ

সব সমি পুরি রহে ।

দাদু দীন তাহি নই বংদতি

অগম অগাধ কহে ॥

নমো নমো হরি নমো নমো ।

নারাইণ নিজ নমো নমো ॥

“নমো নমো হরি নমো নমো, তোমাকে হে গোসাই নমো নমো । অথও নিরঞ্জন নমো নমো, সকল ব্যাপী যিনি রচিলেন এই জগৎ সেই নারায়ণ নিজ

নমো নমো । (মানব) রচনায় যিনি বন্ধ, মস্তক, চরণ, কর ও অনির্বচনীয় জীবন দিলেন, যিনি শ্রবণে নয়নে রসনার মুখে সাক্ষাইয়া তাঁর রচনাটি করিলেন এমন সুন্দর (সেই নারায়ণকে বার বার নমস্কার) ।

ধরিত্রী অম্বর সূর্য্য চন্দ্র পৃথিবী জল পবন যিনি করিলেন সৃষ্টি, পলকের মধ্যে কত ভাঙ্গন গড়ন সমাধা করিয়া সকল সৃষ্টি-সৌন্দর্য্য যিনি নিলেন সাক্ষাইয়া !

নিজে তিনি অর্থাৎ, তাঁর নাই অর্থাৎ, সর্ব্ব সময় তিনি রহিলেন পূর্ণ হইয়া । অগম অগাধ কহিয়া দীন দাদু তাঁহাকেই কবে প্রণতি বন্দনা ।

নমো নমো হরি নমো নমো, নারায়ণ নিজ নমো নমো ॥”

৩৮

হম থৈঁ দূরী রহী গতি তেরী ।

তুম হৌ তৈসে তুমহৌঁ জানৌঁ কথা বপরী মতি মেরী ॥

মন থৈঁ অগম দৃষ্টি অগোচর, মনসা কৌ গমি নাহৌঁ ।

সুকৃত * সমাধি বৃধি বল থাকে, বচন ন পছঁটে তাহৌঁ ॥

জোগ ন ধ্যান গ্যান গমি নাহৌঁ সমঝি সমঝি সব হারে ।

উনমনী রহত প্রাণ ঘট সাধে, পার ন গহত তুম্হায়ে ॥

খোজি পরে গতি জাঠি ন জানৌঁ, অগহ গহন কৈসৈঁ আরৈ ।

দাদু অরিগতি দেই দয়া করি, ভাগ বড়ে সো পারৈ ॥

“তোম র রহস্ত আমার অগম্যই গেল রহিয়া । তুমিই জান কেমন তোমার তত্ত্ব, কোথায় লাগে বা আমার দীন সেচারা মতি !

মনের অগম্য, দৃষ্টির অগোচর, মানসেবও গম্য নহে সেই স্থান, শ্রুতি সমাধি বুদ্ধি বল সব যায় উড়িয়া উড়িয়া, বচনও সেখানে গিয়া না পারে পৌঁছিতে ।

যোগের নয় ধ্যানের নয় জ্ঞানেরও নহে গম্য, ভাবিয়া ভাবিয়া সব যায় হারিয়া । “উনমনী” (ধ্যানে লয়-লীন) থাকিয়া শ্বাস ও ঘট-সাদন সাহারা করে, তাহারও পার না তোমার পার ।

খুঁজিতে খুঁজিতেও তোমার রহস্ত যায় না জানা, দারণার যাত্রা অতীত কেমন করিয়া তাহা সাইবে ধরা ? দাদু কছেন, সর্বাভীত তিনি যাহাকে (আপন তত্ত্ব) দেন দয়া করিয়া, সেই মহাভাগ্যই তাহা পার ।”

* “স্বরাত” পাঠও আছে ।

রাগ গুণ্ড

দরসন দে দরসন দে

হৌ তো তেরৌ মুক্তি ন মাংগৌ রে :

সিধি ন মাংগৌ রিধি ন মাংগৌ

তুম্হহী মাংগৌ গোবিংদা ।

জোগ ন মাংগৌ ভোগ ন মাংগৌ

তুম্হহী মাংগৌ রামজী ।

ঘর নহি মাংগৌ বন নহি মাংগৌ

তুম্হহী মাংগৌ দেবজী ॥

দাদু তুম্হ বিন ঔর ন জানৈ

দরসন মাংগৌ দেহু জী ।

“দরশন দাও, দরশন দাও, আমি তো তোমারই *; তোমার কাছে আমি মুক্তিও চাই না ।

সিদ্ধিও চাই না ঋদ্ধিও চাই না । তোমাকেই চাই, হে গোবিন্দ ।

যোগও চাই না ভোগও চাই না, তোমাকেই চাই হে আমার রাম ।

ঘরও চাই না বনও চাই না, তোমাকেই চাই হে আমার দেব ।

দাদু তোমা বিনা আর আর কিছুই জানে না, দরশনই আমি চাই, দেও প্রভু আম'কে দরশন ।”

* তোমার দাস যদি তোমার কাছে আসিয়া মুক্তি চাহে তবে তাহাতে তোমারই অপমান । যে তোমার প্রেম পাইয়াছে সে চাহিবে তোমার নিত্য সেবার অধিকার । এই পদটির খানিকটা উপক্রমণিকার ১১৬ পৃষ্ঠায়ও আছে ।

১০

মেরা মনকে মনসৌ মন লাগা ।
 সবদ কে সবদ সৌ নাদ বাগা ॥
 শ্রবণ কে শ্রবণ সুনি সুখ পায়া ।
 নৈন কে নৈন সৌ নিরখি রায়া ॥
 প্রাণ কে প্রাণ সৌ খেলি প্রাণী ।
 মুখ কে মুখ সৌ বোলি বাণী ॥
 জীৱকে জীৱ সৌ রংগি রাতা ।
 চিত্তকে চিত্ত সৌ প্রেম মাতা ॥
 সীসকে সীস সৌ সীস মেরা ।
 দেখিরে দাদু রা ভাগ তেরা ॥*

“মনের যিনি মন তাঁর সঙ্গে লাগিয়াছে আমার মন । “শবদের” যিনি “শবদ” তাঁতার সঙ্গে ধ্বনিয়াছে আমার নাদ ।

শ্রবণের শ্রবণে শুনিয়া পাউয়াছি আনন্দ ; নয়নেব নয়নে নিরখিয়া হইয়াছি প্রেমাসক্ত ।

প্রাণের প্রাণের সঙ্গে খেলিয়াছে আমার প্রাণী, মুখের মুখের সঙ্গে বলিয়াছি বাণী ।

জীবনের জীবনের সঙ্গে রঙ্গে হইয়াছি অন্তবক্ত, চিত্তের চিত্তের সঙ্গে প্রেমে হইয়াছি যত ।

শীর্ষের শীর্ষের সঙ্গে মিলিল আমার শীর্ষ, দেখরে দাদু চাহিয়া, সেই তে’ হোব সৌ ভাগা ।”

* ইহার সহিত কেনোপনিষদের “শ্রোত্রস্ত শ্রোত্রম্” ইত্যাদি বাণী তুলনী

রাগ বিলাস

৪১

সেই রাম সঁভালি জিয়রা প্রাণ পাংড জিন দীন্হা রে ।
 অংবর আব উপজাবনচারা মাহিঁ চিত্র জিন কীন্হা রে ॥
 চংদ সুর জিন্হা কিয়ে চিরাগা চরণী বিনা চলারৈ রে ।
 ইক শীতল এক তাতা ডে'লৈ অনন্ত কাল# দিখলারৈ রে ॥
 ধরতী ধরণি বরণি বহু বাণী রচিলে সপ্ত সমুদ্র রে ।
 জল খল জীর সগালনহারা পুরি রহা সব সংগা রে ॥
 গগন পবন পানী জিন কীন্হা বরিখারৈ বহু ধারা রে ।
 নিচল রাম জপী মেবে জিয়রা সবকা জীরনহারা রে ॥

“হে জীবন, সেই রামকে কর অশ্রয় যিনি দিয়াছেন প্রাণ ও তনু : যিনি
 অশ্রয় ও অশ্রুশোভা করিলেন উৎপন্ন, তার মধ্যে নানা চিত্র (মেঘের বর্ণ ও
 নক্ষত্রে পচিত মহাচিত্র) যিনি করিলেন রচনা ।

চন্দ্র সূর্য্য দুই প্রদীপ যিনি সৃষ্টি করিয়া বিনা চরণে তাহাদিগকে দিলেন
 চালাইয়া, একটি শীতল একটি তপ্ত পরিভ্রমণ করিয়া দেখাইতেছে অনন্ত
 কালকে । • •

যিনি রচনা করিলেন বহু বর্ণের বহু বাণীর ধাবিণী ধরিত্রীকে, যিনি
 রচিলেন সপ্ত সমুদ্র : জল স্থল জীবের যিনি রক্ষাকর্তা, যিনি সবার সঙ্গে
 থাকিয়া সকল মিলনকে করিয়া আছেন পরিপূর্ণ ।

গগন পবন জল যিনি করিয়াছেন সৃষ্টি, যিনি বহু ধারার করান বর্ষণ :
 সকলের যিনি জীবনদাতা, সেই রামকে নিচল কর জপ, হে আমার জীবন ।”

• “কলা” পাঠও আছে ।

• • “কলা” পাঠে অর্থ হইবে অনন্ত কলা ।

আজি পরভাতি মিলে হরি লাল ॥

দিল কী বিধা পীড়া সব ভাগী

মিটোয়া জীর কৌ সাল ।

দেখত নৈন সংতোষ ভয়ো তৈ

তুম হৌ দীন দয়াল ॥

“আজ প্রভাতে মিলিয়াছেন বল্লভ হরি । হৃদয়ের বাধা পীড়া সবই
হইয়াছে দূর, জীবনের বিদ্ধ শেল গভীর বাধা হইল অপগত । তোমার
দরশন মাত্রেই জুড়াইয়াছে আমার নয়ন, তুমি যে দীন দয়াল ।”

রাগ বসন্ত

তই খেলৌ নিতহী পীর সূ ফাগ

দেখি সখিরৌ মেরে ভাগ ॥

তই দিন দিন অতি আনন্দ হোই ।

প্রেম পিলারৈ আপ সোই ॥

সংগিয়ন সেতী রমৌ রাস ।

তই পূজা অরচা চরণ পাস ॥

তই বচন অমোলিক সবহৌ সার ।

তই বরতৈ লীলা অতি অপার ॥

দাদু বলি বলি বারংবার ।

তই আপ নিরংজন নিরাধার ॥

“সেখানে নিত্যই প্রিয়তমের সঙ্গে খেলি ফাগ, দেখ গুণো সখি আমার
কি সৌভাগ্য !

সেখানে দিনে দিনে চলিয়াছে নব নব আনন্দ, আপনি তিনি পান করান প্রেমামৃত রস ।

সঙ্গীদের সহ খেলিতেছি রাস । সেখানে তাঁর চরণের পাশেই চলিয়াছে পূজা অর্চনা ।

সেখানে (ধ্বনিত) সকলের সার অমূল্য বাণী । সেখানে চলিয়াছে অতি অপার লীলা ।

যেখানে আপনি নিরঞ্জন নিরাধার বিরাজিত, দাদু বারম্বার যায় সেখানে বগিহারি (আপনাকে করিয়া দেয় উৎসর্গ) ।”

রাগ ভৌড়ী

৪৪

সুন্দর রাম রায়া ।

পরম ধ্যান পরম জ্ঞান পরম প্রাণ আয়া ॥

অকল সকল অতি অনুপ ছায়া নহিঁ মায়া ।

নিরাকার নিরাধার বার পার ন পায়া ॥

অতি গভীর অমৃত নীর নিরমল নিত ধারা ।

অমৃত সুরস পরম পুরস আনন্দ নিজ সারা ॥

পরম নূর পরম তেজ পরম জ্যোতি পরকাস ।

পরম পুংজ পরাপর দাদু নিজ দাস ॥

“সুন্দর জগদীশ্বর প্রেমময় ভগবান ; পরম ধ্যান পরম জ্ঞান পরম প্রাণ তিনি আসিলেন (এই জীবনে) ।

অখণ্ড সর্বময় অতি অনুপম, না আছে তাঁর ছায়া না আছে তাঁর মায়া ।
নিরাকার, নিরাধার, না পাউলাম তাঁর কুল কিনারা ।

অতি গভীর অমৃত নীর, নিরমল তিনি নিতাধারা ; অমৃত সুরস পরম পুরুষ তিনি আনন্দ নিজ সার ।

“ତিনি ପରମ ଆଲୋକ, ପରମ ତେଜ, ପରମ ଛୋଟାତି ପରକାଶ ; ତିନି ପରମ
ପୁଞ୍ଜ, ପରାଂପର, ଦାଦୁ ତାର ଆପନ ଦାମ ।”

୫୧

ଅଧିଳ ଭାର ଅଧିଳ ଭଗତି ଅଧିଳ ନାମ ଦେବା ।
ଅଧିଳ ପ୍ରେମ ଅଧିଳ ପ୍ରିତି ଅଧିଳ ସୁରତି ସେବା ॥
ଅଧିଳ ଅଂଗ ଅଧିଳ ସଂଗ ଅଧିଳ ରଂଗ ରାମା ।
ଅଧିଳ ରତି ଅଧିଳ ମତି ଅଧିଳ ନିଜ୍ଜ ନାମା ॥
ଅଧିଳ ଧ୍ୟାନ ଅଧିଳ ଗ୍ୟାନ ଅଧିଳ ଆନନ୍ଦ କୀର୍ତ୍ତେ ।
ଅଧିଳ ଲୟ ଅଧିଳମୟ ଅଧିଳ ରସ ପୀର୍ତ୍ତେ ॥
ଅଧିଳ ମଗନ ଅଧିଳ ମୁଦିତ ଅଧିଳ ଗଳିତ ମାନ୍ତ୍ରି ।
ଅଧିଳ ଦରସ ଅଧିଳ ପରସ ଦାଦୁ ତୁମ ମାହିଁ ॥

“ତୁମି ଅଧିଳ ଭାବ, ଅଧିଳ ଭକ୍ତି, ଅଧିଳ ନାମ, ହେ ଦେବତା ; ତୁମି ଅଧିଳ
ପ୍ରେମ ଅଧିଳ ପ୍ରିତି ଅଧିଳ ସୁରତି (ପ୍ରେମ ଧ୍ୟାନ) ସେବା ।

ଅଧିଳ ଅଞ୍ଜ ଅଧିଳ ମଞ୍ଜ ଅଧିଳ ରଞ୍ଜ ତୁମି ରାମ । ଅଧିଳ ରତି ଅଧିଳ ମତି
ତୁମି ଅଧିଳ ନିଜ୍ଜ ନାମ ।

(ହେ ଦାଦୁ,) ଅଧିଳ ଧ୍ୟାନ ଅଧିଳ ଜ୍ଞାନ ଅଧିଳ ଆନନ୍ଦ କର ମଞ୍ଜୋଗ, ଅଧିଳ
ଲୟ ଅଧିଳମୟ ଅଧିଳ ରସ କର ପାନ ।

ଅଧିଳ ମଗନ ଅଧିଳ ମୁଦିତ ଅଧିଳ-ରସ-ଗଳିତ ତୁମି ସ୍ଵାମୀ ; ଅଧିଳ ଦରଶ
ଅଧିଳ ପରଶ, ତୋମାର ମଧ୍ୟେଇ ଦାଦୁ କରେ ବିହାର ।”

ରାଗ ସୁନୀ

୫୨

ଯୋହନ ଯୁହାରା କବ ମିଳେ ସକଳ ସିରୋମଣି ରାଈ
ତନ ମନ ବ୍ୟାକୁଳ ହୋତ ହେ ଦରସ ଦିଧାରୋ ଆଈ ॥

নৈন রহে পংথ জোর্তা রোরত রৈণি বিহাই ।
 বালুহা সনেহী কব মিলৈ মো পৈ রছা ন জাই ॥
 চরণ কমল কব দেখিহৌ সনমুখ সিরজনহার ।
 সাঙ্গি সংগ সদা রহৌ হাঁ হো তব ভাগ হমার ॥
 জীৱনি মেরী জব মিলৈ হাঁ হো তব হী সুখ হোই ।
 তন মন মৈ তুঁ হী বসৈ হাঁ হো কব দেখৌ সোই ।
 তন মন কী তুঁ হী লখে হাঁ হো সুণি চতুর সূজান ।
 তুম্হ দেখে বিন কুঁ রহৌ হাঁ হো মোহি লাগে বান ।

“হে মোহন আমার, সকল-শিরোমণি স্বামী, কবে আসিয়া মিলিবে আমার সনে? তুমু মন আমার হইতেছে ব্যাকুল, আসিয়া দাও আমায় দরশন ।

নয়ন রহে পথ নিরপিয়া, কাঁদিয়া পোহায় আমার রজনী, হে প্রেমময় বল্লভ, কবে আসিয়া মিলিবে আমার সাথে? আমি তো আর পারি না থাকিতে ।

কবে দেখিব তোমার চরণ কমল, কবে হে প্রভু পরমেশ্বর, প্রত্যক্ষ দেখিব তোমার রূপ? ওগো, সদা যদি তোমার সাথেই থাকিতে পারি, তবেই আমার সৌভাগ্য ।

হে জীবন আমার, এখন তুমি মিলিবে আমার সনে, ওগো, তখনই আমার হইবে আনন্দ । তুমুতে মনেতে শুধু তুমিই করিবে বাস, ওগো, কবে সেই শোভা দেখিব নয়নে?

তুমু মনের ভিতরের যে বেদনা তাহা তুমিই জান । ওগো চতুর রসিক সূজান, তুমিই শোন (আমার বেদনা), তোমাকে না দেখিয়া রহি কেমন করিয়া? ওগো, তোমার রূপ ও সৌন্দর্যের বাণ যে বিধিয়াছে আমাকে ।”

যে প্রেম ভগতি বিন রছৌ ন জাঈ ।
 পরগট দরশন দেছ অঘাঈ ॥

তালা বেলী তলফৈ মাহী ।
 তুম্হ বিন রাম জিয়রে জক নাহী ॥
 নিস বাসুরি মন রহৈ উদাসা ।
 মৈ জন ব্যাকুল সাস উসাসা ॥
 একমেক রস হোই ন আঁরৈ ।
 তাঁথৈঁ প্রাণ বহুত ছুখ পাঁরৈ ॥
 অংগ সংগ মিলি য়ছ সুখ দৌঁজৈ ।
 দাদু রাম রসাইন পৌঁজৈ ॥ *

“এই প্রেম ভগতি বিনা যায় না যে থাকা, সকল-ভরপুর-করা প্রকট দরশন
আমায় দাও ।

অনুরের মধ্যে চলিয়াছে ছটফট ব্যাকুলতা, তোমা বিনা, হে ভগবান,
জীবনে নাট সোয়াস্তি ।

নিশি বাসর মন রহে উদাসী, প্রতি খাসে খাসে আমি আছি ব্যাকুল
হইয়া ।

তোমাতে আমাতে প্রেমে মাথামাথি হইয়া এক বস তো গেল না হওয়া,
তাতেই প্রাণ পায় বহু দুঃখ ।

অঙ্গে অঙ্গে সন্ধে সন্ধে যাই মিলিছা, দাও এমন আনন্দ । হে দাদু, রাম
রসায়ন কর পান ।”

৪৮

তিস ঘরি জানা রে, জহঁ। রৈ অকল সরূপ ।
 সো ইব ধ্যাটয়ে রে, সব দেরনি কা ভূপ ॥
 অকল স্বরূপ জীরকা বান বরন ন পাটয়ে ।
 অখণ্ড মণ্ডল মাহিঁ রহৈ সোঈ প্ৰীতম গাইয়ে ॥

“সেই ঘরেই হইবে যাঁতে যেখানে সেই অখণ্ড স্বরূপ । তাঁহাকেই এখন
কর ধ্যান, যিনি সকল দেবতার অধিদেবতা ।”

* ইহার প্রথম দুই পংক্তি উপক্রমাণকা ১১৭ পৃষ্ঠায় উদ্ধৃত হইয়াছে ।

অখণ্ড স্বরূপ প্রিয়তমের, না পাই (জ্ঞানে) তাঁহার রূপ-শোভা না পাই তাঁহার বর্ণ। অখণ্ড মণ্ডলের মাঝে বিরাজিত যে প্রিয়তম তাঁহাকেই হইবে গাহিতে।”

৪৯

ইহি বিধি আরতী রাম কৌজৈ ।
 আতম অংতিরি বারণা লীজৈ ॥
 আনন্দ মংগল ভার কী সেরা ।
 মনসা মংদির আতম দেৱা ॥
 ঘণ্টা সবদ অনাহত বাজৈ ।
 আনন্দ আরতি গগনা গাজৈ ॥
 ভগতি নিরন্তর মৈ বলিহারী !
 দাদু কিম জানৈ সের তুম্হারী ॥

“(বিধে যেমন তাঁর চলিয়াছে নিত্য আরতি) সেই প্রকার বিধানেই ভগবানের কর আরতি । আত্মাব অস্তরেই করিয়া লও উৎসর্গ ।

আনন্দই সেই আরতির মঙ্গল গীত, ভাবই তাঁহার সেবা, মানসই তাঁহার মন্দির, পরমাত্মাই সেখানে দেবতা ।

অনাহত শব্দই সেখানে বাজিতেছে ঘণ্টা, আনন্দ আরতি গগনে হইতেছে উদ্ভিত ।

(বিশ্বধামের) নিরন্তর এমন ভক্তিকে যাই আমি বলিহারি, দাদু আর কেমন করিয়া জানিবে তোমার সেই সেবা ?”

সর্ব-বিশ্ব-আরতি

৫০

নিরাকার তেরী আরতি, অনন্ত ভূরন কে রাই ॥

সুর নর সব সেরা করৈ ব্রহ্মা বিষ্ণু মহেশ ।

দেব তুমহারা ভের ন জানৈঁ পার ন পারৈ সের ॥
 চন্দ সুর আরতি করৈঁ নমো নিরঞ্জন দেব ।
 ধরনী পবন আকাশ অরাধৈঁ সৰৈ তুমহারী সের ॥
 সকল ভুবন সেরা করৈঁ মুনিয়র সিদ্ধ সমাধ ।
 দীন লীন হোই রহে সন্ত জন অরিগত কে আরাধ ॥
 জয় জয় জীরনি রাম হমারী ভগতি করৈঁ ল্যো লাই ।
 নিরাকার কী আরতি কীজৈ দাদু বলি বলি জাই ॥

“হে অনন্ত ভুবনের রাজা, হে নিরাকার, আরতিও তোমার নিরাকার ।
 ব্রহ্মা-বিষ্ণু-মহেশ সুর-নর সবাই করে তোমার সেবা, হে দেব, কেহই তো
 জানে না তোমার মর্ম, অনন্তও পায় না তোমার পার ।

চন্দ্র সূর্য্য করে তোমারই আরতি, নমো হে নিরঞ্জন দেবতা, ধরণী পবন
 আকাশ সবাই সেবায় সেবায় করে তোমার আরাধনা ।

সিদ্ধ সমাহিত মুনিবর ও সকল ভুবনই করে তোমার সেবা,
 অনির্বচনীয় তোমার আরাধনায় সাধকজন সবাই হইয়া থাকেন দীন লীন ।

জয় জয় আমার জীবন-রাম, প্রেম ও ধ্যান যোগে সবাই করিতেছে
 তোমায় ভক্তি । নিরাকার কর নিরাকারের আরতি, বার বার বলিহারী
 ষায় তোমার দাদু (দাদু আপনাকে করে সেই আরতিতে উৎসর্গ) ।”

সর্ব-কাল-আরতি

৫১

তেরী আরতি এ জুগি জুগি জয় জয় কার ॥
 জুগি জুগি আতম রাম জুগি জুগি সেরা কীজিয়ে ।
 জুগি জুগি লংঘে পার জুগি জুগি ভগপতি কৌ মিলে ॥
 জুগি জুগি তারণহার জুগি জুগি দরসন দেখিয়ে ।
 জুগি জুগি মংগলচার জুগি জুগি দাদু গাইয়ে ॥

“তোমার এই, আরতি যুগে যুগেই জয় জয় কার ।

যুগে যুগেই আশ্রাম, যুগে যুগেই কর সেবা, যুগে যুগে পারে উত্তীর্ণ হইয়া
যুগে যুগে জগৎপতির সঙ্গে হও মিলিত ।

যুগে যুগে তিনিই জ্ঞান কর্তা, যুগে যুগে তাঁহাকে কর দরশন, যুগে যুগে
মঙ্গল-আচার, যুগে যুগে দাদু করে গান ।”

[অর্থাৎ মুক্ত হইয়া লুপ্ত হইয়া যাইতে চাই না, যুগে যুগে নূতন নূতন
করিয়া তোমার সহিত মিলনই দাদুর প্রার্থিত ।]

প্রশ্নোত্তরী

মধ্যযুগে ভারতের সর্বত্র কতকগুলি তত্ত্ব প্রশ্নোত্তরের আকারে মুখে মুখে ঘুরিত। বাংলাতেও শূন্যপুরাণের সময়ে তার আগে ও পরে এইরূপ অনেক প্রশ্নোত্তর দেখিতে পাই। যোগমার্গে ও গোরক্ষনাথ গোপীচন্দ্র ভট্টহরি প্রভৃতির উপদিষ্ট পন্থে এই প্রশ্নোত্তরী সব চেয়ে বেশী। দাদুর কয়েকটি প্রশ্নোত্তরী এইখানে দেওয়া যাউতেছে। পরচা অঙ্গে কয়েকটি প্রশ্ন দ্রষ্টব্য। উপক্রমণিকায় “শূন্য ও সহজ” প্রকরণেও কিছু দেওয়া হইয়াছে (১৯০ পৃষ্ঠা)।

১

(অংগবধু সংগ্রহে গৌরী রাগের ৫৩ শব্দে এই প্রশ্নোত্তরটি আছে)।

প্রশ্ন—

কাদির কুদরতি লখী ন জাউ ।

কহঁ। থৈঁ উপজৈ কহঁ। সমাউ ॥

কহঁ। থৈ কীন্হ পরন অরু পানী ।

ধরণি গগন গতি জাউ ন জানী ॥

কহঁ। থৈঁ কায়া প্রাণ প্রকাসা ।

কহঁ। পংচ মিলি এক নিরাসা ॥

কহঁ। থৈঁ এক অনেক দিখারা ।

কহঁ। থৈ সকল এক হৈ আরা ॥

দাদু কুদরতি বহুত হৈরানাঁ

কহঁ। থৈঁ রাখি রহে রহিমানাঁ ॥

উত্তর—

রহৈ নিয়ারা সব কঠের, কাহু লিপত ন হোই ।
 আদি অংতি ভানৈ ঘড়ৈ, ঐসা সম্রথ সোই ॥
 সুরম নংহি সব কুহ কঠের যৌ কলধরৌ বনাই ।
 কৌতিগহারা হুঁরৈ রহা সব কুহ হোতা জাই ॥
 সবদৈ বঙ্ক্যা সব রহৈ সবদৈ হৌ সব জাই ।
 সবদৈ হৌ সব উপজৈ সবদৈ সবৈ সমাই ॥

প্রশ্ন—

“ভগবানের কলানৈপুণ্য তো যায় না বুঝা ! কোথা হইতে সব হয় উৎপন্ন
 আবার কোথায় হয় সমাহিত ?

কোথা হইতে করিলেন পবন ও জল ? ধরণী ও গগনের গতি [রহস্য, মর্শ্ব]
 ওতো যায় না জানা ।

কোথা হইতে কায়া ও প্রাণের হইল প্রকাশ ? কোথায় পঞ্চ মিলিয়া রহে
 এক নিবাসে ?

কোথা হইতে (কেমন করিয়া) সেই একই অনেক হইয়া দিল দেখা,
 কেমন করিয়া আবার সকল আসিল এক হইয়া ?

হে দাদু, বুদ্ধির অগম্য অপরূপ এই কলা-নৈপুণ্য । কোথা হইতে (এই
 বিচিত্র সৃষ্টি) রাখিয়া (কোথায়) রহিয়াছেন দয়াময় (কেমন করিয়া এই
 লীলা চালাইতেছেন ভগবান) ?”

উত্তর—

“স্বতন্ত্র রহেন অথচ তিনিই সব করেন, কিছুতেই তিনি হন না লিপ্ত ।
 আদি হইতে অন্ত তক চলিয়াছেন তিনি ভাবিয়া গড়িয়া, এমনই তাঁহার অপার
 সামর্থ্য !

অনায়াসেই তিনি সব কিছু করেন সৃষ্টি, এমন আনন্দেই চলিয়াছে তাঁর
 রচনা ! শুধু কৌতুক-রসের রসিক হইয়া তিনি রহিলেন, আর সব কিছু চলিল
 আপনি রচিত হইয়া !

“শব্দে” (সঙ্গীতে) বন্ধ হইয়াই রহিয়াছে সব সৃষ্টি, “শব্দ” (সঙ্গীতের)

লয়ের সঙ্গেই সব যাইবে লয় হইয়া, “শব্দ” (সঙ্গীত) হইতেই সব হইতেছে
উৎপন্ন, “শব্দ” (সঙ্গীতের) মধ্যেই সব হইতেছে সমাহিত ।”

২

লয় অঙ্কের বাণীতে কয়টি প্রশ্নোত্তর আছে তাহা এখানে দৃষ্টব্য । একটি
হইল—

প্রশ্ন—

বিন পায়ন কা পংখ হৈ কৌ করি পছঁটে প্রাণ ?

(লয়, ১০)

৩

আর একটি হইল—

কিহিঁ মারগ হুঁরৈ আইয়া কিহিঁ মারগ হুঁবে জাই ?

(লয়, ১২)

এই প্রশ্ন ও তাহার উত্তর উপক্রমণিকায় “শূণ্য ও সহজ” প্রকরণে (১৮৫-
১৮৬ পৃ:) আছে ।

৪

প্রশ্ন—

আবার প্রশ্ন দেখি—

কহঁ মীচকো মারিয়ে কহঁ জুস্ত সত খংড ।

“কোথায় মৃত্যুকে যায় মারা, কোথায় খণ্ডিত সত্য হয় যুক্ত অখণ্ড ?”

উত্তর—

রোম রোম লৈ লাই ধুনি খণ্ড সত সদা অখণ্ড ।

দাদু অবিনাশী মিলৈ মীচকো দীকৈ ডংড ॥

“শরীরের রোমে রোমে ধ্বনিকে আনিয়া তাহাতে লয়লীন হইতে পারিলে
(শরীরের অণু পরমাণুর সহজ নিত্য-অপ চলিলে) খণ্ড সত্য হয় সদা অখণ্ড ।
হে দাদু, অমৃত-স্বরূপের (অবিনাশীর) সঙ্গ যদি মেলে, তবেই মৃত্যুকে দিতে
পারিবে নও ।”

৫

প্রশ্ন—

(এই প্রশ্নটিই একটু অদল বদল করিয়া কবীরের বাণীতেও আছে) ।

কোন ভাঁতি ভল মাইন গোসাই* ।

তুম ভারৈ সো মৈ জানত নাই ।

কৈ ভল মাইন নাট্ট গায়ৈ ।

কৈ ভল মাইন লোক রিখায়ৈ ॥

কৈ ভল মাইন তীরথ ন্ধায়ৈ ।

কৈ ভল মাইন মূংড মুড়ায়ৈ ॥

কৈ ভল মাইন সব ঘর ত্যাগী* ।

কৈ ভল মাইন ভয়ে বৈরাগী ॥

কৈ ভল মাইন জটা বঁধায়ৈ ।

কৈ ভল মাইন ভসম লগায়ৈ ॥

কৈ ভল মাইন বন বন ডোয়লৈ ।

কৈ ভল মাইন মুখহি ন বোলৈ ॥

কৈ ভল মাইন জপ তপ কীরৈ ।

কৈ ভল মাইন কররত লীরৈ ॥

কৈ ভল মাইন ব্রহ্ম গিয়ানী ।

কৈ ভল মাইন অধিক ধিয়ানী ।

জে তুম্হ ভারৈ তুম্হ পৈ আহি ।

দাদু ন জানৈ কহি সমঝাউ ॥ (শব্দ, গৌড়ী ২২)

“হে গোসাই, কিরূপ করিলে তোমার ভাল লাগে? তুমি যাহাতে প্রশ্ন
হও তাহা তো আমি জানি না ।

নাচিলে গাহিলেই কি তুমি হও তুট? অথবা লোক প্রশ্ন করিলেই তুমি
হও খুসী?

* (“লাগি” পাঠও আছে তখন অর্থ হইবে “সকল ঘরেই যে যুক্ত ।”)

তীর্থে স্নান করিলেই কি তোমার লাগে ভাল ? অথবা মাথা মুড়াইলেই কি তোমার ভাল লাগে ?

সব ঘর ত্যাগ করিলেই (পাঠাস্থবে, সকল ঘরে যুক্ত হইলেই) কি তুমি হও তুষ্ট ? অথবা বৈরাগী হইলেই তুমি হও খুসী ?

(কেশে) জটা বাঁধাইলেই কি হয় তোমার পছন্দ ? অথবা ভস্ম মাখিলেই তুমি হও প্রসন্ন ?

বনে বনে ঘুরিয়া বেড়াইলেই কি তুমি হও তুষ্ট ? অথবা মুখে কথাটিমাত্র না বলিয়া মৌন রহিলেই তুমি হও প্রসন্ন ?

জপ তপ করিলেই কি তোমার লাগে ভাল ? অথবা করপত্র-ত্রত* লইলেই কি তোমার মন হয় তুষ্ট ?

ব্রহ্মজ্ঞানী হইলেই কি তোমার লাগে ভাল ? অথবা অধিক ধ্যানী হইলেই কি তুমি হও প্রসন্ন ?

যাহাতে তোমার সম্ভ্রাম তাহা আছে তোমারই মধ্যে (অর্থাৎ তাহা তুমি-ই জান) । দাদু তো জানে না, তাহ কে কহিয়া দেও বুঝাইয়া ।”

উত্তর—

(তাৎপৰ্য্য সংগ্রহে ইহা ভেদ অক্ষ
দুই ভাগে আছে ,

জে তুঁ সময়ে ভৌ কহৌ সাচা এক অলেখ ।

ডাল পাত তজি মূল গহি কা দিখলারৈ ভেখ ॥

সচু বিন সাক্ষি না মিলৈ ভারৈ ভেদ বনাই ।

ভারৈ কররত অরধ মুখ ভারৈ তীবথ জাই ॥

(ভেদ অক্ষ, ১০, ৪০)

“যদি তুই বুদ্ধিতে পারিস্ তবে বলি, সত্য এক অলেখ । শাখা পল্লব ছাড়িয়া মূলই যদি গ্রহণ করিলি, ভেদ তবে আদার কি চাস্ দেখাইতে ?

* তপন কেহ কেহ কাশীতে গিয়া সঙ্গতি লাভের আশায় করপত্রে অর্থাৎ করাতে দেহ ছুইপেও বিদীর্ণ করাইতেন, তাহারই নাম করপত্রত্রত গ্রহণ ।

সত্য বিনা স্বামী মেলেন না, চাই ভেখই বানাও, চাই অধোমুখই থাক
লম্বান, চাই করাতেই দেহ করাও ষিখণ্ডিত, চাই তীর্থে তীর্থে ই কর পর্যটন।”

৬

প্রশ্ন—

কোন সবদ কোন পরখনহার ।
কোন স্মৃতি কহু কোন বিচার ॥
কোন স্মৃজাতা কোন গিয়ান ।
কোন উনমনী কোন ধিয়ান ॥
কোন সহজ কহু কোন সমাধ ॥
কোন ভগতি কহু কোন আরাধ ॥
কোন জাপ কহু কোন অভ্যাস ।
কোন প্রেম কহু কোন পিয়াস ॥
সেবা কোন কহৌ গুরুদেব ।
দাদু পুঁছে অলখ অভের ॥

(রাগ গোড়ী,)

“কোন্-বা শব্দ কে-বা পরখ কর্ত্তা ? কোন্-বা স্মৃতি, কহু কোন্-বা
বিচার ? কে-বা স্মৃজাতা, কোন্-বা জ্ঞান ? কিই-বা উনমনী, কেমন বা ধ্যান ?
কোন্-বা সহজ, কহু কেমন বা সমাধ ? কেমন বা ভক্তি, কহু কোন্-বা
আরাধনা ? কে-বা জাপ, কহু কোন্-বা অভ্যাস ? কোন্-বা প্রেম, কহু
কোন্-বা পিয়াস ? কেমন বা সেবা, কহু হে গুরুদেব । হে অলখ, হে
ভেদাতীত, দাদু সেই ভেদাতীত অলখ তবুই করিতেছে জিজ্ঞাসা ।”

উত্তর—

আপা মেটে হরি ভজৈ তন মন তজৈ বিকার ।
নিরবৈরী সব জীব সৌ দাদু যহু মত সার ॥
আপা গরব গুমান তজি মদ মচ্ছর হঁকার ।
গঠৈ গরীবী বংদগী সেবা সিরজনহার ॥*

“দয়া নিবৈরতা” অঙ্গও আছে ।

“অহংভাব মিটাও, হরি ভজ, তনু-মনের বিকার কর ত্যাগ ; সকল জীবের
সঙ্গে থাক নির্ভের, হে দাদু, ইহাই হইল সার মত ।

গর্ভ মান ও অহংভাব ত্যজিয়া মদ মাংসখ্যা অহংকার ত্যাগ করিয়া
দৈন্তভাব প্রণতি ও ভগবানের সেবা কর গ্রহণ, (ইহাই হইল সার মত) ।

৭

প্রশ্ন—

মৈঁ নহিঁ জানেঁ সিরজনহার ।
জ্যঁ হৈ ত্যঁ হী কহৌ করতার ॥
মস্তক কহঁ কহঁ কর পাই ।
অবিগত নাথ কহৌ সমঝাই ॥
কহঁ মুখ নৈনঁ শ্রবণঁ সার্ত্তঁ ।
জানরায় সব কহৌ গুসার্ত্তঁ ॥
পেট পীঠি কহঁ হৈ কায়া ।
পরদা খোলি কহৌ গুররায়্য ॥
জ্যঁ হৈ তৌঁ কহি অংতর জামৌ ।
দাদু পূহৈ সদগুর স্বামৌ ॥

(গোড়ী,)

“হে সৃজনকর্তা ভগবান, আমি তো জানি না ; হে প্রভু (তোমার সত্য)
যেমনটি আছে ঠিক তেমনই বল ।

কোথায় বা মস্তক কোথায় বা কর ও পদ, হে অনির্বচনীয় নাথ, তাহা বল
বুঝাইয়া । হে স্বামী, হে গোসার্ত্ত, হে পরমজ্ঞাতা, বল কোথায় বা মুখ কোথায়
কোথায় বা নয়ন ও শ্রবণ । কোথায় বা পেট পিঠি ও কায়া, হে গুররাজ,
বল, সব পরদা খুলিয়া । ঠিক যেমনটি আছে তেমনটিই বল হে অন্তর্ধামী ।
হে স্বামী, হে সদগুর, দাদু তোমাকেই করিতেছে সিজ্ঞাসা ।”

উত্তর—

সবৈ দিসা সো সারীখা সবৈ দিসা মুখ বৈন ।

সবৈ দিসা শ্রবনছঁ শ্রনৈঁ সবৈ দিসা কর নৈন ॥

সঠৈ দিসা পগ সৌগ হৈ সঠৈ দিসা মন চৈন ।

সঠৈ দিসা সনমুখ রহৈ সঠৈ দিসা অংগ ঐন ॥

“হে দাদু, সকল দিকেই তিনি সমরূপ, সকল দিকেই তাঁর মুখ ও বদন । সকল দিকেই তিনি শোনেন শ্রবণে, সকল দিকেই তাঁহার কর ও নয়ন । সকল দিকেই তাঁহার পদ ও মস্তক, সকল দিকেই তাঁহার মন ও আনন্দ । সকল দিকেই তিনি আছেন সম্মুখে, সকল দিকেই তাঁর অঙ্গ ও নয়ন (ঘর, সস্তা) ।”

৮

প্রশ্ন—

অলখ দেব গুর দেছ বতাই ।

কহঁা রহৌ ত্রিভুবনপতি রাঈ ॥

ধরতী গগন বসছ করিলাস ।

তিনহুঁ লোক মেঁ কহঁা নিরাস ॥

জল থল পারক পরনা পুরি ।

চংদা সুর নিকট কৈ দুরি ॥

মন্দির কোন কোন ঘরবার ।

আসন কোন কহৌ করতার ॥

অলখ দেব গতি লখী ন জাই ।

দাদু পুঁছে কহি সমঝাই ॥

(গোড়ী শক ৫৭)

“হে অলখ দেব, গুরু, দাও বলিয়া ; হে ত্রিভুবনেশ্বর, প্রভু, কোথায় তুমি কর বাস ? ধরিত্রীতে কি গগনে কি কৈলাসে, তিন লোকের মধ্যে কোথায় তোমার নিবাস ? জল স্থল পারক পবন পূর্ণ করিয়াই কি তুমি আছ ? চন্দ্রে কি সূর্যে, কোথায় তোমার স্থিতি ? নিকটে কি দূরে, কোথায় তুমি আছ ? কোথায় তোমার মন্দির ? কোথায় তোমার ঘর-দুয়ার ? কোথায় তোমার আসন, হে প্রভু, বল (সেই তত্ত্ব) । হে অলখ দেব, তোমার গতি (লীলা) দেখা তো যায় না, দাদু করে জিজ্ঞাসা, কহিয়া দাও বুঝাইয়া ।”

উত্তর—

মুখ হী মাইই মৈ রহুঁ মৈ মেরা ঘরবার ।
 মুখ হী মাইই মৈ বনুঁ আপ কইহ করতার ॥
 মৈ হী মেরা অরস মৈ মৈ হী মেরা থান ।
 মৈ হী মেরী ঠৌর মৈ আপ কইহ রহিমান ॥
 মৈ হী মেরে আসিরে মৈ মেরে আধার ।
 মেরে তকিয়ে মৈ রহুঁ কইহ সিরজনহার ॥
 মৈ হী মেরী জাতি মৈ মৈ হী মেরা অংগ ।
 মৈ হী মেরা জীৱ মৈ আপ কইহ পরসংগ ॥

“সৃজনকর্তা প্রভু স্বয়ং কহেন, আমার মাঝেই আমি থাকি, আমিই আমার ঘর বাড়ী ; আমার মাঝেই আমি করি বাস ।

দয়াময় স্বয়ং কহেন, আমিই আমার অধ্যাক্ষ* সিংহাসন, আমিই আমার স্থান, আমিই আমার ঠাই ।

সৃজনকর্তা প্রভু কহেন, “আমিই আমার আশ্রয়, আমিই আমার আধার, আমার সেই আসনেই (গনৌ তাকিয়া) আমি থাকি আসীন ।”

“আমিই আমার জাতি, আমিই আমার অঙ্গ, আমিই জীবন্ত আমার জীবনে, এই প্রসঙ্গ(বিষয়) স্বয়ং তিনি বলেন ।

* এই “অরস” শব্দ আরবী অর্থ । হিব্রুতেও এই শব্দ আছে । ইহার অর্থ হল সকল স্বর্গের উপরে আকাশের উপরে উগবানের সিংহাসন ।

মাধুকরী

বৃন্দাবনে ও অন্যান্য তীর্থে সাধুবা এঘর ওঘর ঘুরিয়া কিছু কিছু সংগ্রহ করিয়া দিন কাটাইয়া দেন। মধুকরের জায় এই সংগ্রহ বলিয়া হটার নাম “মাধুকরী।” দাদুর এই মাধুকরী প্রত্যেকটি একটি একটি স্বতন্ত্র রত্ন। প্রকরণ অঙ্গ প্রভৃতির ঐক্য দ্বারা উহারা যুক্ত নয়। যেখান হইতে যে রত্ন গিলে তাহাই এখানে মাধুকরী নামে একত্রিত করিয়া রাখা হইয়াছে।

গভীর একটি কাবণে সাধুদের মধুকর বলে। প্রত্যেক গৃহী আপনার গৃহে বন্ধ। উহাদের সাধনাও হয়ত সুন্দর ফলের মত, কিন্তু ফুলের সঙ্গে ফুলের যোগ হয় মধুকরের মারফতে। সাধুবা সেই মধুকর। তাহারা নানা ফুলের রস মাধুয়া সুরভি নানা ফুলে সঞ্চার করিয়া সকল ফুলকেই করেন সার্থক ও ধন্য। এই জগুই এক দল ঘর-ছাড়া, সবার সঙ্গে যুক্ত, অথচ সব বন্ধন হইতে মুক্ত, মধুকরের দরকার। ফুলের মত আপন বোটার বসিয়া মধু-রস-রেণু উৎপন্ন না করিলেও উহারাই সকলের রসের সমঝদার ও “পরখনহার”। তখনকার দিনে ফুলের মত সাধনা করিয়া গৃহী ছিলেন ধন্য, মধুকরের মত সাধনা করিয়া সাধু ছিলেন ধন্য, এবং পরস্পরের যোগে পরস্পর ছিলেন ধন্য।

তখন সাধুরাই ছিলেন মানবের সঙ্গে মানবের যোগ সেতু। এখন পুস্তক পত্রিকাদি ছাপা হইয়া, সভা সমিতি হইয়া, ডাকঘর ও তার প্রভৃতি হইয়া, মানুষের বাবসা বাণিজ্য রাষ্ট্রনীতি প্রভৃতি নানা রকম যোগের উপায় হইয়াছে। অথচ মানুষের সর্বশ্রেষ্ঠ ধর্মের সাধনায় পরস্পর যোগের প্রয়োজন মানুষ অকৃত্রিম করিতেছে না! বাহবন্ধ ও জাতি-সম্প্রদায়-বন্ধ হইয়া পূর্বোক্ত নানা উপায়ে মানুষ অল্প সবাটিকে লুটিয়া ধনী ও বিলাসী হইতেছে, অথচ ধর্মের সাধনায় মানুষের লেন-দেন আজ বন্ধ হইয়াছে, তাই সাধুও হইয়াছে অকর্মণা এবং তাহাদের প্রয়োজনও গিয়াছে চলিয়া।

১

মালিক জাগৈ জিয়রা সোরৈ কোঁ করি হোরৈ মেলা ।

সেজ এক সৌ মেল নহী হৈ জৈ এক প্রেমি ন খেলা ॥ (গোড়ী)

“স্বামী আছেন জাগিয়া আব প্রাণ আমার আছে শুইয়া, কেমন করিয়া হয় তবে মিলন, এক শয্যাতে থাকিলেই কিছু মিলন হয় না, যদি এক হইয়া না খেলে প্রেমের খেলা ।”

২

সোরত সোরত জনম হী বীতে অজ হুঁ জীর ন জাগৈ ।

নীদ নিবারি রাম সঁভারি শ্রীতম সংগ লাগৈ ॥ (মারু)

“ঘুমাইতে ঘুমাইতে জনমই গেল শেষ হইয়া, আজও যে জাগিল না প্রাণ ! নিদ্রা নিবারণ করিয়া ভগবানকে আশ্রয় করিয়া প্রিয়তমের সঙ্গে প্রেমে হও যুক্ত ।”

৩

গগন* গলিত মহারসি মাতা,

তুঁ হৈ তব লগ পীঠৈ ।

দাদু জব লগ অংত আঁরৈ,

তব লগ দেখন দীঠৈ ॥ (গোড়ী)

“গগন-গলিত সেই মহারসে হও মত্ত ; যতদূর তোমার সত্তা ততদূর সেই রস করিয়া চল পান । হে দাদু, যে পৰ্যাস্ত না অস্ত আসিয়া হয় উপস্থিত, সে পৰ্যাস্ত এই লীলা দিও দেখিতে ।”

৪

লে করি সুখিয়া না ভয়া,

দে করি সুখিয়া হোই ।

খালিক খেলৈ খেল করি,

বৃষে বিরলা কোই ॥ (আসাররী)

* “গগন” স্থানে “মগন” পাঠও আছে ।

“নিয়া কেহ হয় নাই সুখী, দিয়াই হয় সুখী, খেলার মত করিয়া জগদীশ্বর
এই সদা দিবার খেলাই চলিয়াছেন খেলিয়া, কচিৎই কেহ বুঝে তাহার তত্ত্ব।”

অমৃত রাম রসাইণ পীয়া :

ভাঠেঁ অমর কবীরা কীয়া ॥

রাম নাম কহি রাম সমানী ।

জন রইদাস মিলে ভগবানী ॥ (গৌড়ী)

“অমৃত রাম-রসায়ন পান করিয়াই কবীর করিল অমরত্ব লাভ । রাম নাম
কহিয়া রামের মধোই গেল ডুবিয়া, রইদাস তাই পাইল ভগবানকে ।”

৬

ইহি রসি রাতে নামদের পীপা অরু রয়দাস ।

পীরত কবীরা না থক্যা অরুঁ প্রেম পিয়াস ॥ (গৌড়ী)

“এই রসেই অমুরক্ত নামদেব পীপা এবং রইদাস ; এই রস পান করিতে
কবীরের নাই ক্লান্তি, আর্জও তাহার প্রেমেরই পিপাসা ।”

৭

ভাইরে ঐসা পংথ হমারা ॥

দ্বৈ পথ রহিত পংথ গহি পুরা

অবরণ এক অধারা ॥

বাদ বিবাদ কাহু সৌ নাহী

নাহি* জগত থৈঁ শ্বারা ॥ (গৌড়ী)

“ভাইরে, এমনই আমার পথ ।

দুই পক্ষ রহিত, অবর্ণ, এক-আধার, পূর্ণ, সেই পথ । কাহারও সঙ্গে নাই
বাদ বিবাদ, অথচ জগৎ হইতেও ইহা নয় বিচ্ছিন্ন ।”

* “নাহি” ও কেহ কে বলেন । তাহা হইলে অর্থ হইবে, জগতে
থাকিয়াও জগৎ হইতে স্বতন্ত্র ।

৮

সাধ সাংখর জগ ফটক হৈ উপরি সম্ভ্রংগ হোই ।

সাংখর একৈ হ্‌রৈ রহা পানী পথর দোই ॥ (সাধ অংগ)

“সাধু যেন সৈদ্ধব আর জগৎ (জগতের লোক) যেন ফটক, উপরে উভয়েরই রঙ্গ সমান । (কিন্তু জলে নাগিলে দেখা যায়) সৈদ্ধব যুক্ত হইয়া রহিল জলের সঙ্গে এক হইয়া, আর জল ও পাথর বহিল দুই হইয়া ।”

৯

অলহ বাম ছুটা ভরম মোরা ।

হিন্দু তুরুক ভেদ কুছ নাহী' দেখৌ দরসন তোরা ॥

সোঈ প্রাণ পাণ্ড পু'নি সোঈ সোঈ লোঠী মাসা ।

সোঈ নৈন ন'সিকা সোঈ সহজৈ' কীন্হ তমাসা ॥

শ্রবনৌ সবদ বাজতা স্ত্রণিয়ে জিভ্যা গীঠা লাগৈ ।

সে'ঈ ভূখ সবন কেঁ বা'পৈ এক জুগতি সে'ঈ জাগৈ ॥

সোঈ সংধ বংধ পু'নি সে'ঈ সে'ঈ সুখ সে'ঈ পৌরা ।

সোঈ হস্ত পার পু'নি সোঈ সোঈ এক সবীরা ॥*

অ'ল্লা বাম প্রভৃতি দ্বৈতের প্রমাণ্যাব গিযাছে' ছুটিয়া । হিন্দু মুসলমানের ভেদ নাহি কিছুই । সর্বত্র দেখিতেছি তোমারই রূপ ।

সেই প্রাণ, সেই দেহ, সেই রক্ত মাংস, সেই নয়ন, সেই নাসিকা, সহজেই খেলিল অদ্ভুত খেল ।

শ্রবণে শব্দ (সমানই) শোনে, জিহ্বায় একই রূপ লাগে মিঠা, সেই এক কুখাই সর্বত্র প্রবল, এক রকমই শোয় ও জাগে ।

সেই একই সন্ধি একই বন্ধ, সেই একই সুখ ও সেই একই দুঃখ, সেই একই হাত, সেই একই পা, সেই একই শরীর ।”

* গৌরীরাগের ৬৫ শব্দেও ইহা আছে । কবীরের মতোও ঠিক এইরূপ বাণী আছে । উপক্রমণিকা ১০৭ পৃষ্ঠায় ইহার দুইটি পংক্তি উদ্ধৃত করা গিয়াছে ।

১০

অলহ কহো ভারৈ রাম কহো ।*

ডাল ভাঙো সব গুল গতো ॥

কায়া কমল দিল লাই রহো ।

অলখ অলহ দীদার লহো ॥ (ভৈরু)

“খুসি হয় তো আল্লাই বল, খুসি হয় তো রামই বল, ডাল ভাগ করিয়া
সবাই মূলই কর গ্রহণ । কায়া-কমলে আন চিত্ত, অলখ আল্লার কর প্রত্যক্ষ
দর্শন লাভ ।”

১১

কুঁ তম জীরেঁ দাস গুসাঁঙ্গি ।

জে তুম ছাড়ল সমরথ সাঁঙ্গি ॥

জে তুম পরহরি রহো নিগ্যাবে ।

তো সেরক ছাই করন কে দ্বারে ॥ (গোড়ী)

“হে গোঁসাই, তোমার দাস আমি কেন আর তবে বাঁচি ? হে সমর্থ স্বামী,
তুমি যদি ছাড়, তবে আর বাঁচি কিসের জন্ম ? তুমি যদি আমাকে
ছাড়িয়া থাক দূরে, তবে সেরক তোমার ঘাইবে আর কাহার দ্বারে ?”

১২

নীচ উচ মধিম কোউ নাগী ।

দেখৌ রাম সবনি কে মাহী ॥

* উপক্রমণিকা ১০৭ পৃষ্ঠাতেও এই পদটি উদ্ধৃত । ভৈরু ৩২৫ (ত্রিপাঠী),
ভৈরু ২২ (স্বিবেদী) শব্দেও এই কথা আছে । জৈন সাধক আনন্দঘনতেও
ঠিক এই বাণী আছে । তিনি দাদুর পরবর্তী ।

দাদু সাচ সবনি মৈ সোঙ্গি ।

পৈড* পকড়ি জন নিরভয় হোই ॥ (ভৈরু)

“নৌচ উচ্চ ও মধ্যম কেহ নাই, সবার মধ্যেই দেখিতেছি রামকে । হে দাদু, সকলের মধ্যে তিনিই সত্য, এই পথ ধরিয়াই লোক হয় নির্ভয় ।”

১৩

জহঁ। দেখৌ তহঁ দূসর নাতি ।

সব ঘটি রাম সমানা মাতি ॥

জহঁ। জাউ তহঁ সোঙ্গি সাথ ।

পুরি রহা হরি ত্রিভুবন নাথ ॥ (ভৈরু)

“যেখানেই দেখি, দ্বিতীয় আর কিছু নাই ; সকল ঘটেই রাম ভিতরে ভরপুর বিরাজমান । যেখানেই ঘাই সেখানেই তিনি আছেন সাথে সাথে ; ত্রিভুবন-নাথ হরি ত্রিভুবন পূর্ণ করিয়া বিরাজিত ।”

১৪

হম পায়া হম পায়া রে ভাই ।

ভেখ বনাই ঐসৌ মনি আই ॥

ভীতরকা যহু ভেদ ন জানৈ ।

কহৈ সুহাগনি কুঁ মন মানৈ ॥ (টৌড়ী)

ভেখ (বাহিবের সাক্ষর) বানায়েতেই, “আমি পাইয়াছি, আমি পাইয়াছি রে ভাই”, এইরূপ ভাব আসিয়া মনকে করে আবিষ্ট ।

ভিতরের (প্রেমের) রহস্য হে! জানে না কিছুই । সবাই বলে বলুক নৌভাগ্যবতী, মন তবু মানিবে কেন ?”

* “পেড” পাঠও আছে, তাহার অর্থ “বৃক্ষ” । অর্থাৎ এই বৃক্ষকে আশ্রয় করিয়াই লোক হয় নির্ভয় ।

১৫

নিরঞ্জন যুঁ রহে কাহুঁ লিপত ন হোই ।
 জল খল খাবর জংগমা গুণ নহৌঁ লাগৈ কোই ॥
 ধর অংবর লাগৈ নহৌঁ নহিঁ লাগৈ সসৌ অরু সুর ।
 পানী পরন লাগৈ নহৌঁ জহাঁ তহাঁ ভরপুর ॥
 নিস বাসর লাগৈ নহৌঁ নহিঁ লাগৈ সৌতল ঘাম ।
 খুধা তুধা লাগৈ নহৌঁ ঘটি ঘটি আতম রাম ॥
 মায়া মোহ লাগৈ নহৌঁ নহিঁ লাগৈ কায়া জীর ।
 কাল করম লাগৈ নহৌঁ পরগট মেরা পীর ॥ (গুংড)

“নিরঞ্জন এমনই থাকেন, কিছুতেই তিনি হন না লিপ্ত । জল স্থল স্থাবর
 ক্ষয় কোনও গুণই তাঁহাতে লাগে না ।

ধরিত্রী অথবা তাঁহাতে লাগে না, না লাগে তাঁহাতে শশী আর সূর্য্য ; জল
 পবন তাঁহাতে লাগে না, (তিনি) যেখানে সেখানে (সর্বত্র) ভরপুর ।

তাঁহাতে না লাগে দিন বা রাত্রি, না লাগে তাঁহাতে শীত বা গ্রীষ্ম,
 ক্ষুধা তৃষ্ণা লাগে না তাঁহাতে, ঘটে ঘটে বিরাজমান আত্মারাম ।

তাঁহাতে লাগে না মায়া মোহ, না লাগে কায়া জীবন, কাল কক্ষ কিছুই
 লাগে না তাঁহাতে, প্রত্যক্ষ (বিরাজিত) আমার প্রিয়তম ।”

১৬

জিহিঁ দিসি দেখৌঁ রহী হৈ রে ।

আপ রহা গিরি তররর ছাই ॥ (মালর গৌড়)

“যে দিকেই চাই, দেখি তিনিই বিরাজিত, নিজেই তিনি আছেন গিরি
 তরুর ছাইয়া ।”

১৭

জুগি জুগি রাতে জুগি জুগি মাতে

জুগি জুগি সংগতি সার ।

জুগি জুগি মেলা জুগি জুগি জীবন

জুগি জুগি গাঁয়ান বিচার ॥* (মারু)

“(নব নব ভাবে) যুগে যুগে রাতে (হয় অকুরক), যুগে যুগে মাতে, যুগে যুগে সার সক্তি (যোগ) : যুগে যুগে মিলন, যুগে যুগে জীবন, যুগে যুগে জ্ঞানের উপলক্ষি !” [তাহাতেই আনন্দ, মুক্তি বা ফুরাইয়া যাওয়া নয়]

১৮

জব য়ছ মৈ মৈ মেরী জাঠ ।

তব দেখত বেগি মিলৈ রাম রাঠ ॥

দাদু মৈ মৈ মেরী মেটি ।

তব তুঁ জাণি রাম সৌ ভেটি ॥* (ভৈরু)

“যখন এই “আমি আমি” “আমার আমার” ভাব যাইবে ঘুচিয়া, তখনই দেখিতে দেখিতে অবিলম্বে আসিয়া মিলিবেন পরমেশ্বর । সে দাদু, “আমি আমি” “আমার আমার” ভাব মিটিলেই তুমি জানিবে রামের সঙ্গে হইল ভেট ।”

১৯

পাঠণ কৌ পূজা কঠৈ করি আতম ঘাতা ।

নিরমল নয়ন ন আরই মরণ দিসি জাতা ॥

পূজৈঁ দেব দিহাডিয়া মহামাঈ মাতৈঁ ।

পরগট দেব নিরংজনী তাকৌ সেব ন জাতৈঁ ॥ (রামকলী)

“আত্মাকে নাড়িয়া পাষণকে করে পূজা, নিখল [দেবতা] নয়ন-পাথে আসেন না, [এমন করিয়াই] যাউতেছে মরণের দিকে ।

দেবতা ও দেবালয়কে করে পূজা, মহামায়াকে করে মানত । প্রত্যক যে দেব নিরঞ্জন শুধু তাঁহারই জানে না সেবা !” *

* রামকলী ১২৬ শ্লোকেও টহা আছে । কবীরের বাণীতেও আছে । উপক্রমণিকা ১০৩ পৃষ্ঠায় ইহার একটি পংক্তি উদ্ধৃত হইয়াছে ।

২০

ধরতী অংবর তৈঁ ধর্যা পানী পরন অপার ।

চন্দ সুর দীপক রচ্যা রৈন দিবস বিস্তার ॥ *

“ধরিত্রী অংবর, অপার জল ও পবন তুমিই রাগিছাছ ধরিয়া । রজনী দিবস-
বিস্তার, চন্দ সুর্য প্রদীপ তোমারই রচনা ।”

২১

ভাই রে তব ক্যা কথিসি গিয়ানী ।

জব দূসর নাই আন । (অড়ানা)

“ভাইরে তবে আর কি বকিস্ জ্ঞানের কথা, যখন দোসর আর নাই অস্ত
কিছুই [অর্থাৎ তিনি ছাড়া অপর তব আর কিছুই নাই]?”

২২

কায়্য মাঠেঁ হৈ আকাস ।

কায়্য মাঠেঁ ধরতী পাস ॥

কায়্য মাঠেঁ চারুঁ বেদ ।

কায়্য মাঠেঁ পায়্য ভেদ ॥

কায়্য মাঠেঁ লে অরতার ।

কায়্য মাঠেঁ বারংবার ॥

কায়্য মাঠেঁ আদি অনন্ত ।

কায়্য মাঠেঁ হৈ ভগরন্ত ॥

কায়্য মাঠেঁ সাগর সাত ।

কায়্য মাঠেঁ অরিগত নাথ ॥

কায়্য মাঠেঁ নদিয়া নীর ।

কায়্য মাঠেঁ গহর গঁভীর ॥

* ত্রিপাঠী রাগ ধনাত্রী ৪২৬ শব্দেও ইহা আছে । দ্বিবেদী মহাশয়ের গ্রন্থে
ইহা ভৈরো ১৫ শব্দ ।

কায়া মাঠেঁ খেলে প্রাণ ।
 কায়া মাঠেঁ পদ নিরবাণ ॥
 কায়া মাঠেঁ সেৱা কৰৈ ।
 কায়া মাঠেঁ নীৰৱ ৰৱৈ ॥
 কায়া মাঠেঁ কলা অনেক ।
 কায়া মাঠেঁ কৰতা এক ॥
 কায়া মাঠেঁ লাগে রংগ ।
 কায়া মাঠেঁ সাজেঁ সংগ ॥
 কায়া মাঠেঁ কৰল প্রকাশ ।
 কায়া মাঠেঁ মধুকর বাস ॥
 কায়া মাঠেঁ হৈ দীদার ।
 কায়া মাঠেঁ দেখণহার ॥

কায়া মহঁ কৰতা রহৈ সো নিধি জানো নাহিঁ ।

মাঠেঁ সতগুরু পাঠয়ে সন কুচ কায়া মাঠিঁ ॥ *

“কায়াৰ মধোই আছে আকাশ, কায়াৰ মধোই ধৰিত্রীৰ সঙ্গ । কায়াৰ মধোই চাৰি বেদ, কায়াৰ মধোই পাঠলাগ রহস্যের মৰ্ম । কায়াৰ মধোই নেত্র অবতার, কায়াৰ মধোই [নব নব জনম] বারম্বার । কায়াৰ মধোই আদি অনন্ত, কায়াৰ মধোই ভগবান । কায়াৰ মধোই সাগর সাত, কায়াৰ মধোই অবিজ্ঞাত নাথ । কায়াৰ মধোই নদীৰ নীৰ, কায়াৰ মধোই গভীৰ গম্ভীর

কায়াৰ মধোই গেলে প্রাণ, কায়াৰ মধোই পদ নিৰবাণ । কায়াৰ মধোই কৰে সেৱা, কায়াৰ মধোই ৰৱে নিৰৱ । কায়াৰ মধোই কলা অনেক, কায়াৰ মধোই কৰতা এক । কায়াৰ মধোই লাগে রঙ্গ । কায়াৰ মধোই স্বামীৰ সঙ্গ । কায়াৰ মাঠেই কমল প্রকাশ । কায়াৰ মাঠেই মধুকর বাস । কায়াৰ মধোই কপেৰ প্রকাশ, কায়াৰ মধোই বিৰাজিত দ্রষ্টা ।

* “কায়াবেলী” আৰম্ভে নিৰ্ভূত রচনাৰ আকাৰে লিখিত আছে । তাহাতে

• প্রায়ই পুনৰুক্তি । এই সারটুকুই ভক্তেরা সচরাচর ব্যবহার করেন ।

কায়ার মধ্যেই আছেন কর্তা, সেই নিধিকেই জান না। অন্তরেই
মনগুরুকে পাইলে সব কিছু (মিলিবে) কায়ারই মধ্যে ।”

২৩

অন্তরি পীর সৌঁ পচা নাহীঁ ।

ভট্ট সুহাগনি লোগন মাহীঁ ॥

দাদু সুহাগনি ঐসে কোঈ ।

আপা মেটি রাম রত হোই ॥ (রাগ টোড়ী)

“অন্তবে তো নাই প্রিয়তমের সঙ্গে পরিচয়, সংসারের লোকের কাছে গিয়া
তিনি বনিলেন স্বামী-সোভাগ্যবতী !

দাদু কহেন, এমন সোভাগ্যবতী কেহ কি আছেন যিনি অহমিকা মিটাইয়া
ভগবানে হইয়াছেন রত ?”

২৪

সম্পত্তি বিপত্তি নহীঁ মৈঁ মেরা হরিগ সোক দউ নাহীঁ ।

সরবর করল রতৈ জল জৈসে বৈঠা হরিপদ মাহীঁ ॥

(রাগ সারংগ)

“(সাধকের কাছে) সম্পত্তি বিপত্তি নাই, “আমি” ও “আমার” নাই,
এই শোক এই দুইই নাই । কমল যেমন সরোবরে জলের মধ্যে থাকে, তেমন
করিয়া হরিপদের মধ্যে সে আছে বসিয়া ।”

২৫

বৌরী তুঁ বার বার বৌরাণী ।

তন মন সব সরীর ন সৌপেঁগী সীস নরাই ন ঠাড়াই ।

এক রস প্রীতি রহী নহীঁ কবহুঁ প্রেম উমংগ ন বাঢ়ী ॥

প্রীতম অপনৌ পরম সনেহী নৈন নিরখি ন অঘানী ।

নিস বাসরি ন আনি উর অন্তরি পরম পূজ্য নহি জানীঁ ॥

(গূজরী বা দেবগন্ধার)

“পাগলিনী, তুই বার বার করিলি শুধু পাগলায়ি। তনু মন সব শরীর (তাঁহার গুণ) সমর্পণ তো করিস্ নাই, তাঁর কাছে মাথা নত করিয়া খাড়া তো থাকিস্ নাই। এক-রস প্রীতি তো কখনও হয় নাই, উচ্ছ্বসিত হইয়া কখনও প্রেম হয় নাই উদ্বেল।

প্রিয়তম যে তাঁর পরম স্নেহী, নয়ন ভরিয়া তো তাঁকে কখনই দেখিস্ নাই। নিশিদিন তাঁহাকে তো আনিস্ নাই হৃদয়ের মদ্যে। পরম পূজাকেই তো তুই জানিস্ নাই।”

১৬

সবগুণ রহিতা সকল বিয়াপী বিন ইংদ্রী রস ভোগী।

দাদু ঐসা গুরু হমারা আপ নিরংজন জোগী ॥

(রাগ রামকলী)

“দাদু কহেন, আমার এমন গুরু যে তিনি নিরঞ্জন যোগী ; তিনি সর্বগুণ রহিত, সর্বব্যাপী, ইচ্ছিয় বিনাই তিনি সর্ব রস ভোগী।”

২৭

হরি মারগ মাইঠ মরণ।

তিল পীছে পার ন ধরণা ॥

অব আগৈ হোই সো হোই।

পীছেঁ সোচ ন করনা কোই ॥ (রাগ রামকলী)

“হরি-পথের মাঝেই মরিও, তবু এক তিল পিছে সবাইও না পদ। ভবিষ্যতে যাহা হইবার তাহা হইবে, পরেও কোনো করিও না অশুভাপ।”

২৮

প্রেম বিনা রস কীকা লাগৈ মীঠা মধুর ন হোই।

সকল সিরোমণি সব ধৈঁ নীকা কঁড়রা লাগৈ সোই ॥

জব লগ প্রীতি প্রেম রস নাইঁ ত্রিধা বিনা জল ঐসা।

সব তৈঁ সুন্দর এক অমীরস হোই হলাহল জৈসা ॥

সুন্দর সাঙ্গ খরা পিয়ারা নেহ নরা নিত হোরৈ ।

দাদু মেরা তব মন মানৈ সহজ সদা সুখ জোরৈ ॥*

“প্রেম বিনা সেই রস লাগে নীরস, মিষ্ট-মধুর তো লাগে না। সকল শিরোমণি সব হইতে শ্রেষ্ঠ যে রস তাহাও লাগে কটু।

যে পর্য্যাপ্ত প্রীতি ও প্রেমরস না হয় সে পর্য্যাপ্ত সেই রস লাগে বিনা-
তৃষ্ণার জলের মত (নীরস), সব হইতে সুন্দর (স্বরস) যে এক অমৃতরস
তাহাও তপন লাগে হলাহলের মত।

সুন্দর স্বামী যদি সত্য সত্যই হন প্রিয় তবে প্রেমও হয় নিত্য নতন।
হে দাদু, তবেই আমার মন মানে, যদি সত্যই দেখিতে পাওয়া যায় সেই সহজ
আনন্দ।”

২৯

ভস্ক করলকী ছায়া রাখৈ

কাইঁ ধৈঁ ন ডরৈ । (রাগ নটনারায়ণ)

“ভস্ককমলের ছায়ায় যদি রাখ তবে কোনো স্থান বা লোক ছুটেতেই নাই
ডব।”

৩০

পূজা পাতি দেবী দেবল সব দেখৌ তুম্হ মাগী ।

মোঁ কোঁ ওট আপনী দৌজৈ চরণ করলকী ছাগী ॥

(রাগ সোরঠ)

“পূজা পাতি, দেবী দেবালয়, সবই দেখিতেছি তোমার মধ্যে। আমাকে
দাঁড় তোমার আশ্রয়, রাখ তোমার চরণ কমলেব ছায়াতে।”

৩১

জব মৈঁ সাচেকী সুধি পাই ।

তব ধৈঁ দৃষ্টি ঔর নহি আটরৈ

দেখত হুঁ সুখদাসি ॥

* রাগ ধনাস্রী ৪২৮ (ত্রিপাঠী) শব্দেও ইহা আছে। বাগ ভৈরো ১৪
(বিবেদী)।

তা দিন থৈ তন তাপ ন ব্যাপৈ
 সুখ ছুখ সংগ ন জাউ ।
 পারন পীর পরসি পদ লীনহা
 আনন্দ ভরি হৌ গাউ ॥
 সব মৌ সংগ নহী পুনি মেরে
 অরস পরস কুছ নাহী ।
 এক অনন্ত মোঙ্গি সংগী মেরে
 নিরখত হৌ নিজ ম'গী ॥ *

“যখন আমি সত্যাব সন্ধান পাউলাম, তখন হইতে দৃষ্টিতে আর কিছুই আসে না। শুধু দেখিতেছি (সর্বত্র) আনন্দময়।

সে দিন হইতে তনুকে কোনো তাপই করিতে পাবে না তপ্ত ; সুখদুঃখের সঙ্কেও আর ঘাই না। প্রিয়তমের পাবন পদ পরশ করিয়া লইয়া আনন্দে ভরপুর হইয়া আমি করি গান।

আর আমার সবার সঙ্কে নাই সঙ্ক, নাট কিছুই মাগামাগি। এক অনন্ত, তিনিই আমার সঙ্গী ; তাঁহাকেই নিরন্তর দেখিতেছি আপন অন্তরে।”

৩১

তুম্ভ বিচ অংতর জিনি পড়ে মাধর
 ভারৈ তন ধন লেছ ।
 ভারৈ সরগ নরক রসাতল
 ভারৈ কররত দেছ ॥
 ভারৈ বিপতি দেছ ছুখ সংকট
 ভারৈ সঁপতি সুখ সরীর ।
 ভারৈ ঘর বন রার রংক করি
 ভারৈ সাগর তীর ।

* রাগ বিলাসল, ৩৫৫ পদে ৬ টি আছে। মীরা বাউর পদে ৬ টি
 এইরূপ একটি পদ আছে।

ভারৈ বংধ মুকুত করি মাধব

ভারৈ ত্রিভুবন সার।

ভারৈ সকল দোষ ধরি মাধব

ভারৈ সকল নিরার ॥ * *

“(আমার ও) তোমার মধ্যে যেন কোন না আসে ব্যবধান : হে মাধব, চাও তো ধন জন আমার সব যাও লইয়া। চাই আমাকে দাও স্বর্গ, চাই দাও নরক, চাই দাও রসাতল : চাই করপত্রে কর আমাকে দ্বিগুণিত।

চাই দাও বিপত্তি দুঃখ সঙ্কট, চাই দাও সম্পত্তি ও শরীরের সুখ : চাই দাও ধর বা বন, চাই কব রাজা বা কাকাল, চাই পাঠাও আমায় সাগর তীরে।

চাই কর বন্ধ বা মুক্ত, হে মাধব, চাই কর ত্রিভুবনসার : চাই সকল দোষ ধর, হে মাধব, চাই সকল অপরাধ কব ক্ষমা।”

নৈকুণ্ঠ মুকতি স্রগ ক্যা কীজৈ সকল ভুবন নহিঁ ভারৈ।

লোক অনন্ত অভয় ক্যা কীজৈ জে ঘরি কন্ত ন আরৈ ॥*

“যদি ধরে কাস্তই না আসিলেন তবে এমন নৈকুণ্ঠ দিয়াই বা করিবে কি, মুক্তি বা স্বর্গ দিয়াই বা করিবে কি ? সকল ভুবনও তবে আর নহে প্রার্থনীয়। লোক অনন্ত বা অভয় দিয়াই বা তবে কি কাজ ?”

৩৬

সহজৈ হী সো আরা

হরি আরত হী সচু পারা

সহজৈ হী সো জানা।

হরি জানত হী মন মানা ॥

* * সুহৌ, ৩৫৫ শকেও ইহা আছে। উপক্রমণিকার ১:৭ পৃষ্ঠায় টহার খণ্ডিত অংশ কতকটা দেওয়া হইয়াছে।

* ধনাত্মী ৪২১ (ত্রিপাঠি) শকেও ইহা আছে। ভৈরো ৭ (দ্বিবেদী) ৮

প্রেম ভগতি জিন্হ জানৌ ।

সো কাহে ভরমৈঁ প্রাণী ॥ (রাগ সোরঠ)

“সহজেই তিনি আসিলেন, হরি আসিতেই পাইলাম সত্যকে । সহজেই তিনি জানিলেন, হরি জানিতেই মন মানিল । প্রেমভক্তি যে জানিল, সে প্রাণী আর কেন বেড়ায় বৃথা ভ্রমিয়া ?”

৩৫

হরি রংগ কদে ন উত্তরৈ দিন দিন হোই সুরংগ ।

নিভা নরোঁ নিররান হৈ কদে ন হোই লয় ভংগ ॥

সাচৌ রংগ সহজে মিলোঁ সুন্দর রংগ অপার ।

ভাগ বিনা ক্যুঁ পাঠয়ে সব রংগ মাঠেঁ সার ॥ (ধনাশ্রী)

“হরি রঙ্গ কখনও যায় না মিটিয়া, দিন দিন হইতে থাকে সে সু-রঙ্গ । নিভাই নূতন নূতন হয় নির্বাণ, কখনই হয় না লয়-ভঙ্গ ।

সত্য রঙ্গের সঙ্গে সহজেই হও মিলিত, সুন্দর অপার সেই রঙ্গ । সকল রঙ্গের মধ্যে যে রঙ্গ সার, বিনা-ভাগ্যে তাহাকে পাঠবে কেমন করিয়া ?”

৩৬

অপনা রূপ আপ নতিঁ জানৈঁ

দেখৈ দরপণ মাঠী* ॥

আপ অপনকা রসমেঁ বৌরা

দেখি আপনী কাঁঠী ॥ (অসাররী)

“আপন রূপ আপনি তো জানেন না, দেখিতে হয় দর্পণের মধ্যে । আপনি আপনারই প্রতিবিম্ব দেখিয়া নিজের রসেই নিজে পাগল ।”

৩৭

কৈয়া করি য়হ জগ রচৌ গোসাজ্জি ।

তেরে কৌন বিনোদ মন মাঠী ॥

কৈ তুম্হ আপা পরগট করমা ।

কৈ তুম্হ রচিলে মন নহিঁ মানা ॥

কৈ য়ছ রচিলে খেল দিখারৈ ।
 কৈ য়ছ তুম্হকো খেলহী ভারৈ ॥
 কৈ য়ছ তুম্হকো খেল পিয়ারা ।
 কৈ য়ছ ভার কীন্হ পসারা ॥
 য়ছ সব দাদু অকথ কহানী
 মরম জানে সোই সমঝে বাণী ॥ *

“হে গোসাই, কেন এই জগৎ করিলে রচনা? কোন্ আনন্দ উচ্ছসিত তোমার মনের মধ্যে?

তোমার কি নিজেকেই প্রকাশ করার ইচ্ছা? মন মানিল না তাই কি করিলে এই রচনা?

লীলা দেখাইবার জন্মই কি রচিলে এই বিশ্ব? তোমার মন কি এই খেলাই চায়?

এই খেলাই কি তোমার প্রিয়? এই খেলাতে তুমি কি আপন ভাবকেই করিয়াছ প্রসার?

হে দাদু, এই সব রহস্য বুঝান অসম্ভব, যে মরম জানে সে-ই শুধু বোঝে এই কথা।”

৩৮

রস মাইই রস রাতা ।
 রস মাইই রস মাতা ॥
 অমৃত পীয়া ।
 নূর মাইই নূর লীয়া ॥

“রসের মধ্যেই রসে হইলাম অমুরক্ত, রসের মধ্যেই হইলাম রসে মত্ত ।
 অমৃত করিলাম পান, জ্যোতির মধ্যেই লইলাম জ্যোতি !”

* আসাবরী রাগের ২৩৫ শব্দের সঙ্গে ইহার কতকটা মিল আছে উপক্রমণিকা ১৯৩ পৃষ্ঠায় ইহার প্রথম দুই পংক্তি উদ্ধৃত হইয়াছে ।

(পথের গান)

সাথী সাবধান হোই রহিয়ে ।
 পলক মাহিঁ পরমেশ্বর জানৈঁ
 কথা হোই কথা কাহিয়ে ॥
 বাবা বাট ঘাট কুছ সমঝি ন আয়ে
 দূরি গরন হম জানাঁ ।
 পরদেশী পংখি চলে একেলা
 ঔঘট ঘাট পয়ানাঁ ॥
 বাবা সংগ ন সাথী কোই নহিঁ তেরা
 যহ সব হাট পসারা ।
 তররর পংখী সবে সিধায়ে
 তেরা কোন গরাঁরা ॥
 বাবা সবে বট্টাউ পংখি সিরানাঁ
 অস্থির নহীঁ কোই ।
 অংতি কাল কো আগৈঁ পীঠৈঁ
 বিছুরত বার ন হোঈ ।
 বাবা কাচী কায় কোণ ভরোসা
 রৈনি গঈ ক্যা সোরৈ ।
 দাদু সংবল সুকরিত লীজৈ
 সাবধান কিন হোরৈ ॥

“সাথী, থাক সাবধান হইয়া, পরমেশ্বরই জানেন, পলকের মধ্যে কি হয় কে বলিবে ?

বাবা, বাট ঘাট কিছুই তো গায় না বুঝা, দূরে আমার করিতে হইবে গমন ; পরদেশী, একেলা চলিতেছি পথে, ঘাটে অঘাটে করিতেছি প্রয়াণ ।

বাবা, সঙ্গী সাথী কেহই তো তোর নাই, এই সবই তো হাটের বিস্তার।
তরুণের পাখী সবাই গিয়াছে চলিয়া, ওরে মূর্খ তোর আর রহিল কে ?

বাবা, সব পখিকই দূরে মিলাইয়া গিয়াছে পথে, কেহই নহে স্থির।
অনুকালে সবাই আগে পিছে, বিচ্ছিন্ন হইতে একটুও হয় না বিলম্ব।

বাবা, কাঁচা কায়ার আর কি ভরসা ? রাত্রি গিয়াছে, বৃথা এখন আর আছ
কেন শুটয়া ? হে দাদু, আপন স্মৃতিই কর সম্বল, এখনও কেন হও না সাবধান ?”

পরিশিষ্ট

সহজ ও “শূন্য”

(উদ্ভাষণ)

উপক্রমণিকায় পরিশিষ্টে “শূন্য ও সহজ” সম্বন্ধে আমার নিবন্ধটি দেখিয়া কেহ কেহ মনে করিয়াছেন যে শূন্য ও সহজ সম্বন্ধে দাদুর সব কথাই বুঝি বলা হইয়া গিয়াছে। বস্তুতঃ তাহা হয় নাই। তবে সে বিষয়ে দাদুর মত কি ছিল, মোটামুটি তাহার একটা ধারণা দেওয়ার চেষ্টা করা হইয়াছে মাত্র।

শূন্য ও সহজ সম্বন্ধে দাদুর বহু স্থানে বহু বাণী আছে। তাহার কিছু কিছু এই অংশে দেখাইতে চাই। ইহা ছাড়াও এই বিষয়ে তাঁহার বহু বাণী রহিয়া গিয়াছে। তবে ইহা দ্বারা “শূন্য ও সহজ” সম্বন্ধে দাদুর কি মত ছিল তাহা মোটামুটি বুঝা যাইবে।

এই অংশে উদ্ধৃত বাণীগুলি অধিকাংশই দাদুর শব্দ বা সঙ্গীত ভাগ হইতে উদ্ধৃত। সাধারণ বাণীও দুই একটা আছে। সমস্তই দাদুর অঙ্গবন্ধ, সংগ্রহ হইতে গৃহীত।

সহজ কথাটি ধর্মের সাধনায় খুবই বড় কথা। কারণ, সাধনাতে সহজ [স্বাভাবিক] হওয়ার চেয়ে আর কি বড় লক্ষ্য হইতে পারে? রামানন্দ কবীর নানক প্রভৃতি সকলেই সাধনাতে সহজ হইতেই চাহিয়াছেন। তবে দুর্ভাগ্যক্রমে মানুষ, আপনার নির্মল পবিত্র মানবধর্ম ভুলিয়া, আপনাকে পশুধর্মী মনে করিয়া, সেই ভাবের সহজকেই মনে করিয়াছে সহজ। বিশেষ করিয়া এই দুর্গতি ঘটিয়াছে বাংলাদেশে। কাজেই এই দেশে “সহজ” ও “সহজিয়া” বলিতে সকলেরই চিত্ত ওঠে বিমুখ হইয়া। ইহা বড়ই দুর্ভাগ্যের কথা যে শুধু প্রয়োগ ও ব্যবহারের দোষে এত বড় একটি সত্য আমাদের ধর্ম-সাধনা হইতে হইবে নির্বাসিত। এত বড় ক্ষতি সাধনার পক্ষে অসহনীয়। যেমন করিয়া হউক এই ভ্রান্তি দূর করাই চাই।

সহজ বলিতে কেহ বা বুঝেন উল্লিঙ্গোপভোগের স্রোতে আপনাকে অবাধ-ভাবে ছাড়িয়া দেওয়া, অথবা নিশ্চেষ্টভাবে আপনাকে কোনো একটা স্রোতে

ভাসাইয়া দেওয়া। ইহা হইল ঘোর তামসিকতা। সঙ্কল্পের দ্বারা দীপ্ত হইতে হইবে ও তাহাতে জীবনের সর্বাংশ দীপ্ত করিতে হইবে। জীবনের অল্প অংশই আমাদের জানা, অধিকাংশই অজানা।

কেহ বা এই নিশ্চেষ্টতার দোহাই দেন ভগবৎকৃপার বুলী আওড়াইয়া। কিন্তু যাবৎ আমরা কামনা বাসনার পাশব লোকে আছি তাবৎ সে দোহাই পাড়িলে চলিবে না। ততদিন ভিতরে বাহিরে আপনাকে হইবে চালাইতে। আত্ম-কল্যাণ ও সর্ব-কল্যাণের দ্বারা আপনাকে করিতে হইবে নিয়মিত। যখন এই কামনার পশুবন্ধন যাইবে ঘুচিয়া, যখন জীব হইবে শিবভাবাপন্ন, তখনই আপনাকে সেই বিশ্বচরাচরব্যাপী ভাগবত সহজ ধারায় ছাড়িয়া দেওয়া চলে। কাষ্ঠ আপনাকে ধারায় ভাসাইয়া চলে দেখিয়া, লৌহ যদি আপনাকে লঘু না করিয়াই জলে ভাসায় তবে তার নাম আত্মঘাত বই আর কি ?

সেই সহজ অবস্থায় পৌঁছিলে সাধনা শুধু ধর্ম্মে কর্ম্মে বা আচারে অন্তর্ভুক্ত বন্ধ রহে না। তখন সাংসারিক জীবনযাত্রা হইতেই একেবারে সাধনার করিতে হয় আরম্ভ। তখন আমাদের জীবনের সর্বক্ষেত্রে নিরন্তর চলিবে সহজ সাধনা, তার কোথাও তখন থাকিবে না টানাটানি। সাধনার জন্ত আমাদের জীবনযাত্রাকেও করিতে হইবে সহজ। জীবন যাত্রা যদি সহজ করিতে হয় তবে, “কিছুই কৃত্রিম-ভাবে আটকাইয়া সঞ্চয় করিয়া ধরিয়া রাখা চলিবে না, মিথ্যা ও বুটা চলিবে না, যাহা কিছু আসে তাহা সকলকে বিতরণ করিয়া ও সজে সজে নিজে সম্ভোগ করিয়া হইবে চলিতে। পূর্ণ নদীর প্রবাহের মত প্রাপ্ত সম্পদকে করিতে হইবে ব্যবহার, কারণ ধারার মত যাহা আসে ও যায়, তাহাই যায়।”

রোক ন রাখে কঠ ন ভাখে

দাদু খরটে খায়।

নদী পূর পরবাহ জ্যোঁ

মায়া আরৈ জাই ॥

(মায়া অংগ, ১০৫)

মায়ার ধর্ম্মই হইল নিরন্তর আসা যাওয়া। আসলে মায়ার কোনো দোষ নাই। তাহাকে স্থায়ী নিত্য বস্তু ভাবিয়া ধরিয়া রাখিতে গেলেই তাহা হইয়া

যায় ঝুটা । তাহাকে সঞ্চয় না করিয়া ব্যবহার কর, দেখিবে তাহার কোনো দোষ নাই । দোষ তাহারই, যে লোভবশতঃ তাহাকে করিতে গেল সঞ্চয় ।

মানুষের সঙ্গে ব্যবহারেও এই সহজকেই করিতে হইবে সাধনা । “কাহারও সঙ্গে বাদ বিবাদে কাজ নাই, জগতের মধ্যে থাকিয়াও থাকিতে হইবে নির্লিপ্ত । আপনার মধ্যেই আত্মবিচার করিয়া স্বভাবে সমদৃষ্টি সাধনা করিয়া থাকিতে হইবে সহজের মধ্যে ।”

বাদ বিবাদ কাহু সৌ নাহী

মাতি জগত ধৈ ন্যারা ।

সমদৃষ্টি স্মৃভাঈ সহজ মৈ

আপতি আপ বিচারা ॥

(রাগ গোড়ী, শব্দ ৬৬)

এই সমদৃষ্টি না হইলে ব্যর্থ বাদ বিবাদও মেটে না, নির্লিপ্ত হওয়াও চলে না । আত্মার মধ্যে ঐক্য-বোধের উপলব্ধি হইলেই ঘটে বিশেষ সমদৃষ্টি । প্রথমে অন্তরে ঐক্যকে উপলব্ধি করিতে হয় । পরে জন্মে বিশ্বময় ঐক্য-বোধ ও সমদৃষ্টি । অন্তরের মধ্যেই সহজ স্বরূপ, সেই অল্পম তত্ত্বের সৌন্দর্য্য দেখিলে মন যায় মুগ্ধ হইয়া । তাই দাদু বলেন, “অন্তরের নয়নে অন্তরের মধ্যেই সদাই নিরখিতেছি সেই সহজ স্বরূপ । দেখিতেই মন গেল মুগ্ধ হইয়া, অল্পম সেই তত্ত্ব । সেখানে ভগবান উপবিষ্ট, সেখানে সেবক স্বামীর সঙ্গেই বিরাজিত । অন্তরের মধ্যেই দেখিলাম ভয়ের অতীত সেই ধাম শোভমান, সেখানে সেবক-স্বামী যোগযুক্ত । অনেক যতন করিয়া আমি সেখানে পাইলাম অন্তর্য্যামীকে ।”

মধি নৈন নিরখৌ সদা সো সহজ সরূপ ।

দেখত হী মন মোহিয়া, তৈ সো তত্ত্ব অনূপ ॥

* * * * *
সেরগ স্বামী সংগি রঠৈ বৈঠৈ ভগবান্ । ॥

নিঠৈ স্তান স্মৃভাত সো তই সেরগ স্বামী ।

অনেক জতন করি পাইয়া মৈ অন্তরজামী ॥

(রাগ রামকলী, ২০৫ শব্দ)

এই উপলক্ষি পাইতে হইলে চাই শুধু প্রেমের ঐকান্তিকতা। এখানে বাহ্য ক্রিয়া-কর্ম, সাধনা-সিদ্ধির বা উপায়ের কোনো সার্থকতা নাই। তাই দাদু বলেন, “আমার তপও নাই, ইচ্ছিয় নিগ্রহও নাই, তীর্থ পর্যটনও আমার নাই। দেবালয়, পূজা এসবও আমার নাই, ধ্যান ধারণাও কিছু আমার নাই। যোগ যুক্তিও কিছু আমার নাই, না আমি কিছু জানি সাধনা। দাদু এক বিগলিত রত হইয়া আছে ভগবানে, ইহাতেই হে প্রাণ, কর প্রত্যয়।” কারণ “স্বপ্ন হরিই আমার একমাত্র অবলম্বন, তিনিই আমার তারণ তিনিই আমার তরণ।”

না তপ মেরে ইঞ্জী নিগ্রহ না কুছ তীরথ ফিরণা।
 দেবল পূজা মেরে নাই ধ্যান কছ নহি ধরণা ॥
 জোগ জুগতি কছ নহি মেরে না মৈ সাধন জানেী।
 দাদু য়েক গলিত গোবিংদ সৌ ইহি বিধি প্রাণ পতীজৈ ॥
 “হরি কেবল এক অধারা।
 সোই তারণ তিরণ হমারা ॥”

(রাগ আসাররী, ২১৬ শব্দ)

বাহ্য ক্রিয়া কর্মে আচারে অনুষ্ঠানে তো ইহা পাইবার কথা নহে। তাই দাদু কহিলেন, “ঘরের মধ্যেই পাইলাম ঘর (আশ্রয়), তাহার মধ্যেই তো সমাহিত হইয়াছে সহজ তত্ত্ব, সদগুরুই তাহার সন্ধান দিলেন বাতাইয়া।

সেই অন্তরের সাধনাতেই সবাই আসিল ফিরিয়া, তিনি আপনিই দেখাইলেন আপনাকে। মহলের কপাট খুলিয়া দিয়া তিনিই দেখাইয়া দিলেন স্থির অচঞ্চল স্থান।

ইহা দেখিতেই ভয় ও ভেদ আর সকল ভরম পলাইল দূরে, সেই সতোই গিয়া মন হইল যুক্ত। কায়ার ও স্থলের অতীত ধামে যেখানে জীব যায় সেখানেই সেই ‘সহজ’ সমাহিত।

এই সহজ সদাই স্থির নিশ্চল, ইহা কখনই চঞ্চল নয়, এই সহজই বিশ্বনিখিল পূর্ণ করিয়া। ইহাতেই আমার মন হইয়া রহিল যুক্ত, ইহার অতিরিক্ত আর কিছুই (বৈতত্ত্ব) নাই।

আদি অনন্ত পাইলাম সেই ঘর, এখন মন আর যাইতে চায় না অন্তর ।
হে দাদু সেই এক রঙেই লাগিল রঙ্গ, তাহাতেই রহিল মন সমাহিত হইয়া ।”

ভাঙ্গি রে ঘর হী মৈ ঘর পায়া,
সহজ সমাই রহো তা মাহী, সতগুর খোজ বতায়ী ॥
তা ঘর কাজি সবে কিরি আয়া, আটপ আপ লখায়ী ।
খোলি কপাট মহল কে দীন্হে, খির অস্থান দিখায়ী ॥
ভয় ঔ ভেদ ভর্ম সব ভাগা, সাচ সোই মন লাগা ।
প্যাংড পরে জই। জির জাঠে, তামৈম সহজ সমায়ী ॥
নিহচল সদা চলৈ নহী কবহুঁ দেখ্যা সব মৈ সোই ।
তাহী সৌ মেরা মন লাগা, ঔর ন দৃজা কোই ॥
আদি অনন্ত সোই ঘর পায়া, ইব মন অনন্ত ন জাঈ ।
দাদু এক রংগৈ রংগ লাগা, তামৈম রহা সমায়ী ॥

(রাগ গৌড়ী, ৬৮ শব্দ)

অস্তরের মধ্যে যে ঐক্য যে যোগ তাহাতেই পরমানন্দ । এই উপলক্ষিই
তো যথার্থ জ্ঞান, তাই দাদু বলিতেছেন,

“এমন জ্ঞানের কথাই বল, মন জানী । এই অস্তরের মধ্যেই তো বিরাজ-
মান সহজ আনন্দ ।”

এসা জ্ঞান কথো মন জানী ।

ইহি ঘরি হোই সহজ সুখ জানী ॥

(রাগ গৌড়ী, ৭০ শব্দ)

এখানে ঘটের মধ্যে কায়াযোগের কথাও আছে । বাহিরে যেমন গঙ্গা
যমুনা সরস্বতীর যোগে ত্রিবেণী-সঙ্গম, ভিতরেও তেমনই ঈড়া পিঙ্গলা সূর্য্যার
যোগে ত্রিবেণী যোগ । কিন্তু সে সব কথা সাধারণ সকলের জন্ত নয়, বিশেষজ্ঞেরই
তাহাতে আনন্দ । তাই তাহা আর এখানে উল্লেখ করিলাম না ।

সকলের পক্ষে সমান ভাবে গ্রহণীয় একটি ত্রিবেণীর মর্ম দাদু বলিতেছেন ।

“সহজ আত্ম-সমর্পণ (self-surrender) স্বরণ ও সেবা এই তিনের যোগেই এই ত্রিবেণী । এই ত্রিবেণীর সঙ্গম কূলেই করিতে হয় স্নান । ইহাই তো সহজ তীর্থ ।”

সহজ সমর্পণ স্মিরণ সেবা
ত্রিবেণী তট সংগম সপরা ॥

রাগ গৌড়ী, ৭২ ।

এই যুক্ত ধারার সহজ ত্রিবেণীতে স্নানেই মুক্তি । কিন্তু এই ত্রিবেণী যে অস্তরের মধ্যে, বাহিরে নয় । তাই দাদু বলেন,—

“কায়ার অস্তরেই পাইলাম ত্রিকুটির তীর ; সহজেই তিনি আপনাকে করিলেন প্রকাশ, সকল শরীরে রহিলেন তিনি ব্যাপ্ত হইয়া ।

কায়ার অস্তরেই উপলব্ধি করিলাম সেই নিরন্তর নিরাধার, সহজেই তিনি আপনাকে করিলেন প্রকাশ, এমনই তিনি সমর্থ সার ।

কায়ার অস্তরেই প্রত্যক্ষ করিলাম তিনি অসীম অনাহত বাজাইতেছেন বেণু ; শূন্য মণ্ডলে যাইয়া সহজেই তিনি আপনাকে করিলেন প্রকাশ ।

কায়ার অস্তরেই দেখিলাম সকল দেবগণের দেব ; সহজেই সেই দেবদেব আপনাকে করিলেন প্রকাশ, এমনই তিনি অলখ অনির্কচনীয় ।”

কায়ার অস্তরে পাইয়া ত্রিকুটি করে তীর ।

সহজে আপ লখাইয়া ব্যাপ্ত্য সকল শরীর ॥

কায়ার অস্তরে পাইয়া নিরন্তর নিরাধার ।

সহজে আপ লখাইয়া ঐসা সমর্থ সার ॥

কায়ার অস্তরে পাইয়া অনহদ বেন বাজাই ।

সহজে আপ লখাইয়া শূন্য মণ্ডল মৈ জাই ॥

কায়ার অস্তরে পাইয়া সব দেবন কা দেব ।

সহজে আপ লখাইয়া ঐসা অলখ অভেব ॥

পরচা অংগ, ১০-১৩ ।

অন্তরে মধ্যে প্রবেশ করিয়া এই লীলারস সন্তোগ করিতে হইলে অহমিকাকে করিতে হইবে ক্ষয়। অহমিকাকে আঁকড়াইয়া ধরিয়া থাকিলে সেই সহজ মূল্যধারকে পাওয়া কঠিন। দাদু বলেন,—

“অহমিকাকে যদি কিছুই-না বলিয়া জান তবেই তুমি পাইবে প্রিয়তমকে। যেই বিশ্বমূল বিশ্বাধার হইতে এই অহম্ হয় উপজিত সেই সহজকেই লও চিনিয়া।

‘আমি’, ‘আমার’ এই সব যদি লুপ্ত করিয়া দিতে পার তবেই তুমি পাইবে প্রিয়তমকে। ‘আমি’ ‘আমার’ যখন সহজেই গেল মিলাইয়া তখনই হয় নির্মল দরশন।”

তোঁ তুঁ পাঁরৈ পীরকৌ আপা কছু ন জান।

আপা জিস থৈ উপজৈ সোই সহজ পিছান ॥

তোঁ তুঁ পাঁরৈ পীরকৌ মৈঁ মেঁরা সব খোই।

মেঁ মেঁরা সহজৈঁ গয়া তব নির্মল দর্শন হোই ॥

জীৱত মৃতক কোঁ অংগ, ১৬-১৭

সেই মূল্যধার সহজকে পাইতে হইলে “নেতি অস্তি” [negative-positive] দুই প্রকার সাধনাই প্রয়োজন। এট “নেতি”র মধ্য দিয়াই “অস্তির” মধ্যে হয় পৌঁছিতে। তাই দাদু বলেন,

“প্রথমে মার তন্তু মনকে, ইহাদের অভিমানকে ফেল পিসিয়া, পরিশেষে আন আপনাকে বাহির করিয়া : তার পর ডুবিয়া যাও সেই সহজের মধ্যে।”

পহলী তন মন মারিয়ে ঈনকা মর্দৈ মান।

দাদু কাটে অংতমৈঁ পীঁছে সহজ সমান ॥

জীৱত মৃতক কোঁ অংগ, ৪০

“জাগ্রত লোক যখন ঘুমায় তখন যেমন তার মন শরীরকে যায় ছাড়াইয়া। তেমন করিয়া দৃষ্ট জগতকে যদি পারা যায় অতিক্রম করিতে, তবেই সম সহজেই সজ্ঞে যুক্ত করিয়া আনা যায় দ্যান ও লয়কে।”

যৌঁ মন তজৈঁ সরীর কোঁ জেঁয়া জাগত সো জাই।

দাদু বিসর্গৈঁ দেখতাঁ সহজৈঁ সদা লোঁ লাই ॥

লৈ কোঁ অংগ, ৫৬

“সেই হরি-জল-নীরের নিকটে যেই আসিলাম, তখনই বিন্দু বিন্দুতে মিলিয়া সহজে হইলাম সমাহিত ।”

হরি জল নীর নিকটি জব আয়া

তব বৃন্দ বৃন্দ মিলি সহজ সমায়া ॥

রাগ গোড়ী, ৬৪ ।

সকল গগন ভরিয়াই সেই হরিরস । এই প্রেম-রসের সহজ-রসের নেশা নিরন্তর থাকে লাগিয়া । এই রসে রসিক জন সদাই করে অসীম গগনে অবস্থিতি । দাদু বলেন,—

“গগন মাঝারে নিত্য করে অবস্থিতি, প্রেম পেয়ালার সহজ নেশা ।

হে দাদু, যে এই রসের রসিক, সে এই রসেই রহে মত্ত । রাম-রসায়ন পান করিয়াই সে নিরন্তর রহে ভরপুর তৃপ্ত ।”

রহৈ নিরন্তর গগন মংঝারী ।

প্রেম পিয়লা সহজ খুমারী ॥

দাদু অমলী ইহি রস মাতে ।

রাম রসাইন পীরত ছাকে ॥

রাগ আসাররী, ২৩৯ ।

এই নিত্য সহজ রসের যে রসিক সে সকল মলিনতার অতীত । পাপপুণ্য তাহাকে স্পর্শ করিতে পারে না । দাদু বলেন,

“বাবা কে এমন যোগী জন, যে অঙ্জন ছাড়িয়া রহে নিরঙ্জন, সদা সহজ রসের যে ভোগী ?

পাপ পুণ্য কখনও তাহাকে পারে না করিতে লিপ, দুই পক্ষেই সে অতীত । ধবণী আকাশ উভয়েবট সে উপরে, সেখানে যাইয়া সে হয় রসলীলায় রত ।”

বাবা কো ঐসা জন জোগী ।

অঙ্জন ছাড়ে রহৈ নিরঙ্জন সহজ সদা রস ভোগী ॥

পাপ পুংনি লিপৈ নহিঁ কবহুঁ দোঈ পখ রহিতা সোই ।

ধবণি আকাস তাহি থৈঁ উপরি, তহাঁ জাই রত হোই ॥

রাগ রামকলী, ২১০ ।

“সেখানে পাপ পুণোর বৈত কিছুই নাই, সেখানে অলখ নিরঞ্জন স্বয়ং
বিরাজমান, সেখানে স্বামী সহজে বিরাজিত, সকল ঘটেই সেই অন্তর্ধামী।”

তই পাপ পুংগি নহিঁ কোঈ ।

তই অলখ নিরঞ্জন সোঈ ॥

তই সহজি রহৈ সো স্বামী ।

সব ঘটি অংতরজামী ॥

রাগ রামকলী, ২০৮ ।

কামনার কল্পনার অতীত সেই প্রিয় ও প্রেমময় পূর্ণ ব্রহ্ম । দাদু বলেন,
“কখনই করিও না কামনা কল্পনা, (প্রত্যক্ষ উপলক্ষি কর) প্রিয়তম সেই পূর্ণ
ব্রহ্ম । হে দাদু, এত পথেই পৌছিয়া কুল পাইয়া সেই সহজ তত্ত্বকে কর আশ্রয় ।”

কাম কল্পনা কদে ন কোঁজৈ পূরণ ব্রহ্ম পিয়ারা ।

ইতি পংগি পছঁচি পার গতি দাদু, সো তত সহজি সংভারা ॥

রাগ গোড়ী, ৬৬ ।

কামনা কল্পনার অতীত নিশ্চল নয়ন বিনা সেই “রূপারূপ” “গুণাগুণ”
ভগবানকে করা যায় না উপলক্ষি । একমাত্র “সহজ”ই এই লীলা পারে করিতে
প্রত্যক্ষ । গুরুর মত হৃদয় পর নহে এই “সহজ”,—প্রিয়তমা সখীর মত
সে অসুরজ । তাই দাদু কহিলেন, “হে আমার প্রিয়সখীটি, হে সহজ, তুই নিশ্চল
নয়নে দেখ চাহিয়া, ঐ যে রূপ-অরূপ গুণ-নিগুণময় ত্রিভুবনপতি ভগবান ।”

সহজ সহেলড়ী হে, তুঁ নিশ্চল নৈন নিহার ।

রূপ অরূপ গুণ নিগুণ মৈ, ত্রিভুবন দেব মুরার ।

রাগ রামকলী, ২০৭ ।

ঠাহাকে দেখাউ হইল পরমানন্দ, তাহাউ পরম সমাধি । ঠাহাকে দেখা
মাত্রই পূর্ণ ব্রহ্মের মধো তনুমন প্রাপ সকলই যায় সহজে সমাহিত হইয়া ।

পূর্ণ ব্রহ্মের মধো যে সহজ সমাধি, তাহান আনন্দ উপলক্ষি করিলেও বর্ণনা
করা অসম্ভব । দাদু বলেন,

“স্থগিত হইয়া হারিয়া গেল মন, তনু তো যায় না কহা, সহজেব মধো

সগাধির মধ্যে রহ আপন লয় লইয়া। সাগরের মধ্যে বিন্দু, কেমন করিয়া
কবিবে তোল। আপনিই যে অবোল, কি বলিয়া কবিবে বর্ণনা ?”

থকিত ভয়ো মন কহো ন জাই।

সহজি সমাধি রহো লো লাঙ্গি ॥

সাইর বৃন্দ কৈমৈঁ করি তোলৈ।

আপ অবোল কথা কহি বোলৈ ॥

রাগ আসারী, ২৪৪।

না-ই বা করা গেল বর্ণনা, সেই সহজই পরম আনন্দ। এই আনন্দই
রসিক জনের জীবনের সারসর্কস্ব। দাদু বলেন,

“সম্বরে যে রাখে এককে, মন ইন্দ্রিয়কে যে না দেয় পসার করিতে, সহজ
বিচাবেব আনন্দে যে রহে ডুবিয়া, হে দাদু, সেই তো মহা-বিবেক।”

সহজ বিচার সুখমৈঁ রহৈ দাদু বড়া বমেক।

মন ঠংদ্রী পসরৈঁ নহীঁ অস্তুরি রাথৈ এক ॥

বিচার কৌ অংগ, ৩১।

মন-ইন্দ্রিয়ের সেখানে নাই পসার। মিথ্যা সেখানে পৌঁছিতেই পারে না।
মিথ্যার সমস্তাই সেখানে নাই।

“সেই সত্যের মধ্যে মিথ্যা পৌঁছিতেই পারে না। সেই সত্যের মধ্যে
কোনো কলঙ্কই লাগে না। দাদু বলেন, সত্য-সহজে (চিত্ত) যদি হয় সমাহিত
তবে সব ঝুটা যায় বিলীন হইয়া।”

সাঁচৈ ঝুঠন পূজৈ কবহুঁ

সতি ন লাগৈ কাঙ্গি।

দাদু সাচা সহজি সমান।

ফিরি রৈ ঝুঠ বিলাঙ্গি ॥

রাগ রামকলী, ১৯১।

সত্য মিথ্যার পাপ-পুণ্যের নৈতিক বন্ধনেই সাধারণতঃ সকলে অভ্যস্ত।
কিন্তু সেই নৈতিক বন্ধন অতি সঙ্কীর্ণ, অতি ক্ষীণ দুর্বল। তাব মধ্যে

নিত্য ধর্মই বা কোথায়? সহজের যে মুক্তি, তার মধ্যে এমন একটি মুক্ত সামঞ্জস্য আছে যাহা নিত্য, যাহা সকল কর্ম বন্ধনের অতীত।

“কর্মবন্ধন ঘুচিয়া গেলেও সহজের বন্ধন কখনই যায় না ছুটিয়া। বরং সহজের সঙ্গে বন্ধ হইলেই সকল কর্ম-বন্ধন যায় কাটিয়া। তাই সহজের সঙ্গেই হও বন্ধ, সহজের মধ্যেই রহ ভরপূর্ব নিমজ্জিত যুক্ত হইয়া।”

সহজৈঁ বাঁধো কদে ন ছুটে

কর্ম বন্ধন ছুটি জাউ ।

কাটে করম সহজ সৌ বাঁধে

সহজৈঁ রঠৈ সমাঈ ॥

রাগ গৌড়ী, ৭৩।

“স্বন্দর সহজের মধ্যে যে আছে ভরপূর্ব নিমজ্জিত, যে জন সহজ রসে সিক্ত, সে আপনাকে করিখা দেয় উৎসর্গ, আপনাকে সর্গতোভাবে করে সে সমর্পণ।”

জে রস ভীনা ছাররি জারৈ

স্বন্দরী সহজৈঁ সংগ সমাঈ ॥

রাগ গৌড়ী, ৭১।

নিখিল সামঞ্জস্যের মূলে বিশ্ব সঙ্গীত। এই সঙ্গীতের যোগেই চরাচরের মধ্যে ঐক্যের সামঞ্জস্য। নিদ্রায় অচেতনতায় সেই যোগ সেই ঐক্যের সামঞ্জস্য হইতে হই ব্রহ্ম। ক্ষুদ্রতার ও বৃহত্তার সঙ্গীর্ণ মোহের মধ্যেই সবাই নিদ্রিত। সেই উদার সঙ্গীত শুনিয়াই সকলে জাগিয়া ওঠে শূন্য সহজে। দাদু বলেন,

“সেই এক সঙ্গীতেই মানুষ পায় উদ্ধার, জাগিয়া ওঠে শূন্য সহজে, অশ্রুবে অশ্রুরে রত হয় একেরই সঙ্গে, তখন আর কোনো স্ববসই বোচে না তার মুখে। সেই সঙ্গীতে ভরপূর্ব নিমজ্জিত সমাচিত হইয়াই মানব সেই পরমাঙ্গার সঙ্গুপে রহে অবস্থিত।”

এক সবদ জন উধরে, সুঁনি সহজৈঁ জাগে ।

অংতিরি রাতে এক সূঁ, সরস ন মুখ লাগে ॥

সবদি সমানা সনমুখ রঠৈ পর আতম আগে ॥

রাগ রামকলী, ১৬৭।

বিশ্ব সঙ্গীতে ভরপুর সেই সহজ শূন্য । এই ভরপুর শূন্যই হইল ব্রহ্মশূন্য । সেই ব্রহ্ম শূন্যে যখন সাধক পৌছায় তখন আর কোনো জপ-সাধনায় তাহার আর প্রয়াসের থাকে না প্রয়োজন । তখন “অখিল-ছন্দের” সাথে সাথে নিরস্তরই সহজে চলে তার “নগ-শিখ-জাপ” । তখনকার অবস্থা বুঝাইতে গিয়াই দাদু বলিতেছেন,

“ব্রহ্মশূন্য অধ্যায় ধামে (তুমি অবস্থিত), প্রাণ কমল মুখে কহ নাম, মন পবন মুখে কহ নাম, প্রেম ধ্যান (স্মৃতি) মুখে কহ নাম ।”

প্রাণ কমল মুখি নাম* কহ মন পরনা মুখি নাম ।

দাদু স্মৃতি মুখি নাম কহ ব্রহ্ম স্মৃতি নিজ ঠাম ॥

স্মিরণ কৌ অঙ্গ, ৭৪ ।

এই অখিল ছন্দের সঙ্গে ছন্দোময় হওয়াই হইল সহজ । সেই সাধনার জন্ত আপনাকে করা চাই শান্ত, স্থির, নিশ্চল । সেই সাধনার প্রসঙ্গেই দাদু বলেন,

“মন মানস প্রেমধ্যান (স্মৃতি) “সবদ” ও পঞ্চ ইন্দ্রিয়কে কর স্থির শান্ত । তাহার সহিত “এক-অঙ্গ” “সদা-সঙ্গ” হইয়া সহজেই কর সহজ রস পান ।

সকল-রহিত মূল-গৃহীত হইয়া অহমিকাকে কর অস্বীকার । সেই এককেই মনে মানিয়া অস্তরের ভাব ও প্রেমকে কর নিশ্চল ।

সেই পরম-পূর্ণ প্রকাশ হইলে হৃদয় হইবে শুদ্ধ, বুদ্ধি হইবে বিমল, রসনায় অধ্যায় নাম-রস প্রত্যক্ষ হইয়া অস্তর-ভাবে করাঃইবে অবস্থিতি ।

পরমায়ায় হইবে মতি, পূর্ণ হইবে গতি, প্রেমে হইবে রতি, ভক্তিতে হইবে অল্পবক্তি । সেই রসেই দাদু মগ্ন, তাহাতেই লয়-লীন বিগলিত, সেই রসেই পরম্পর মাখামাখি, সেই রসেই দাদু মত্ত ।”

মনসা মন সবদ স্মৃতি পাঁচৌ থির কীজৈ ।

এক অংগ সদা সংগ সহজৈ রস পীজৈ ॥

সকল রহিত মূল সহিত আপা নহিঁ জানৈ ।

অন্তর গতি নিশ্চল রতি য়েকৈ মনি মানৈ ॥

* “নাম” স্থলে রাম পাঠও আছে ।

হিরদৈ সুধি বিমল বৃধি পূরণ পরকাসৈ ।
 রসনা নিজ নাউ নিরখি অংতর গতি বাসৈ ॥
 আতম মতি পূরণ গতি প্রেম ভগতি রাতা ।
 মগন গলত অরস পরস দাদু রসি মাতা ॥

রাগ ধনাশ্রী ৪৩৭ সবদ, (ত্রিপাঠী) ।

রাগ ভৈরো ২০ সবদ, (দ্বিবেদী) ।

তাঁর দয়া বিনা অনশ্বের উপলক্ষি অসম্ভব । জীবনের তাহাট পরম
 সার্থকতা । সেই অবস্থার উপলক্ষি ৬ পংমানক তো বর্ণনা করা যায় না ।
 তবু দাদু বলিতেছেন,

“অখণ্ড অনন্ত স্বরূপ প্রিয়তমের, কেমন করিয়া করিবে বণিত (আলোচিত) ?
 শূন্য মণ্ডলের মধ্যে সেই সত্য স্বরূপ, নয়ন ভরিয়া লও সুধু তাহাকে দেখিয়া ।

লোচন-সার দেখিয়া লও তাহাকে . দেখ, তিনিই লোচন-সার । তিনিই
 প্রত্যক্ষ হইলেন দীপ্যমান ।

এমন প্রেমময় দয়াময় সহজেই আপনাকে আত্মনির্ভর করান যাহার কাছে
 প্রত্যক্ষ, সেই জনই তো প্রাণের প্রাণ প্রিয়তমের অখণ্ড অনন্ত স্বরূপ পায়
 উপলক্ষি করিতে ।”

অকল সরূপ পীরকা, কৈসৈ করি আলোচিয়ে ।

শূন্য মণ্ডল মাহিঁ সাচা, নৈন ভরি সো দেখিয়ে ॥

দেখো লোচন সারের, দেখো লোচন সার, সোঈ প্রগট হোঈ ॥

অকল সরূপ পীরকা, প্রাণ জীরকা, সোঈ জন পারঈ ।

দয়াবন্ত দয়াল ঐসৌ, সহজৈঁ আপ লখারঈ ॥

রাগ ধনাশ্রী, ৩৩ঃ সবদ (ত্রিপাঠী) ।

রাগ ভৈরো, ২৩ সবদ (দ্বিবেদী) ।

তাহার উপলক্ষি হইবে সে অম্বরলোকে বহু ব্যর্থ বস্তুতে ঠাসিয়া আছে
 আমাদের সেই অম্বরলোক । তাইতো তাহাকে প্রত্যক্ষ করার হয় না অবসর ।
 তাহার আবির্ভাবের জন্মই আমাদের অম্বর লোককে করা চাই শূন্য । এই শূন্যতা

নেতিধর্মাত্মক নহে। কারণ শূন্য হইলেই আমাদের অন্তর লোক দেখি তাঁহার সহজ রসে ভরপুর। এই রস সরোবরেই আত্মকমল ব্রহ্মকমল উঠে বিকশিত হইয়া।

শূন্য সরোবরে আত্মকমলে পরমপুরুষের প্রেম বিহারের সেই অবস্থার কথা বলিতে গিয়াই দাদু বলেন,

“ভগবান সেই আত্মকমলে প্রত্যক্ষ আছেন বিরাজিত। যেখানে সেই পরম পুরুষ বিরাজমান সেখানে ঝিলমিল ঝিলমিল করিতেছে জ্যোতি।

কোমল কুসুম দল, নিরাকার জ্যোতি জল : শূন্য সরোবর যেখানে, নাই সেখানে কূল কিনারা : হংস হইয়া দাদু সেখানে করে বিহার, বিলসি বিলসি পূর্ণ কবে আপন সার্থকতা।”

রাম তহঁা পরগট রহে ভরপুর।

আতম কমল জহঁা, পরমপুরুষ তহঁা,

ঝিল মিলি ঝিল মিলি নূর ॥

কোমল কুসুম দল, নিরাকার জ্যোতি জল,

বার নহিঁ পার।

শূন্য সরোবর জহঁা, দাদু হংসা রহে তহঁা,

বিলসি বিলসি নিজ সার ॥

রাগ ধনাশ্রী ৪৩৮ সবদ (ত্রিপাঠী)

বাগ ভৈরো, ২৩ সবদ (দ্বিবেদী)

আমাদের অন্তরেরই মধো সেই লীলা, তাহার জন্ম বাহিরে কোথাও খাইবার প্রয়োজন নাই। দাদু বলেন,

“ক্ষণমাত্রও দূরে না খাইয়া নিকটেই দেখিব নিরঞ্জনকে। বাহরে ভিতরে এক-রূপ, সব কিছু আছে ভরপুর পরিপূর্ণ করিয়া।

সদগুরু বগন দেখাইলেন সেই রহস্য, তখনই পাইলাম সেই পূর্ণতাকে। সহজেই আসিলাম অন্তরের মধো, এগন নয়নে নিরন্তর সেই লীলাই করিব প্রত্যক্ষ।

সেই পূর্ণ স্বরূপের সহিত পরিচয় হইতেই পূর্ণ মতি উঠিল জানিয়া। জীবনের মধোই মিলিল জীবনস্বরূপ ও তাঁর প্রিয়তমা। এমনই আমার সৌভাগ্য !”

নিকটি নিরঞ্জন দেখিহৌ, ছিন দূরি ন জাঈ ।
 বাহরি ভীতরি য়েকসা, সব রছা সমাঈ ॥
 সতগুর ভেদ লখাঈয়া, তব পূরা পায়া ।
 নৈনন হীঁ নিরখুঁ সদা ঘরি সহজৈঁ আয়া ॥
 পূরে সৌ পচা ভয়া, পুরী মতি জাগী ।
 জীর জাঁনি জীরনি মিল্যা, ঐসৈঁ বড় ভাগী ॥

রাগ রামকলী, ২০৬ ।

যিনি বনমালী তিনিই আবার মনমালী । তাঁর পরশে সদা সর্বত্র
 উপজায় নবজীবন । তিনি অমৃতের সহজ লোকে শুধু যে বিরাজিত করেন
 তাহা নহে, তিনি মালীর মত সেখানে এমন মনোরম ফলবন করেন রচনা যে
 প্রেমময় স্বামী হইয়া আপনি তিনিই আসেন সেখানে প্রেমের রাস খেলিতে ।
 দাদু তাঁই বলেন,

“মোহনমালী ভবপুর ভরিয়া আছেন অমৃতের সহজলোকে । কচিহুই
 কোনে। রসিক সাধকজন জানে তাহার মর্থ ।

কায়া ফলবনের মধ্যেই মালী, সেখানেই করিলেন তিনি রাস রচনা ।
 সেবকের সঙ্গে খেলা করিতে সেখানে দয়া করিয়া স্বামী আপনি আসিয়া
 হইলেন উপস্থিত ।

বাহির ভিতর সব নিরস্তুর করিয়া সব কিছুর মধ্যে তিনি রহিলেন ভবপুর
 হইয়া । প্রকটই হইল গুপ, গুপই হইল প্রকট ; ইন্দ্রিয় ও বুদ্ধির অতীত
 অবর্ণনীয় সেই লীলা ।

অনির্বচনীয় লীলা সেই মালীর, কহিতে গেলেও যায় না বলা, অগমা
 অগোচর চলিয়াছে আনন্দ, এই মতিমাই দাদু করে গান ।”

মোহন মালী সহজি সমানী

কোই জানৈঁ সাধ সূজানী ॥

কায়া বাড়ী মাইই মালী তহঁ। রাস বনায়া ।

সেবগ সৌ স্বামী খেলন কোঁ আপ দয়া করি আয়া ॥

বাহরি ভীতিরি সর্ব নিরন্তরি সব মৈ রহা সমাই ।
 পরগট গুপত গুপত পুনি পরগট অরিগত লখ্যা ন জাঈ ॥
 তা মালী কী অকথ কহাঁণী কহত কহী নহিঁ আরৈ ।
 অগম অগোচর করত অনন্দা দাদু যে জস গারৈ ॥

রাগ বসন্ত, ৩৭১ ।

অপূর্ব তাঁহার রচনা শক্তি । তাঁহার রচনার মূল রহস্য হইল প্রেম ও আনন্দ । প্রেম আনন্দের ভাগবত রসে জীবন লতায় করেন তিনি অপূর্ব প্রাণ সঞ্চার । ফুল ফলে দিনে দিনে চলে তাহা ভরপুর হইয়া । দাদুরই বাণীতে দেখিতেছি,

“আনন্দে প্রেমে ভরপুর হইল এই আতম-লতা । ভাগবত রসের চলিয়াছে সেখানে সেচন, সেই সহজরসে মগন হইয়া দিনে দিনে বাড়িয়া চলিয়াছে সেই লতা ।

সহজ-রসেই রোপন সেচন ও পোষণ করেন সঙ্গুরু সেই লতা, সহজেই মগন হইয়া সেই লতা ছাইয়া ফেলিল অস্তুর-ঘর । সহজেই সহজেই নব পত্রাঙ্কুর-দল লাগিল সেখানে মেলিতে, হে অবধূত রায়, ইহাই করিলাম প্রত্যক্ষ অমৃতভব ।

সহজেই কুসুমিত হয় সেই আত্মাবলী, সদা ফল ফুল উপজায় ; কায়া পুষ্পবন সহজেই বিকশিত হইয়া ভরিয়া ওঠে নব জীবনে, কচিৎই কেহ জানে এই রহস্য ।

“হঠের” । সঙ্কীর্ণ জেদের) বশবর্তী মন-বলী দিন দিন যায় শুকাইয়া, সহজ হইলেই যুগ-যুগই পারিত সে থাকিতে জীবন্ত । হে দাদু, সহজ হইলে এই বলীতেই লাগে অমর অমৃত ফল, নিতা রস পান করে সহজের মধ্যে ।”

বেলী আনন্দ প্রেম সমাই ।

সহজৈঁ মগন রাম রস সীঁচৈ দিন দিন বধতী জাই ॥

সতগুর সহজৈঁ বাণী বেলী সহজি মগন ঘর ছায়া ।

সহজৈঁ সহজৈঁ কুঁপল মেলুঁতৈ জাণীঁ অবধুঁ রায় ॥

আত্মম বেলী সহজেঁ ফুলে সদা ফুল ফল হোই ।
 কায়া বাড়ী সহজেঁ নিপজেঁ জানেঁ বিরলা কোই ॥
 মন হঠ বেলী সূকণ লাগী সহজেঁ জুগি জুগি জীরে ।
 দাদু বেলী অমর ফল লাগেঁ সহজেঁ সদা রস পীরে ॥

রাগ রামকলী, ২০৩ ॥

অস্তরের মধ্যেই বিরাজিত যে, প্রিয় তাহার সঙ্গেই নিত্য চলুক সহজ
 রস পান । সকল কলায় ভরপুর তার ঐশ্বর্য । তিনিই আমার সর্বস্ব, তাহাকে
 বিনা জীবনে আর আমার আছেই বা কি ?

“আমার মনে লাগিয়াছে সকল কলা স্বরূপ, আমি নিশিদিন তাহাকেই
 ধরিয়াছি হৃদয়ে ।

হৃদয়ের মাঝেই হেরিলাম তাহাকে, নিকটেই প্রত্যক্ষ পাউলাম প্রিয়তমকে ।
 আপন অস্তরের মধ্যে নিবিড় করিয়া লও তাহাকে । তখন সহজেই পান
 করিবে সেই অমৃত ।

যখন সেই মনের সঞ্চিত যুক্ত হইল এই মন, তখনই জ্যোতি স্বরূপ জাগ্রত
 হইলেন জীবনে । যখন জ্যোতি স্বরূপকে পাউলাম, তখন অস্তরের মাঝেই
 একেবারে হইলাম অন্তপ্রবিষ্ট ।

যখন চিত্তে চিত্র হইল অন্তপ্রবিষ্ট, তখন হরি বিনা আর কিছুই রহিল না
 আমার জানে । জানিলাম, জীবনে আমার তিনিই জীবনস্বরূপ, এগন হরি
 বিনা আর কেহই নাহি ।

যখন পরম আস্থার সঙ্গে একত্রই হইল বাস, তখন অস্তরেই হইল পরম
 আস্থার প্রকাশ । প্রিয়তম প্রেমময় হইলেন প্রকাশিত, হে দাদু, তিনিই
 তেঁ আমার । একমাত্র । বন্ধু ।”

মেরা মনি লাগা সকল করা ।

তম নিস দিন তিরদৈ সো ধরা ॥

তম তিরদৈ মাইই তেরা ।

পীর পরগট পায়া নেরা ॥

সো নেরে হী নিজ লীজৈ ।
 তব সহজৈঁ অমৃত পীজৈ ॥
 জব মনহী সৌ মন লাগা ।
 তব জ্যোতি সুরুপী জাগা ॥
 জব জ্যোতি সুরুপী পায়।
 তব অংতিরি মাঁহিঁ সমায়া ॥
 জব চিত্তহি চিত্ত সমানাঁ ।
 হম হরি বিন ঔর ন জানাঁ ॥
 জানাঁ জীবনি সোজৈ ।
 হব হরি বিন ঔর ন কোজৈ ॥
 জব আতম একৈ বাসা ।
 পর আতম মাঁহিঁ প্রকাসা ॥
 পরকাসা পীর পিয়ারা ।
 সো দাদু মীংত হমারা ॥

রাগ গৌড়ী, ৭৯ ।

পরমাশ্রয়, সঞ্জে আশ্রয়, ব্রহ্মের সঞ্জে জীবের, এই নিবিড় মিলন কি বর্ণনা কবা সম্ভব ? অনিবচনায় সেই আনন্দের ঐশ্বর্য্য সঙ্গীতেই উঠে উচ্ছ্বসিত হইয়া । বাক্যে তেমন সঙ্গীতের ঠিক অনুবাদ কবা সম্ভব নয় । অস্তরের এই প্রেম মিলনের এই সহজ ভাবের আনন্দে দাদু গাহিতেছেন,

“হটল প্রকাশ, অতিশয় দীপ্যমান জ্যোতি, পরম তত্ত্ব তিনি হইলেন প্রত্যক্ষ । নিষ্কিন্ধার পরম সাদ হইলেন প্রকাশমান, ঋচিতেই কেত বোঝে এই রহস্য ।

পবমাশ্রয়, আনন্দ-নিধান, পরম শৃংগে চলিয়াছে লীলা । আনন্দে ভরপুর-নিমজ্জিত সহজ ভাব, জীব ব্রহ্মের চলিয়াছে মিলন ।

অগম নিগমও হইয়া যায় সুগম, দুস্তব ও যায় তরিয়। আদি পুরুষসনে নিরন্তর চলিয়াছে দরশ পরশ, দাদু পাঠিয়াছে সেই (সৌভাগ্য) ।”

হোই প্রকাস, অতি উজ্জাস,
 পরম তত্ত্ব সূত্রৈ ।
 পরম সার নির্বিবকার
 বিরলা কোঈ বূত্রৈ ॥
 পরম ধান সুখ নিধান
 পরম সুঁনি খেলৈ ।
 সচ্জ ভাঈ সুখ সমাঈ
 জীর ব্রহ্ম মেলৈ ॥
 অগম নিগম হোই সুগম
 ছুতর তিরি আরৈ ।
 আদি পুরুষ দরস পরস
 দাদু সো পারৈ ॥

রাগ মারু, ১৬১ ।

সীমা ও অসীম :

ভক্ত দাদুর বহু বহু বাণীই সীমা ও অসীম লইয়া। তাই এখানে তাঁহার মতামত খুব সংক্ষেপে তাঁহারই দুই চারিটি মাত্র বাণী দিয়া দেখান যাউক। যদিও ইহা ছাড়া তাঁর এই বিষয়ে আরও বহু চমৎকার চমৎকার বাণী আছে, তবু এই কয়টি বাণীব মনো এই বিষয়ে তাঁহার মনের ভাবটা মোটামুটি বুঝা যাইবে। এই সব বাণী দাদুর “অঙ্গবন্ধ” সংগ্রহ হইতেই সংকলিত।

সকল ভাবুক চিত্তের মূল প্রশ্নটি দাদু প্রকাশ করিয়া বলিতেছেন, “কি ভাবে, কেন এবং কেমনে এই জগৎ রচিত, হে স্বামী? এমন কি অপরূপ আনন্দ ছিল তোমার মনের মধ্যে? এই সৃষ্টির মধ্য দিয়া তুমি আপনাকেই চাও রূপ দিতে, প্রকাশিত করিতে? কি তোমার লীলাময় মন মানে না, তাই করিলে এই রচনা? কি এই লীলাই তোমার লাগে ভাল? কি তোমার অস্তরের ভাবকে মূর্তি দিতেই তোমার আনন্দ?”

কৈয়া করি যল্ জগ রচৌ গুসাঁঙ্গি ।

তেরে কোন বিনোদ মন মাঁহি ॥

কৈ তুম্হ আপা পরগট করণা ।

কৈ যল্ রচিলে মন নহিঁ মানা ॥

কৈ যল্ তুম্হ কৌ খেল পিয়ারা ।

কৈ যল্ ভারৈ কীন্হ পসারা ॥

রাগ আসাররী, ২৩৫ পদ ।

ভাষায় কে কবে এই প্রশ্নের উত্তর দিতে পারিয়াছে? যে সৃষ্টি তাঁহার প্রেমানন্দ হইতে উচ্ছ্বসিত, তাহার রহস্যও বুঝিতে হয় অস্তরের প্রেমানন্দ দিয়াই। বাক্যে কি তাহার মস্ত কখনও প্রকাশ করা যায়? তাই দাদু নিজেই তাঁহার পরেই বলিতেছেন, “বাক্যে কহিয়া বুঝাইবার নহে এই রহস্য।”

য়ল্ সব দাদু অকথ কহানৌ ॥

রাগ আসাররী, ২৩৫ পদ ৮

দাদুর কাছে লোকে আসিয়া যখন এই বিষয়ে প্রশ্ন করিত তখন তিনি বলিতেন, “যিনি এই মোহন সৃষ্টির লীলা করিলেন রচনা, তাঁহাকে গিয়া কর তুমি জিজ্ঞাসা—এক হইতে কেন করিলে এই বহুধা বিচিত্র রচনা, হে স্বামী তাহা কর তুমি বুঝাইয়া।”

জিন মোহনী লীলা রচী সো তুম্হ পুছৌ জাঈ ।

অনেক এক থৈ কোঁ কিয়ে সাহিব কহি সমঝাঈ ॥

হৈরাণ অঙ্গ—২৭ ।

নিতা অনাগুনস্ত পরব্রহ্মের রচিত এই সৃষ্টি : তাহা কেন তবে এমন অনিতা ও ক্ষণস্থায়ী ? এমন ক্ষণ-বিলীয়মান সৃষ্টিতে তাঁহারই বা কোন মহিমা ? এক দল জ্ঞানী বলিলেন, “এই সব সৃষ্টি মিথ্যা, মায়া, প্রপঞ্চ ; তাই উহা মলিন” । প্রেমী মরমী বলিলেন, “সে কি কথা ? এ যে অশ্রুরের আনন্দের লীলার প্রকাশ । এর তো নিতা নবরূপ হওয়াই চাই । মায়ের ভালবাসা সন্তানকে কখনও আলিঙ্গনে কখনো চুষনে, কখনো গানে, কখনো শাস্ত্র পরাণে ক্ষণে ক্ষণে নব নব রূপে কবে আত্মপ্রকাশ । তাই সক্ষ্যায় ক্ষণে ক্ষণে নূতন রাগলীলার মত অহেতুক নিতা নূতন উহার রূপ ও রঙ্গ ।”

আনন্দ তো সন্দাই চ'য় নিতা নূতন ভাবে আপন লীলার প্রকাশ । তাই কবি বলিলেন,

উহ সরজসি মার্গে চঞ্চলো যদ্ বিধাতা

অগণিতগুণদোষো হেতুশূন্যমুগ্ধঃ ।

সরভস ইব বালঃ ক্রীড়িতঃ পাংশুপূরৈঃ

লিখতি কিমপি কিঞ্চিৎ তচ্চ ভূয়ঃ প্রমাষ্টি ॥

বল্লভদেব সুভাষিতাবলি, ৩:৩৬ ।

“এই সৃষ্টিলীলার সংসারে চাতিয়া দেগিলাম, বিদাতা বসিয়া আছেন ধূলিময় পথে উপবিষ্টে চঞ্চল ক্রীড়াপরায়ণ শিশুর মত । অগণিত গুণ দোষ এই খেলার মধ্যে, তবু এই খেলার মধ্যে যে কোনো উদ্দেশ্যের তাগিদ নাই, এই আনন্দেই শিশুর মত তাঁহার মন মুগ্ধ । আনন্দে অধীর শিশুর মতই মুঠা মুঠা ধূলা লটুয়া চলিয়াছে তাঁহার খেলা ; ক্ষণে ক্ষণে কত কি-ই করিতেছেন

তিনি রচিত ও অঙ্কিত, আবার বার বার তাহা ফেলিতেছেন মুছিয়া।”
একবার আঁকা একবার মোছা—শিশুব মত চলিয়াছে তাঁহার এই অহেতুক
আনন্দের লীলা।

এই সব কথা উপর দাদু যে একটি নূতন কথা বলিলেন তাহার আর
তুলনা নাই। বিধাতা আটিষ্ট; শিল্পী। শিল্পী কি কখনো কোথাও বলিতে
পারিয়াছেন, “হ্যা, যাহা আমার মনে ছিল, ঠিক আমি তাহা তাহা রচনা করিতে
পারিয়াছি! এই রচনাতেই আমার চরম তৃপ্তি!”

বিধাতার অপরূপ প্রেমানন্দ কি কিছুতেই তৃপ্তি মানে? অসীমের সেই
ভাবানন্দের দুঃসহ ভার কোনো বিশেষ একটি রূপ অথবা কোনো সীমা কি
সহিতে পারে? তাই দাদু বলিলেন, “বলতো দাদু, সেই অলখ আল্লার প্রকাশ
কিরূপ? হে দাদু, সেই অসীমের নাই কোনো সীমা, তাই তাঁহার ভাব-
আনন্দের ভাবে রূপের পর রূপ ক্রমাগতই হইয়া চলিয়াছে চূর্ণ-বিচূর্ণ।”

দাদু অলখ অলাহ কা কহু কৈসা হৈ নূর।

দাদু বেহদ হৃদ নহী” রূপ রূপ সব চূব ॥ পরচা, ১০৩

এই কথাই তাঁহার শিষ্য রজ্জবজ্জী বলিলেন,

“ঘটী-যন্ত্র যেমন কূপের গভীরতা হইতে জল লইয়া উঠিয়া রিক্ত হইয়া
আবার নামিয়া যায় সেই গভীরে, পুনরায় পূর্ণ হইতে; তেমনি প্রতি রূপ ও
আকার [ঘট] সেই অতল গভীর হইতে অপরূপ আনন্দ-রস লইয়া হয়
প্রকাশ। সেই রসটুকু ঢালিয়া দিয়া রিক্ত ঘট আবার নামিয়া যায় সেই অতল
গভীরে, এমন করিয়াই হয় রূপের আগম ও রূপের নাশ।”

অতল কূপ থৈ” স্তম্ভর ভর্যা সব ঘট হোরৈ প্রকাস।

রীতা সব উতরে তহি” রূপ আগম রূপ নাস ॥

রূপে রূপে চলিয়াছে তাঁহার আনন্দের খেলা, তাই সকল রূপেই তাঁহার
সহজ বিহার। তাই তিনি নিরাকার সহজ শূন্য স্বরূপ। “সব ঘট ও সবারই
মধ্যে বিরাজমান সেই সহজ শূন্য। সর্ব রূপেই নিরঞ্জনের চলিয়াছে সহজ
লীলা বিহার, তাই কোনো বিশেষ রূপ ও আয়তনের গুণ পারে না তাঁহাকে
বন্ধ করিতে বা গ্রাস করিতে।”

সহজ সূঁনি সব ঠৌর হৈ সব ঘট সবহী মাঁহি ।

তহী নিরুংজন রমি রহা কোঠি গুণ ব্যাপৈ নাঁহি ॥

পরচা অংগ ৫৬,

তাই রজ্জব বলিলেন. “দেখ, রূপের পর রূপ আনন্দ-ধারার মত তাঁহা হইতে পড়িতেছে ঝরিয়া ।”

দেখু রূপ সবহী ঝরৈ তাসৌ আনন্দ ধার ॥

পর্যন্তের মধ্যে ধারা যদি একটি বিস্তৃত আধার পায় তবে সঞ্চিত হইয়া সেখানেই একটি হ্রদ বা সরোবর হয় রচিত । বিশ্ব সংসার হইল সেই আধার যেখানে তাঁহার আনন্দ ধারা সঞ্চিত হইয়াছে এক অপরূপ সরোবর রূপে । তিনি পবিত্র, পবিত্র তাঁর ধারা, তাঁহার আনন্দ-ধারার সরোবরও তাই পবিত্র ও অ'নন্দময় । তাহা অশুচি মায়া মিথ্যা বা ফাঁকী মরীচিকা নহে । দাদু বলিতেছেন, “এই বিশ্ব হইল হরি-সরোবর, সর্বত্র সর্বভাবে পূর্ণ । যেখানে সেখানে পান কর এই বস ।”

হরি সরবর পূরণ সর্বৈ জিত তিত পানী পীর ।

পরচা অংগ, ৬১

আসক্তি থাকিলে মন হয় অশুচি, তখন এই হরি-সরোবরের রস পান করা হয় অসম্ভব :

এই পবিত্র প্রেম সরোবরে সীমা অসীমের নিত্য-যোগ-লীলা । আত্মা ও পরমাত্মার চলিয়াছে সেখানে তরঙ্গে তরঙ্গে নিত্য দোললীলা । “হে দাদু, প্রেমের এই সাগর, আত্মা ও পরমাত্মা এক-রসের আনন্দে রসিক হইয়া দুইজনে খাইতেছে ইহাতে দোলা ।

হে দাদু, সহজের এই সাগর, সেখানে চলিয়াছে প্রেমের তরঙ্গ । সেখানে স্বপ্নে ভ্রুপে দোল খাইতেছে আত্মা আপন স্বামী'র সঙ্গে ।

হে দাদু, প্রেমরসের সেই দরিয়া, তাহাতে চলিয়াছে মিলনের তরঙ্গ । আপন প্রিয়তমের সঙ্গে দিনরাত্রি (আত্মা) গেলে তাহার ভরপুর খেলা ।”

দাদু দরিয়া প্রেমকা তাঁমৈ ঝরৈ দৌই ।

ইক আতম পরআতমা একমেক রস হৌই ॥

দাদু সরস্বতী সচজ্জ কা তামৈঁ প্রেম তরংগ ।

মুখ ছুখ ঝুলে আতমা অপনে সান্ধি সংগ ॥

দাদু দরিয়ার প্রেম রস তামৈঁ মিলন তরংগ ।

ভরপুর খেলে রৈন দিন অপনে প্রীতম সংগ ॥ পরচা অংগ

ছুই জনের মধ্যে নিরন্তর চলিয়াছে প্রেমের দোললীলা । এই প্রেমের খেলায় সীমা অসীম উভয়েরই সমান মূল্য, ভারতমা নাই । এককে ছাড়িয়া অন্যের চলে না । এষ্ট দেহ, এই মাসুম, দেখে না নয়ন ছাড়া ; আবার নয়নও দেখে না মাসুম ছাড়া । মানব দেহের সঙ্গে যোগ না থাকিলে নয়ন শক্তিহীন, আবার দেহেরও দৃষ্টি ঐ নয়নকেই আশ্রয় করিয়া । তেমনি অসীমের এক বিশেষ আনন্দ আমারই মধ্য দিয়া ; আবার আমার সব আনন্দ পূর্ণ তাঁহারই সঙ্গে, এবং বার্থ তাঁহাকে বিনা । তাই দাদু বলিলেন,

যেই নৈনাঁ দেহকে, যেই আতম হোই ।

যেই নৈনাঁ ব্রহ্মকে দাদু পলটে দোই ॥ পরচা, ১৫৮

পরব্রহ্ম অসীম অরূপ । তিনি আপন প্রেমে গাঁঠ বাঁধিতে বাঁধিতে আসিলেন রূপ ও সীমার দিকে । দাদু বলেন, “তাঁহার সঙ্গে দেখা করিতে হইলে আমাকে তাই গাঁঠ খুলিতে খুলিতে উল্টা পথে যাইতে হইবে অসীম অরূপের দিকে । যার সঙ্গে দেখা করিব, সে আসিবে আমার দিকে, আমি যাইব তাব দিকে । উল্টা পথে চলিলে তবেই হইবে দেখা । নঃচং এক মুখে উভয়েরই ক্রমাগত চলিতে থাকিলে দেখা আর হয় কেমন করিয়া ?”

প্রেমে তাঁহার সঙ্গে আমার যুক্ত এই খেল । সাধনাতেও আমরা পরস্পরে যুক্ত । তিনি অসীম, তাই আমাকে বলিলেন, “তুমি সীমা, সাধনার অসীম দ্ব্যানে তুমি বস । তোমার উত্তর সাধক হইয়া আসিও বসি রূপের মালা লইয়া । তোমার অন্তরে নিরন্তর চলুক অরূপের ধ্যান, আর আমার মালায় চলুক নিরন্তর রূপ গুটিকার জাপ ।” দাদু বলেন, “কি অটুট তাঁহার বিশ্বাস আমার উপর ! আমার ধ্যান চলুক বা না চলুক তাঁর জপ চলিয়াছে নিরন্তর ! ঐ দেখ চলিয়াছে আকাশে গ্রহ চন্দ্র ভাবকার দীপ্ত মহা মালা ! দিনে রাত্রিতে, উষার সন্ধ্যায়, ঋতুতে ঋতুতে, জনমে মরণে, চলিয়াছে কালেব মালায় অনন্ত

জাপ ! প্রতি রূপ প্রতি কণার আগম-স্থিতি-নিগমে চলিয়াছে নিরন্তর রূপারূপ
জাপ ! হায়রে, ধ্যান কি আমার সেই জাপের সঙ্গে আছে যুক্ত ? আমার
যে অপরাধ হইতেছে, বিষম জপাপরাধ !” এত বড় বিশাল বিশ্বচরাচরের
মালা, হে প্রভু, কি আমার সামান্য ধ্যানের সঙ্গে যুক্ত হইবার যোগা ?”

“কে বলিল, তুমি সামান্য ! তুমি আমার জপের সরীক । ক্ষুদ্র মালায়
কি তোমার সাধনার যোগা জাপ চলে ? তাই তো চলিয়াছে গ্রহ চন্দ্র তারার
বিশ্বমালা ।” তাই দাদু বলিলেন, “সকল তুমু সকল ঘট সকল রূপ যেন বলে
‘দয়াময় দয়াময়’ এমন নিবিড় কর জাপ ।”

সব তন তসবী কই করীম ঐসা করিয়ে জাপ ॥ পরচা, ২৩০

“সকল আকারই যে তাঁর মালা”—

“দাদু মালা সব আকারকী”

পরচা, ১৭৬

এই প্রসঙ্গে দাদু একটি মহাত্ম্ব বলিয়াছেন । রূপের পর রূপ যে ক্রমাগত
চূর্ণ হইয়া দাঁড়াইতেছে, তাহার কারণ অসীম-অরূপের প্রকাশের ভার সে
পারিতেছে না সহ্য করিতে পারেন করিতে । আর একটি অসাধারণ কথা দাদু
বলিলেন, “গভীর রূপের তল হইতে ঘট ভরিয়া উঠিয়া, জল দিয়া, রিক্ত হইয়া
আবার সে নামিয়া যায় রূপে । তেমনি অরূপ হইতে রূপ উঠিয়া, অরূপ অতলের
রসটুকু নিঃশেষে দান করিয়া, আবার পূর্ণ হইতে দাতা করে সেই অরূপের
গভীরে । আমরা কি প্রতি রূপের সেই গভীর দান গ্রহণ করিতে পারি ? সাধনা
ছাড়া প্রত্যেকটি রূপের উপরুত এই অরূপ রস কেমন করিয়া যায় লওয়া ?
অন্তরের চিন্ময় পাত্র ছাড়া সেই রস ধারণ করিবই বা কোথায় ? প্রত্যেক
রূপ প্রতি ক্ষণে নিঃশেষে দান করিতেছে সেই অরূপ অসীমের মহারস : কত
বড় সাধনা কত বড় আধার চাট তাহা ধারণ করিতে !”

ইহার পর দাদু বলিলেন, “রূপের পর রূপ যখন অরূপের গভীরতার মধ্যে
করিয়াছে যাত্রা তখন ডাক দিয়া দিয়া সে দাঁড়াইতেছে বলিয়া, “এই যে চলিয়াছি
আমরা অরূপে ।” সেই ব্যাকুল করুণ স্বরে সকল আকাশ ব্যপিত । আমার
আত্মাও তখন ব্যাকুল হইয়া লটতে চায় তাহাদেরই সঙ্গে ।” “সুন্দরী মূর্তি
ডুক দিয়া গেল, ‘হে সুন্দরী, চলিলাম সেই অগম্য অগোচরের দিকে ।’ আর
দাদুর বিরহী আত্মাও উঠিয়া উঠিয়া ব্যাকুল হইয়া ধূম তাহাদের সঙ্গে সঙ্গে ।”

মুরতি পুকারে সুন্দরী অগম অগোচর জাই ।
 দাদু বিরহিণী আতমা উঠি উঠি আতুর খাই ॥ সুন্দরী, ৭ ।
 এইখানেই মনে হয় রবীন্দ্রনাথের,
 ভাঙ্গিলে হাট দলে দলে
 সবাই যখন ঘাটে চলে
 আমি তখন মনে করি,
 আমিও যাই ধেয়ে
 ওগো খেয়ার নেয়ে ।

(খেয়া) খেয়া,

সকল জপে সকল তপে পাঠতে হইবে সেই সর্বমুলাধার অসীম এককে ।
 “হে দাদু, যে-এক হইতেই সব আসিল, সবই যেই একের, সেই এককেই কেহ
 জানিল না! (নানা গুরু ধরিয়া নানা সম্প্রদায়ে ও ভাগে বিভক্ত হইয়া) এই
 পাগল জগৎ হইয়া গেল নানা জনের নানা মতামতের দলভুক্ত !”

দাদু সব থে এককে সো এক ন জানা ।

জগে জগে কা হৈছে গয়া যত্ জগত দিরাণা ॥ সাচ, ১৫০

৩৬ সমুদ্রের নৌকা যিনি অখণ্ড এক, দলাদলি করিয়া মাতৃঘ তাহাকেই
 করিতে বসিল খণ্ড খণ্ড ! সম্প্রদায় মত আপন আপন ভাগ বৃষ্টিয়া বৃষ্টিয়া চায়
 সকলে আদায় করিতে, অতলে যে তলাইবে সবাই এক সঙ্গে, সেই বোধ তো
 নাই! “খণ্ড খণ্ড করিয়া ব্রহ্মকে সম্প্রদায়ে সম্প্রদায়ে লইল ভাগ করিয়া,
 দাদু বলেন, পূর্ণ ব্রহ্মকে ত্যাগিয়া বন্ধ হইল কিন' ভ্রমের বন্ধনে !”

খণ্ড খণ্ড করি ব্রহ্মকৌ পখি পখি লীয়া বাঁটি ।

দাদু পুরণ ব্রহ্ম তজি বংধে ভরম কী গাঁঠি ॥ সাচ, ৫০

তাহাকে গ্রহণ করা পূজা করা অর্থই হইল তাহার সাধনায় ভাগী
 হইয়া, কিছু ভিক্ষা বা কামনা কবা নয় । তিনি আপনাকে লুপ্ত করিয়া সকল
 জীবের মধো নিজেকে দিয়াছেন বিলাইয়া, তুমিও কর সেই সাধনা ।
 আপনাকে লুপ্ত করিয়া আপনার সর্বস্ব আপনার সেবা সকলকে নিরস্তর দাও
 বিলাইয়া, ব্যর্থ দলাদলি আর করিও না ।

দাদু জিজ্ঞাসা করেন ভগবানকে, “হে প্রভু, তোমার এই তত্ত্বটি দাও বুঝাইয়া, যাহাতে সেবক আপনাকে দেয় মন হইতে লুপ্ত করিয়া কিন্তু কখনও সেবা হয়না বিস্মৃত।”

সেবগ বিসরৈ আপকৌ সেবা বিসরি ন জাতি ।

দাদু পুঁছে রাম কৌ সো তত কতি সমঝাতি ॥ পরচা, ২৭০

এমন পরিপূর্ণ তাঁহার সেবা যে তাঁহার প্রত্যেকটি সেবার আড়ালে আপনাকে তিনি রাখিয়াছেন প্রচ্ছন্ন করিয়া। সেবার চরম উৎকর্ষের আদর্শই এই। এইজন্যই জগতে নিরন্তর আমরা তাঁহার সেবা স্বীকার করিয়াও তাঁহাকে স্বীকার করিতে পারি। তাহাতে তাঁহার সেবাব কিছুই আসে যায় না। তাঁহাকে আমরা এই যে স্বীকার করিতে পারি ইহাতেই প্রমাণিত হয় তাঁহার অপূর্ব আত্ম-বিলেপী সেবার অচূর্ণ্য মহত্ব।

সেবাব মধ্যে এমন আত্ম-বিলেপ চিন্ময় অসীম ত্রিনিই করিতে পারেন। যিনি চিন্ময় নছেন অসীম নছেন এমন আর কোনো সেবক এমন করিয়া সেবার দ্বারা আপনাকে নিঃশেষে মুছিয়া ফেলিতে পারিবেন কেন? কাজেই তাঁহার এক এক জনের পশু ধরিয়া হইয়া পড়েন এক এক সম্প্রদায়ভুক্ত।

দাদু বলিলেন, দরিদ্রী আকাশ চন্দ্র, সূর্য্য জল পবন প্রভৃতি সেবকেরা তো চিন্ময় নহে অথচ কতদূরও দলে ন। তবুও হইয়াছে নিত্যা চালাইয়াছে ইহার। তাহাদের সেবা। “ইহারা সব আছে কোন সম্প্রদায়ে, এই দরিদ্রী, আকাশ, জল, পবন, দিন, রাত্রি? হে ভগবন্ত তাহা বল।”

যে সব হৈঁ কিস পংথ মৌ ধবতৌ অরু অসমান ।

পানৌ পরন দিন রাতকা চন্দ সুর রতিমান ॥ সাচ, ১১৩

এই ভাবে সীমা যখন আপনাকে নিঃশেষে প্রেমের সেবায় করে উৎসর্গ, তখন সে প্রেমের বলেই আপন অজ্ঞানতাকে পায় তাহাব প্রেমময়কে। তখন শোভায় সৌন্দর্য্যে সে উঠে ভরিয়া।

“আকাশকে পূর্ণ করিয়া বসিয়া আছেন যে অনন্ত অপার স্বামী। তাঁহাকে জ্ঞানে ভাল করিয়া না বুঝিলেও, ভবিত পটাস্বর পরিধান করিয়া ধরিদ্রী করিয়াছে প্রেমের প্রসাদন। বসুধা তাই ফলে ফলে উঠিয়াছে

ভবিয়া । অনন্ত অপার পৃথিবী ফুলে ফুলে তাই ভরপূব, গগন গরজিয়া ভবিয়া
উঠিল সকল জল স্থল, হে দাদু, সর্বত্র চলিয়াছে সেই জয় জয়কার ।”

অজ্ঞা অপরংপারকৌ বসি অংবর ভরতার ।

তরে পটংবর পতির করি ধরতী কঠৈ সিংগার ॥

বসুধা সব ফুলে ফুলে পিরথী অনন্ত অপার ।

গগন গরজি জল থল ভরৈ দাদু জয়জয়কার ॥

নিরহ ১৫৭, ১৫৮

সীমা অসীমের মধ্যে এই হে এমন নিবিড় যোগ, তাহার মধ্যেও যদি হঠাৎ
“অহমিকা” আসিয়া উপস্থিত হয় তবে তৎক্ষণাৎ সব যোগের ঘটে অবসান ।
“সেবা স ধন! (স্কৃতি) সব গেল নার্গ হইয়া, যেই মনের মধ্যে আসিল ‘আমি
ও আমার ।’ হে দাদু, তৎক্ষণাৎ আছে অহমিকা তখন স্বামী কিছুতেই মনের
মধ্যে কবিত্তে পারেন না গ্রহণ ।”

সেবা স্কৃতিরত সব গয়া মৈ মেরা মন মাতি ।

দাদু আপা জব লগৈ সাহিব মানৈ নাতি ॥ সাখীভূত, ১৭

এই স্বার্থ ও অহমিকা নিত্যস্তুই ঝুঠা : এই বাধাটুকু না থাকিলে সীমা ও
অসীম নিরন্তর পরস্পরে চাহে পরস্পরকে । “সাধক ভালবাসেন প্রেমে
জপিতে ভগবানকে, ভগবান ভালবাসেন প্রেমের সহিত জপিতে সাধককে ।”

রাম জপই রুচি সাধকো সাধ জপই রুচি রাম ॥

পরচা. (স্খাকর) ৩০৪ ।

এইরূপ প্রেম যখন উপজে তখন প্রাণ চাহে নিরন্তর আপনাকে উৎসর্গ
করিতে, ইহাই তো প্রেমের নিত্য-আরতি । তখন আমার অন্তর হইতে
অনবরত উঠে এই বাণী—“এই তুমিও তোমার, মনও তোমার, তোমারই এই
দেহ এই প্রাণ, সব কিছুই তো তোমার । কাজে কাজেই তুমিও যে আমার,
এই কথাই সার বলিয়া বুঝিয়াছে দাদু ।”

তনভী তেরা মনভী তেরা তেরা প্যণ্ড পরাণ ।

সব কুছ তেরা তুঁ হৈ মেরা যহ দাদু কা জ্ঞান ॥ সুন্দরী, ২৩

সীমা ও অসীম সম্বন্ধে এইবার দাদু এমন একটি কথা বলিলেন যে তাহার

সঙ্গে ও এই যুগের মহামনীষী রবীন্দ্রনাথের সঙ্গে দেখা যায় আশ্চর্য্য এক মিল ।
সীমা-অসীমের নিবিড় যোগের সম্বন্ধে রবীন্দ্রনাথ বলিলেন—

ধূপ আপনারে মিলাইতে চাহে গন্ধে,

গন্ধ সে চাহে ধূপেরে রহিতে জুড়ে ।

সুর আপনারে ধরা দিতে চাহে ছন্দে,

ছন্দ ফিরিয়া ছুটে যেতে চায় সুরে ।

ভাব পেতে চায় রূপের মাঝারে অঙ্গ,

রূপ পেতে চায় ভাবের মাঝারে ছাড়া ।

অসীম সে চাহে সীমার নিবিড় সঙ্গ,

সীমা হতে চায় অসীমের মাঝে তারা ।

প্রলয়ে সৃষ্টিতে না জানি এ কার যুক্তি,

ভাব হতে রূপে অবিরাম যাওয়া আসা ।

বন্ধ ফিриছে খুঁজিয়া আপন মুক্তি,

মুক্তি মাগিছে বাঁধনের মাঝে বাসা ।

উৎসর্গ ১৭.

সীমা: অসীমের নিবিড় প্রেম সম্বন্ধে দাদু কহিলেন, “গন্ধ কহে, হায়, আমি যদি পাইতাম ফুলকে : ফুল বলে, হায়, আমি যদি পাইতাম গন্ধকে ! ভাস (প্রকাশ, ভাষা) কহে, হায়, আমি যদি পাইতাম ভাবকে : ভাব বলে, হায়, আমি যদি পাইতাম ভাসকে ! রূপ কহে, হায়, আমি যদি পাইতাম সংকে : সং বলে, হায়, আমি যদি পাইতাম রূপকে ! পরম্পরে উভয়েই উভয়কে চায় করিতে পূজা ! অগাধ এই পূজা, অনূপম এই প্রেমের পূজা ।”

রাস কহে হৌ ফুল কো পাউঁ ফুল কহে হৌ রাস ।

ভাস কহে হৌ ভাব কো পাউঁ, ভাব কহে হৌ ভাস ।

রূপ কহে হৌ সত কো পাউঁ সত কহে হৌ রূপ ।

আপস মে দউ পূজন চাই পূজা অগাধ অনূপ ।

• এই প্রেমের নিগূঢ় ধর্ম্মই সীমা হইয়া গেল অসীম এবং অসীম ধরা দিলেন

সীমায়। “প্রেমিক হইয়া যদি যায় প্রেম-পাত্র তবেই তো তাহাকে বলি প্রেম।”

আশিক মামুক হৈছে গয়া প্রেম কহারে সোয় ॥ বিরহ, ১৪৭

এই কথাই মৌলানা রুমী বলিয়াছেন—

মন তু শুদম্ তু মন শুদী, মন তন শুদম্ তু জান শুদী ।

তা কস্ ন শুয়দ বা’দ অজ ইন, মন দীগরম্ তু দীগরী ॥

“আমি হইলাম তুমি, তুমি হইলে আমি : আমি হইলাম তনু, তুমি হইলে প্রাণ। যেন ইহার পর আর কেহ না পাবে বলিতে যে তোমা ছাড়া আমি, আর আমি ছাড়া তুমি।”

তিনি-ময় যদি হইতে চাও তবে প্রেম-ময় হও : কারণ তিনি প্রেম-স্বরূপ, প্রেম-রূপ, প্রেম-জীবন, প্রেমই তাহার পরিচয়। দাদু বলিয়াছেন, “প্রেমই ঙ্গবানের (অশ্রয়) জাতি, প্রেমই তাহার অঙ্গ, প্রেমই তাহার জীবন ও সত্তা, প্রেমই তাহার রঙ্গ।”

ইশ্ক্ অলহ কী জাতি হৈ, ইশ্ক্ অলহ কা অংগ ।

ইশ্ক্ অলহ ঔজ্জুদ হৈ, ইশ্ক্ অলহ কা রংগ ॥ বিরহ, ১৫২

ইহাই হইল প্রেমের নবজন্ম। প্রেমের এই নব জন্ম হইলে সাগাও হইয়া ওঠে অসীম। এই নব জন্মের কথাই রজ্জবজী বলিয়াছেন—
“সীমা হইয়া গেল অসীম, প্রেমেরই হয় এই নব জন্ম”—

হদ বেহদ হো গয়া প্রেম নর জনম হোয় ॥

এই নব জন্ম যখন হইল তখন আমাতে ও তাহাতে সীমাতে ও অসীমে নিতা মাখামাখি। তখন দেখি আমার অস্তর বাহির ও বিশ্বের সর্বত্র ভরিয়া আছেন আমার প্রিয়তম, তিনি ছাড়া তখন আর কেহ কোথাও নাই।

“হে দাদু, আমি তো দেখিতেছি নিজ প্রিয়তমকে আর তো দেখিতেছি না কাহাকেও ; সকল দিশা সন্ধান করিয়া শেষে পাইলাম তাহাকে ঘটেরই মধ্যে !

হে দাদু, আমি তো দেখিতেছি নিজ প্রিয়তমকে, আর তো দেখিতেছি না কাহাকেও ; ভরপুর দেখিতেছি প্রিয়তমকে, বাহিরে ভিতরে বিরাজিত তিনিই !

হে দাদু, আমি তো দেখিতেছি নিজ প্রিয়তমকে, দেখা মাত্রই সব দুঃখ
 যায় দূবে ; আমি তো দেখিলাম প্রিয়তমকে, সব কিছু ও সকলের মধ্যে আছেন
 সমাহিত হইয়া !

হে দাদু, আমি দেখিতেছি নিজ প্রিয়তমকে, সেই দেখাটাই তো হইল
 যোগ : প্রত্যক্ষ আমি দেখিতেছি প্রিয়তমকে, আর লোকেরা বলে কিনা তিনি
 আছেন কোন ঠিকানায় !”

দাদু দেখেঁ পীর কৌ, দূসর দেখেঁ নাহিঁ ।
 সর্বৈ দিসা সৌ সোধি করি, পায়া ঘটহী মাঁহী ॥৭২
 দাদু দেখেঁ নিজ পীর কৌ, ঔর ন দেখেঁ কোই ।
 পূরা দেখেঁ পীর কৌ, বাহরি ভীতরি সোই ॥৭৫
 দাদু দেখেঁ নিজ পীর কৌ, দেখত হী দুখ জাউ ।
 হুঁ তো দেখেঁ পীর কৌ, সব মৈঁ রহা সমাউ ॥ ৭৬
 দাদু দেখেঁ নিজ পীরকৌ, সোহী দেখণ জোগ ।
 পরগট দেখেঁ পীর কৌ, কথা বতাইঁ লোগ ॥ পরচা, ৭৭

“হে দাদু, চাহিয়া দেখ্ দয়ালকে, সকল ভরপুর করিয়া তিনিই বিরাজমান ।
 প্রতি রূপে রূপে তিনিই করিতেছেন বিহার । তুই যেন মনে না করিস তিনি
 রহিয়াছেন দূরে ।

হে দাদু, চাহিয়া দেখ্ দয়ালকে, বাহিরে ভিতরে তিনিই বিরাজিত । সকল
 দিকেই দেখিতেছি প্রিয়তমকে, দ্বিতীয় আর তো নাই কেতই ।

হে দাদু, চাহিয়া দেখ্ প্রিয়তমকে, সম্মুখেই প্রত্যক্ষ স্বামী, জীবনের সার .
 যে দিকেই চাহি সে দিকেই দেখি নয়ন ভরিয়া সৃজনকর্তা বিদ্যাতাই দীপ্যমান ।

হে দাদু, চাহিয়া দেখ্ দয়ালকে, সব ঠাই রহিয়াছেন তিনি ঠাসিয়া অধিকার
 করিয়া (অবরুদ্ধ করিয়া) ; ঘটে ঘটেই বিরাজিত আমার স্বামী, তুই যেন কিছু
 অজ্ঞ রকম আর মনে না করিস্ ।”

দাদু দেখু দয়াল কৌ, সকল রহা ভরপুরি ।

রূপ রূপ মৈঁ রমি রহা, তুঁ জিনি জানৈ দূরি ॥৭৮

দাদু দেখু দয়াল কৌ, বাহরি ভীতরি সোই ।
 সব দিসি দেখৌ পীর কৌ, দূসর নাহী কোই ॥৭৯
 দাদু দেখু দয়াল কৌ সনমুখ সাঙ্গি সার ।
 জীধরি দেখৌ নৈন ভরি দীপৈ সিরজনহার ॥৮০
 দাদু দেখু দয়াল কৌ, রোকি রহা সব ঠোর ।
 ঘটি ঘটি মেরা সাঙ্গিয়া তুঁ জিনি জাগৈ ঠর ॥৮১

তাহার সুরে-সুরে-প্রাণে প্রাণে লও আপনাকে যুক্ত করিয়া । আপনাকে দেও তাহার মধো ভরপুর ডুবাইয়া ।

“তাহার সঙ্গীতেই করিয়া নে তোর সঙ্গীত সমাহিত (যুক্ত, মিলিত, পূর্ণ, এক সুরে বাঁধা) । পরমাছাতেই সমাহিত কর তোর প্রাণ । এই মন তাহার মনের সাথে নে তুই এক সুরে বাঁধিয়া, তাঁর চিত্তের সঙ্গে এক সুরে বাঁধ তোর চিত্ত, তবে তো তুই রসিক সৃজান ।

সেই সহজেই করিয়া নে তোব সহজ সমাহিত, তাঁর জ্ঞানের সুরেই বাঁধিয়া নে তোর জ্ঞান ; তাঁর মর্মেই সমাহিত কর তোর মর্ম, তাঁর ধ্যানের সঙ্গেই বাঁধিয়া নে তোর ধ্যান ।

তাহার দৃষ্টিতে সমাহিত করিয়া নে তোর দৃষ্টি, তাঁর প্রেম-ধ্যানে সমাহিত করিয়া নে তোর প্রেম-ধান ; তাঁর ‘সমঝে’ সমাহিত কর তোর ‘সমঝ’, তাঁর লয়ে সমাহিত করিয়া নে তোর লয় ।

তাহার ভাবে সমাহিত করিয়া নে তোর ভাব, তাঁর ভক্তিতে সমাহিত করিয়া নে তোর ভক্তি ; তাঁর প্রেমে সমাহিত করিয়া নে তোর প্রেম, তাঁর প্রীতির সঙ্গে প্রীতি মিলাইয়া কর প্রীতি-রস পান ।”

সবদৈ সবদ সমাই লে পরআতম সৌ প্রাণ ।
 যত্ন মন মন সৌ বাঁধি লে চিত্তে চিত্ত সৃজাণ ॥২৮৮
 সহজৈ সহজ সমাই লে জ্ঞানৈ বজ্জা জ্ঞান ।
 মর্মৈ মর্ম সমাই লে ধ্যানৈ বংধ্যা ধ্যান ॥২৮৯
 দৃষ্টৈ দৃষ্টি সমাই লে সুরতৈ সুরতি সমাই ।
 সমঝৈ সমঝ সমাই লে লৈ সৌ লৈ লে লাই ॥২৯০

ভারৈ ভার সমাট লে ভগঠৈ ভগতি সমান ।

প্রেমৈ প্রেম সমাট লে, শ্রীঠৈ শ্রীতি রস পান ॥

২৯১, পরচা ।

হে অসীম, তোমার ভাব ভক্তি প্রেম সবট অখণ্ড ও অসীম । তোমার মাথেই মিলিতে হইবে আমাকে, হে প্রেমময়, আমাকেও অসীম প্রেমের ভাবে লও যুক্ত করিয়া ।

“হে দেবতা, অখিল ভাব, অসীম ভগতি, অখণ্ড তোমার নাম । অখিল প্রেম, অসীম শ্রীতি, অনন্ত তোমার সেবা ও প্রেমধ্যান । অখিল জ্ঞান অসীম ধ্যান অনন্ত আনন্দ স্বামী : অসীম দরশ অখিল পবন, দাদু কহেন, তোমাবট মধ্যে ।”

অখিল ভার অখিল ভগতি অখিল নার' দেৱা ।

অখিল প্রেম অখিল শ্রীতি অখিল সুরতি সেৱা ॥

অখিল গ্যান অখিল ধ্যান অখিল আনন্দ সাজ' ।

অখিল দরশ অখিল পবন দাদু তুম্হ মা'হী' ॥

টোড়ী, ২৮৯

এত বড় অসীমে আপনাকে যুক্ত করিয়া দিতে, সাধক, ভয় হয় ? “হে সেবক, সেবা করিতে করিস্ ভয় ? মনে করিস্, ‘আমার দ্বারা কিছুই নহে হইবার ।’ তুই যে আছিস, ততটুকু প্রগতি করিয়াই না হয় যা । আর কিছুই না হয় না-ই করিলি মনে ।”

সেৱগ সেৱা করি ডরৈ হম থৈ' কছু ন হোই ।

তু' হৈ তৈসী বন্ধগী করি, ঔর ন জানৈ কোই ॥

পরচা, ২৫২

তখন দাদু প্রত্যক্ষ করিলেন, বাহিরে তিনি সীমাবদ্ধ হইলেও অন্তরে তাঁহার অসীম ঐশ্বর্য্য । তাঁহার অসীম ভগতির মহিমায় তিনি সেই অসীম ভগবান হইতে কয় কিসে ? সেই ভগতির অসীমে নিবিড় যোগ চলুক সর্ব-সীমাতীত তাঁহার সঙ্গে । তাই দাদু জোর করিয়া বলিতেছেন,

"যেমন অপার আমার ভগবান তেমনি ভগতিও আমার অপার ; এই দুইয়েরই নাই কোনো সীমা পরিসীমা, সকল সাধক-জনই দিবেন ইহার সাক্ষ্য ।

যেমন অনির্বচনীয় আমার ভগবান তেমনি অলেখ (অবর্ণনীয়) আমার ভক্তি ; এই দুইয়েরই নাই কোনো সীমা পরিসীমা, সহস্র মুখে শেষ (অনন্ত) কেও ইহা হইবে বলিতে ।

যেমন পরিপূর্ণ আমার ভগবান, তেমনি সমান পূর্ণ আমার ভক্তি । এই দুইয়েরই নাই কোনো সীমা পরিসীমা, হে দাদ, নাই ইহার কোনো অস্তথা ।"

জৈসা রাম অপার হৈ তৈসী ভগতি অগাধ ।

ইন দূন্য কৌ মিত নহীঁ সকল পুকারৈঁ সাধ ॥২৪৫

জৈসা অবিগত রাম হৈ তৈসী ভগতি অলেখ ।

ইন দূন্য কৌ মিত নহীঁ সহস মুখী কহ সেখ ॥২৬৪

জৈসা পূরণ রাম হৈ পূরণ ভগতি সমান ।

ইন দূন্য কৌ মিত নহীঁ দাদ নাহীঁ আন ॥

দাদু ও রহীম খানখান্না :

ভক্তদের মধ্যে প্রতিষ্ঠিত আছে যে আকবরের বিখ্যাত সহায় মহা পণ্ডিত ভক্ত ও কবি আবদর রহীম খানখান্নার সঙ্গে দাদুর ঘটিয়াছিল পরিচয়। রহীমের মত এমন বিদ্বান উৎসাহী ও অকুরাগী লোকের পক্ষে দাদুর মত মহাপুরুষকে দেখিবার ইচ্ছা না হওয়াই আশ্চর্য।

১৫৯৯ খ্রীষ্টাব্দে দাদু জন্ম, রহীমের জন্ম ১৫৫৬ খ্রীষ্টাব্দে, সেই হিসাবে দাদু হইতে রহীম বাব বংশের কনিষ্ঠ। কেহ কেহ বলেন রহীমের জন্ম ১৫৫৩ খ্রীষ্টাব্দে। ১৫৮৬ খ্রীষ্টাব্দে তখন আকবরের সন্তিত দাদুর মিলন হয় তখন রহীম নানা কাজে বাস্তু থাকায় দাদুর সঙ্গে আলাপ কবিত্তে পারেন নাই। তখনো অশ্রাব্য সকল লোকের গোলমালের মধ্যে এই মহাপুরুষকে দেখিবার ইচ্ছাও রহীমের ছিল না। দাদু হইতে ইহার কিছুকাল পরেই রহীম দাদুর সঙ্গে তাঁহার নিভৃত আশ্রমে গিয়া দেখাসাক্ষাৎ ও আলাপ করেন ভক্তগণ বলেন রহীমের কয়েকটি হিন্দী দোহাও মধোই এই সাক্ষাৎকারের ছাপ রহিয়া গিয়াছে।

রহীম দাদুর নিকট গেলে, কথা উঠিল পরব্রহ্ম সংক্ষেপে। দাদু কহিলেন “যিনি জ্ঞানবুদ্ধির অগম্যতার কথা বাক্যে বলা যায় কেমন? যদি কেহ প্রেমে ও আনন্দে তাঁহাকে উপলক্ষ্য করে, তবে প্রকাশ করিবার ভাষা তাঁহার কোথায়?” এই ভাবের কথা কবীরের ও দাদুর বাণীর মধ্যে নানা স্থানেই আছে।”

মৌন গঠে তে বারেরে বোলৈ খরে অয়ান ॥”

সাত অংগ, ১০৬

“যে মৌন রহে, সে পাগল : যে বলে, সে একেবারে অজ্ঞান।” তাহ রহীমের দোহাতেও পাঠ।

রহিমন বাত অগম্য কৌ কখন সুননকৌ নাহিঁ ।

জে জানত তে কহত নাহিঁ কহত তে জানত নাহিঁ ॥

অর্থাৎ—“যে রহীম সেই অগম্যের কথা না-যায় বলা না-যায় শোন! বাতারা জানেন, তাঁহারা বলেন না : আর বাতারা বলেন, তাঁহারা জানেন না”

প্রসঙ্গক্রমে দাদু বলিলেন, “তাঁহাকে “নিষয়” (objective) অর্থাৎ পর করিয়া দেখিলে চলিবে না, তাঁহাকে দেখিতে হইবে আপন করিয়া। তিনি ও আমি যদি একাত্মা না হইয়া, হই পরস্পরে ভিন্ন, তবে এই বিশ্ব-ব্রহ্মাণ্ডে এমন স্থান নাই যে আমাদেরই এই দুই জনকে ধরে।” তাই দাদু বলিলেন—

“যেখানে ভগবান আছেন সেখানে আমার (আর স্বতন্ত্র) নাই ঠাই, যেখানে আমি আছি সেখানে আবার তাঁহার নাই ঠাই; দাদু বলেন, সঙ্কীর্ণ সেই মন্দির, দুইজন হইলে সেখানে নাই ঠাই।”

কহঁা রাম তহঁ মৈ নহী মৈ তহঁ নাহী রাম ।

দাদু মহল নারীক হৈ হৈ কো নাহী ঠাম ॥ পরচা অংগ, ৭৪

“সেই মন্দির সূক্ষ্ম ও সঙ্কীর্ণ।”

“মিঠী মহল বারিক হৈ” । দাদু পরচা অংগ, ৭১

দাদু বলেন,

“হে দাদু, আমার হৃদয়ে হরি করেন বাস, দ্বিতীয় আর কেহ সেখানে নাই। সেখানে অল্প কাঠারও আব স্থানই নাই, রাখিতে গেলেই বা রাখি কোথায়?”

মেরে হিরদৈ হরি বসৈ দৃজা নাহী ঔর ।

কতৌ কহঁা ধৌ রাখিয়ে নহী আন কোঁ ঠৌর ॥

নিহকরমী পতিব্রতা অংগ, ২১

নহীমের দোহাতে ও দেখি—

রহিমন গলৌ হৈ সাঁকরী, দৃজো না ঠহরাতি ।

আপু অঠৈ তো হরি নহী হরি তো আপু নাহি ॥

“হে রহীম, সঙ্কীর্ণ সেই পথ, দুই জন সেখানে পারে না দাঁড়াইতে। ‘আপনি’ থাকিলে সেখানে থাকেন না হরি, হরি থাকিলে সেখানে থাকে না ‘আপনি’।”

তাঁহার সঙ্গে এমন করিয়া একাত্ম হইয়া গেলে আর “ভজন-তাজন” সবই হইয়া যায় এক। তাঁহার সঙ্গে তো আর ভেদ নাই, তাই ভজিলেও আর পরকে হয় না ভজা, হাজিলেই বা আর তাকিব কাহাকে? দাদু এই সংশয়ই ও প্রথমই অংগবধু সংগ্ৰহেব বিরহ অংগের ২২৪—২২৭ বাণীতে আছে।

তাঁহার অড়াণা রাগিণীর (১:৬) গান ও এখানে স্বরলীল।

ভাইরে ভবকা কখিসি গিরান।

জব দূসর নাহী আনা ॥০০০ ০০

“ভাইরে তবে আর জ্ঞানের কথা কি বলিস, যখন অল্প দ্বিতীয় আর কিছুই নাই?” রহীমের বাণীতেও দেখি,

ভজ্ঞী তো কাকো ভজ্ঞী ভজ্ঞী তো কাকো আন।

ভজন ভজন তে বিলগ হৈ তেহি রহীম তু জান ॥

“হে রহিম, ভজিলেই বা ভজিবে কাহাকে, ভজিলেই বা ভজিবে কাহাকে? ভজন-ভাজনের যিনি অতীত তাঁহাকেই কর তুমি উপলক্ষি।”

সংসারের সঙ্গে সাধনার, বিশ্বের সঙ্গে ব্যক্তির, কোনো বিরোধই নাই। এই বিশ্বের মতই, আমাদেরও যেমন আত্মা আছে তেমনই দেহও আছে। তাই দাদু বলিলেন, “দেহ যদি থাকে সংসারে আর অস্তর যদি থাকে ভগবানের পাশে, তবে কালের জালা ছুঃপ ত্রাস কিছুই পারে না ব্যাপিতে।”

দেহ রহৈ সংসার মৈ জীর রাম কে পাস।

দাদু কুছ ব্যাপৈ নহী কাল কাল ছুঃপ ত্রাস ॥ বিচার অংগ, ১৭
তাঁই রহিমও ও কঠিলেন,—

তন রহীম হৈ কৰ্ম বস মন রাখো ওহি ওর।

জল মৈ উলটা নার জেয়া ধৈচত গুন কে জোর ॥

“রহিম বলেন, তত্ত্ব হইল কৰ্মবশ, তাই মন রাখো তাঁর দিকে : জলের ধারায় উলটা দিকে নৌকা যেমন স্রু গুণের জোরেই ধার টানা।”

মন যখন এইভাবে ভগবানে পাকে ভরপুর, তখন সংসার তাহার উপর কিছুই করিতে পারে না প্রভাব। তখন সাংসারিকতাকে তাড়াইবার জন্য কোনো কৃত্রিম আয়োজন আর রাখিতে হয় না খাড়া, ভগবন্তাবে পূর্ণ মন হইতে সংসার বাসনা আপনি দাঁড়ায় সরিয়া।

দাদু মেরে হিরদৈ হরি বসৈ দুজা নাহী ওর।

কহী কহী ধৌ রাখিয়ে নহী আন কেী ঠৌর ॥

নিহকরমী প্রতিব্রতা অংগ, ১১

“দাদু বলেন, আমার হৃদয়ে একমাত্র হরিই করেন বাস, দ্বিতীয় আর কেহই নয়। অস্তুর আর স্থানই বা কোনখানে? বল, অন্তকে রাখিই বা কোথায়?”

দুজা দেখত জাইগা এক রহা ভরপুরী ॥

দাদু, নিহকরমী পতিব্রতা অংগ, ২৪

“একই ভরপুর আছে পূর্ণ করিয়া, ইহা দেখিলে অপর যাহা কিছু তাহা আপনিই যাইবে সরিয়া।”

ঠিক দাদুর মতই রহীমও বলিলেন,

শ্রীতম ছবি নৈনন বসৌ পর ছবি কহঁা সমায়।

ভরা সরায় রহীম লখি পথিক আপ ফিরি জায় ॥

“প্রিয়তমের ছবি যদি নয়নে থাকে ভরপুর বসিয়া, তবে পর-ছবি আর প্রবেশ করিবে কোথায়? হে রহীম, পাশ্চালা পরিপূর্ণ দেখিলে (অপর) পাশ্চ আপনি যায় ফিরিয়া!”

এমন অবস্থায় কৃত্রিম ভেদ সাজ সজ্জা কিছুই লাগে না ভাল। ভগবানে যে জীবন ভরপুর, সে কি আর কোনো কৃত্রিম সাজ সজ্জা পারে সহিতে?

দাদুও বলিলেন,

বিরহিনী কেঁী সিংগার ন ভারৈ.....

বিসরে অংজন মংজন চীরা

বিরহ বিধা যছ ব্যাপৈ পীরা ॥

দাদু, রাগ গোড়ী ২০

“বিরহিনীর সাজ সজ্জা কিছুই লাগে না ভাল। বিরহের এই তীব্র ব্যথা মন ব্যাপিয়া, তাই অঙ্গন মঙ্গন বসন ভূষণের কথা তাহার আর মনেই আসে না।”

এবং দাদু বলেন,

জিন কে হিরদৈ হরি বসৈ.....

...মৈ বলিচারী জাউ ॥ সাধ অংগ, ৬৩

“ধাহাদের হৃদয়ে হরি বাস করেন, তাঁহাদের কাছে আমি নিজেকে
করি উৎসর্গ।”

রহীমও বলেন,

অঙ্কন দিয়ে তো কিরকিরী সুরমা দিয়ে ন জায় ।

জিন আখিন সোঁ হরি লখ্যো রহিমন বলি বাল জায় ॥

“অঙ্কন লাগে নয়নে চোখের বালির মত, ‘সুরমা’ তো নয়নে বায়ই না
দেওয়া। যেই নয়ন দেখিযাছে শ্রীহরির রূপ, রহীম বার বার সেই নয়নের
কাছে আপনাকে দেয় উৎসর্গ করিয়া।”

দাদু কহিলেন, এমন নয়ন নিখিল-বিশ্ব জুড়িয়া দেখে—চলিয়াছে ভগবানের
নিত্য রাস লীলা। সেই নয়ন দেখে, ঘটে ঘটেই চলিয়াছে সেই লীলা, ঘটে
ঘটেই মহাতীর্থ। “ঘটে ঘটেই গোপী, ঘটে ঘটেই কৃষ্ণ, ঘটে ঘটেই রামের
অমরা-পুরী। অমুরে অমুরে সর্বত্রই গঙ্গা যমুনা, তাহাতেই বহিয়া চলে প্রস্রাবিত
সরস্বতীর নীর। কুঙ্কলিলির পরম বিলাস চলিয়াছে সেখানে, সকল সহচরী
মিলিয়া সেখানেই গেলিতেছে রাস। বিনা বেণুতেই বাজে সেখানে বাঁশের,
সহজেই হয় চক্র সূর্য্য আর কমলের পূর্ণ বিকাশ। পুরণ ব্রহ্মের সেখানে প্রকাশ,
দাদু দাস দেখে সেখানে এট নিজ শোভা।”

ঘটি ঘটি গোপী ঘটি ঘটি কান্হ ।

ঘটি ঘটি রাম অমর অস্থান ॥

গংগা জমনঃ অন্তর বেদ ।

সুরসতী নীর বঠৈ পরসেদ ॥

কুঙ্ক কেলি তই পরম বিলাস ।

সব সংগী মিলি খেলৈ রাস ॥

তই বিন বেণু বাঁজৈ তুর ।

বিগসৈ কমল চন্দ অরু সুর ॥

পুরম ব্রহ্ম পরম পরকাস ।

তই নিজ দেখৈ দাদু দাস ॥

“সুরমা” হটল চক্রে লাগাইবার এক প্রকার কৃষ্ণবর্ণ চূর্ণ ।

অবতার তত্ত্বের কথায় রহিম বলিলেন—

রহিমন সুখি সব তে ভলী লগৈ জো ইকতার ।

বিছুরৈ শ্রীতম চিত মিলৈ যঠৈ জান অবতার ॥

“হে রহিম (প্রেমের) সেই স্মরণই তো সর্বাঙ্গের শ্রেষ্ঠ, যদি তাহা নিরন্তর একতানে থাকে লাগিয়া । চিত্তের মধ্যে হারানো প্রিয়তমকে যে ফিরাইয়া পাওয়া, তাইই তো হইল অবতার ।”

সমান না হইলে তো হয় না প্রেমের লীলা । প্রেমের দ্বায়ে আমাকেও তিনি লটয়াছেন সমান করিয়া । আমার মধ্যে তাঁর এই লীলাই হইল সীমার মধ্যে অসীমের লীলা । সিকুতে-বিন্দুতে লীলা যে জন দেখিয়াছে সে আপনাকেই ফেলে হারাইয়া । রহিম কহিলেন,

বিংছ ভো সিংধু সমান কো অচরজ কারৌ কঠৈ ।

হেরনতার হেরান রহিমন অপুনে আপঠৈ ॥

“বিন্দু হইল সিকুর সমান এই আশ্চর্য্য বাহ্য কে আর বলিবে কাহাকে ? বহীম কহেন, যে জন নিজের মধ্যে নিজের এই লীলা দেখিল, সে নিজেই সেখানে গেল বিলীন লটয়া ।”

দাদু বলিয়াছেন, “অনুরেই কাঁদ ।”

মনহী মাহি করণী । বিরহ অংগ, ১০৮

অনবাক হইলেই বা আর কতি কি ? বাক্যের আর প্রয়োজনই বা কি ?

রহীম বলেন,

স্তিতি রহীম তন মন লিয়ে কিয়ে তিএ বিচ ভৌন ।

ভাসৌ সুখ দুখ কতন কো রহী বাত অব কৌন ॥

“হে রহীম, যিনি তন মন অধিষ্ঠান করিতা লটয়া হৃদয়ের মাঝেই লইলেন আসা, তাহাকে (বাক্য) সুখ দুঃখ জানাইবারই আর প্রয়োজনই রহিল কি ?”

এই যে প্রেমের ভাবে ভক্ত ও ভগবানের অভেদ তত্ত্ব, তাহার নানা পরিচয় দাদু কবীর প্রভৃতি মহাপুরুষদের বাণীর মধ্যে পাওয়া যায় । এখানে সে সব কথা বিশদ করিয়া বলা নিম্প্রয়োজন ।

দাদুর সঙ্গে রহীমের কথা কি এক বারেই হইয়াছিল বা ভিন্ন ভিন্ন সময়ে

সাক্ষাৎকারের মধ্যে নানাপ্রসঙ্গে হইয়াছে তাহাও বলা কঠিন। তবে এই সব সাধকদের মতামতের ছাপ যে তাঁহার লেখায় পড়িয়াছে তাহা বেশ বুঝা যায়।

তবে ইহাও সত্য যে দুঃখের আঘাত ছাড়া মানুষের মন যথার্থভাবে ভগবানের দিকে যাইতে চায় না। তাই রহীম একবার দুঃখ করিয়া বলিয়াছিলেন, “মানুষের হৃদয় যখন বিষয়ে থাকে জড়াইয়া তখন কিছুতেই ভগবানকে ধরিতে চায় না আপন হৃদয়-আসনে।” “পশু খড় খাইবে স্বাদের সঙ্গে, কিন্তু গুড় খাওয়াইতে হইলেই গুলিয়া তাহাকে ধরিয়া দিতে হয় গিলাইয়া।”

রহিম রাম ন উর ধরৈ রহত বিষয় লপটায়।

পশু খড় খাত সরাদ সোঁ গুড় গুলিয়াএ খায় ॥

আকবর যত দিন বাঁচিয়া ছিলেন ততদিন রহীম সুখেই ছিলেন। নানাবিধ দান ও ঔদার্যো তাঁর নাম ছিল প্রখ্যাত। পরে যখন রহীমের দুঃখ হৃদয় আসিল তখন দাদু পরলোকে। তাই রহীম তখন আর দাদুর কাছে যাইয়া সাহায্য পাইবার আশা করিতে পারেন না। তখন রহীম দাদুর পুত্র গরীবদাসের সঙ্গে দেখা করিয়া মনের দুঃখের কথা বলিলেন। গরীবদাস ছিলেন একান্ত ভগবৎপরায়ণ প্রেমিক মানুষ, তাঁহার সঙ্গে কথায় বাস্তায় রহীমের মনও ভগবানের প্রতি ভক্তিতে উঠিল ভরিয়া। তাই ভগবানকে উদ্দেশ্য করিয়া রহীম বলিলেন,

সমৈ দসা কুল দেখি কৈ সবে করত সনমান।

রহিমন দীন অনাথ কো তুম বিন কো ভগবান ॥

“সময় দশা বংশ ইত্যাদি দেখিয়াই সকলে করে সন্মান। রহীম বলেন যে ভগবান, দীন অনাথের তুমি ছাড়া আর কে আছে।”

গরীবদাস ছিলেন ভক্তিতে প্রেমে ভরপুর মানুষ। তাঁহার সংস্পর্শে রহীমের মন যখন উঠিল ভরিয়া, তখন তিনি ভাবিলেন, “কতি কি দুঃখ দুর্দশায়? যদি ভগবানের কৃপা ব্যাকুলতা উপজে আমাদের চিন্তে।”

রহিমন রজনী হী ভলী পিয় সোঁ হোয় মিলাপ।

খরো দিবস কিহি কাম কো রহিবো আপুতি আপ ॥

“হে রহীম, রজনীতেই যখন প্রিয়ের সঙ্গে হয় মিলন তখন রজনীই তো ভাল। উত্তম প্রথম দিন আর তবে কোনো কাজের ? তখন তো শুধু আপনাকে লইয়াই আপনি থাক।”

এই কথাট রহীম আর একটি দোহাতেও বলিয়াছেন, “বৈকুণ্ঠ লইয়াই বা করিব কি, কল্পবৃক্ষের ঘন ছায়াতেই বা আমার প্রয়োজন কি ? (পত্র-বিরল) পলাশও আমার ভাল, যদি কণ্ঠে পাই আমার প্রিয়তমের বাহ-বন্ধন।”

কাহ করৌ বৈকুণ্ঠ লৈ কল্পবৃক্ষকৌ ছাঁহ ।

রহিমন ঢাক সুহারনো জো গল পীতম বাঁহ ॥*

* অনেকের মতে এই দোহাটি ভক্ত অহমেদের ।

তখনকার সস্তমত সম্বন্ধে ভক্ত তুলসীদাসজী :

এই গ্রন্থের উপক্রমণিকাতে ২৭—২৯ পৃষ্ঠায় দাদু প্রভৃতি সম্বন্ধে মত সম্বন্ধে ভক্ত তুলসীদাসের কিছু মতামত উদ্ধৃত করা হইয়াছে। উদ্ধৃত মাত্র করিয়াছি, নিজের কথা কিছু বলি নাই। কারণ, দাদু-তুলসী উভয়ে মহাপুরুষ। তাঁহাদের মতের ঐক্য অনৈক্য সম্বন্ধে ঠাঃ কিছু বলিতে ভরসা হয় না। তাই সেখানে মহামহোপাধ্যায় ভক্তপ্রদর পরলোকগত স্বধাকর দ্বিবেদী মহাশয়ের মতই উদ্ধৃত করিয়াছি। তিনি ছিলেন একাধারে ভক্তির ও নম্রতার আদার আর ভারতীয় সর্ক বিজ্ঞার প্রত্যক্ষ মূর্তি।

যাহা হউক সেই অংশটা লেখিয়া আমার হৃৎ একজন বন্ধু বলিলেন, “হয় তো ইহাতে তুলসীদাসের মত মত পুরুষকে লোকে ঠিক বুঝিতে পারিব না। আপনি নিজে কিছু বলিতে সঙ্কে চ বেদন করেন তো তুলসীদাসের বিশেষ ভক্ত কাহারও লেখা এই বিষয়ে উদ্ধৃত করুন।”

তখন ভাবিলাম তুলসীর শ্রেষ্ঠ ভক্ত কাহার লেখা উদ্ধৃত করি ? মনে হইল নাগরী প্রচারিণী সভা হইতে প্রকাশিত তুলসী গ্রন্থাবলীই এখন তুলসীর সর্কাপেক্ষা উৎকৃষ্ট সম্পাদিত গ্রন্থ, আর তাহার মুখা সম্পাদক শ্রীযুত রামচন্দ্র গুপ্ত মহাশয় তুলসীদাসের একজন একান্ত ভক্ত। তাই দেখা যাউক এই বিষয়ে তাঁহাদের মতামত কিছু দেওয়া যায় কিনা। গুপ্ত মহাশয় যে শুধু তুলসীরই ভক্ত তাহা নহে তিনি বাম নামেরও একজন মহাভক্ত। কাজেই তাঁহার মতামত উদ্ধৃত হইলে, প্রাচীন নবীন কোনে সম্প্রদায়েরই কাহারও আর কিছু বক্তব্য থাকিবে না।

তুলসীগ্রন্থাবলীর প্রথমভাগের শেষদিকে “কথা ভাগ” নামক অংশে তিনি নিজে কিছু কিছু “পরম্পরা” (tradition) ও লোক চলিত গল্প উদ্ধৃত করিয়াছেন। তাহা উদ্ধৃত করিতেই বুঝিতে পারি রাম নামের বিষয়ে গুপ্ত মহাশয়ের শ্রদ্ধা কত গভীর। গুপ্ত মহাশয় উদ্ধৃত করিতেছেন,

১। “এক সময় ব্রহ্মা দেবতাদের জিজ্ঞাসা করিলেন, ‘আপনাদের মধ্যে অংশে

কে পূজনীয়?' এই কথায় দেবতাদের পরস্পরের মধ্যে লাগিল বিবাদ। সকলেই করেন অগ্রপূজা দাবী। ব্রহ্মা বলিলেন, 'যিনি সর্বাগ্রে পৃথিবী পরিক্রমা করিয়া আসিবেন, তিনিই অগ্রে পূজনীয় হইবেন।' সকল দেবতা স্ব স্ব বাহন সহ যাত্রা করিলেন। গণেশের বাহন ইন্দ্রব; তাঁহার তো দৌড়ান অসম্ভব। তাই তিনি নারদের পরামর্শে মাটিতে রাম নাম লিখিয়া তাহার চারিদিকেই পরিক্রমা করিলেন। ব্রহ্মাও নামের প্রভাব বুঝিয়া গণেশকেই প্রথম-পূজা-পদ দিলেন।"

(তুলসীগ্রন্থাবলী, প্রথমভাগ, কথাভাগ, ১৫ পৃষ্ঠা, রামনামকা প্রভাব।)

২। "এক সময় মহাদেব পার্বতীকে তাঁহার সঙ্গে খাইতে অনুরোধ করিলে, পার্বতী কহিলেন, "আমাব সহস্র-নাম পড়া বাক্য আছে।" মহাদেব কহিলেন, 'একবার রাম নাম লও, তাহাতেই সহস্র-নামের ফল হইবে'।"

৩। "সমুদ্র মন্থনের সময় মহাদেব ঐ নাম স্মরণ করিয়াই বিস পান করেন : তাই বিস কণ্ঠেই রহিল, হৃদয়ে আর প্রবেশ করিল না।"

৪। "জীবন্তী নামে এক নব যৌবনা নারী পতির মৃত্যুর পর ব্যভিচারিণী হইয়া বেজাবৃত্তি অবলম্বন করেন। তিনি আপন শুককে রাম নাম পড়াইতেন বলিয়াই তাঁহার মুক্তি হইয়া গেল।"

ইউক উদ্ধৃত, তবু শুক মহাশয়ের লিখিত এই সব নোট দেখিলেই বুঝা যায় তিনি কিরূপ রাম-নামে ভক্তি-পরায়ণ।

রামচন্দ্র শুক মহাশয় কোথাও দাদুর নাম করেন নাট। তবে সমুদ্রের মতা-মতের প্রতি তুলসীদাসজীর কিরূপ মনোভাব ছিল তাহা তাঁহাকে লিখিতে হইয়াছে। তুলসীদাসজীর লেখা উদ্ধৃত করিয়াও তিনি তাহা দেখাইয়াছেন। শুক মহাশয় তুলসীদাসজীর লেখা হইতেই উদ্ধৃত করিয়া দেখাইয়াছেন যে তুলসীজী কিরূপ বিনয়ী ছিলেন। তুলসীজী বলেন, "আমি কবি নহি, চতুর প্রবীণ ও নহি। আমি সকল কলা ও সব বিজ্ঞা বিহীন। কবিত্ব বিবেক আমার কিছুই নাট। সাদা কাগজে লিখিয়া ইহা আমি করিতেছি স্বীকার। যে সব কাম ক্রোধ ও কাঙ্ক্ষনের দাস রামের ভণ্ড ভক্ত বলিয়া দেয় পরিচয়, তাহাদের মধ্যে অগতে প্রথমে লেখা আমার নাম। ষিক, এমন বার্থ-কর্ম-আড়ম্বরী ধর্ম ধ্বংসকে ষিক।" ইত্যাদি

করি ন হোউ নহিঁ চতুর প্রবীনা ।
 সকল কলা সব বিদ্যা হীনা ॥
 কবিত বিবেক এক নহিঁ মোরে ।
 সত্য কহৌ লিখি কাগদ কোরে ॥
 বংচক ভকত কহাই রাম কে ।
 কিংকর কংচন কোত কামকে ॥
 তিন্হ মই প্রথম রেখ জগ মোরী ।
 ধিগ ধর্মধ্বজ ধঁধরক ধোরী ॥

তুলসীগ্রন্থাবলী, তৃতীয় খণ্ড, প্রস্তাবনা, ৬১ পৃষ্ঠা

সঙ্গে সঙ্গেই শুরু মহাশয় লেখেন, “এই নম্রতা তাঁহার লোক ব্যবহারে কতটা প্রয়োগ করা সম্ভব হইয়াছিল, তাহার বিচারও আমাদের রাখিতে হইবে। ছুটে ও খল জনগণের সম্বন্ধে তিনি এতটা বিনয় রক্ষা করিতে পারিতেন না যে তাহাদের তিনি ছুটে ও খল না বলেন অথবা তাহাদের স্বরূপ সম্বন্ধে মনোযোগ না দেন। সাধুজনের বন্দনা সমাপ্ত করিয়াই তিনি খলদের কথা স্মরণ করেন।”

তুলসীগ্রন্থাবলী, তৃতীয় খণ্ড, প্রস্তাবনা, ৬২ পৃষ্ঠা

“তিনি সর্বাপেক্ষা চটা ছিলেন, ‘পাষণ্ড’পনায় ও তাহাদের ‘অনাধিকার চর্চায়’।”

ঐ, ৩৩ পৃ:

“তাঁহাদের কথা শুনিতেই তিনি চটিয়া উঠিতেন এবং কখনও কখনও তর্কন করিয়া উঠিতেন। একজন সাধু একবার ‘অলখ অলখ’ কহিতেছিলেন, তুলসীদাসজী তাহা শুনিয়া থাকিতে না পারিয়া বলিয়া উঠিলেন”—

তুলসী অলখহী কা লখে রাম নাম জপু নীচ ।

[তুলসী বলেন, “অলখকে আর লখিবি কি ? ওরে নীচ, জপু রামনাম” ।]

“এই “নীচ” শব্দেই বুঝা যায় তিনি কি পরিমাণে ইহাতে চটিয়া উঠিয়াছিলেন। এই সব “আড়ম্বরী” ও “পাষণ্ড”রাই তাঁহার মেজাজ করিয়া তুলিয়াছিল এমন চটা!”

ঐ ৬৩ পৃ:

• “ইহাতেই বুঝা যায়, গোস্বামী তুলসীদাসজীর অস্তরের সর্বাপেক্ষা প্রধান

বৃত্তি ছিল সরলতা, ইহার বিপরীতভাব তিনি সহিতেই পারিতেন না। কাজেই এই চটাভাবটুকুও তাঁর সরলতার অমৃতভুক্ত করিয়া আমরা সংক্ষেপে বলিতে পারি যে তাঁহার স্বভাব ছিল অত্যন্ত সরল শাস্ত গভীর ও নম্র। সদাচারের তিনি ছিলেন প্রত্যক্ষ মূর্তি। ধর্ম ও সদাচারকে যে সব ভাব দৃঢ় না করে, সে সব ভাব যতই উচ্চ হউক না কেন, তাহা তিনি ভক্তি বলিয়া মানিতেন না। তাঁর ভক্তি সেই ভক্তি নয় যাহাকে কেহ লম্পটতা বা বিলাসিতার আবরণ বানাইতে পারে।”.....

ত্র ৬৩ পৃ:

“প্রস্তাবনা”র পরবর্তী প্রकरणে অর্থাৎ “ধর্ম ঔর জাতীয়তাকা সম্বন্ধ” অধ্যায়ে (১২৪ পৃষ্ঠায়) গুরু মহাশয় বলেন,

“গোস্বামী তুলসীদাসজী কলিকালের যে চিত্র অঙ্কিত করিয়াছেন তাহা তাহারই সময়কার। তাহাতে তিনি দেখাইয়াছেন যে তখন সাধারণ ধর্ম ও বিশেষধর্ম উভয়েরই খটিয়াছিল ন্যূনতা। সাধারণ ধর্ম হ্রাসের নিন্দা সকলেরই লাগে ভাল; কিন্তু বিশেষ ধর্ম হ্রাসের নিন্দা, সমাজ ব্যবস্থা উন্নয়নের নিন্দা সেই সমস্ত লোকের ভাল লাগে না যাহারা আজ-কালকার অব্যবস্থাকেই মনে করেন মহত্বের দ্বার। তাহারাই তুলসীদাসের এই সব চৌপাই কবিতাতে দেখেন তাঁহার হৃদয়ের সর্কীর্ণতা।”—

“নিরাচার যে শ্রুতি পথ ত্যাগী ।
কলিযুগ সোই জ্ঞানী বৈরাগী ॥*
সূত্র দ্বিজন্হ উপদেশহিঁ গ্যানা ।
মেলি জনেউ লেহিঁ কুদানা ॥
জে বরনাধম তেলি কুম্হারা ।
স্বপচ কিরাত কোল কলরারা ॥*
নারী মুঈ ঘর সংপতি নাসী ।
মুঁড় মুড়াই হোতিঁ সংশ্যাসী ॥
তে বিপ্রন সন পার পুজারহিঁ ।
উভয় লোক নিজ হাথ নসারহিঁ ॥

* ত্র, রামচরিতমানস, না-প্র-সভা, উত্তরকাণ্ড, ৪৮৩ পৃ: ।

শূদ্র করছি' জপ তপ ব্রত দানা ।

বৈঠি বরাসন করছি' পুরানা ॥”

[“যাহারা আচার বিহীন ও শ্রুতিপথভাগী, কলিযুগে তাহারাষ্ট জাননী বৈরাগী ! শূদ্র করেন ব্রাহ্মণগণকে জ্ঞানের উপদেশ, উপবীত ধারণ করিয়া গ্রহণ করেন সব কু-দান ! যাহারা সব বর্ণাধম তেলী কুম্ভকান খপচ কিরাত কোল ও কলশয়ার (ভাঁড়ি) ; অথবা যাহাদের নারী মরিয়াছে কি যাহারা সম্পত্তি নষ্ট করিয়াছে তাহারাষ্ট মাথা মুড়াইয়া হয় সন্ন্যাসী ! তাহারাষ্ট বিপ্রদের দ্বারা পূজা করায় চরণ, ও উভয় লোক নিজ হাতে করে নষ্ট । শূদ্র করে জপ তপ ব্রত দান, আব শ্রেষ্ঠাসনে বসিয়া পুরাণ (শাস্ত্র) করে উপদেশ ! ”]

ঐ, ১২৫ পৃঃ

“প্রত্যেক জাতি অক্ষুণ্ণভাবে আপন আপন মর্যাদা রক্ষা করিয়া চলিবে, ইহাই ছিল গোস্বামী তুলসীদাসজীর দৃঢ় মত, একথা পূর্বেও বলা হইয়াছে”.....

ঐ, ১২৪ পৃঃ

“অতএব লোক-মর্যাদার দৃষ্টির নিক নিয় নিয়মবর্ণের লোকের লোক-ধর্মই হইল উচ্চ বর্ণের লোকের উপর শ্রদ্ধা-ভাব রক্ষা করা..... ইহাই ছিল গোস্বামীজীর Social discipline অর্থাৎ সামাজিক ব্যবস্থা । এষ্ট ভাব হইতেই তুলসীদাসজী কহিয়াছেন—

“পূজিয় নিপ্র সীল-গুণ-চীনা ।

শূদ্র ন গুণময় জ্ঞান প্রবীনা ॥

[“সীলহীন গুণহীন হইলেও বিপ্র পূজনীয় এবং গুণময় ও জ্ঞানে প্রবীণ হইলেও শূদ্র পূজ্য নহে । ”]

ঐ, ১২৫ পৃঃ ।

“শৈব বৈষ্ণব শাক্ত এবং কণ্ঠকাণ্ডীদের মধ্যে তো নানা বাদ বিবাদ চলিতেই ছিল, তার পর মুসলমানদের সঙ্গে অবিরোধ দেখাউতে এবং নিরঙ্কর জনতাকে স্বপক্ষে লইতে অনেক নব নব পন্থ ও সম্প্রদায় হইয়াছিল প্রবলিত । তাহারা একেশ্বরবাদের অন্ধ বিশ্বাসী, উপাসনাতেও তাহাদের প্রেম ভাবের রস ঢল, জ্ঞান বিজ্ঞানে তাহাদের অবজ্ঞা । শাস্ত্রজ্ঞ পণ্ডিত গণের প্রতি তাহাদের উপহাস, বেদান্তের ছুই চারটি প্রসিদ্ধ শব্দের অপপ্রয়োগই ছিল তাহাদের বাধ

পদ্ধতি।” ..“তাই ইহাদের মধ্যে মাঝে মাঝে এক এক জন সৎগুরু হইয়া পড়িত বাহিব ! ইহারা ধর্মের এক দিক হইতে পালাইয়া, অন্য দিকের এক আধ টুকড়া লইয়া, কোনো মতে কাজ চালাইত ! আর কতক লোকে খঞ্জনী করতাল লইয়া তাহাদেরই করিত অশুভবর্জন ! ইহাদের দল বাড়িয়াই চলিয়াছিল।”—

“ব্রহ্ম-জ্ঞান বিহু নারী নর কহিঁ ন দূসরি বাত ।*

[“ব্রহ্ম-জ্ঞান ছাড়া নর নারী আর অন্য কথাই কয় না” !]

(ঐ পৃ: ৯৯-১০০)

“ভক্তির দগন এই বিরূত রূপ উত্তর ভারতে সুপ্রতিষ্ঠিত তখন ভক্তপ্রবর গোস্বামী তুলসীদাসজীর হইল অবতার, তিনি বর্ণ-ধর্ম আশ্রম-ধর্ম কুলাচার বেদবিহিত ধর্ম, শাস্ত্রপ্রতিপাদিত জ্ঞান ইত্যাদি সকলের সঙ্গে ভক্তির সামঞ্জস্য স্থাপিত করিয়া ছিন্নভিন্নপ্রায় ধর্মকে করিলেন রক্ষা।”

(ঐ ১০০ পৃ:)

“অশিষ্ট সম্প্রদায়দের এই সব ঐক্যতা ছিল তাঁহার অসম্ম।”

(ঐ ১০৩ পৃ:)

“উত্তর কাণ্ডে কলিকালের ব্যবহারের বর্ণনায় গোস্বামীজী বলিতেছেন—

বাদহিঁ শূত্র দ্বিজান সন হম তুম তেঁ কছু ঘাটি ।

জ্ঞানহিঁ ব্রহ্ম সো বিপ্ররর অঁখি দিখারহিঁ ডাঁটি ॥”

[“ব্রাহ্মণদের সঙ্গে শূত্র করে বাদ ! বলে, ‘আমি কি তোমা হইতে কিছু হীন ! ব্রহ্ম যে জানে সেই তো ব্রাহ্মণ !’ এই বলিয়া ধনকিয়া রাজায় চক্ষু !”]

(ঐ ১০৪ পৃ:)

শ্রীযুক্ত রামচন্দ্র গুরু মহাশয় গোস্বামী তুলসীদাসে অগাধ শ্রদ্ধাপরায়ণ, কাজেই তাঁহার লেখা হইতেই তুলসীদাসজীর ক্ষোভের কি কারণ তাহা বুঝিতে চেষ্টা করা গেল। মহামহোপাধ্যায় সুধাকর ষিবেদী মহাশয়ের কথাও পূর্বে উপক্রমণিকায় ২৭-২৯ পৃষ্ঠায় দেখান হইয়াছে। এই সব দিক পষ্যালোচনা করিয়া আমরা তখনকার দিনের ধর্মের ও সমাজের অবস্থাটি অনেকটা পারি বুঝিতে।

এই সব আলোচনা করিলে আমরা স্পষ্টই দেখিতে পাই তুলসীদাসের মতে

* ব্র:—রামচরিতমানস, না-প্র-স, উত্তর কাণ্ড, ৪৮৩।

এ দাদুর মতে একেবারে অনেকখানি পার্থক্য। সেই পার্থক্য সঙ্গেও আমরা যেন উভয়কেই তাঁহাদের নিজ নিজ যথাযোগ্য স্থান দিতে কুণ্ঠিত না হই।

তুলসীদাস মধ্য যুগে উত্তর ভারতে রাম ভক্তির বন্যা বহাইয়া ভারতের ভূমিত নরনারীর চিত্তকে তৃপ্ত করিয়া রাখিয়াছিলেন। কবীরও ভারতের কিছু কম নরনারীর চিত্তকে তৃপ্ত করেন নাই। ভারতের চিত্তের উপরে কবীরের প্রভাব কত খানি তাহা দেখিলেও বিস্মিত হইতে হয়।

অতাস্ত নম্রভাবে বলিলেও একটা কথা এখানে বলিতে ইচ্ছা করি। তুলসীদাসজী বার বার দুঃখ করিয়াছেন, “বিরক্তি বিবেক সংযুত যে শ্রুতিসম্মত হরিভক্তি পথ, তাহাতে মানুষ মোহবশে চায় না চলিতে; মানুষ তাই অনেক পথ (সম্প্রদায়) করিয়াছে কল্পনা।”

শ্রুতিসংমত হরি-ভক্ত-পথ সংযুত বিরক্তি বিবেক।

ভেটি' ন চলহি' নর মোহবস কল্পহি' পংথ অনেক।

(রামচরিতমানস, উত্তর কাণ্ড, দোহা ১৫২)

কিন্তু এই হরিভক্তি অথবা রামভক্তি কি শ্রুতিসম্মত পথ? বৃদ্ধাদি বেদ-বিরুদ্ধ মহাপুরুষের সাধনা ও উপদেশের পূর্বে এমন করিয়া মহাপুরুষের পূজা কি বেদের মধ্যেই ছিল? গোস্বামীজীর উপদিষ্ট প্রেম মৈত্রী করুণা প্রভৃতি উত্তম উত্তম সব মত, স্মৃতি শীল সনাতন প্রভৃতির সাধনা, কি সব শ্রুতি হইতেই গৃহীত? বেদ-বাহ্য মহাপুরুষদের উপদিষ্ট মতের কাছেই তাহা কি ঋণী নহে?

আমাদের দেশে লোকমত সংগ্রহ করিবার ক্ষমতা সবাই দেখি যুগে যুগে বেদেরই দোহাই পাড়িয়াছেন। তাই শাক্ত মতের ভক্ত কবিশ্রী তাঁহার দেবতাকে সনাতন ও বেদবিহিত করিতে গিয়া বলিয়াছেন—

“বেদে বলে তুমি ত্রিনয়না”!

বেদই যদি আশ্রয় করিতে হয় তবে আর মধ্যযুগের এই সব অর্কাচীন সনাতনী মত অবলম্বন করা কেন? তবে তো সেই বৈদিক আদিম যুগের সংহিতা ব্রাহ্মণদি উপদিষ্ট মতই আমাদের আশ্রয়ণীয়। কল্পসূত্র শ্রীতসূত্র গৃহসূত্র প্রভৃতির প্রণেতার; তে; ভাল করিয়াই আমাদের নানাবিধ সব কর্তব্য উপদেশ করিয়া গিয়াছেন। তাঁহাদের পরবর্তী কোনো মতবাদেরই আশ্রয়

করা আমাদের পক্ষে তবে অনাবশ্যক। কারণ যত পরবর্তী কালে আসিব ততই পরবর্তী কালের প্রভাব হইতে মুক্ত হওয়া কঠিন হইবে। কিন্তু সেক্ষেপে ভাবে প্রাচীনকালে নিবন্ধ হইয়া থাকা ভারতীয় সব ধর্ম মতের পক্ষেও যে কেন সম্ভব হইয়া উঠে নাই তাহা ধর্মের ইতিহাস-রসিক বিদ্বজ্জনকে বুঝান একান্তই অনাবশ্যক।

শুদ্ধিপত্র

শুদ্ধ দেখা বিষয়ে অনভিজ্ঞতার জন্য এই গ্রন্থের অনেক স্থলে, বিশেষতঃ প্রথম অংশে অনেক ভুল রহিয়া গিয়াছে। তাহার মধ্যে কয়েকটি এমন ভুলের প্রতি আমার দৃষ্টি পড়িয়াছে যাহা শুদ্ধ না করিলেই নয়। যথা—

পৃষ্ঠা	পুংক্তি	স্থলে	হইবে
১৭	৭	১৩০৩	১৬০৩
৩৫	২০	কৈনসা	কৌনসা
৩৯	১৮	খেল	খেল্
৭১	১৩	১৬৬২ (অঙ্ক)	১৬৪৩ (অঙ্ক)
৭৭	২২	কো	কো
৭৮	২	হজুব	হজুর
৮০	৮, ৯	পীঠে	পিঠে
১৫৭	৬	সাহিত্য সম্মেলন	হিন্দী সম্মেলন
২৬৯	২	তৃতীয়	ষষ্ঠীয়

“শুদ্ধ” এবং “শুধু” স্থলে অনেকবার যথাক্রমে “শুদ্ধ” এবং “শুধু” হইয়াছে। তাহা ছাড়াও ভুল ভ্রান্তি কিছু কিছু রহিয়া গিয়াছে। দৃষ্টি করিয়া দেখাইয়া দিলে অশুভপূহিত হইবে।

এস্থলে বলা উচিত, বহু স্থলে মূলতঃ অন্তরেণে চলিত বাংলার হিসাবে ভুল বানানও রাগিতে হইয়াছে। সেখানে শুদ্ধ করিবার কোনো উপায় নাই।

নাম-সূচী (বর্ণানুসারে)

“জ্জৈনা” অর্থে “জ” লেখা হইয়াছে । “ফুটনোট” বুঝাইতে “ফু” ব্যবহার করা হইয়াছে । সূচীপত্রে এক “ব” দ্বারা দুই “ব”য়ের কাজ করা হইয়াছে ।

অক্ষয়জী—১৭৫ ।	আধীগ্রাম (শেখাবাটী)—৪৯, ১৫২, ১৭৩ ।
অক্ষয়বন্ধু (সংগ্রহ)—১৬৬, ১৬৭, ১৬৮, ৫৪৪, ৫৪৫, ৫৮৪, ৫৮৮, ৬৩১, ৬৪৭ ।	আনন্দঘন (জৈনভক্ত)—৬৫ (ফু), ১০৭, ৫২৭ (ফু) ।
অক্ষয় গায়ত্রীগ্রন্থ—৩৮ ।	আমেদাবাদ—১১, ১২, ১৩, ১৬, ৩০, ১৬৩ ।
অক্ষয় গ্রন্থ—৩৮ ।	আমের (জয়পুর)—১৩, ১৭, ৫৭, ৫৮, ৫৯, ৬৪, ৬৫, ৬৮, ৬৯, ৭১, ১৪৬, ১৫৩, ১৫৭, ১৭৩ ।
অক্ষয় শাস—৩৮ ।	আমের—(আমের দেখ) ।
অক্ষয় যোগগ্রন্থ—৩৮ ।	আযাদেব—১৭৯ ।
অনন্ত পরমোদ (গ্রন্থ)—১৫০ ।	আলেক খাঁ—১৪৬, ১৪৯ ।
অর্জুন (গুরু)—১৭৪ ।	ইলাহি মন—২৪ ।
অলপ দরীবা—৫৭, ৫৮ ।	উম্মরদাস (বাবা)—১৭৫ ।
অশ্বখোষ—১৭৯ ।	উইলসন (Wilson)—১২, ১৫৬ ।
অসজ—১৭৯ ।	উত্তরাডি—১৪২, ১৪৩ ।
অহমেদ (ভক্ত)—৬৫৩, (ফু) ।	একলব্য—১৪১ ।
আকবর (বাদশাহ, শাহ)—১২, ১৩, ২৪, ৬৪, ৬৯, ৭০, ৭১, ৭৩, ৭৪, ৭৫, ৭৭, ৭৮, ৮০, ৩০৭ (ফু), ৬৪৬, ৬৫২ ।	
আগরা—৭০ ।	
আজমীর—১৫, ১৬, ১৭, ১৭৩, ৫৪৪ ।	
আদিগ্রন্থ—১৩২, ১৩৫ ।	

- ওয়ার্ডস্ ওয়ার্থ (Wordsworth)—৩ ।
 ওয়ান (J. C. Oman)—১৫৫ ।
 ঔরঙ্গজেব—১৪২ ।
 কংখড়ি—১৩২ ।
 কপালী—১৩২ ।
 কবীর—১২, ১৩, ১৫, ১৬, ১৭, ২০, ২১, ২২, ২৬, ৩১, ৩৬, ৪০, ৪২, ৭৩, ৭৪, ৭৫, ৮১, ৮২, ৮৬, ৮৭, ৯৪, ৯৫, ৯৬, ৯৭, ১০২, ১০৩, ১০৪, ১০৮, ১০৯, ১৪১, ১৬০, ১৬১, ১৬২, ১৭৫, ১৭৬, ১৭৭, ১৭৯, ১৮০, ১৮২, ১৯১, ২০১, ২১৩, ২৪০, ২৮৫, ২৮৬, ২৯০, ৩০১, ৩০৬, ৩১০, (ফু) ৩১৫, ৩৭৬, ৩৯৪, ৩৯৬, ৪১৩, ৪৩১, ৪৩২, ৪৪১ (ফু), ৪৯৩, ৫২৫, ৫২৬ (ফু), ৬০০ (ফু), ৬১২, ৬৪৬, ৬৫১, ৬৬০ ।
 কবীর হার—১৬ ।
 কবীর পংখ—১৫৪ ।
 কবীর পংখী—১১ ।
 কবীর বট—১৫ ।
 কবীর মনসুর (পরমানন্দ রচিত)— ৩৪, ৩৫, ৩৬, ৩৭ ।
 কমাল—১২, ১৩, ১৪, ১৫, ১৮, ২৭, ৩১, ৩২, ৩৩, ৩৭, ১৩০, ১৩১, ১৬১, ১৭৫, ২০২, ২৩২ ।
 ককণাশঙ্কর কুবেরজী ভট্ট—১১ ।
 করোনী—৫৪ ।
 কলিকাতা—১২ ।
 কল্যাণদাস (ভাণ্ডারী)—১৭৫ ।
 কল্যাণপুর—২৪, ৮২ ।
 কবিরাজ গোস্বামী—৪৯৮ ।
 কাঁকড়িয়া—১১ ।
 কাণেরী—১৩২ ।
 কাদমজী (কাজী)—২৫, ১৭৫ ।
 কান্হাজী (কানাজী)—১৭৫, ১৭৮ ।
 কাশী—১৩, ৩০, ১৪৫, ১৪৬, ১৫৩, ১৭১, ১৭৩, ২৭১, ২৮৪, ৩৭৬, ৪০১, (ফু), ৫৮৮ ।
 কিতাজনস—২১ ।
 কীল্হজী—১৭৫ ।
 কুতব খাঁর মড়ী—১৭৫ ।
 কুতব সাহেব—৫৪৪ ।
 কুস্তারী পাদ—৩৭ ।
 কুস্তারী পাব—৩৭, ৩৮ ।
 কুরসানা— ১৪৬, ১৪৭ ।
 কুশলানন্দ—১৫ ।
 রূপারামজী (পণ্ডিত)—১৬৫ ।
 রূপারাম বৈষ্ণ (সাধু পণ্ডিত)—১৮ ।
 কৃষ্ণ—১ ।
 কেনোপনিষৎ—৫৭৪ (ফু) ।
 কেশোদাসজী (সন্ত)—১৮, ১৬৫ ।
 কোটা—১৭৩ ।
 ক্রুক (W. Crooke)—১৩, ১৪২, ১৪৪, ১৫৫ ।

- কেন্দ্রদাস (ভক্ত)—১২৮, ১৪০, ১৫৩ ।
- খংডেলা—১৭৩ ।
- খাংগর শেড়ী (মঠ)—১৬ ।
- খুঁটান—৩ ।
- খেমদাস—১৪০, ১৫৩ ।
- খেয়া—৪২২, ৬৩৭ ।
- খ্রীষ্ট (মহামানব)—১৬২ ।
- গঙ্গারামজী—১৫৮ ।
- গরীবদাস—১৭, ২০, ২৩, ৩০, ৬৮, ৮৪, ১২২, ১৪০, ১৫০, ১৬৪, ১৭৫, ১৭৮, ২৬০, ৬৫২ ।
- গলতা—৪৬, ৪৭, ১৪৬ ।
- গাজী (ভক্ত)—২৪ ।
- গীতগোবিন্দ—১৩৭ ।
- গুণগঙ্গনামা—২২, ১৭৪ ।
- গুরুগোবিন্দ (কমাল)—১৫ ।
- গুরুগোবিন্দ (সিংহ)—১৫১, ১৫২, ২৩২ ।
- গুরুবিলাস—১৫৭ ।
- গুরুসম্প্রদায়—৩০ ।
- গুরুসুন্দর (কমাল)—১৫ ।
- গুলর (ঘোষণপুর)—১৫২ ।
- গোকুলদাস (বাবা)—১৭৫ ।
- গোপালজী (সাধু)—১৫০ ।
- গোপালভক্ত—৬১ ।
- গোপালদাসজী—১৪৩ ।
- গোপীচন্দ—১৩২, ১৭৫, ১৭৭ ।
- গোপীনাথ—৫৮৪ ।
- গোরক্ষনাথ (গোরখনাথ দেখ) ।
- গোরখনাথ—৩২, ১৩২, ১৭৫, ১৭৭, ১৭৯, ৪১৩, ৪১৪, ৫৮৪ ।
- গোরখনাথকে গ্রন্থ—১৭৬ ।
- গোরখনপুর—১৬ ।
- গোবিন্দদাসজী (যোগিরাজ মহাত্মা)—১২ ।
- গোবিন্দদাসজী (১)—১৭৫ ।
- গোবিন্দদাসজী (২)—১৭৫ ।
- গ্রন্থসাহেব—১৭৪, ১৭৭ ।
- গ্রীয়ারসন (Grierson)—১৫৬, ১৫৭ ।
- ঘাটমদাসজী—১৪০, ১৭৫ ।
- ঘরসীজী—১৪০, ১৭৫ ।
- ঘুমান (পঞ্জাব)—১৩৫ ।
- চতুরদাস (ভক্ত)—২৩ ।
- চতুর্ভুজজী—১৭৫ ।
- চন্দনদাসজী—১৭৫ ।
- চম্পারামজী—১৪০ ।
- চর্পট (নাথ)—১৩২, ১৭৫ ।
- চর্পটীনাথ—২১ ।
- চাঁদসেন (নবাই)—১৫৮ ।
- চৈতন্যচরিতামৃত—৪২৮ ।
- চৈতন্য (মহাপ্রভু)—৪২৮ ।

চৈনজী—১৪০, ১৭৬।

চৌরঙ্গ—১৩২।

ছজ্জুদাস (নাহোর)—১৪৬।

ছান্দোগ্য—১৮১।

ছীতমজী—১৭৫।

জগজীবনদাস—৫৭, ৬১, ৬২, ১৪০,
১৪৫, ১৫৩।

জগন্নাথজী—১৬, ২২, ২৩, ২৪, ৩৮,
৪০, ১৫৩, ১৬৫, ১৬৭, ১৬৮, ১৭৪।

জগ্গা (সাধু)—১৪৫, ১৫৩।

জনগোপালজী—১৩, ১৬, ২৩, ২৪, ৩০,
৩৪, ৪০, ৫১, ৫৫, ৮০, ৮৩, ১৪০,
১৫২, ১৫৩, ১৫৬, ১৬৫, ১৭৫।

জয় পরচৌ—১৫৩।

জমাল—১২, ১৫, ৩১।

জয়দেব—১৩৮, ১৭৭।

জয়পুর—১৭, ১৮, ২৬, ৬২, ১৪১, ১৪৪,
১৪৫, ১৭৫।

জয়মলজী (ভক্ত)—৫৪, ১৫৩, ১৭৬।

জয়মালজী (চোহান)—১৪০।

জয়মালজী (যোগী)—১৪০।

জাইসা ভক্ত—১২২, ১৪০, ১৫৩, ১৬৪।

জাবরাইল—২৭৬, ২৭৭।

জালাল উদ্দীন রুমী—২৫৫, ৬৪১।

জাহাঙ্গীর—১২।

জিবরাইল—১৩৭।

জীবন থা—১৪২।

জীবন পরচৌ—২৩, ১৬৫।

জুগল কিশোর বিরলা (যুগল কিশোর
দেখ)।

জ্যেতজী—২৩২।

জ্যেতজী (ভক্ত)—১৫১, ১৫২।

জ্যেতরাম ভক্ত—১৩৮।

জ্যেট্‌স হেস্টিংস্ (James Hastings)
—১৫৫।

জোনপুর—১৩, ৩০, ৫৪২।

জানদাস—১, ২।

জ্ঞান-সমুদ্র (গ্রন্থ)—১৪৬।

জ্ঞান সাগর (গ্রন্থ)—১৪৭।

টিনাজী—১৪০।

টিনাজি—১৫০, ১৭৬।

টৌক—৫০।

ট্যাসী (Tassy)—১২, ১৫৬।

ট্রেইল (Traill)—১৪০, ১৪২, ১৫৫,
১৫৬।

ট্রোয়ার (A. Troyer)—১৫৬।

ডিডবানা (ডীডবানা দেখ)

ডীডবানা—১৪৫, ১৪২, ১৫০, ১৭৩।

ডেহরে গ্রাম—১৪৩।

টিংচণী—১৩২।

টুংচ্যা—২২।

- তারাদত্ত গৈরালা—১৭, ২৬, ১৫৬ ।
 তিলোচনজী—১৭৫ ।
 তুলসীগ্রন্থাবলী—৬৫৪, ৬৫৫, ৬৫৬, ৬৫৭ ।
 তুলসীদাস—৫, ২৭, ২৯, ৩৫৯, ৬৫৪, ৬৫৫, ৬৫৬, ৬৫৭ ।
 তেজানন্দ (সাধু)—৬১ ।
 ত্রিজ্যা (টীকাগ্রন্থ)—১৬০ ।
 ত্রিপাঠী (পণ্ডিত চন্দ্রিকাপ্রসাদ)—১৬, ১৯, ২২, ৩০, ৩৪, ৩৭, ৩৮, ৩৯, ৪০, ৪১, ৪২, ৪৮, ৮৫, ৯০, ১৫৬, ১৬৩, ১৬৭, ১৬৮, ১৬৯, ১৭১, ১৭৪, ৫২৭ (ফু), ৬০১ (ফু), ৬০৫ (ফু), ৬০৭ (ফু), ৬২৪ ৬২৫ ।
 ত্রিপাঠী (রাম নরেশ)—১৫৭ ।
 ত্রিলোক সাহ—৪৭ ।
 দত্তাশ্রেয়—১৭৭ ।
 দয়ারামজী (শ্রীশ্রামী সাধু)—১৫০, ১৫৮ ।
 দয়ালদাস—১৪৮ ।
 দলজং সিং খেমকা (ডাক্তার, রায়)—১৭, ২৬, ১৫৬, ১৫৮, ১৬৬, ১৬৮, ১৬৯, ১৭১ ।
 দলপত সাহেব—৫৪৪ ।
 দাউদ (দাদু)—১৭, ১৮, ৪০, ১৩৫ ।
 দাদুকী বাণী—১২ ।
 দাদু দয়ালকী বাণী—১৬ ।
 দাদুপন্থী সম্প্রদায়কা হিন্দী সাহিত্য—১৬ ।
 দাদুপন্থী সম্প্রদায় কথা—৫৫ ।
 দামোদরদাস (ভক্ত)—৪১ ।
 দামোদর দাস—১৪৮ ।
 দারা শিকোহ—১৪৯, ১৫৭ ।
 দিল্লী—৭০, ৭৬ ।
 দৌরাজী—১৭৫ ।
 দুর্লভরাম—১১ ।
 দুলারে সহায় (শাস্ত্রী)—১৬০ ।
 দুর্জনজী—১৭৬ ।
 দৃষ্টান্ত সংগ্রহ (চম্পারাম কৃত)—৫১ ।
 ছৌগু—২১ ।
 ছোসা—২৭, ৭০, ৮২, ১৪৪, ১৪৫, ১৪৮, ১৫৩ ।
 ছারকা—২৮৪ ।
 ছিবেদী (মহামহোপাধ্যায় পণ্ডিত সুরধাকর)—১৩, ১৬, ১৯, ২০, ২২, ২৬, ২৭, ২৯, ৩০, ৩১, ৩৪, ৩৭, ৮৪, ৮৫, ৯০, ১১২, ১৫৬, ১৬২, ১৬৩, ১৬৬, ১৬৭, ১৬৮, ১৬৯, ১৭০, ১৭১, ১৭৩, ৫২৭ (ফু), ৬০১ (ফু), ৬০৫ (ফু), ৬০৭ (ফু), ৬২৪, ৬২৫, ৬৩৯, ৬৫৪ ।
 ধনসুখ দাসজী (মহন্ত)—১৫২ ।
 ধনা—(ভ্র ধনা) ।

- ধরা (ভক্ত)—২১, ৮৭, ৮৮, ৯৫, ১৩২ ।
 ধরমদাস (সাধু)—৫৪৪ ।
 ধর্মদাস—১৫ ।
 ধামাইজী—১৪৮ ।
 ধীরানন্দ—১৫ ।
 নরসী বাহমনী (গ্রাম)—১৩৫ ।
 নরসী মেহতা—১৭৫, ৫৬৪ (ফু) ।
 নরসিংহদাসজী—১৭৫ ।
 নরানা (জ্র, নারায়ণা) ।
 নর্যদা—১৫ ।
 নাগার্জুন—১৭২ ।
 নাথ পন্থ—৩৭ ।
 নানক (গুরু)—১৫, ১৭, ১৭৪, ১৭৫, ১৭৬, ১৭৭, ৬১২ ।
 নানৌ বাজী—৬৮ ।
 নাভাজী—২২, ১৫৭, ১৭৫ ।
 নামদেব—২১, ১৩৪, ১৩৫, ১৩৮, ১৭৫, ১৭৭, ৪১৩, ৫২৫ ।
 নামদেব (মহারাষ্ট্রী)—১৩৪, ১৩৫ ।
 নারদ—৩, ১৭৭ ।
 নারনৌল—৫৪৪ ।
 নারায়ণদাস—১৪৮ ।
 নারায়ণা (গ্রাম) ১৩, ১৫, ১৭, ২৪, ৩০, ৫৫, ৮৩, ১৪০, ১৪৪, ১৪৬, ১৫০, ১৫১, ১৫৫, ১৫৭, ১৫৮, ১৭৩, ২৩২ ।
 নিত্যনাথ—১৩২ ।
 নিত্যানন্দ—৫৮ ।
 নিত্যানন্দবিনোদ গোস্বামী—১২২
 নিষার্ক—১৭৬ ।
 নিরঞ্জন—১৩২ ।
 নিরঞ্জন রাই—১৩৬ ।
 নিরঞ্জন রায়—১৩৫, ১৩৭ ।
 নিরাণা (নারায়ণা, জ্র)
 নিখিল দাস—১৪৮ ।
 নিশ্চল দাসজী (পণ্ডিত) ৪১
 নীমা—১৬ ।
 নেতজী—১৭৫ ।
 পঞ্চেন্দ্রিয় চরিত্র (গ্রন্থ)—১৪৬ ।
 পংচরপুর—৫৬ ।
 পরমানন্দজী—১৭৫ ।
 পরমানন্দ সাহ (ভক্ত)—২২ ।
 পরসজী—১৭৫ ।
 পীপা—৮৭, ৮৮, ৯৫, ১৩২, ১৩৪, ১৭৫, ১৭৭, ৪১৩, ৫২৫ ।
 পূরণজী—১৭৬ ।
 প্রবাসী—১০ (ফু) ।
 প্রয়াগ দাস— ১৪০, ১৪৬, ১৪২, ১৫০, ১৬৪ ।
 প্রহ্লাদ—১৩২, ১৭৭ ।
 ফকির দাসজী—১৭৮ ।
 ফতেপুর—২৪, ৭০, ৭১, ৭২, ১৪৫, ১৪৬, ১৪৭, ১৪২, ১৭৩ ।
 ফরীদজী (সেখ)—২৫, ৫২ ।

কানী—১৫৭।

বগনা—২৪, ২৫, ৩০, ৫৬, ৬১, ৭২,
১৪০, ১৫৩, ১৬৪, ১৭৫, ১৯৩।

বঘেল খণ্ড—১।

বছনাগরজী—১৭৫।

বনওয়ারী (জ বনয়ারী)।

বনয়ারী—১৪২, ১৪৩, ১৬৪, ১৭৫।

বলরাম দাস—১৭৯।

বলদেব দাস বিরক্ত (মহাশয়)—১৮।

বশিষ্ঠ—৫৭।

বসী (বাউ)—২৩।

বসুবন্ধু—১৭৯।

বহাবদজী (সেখ)—২৫।

বহবলজী—১৭৫।

বাজিন্দ খাঁ (ভক্ত)—২৪, ৩০, ৫৮।

বাধা লাল (ভক্ত)—১৫৭।

বালক রামজী—১৪৮।

বালোত্রা—১৫২।

বাল্মীকজী—১৭৫।

বাড়াউদ্দীন (সেখ)—১৭৫।

বিচার সাগর—৪১।

বিজলীজী—১৭৫।

বিষ্ণাদাসজী—১৭৫।

বিনয় পত্রিকা—৩৫৯।

বিমল—১২, ১৫, ৩১।

বিরাট পুরাণ (যোগশাস্ত্র)—৩৮।

বিশ্বামিত্র—৫৭।

৪—৩।

বিষ্ণুস্বামী—১৭৬।

বিসাজী—১৭৫।

বিহারী দাসজী (সাধক)—১৪৩।

বিহারী দাসজী (মহন্ত)—১৫৮।

বীকানের—১৪৩।

বীজক—১৬০।

বীরবল—৮০।

বীরানন্দ—১৫।

বৃচ্চন—১২, ১৫, ৩১, ৩৪, ৩৫, ১৬১,
১৪৮।

বৃদ্ধন (জ, বৃচ্চন)—

বৃদ্ধদেব—১৭৯।

বৃন্দেল খণ্ড—৫৪৪।

বুরাহান উদ্দীন (সাধক)—১৩৫।

বৃশেরা (যোধপুর)—১৫২।

বৃহত্ত্রভাকর—৪১।

বৃন্দাবন—৫২৩।

বেণীজী—১৭৫।

বোহরদাস—১৩৫।

বৌদ্ধ গান ও দোহা—৩৭।

ব্যানারমান (A. D. Bannermann)
—১৫৬।

বাসজী—১৭৫।

ব্রহ্ম সম্প্রদায়—৪২, ৭১, ১৩১।

ভক্তমাল—১৫, ২২।

ভক্তমাল (জগন্নাথজী কৃত)—২৩।

- ভকুমান (নাভাজী কৃত) ১৫৭, ১৭৬ ।
 ভকুমান (রাঘবদাস কৃত)—২৩,
 ১৪৪, ১৫৭ ।
 ভকুলীলামৃত—১৫৭
 ভগবন্তদাস (রাজা)—১৭, ৪৫, ৬২,
 ৮০, ৮১, ৮২ ।
 ভড়কীনাথ—২১ ।
 ভরধরী—১৭৫ ।
 ভরধরীজী (জয়পুর)—১৫৮ ।
 ভকুচ—১৫ ।
 ভর্ষহরি—১৩২, ১৭৭, ৪১৩, ৪১৪,
 ৫৮৪ ।
 ভীমসিং—১৪৩ ।
 ভৌরজী—১৭৫ ।
 ভুবনজী—১৭৫ ।
 ভূঁরকুবা—৫৭ ।
 ভূরসিংজী (ঠাকুর সর্দার)—১৪২,
 ১৫৮ ।
 ভৈবর—১৩০ ।
 বক।—২৭১ ।
 বগহর—১৬, ৩৭৬ ।
 বগুনীখর ছবলখনিয়া—১৮ ।
 বতিরাম—১৭ ।
 বংশেক্সনাথ—১৩২, ১৭৫ ।
 বখুবা—৭০, ২৮৪ ।
 বহান—১৩০ ।
 বরমগ্গহরা—৩৩ ।
 বরমিয়া—৬, ৭, ৯, ১০, ১৩ ।
 বসকীন দাসজী (জ বসকীনদাস) ।
 বসকীনদাসজী—২৩, ৬৮, ১৫০, ১৫১,
 ২৭৮, ২৬০ ।
 মহম্মদজী (কাজী)—১৭৫
 মহম্মদ (সুলতান)—৫২, ৫৩ ।
 মহম্মদ—২৬৫, ২৬৬, ২৭৬, ২৭৭ ।
 মহাবলী—১৩, ১৫, ৮৪ ।
 মহানির্বাণ তন্ত্র—৫২৬ ।
 মাখুজী—১৪০ ।
 মাতাবাঈ—৬৮ ।
 মাধোদাস—১৪০, ১৬৪ ।
 মাধোদাসজী (ভকু)—১৫২ ।
 মাধোকানী—৩৮ ।
 মানসিং—১৭, ৬২, ১৫২ ।
 মার্কেণ্ডয়পুরাণ (অমৃতবাদ)—৪১ ।
 মিশ্রবকু বিনোদ—২৯, ১৫৭ ।
 মীন (নাথ)—১৩২ ।
 মৌরাবাঈ—৬০৬ (ফু) ।
 মুকুন্দ ভারতীজী—১৭৫ ।
 মুহম্মদ—১৩৭ ।
 মুহম্মদজী (কাজী)—২৫ ।
 মুসা—১৩৭, ২৬৬ ।
 মোতিরামজী—১৫৮ ।
 মোতিরামজী মহন্ত—২২, ৩০ ।
 মোরী—১৪৬ ।
 মোহনজী—১৪৩, ১৫৩ ।
 মোহনদাস—১৪০, ১৪৬ ।

- মোহনদাস (মেঘাড়া)—৩৮ ।
 মোহনদাসজী মাধু—১৯ ।
 মৌলানা রুমী (হু জ্বালানুউদ্দীন) ।
 যাজ্ঞবল্ক্য—১৩২ ।
 যুগলকিশোরজী বিরলা—১৫৬, ১৬৭ ।
 নট্টদাস (রঘুদাস হু) ।
 রংগজী—১৭৫ ।
 রজ্জবজী—১৬, ১৮, ২০, ২১, ২৪, ২৫,
 ২৬, ৪০, ৪৮, ৪৯, ৬১, ৬৭, ৬৮,
 ৭১, ৮৮, ৯২, ৯৭, ১২৮, ১২৯,
 ১৩৫, ১৪০, ১৪১, ১৪২, ১৪৬,
 ১৫০, ১৫১, ১৫৩, ১৫৮, ১৬৪;
 ১৬৫, ১৬৬, ১৬৭, ১৬৮, ১৭৪,
 ১৭৬, ১৭৭, ১৭৮, ১৭৯, ১৯১, ১৯২
 ৪৫০, ৪৪৪, ৪৪৬ (ফু), ৬৩৩,
 ৬৩৪ ।
 রজ্জবজী কী বাণী—১৪২ ।
 বক্তিয়া (পক্তিয়ানা)—১৪২, ১৪৩,
 ১৭৩ ।
 বণীমা—১৭৩ ।
 বসিদাস (রঘুদাস হু) ।
 বনোজনাথ (ঠাকুর)—১০, ১৬০, ১৯২,
 ২৪০, ২৯০, ৪২৯, ৬৩৭, ৬৪০ ।
 বহরাজী—১৭৫ ।
 বসীম খানখানী—৬৪৬—৬৫৩ ।
 বাঘরদাস—১৭৬ ।
 বাঘরদাসজী (মন্ত)—৩৮ ।
 বাঘোজী—২২ ।
 বাধা—১, ৪২৮ ।
 বাধামোহনলালজী—১৭৫ ।
 বাধাম্বামী—৪৪১ (ফু) ।
 বাম—৫, ৭ ।
 বামকরণজী—১৮, ১৫৮, ১৬৫ ।
 বামকৃষ্ণদাসজী—১৬৫ ।
 বামচন্দ্র গুরু—৬৫৪, ৬৫৫, ৬৫৬, ৬৫৭ ।
 বামদাসজী—১৮, ১৪৮, ১৫৮ ।
 বামমোহন রায়—৯ ।
 বামপ্রসাদজী (মহন্ত)—১৬, ২২,
 ১৫৯ ।
 বামলালজী—১৫২ ।
 বামানন্দ—১২, ৩৪, ৯২, ৯৪, ৯৬,
 ১৪৩, ১৭৫, ১৭৭, ৬১২ ।
 বামাসুজ—২৭, ৯৪, ১৭৬ ।
 বামায়ণ (তুলসীদাস)—২৭, ২৮ ।
 রঘুদাস—২১, ৫৬, ৮৭, ৮৮, ১৩২,
 ১৩৪, ১৭৫, ৩২৬, ৩৯৭, ৪১৩,
 ৫২৫ ।
 বোহিতক—৫৪৪ ।
 লক্ষণদাসজী (অবধূত)—১৯ ।
 লক্ষ্মীদাসজী বৈষ্ণ—১৫৮ ।
 লহর তলাও—১৬ ।
 লাড়কানা—৫৪৪ ।
 লালদাসজী—১৮ ।

- লালশোধ—১৫৮ ।
 লোদী—২৩ ।
 লোদীরাম (লোদীরাম)—১৬, ১৭, ১৫৫ ।
 লোহর বাড়ি (গ্রাম)—৫৩
 শঙ্করজী—১৪৪ ।
 শঙ্করদাস—১২, ৩৮, ১৪০, ১৬৫, ১৭৫ ।
 শঙ্করাচার্য—১৪৪ ।
 শঠকোপ—২৭ ।
 শাহপুর—৪৭, ৪৮ ।
 শিব—১৩২, ১৭৭ ।
 শিবনারায়ণ সুরক্ষমল নেয়ানী (শেঠ)
 —১৬৫ ।
 শিবভক্তনজী (বিদসরী),—১৫৮ ।
 শুকদেব—৮৭, ৮৮, ১৩২, ১৭৭, ৪১৩ ।
 শুকহংস—২১ ।
 শূন্তপুরাণ—৫৮৪ ।
 শেখাবাটী—১৪১, ১৪৪, ১৪৬, ১৬৫ ।
 শেলি (Shelly)—৫, ৬ ।
 শ্রামদাস—১৪৮ ।
 শ্রীকৃষ্ণ—৪২৮ ।
 শ্রীকংগজী—১৭৫ ।
 সচল শাহ—৫৪৪ ।
 সচ্চিদানন্দজী—১৪৩ ।
 সতীদেবী—১৫৩ ।
 সন্ন ভক—৫৬ ।
 সনকাদিক—৮৭, ৮৮ ।
 সন্তদাস (ভক)—১৪০, ১৫২, ১৬৫, ১৬৬, ১৬৮, ১৭৫ ।
 সন্তা বৈরাগী—১৭৫ ।
 সর্বৈয়া (গ্রন্থ)—১৪৭ । (স্তম্বর বিলাস প্র) ।
 সরমদ (সাধক)—১৪২ ।
 সর্কারী—১৭৪ ।
 সহজানন্দ (গ্রন্থ)—২৩, ২৪, ১৪৫ ।
 সাকানের—১৪৩, ১৪৬, ১৪৭, ১৪৮, ১৫৩, ১৭৩ ।
 সাধুজী—১৪০, ১৭৬ ।
 সাধের—১৭৩ ।
 সাধুর—১৩, ১৭, ৩১, ৩৫, ৩৬, ৪৪, ৪৬, ১৪০, ১৫৮ ।
 সারীজী—১৭৫
 সিকন্দর লোদী (বাদশাহ)—১৩৪ ।
 সিডন্স (G. R. Siddons)—১২, ১৫৬ ।
 সিব্রমজী—১৭৫ ।
 সীতা—২৩২ ।
 সীহাজী—১৭৫ ।
 স্তম্বরজী—১৬৭ ।
 স্তম্বরদাস পংডেলা—১৫৮ ।
 স্তম্বর দ্বিবেদী (প্র দ্বিবেদী)
 স্তম্বরদাস—১৫, ১৬, ২০, ২২, ৩০, ৪০, ৮৩, ৮৪, ২৩, ২৪, ২৫, ১২৭, ১২৮, ১৩১, ১৩২, ১৪০, ১৪৪,

নাম-সূচী (বর্ণানুসারে)

৬৭৩

১৪৫, ১৪৬, ১৪৭, ১৪৮, ১৪৯,	হরপ্রসাদ শাস্ত্রী—৩৭ ।
১৫০, ১৫৩, ১৬৪, ১৬৫, ১৭৬,	হর রায়—১৪৯ ।
১৭৭, ১৯১, ১৯২, ৫২২ ।	হরড়ে বাণী (গ্রন্থ)—১৪০, ১৬৭ ।
সুন্দরদাস (বড়)—১৪৩ ।	হরিদাস (নিরঞ্জনী)—১৫৪ ।
সুন্দরবিলাস—১৪৭, ৫২২ ।	হরিষার—১৪৩ ।
সুভাষিতাবলী (বল্লভদেব)—৬৩২ ।	হরিনারায়ণ পুরোহিত—৩০, ১৪৫,
স্বরতগোপাল—১৫, ১৬১ ।	১৫৮, ১৬৫ ।
স্বরত, বেগমপুরা—১৬, ১৭ ।	হরিপ্রসাদ পীতাম্বরদাস মেহতা—১১ ।
স্বরদাস—১৭৫ ।	হরিপ্রসাদ ব্রজরাজ দেশাই—১১ ।
স্বরজপ্রকাশ (গ্রন্থ)—১৪৯, ১৫৭ ।	হরি বিট্ঠল—৫৬ ।
সেনা ভক্ত—২১, ৮৭, ৮৮, ৯৫, ১৩২ ।	হরি সিংজী—১৪০ ।
সেলিম চিশতী—৭১ ।	হালি পার (হাড়ীপা, হালিপা,
সোজা (ভক্ত)—৮৭, ৮৮, ৯৫, ১৩২ ।	হাড়িকা)—১৭৫ ।
সোমজী—১৭৫ ।	হবা—২৩, ২৪, ৪২ ।
স্বামী দাদুজী কো আদিবোধ সিদ্ধান্ত	হিন্দীভাষা—২, ১০ ।
গ্রন্থ—৩৮ ।	হিন্দীসাহিত্য—১ ।
হন্টর (Hunter)—১৪৪ ।	হীরামালজী (পণ্ডিত)—১৮ ।
হরদাসজী—১৭৫ ।	হোপকিন্স (E. W. Hopkins)—
	১৫৫ ।

এই সূচীটি আমার পরম স্নেহ শ্রীযুক্ত পণ্ডিত হাজারীপ্রসাদ শিবদী
মহাশয়কৃত । এইজন্য তাঁহার নিকট আমি নিরতিশয় কৃতজ্ঞ ।

গানের সূচী

অখিল ভাব অখিল ভগতি	৫৭৮	তিস ঘরি জানাবে	৫৮০
অজহঁ ন নিকসৈ প্রাণ কঠোর	৫৪৫	তুম বিন ব্যাকুল কেসবা	৫৪৫
অম্হা ঘরি পাহনাঁ যে	৫৫৭	তুঁ হী তুঁ গুরুদেব মোরা	৫৫৩
অলহ কহৌ ভারৈ রাম কহৌ	৫২৭	ভুম্হ বিচ অংতর	৬০৬
অলখ দেবগুরু দেহ বডাঈ	৫২১	তুঁ হী তুঁ আধার হমাৰে	৫৫৪
অলহ রাম ছুটা ভরম মোরা	৫২৬	তুঁ হৈ তুঁ হৈ তুঁ হৈ তেরা	৫৪৭
আজি পরভাতে মিলে হরিলাল	৫৭৬	তে কেম পামিয়ে রে	৫৬২
আদিকাল অস্তিকাল	৫৫২	তেরী আরতি এ জুগি জুগি	৫৮২
ইব তো মোহিঁ লাগী বাঈ	৫৪২	দরসন দে, দরসন দে	৫৭৩
ইহি বিধি আরতি রাম কীঈজ	৫৮১	দাদু মোহিঁ ভরোসা মোটা	৫৬২
ঐসা জনম অমোলিক ভাঈ	৫৪৬	নমো নমো হরি নমো নমো	৫৭১
কাদির কুদরতি লখী ন জাই	৫৮৪	নিরঞ্জন নাউকে বসি যাতে	৫৬৪
কাহা মাঠেঁ হৈ আকাশ	৬০১	নিরঞ্জন যুঁ রহৈ	৫৯২
কোঁা করি ইহজগা রচৌ	৫৩৮	নিরাকার তেরী আরতি	৫৮১
কোঁা বিসঠের মেরা প্যারা	৫৫৬	নীকে মোহন সৌঁ প্রীতি লাঈ	৫৭০
কোন ভাবতি ভাল মানৈঁ	৫৮৭	পংখীরা পংখ পিছানাঁ রে পীবকা	৫৫৭
কোন সবদ কোন পরখনহার	৫৮৯	পীরী তুঁ পান পসাইরে	৫৬৫
গোবিন্দ কৈসেঁ তিরিয়ে	৫৫২	পীব ঘরি আঠেঁ রে	৫৫৪
জব মৈঁ সাচে কী স্মৃধি পাঈ	৬০৫	পৈরত থাকে কেসবা	৫৫০
জৈ জৈ জৈ জগদীস তুঁ	৫৬২	প্রেম বিনা রস ফিকা	৬০৪
জো রে রাম দয়া নহীঁ করতে	৫৫১	বোরী তুঁ বার বার বোরানী	৬০৩
তব লগ তুঁ জিনি মাঠের মোহিঁ	৫৫১	ভগতি মাংগৌ বাপ	৫৬৩
তহঁ খেলৌঁ নিতহীঁ পীব স্মৃকাগ	৫৭৬	ভাব কলস জল প্রেমকা	৫৬০

গানের সূচী

৬৭৫

ভেখ ন রীজৈ মেরা নিজ ভর্তার	৫৪৮	সরনি তুম্হারা আই পরে	৫৬৭
মন অরস তৈঁ ক্যা কীয়া	৫৪৭	সরনি তুম্হারে কেসবা	৫৬১
মন বৈরাগী রামকৌ	৫৫৬	সহজৈ হি সো আবা	৬০৭
মারো লাগি রাম বৈরাগী	৫৬৬	সাথী সাবধান হৌই রহিয়ে	৬১০
মুরা হী মাইই মৈঁ রহুঁ	৫৯২	সাধ কহৈ উপদেশ	৫৫৮
মেরা গুরু আপ অকেলা গেলৈ	৫৬৭	সুন্দর রাম রায়া	৫৭৭
মেরা মনকে মনসৌ মন লাগা	৫৭৪	সো ধনী পিবজী সহজ সবাঁরী	৫৪৯
মোহন ম্হারা কব মিলৈ	৫৭৮	সোঈ রাম সঁভালি জিয়য়া	৫৭৫
মৈঁ নহি জানৌঁ সিরজন হার	৫৯০	হম থৈঁ দুরী রহী গতি তেরী	৫৭২
যে প্রেম ভগতিবিন রহৌ ন জাঈ	৫৭৯	হরি রংগ কদে ন উতরৈ	৬০৮
যে সব রচিত তুম্হারে মোহনা	৫৫১	হে হরি মলুঁ ম্হারো নাথ	৫৬৯
সজনী রজনী ঘটতী জাঈ	৫৫৫		



